

叢書集成三編 第四二冊目錄

文學類



詩別集——明

禪悅小草十八卷(自卷十三至卷十八).....	明	劉鳳撰	劉侍御中	圖	〇四二	〇〇一
客建集四卷.....	明	劉鳳撰	劉侍御中	圖	〇四二	〇九七
越攬編一卷.....	明	劉鳳撰	劉侍御中	圖	〇四二	一七一
眉公詩鈔八卷.....	明	陳繼儒撰	眉公中	圖	〇四二	一八七
雪鴻堂蒐逸四卷附錄一卷.....	明	謝三秀撰	獨山莫氏中	圖	〇四二	三一五
	清	莫友芝編				

詩別集——清

鈍吟集三卷.....	清	馮班著	馮定遠		〇四二	三五一
桴亭先生詩集十卷.....	清	陸世儀撰	陸桴亭台		〇四二	三七一
香儷園偶存一卷.....	清	冒襄撰	冒氏台		〇四二	五二五
寒碧孤吟一卷.....	清	冒襄撰	冒氏台		〇四二	五三五
樸巢詩選一卷.....	清	冒襄撰	冒氏台		〇四二	五四五
巢民詩集六卷.....	清	冒襄撰	冒氏台		〇四二	五七一
鑄錯軒詩葺一卷.....	清	冒襄撰	冒氏台		〇四二	六四五
寒碧堂詩葺一卷附錄一卷.....	清	冒嘉穗撰	冒氏台		〇四二	六五五
枕煙亭詩葺一卷附錄一卷.....	清	冒丹書撰	冒氏台		〇四二	六七七
前後元夕讌集詩二卷.....	清	冒篔簹撰	冒氏台		〇四二	六九九
小三吾亭詩集四卷.....	清	冒廣生撰	冒氏台		〇四二	七〇九



劉子威禪悅小草下

本書承國立中央圖書館借用影印

謹此

致謝

新文豐出版公司 謹啟

劉子威禪悅小草卷之十三

白鳳山房記

長



沈大夫著節當世名聞休甚其所守官未嘗不治非獨敢擊斷孤立抒一意為要在條舉章程準量繩直以軌裁化育端無端度尺或盡或不盡辟不如憲者故其為政或似峭嚴以厲威然而夷易簡允自謂便人之仁寬身行恕所至或流連山水賞好相命或為亭榭以偃息暇豫而禪悅小草 卷之十三 其介廉潔清不受俗之汶汶氣磅礴宕迭凌厲邁上放越千載間未有足當者故以此數誦迺獨立慎以效其節雖已進九堦踐卿列而視之如浮雲退而讀書就李名所居曰白鳳山房蓋以揚子雲默而好深湛之思夢吐白鳳以自況也夫以公之意寄出蕭寥上而踰淚溼表故橫睨傲岸飄忽震宕是惟無所措之使有所出而安往不快意恣睢愉懌昌肆者即揚子雲為文辭其亦究研覃極窮情盡思訪諮抽譯遍索之

古而猶以緹素從輪軒使者記方俗語言以彼其勤勤而所得亦僅此耶劉歆嘗索其書至以死謝此尤可笑而在當時已好之者鮮若沈大夫其耿著於世炳耀乎無窮爛若日星之昭垂於天河漢之播分奔潰蕩滌也蓋世皆震焉而與夫翳晦不之信欲勢之名卿而不可者豈所與語先後哉公蓋已極章明光耀而念若執戟者陸沉於時獨鏤肝鉢心剝其思著空文作長揚羽獵以示微諷州箴法言玄經皆以寓行道寔德誨迪開導者然大夫才淵而廣肆以閎麗思濬發而悠長以窅深所韜含淳蓄渾涵漸漬蕙該淹裕受之天者若是厚醇而又能充之至於盡故所著為文皆經世締俗鑿之金石垂不朽其氣之沉雄則與西京上下比興之作尤極風人之致若在恩平而與其人士夷猶曠蕩不患苦其俗發詠焉皆亢爽激烈多清角音他所歷及在滁在告之作無不春容和雅白鳳吐輝光爛四溢有由然哉有由然哉然吾謂此非大

夫所宜勗也。今天下之望懸於二三臣所謂國之幾臣繫時緩急濟彼殆危而匡其越失以言議持國是衡量輕重而進退何孰之者也。雖在野而猶謂國有人焉。非謀也不待立不待所爲之立也。所爲與所不爲相疑也。而名實顯出焉。則所莫安鎮定豈辟倖異轉者類哉。大夫今居恤其少安輔養威儀乎。白鳳之房聊以沉酒六藝醞釀羣籍抒發於恬墨削方不徒菁藻麗嫺辭采泐艷以玩弄畜也。其體裁於殷周誓誥而

禪悅小章

卷之三

三

規度於晉楚詞命作訓戒乎來茲以平政令寄典刑刊裁故府之憲而布昭之。是日以須矣。他時和氣充作殊祥異瑞紛紜乎前而鸞鳳萬舉翔集苑囿是所取於茲名者庶有徵乎哉。

雲館泉石記

上海俞君子如罷爲吏歸得奉親歡自謂竭所養生平願畢矣。俄而喪其親感可知也。管所以安體魄者兆既從顧貧無貲鬻所居園廼克舉其廉哉。視一馬不全而至累萬者爲吏之效何

如也。既廬其旁若將云孝子之身終也者從闢地且濬鑿幾沼焉得罇焉。泉泊泊出且應潮汝作夫泉之正出者盪斯其自罇涌焉。公羊所謂直出者與夫靈長者水德也。竈而得泉是將兆俞之衍繹蔓延無窮哉。且瀕海烏鹵胡得甘冽潔焉其感靈效祥爲俞君孝德能及厚地故忽而致茲泉之應。棟流其鍾毓韞蓄靈氣之所磅礴有待而啓謂之無所自不可復有奇石棄在田間將徙之衆憚其重莫勝試舉之不數夫力旋至若有相者此天以泉石畀君游息焉。而君名其館曰雲館泉石。皆以雲命著不忘乎親之思哉。且介純誕戎至性也。錫羨畀予貺賜也。俞君始之爲子也。惟知所以致孝於家。既而出其身奉職官下。豈有顧哉。迺一不當輒罷歸而誠節已凜若庸未盡效之而亢之以崇議是亦激橋者過耶。然一時喜名之士爭附俞君。雖徒步歸自謂適所願而天亦陰相之。靈泉發於廬左是其格乎通乎上下與夫有孝德以升在位俞

禪悅小章

卷之三

四

君即且用其所未盡以 尊主庇民泉石非所以宴安而逸豫也浣焉漱焉以浴德取新厭飫焉是將稔之以潛深茹虞菝濯漑滋流覃漸漬使其澤足膏潤四海而康濟之豈徒休俞君於優遊林谷哉予何用知俞君即其孝思於命名間識之矣

徐氏義役二田記

夫古者保姓受氏以守宗祊累千百世無替者豈惟其德能及遠哉亦所以為慮安之者父也

禮記

卷之五

五

且此羸者吳也而賦上上繇之不時我於是困弊甚矣大史氏檢菴少宰固慨然興念將欲惠利之無窮然施由近始必使其閭黨諸以更調應者有所藉為力則易故受田為畝者三百籍以為公田立之田正計其入十之七以資掌賦者三以資比長徐既以田籍則後凡為役以其家免焉此則閭左之調集於是乎紓矣又受田畝三百擇族之能任者司焉則凡族之饗而待以舉火者以婚姻者以疾病艱危殯藏者咸於

禮記

卷之六

六

是乎資而又推其餘以惠諸困窮則凡失其所者皆援遂之所及者普哉蓋傾千餘金以售田之上飫者俾世為其里中及其族屬永有憑依少宰以博濟遍覆為量將舉斯世於阜庶裕康之域斯舉也固推恩之序故初請於邑請於郡請於撫監使者下其議既詳贍委悉然後列為左券具建置初終付所由掌焉曰廩曰積曰佃者與丘井畝疆洫遂皆詳識之無得有所移易變置其規措經構闢造敷遺遠為保我子孫黎民計厚哉其用情也歟夫君子統同辯異性從宗合族食必由親逮疎自近及遠則未知其為數世之仁與其諸君子矯時之薄而反之厚與未不亦迴宣靖之風而惇純固和樂也夫惠本而後民歸之志神降之福君子之為必有顯懿以彰之物則者也故言仁必及人言義必及利言忠必及愛言制必及遠言教必及衆言惠必及和若少宰之所措施皆為生民厚利為時建無疆惟休豈特為其軌里連鄉族之人恩哉然

京陵淳鹵之夫縞厥耒以闢剪疆蕪思其德必稱其人朝夕誦之升聞於天將永其世而豐其年食其報豈有量哉昔范氏為義田吾郡今數百年澤存焉少宰作而益光於前於錄為一書於族為一書允哉其慮之久也不特私於族而公之鄉人加范氏一等矣少宰今徙居義興山中而猶眷眷反顧在禮君子去地必反巡過其故鄉翔迴焉雖累世未之有改也其斯之謂乎予族子有為少宰子姓者以周君來請予為記

禮悅小章

卷之三

七

其事遺之後

問涯館記

夫君子學以致道道有涯哉彼其昏眊怳惚渾茫冥昧思之不可及者也冲融沕穆陶冶於氣初幾之不可審見者也遠微與幽淵隱沉謐測之不可極者也彌覆充遍衍溢膠盞探之不可所底者也澆入淹徹淪至比密析之不可得其端緒者也敷施滌蕩畔渙旁作泛乎不可形埒者也繫象之表聲貌之初磅礴於坏造之不可

測者也虛寂之宗緬邈亭毒性鍊之不可該綜者也精稜厲滯悖戾糾繆變之不可推度者也榮衰損益晷運延促數之不可稽詰者也故研臆辟閉務砥竭其蘊含銳思凝神專慮獨絕務鈞致其深靚剖判於象列之繁苞舉於蒸生之表務簡覈其衢途斟裁制量參擬贊諧考衷度衷務協和於庶虞嚙吮耽嗜襲述統緝搜剔刑黜務整齊綴拾其佚遺若夫窮載籍以來闢造之始賢聖所闡揚詩書所宣著覽尋究觀諷詠鑽求考質咨問竭髦髦之思不舍晝夜者欲陟其流而窺其涘也雖舉世從之其能有無所遺憾者哉宗人詠其讀書所予題之問涯且為之記夫即其明敏聰睿開朗超縱盛年厲往其欲窮涯涘殆庶幾哉自其父參政君以上世以科名顯即今之程士以誦通所試藝視往者雖欲稍進於宏博然故箋箋傳註博士家言專經自名其說未覩其恢然者也乃獨能有意乎哉年方茂而力又加之則於學也何有往時有楊先

禮悅小章

卷之三

八

生君謙少登第家故饒以供讀書費貧其所致書多今未見予少時扣之已八十餘書亦已散逸然縷縷能誦憶今時游士哢哢以口凌人則其家故無書何以成學問哉故沽以其畧言之則商周以上書既不可求秦漢以來至於隋其籍亦繁矣是皆所當遍覽者先之六經以爲本業而及子史百家無不通究又溉沐之以諸文士所綴以掇其鮮華則道雖無涯吾所知亦無涯於是乎可問哉然此持望洋始耳若性命淵

禪悅小章

卷之三

九

微之理玄之又玄廣之又廣欲求悟入非宿植累其感會不可且予讀書少楊先生而世之以文章舉大名其讀書復未能有予之一而已聳聞於時此亦以倖幾耳故名山澤之藏故家餘裔或有所存予至今訪求未替也爾其識吾言乎至於參請禪德求悟通紹宗乘吾且方從事未敢遽語爾也

書所藏先世卷後

竹深府君後卷序者大學士胡廣圖者沈恒吉

詩則臨川王英鄒緝陳循逃虛老人無名圖書太子少師又周述王孟端黃壽生陳用勉章炳如胡子昂賦則張時王璉汝嘉又一序在後林符顧餘慶周瑄周震盛暄應期謝表賀元忠賀泰曹鎬何天衢王鏊朱昂朱臣劉杲劉桐顧山題

又一卷前有圖詩余鼎陳全許鳴鶴皆長句吳嘉靜黃守謝縉黃福鎰季篴陳耘董子莊鄭雍而高穀則大學士蕭時中則八座也蔣昂周崇

禪悅小章

卷之三

十

厚金闕胡靚張益陸得舉後記則劉立又贈竹深一卷序王賓詩王廷珪劉斌呂方印遠錢紳盛繼成文禧周谷賓徐範盛寅趙宗禮蕭規朱逢吉江清之李濂孫 鄭閔楊謨陳衍何傳謝縉許觀

退軒府君德讓一卷記者同郡鄒顯道題趙丹林畫者俞貞木正書其後者杜恒勝遠詩則會稽徐用誠及邊節又余思恭題又詩大學士楊榮胡儼楊士奇曾繁余鼎鎰韶高廷禮林誌

黃壽余學夔趙宗文記者王璉詩金幼孜沈度周述張洪錢習禮羅汝敬吳文定公寬跋真蹟也

假菴宗器府君一卷題之者程南雲草書則夢鶴行草張子俊余孜又草書曾祭又真書高穀又楊景衡行草金問小東文昭蘭亭趙彥瑞行草醉翁亭記又友雲蘭亭黃卓行草又周尚文黃煇張樞真書

又予宗竹深府君孟功永樂初辟召上贈行卷

禮悅小章

卷七

上

陳宗淵為之圖序之者莫士安天台葉冲吳郡周傅天水趙文詩首韓公望繼張汝孝揚芳張齡滕用亨嚴顯金聲沈澄盧儒後序則金問又有一二僧詩數君者人鮮知之彼其人皆時賢也公望與問則顯著宗淵亦頗有傳者府君則退軒府君德讓之子退軒於洪武間辟

王安石

異哉介甫之僻也其人君子耶宜厚於賢者而薄於小人抑小人耶固無論矣跡其生平固廉

清介厲高自措無可能動者其才又絕人究精於學術若人情物理無不諳解所謂利便亦似知之其所議法利害參半非盡乖戾者獨滯偏強摯狠疾猜忍悉舉其仁厚之澤掃除之而以新法為之厲階一時異議者皆斥逐譴放一舉而空人之國跡其素所與游亦似知其為才賢而以不可已無所顧惜而引用羣邪若呂惠卿呂嘉問張諤鄧綰諸人此其中於同異中盍不少加察彼其人豈有見於已合而能助成吾所為抑見其不可而不肯徇已哉於斯二者則當辨其人素君子耶抑小人耶可以鑒已之得失而從違廢置予奪進退宜少加意矣而於素所賢而拂已者畧不惜逢意朋附者雖心輕之而遽登用及事之妨於國勢有必不能遂度不可而委去則又以險傾之人寄之政迨其既得志而欲沮其復用則返戈攻之矣得復召猶思有所效而前所委信者皆已背去而新所用又力不能任繆盩如此此其中亦有省悔追憾耶

禮悅小章

卷七

上

悟前之非則無以自謝於諸賢欲更之以補緝彌塞圖脩復舊法之善者而削其新之為厲階以自免又無所出於此不知所為計矣幸得復罷而宋之階禍從此以至於亂則人不得不以姦邪目之而舉其平生盡失之矣惜夫既無貪黷媚寵擅利怙權專恣放侈空人家國之念而蹈异害妬刻褊中多猜之罪與古之姦回同命孰知其中固亦恬靖無求有非常之節而卒墮於無所自釋而忍默默私處耶故亦亮之曰其

禪悅小章

卷七

七

學術欲以強國尊主攘狄興治建霸王之業而卒以開隙兆微萌亂納侮謂其心之所欲則不可而勢之趨不能効則雖欲為之辭亦何以自解乎

王安石

世固有心是而跡甚繆者有跡雖未顯心偽而奸者有知不能及者有知及之設為甚僻潤非而不顧者有迫於不得已者有無所為而為者以是數者而詰介甫則可以蔽其罪於司寇上

下服矣夫宋之神宗則有志於造業開統者矣而介甫亦自謂不世才可以棟構匡濟佐世不徒然者欲舉其舊悉掃而更之夫舊有可變易有不可變者亦自云與帝議之審而後行然未見有一事當於人心而不沸然靡潰者即舊在政地與預聞國議者其人多一時之良也既不與共貞而專已狼剛褊隘不能容其有攻已之短矯策救助者忿然見於色必逐之遠而羣小附和者甘受其敝且不知其人可也中亦有知

禪悅小章

卷七

七

其非才而姑以新厠舊悉為我排去之是誠何心哉謂其無意於國家而徒快已耶則不爾也神祖嘗有舉燕雲恢河隴之念故雖有徐禧沈适之敗而其志則經營大業非偷安者嘗造一舟猶以為祖宗未嘗御卒不用其勤勵如此而介甫亦非燕安荒怠溺志者而措施如此是猶為人輔養乃舍其稀苓而引鈎吻狼毒曰吾以剛劑幾效也其人朝引而夕斃是安得謂非進餌者咎哉即介甫之為皆不顧人所不能勝而

爲之而可以其無心焉委者則人主亦安所託
國哉傳固云謀人之社稷危則死之謀人之軍
旅敗則亡之安石於此雖以死謝尚無所及而
得優游去之此所以遺罪至今謂天有佚罰者
乎蓋由其所進用諸人卒以紹述破壞元祐之
治而宋遂以幾亡故人不罪悖卞而追罪始之
者尚亦以其有心焉爲之抑不虞其致是而然
耶故當之以上服雖欲以八議定其辟而終不
得以罪疑輕之也

禪悅小章

卷之五

五

通治

世之言治者至於今而詳矣法令日修良吏日
起四方利害日報聞於上中外之情無所壅隔
蔽匿不洞達融通無間者然而我鄙野慘慘日
悴凋燼荒瘵敝殘空匱民食一升之食而且不
繼枵餒嘆咨流離竄逸不能安其田里者相望
也此雖爲之上者極覃竭砥焦心苦體遑遑枵
枵嚴嚴鮫鮫盡所爲圖濟一遇水旱輒自貶損
跣行匍匐暑不張蓋身暴烈日爲民請命使者

撫監方國勢不得不重而且下同羣吏以示表
率雖詩書所載拊循勞徠鮮茲刻苦精厲之至
矣天猶爲霽悅感孚無不可回之玄造然而困
瘁未能盡興單弱未能遂立眇小不能兼濟窮
獨不能自存往歲屢歉人皆強支乞活所謂餓
皮及骨充腹啖肌是其爲隱憂如之何哉今已
數有請於 上蠲賦省徭已責行貸賑餓發
廩出粟爲粥無不用矣然濟於一時非可以持
久且國之經費歲有常勢不得不征雖免之而

禪悅小章

卷之五

五

思之逮有及有不及雖盡無征然尚何救夫東
南所恃惟在天時庸可必者不能盡竭人力以
備旱淹一有不虞至無所措手假令歲之不時
日甚一日有若湯堯數年之變者民信無子遺
如雲漢之詩乎嗟乎天之所助者順也即我忠
信之長仁厚之政必無慮者然自古極治之世
無若商周商既中微而周自成康後亂不勝言
繼而惟漢與唐皆未有若今久安長治者顧以
法制之善上下相維前後相顧相引勢不得興

大吏之在外者雖極假之權然每事必請不若昔之得專斷也雖握兵之將猶無尺寸之籍故無敢有萌異志畔渙者勢使之然也至有一夫呼於伍遂挺而起成沸潰者又亦終不敢閉城門劫府庫若前之大同近之浙初雖忿逆已乃遷延披靡故得入而解散之且不能逃逸而坐以待戮此非牽於拘制之勢而迫於臂指之應則亦未至此其處分之善而規置之密綦布星聯不可驟動也况彼僂懦羸疲萬慮者然若

權枕章

卷之三

七

往時夷寇之侵連歲不解宿兵屯戍靡費不貲而屠戮亦不可勝計今而晏然無風波之警尚以為難而况堪往者之役乎此則人皆恃我賢明之在上天日之照臨而已庸復有能為之計者乎然而圖變彌亂塞罅杜萌除隙戒微削其蠶孽而剪其根蒂株連族舉不可一日不為之所者是長吏之急而封隅之重也黃帝書曰上下一日百戰言俟間投瑕變不可預度而庸無慎乎又曰上失扶寸下得尋常嗚呼是不可

不懼也

簡非

夫媚寵而怙私者邪僻之自為得不知其蹈覆亡之幾也狠剛而戾嫉橫恣雖無所不逞其及也能幾何哉是其資之憤惡暴強一時邁會逢適竊叨非據夫亦天僻之以盈其願乎且其始之也非遽以是先之也必矯厲以奉其名清身以示之操刻約以示之守介立以為獨行敢行以市其直不取以沽潔廉之譽而其飾私匿已

權枕章

卷之三

十八

誣善侵欲恬爵祿以為高好佞反而意人以變好名而無實析法令而事小察痛言人情以驚時之耳目故一時咸謂之臣也監監坎坎廉廉然其風利可以格正董率弼違匡又不與眾偕合同塵和光者乎雖有忤觸凌犯而遭抑折放棄斥逐然其自憑負愈甚而盛氣逸忿奮發無前暫抑於時而戢斂退遜歸過於人而自為名若能外寵榮遺當世而甘長往者然其熱中合慍不能一日忘其適遇際處會簡立登進踐位

而迪則將盡反其前之飾貌莊已端厚之態而
放行昌肆昔之所以為名者一舉而廢之所以
詰責人之愆違誦言以攻排之視以為邪非儉
險離度絕理一嘗切齒憤激力詆之矣而忽不
覺身之所為殆與之同而悖亂狂惑出於突然
其來侈驕溢盈濫觴於前而更甚之始之謂何
而卒之若此也古記云有非之異有不然之異
有其異也為其同也有所以為異者濟其同也
故曰乃異而然乃異而不然名之曰遷然遷也

釋名草

卷之七

九

而術不同善為遷者其用既藏道陰見陽左右
既立開門而當勿變勿易與貳俱行不善為遷
者不能深其深淺其淺益其益損其損洋洋乎
意之得且也有所拂悻悻然曰是辟侔畔戾多
方殊類吾茲也敢誰不敢者方且內膠外閉繆
結而不可解故有一害而一不害一是而一不
是也者其遷有以取之其取之也同其所以取
之不必同是皆易見而彼固未嘗昏眩罔惑蔽
之甚也而所出皆安之以為無患人初猶駭疑

已而習之側目而視齟舌不敢言而怨銜於曾
猶謂何其立行之異而異之不異顧同焉而過
之者何居然是不難辨也昔固有舉孝廉而奸
暴專國謙恭好士而虐亂反覆為戎首者是可
以其先之行槩其後哉故俱進俱退皆應皆對
而詭動妄施變慮側行頰頰然與時偕化而起
勢以藉羣衆詐善以公為竊非分故曰前飾者
道之華也而愚之首也孔子之所謂五誅而韓
子之所謂蝟於國者也是獨不虞其身之及而

釋名草

卷之七

九

遂非若此乎為政者遏絕於初而重譴於後不
以偽罔覆脫其庶幾也

質慎

慎之為道遠矣故事愈大則慎愈深任愈久則
慎愈切其不能慎而能無患者古無有也人固
有優游事外利害無所嬰見以為可輕已肆情
妄恣無忌者彼無所繫於時其極也不過自取
敗辱而人亦不以為足計也若夫當事者而可
如是哉故其紆紉然隨隨然頤頤然似不能然

而不知其極思勞慮砥躬竭已無所不用其慎
雖處尊高簡貴厚崇侈大之勢而下意俯隨曲
順強悅未嘗一息以爲無虞而冥然自遂者彼
豈好爲是卑抑減削忘其貴哉誠有所不得不
爾而已亦與之相習不覺其爲然者何也位望
之隆具瞻之所在顯赫之地固污蔑之所易生
也故小而色容不慎則有佻易之譏啓處不慎
則有躁擾之議詞氣不慎則有脫畧之悔舉動
不慎則有舛誤之咎聽覽不慎則有誑欺之惑

禪悅草

卷之五

五

庸接不慎則有納侮之愆謀思不慎則有漏遺
之失稽核不慎則有罔繆之尤喜怒不慎則有
覆顛之禍故於人也無所不容而於事之來無
所不忍於非意之干無所不理遣而甘受之迫
於倉猝而窘於陵挫亦無所不含弘而捐消之
何者以較量之心而處事機之委以睢眦之忿
而乘得爲之便似可以無不逞而於何其畏慎
之過者夫所貴於鎮安綏奠磐石其固者謂其
當震撼之衝而無搖兀之漸使微有所興譬則

一肢之動而百體爲之竦且以橫逆視之而直
欲過所償而後已是何其屑屑而淺之爲丈夫
也故於譖讒誹詆毀譽尚亦覆藏宏貸匿瑕掩
隙含垢隱繫者謂幾之所繫不輕而旋有安危
利害之不可測知也然而慎豈徒然乎公與私
金有之也語云慎爾在公苟純心乎國則其慎
也措社稷於不傾之地而永斯世以不拔之基
者也故有曰日慎一日曰克勤小物若跣行而
舉足視地彌縫其闕泐戒傲其替淪而綢繆補

禪悅草

卷之五

五

禪是皆慎之道也如徒曰淑慎爾止雖知宣靖
其躬而慮不及他吾知安其身而已則如國家
何哉嗚呼此管晏之所不免也夫管仲豈不知
開方豎刁易牙之爲害然而不力去之僅死而
後爲桓公一言也晏子知陳氏之患然亦不深
圖所以濟難是其爲慎則有餘矣人皆慎以全
身而世亦奚賴爲且聞之議臣言及其鄉即縮
胸不敢出一語昔唐人有爲監司言某州之民
天子之民也不可以獨厚今亦云某州之民天

子之民也不可以獨薄奈何爲一人而使一州承其弊也

任勢

自昔曰天下勢而已大則經世宰物次而蒞官臨政宜能轉環擅恣造遠遷易惟所變錯無不可者而必謹循默順依任自然不敢反其勢而肆已至有非已所便意有所不甘而不得不隨者是無論才力聲氣自憑負足以鼓動一世者而實因其勢之所向乘而推排滌蕩若風之於

禪悅草

卷之三

五

燎而川之於潰不假力而不可禁禦矣若不因其勢與欲反其所趨而有規設防制經度轉移過絕其方張而廻幹其緒之已成故有扶策於顛蹶拯溺於滔汨訖不能濟而與之偕覆是非其才之不足與有爲時之見奪使業不得就也勢之來不可障抑拒逆而去不可尼止追挽且動與幾忤而行與禍并固非強支而力競所能及也是以昔之豪傑必觀變審時度其所必致而不敢與之爭者非怯於用已而重於圖難也

恐與之俱靡而無益於成敗之數故或有奮發於無所資籍之地而或歛手於阨傾未彰患害不及委而去者是誠有明於揣量之識而善於因用之權者哉是不難知世有烈亮之士審是與非而利之與害不計也故有支一木於將傾之巨厦而揭厲於滅頂之洪源投赴炎烈焦灼而不避者此其於勢有所不顧而害有所不辭直以身殉而不憚者非不知勢所不可而強爲之也故有奮難之義則明智可以無事有因任

禪悅草

卷之三

五

之用則忠敢之氣必有所抑而不徒然矣書云悅惚之數生於毫釐而毫釐之數生於度量故明勢之說行則感槩之士折狗節之誠著則圖全之計左嘅昔之始事者有不階尺寸而就功及其既舉已成之業而捐之若唐之文宣非不處尊位操太阿然而搖手曰不可者嗚呼無亦其勢之不可奈何而苛責之以不能有爲過矣舉此而知有位寄雖重而不能反易天下之視聽更革廸造構建其所欲興立以爲功名者非

因循懈怠也無亦任勢以有待耶故有善和多
智之名有悶悶不快之意然老成安靜事
功雖不赫赫而亦不激矯以生意外專已恣橫
使人指目是豈不庸愈乎哉

警與

嗟乎天之賦才其難哉才之難其難於人哉其
人之重才與之重輕與之輕而人之輕重與才
之輕重不俱人俱也而才不俱不可謂俱也才
俱也而人不俱亦不謂才也人也以才重而才

重

重

重

也或以人輕故難乎才尤難乎人也人與才交
相重也而貴故我求才而與之非有所抑折之
使下也扶之使其長於一世且長於古不啻數
十世其所長愈甚而吾所與愈益快也以是而
待天下之才庸有未至而期其至未能而謂之
能者發揚獎激導先翊成樂慕襄輔砥礪勸率
非謂黨焉而亦以資藉誇眩所與者多才賢奚
為其不勤勤哉然每得其似焉即喜見乎色初
亦歡洽相慕分寄傾盡向往期不相負已則浚

恒刻酷厲苦刺骨漸以侮凌侵傷怨嫌尤隙人
咲謂忽自樹敵誰之尤也即人負已已終不悔
何吾所求逞焉人亦於何不逞而不於其親已

者肆焉非便計也且是也不可勸者毋惟乎其
勸彼猶惟乎其請則吾勸不行彼若不行其請
則吾勸也無兩者有盈則可盡不盈則不可盡
盈不盈未可知則盡亦不盡亦非吾所能為也
吾所謂竭者愛利之也亦謂其助之乎則非也
彼力焉取之內勳之外則不足而謂吾假力焉

重

重

重

則摧朽之矣何為乎助也是舉愛與所利也是
狂舉也非吾所謂不藉之藉也然舉其秘已自
好眇輕非薄媚妬誣後來者其所譽不惜其為
蕩口也所詆或意有所懼乎詭論溢言無實也
滑稽流宕吾差強乎痛夫危言日出吾亦謂之
何也

皇理山

清論鈞致玄旨平生所
千載之契握手之歡而

一旦乖別情何能極華驟就路清夜獨歸薄寒
中人愴怳無適兄今且揚鑣帝域分席省部第
猶向海邊俛心俗吏雖知不可而猶復安之冀
兄必能叩閣仰訴淹涉不久耳幸無忘燕言甘
之攘臂使氣逸虞卿而情甚左伯豈惟第實賴
之亦令海內知吾輩意氣非常懷所測也昨有
上督府者中有誤字特令人追易之復此縷縷
前所告者幸具示途中萬惟加愛不悉

方平洲書

禮部

卷十一

五

曠矣談洽實勞我思塵途暫接未暢一二而遽
復就路益增怛怛耳僕本踈邈玄逸不屑介意
而俯從庶品稍嬰物務然才力冠絕識用宏遠
聊復措懷足可表見公視僕亦於彼衆人何如
哉非敢沾沾自喜顧可謂知己道事未易一二
爲俗人言也每念夏春之交林亭陰翳花木煥
發綜覽學義商畧百氏流論古今兼之笑傲白
日爲之匿景魚鳥爲之留連樂酣賦詩不啻神
賞猶謂此歡可常何圖旋即相遠杳然未期昔

魏文興歎於後園呂安注情於舊宇豈徒然哉
豈徒然哉去雖不甚遠而室邇人遐音問致簡
有足悲者况更此益不可幾如何如何人便聊
此復惟亮之

章姊丈

別已逾年奉憶如昨連有書奉懸懸報音人來
竟無所達將途中遺之也益悵悵陳生善爲謔
辭雖不自慎亦不害也將盧子重失意耶敢令
百拜以請僕平居無怨於人况在親愛彼此坦

禮部

卷十一

五

懷相期俱已洞然恐昨行者未暇有請或值未
間也諒數十年相與之意未至於此僕古今作
者當世才名雖一官寥落而千載餘芬自不能
已每自謂於僕侈矣人乃復相輕耶從宦四方
所見多矣語博極嘗親乙夜論蕩逸已空萬天
何人間之事而足介意也當與松子桂父相邀
於深山洞壑顧於親愛猶不能忘眷眷耳後生
輩或未能悉平生肺腑無一言相隱此僕出處
大致容不相語今歲或即可奉見且僕與姊丈

俱老矣縱春風之轍可迴而白雲之期有幾久
悠悠塵事抑又何有共尋玄理之士扣清虛之
闕無爲復與紛華競也見卽非久不能多及亮
之

八月十五與理山書

去歲秋夕與兄同在試院今夕第復在福州悵
然感歎忽隸人來自蘇知兄尚未有行意益以
惘惘昨使人邵陽來見相隨至瘞之郊外令吏
代赴巡臺并二道申理龍巖趙公爲兄意甚懇

禪悅草

卷十一

五十九

云須急來尚可遲則新例甚重不免送部矣巡
臺狀不行第又邀諸公無肯爲兄言者彼云須
途間有司取有印信公移當批行藩司此亦事
體應然乞兄急就道無負懸待之意萬萬第自
三月間到省卽相隨至今半歲未得一日少閒
平生勞後未有如此之久且甚自咲狂人忽作
此態亦可憐矣去歲別後卽值寇至第在兵中
兩月出入險地然尚未爾此行夜以繼日猶似
不給猜怨在傍嫉忌在後顧此何有而不遂飄

然言之益可憾僕輩蕭散寄情世外而與時並
競逐竟亦欲少見彼所爲者非不能耳今亦似
可已矣乞兄早至暫得少醒塵思諒喬轉卽目
但亦須畢此事不然非第所知矣尤乞少屈意
籌之他日勿爲第相負也仰爲之意乃爲人咲
第亦忿然欲歸顧亦有所難耳乞諒之諒之卽
望兼程會於莆南不盡不盡

祭范母

莊肅婉嫵惠履靜貞媿德齊美執禮相成處約

禪悅草

卷十三

三十一

能整內外以雍懿茲令範無忝素風乃誕賢嗣
遂昌其宗烏奕光譽蟬聯伯季入綰綸章分直
近地並陟清華用顯休志苟養隆情潘輿迎侍
膺慶綏祉寵逾貴勢動色艷心傾都軋市炳耀
若斯可謂有子煦景方舒亦莫涯矣云何邁憫
逮於心棄享雖已豐報猶未旣永惟修慕哀興
有悻予適在遠唁赴靡及今其上藏旛旒渚渚
聊陳絮酒以慰幽窆髮髯茲猷重不能懌

劉子威禪悅小草卷之十四

劉鳳子威著

留守中都何將軍墓誌銘

何君諱萬鍾字某某其先沔陽景陵人按何之得姓虞帝時何侯得道於九疑又周武王弟叔虞裔孫韓安王之後韓訛為何不知其幾何世以逮十世祖應龍則歸國之始也逮五世而由定遠指揮使調於蘇君之父荐更多故解官數年而君始襲之時方踰冠已矯矯見材氣領戍

禪悅小草 卷之十四

江上邏諸戎落比歲選士咸以異等聞遂賜第錫宴榮矣自辰逮子諸部使者言上殆五十牘以行能表見未有若斯盛者司馬遂請以總師狼山

上允之既而為人側目恣讒言然未有以深中俾姑俟興發迺歸綰衛符蒐乘同旅教士伍擊刺貫弓挾矢以紀律節制群帥且條上六事皆時所急頗見采故事廷揖上官惟讓守府僚與衛尉偕前丞吳公欲抑之使後率諸尉力辨以

舊章在死守之按使者張公問明聞之怒賴

使者與撫公海力解之海於時挺挺稱直臣

而能降意不以其賢乎吳又移書言武吏不悛

削以奉有司而能執持無所避是難能也已乃

以閩漳汀介山海間盜藪匪疏名以請詰

戎焉時萬曆初元蒙資金幣尋進而握閩符

與岳牧齊列得以將之鼓鼓行間作士氣進退

之建麾秉鉞威盛風布倭忽闕我封畧君乃纂

嚴使謂之曰若能戰則前我試憑軾觀之時衆

禪悅小草 卷之十四

且未集以千人列營於夜則多舉炬火疑之果

畏而遁三年以功叙遷守楚都楚故

世宗皇業所基今之豐鎬也君拊巡之以惠仁

且守便宜陳所當脩舉者遂着為令章綏御有

勳方流厥譽臺亦屢推上值江陵相歸咸顛蹶

奔走獨以冠服見不急裝縛袴相問何者不易

衣對以介冑不拜且非教闕故不敢特欲瞻禮

耳相威震遐邇能抗言人為之慄竟以此解任

然惠恩在人所莅去必思號泣載道尤近所無

也義故門下掾諸史皆爲立碑君雖得謝其思奮股肱之力翊崇王室當心馨寄未之少忘俄而屬疾遂不起年垂知命加之素壯強景命失靈晝忽遷徂憫傷如何君少而岐嶷七齡患病甚劇夢人云食蟹卽愈母憂之切謂春時焉得也忽有異童子以綵絲繫一蟹鬻之湏百錢家人喜與之不受曰安有一蟹易多錢纔入口卽愈疑童子殆非常人與初聘張氏父以累繫請室家益落議欲舍之君義不可曰見人之厄而

禪悅小阜

卷之十四

王

不得嗣爲兄弟禮乎旣來歸卒無所出而歿久之妾唐舉一子汝賢繼以秦則今都御史耀之從姊也生汝賓卽今繼君者君之弟萬石少孤君撫之尤懇篤初家遭訟累無以持門戶惟賜第存君闢構展拓規恢誕造裁縮有亡以立業旣爲弟授室又多分與財置宅別居其友愛隆矣君姿軒舉而性亦沉深利器不覲魚不出淵武弁自豪君學不厭世胄侈奢君歛其華勲伐矜高君敦以讓榮利易溺君恬以愉古之相矯

佩常帶弦君稟自然非所勉旃君沒而龍首之碑未立汝賓刊石整表銘勒功德以光千祀

銘曰繫繫何君旣純且敦績戎維休作茲翰藩六法九徵韜鈴則存感會風雲無迺七奔分麾建闡受鉞虎門在師中吉糾武斌文踐修厥猷永矢弗諼離逖失次故憲敢姦貞是介挺耿若鴻騫儻亮不回間致儉言金雖百練氣益桓桓祇對權相辭厲而溫跡可摧折凜又何援釋位而退遲徠丘樊恬佚靜漠駁落斑漣塞塞諤諤

禪悅小阜

卷之十四

四

舍命不遷昊天不弔越茲隕顛允惟高紹豈分夙殫曷復旆之飛旒翩翩

吳徵君墓誌銘

徵君出自唐殿中御史其累傳至潤公始家休寧之汭川又十六傳而爲高祖其自王太父以迨君隱德不耀世增培之夫崇植深者必食其報豈虛乎哉徵君生而有至性在母不勤在傳不煩父學其子儒蚤夜誦習過苦疾作遂令奔去學黃帝家言卽靈蘭書無不究通且爲人

聖儒好數隘所見未極意卽古善爲方者寤寐
若見之精神與通故恍惚有所授之哉診視精
良所治十全八九請乞踵相接無不爲詣其貧
不能藥者昇以成劑或給之資有顧請者多謝
却之人以是重焉遂能正其鄉諸兒女子爭言
相戒恐君之聞也縣大夫欲修轅田令莫可任
衆以屬君君爲盡力以限民田隱括豪右不得
擅尺寸避更繇大得其平里司徒私以其籍爲
變者無所於藉郡邑交以爲能禮接焉授以冠
服且旌之曰汝湏矣當有後命君尤篤乎孝友
執親喪以禮聞其濟濟成康之容遠近傳焉立
享堂合族以食置田以供祀宗戚匱者爲飲食
之入爲之頓出爲之置死爲之樞有義恩哉素
不能以辭假人亦不以色忤人故怨尤不及焉
燕見必以貌有丐請不責其報施而無所者仁
在也何其施而辭也跡隱也跡隱仁亦在也仁
在也所謂貌色聲衆有美焉必有質在其中者
矣寧無顯奕乎久哉君旣以醫大其家晚而子

禪悅草

卷之十四

五

皆成立卽亦不復屑意尚羊自適時呼生平故
人置酒爲懽教其子孫習誦通謂善論方者百
世爲之精猶不能無失一旦非其人不可受故
戒其後無效我者昔陽生語倉公無令子孫知
若從我受方其殆是乎及年垂暮體亦多憊家
人出入扶持之屬續之際問所遺言惟勉之學
君於時旣通曉驟立詣物理不爲侈浮近指有
惠恩及人近恕蚤謝紛怡神近達其子彩彰狀
其事乞誌於予遂爲之辭按君父 某 母江生正
德 某 甲子卒萬曆庚寅二月年七十有五諱秦
字廷邦始娶胡生子彩女二繼以許生彰彩娶
峽山程彰娶關口程繼汪孫男四夢陽夢曦夢
昇夢旭孫女三人
銘曰維婆之陽入越之疆實湏女分是稱富強
占爲烏衡亦主雄張彼有人焉自昔所創鬱乃
爰發孰知其將猗與吳君貞順曰文宿寤天老
高神宵云授所爲方能平稜氛氣之越溢湯熨
是薰是爲國工不名其懂優游以終沒世何慍

禪悅小菴

卷之十四

六

善祥迎人屑窄有芥介於子孫迪誨何敦不忘
諗戒惠紹則存風弗久過庶哉著聞矧彼明仁
功德孔殷栽栽巖壠山川出雲隧首之石用識
汝墳辭覩縷於幾甚欲致慰於營魂

光祿寺署丞杜穉珪墓誌銘

嗟乎士之不遇也時與繆與女聊與卽遇而行
與不遇而塞亦有間與遇則適時而爲所欲爲
不遇則感憤而有所著作故遇不遇何有也吳
之三江出馬曰上海有故家曰杜其有若穉珪

禪悅小革

卷之十四

七

者才士也夫案杜之先杜伯之裔耶漢有兩子
夏與後南陽諸杜多著者今遡自宋衍始逮茲
可載者九世曰宗原公以詞科起家太常給事
殿中識在郡國書弟勉夫居黃浦而遂盛浦因
以杜名焉是生禧傳而清而恢而泰而松松素
俠烈有氣爲杜氏老生浪穹君少以經義舉仕
爲浙之巖邑瑞安與所監不相中乃以浪穹得
謝顧孺人生穉珪方其孩而能言卽學誦能記
憶旣隨孺人寧於顧暴寒借他所衣諸于衣之

卽不冑曰是不通衣兒豈不能寒毋無過憐也
乃益哀其有辨愈益嫗拊之而克自策無孺兒
習寢興不失時蚤晏視長者戒其家人必先起
其學也在師不勤受業必作其次則循誦數以
貫之呻於夜分未已故遂能淹通百氏不特博
士家言以詩楠邑弟子爲邑者黃公文煇都諸
生得所通義亟稱之時進而與論業幾若臨叩
令重客矣視學使者耿公名知人一見輒異之
使餼於公推上就計鄉所論士適鄉先生有愛
之者欲爲之地耳語逾時惟起立逡巡謝不敢
遂不預行慨然曰士不能立致青雲乃藉手人
耶已而以賞游上雍始釋采司成閩林公爍進
所肄士獨賞識焉使占一經以魯韓諸家對旁
及他所通談說蠶涌遂傾席間時復有欲相援
者且謂時會適然何自厲也卒不應故復不果
上君以再落悵然歸復游南而林公亦適作秩
宗旣謁卽歡相得也曰和氏之璞故在耶當再
獻耳偶以瘍故廢速瘳愈益肆力於書無不探

禪悅小革

卷之十四

八

也無不撫其華也無不腴其實也乃典主者復下之人尤不平曰道通乎分也其得也失也所尤乎分者以備所以尤乎備者其尤以備卽杜君之才而又何有一第也歸而母孺人病於項不解帶而養者踰月巫乎醫乎其勿知乎竟卽窀穸所謂衰毀去滅生也者幾乎旣免喪強復上卒不售於是始憤然曰吾何用估俾爲人亦樂肆志耳我於何不逞而爲此拘拘者幾不見咲於大方廼自以悟幻名而仿佯恣睢乎無何

禪悅小草

卷之十四

九

乎量之偉乎諸以游道接者勢之名公卿絀要撓臆無不爲居嘗賤之故竿牘苞苴足絕不跡諸公門也其於窮交則引義推分傾竭無所吝卽有急難寧爲良朋永歎哉故有負進者折券不責償有侵官帑者爲傾橐中取質以免之然而其人卒不見恩有反以事相中者亦夷然若未始櫻也王母之族單匱不能食爲置田食之族之人有自鬻者屢爲之贖人於外而經紀其內傭書者越人微矣不能歸以嘗有於一日也歸之他所顛蹶困躓無俚者咸不能無望焉爲一一而拯之艱阨而使取盈焉者不可縷數也置五升之食已雖空乏冀必得活哉其仁有如此者特於事之不可不然時時義形於色有婦蕩而夫駮士披髮出於閨因狗矢浴而戕之吏墨免焉爲之忿激切齒而士之自憑負以驕人每叱之謂是僂僂者非能有所好徒假竊焉槩未窺乎閫而妄自標使少有賄庸不患內熱哉至人有片語長卽接誘引翼惟恐獎進之

禪悅小草

卷之十四

十

不速蓋無離跂堅獨意以聊合驩卽時所推賢者無不願交以所蘊不一展數自吐其儻宕之論稽刻當世之務無取拊而驗合於古纒纒有條聞者為悚服用甚儉居處不為高薨峻宇雖更其舊惟取諸爽塏自浪穹君之遷欲行勸止之顧已謝為吏賓客故人益踈而君復不逢時浪穹君中不能無介曰仕非一途而縱不登造士幸有資可藉盍不亦再上乎君為不得已而集選人得署丞光祿而猶悒悒不堪屬湏次歸

禪悅小草

卷之十四

十一

恒慘悴不樂始為游游自浙覽其山川風物益悽然疾作遂至不起猶計日待其弟隨計歸歸而已不及與訣其子開美泣而號則張目止之矣孺子死生常理何悲者第抑忍之無潰亂我此其於歿可謂得正已乎夫君於生雖負才骭麟不究於用以為憾者然上有父浪穹君壽考以寧有弟選造君足世其家而又有才子表度貫綜於學博涉無不窺尤能採其精英著為文名在人口篇章之擅飛動飄舉卽所著君之事

覺壘不休謁予以銘予固未傾蓋於君而嘗耳之今勒為誌皆案狀畧而書之不敢溢辭而君之美實浮焉謂有所泠汰選摭則不勝舉者兼亦取之百穀王先生王先生謂高才不遇古有之而君留所不盡以貽子子之才尤有大過人者啓宗造家命大顯遠是又胡可量哉足為君侈矣君生嘉靖乙未六月十二日卒今萬曆丙戌四月廿三日歲五十有二娶周子一卽開美娶朱女一側出適朱長禎孫男二堯臣次舜臣者殤孫女四殤者三卜以己丑冬仲二十八日葬於急水之新塋

禪悅小草

卷之十四

十一

銘曰蘭槐之根未嘗不薰荀非君子服之為容臭則與彼菅芴奚以分然性之芳烈存則雖朽腐中野而嗅乃愈馨嗚呼杜君絕塵而奔何才之煌煌而意之軒軒斤卒以困於征而不勝夫愠叶紆其志也徒勤雖已彰灼於外細細縕縕而未及發聞惟是促折可不為冤叶同然令名將日殷固不足以亡亡而不亡者常芬夫物

同盡者芝艾俱焚而耿於千古不可磨滅者山川出雲著爲精神叶式光氣欣欣昭哉茂文迪鐫爾銘託之無垠

程見山三世墓誌銘

夫士有素不識而輕爲然許者豈非有所感而慕義無窮哉程巢父故朝之有好者盡觀當世以名相高交道甚廣往往傾一時然獨不慕之而游於予予每尚其爲人方期之遠亡何遽失之惜夫未竟其意也乃其父見山翁固在而不

禪悅小章

卷之十四

十三

得終養焉則其遺憾又何窮哉翁以子之戚雖云忘情情能竟忘耶故乃亦未久而卒是其爲慘悴憫哀何盡鍾之天於祐善亦竟若是夢夢耶據狀翁諱朴人天性孝友事親能動得其懼心始終之義敬惟禮之隆無敢以薄而見謂有子於諸昆弟禮讓雍雍無變色言風可想也此其大節樹立如此蚤歲嘗一游於賈賈荆楚間曰謂迺公不良於賈則不可然賈故不適迺公賈之道則然吾非不盡知之顧有所不爲耳遂

棄去而惟事力田務本富素不喜紛華觀俗侈競深自悒謝常帶華冠履決衿露自以爲文繡何加也訓厲家之人斷斷是勗無有忤且解佛理居嘗禮誦不輟課諸經日有程雖冗不廢而學其子以儒巢父有異才誦博士家言守其訓詁疏義以專經對久之不見推擇乃博觀群籍攻古文辭名亦奕奕起而翁固色喜謂世名足競哉彼榮於一時何益汝以藝業顯令他時知有我者汝能孝於我是我惟祖惟父尚亦有賴哉且所宜務莫先祠重令作官余麓祀防禦州牧縣令三祖著始之者若古者合族以食惟是得姓之始其衍溢播分源本枝裔混淆越亂汝其旁羅宇內窮諸譜牒俾我所承傳得不墜失耶巢父尤善考索卽姓望遠近派流絕續脉絡理緒使之屬聯綴合罔幽微佚失不舉其端或源也或委也悉載之篇命之曰程典是程之世得嗣興者翁之顯於後無窮哉尚何俟別有述者且翁居恒好施與能緩急人歲侵竭所有贍

禪悅小章

卷之十四

十四

不足或至空匱而猶以折券已責蠲為事至有若曾子居衛累年不置冠履而服其故敝曾不為念翁生而鞠於隣人之母暨長恒思所以報之賑其家室其子無不至善人倫諸鄉曲有材具行能及險陂無行者其中歷然而不作一語可否能飲多而不亂逮其末年尤靜晦寂默日以禪觀為業疾革家人方蒼茫徐云汝等無出聲驚我神我方澄念以西方為歸平時所願今始克從已冉冉入空無所復存纖毫矣其不

禪悅小章

卷之十四

十五

亂如此豈非修淨果力耶翁諱某字某大父為竹墩公父松丘公生某年月卒某年月享年七十有六子二人長巢父仲子一極稱能充其宗事翁終歿諸孫若干人具翁族子涓狀中將以庚寅八月某日葬於先墓沙園之次以巢父交於予故來乞所以勒諸石藏隧道取徵他日銘曰其生也暗醜而已是孰為之使而放浪乎無始其卒也休老物也放乎千萬世而安知其所止西方有聖人焉不生而不可死是惟默存而

往來不知其駛茲公之行既能修之不已而卑莫之以其來也適然終亦何所去亦既有子能隆古之揆雖竟貫其趾而故鄣之風於是焉起如天之福抑又何似勒之銘詞千載其俟

明孝廉以直周君墓誌銘

周固錫之著姓當國初以贊雄嘗召見俾以一子從軍滇池於是周隸赤籍始志善公次子昌言生鑑鑑生濬濬曰月川公生二子長則公諱子敬次曰子義仕至少宰學士贈祖及父如其

禪悅小章

卷之十四

十六

官祖妣陸妣吳皆淑人月川善詩歌書亦有法學二子以儒躬教道或時不贍給厲以苦節遂俱成俾游荆川先生荆川故以學道自負見二君避席興曰吾不敢望子而敢當師哉高問條起連試於鄉主者皆奇之一舉不利輟厭棄時業昆季共砥取古文秦以上者業焉遂益為人指目迨嘉靖乙丑弟先兄取進士被選入讀中秘書公喜曰吾志已遂固不必自我發也屏去榮念專務孝養事厥考厥妣微俟意所向必先

之用力用勞煦嫗撫摩務取娛悅使有不安節
卽憂形於色吳孺人晚病脾晝夜不離側若石
君躬自洗濯中衣其孝謹非以相效爲故自天
性然耶素所肄業皆罷之絕口不談以專致於
服膳必精良無有不適體迨遺憂其摧毀可知
也兄弟相携而泣皆成血人恐其不勝喪交勉
焉歲時享祀猶孺子慕思不迨享五鼎饋故於
祭猶用情弟每進一階則恨不得錦絳戲觴堂
下雖渾俵丘樊而每

禮悅小章

卷之十四

十七

恩上賜勗其弟以匪躬義少宰公尤敦友愛率
家人一聽公教令有事必請閨門肅睦雍雍潛
潛養其嫠姊又成立其孤迫窮禍患害相收古
有其語公實踐之每抗以師禮里中子弟從之
游者必朝暮習誦無敢逸墮其猶有幼志侈驕
不可語者雖重幣必麾之誨人以德義孝敬惟
先故亦彬彬興於俗其善風之也夫公體貌莊
嚴居嘗無惰容而性沉默簡質不事矯飾近名
譽其初家方落公力起之然廉厲不妄一介取

予或以僞欺之卽爲焚券不收責曰彼亦非得
已也尤自閔不欲見要人有來請見者導之進
取涕然不應曰吾無意此途久矣其蚤自免卒
不污可傳隱逸弟方貴求附麗者千金餽作色
斥之晚益爲時重縉紳先生皆謂有行義力延
譽而邑令李公亦牘上諸部使者在古則三公
交辟故有羔鴈盈庭若公雖聞然殆名可聞而
身不可見耶公充養有道氣溢神宇素無疾刑
落世務幾古人哉方少宰公有疏請歸公喜甚

禮悅小章

卷之十四

十八

報之曰吾掃戶芟茅待亡何以訃聞驚絕委頓
呼而醒已遠情不語疾浸革屏藥餌禁禱祈一
夕忽正襟而逝此其於死生之祭亦若無累已
予嘗一見少宰公而不及見公大抵厚重忠篤
君子哉少宰公得謚文恪 賜西園主章備典
而公不及聞矣公初娶於虞虞能藝其室而天
繼以吳吳故名家女也公旣拓落有大志不屑
意植產吳孺人竭其力督治場圃樹秫稻種稔
藿菽歲入漸盈而公若不聞也者則內範之嚴

謚靖正可知也以久不舉子爲憂亟飾姬侍進知其將字則慎護尤劇生子自拊之不異已出也公卒而孺人感甚不能去懷後公三年而卒公生嘉靖丙戌卒萬曆丁亥年六十有二孺人生嘉靖甲午卒萬曆庚寅年五十有七子一虞出殤女二一適吳士英一適張緒側戴出始公與書少宰公議所以爲後未定俱罹大故蓋孺人垂絕而從子炳文始請之趙淑人而以弟三子炳勳嗣焉先是公卜葬月川公三年而始得

禪悅小草

卷之十四

十九

地擘嶮術家謂不宜長則信而公竟不顧此其不惑於死生禍福際哉謹撫其狀爲之銘銘曰於惟慎德履謙抱虛榮位弗營身名是踈斂之則密用之可紆總麗權畧匪難逸逞屈伸動靜曷其滯并泌之流泉亦在郊垌三川之下隱見厥靈保真無悶推運任冥出入不共爲天下貞絳帷講授夙抱遺經鼓篋遜志孺子其朋風教爰被州閭是興著醇去欲還囂於嬰隆哉孝養敦用其情動敢越履樹軌作程化流惟內

儀形具爾相對孺人言容跂跂敬戒相成應古姜姒乃台吐耀招世興朝爰有拈弟翱翔雲霄躬蘊獨道恪勤不譙懿矣直諒冀鑒孔昭却餽遠賄仁而不驕慈惠廣覆嫜寡獲饒經義甄徹始卒有貫訓迪篤懇究通詰難包元育神養膏日盱惟茲友愛貽此深惋運有推遷視之昧旦伐石勒銘耿於河漢

昔人臨池見二童子忽然化去潛於水渌乃啓瘞藏二墨宛爾蒼精變幻玄珪漫理龍魚河圖

禪悅小草

卷之十四

二十

識文是紀

右墨銘

次仲委羽仲將遺則入木三分一點如漆徂徠之松劑烟和醴澆澗如環對膠斯液栗視堅珉工乃卽蹟

右墨銘

謝蔡白石

在郡幾歲不能少有立遂以遷秩當去蒙寵賜佳文譽借太過非所敢當感愧感愧僕於詩非有所解偶自好之故以請質乃不蒙詆呵而顧稱之如此非所期也夫詩本裨理才譬機緣

迅發則清快玄悟則驚逸神往則超詣如僕假力於生想擬則於前聞崎嶇於往路方自病諸未可鉞藥每視英照獨朗而流韻自諧減念無有而吐言合作雖切慕羨而不可幾也公以文命世以道濟時僕虛悒久矣擬選清暇造玄席相與究摘辭之鴻軌探秉牘之奧域終以事間懷之未能今則已矣俟之他日承吹鑿之宏論假獎引之崇談敬藉休光佩之無斁

與陳行菴都憲

禪悅小章

卷十四

二十一

兩奉台教詞旨溫厚感極憫念舊知曲垂攬接此在大君子宏仁不遺顧不肖儒下不堪獎激不任爲愧雲朔重鎮憑仗威靈戎醜懾懼昨畧訊使人爲談雄畧令人心馳狼望之北奉命督催班價緣先奉題准事例已經解足外難以別議况值歲歉逋負尤甚向乃借貸今猶未得償也承諭浩費敢不共憂但淺短無以仰裨是懼伏惟少賜亮察下情無任惶悚不宣

長春堂記

夫嗣業肇昌克隆不構是惟才賢哉予聞舊門遺緒其承前之德滋植者深是用繁茂昌肆迺材雋挺生其克光大闡揚益休我今聞是豈無基兆以先之迺開啓顯奕迺造闕大之亦徒起自單微素族無所憑藉者能然哉惟故鄣郡之程其發源遠矣盤據中外樹嘉功懋猷不可勝紀光祿君自祖父以來家於泰塘以長厚聞於鄉世有隱德光祿君尤克迺之翼勤厲務經緝攝綜明智遠畧用益孚於休嘉祥咸集爰出而仕於 王朝惟御於密近視 王服膳夫大烹之養所謂維辟玉食迺光祿實董司厥職日夕不遑用和劑庶羞迺八珍百二十豆是惟常享哉然君豈惟刀匕是供旅楨饗餼燕勞之禮哉所謂神鼎和羹朝之大事尚得預慮之環人掌客典四方之賓其牢禮饋獻飲食之等數及其政治三饗三食三燕惟宰史是職其在於古固九列是頒豈其無所事得悠悠哉既履迺服或念及閒遼畔渙暇豫之吾吾豈不慨然丈夫

禪悅小章

卷十四

二十一

哉遂返故居攘剔闢治芟夷踈濯一飾其堂隍
以舊所爲室隘卑乃重構之益底法文梓杏梁
今甃甃礪礪丹沃軒朗麗雄面弁山之陽雲氣
日蕩滌瀾覆流動起滅萬變交於前其下則流
水繞之泠泠之聲不絕以洗其耳塵慮旣成屏
息而又雜植花木於其間凡四方之奇芳異卉
供耳目之玩者無不適時觴客於中顧中丞樂
光祿君之能自作也題之曰長春禮曰春作夏
長仁也於時萬象鴻蒙春乃動之亦謂君昌明

禪悅小章

卷十四

三

貞作僨興發越尚亦如春之常在哉如四序推
移若春則容有更而君之德漸被發舒充盈
溢洋洋融融使人不知所由然而盎盎乎解暢
悅懌若祥風旭日之涵育浸漬其何日之有而
慮有搖落蕭械者夫時尚不能留而君曷以逮
茲昔先王吹律召和以定百世之業則有所轉
遷變化移天易氣之道是在於書豈無徵者故
律曆之作所以贊陽出滯萬物皆孚甲自抽軋
而出又云修潔百物考神納賓夫曆居陽而治

陰律居陰而治陽曆律迭相治也故天之道曰
生雖四時之序若是流行而其爲根蒂長養收
藏斂閉無非春之充滿使其有停息者則天運
不幾於息乎天運不窮故春於四時無不在而
君之精神與之上下升降差其施賦設得其宜
宜協其務務應其趣純禮明允外風之所揚聞
而不遙遠而不絕肆而不匱茲堂之間氣常溫
溫煦嫗含毓春其不長在哉郭故多君子若光
祿君尤翹然首出不溺於流俗而雅好閒澹放

禪悅小章

卷十四

三

志滌宕於山水不以富貴矜懷是惟古之逸人
哉若乃養煉金石嗑吸元化是亦長春之術也
予未庸言請俟他日君能介予之故舊遠乞予
記君諱元修字允吉號泰峯爲備著之篇

程會父青山詩序

予幼則喜爲詩家大人禁之乃亦時有所詠輒
匿去此稍以自怡固非欲自眩旣仕於朝不
免有所酬酢然意未始愜後乃悉燻之今嘗耿
耿豈盡無合者旣斥居閩亦多所著黃淳父爲

予選汰之然汰頗未盡逮洛師以來作多有存者然予於詩實悵悵未有所解廼程君以兄巢父游於予特致書疊疊千餘言以詩爲請予讀程君詩心竊嘉之夫詩必本之風雅頌以逮漢魏漸及六代今之作者不本之古而輒取之近則其體裁格律愈陵夷至於弛慢流洎溺焉而不自覺昔子循亦自謂不能於古詩之弊可勝言哉今程君乃始爲樂府選詩可謂知所從事不失其序矣夫博取之古則凡有聲皆音也音必知其中於何律故雖竹簡細素皆可度律而閭巷兒女子謠吟無非金石之奏諧官中商則皆詩之流也然化裁之妙變通之用杼軸在我故又謂由於才之差殊非必由學者夫古固易諧而難入唐律乃易習而難工昔獻吉仲默互相規誨予嘗詰元美取今之所謂善者較唐人句能敵之乎元美不能對則今之詩槩可見矣夫唐之近體蓋承隋之華靡而少隳括之規蔡之使咸就律景龍文館諸學士皆恢詭博碩之

禪悅小草

卷十四

五

才故一時翕然稱唐風之初繼開元天寶而益盛逮降而中晚唐遂流而不可返矣今海內作者予不能知然謂盡由於才之不同則其命篇高下淺深於是可見故才之飄放渺惚曠蕩不羈者則其言必逾越軒暢才之悠遠充肆浩衍繁茂者則其言必委蛇屈折才之滌濫昌恣闡諧恢譎者則其言必縱發煩會才之廉利鈇銳風舉厲嚴者則其言必規檢刻峭才之淫溢捷獵敏速雜沓者則其言必流易犯節才之沈毅矯健決烈能斷者則其言必英奕開爽才之優柔平中和緩詳慎者則其言必雅正謹審才之峻潔慈清明映適繁者則其言必簡質密緻才之妍媚宛轉典麗闊邃者則其言必冲澹工瞻纏綿反覆今程君其尚勗哉於茲數者擇焉將所錯無不會聲氣之元記謂審聲以知音審音以知樂則凡有來於前無非聲詩之協故氣骨於漢魏用材於梁齊擬則於初盛唐此予所俛焉日有企而未能者予與君並懋哉若今之君

禪悅小草

卷十四

五

子其自謂能則未知其源委而徒以口舌競何益此一代時風欲挽而上之非有鉅力不可程君既相與有家世乃駸駸欲度驂駒前予固引而不抑開而弗達程君他日以詩名於世尚亦念予言哉

志怪

書云子不語怪然則怪誠有之乎特聖人不欲言邪罔以惑亂人耳且古者聖王作所驅所放所焚蕩者何且有妖邪之惑人亦人之衰乃遇

禪悅小章

卷十四

五七

之耳固云使入山林無逢不若今人瞰有所見者莊生云人之見鬼必於恍惚之頃疑玄之間則出聲氣爲妖祥是在有無之間乎予鄉之名公亦往往有與鬼神接靈者是神司鬼府能知人吉凶禍福若漢帝竭力於是所謂見光屑若人聞其語者與夫古所制山陵川澤之祀所享百神者是豈盡誣也哉然自佛道視之則彼皆消歇未有久而常在者故長壽夭者壽八萬歲尚亦謂有墮落是不足願惟堯率以上諸天乃

不變不壞故風災流行至第四禪而止世界成壞自佛視之若俄頃爾故惟我佛號無盡藏乃六度中天人神鬼則人道尤爲大天道樂而不克修神鬼亦不能修惟人道乃能修之以至於成佛作祖此其言亦似高遠人未易信且不斷滅之說佛固云然而又有言寂滅爲樂一萬五千年正法永滅不現者何也且運行之說云至酉而人消物盡戌亥而混沌子而天開丑而地闢寅而人生則其爲鴻荒也凡六萬歲文明亦

禪悅小章

卷十四

五八

六萬歲而後十日並出恒河皆竭大風揚砂而爲浩劫矣惟不至第四禪則凡得道者皆升於第五禪餘皆從混沌矣此邵子與佛之說相參故開闢之初其物怪神妖並興於其間聖人以次剪除或驅而逐之於遠故鑄鼎象物脩圖其形以示人故云物老爲酉有能爲光爲嚮驚恐於人者予每聞人言亦習以爲常若狐怪尤多予亦常載之又若揚州太守之言鬼兵則云舖時城下喧若兵馬臨城者視之無所見以矢石

投下乃反投上此其爲妖亦甚著人耳目所聞
睹非昏惚疑玄時是又何者又若歸憲副所見
紅衣烏幘者亦何物耶予聞而亦欲見宿其所
數夕寂無影響且前數夕一夫被迷入地板下
二三日乃喚人出已問之不知所以入也此固
異甚乃予竟無所睹予鄉前輩君子枝山祝氏
故喜語怪予以爲不經故不著若所見眼如巨
船及小鬼數十叱之而滅然鬼氣稍侵不覺寒
甚舉火燎之乃復寢無他此可見彼特相戲耶
禪悅小章 卷十四 二十九

忽有婦女至床前云慕公久特奉寢席遂留與
之寢晨起恐有竊使之來者視封閉益董夕復
至亦不能詢其所從入既累夕乃思留其衣物
以驗且問其爲何人云某家女已嫁有母及兄
及起索蔽膝亦不甚急恐曉徐去李乃召其母
兄問之果有女已卒葬之某所出所留示之母
執而泣曰是送亡女者焉得在此遂告之故令
發而視之棺已虛矣後亦不復來此其有竊屍
者耶抑亦不忘其初則彼自能出入耶李公憲
職鬼畧無畏與之洽然李後竟伏法則有由入
之耶此聞之同年徐御史洛甚確徐公固非妄
語者又聞丁憲副元復云其在閩將覲過福寧
忽晝晦暗倉廩米皆飛出翳如重霧已而開霽
見有若牛馬形又如人鳥者方駭異卽之皆米
聚而爲象觸之卽灰滅又聞人言陝中道上人
行遇旋風陡作凡十八人皆旋而上久之又旋
而下迄無損此鬼神之戲人耶

通釋訓

予傲於時患今之君子無寬身之仁而狼戾無親不曰安身取譽爲難乎夫不有先之則孰有從之不有施之則孰有讐之故有善勿專則無矜已教不能勿順則無過求於人不善辭勿遂則無文過遂非已過失言勿復勿踣則無積累愆已君子行此而有不獲於衆乎故廣大其心以容之裕和其德以柔之溫文涵育以兼覆之則身安譽至而措則正施則行也豈其有不治而亂至亂至而爭爭之而又益於亂哉且夫忿

禮悅小章

卷十四

五十一

戾者患之所由生也距違者慮之所以塞也傲慢者事之所以忽也怠緩者時之所以後也侈縱者動之所以多尤也專已者衆之所以怨違也嚴急者刑之所以繁興也臨政者知所以修已反道察說而以之南而臨官所見邇則近取之而明不蔽也所求邇則不勞力而得也所治者約而遠至邇安加之無抗民之情勝之無犯民之令容之無拂人之欲養之無狡民之動拊嫗之弗措於罰今之泯泯紛紛罔衷於信則迪

之未靖無亦所以用之非其道而惟專欲以逞非上之咎則奚咎哉故儀不正則民失軌表弊則失誓而百爲亂便辟左右不正廉而群下服汗矣法象在內則取則不遠源淵不涸則事大積焉而不悖今東南之困極矣上者尊嚴而分絕民者卑賤而無所控其失在於何古之君子不臨民以高不示民以遠不雜施不遜以責民之不能今臨之以分嚴而不使之可卽故民遠而不迎也民疾而不親也役之太勤而浸削之深民竭脂髓而不能充故思所以裕時之計而紆事之急也是非忠信不可以取親於民非溫慈惠良不可以一物治而覃厥猷也情邇暢而及乎遠察一而關於多允哉不可以他務也故德盛則修法德不盛則飾政故居捨攘之會而急其所先者飾政之謂也

禮悅小章

卷十四

三十二

劉子威禪悅小草卷之十五

長

程于水傳

嗟乎予游於程巢父兩世矣巢父固少於予而
歿久矣乃今其子于水君復歿是何其短促折
喪若是遽與巢父諸子監監嚴嚴森森如也而
于水為長巢父歿後來謁予予既使之即位而
弔已而進之則深慰巢父之有子也程故大族
今盤踞海內以名聞者不可更僕數也而于水

禪悅小草

卷之十五

君自其大父時產中落巢父嘗力從事焉竟不
能收什一息于水君少業儒以養故棄去賈於
江黃三載然遊不適也迺與其妻兄弟以布為
市吳閭間業遂日益起不徒獲利三倍也亡幾
何悉復其故而更饒焉乃諸昆弟行賈四方亦
皆盈載歸遂以繁育滋植聯車騎不封爵稱富
溢矣然于水嘗感然謂不迨其父養為恨于水
雖賈乎洵然雅儒尤以程典父未削藁遽卒
謁於父之友邵長孺敘正之而躬自採摭摭拾

蒐綴罔有遺佚矣將受梓未及是豈為程氏書

將以程升降固不庸易傳耶夫能讀父書纂就

其業良難矣而服賈爭時作力鬪智竟使富相

什又以其諸季競爽焉無不廉廉儲儲行貨遍

於通邑大都則其智而賢可徵者且昔之日來

謂予言將之金陵游歸乃返於故鄣舉其大父

喪瘞於故隴焉迺至夏六月歿矣傷哉方壯未

及何遽至是耶且其意方盛所欲為者皆未竟

性好文語予有所著欲請未敢予謂程典非大

禪悅小草

卷之十五

上

述作哉擬綴孰有過者古之託於文者以簡冊
垂尚何俟研吟為然調嗣將有所就胡遂失之
耶是天之於程氏兩世皆當其盛年而奪之其
嗇於前者將使其後益大崇顯哉今其昆季皆
材而于水子幾人尤挺異拔起遂以對上高弟
顯榮當世是尚可幾耶夫天之未定也固不可
逆而距其既定也則由此保世滋大豈不信哉
讚曰夫時之化凝慘慄冽而其復也炎達沸騰
即之人事何莫非化之所為乎程氏兩世皆賢

而未獲其祐固知掩抑摧折天之所開而與之昭垂為程氏重抑又何窮之有哉且嗣自赫奕於世磐石之宗孰有並者將無念作之者耶于水雖不獲年然名不可磨滅則又何病與

陳康甫傳

予生平落落少與合者惟陳生康甫少即與予遊予初惟沈先生東瀛與蔣氏姑之子表兄應學往來已乃得曹生曹生復與康甫來陳故饒父三子君其季也族之在西豪里者亦頗盛君

禪悅小章

卷之十五

三

幼則跌宕喜通輕俠多少年戲其所交皆吳有名士藉其咳唾傾身奉之故家稍落與予為山澤游不間寒暑亦善書故予所貽人書多其跡予出入兩都間則遠送予二三程而別予家居則無日間予以寇警城居生亦遷於側近予適閩生母故習浮屠氏戒茹素持誦里有惡婦亦曰陳來則頗拒之怒彼熟於公吏兼善訐遂肆其侮訟之大被其累賴諸君子咸為之白於所司事遂解思遷避之而彼惡婦亦以貫盈為人

捶死大為陳生快予居恤時賴其慰存甚感之逮遊於豫不兩歲所來歸與生尤款生家亦益落藉交遊相為者多生日遊於外家事都不復綜若金憲副砵崖念之尤切語予當有所規予則何能為若章使君道華則以從遊特為之慮而所遊者亦無不為之竭故亦浩然自適未嘗戚戚於生計也人亦爭延致之館其家者惟恐生不留亦館予累年里族宴遊無陳生不懽昔云陳驚坐不知視之何若錫之諸華尤更洽往所善須其歸不易得晚則有龔使君望之官凡兩任不能舍遠其旋故里未久疾作遂奄棄生凡兩娶初配錢其賢生子某流落於外繼某氏亦辛勤能茹苦生固不眷家子既歸復出遂不返生卒時飯含歛藏皆其繼及友朋共助之夫以生之才自可以逞而耽於酒醉則齟齬然臥醒則復飲自謂曠達則誠善矣而一子竟不知所在遂以無嗣歿而他人為殯陳氏亦若剪焉無聞予以舊惟狎客不獲為之計嗚呼誠有負

禪悅小章

卷之十五

四

哉夫生始之游吳之輕浮士集焉或談文義生亦甚慕悅遂忘他念謂可取名又諸少年爭自誇詡故日為都養竭力奉之少自飭則目為俗態恣縱狂游逮見予則已稍息予素惡諸不逞嘗斥之謂有持行義者亦復隨流何也生知予肯雖勉相效然染習已深遂逃於酒不復慮生計若予洽者亦無逮陳生今之靡靡者又可數哉且往日風今愈不競前者文氏方盛名海內諸後生得登其門真若登龍門至破產奉之不恤今鄙陋益甚求若前人不可復得矣

禪悅小車

卷之五

五

貞妾傳

嗚呼自夫婦之義薄而背死忘生者衆矣故婦而能適篤彛敘夫死無他者難而況妾御乎若亡兒若霖妾胡其茂行純懿温恭敬慎自其性植年十有七來歸予兒善承顏色宜其夫無幾微聞言拊順諸長幼咸有禮當其心無不稱賢者姑性剛難事尤委曲得其權時或怒之加捶楚予固止之不能得迺怡然受之不敢迂於色

以至終能感動加愛於長婦尤能卑下之相與甚得情逾女娣尤善綜理予晚厭事付之若志亦不待諭而能知予指向儉約敦厚執管籥予不問出入終不敢絲毫費姑憐其勤亦時時厚慰之其母亦賢間來視之皆告以恭遜無違夫子初其姑謂胤嗣計歲餘產一女不育遂不復孕既長婦連得二子喜謂宗祀有託何以庶為若淑慧朗規警不怠亡兒素不惠所以勸諭箴戒得免於戾者罔非其力姑歿哭之幾絕夫乃繼歿哀慟無時兒始病即盡檢其書牘篋之予驚謂偶疾何遽若爾胡百方寬慰之亦寬慰予曰彼疾遂欲委所藏書翁翁耳予猶疑駭不逾數夕疾漸困篤迎張醫視之云不可為矣強伊投劑不能下咽齒嚙碎甌孫禕亮來慰予曰父疾已殆翁翁無戚遂卒予欲出居有婢訣絕遣去亦并黜胡還其母胡不得已聽命逮予來城寓未幾即歸予固未知也及來視予疾猶不敢面未幾遽卒予始聞之初謂胡少恐不可留迺

禪悅小車

卷之五

六

立志若是可尚哉其志節出古今間矣今為婦者夫死未幾即萌異念有能終服乃去者時謂不易而况彼妾御不能旦夕待亦無譏焉者以不列於從一之義既不以大婚禮接冕而親迎為紹續謀祀惟獻爵佐饗視膳以供婦職胡式克守此孤寂稱未亡人不恤單瘁困苦人竊笑之自謂我所以甘此豈求為名矢死靡他夫所遺橐予命之携去乃盡返於長婦無敢自擅供事罔替於前其卒也固天以全節畀之烈哉若

禪悅小章 卷之五

七

人生平素懦弱言不出口罔敢有所詆訾毀讚有遇之不以道則遜謝引過終不見其疾遽之色而况敢有忿爭垂怒聞於惟簿外哉嗟乎士之任官惟所在則致死焉其罔顧於憲典擇利而動負於厥職不念上之所付如此其殷遺厥民社罔砥勤襄又更於覆傾顛墜惟越逸適播性命之恤而敢有犯難捍患為社稷圖迺閨門婦孺乃能奮興果毅初惟不敢逆予命已乃來歸此非天篤其衷不矜伐自介從容就義其寵

靈亡兒死而不死者尚亦惟厲茲嚴敬祇肅垂光無窮哉予嘉爾高行度潔於宋鮑女宗齊管妾婧輩矣予劉自先人以來世以名德稱今不能嗣乃有女烈興馬又出自妾勝益難予惟執筆紀爾行用光典冊重我劉於九鼎哉

王君有年暨婦馮孺人傳

嗟夫披裘負薪之徒方並歌並進役其躬自以為潔廉亦良苦矣何與計然陶朱身與名俱泰慷慨稱丈夫哉且古固有然者昔子貢親事孔

禪悅小章 卷之五

八

子結駟連騎何害者乃今得一人焉王君有年吾百穀之兄也百穀數稱其兄長者予固聞之維昔之夕忽聞其逝則為之傷乃進而請予為之傳夫有弟若此則雖不若王君猶可稽百世而况以王君賢行耶按王氏之先本烏姓四世祖明道術解占候從而浮海有所避易姓王知王之後始昌語後世無得更予為王氏所記已載之有年名稱豐艾諱軒母蒯孺人生君兄弟并女二人君生而善心計知百物短長娶於虞

山之馮父惠母楊又爲中表姻也馮孺人以婦禮匡厥家厥恭有恭敦自其性承其夫嚴敬之以罔不咸若王君固質重醇至居平不妄言笑記謂閨門之內戲而不嘆若王君夫婦斷斷未嘗露齒其莊以栗之謂何母恒患苦不安節卽晝夜不解帶而養色憂食不下咽而馮亦儼然侍側不敢跛倚不敢墮墮躬治飪作糜休沐不暇雖面垢不及饋人或代之曰爲親膳調不能旨是懼其敢言勞且此可常得耶姑亦安孺人

禮悅小章

卷之五

九

稱善事我家初自毘陵徙中嘗復還父年及五十卽厭事屬之有年曰而公行且休矣而惟力是視大吾門卽又砥若重有戴任矻矻時不遑俗之佻急行子錢家皆不敢出貲乃獨能通假貲有無以廉賈權物之情人亦義其爲莫冑負揆準輕重決塞之宜與地負之制卽小用之耳他賈或所獲不更費而王君不啻五之業以日益起方喬海夷竊入我土倖臣視師江淮氣驕橫且忍人動卽魚肉之駐師毘陵命富人供軍

少忤卽以乏輿論人人喘恐不保其室廬爭跳逸惟王君慨然出應以釜資楸牽日犒師曰諸君不役之忍而寇是甘耶又好謂諸率上固謂爾能宣勞爾不尋之寇夷而殘艾我耶乃諸率亦感其意相約飭無敢于今而里中咸賴之安然費不貲矣家以少替又會失馮孺人蓋惋不自勝孺人旣未乳且旁無侍媵又未忍遽有婢納蓋踰年始以父命繼室於丁而鷄鳴之警愛結自衷泪恒可掬也非馮之賢固不能感王君而君之篤於義恩固出常情哉母夫人以長婦賢也而傷之甚疾動又炎也王君夜恒立侍蚬嘔體不敢揮惟以親寢不安適安所以寧嘗飲藥謁爲方者徧有加無瘳哀踊幾不任生猶以父在不能不自卽卽於禮過怛矣父不樂毘陵則又從而來吳且命無返葬也故行視宅兆相其水泉惟越之溪其風奧如乃奠其右之澳橫山側適未畢而父又不祿時季方遊於太史氏預簪筆未及奔赴君獨以長嫡臨主殮含之禮

禮悅小章

卷之五

十

悉原古始而加以毀瘞其累疊戚戚至室不虛
 見者為之變遂徙其毋之域從而合之井以孺
 入附焉虛其旁以志同穴挺隧丘隴高卑厚薄
 爰取其中而王氏阡乃名焉者謂以其人乎哉
 既乃治寢繕完緝墻以為戒備言言其邃深曰
 前之不虞實震驚吾父吾無所置憾矣敢不虔
 且不及吾父時繁吾胤使有望焉故奉令置貳
 適舉子而父已不待恨可言者始馮孺人來字
 急為蒸嘗計飾女侍冀一顧之而王君色莊不
 禪悅亦章 卷之五 十一
 得近遽嫁之而娠子又有孫矣乃語子承謨爾
 祖不見爾生為慮爾復不蚤俾我見有繼世耶
 遂亦不能得君蓋恬澹無所好奸聲亂色遠之
 若將免焉自張氏孕後未嘗宿於內栖獨處
 外寢間寂如致齋者時欵枕篋篋獨藏之塵生
 於輿祇一童子侍洗廁輸耳其寡欲介繁若此
 宜其養生有道當未可卜年齡何圖一夕遽中
 之暗不能言猶以手擊牀命童子而駭不省謂
 疾也逮旦而謁醫已不可為矣嗟夫人之所以

貴生者謂適當年而恣情志耳王君墾款祁珍
 清身苦體絕其穠艷麗之歡而身竟以不延年
 止六十有九持此亦安歸哉固謂淫靡為伐性
 而嗇夫終不免焉者蓋自其曾大父以來俱不
 得年而君猶過之則未可謂非出於攝慎也特
 其絕時子方之秣陵而季乃以出弔於外且室
 無人夕焉不得視其疾為嫌者夫得靜而逝且
 無苦與彼戀戀悲者不其遠哉季百穀敘述其
 事而哀之猶謂其始送之門戒之過返色甚怡
 禪悅亦章 卷之五 十一
 又三日哭姊何氏遇於一哀而慟為憂感之能
 傷生而又哭之明日送人之喪風於澤舟蕩幾
 溺安知不驚墮其內耶此無所歸咎疾痛之甚
 耳是豈人所能為哉伯季於友于甚篤季始孩
 而嫂鞠之為櫛縱總角揚潘頰之猶慈母也者
 則恩之宜不能置始學誦而資異季乃伉爽負
 氣有擅當世才君固誠一能知葆澤之利辨五
 殖之次以生生自庸固天之命此各極其用以
 寵靈王氏哉今季之名懸之日月海內誰不傾

者因而適其所自生與其宗從支庶彊大昉焉其何窮者况君之夫婦有梁鴻龐德公之操行自昔競爽媲美共貞能幾何人與卽時賢爲誅者且數十家予不腆之辭得傳君庶不愧色哉

吳子知賢妻陳傳

吳子知喪其妻已爲之狀妻之父爲之銘又乞王先生爲之文又請予爲之傳蓋親之也親之也者賢之也賢之故載之載之家又請之人徵信也夫賢也載思也載也三思之甚也而又請

禪悅小章

卷之五

七

爲思之盡也古者女史執彤管以日御於后夫人所有善則書嗣而子政之傳元凱之記皆是物也夫丈夫作爲功業建立名行則易然猶鮮傳者况婦人從人者也無非無儀雖美弗彰豈不尤難其傳哉按狀陳出自憲使公大父亦領憲與吳君之先太僕公相善也吳君歲丁卯甫生卽邁家難屬憲使公以豫章守入覲過里中時太僕公已病請婚許之又四年乃委禽焉不忘久要也遂兩室如一休戚是同吳君少而父

爲臚公被逮卒請室而憲使公亦卒家益不振

大母宋母周姑婦哭哭陳來歸之歲方十有七

而吳君十有六耳既俱幼吳君方志學而昇陳

以幹蠱亡何卽舉襄事哀莫大焉者贊爲禮卽

位而迪遠近來觀者無不羨其能中也祖姑暨

姑謂婦賢愈憐愛之吳故世家而陳且穉弱未

諳乃其御於姑氏粥粥然卑敬是畜昧爽而朝

視寒燠爲和齊甘辛柔滑以作時氣無有原也

欽衾篋枕躬其勞二姑氏皆安婦之善養事家

禪悅小章

卷之五

十四

人作業治稽藝塲圃畜牧滋植貨賄出納爭時上下斂藏蓄聚心計籌度所鮮所多課督皆得要領人不聞其聲而黠猾奴咸錯愕無敢不盡力馭之有方哉遂致貲溢豐於舊埒有封者此其才踰丈夫子矣親姻歲時遣問與吳君所欲施與皆先得其意若有賓客之事膳饗酒醴菁黍梁秫唯所欲無不立具或厭厭夜飲漏已深猶拱而俟吳君勞之終不敢懈也繼連舉二喪姑老而傳當主婦於禮戚衰而治盡瘁若初遭

喪者然以鞠傷過不勝毀產二女又皆殤不無念之深復舉子而值母王病劇歸就養罔晝夜在側母一飯亦一飯不敢飽焉視藥物嘗而進禱祈驅禳請以身代而母竟卒尤哀慟慘悴孺子慕無已時况素羸瘠明年復產一女而虛弊不可復支矣疾既革忽索餐粥喜謂當起而竟不可以且吳君驚怛若喪其一姑及家之人皆失聲號夫陳爲婦之賢且敏綜緝內外綱紀巨細無不是賴小姑季叔成長之歸之室之義恩

禪悅小童

卷之五

五

所逮若請於姑與吳君或不逮請而效焉天性之慈仁其得於傅母與所發自中並毓於爲女時而鍾之世族清令婉淑貞靜惠順婦德婦工何醇備哉然不永於年則天旣與之而遽摧折之耶吳君自謂始之庀其家未出一語而無不舉今一事不問則一事廢矣一日不戒則一日荒矣矻矻徒砥礪且虞多缺失矣昔人樂有賢妻窮年卒歲自娛今之茹痛又何酷哉夫婦人志節非臨患難不翻若處其常而聲聞揚溢如

共姬敬姜貞順婦之行是其可惻亦烏得以尋常視故重其哀禮之有加焉是惟常彞豈嫵昵私溺閨帷牀第間與年雖二十有三卽百年之義同牢之禮畢矣故予題之吳君賢妻陳傳者無作辭也子一葬以某月日虛左以待尚亦同穴之意哉

贊曰質之粹温天所畀純始之所生性閑於貞信由其所託者禮教是因歸而惠於良人茹苦棘辛惜哉無辰雖邁惟天昏而令名之垂千載

禪悅小童

卷之五

五

若新載之琬琰志義則伸無謂永湮尚有鬼神請視斯文厥聲振振

戒二孫

昔南峯楊先生老而貧悉散其書予嘗叩之云今不復能讀留之何爲予時甚爲惜之以往時書多今未見者及予爲相優者所中嗾有司索隸釋幸徐甥啞獻之乃免始知楊先生爲無累也今予亦舉而悉遺之親舊其著作未就及手所撰錄郁人文勸予悉燔之矣恐他日復嗾有

勢者索吾書則所存皆尋常書富舉其積盡付之彼雖欲逞憾復如之何哉

壽周公瑕先生八十

璧二星主文章圖書土守之則人多壽考予少嘗北面君謙楊先生年餘九十而學學介福既乃遊於徵仲文先生父子則寬肅裕和壽康有永今乃得公瑕先生其殆益踰前所見信星書之言不誣哉夫文人率輕揚佻易流於華誕自恃一言可千載故無復遠計乃公瑕初為文先

禪悅小童

卷之五

七

生所重設忘年交名遂沸起與予同遊郡庠見其出入則羣隨之予於時雖未能知公瑕而輒駭焉謂得人如此後於子循所讀公瑕詩始信名不虛立者子循憑負頗甚然猶亟稱公瑕即求他所著無不清婉沉至皆似其人愈益知其植性敦固醇精所凝惠溫而霽朗雖以才長世彼浮靡而不檢恣縱無所顧肆情溢尤輕用其明而宕焉者每墮失其所保故非不能名於時為衆所稱而未能遐永者不相萬哉夫天之與

人每視其所勝不輕昇者人之量苟易盈焉即小有敏慧輒自伐以傲睨誕侮為而加少為多臨深為高寧免於人所指目而摧抑之哉故涵蓄弘豫悠遠無疆者恒不自其度耶書所云三紀者天曰明地曰昌人曰中作天之明必迓之善祥制地之昌必守之和長立人之中必篤之彝常古之作教蓋必敬遜恭仁以充養蘊毓由微至著悠深淵遠以廣大其容受雖加之美盛之德洋溢之譽而夔夔自勗故能昭天之福而

禪悅小童

卷之五

七

光益顯允乎遐世非其自作乎哉予與公瑕處自壯以及老焉每心儀其能而企羨無已以舉今之時非無名可慕者而簡夷和樂無睚眦於中憲憲洩洩以規檢自御復藹藹嚶嚶盛德之光照燭彪炳乎人使厭飲充慰欣暢悅懌豈復有如是者乎故人之所歸知天之所祐年雖彌茂德日進而不自覺惟茲歲在大荒落之孟陬先生登八十矣諸為先生壽者徵諸禮則養國老於上庠天子且親執爵執饋而憲焉或就而

乞言徵之詩則云君子萬年介爾昭明又云壽考維祺以介景福予惟先生以文命主盟斯世徵之數度則福德在我吳而曆象璧直土守壽俊前後相望是豈偶然哉且先生之宜綏休社則於天明地昌人文實朗宣之既不庸於時使展其業發舒其華英於政令典制以垂世作則則無所傷其和而泄越散佚之精之凝固厚完而調泰豫康膂力毅強起居與少壯無異豈惟天實相之而善承致多福烏有窮耶予敢為之

禪悅小章

卷之五

十九

辭以發焉而敬舉一觴為先生壽獻

題周懋修詩集

夫詩者時風也風之維繫於世所以觀盛衰也風之始則興於人俗俗之舒促剛柔虞肆險哀而情為遷情遷而風變矣今吳之風謹謹濫濫爾乎故其詩亦感暢條達繁會易動之有焉固上所覆冒和之時者久安得之音能無異乎故又謂吳多君子者良然至風之積而漸以易則慨寓之矣周君今之才士也其所為詩自少迄

壯各為集皆極其思致鬱有藻章若紹卿先生及鄉大夫顧太僕張給事諸公盛推轂之謂後來者得如是有幾哉前御史大夫崑崙公之撫吳也折節下士見其詩尤重焉亟為之聲譽兩都間無不倒屣者矣今又將北游謁之太史申先生夫太史者固今覽采四方之風而以聽政於天下者也詩之所由取舍刪裁而風會之升降進退過與不及咸取衷焉昔雖得事太史乃復自疑恐不足當者因請於余余為審喻其情

禪悅小章

卷之五

二十一

之蕩薄與聲之感發始則興詠形示未出其宗中而覃思深索洋洋乎肆所詣繼則鬯醅和動流易婉轉近乎情而切於用大吳之風其未離哉今其操南音以進太史必且蒙延納采擇被之聲歌以備一音豈其簡棄之謂哉人謂太史威重余不當妄意者語云狂夫之言聖人擇焉故遂飭筆書之方無所讓

貽季朗書

久不奉見君其知予耄哉相隔來可數歲其遷

化非始慮所及欲一爲盡之予往謂氣藏之胃中能橫宇宙乎能出萬世上乎中乃聞以吐吸延千百歲者意慕之既乃務禪理悟往者未始得遂放棄折下屏除蕩滌悉空諸念冀出世間似當消盡無復遺矣復此對君尚有所耶習氣薰染自無始來不覺發動聊語爲笑夫禪之言累數百劫俄頃耳即此殘暮又復幾許其猶此鬱勃積塞介於中者何也素所望不能萬一時寄之虛詞間舒發遣外陶泳寫映快暢一

禪悅小車

卷十五

五

吐憤懣君謂此其足有耶每一上視往古見智計沉勇建立非常或呼吸利害直談笑揮之赴機投會戈戟在前恬不復覺若身當之思有以奮其奇者又見彼傲睨當世散髮忘形或猖狂放恣倒行逆施蚊虻萬事無所嬰懷者亦復欲與同流或大人君子危行抗顏動有格正執極專一治理在於心治幾在於口治事加於人居而使物不爲物使則又未嘗不爲歛挹傾企惕若者獨所謂簡斥繆刺排讓譙詰議論詆訾無

行不類矯罔滔天詭名欺世盜竊居民間者直有激奮不顧患害切言非之是皆所爲憤憤者君往時見規謂物情所向何可常道隆而隆污而污小子何足與治而肩較者毋自抑君言爲之戢邇更不聞規誨視彼愈猖恣不可若何昔韓子似亦以爲患者盛稱孟氏闢異端功君其謂今之爲害者豈直孟氏時耶郭解陳咸之流睚眦殺人然頗依於正急人之急有患難爲之排出人於困厄不使知扶義以爲名親戚昆弟

禪悅小車

卷十五

五

賓客皆得憑仗之今乃倚王公大人詭曲媚附無不至廣有取納藉言謁請以私其利即所見聞疇不齒冷而恬不自怪又洋洋對人云負我甚我乃能忍之使一言於某公懼不歎非粉耶事如此有血性者寧能默默謂應爾哉嗚呼魏君固能兼容無擇然與之借不敢盡已又且將謂僕護前不獎借不知所惜者文學以供玩弄猶之可也又則以市又則以濟其貪狠無賴傷敗善類無不盡其力則謂之何哉僕已老尚猶啣

之是豈能出涖溘表不受世之汶汶者乎誠知
狹性不可化然庶幾魏君同所嫉在遠間或不
接欲使稍知一二耳聞近况頗佳江上多過逢
時復快談羸騎驅塵中雖不具威儀行道而得
自由仕之適翻謂未有者幾欲從君一登北顧
望寥外少引遐思尚未得獨究尋典墳綜畧意
義偶所當若與君神遇此猶在之至出幽絕冥
恍無寄待我猶不存何者復知為君固知此杳
杳者出無所之亦無所不入君謂我豈與彼同
禮悅小章 卷十五 三十一

與汪中丞書

吳孝廉來奉所惠書感慰尤劇僕晦處蔽翳潛
有是非何以當君子者而輒以御前又辱過而
與之流汗為浹今之世名能文者執事與于鱗
元美而已僕不敢望焉而向慕則已甚元美實

近古無比而好獨道所性亦僅僅于鱗於僕不
甚相善若有嫉忌然至他所稱過其實具多有之
然無害與善長也而惟靳於僕且人亦有議其
出入者僕謂必欲苟兼數代胡免折下從之如
彼博大自可狎主齊盟復何所猜而置藩焉若
猶未能示無外者故竊敢請於執事冀司盟司
慎不西屏雍人得預於冠裳之會其榮大矣然
非所敢望也蒙辱而許之序日夜引領曰寵綏
之乎夫僕往者誠自好束脩之問未嘗出境顧
禮悅小章 卷十五 三十二

與余漢城君房

秋中獲奉訊良慰僕適衰甚獨餘習未能忘猶

爾譏辭好刻鏤苛於節然無若罷適不任何元
美著遂過多博淹亦近無比瑕瑜有之乃玉所
以貴耶僕日力勝之而著乃鮮以汰去可十九
能無恨者新著吳賢贊元美兄弟頗賞之未得
奉有一書乃多為人先急削槩因慨今書視前
存者益少復又可知耶公近似綜博士家言奮
於用貴蚤努力何言令弟館徐子恐徒爾承為
秋期欣快所多軌坤鑿度易通卦驗鄞新有刻
者幸為致之當有以報草草亮之

禪悅小章 卷五

二五

簡時

劉子閒居客盛談今言事者人得竭其衷無所
諱故益自發舒雖犯顏諍皆報聞未嘗以言罪
也是其濟濟多士哉劉子避席興曰是 主上
明聖寬假之不以疇敢不威懾而曉曉也因進
而請為言者孰何願盡聞之客言始三御史各
有所言事 上聽之已下手 勅進其秩三人
者固非始望也辭不獲命如側目者何既則事
有其極物則軌經錯繆紛糾緒則不能同各舉

其條件選且不可詰輒于抵其裏則為言此三
人者有所徇乃亦人自辨且巧歸 上不直言
者而令之無自疑起想事三人者恐則又有為
言倘儻敢言若三臣當獎進無令動搖唇吻間
上方信納而復有指目之謂三人者日有所伺
狀皆著 上雖震怒而亦不深罪也蓋人自厲
執所見不相比周不以阿意嫌亦不為觸忤難
擿拾逸遺不以微小得遁其情可不謂察明章
章盛哉劉子聆客語噤不能對請以臆裁 上

禪悅小章 卷五

二六

之寬仁極矣言得無太易哉往者重言而言亦
各有當無敢以死嘗試者眩 主聽疑 國是
釁於爭固當必有以非疎賤者所測也

荅休寧王生

衰序習懶炎夏無悰雖事精進且為暑奪禪修
多缺忽承致華牘反覆增報僕篤慕典墳意未
嘗不在三代間謂雖不足朗潤鴻業其於自娛
可以無愧嗣乃聞無學遂盡屏棄久矣不惟荒
落且為戒勗謂義當墮故不敢復措一辭迺吳

瑞穀先生向為作序欲改定迄未再閱罪可知矣公何自知僕繆為過譽古謂美無定稱嗜好乃有偏與則非僕所及然數君子者皆當世重名鄙人何足當者貴鄉汪司馬先生所稱如陳氏諸君皆僕所頌向公捨近徵遠得無聽焚哉僕少所喜書今老尚未得一二幸蚤覺棄去昔之譏儒寡要無功良然公氣方銳幸折節僕敢不有所進所惠書未得讀行李始及即云旦當發恐不待急作報俟之當別有效草草幸亮

禪悅小草

卷十五

十七

雙浮屠遊記

癸巳九月之望偕張刺史諸君過近而可觀者惟雙塔禪寺予時已憊甚心忪忪懣懣恍恍若夢中與僧見殆忘其人入室歷舊遊皆恍然或坐語輒慨念往所將所邂逅飲洽層廡間事事可想而今沉沉若此耶僧延供糝餌又設蔬素筍蒲浮齊泛泛予不能舉諸君則齏焉間以奕奕者勝或感咨予咲謂南風不競乃譴謾耶遂起而步窓埃構落沿椽墉砥石一殿宇舊有燕

薊僧予為之安禪於此迺還舍之遯又躋浮屠下歷階升睹象設威雄又復至藏殿諸經在焉迺置以雜物頗不潔清予舊則嘗登塔四睇今雖遊覺身若浮雲覓神宕薄跡跡屑肩奄息頓愍憐嚙不怕雖強作咲語與諸客相和然衷迺慘怛惕然謂予之衰耄至是殆不可復哉夫予意溢雲天而氣薄穹壤迺此步武之間若冒礙者神以形用形之不能強厲者神不能振神不能振於形骸者所謂賢聖莫能度然出宇宙外

禪悅小草

卷十五

十八

者神之遊初不與形相為盛衰人憫予之朽敗而予固謂人知其近者若予所憑陵超忽邁往千載儁上雄盼焉知所底而謂予衰耶即旦夕潛昧其耿耿於天地尚疑有光屑嗟乎山川白雲予之遊衍靈人羽客予之賓友而億千萬年予之一日耳予烏往不豫哉

遯解周生命作

易以遯名卦聖人固謂遯之時義大矣哉夫遯豈必遠也雖廛市里井固亦高邈遠遐有遺世

想如其不爾則雖藪幽荒寂無人之區中固擾擾
假遜其跡不能逸其心斯固不足言而人乃有
必得活哉我雖處不忘天下嗟乎何世乃有斯
人不為司敗所求殛之以為作偽者懲且今之
竊名者抑又不然所冀不過涓滴之惠嗟呼之
間以恐悚聞聽其所占技尤鄙俚而自謂得名
人題目顛蹶什僵奔走鼓舞斯則皇甫子循不
能無罪焉紹卿淳父亦常忿忿予笑謂此求通

禪悅小章

卷五

五九

而不得亦猶好名無足怪者至有甚焉者予不
能知然所得益薄亦可憫耶昔人固云飾小說
以干縣令亦自古有之今所謂怪者不惟縱恣
無行作諸詐語盡失其所持而以供戲弄倡優
擾雜子女且此豈有所不得已者耶謂吾熟於
郡邑人既不能若我何吾何行而不可嗚呼此
遜之義所以盡喪也專利作威佐亂之禍監戒
不聞說災眚患竊非之者橫怒是加虐肆方及
不悛不圖惟其讐嫉所謂使賢智箝口小人鼓

舌逃害要利並得厥求嗚呼一旦發於人之攸
忽人之攸輕爾弗謂倖可數僥利可數叨難作
而戒終弗獲逃

述憤

人生而壽者七八十耳間有至九十者予僅見
南峯楊師丈衡山文丈兒醫曹翁乃逾之然皆
康豫無他苦故得引延若下此者予亦屢聞皆
步迅以輕躡健能飯平生不識藥餌此其為壽
何幸者迺雖獲於年嘗苦疾累初猶易瘥已乃

禪悅小章

卷五

三十一

漸深以至時止時作或作而久不已然不能即
奄然也其為綿困沉弊萬狀此亦何辜而忍此
劇德耶若文丈方書忽投筆云去矣子壽承亦
踰八十手猶執書步至門限遽坐地喚子付託
而卒此又幸之幸者予既數病不能死其厭棄
此生悴苦於世若彼貴榮利勢美麗繁華邈不
置念人猶謂維生一日愈於已者予謂彼未達
死生理且予念佛所言本無去來得蚤免一日
衰憊雖自此泯沒無聞豈非至願哉昔固有此

丘因厭病苦自戕佛亦不斥謂已永滅無餘今
予惟重於舉手要之曠遠無期難與彼好遊且
暮者論也

禮悅小童

卷十五

十一

劉子威禪悅小草卷之十六

長洲劉鳳子威著

族孫湖廣叅政原檢行狀

昔班史推漢為堯後至劉子玄推之陸終非堯後者而有劉康公之劉隋會之劉則安所稽乎哉今我劉近推自宋統領公者皆可考質然自權茶公以來世數或有異說則王璉氏與今所傳聞者不一然予行河北見公題則元曆不遠而世之踈闊未必失也原檢為予從孫行其曾

禪悅小草

卷之十六

大父為中丞公世熙大父為太守公文韜父朝獻以國子數選造未推擇卒原檢承之少學易少胥氏城已又學禮遂選自鄉升司徒曰進士其始學也大父目異之所覽誦數萬言皆時所急諸父方肄掌故名在前而竟無所試惟仲父朝完被推原檢初為李汝寧即以能法稱察人故多蒐隱賊時作攘竊不忍竟其文為重劾即功曹所理無不綜而專為惠愛雖上有操之深者亦終謂其不失廉武也徵上時會母朱孺

人喪毀幾不勝既乃赴命授御史前在汝奉

大行皇帝諱入臨冢卿欲留備銓司自嫌何以因赴哀圖亢寵焉者故人猶藉之然竟以不謁謝私第不能善在臺不數月有所論諍未上卒出之僉嶺南憲潮在海淤禁圍不固障隧乃路故雖無患而所阻楚泛桴甚嚴珍異自域外來者逮絕尋即進叅議治其所不移前後患吏者匿數澤眼然其自儆若失其馭固橫不可幾騁咸自慄聽命賊鮑尤悍戾佯也者終無悛心欲

禪悅小草

卷之十六

與之俱棄過更始而莫之可使者行部擁眾遮道恐脅之愕不能測乃始奮然謂此豈足復遺種耶踵而薄之賊駭猶謂往時懦須治兵得為計遂殲焉咸獲莫矢無復者謂斯一舉之功故撫監皆上狀應進律以副使蒞其治而威化所迄若未始櫻端拱而聽俗以大和會藩方歲當入奉闕庭原檢所臨整以暇故屬之比年行嶺外饒珍異他時入者多所齎持乃空無將人亦不敢以故意望之而從詢粵南事輒唯唯不

敢對所條具守便宜終不發人隱驅馳道途既
靡日靡夜其勞殫不自恤而連喪內人道吳因
營兆有所相景岡故高其上領原煙咽興卜謂
之當土百世適已陟叅政楚畢事行所按即如
粵事從制舉如所指無跳動固以爲可無事理
寧在作條教刑名比詳哉居無何疾作猶以前
砥悴過耶夫不有躬惟力是視其業在北山之
三章矣方盛強服政爲大夫而遽以奄喪遠近
罔不沮傷且素以儉德格時之靡自刻過苦至

禮悅小章

卷之末

五

匱無以殮其友僚共爲之助治禪視襲視飯舍
尚由古之道與既乃其子奔赴越以其喪歸道
所經髦倪皆爲呼號非有所感之則不爾惜夫
予宗之有原檢謂且以我劉升降作功業於時
大庇其本根而遽止此與原檢才給敏而周慎
贍闕以徹通亂之不以變乘之不以遽以難委
之不以疑自昔所與相優者皆有恩施雖失意
猶及其後之人族故繁邇或放渝雖人一其心
然亦有所要束固予所持賴不圖失之恒惋悞

伊可勝言者予宗初由主領黃州公以武德起
能全數十萬人故識其當有後焉自入我

明則解元公以節行文恭公以名德重擅一時
中丞公標美楚粵太常公歷事 四朝典文

翰其餘炳在中外代有人由原檢而上三世第
進士暨子誦復舉於鄉則五世矣其生嘉靖甲
午卒乙酉得年五十有二初娶朱繼徐子七人

誦諤諧先卒及詠詵皆朱出徐未有出鸞鸞庶
潘出誦諤娶胡詠娶章繼季詵娶徐鸞鸞徐鸞

禮悅小章

卷之末

四

娉馮女適楊士翹而卒孫男三人二爲誦出一
爲詵出孫女六一爲誦出五爲詠出詠於諸子
爲長而才將乞銘於當世鉅公請予爲之狀予
固不以文直略而言之貴可徵信與

參政劉原檢朱徐二淑人行狀

劉原檢予爲之狀又爲之傳詳哉其言之矣其
子已乞言於王元美司寇今將舉朱徐二淑人
合葬於新塋乞并爲之著其事案朱在吳者始
自長文及勔二家勔不嗣長文之後尤盛有譜

系存曰凱曰存理著於宣成間自後分而蔓莫
有載者雖貴寵溢尤不相合屬宜人出自太守
陽山公素以廉清著其蒞家人如蒞官教以身
故宜人幼則閑靜婉順以清令稱年及笄歸於
劉即能修婦禮於舅姑時汀州府君故無恙於
諸孫獨才叅政君而賢宜人舅之伯季與諸姊
姒尤盛宜人不出閨而遣問酬謝皆辭温而恭
故無不稱宜人能抗其法以隆長幼彛敘禮於
夫尤抑抑卑慎治衣帛衽織疋家人作業裨緝

禪悅小章

卷之六

五

襄贊無不竭叅政君始習佔俾至夜分甚厲苦
宜人奉以齊調和滋尤能適與更親之喪再皆
極哀毀以孝聞隆慶已巳叅政君被推擇為李
於蔡堅請留養姑姑命之力為不得已而行竟
戀慕不知有 命典榮一疾不起卒辛未冬叅
政君慘慘疚懷義不欲有所納顧在禮未有無
主婦者父之始繼以徐宜人徐故少宰之孫父
州上佐卿族世家女教素敦備隨之嶺外不二
載遽卒故所匡翊亦未及竟其意而遙遙遠適

以押返亦可哀矣二宜人叅政君皆已為封兆
歲戊子子某等卜葬叅政君於武丘鄉之新隴
始舉二宜人以從蓋合葬古也夫叅政君今藩
翰之良其治蹟已具前狀且始之起家文學朱
宜人躬勞於內何有何亡則其勤至矣汝寧之
役憂思尤切而外安叅政君忍不言未幾而卒
此其志節無加焉於諸子女雖各出視之如一
撫愛隆篤使咸有立待騰御尤有恩小星之譽
彰於姻戚間若徐宜人幼有志操動以曾母為

禪悅小章

卷之六

六

期惜皆不永於年朱歿以三十五徐二十耳夫
古之為婦而篤於孝敬為母而慈惠無間書於
彤史者歷可觀矣若叅政之配貞賢如此則其
教之刑於家可徵哉所歷官階以蹟最擢未及
滿考又不值 國家慶典 恩命竟未逮
而卒以盛年功烈未得越於中外且吾宗之賢
實棟榦倚故其失之咸為缺望予既為之叙述
以請王司寇今將合之而復丐諸當世名文者
固其子之意欲顯其親無窮亦時以為非得尊

位高貴為之言不足重故又介予狀宜人以請昔韓愈氏名顯於唐多為人誌銘然猶慊於譽墓者則重言哉今有鄙文在敢請姑以藉手

誥封洋山凌大司馬夫人薛氏行狀

古之大臣謀謨乎庭內不下階序而運天下則化之刑於家國者其所由來遠矣夫故昔之頌君子者必遡福之所由興與化之被及者未有不始於宴豆之際是誠有意其推本之哉大司馬凌公蓋今之呂侯申甫也其股肱王造出入

禮悅小革

卷之六

七

宣靖為時利賴則有薛夫人實佐之夫人之先為吳郡人而占籍太倉父某與司馬公父石林公望衡接宇甚驩相得也時時過從則司馬公侍方幼小神觀偉甚薛公驚焉願以女歸惟恐不得當也公父蓋唯唯謝久之無所通問兩家者竟待年未貞卜薛公又復過公父徵前語則告之以待公選於鄉時者其可乎已而歲丁酉公為博士弟子乃始以婚禮接既入門為婦禮者無不惠從躬勤恁執作視饘爨糲蕘供饋和

旨使人饗賀焉曰若之何欲高君子以名行而顧此朝夕之請哉及公與伯兄既同升澤宮伯兄則被推擇為吏而公又之乃奏名司徒除吏水衡時公初受事與東人龔秉德偕龔每折服公才夫人以公既任職官下不得顧私尤竭所以庀輯雖恒在外野于飲食而無弗若親所御時以家人作業徽織紡緇葛緒給在公費已而公稍進僉浙憲當時出按不如憲者故鍵其門付洎人籥以時啓迨公久之還而封故未發也

禮悅小革

卷之六

八

則以署隙地蔬焉不外市也其慎防哉浙方中夷寇時承平久兵不能安制矜節而夷之兵乃悍故雖有武蠶精卒未有能窺左足而應者公每在行獨勵意高奮士氣百倍所向數有功名日益起而夫人以公之奮難毅勇也尤惕若夕不遑夕朝不遑朝雖動相戒以砥竭而焦勞亦可睹矣公竟用是遞遷參政豫章適伯兄卒公以親老更此之感豈能豫哉欲留止不行薛夫人請曰公無謂我不能任養者苟不有寧也其

何以遺之宴逸請以身處其瘁。力焉。公無內顧憂也。故公得以趣上事。而石林公果疾動。夫人立侍不離側。遑遑中夜。遍求善為方者。以液湯進。有加無瘳。舅感其誠。孝曰。有婦若此。所不亡吾者。豈惟刻漏曷不其延哉。太夫人亦憐其意。數數慰止之。毋過感者。及大故。公未得臨殮。舍之禮無不自出。柩入。輿踊無節。得之天性。然非作而致其情。公居恤而追哀。不能逮終事也。尤若不勝喪。夫人則又強力相之。連值太夫人。

禪悅草

卷之六

九

除豫夫人勸之。亟行未上。已進公中丞督鄖中。鄖既即。又則又移鎮豫章。加少司馬。司空留都。則以公不已。於行少逸之會。南夷不靖。謀帥焉。咸以公文武自將。是何有者。則又以公往。夫人以公之當治兵。猶火也。火之炎。其何不及。且夷惟覩鼠藏而羝羊視賁。彘與螽。午金起。非一痛懲之。其與幾何。然一舉而羣掩之。以作功名。是傷於慈。懇懇乎以全宥為規。故公不得已於用威也。今虜獲者。毋殺。幼穉皆收之。以首功上。必面夷者。第賞其闢地幾千里。欲郡邑之而慮土之曠也。他時者。必易動。又遠為方畧。故雖疇功而不進。律止以捷聞。而官其子緹騎。長論者謂繼襄毅文成之烈。而仁愛則有加焉。生全者多也。夫人蓋預交警焉。其所裨助可量哉。且勸公勳名已著。是可以休已。古之居功者。無不被察。即五嶺之南。其見猜者。豈惟新息哉。公為之動容業已。欲謝去。會得代。亟請歸。時故倚重。公不肯聽。進公大司馬。以南國寄之。夫人遂不欲。

禪悅草

卷之六

十

行曰吾曩所以從謂爾給養也中所不從者爲
二尊人養也後復從者無所於事以兵刃作欲
少效萬慮之一也今幸所以事公者無遺欲以
此禮佛爲出世計耳及公被召典領七萃之士
夫人力止公無行曰滿則虞概盈則慮傾不乃
患乎故公辭之甚懇凡九上乃獲從亡何夫人
忽病疽猶爲公計圖未形預爲將然極所思殷
相戒勉無濡忍意居二旬而歿儼然若生此其
得之天者異耶始卒之義無不敦盡彊志堅直
過絕於人烈丈夫所難哉嗟乎覽稽前古身備
大臣其所妃匹亦必才賢斯爲敵耦故方事之
作烈烈引氣淺夫愼臣之徒憤耗不知所出而
以一語警勵使立爲之變且若司馬公之標挺
英毅擅才專氣居平不能卑節下意臨其摯而
陵夷抑熱尚肯邪不邪而夫人動以其微諷諭
默有匡迪弼佑固不可勝數也晚好禪寂齋居
而尤多所施與使人視不獲寔者給之樸寒者
給之衣爲惠於溝壑無窮性峻險隆約矯時之

禪悅小章

卷之六

十一

失以公之貴累封夫人秩視執圭比太上造可
謂崇矣而雅好簡素被髮侈袂非有慶典弗服
幼未學書其在雍爨暇輒誦習益通於女誡諸
書知其旨向以文義盛者自修飾輕者以逮下
也故於公每事必規所有放哉若公之出入係
時輕重此皆今之不可幾者也而夫人贊其行
止遠稽獨慮人所不能裁此其意度又踰越萬
萬雖臧孫母之稱識高見遠何以加哉今其歿
也聞於朝上財哀賜之葬給東園主章備
典制極寵榮公啣上之賜無已而愈念夫人
之所以相之曰始吾之仕而獲免於戾者夫人
承我以義奉吾親之終則仁之率也吾所以砥
力不內顧受賑專征少效萬一不負上恩繫
夫人是贊是忍不彰顯其行以示我子孫無忘
且垂於世知有明懿婉淑貞允材鑒著之彤史
以光昭令名哉此非當世立言君子無以取信
故命予以不腆之文略綴其緒爲狀以請諸
執事事皆據所聞與所傳聞無異辭非敢溢言

禪悅小章

卷之六

十一

惟幸採擇

祭陳翁

粵惟明靈迪篤茂純素命所賦惟福是臻履行
質直恪謹雅馴罔有誕愆退讓逡巡砥躬勅已
惠施厚倫覃彼州閭競稱其仁仁惟有後鐘於
厥身昭前之福承之以勤龜勉朝夕庶幾不泯
祇栗法言哲問是循防迺縱逸勵迺艱辛底於
薄奮克茲和閭允所修業用冀能伸構締隆造
式經式綸幾亦有漸逮於化津顯我訓喻肆哉

禪悅小章

卷之十六

三

祭何太淑人

嗟太淑人享有榮養經於三世其叨天之福厚
盛已哉始歸於何即有章服列於顯命夫子以
武奮雖時未有不恪不虔以武震耀之而祇厥
服有餘譽迨子襲位而迺乃功惟敘屢進陟握
兵要閩海綏靖我區夏又以舊都重管鑰焉寄

太夫人膺封典光顯哉洎孫承嗣之愈益崇隆
子孫振振享鼎食多歷年所人企望不可幾者
身備之矣乃忽聞傾逝曷勝感惻昔予孫息獲
奉事而不能奉其終尤深痛私謹率孫某某敬
以俎羞薦獻几筵靈之昭昭尚其來格

祭何太親家姆太夫人

嗚呼有婦德即食其報此理之常或不得其常
庸有之不於其德有損益也何太淑人其膺天
之福身享其報者所謂食舊德無替者乎始淑

禪悅小章

卷之十六

古

人之于歸夫子為衛尉能相以禮有賢婦稱既
其子嗣起能訓之以禮有母儀爰及其孫紹厥
緒太淑人已老而猶惇惇誨以義方令無忝厥
祖是太淑人之德及三世矣亦世享其安榮子
孫誥誥承歡膝前晚而豫和無有不適所謂壽
考以寧保我後生此丈夫所難而一身兼為之
亦兼享焉者非獨得其常盡其有生之願世所
鮮值者哉忽聞傾逝為之駭動不能匍匐奔問
謹率孫輩奉薦一觴惟靈不昧尚其格只

祭韓承志刺史

嗚呼野人之所謂類者何算也都邑之士則知其類矣惟士君子乎而後能追往拊今悼歎於邑乎韓大夫與予少長里中同被推上中間出處或異間不相聞或至數歲逮老而返於故所居盤旋焉踟躕焉亦忽不覺久而意寄宵渺相與於無相與相爲於無相爲故相與爲莫逆而亦不自知其合也予故放唐不稽而大夫馴謹以禮教自將老猶克勤小物予每以爲言而禪悅小章

卷之六

五

祭元美

嗚呼公遽反其始乎公之作爲世之範使出而

振之若將靡而繫之維散而挈之綱遂以文命進退一世謂非天有意生之耶自公之生而文勃然興海內士爭灑濯望風而靡文亦益大起當是時惟王李所長弟許諾則咸自喜爲可當作者故雖引退者屢而輒召上登進位常伯益顯榮矣將遂秉國成飾典圖象法賁敷於休而堅請歸歸亡何而沒嗚呼天不使公竟其業而文明之兆晦蝕未融耶予與公忝同歲而慕響深雖相去伊邇不能數數况其翱翔天飛中間獲請者亦復未易得也奄至大故予復何望哉僅獲一問公雖已病尚不勝眷眷慘惻又胡可言哉喪不能臨特令孫息且致薄酌尚沾也夫然公之爽精則已照徹之矣哀哉尚饗

祭胡夫人親家姆

於維醇懿矜志敦誨淑慎貞清作教壺內婉順婦柔克共饗饋敬恭無違馨烈惟類毗贊君子勤於用諄惟時顯休茂揚昭對出踐王途嘉茲

禪悅小章

卷之六

六

韋韎明業朱融中道言背抑情裁哀靡恤躬瘁
愛豈不懷嚴畏兼逮良哉母儀光於典載云何
長徂不此遐貸懣惟儼施無聞馨歎詎隔顯幽
芳聞未艾疚茲憫傷可勝歎慨夙戒祝宗向風
遙酌庶亦格歆神理如在

祭雲山尚書泊夫人呂

嗚呼維茲不休純祐所篤載列顯相罔不方穀
越我孤卿羣望斯屬爰自理士迺寄司牧畔渙
漳人政惟熇熇荐更陟颺攝司統督藩翰是宣

神悅小章

卷之六

七

勤悴斯鞫踐歷中外總釐政軸矜所辟刑叅聽
之復儼若敬恭惟力是戮迺爾和熙景命有僕
方倚統平遠弘止足業之始融反於初服茂自
養綏歛時諸福奄忽降屯云何不淑肆惟夫人
敦用緝睦佐宣風猷儉素悃愾誕膺命章榮此
朱襮軫念同歸淪謝何續某等聞問恒驚顛倒
匍匐天喪老成庸不茹酷傾遡疇往分義相勗
曷慰九原申此誠曲載奠生芻虔命史祝上下
索享神儀翬翬庶能歆止盼此芳築

祭碧山母

維靈櫻質貴令標聞蔚華閨行慈範極茲修姱
爰自來嬪惠於大家門著懿節德音有遐憬此
風烈貞高是頡溢於前休播乃芳潔媿美君子
誕挺時哲施我州閭罔不傾竭式作母儀砥悴
之揭訓言有成早踐朝列民社曹司股肱喉舌
榮業荐彰雍鼎俟燮寵分蕃岳周旋憲臬獲綏
祿養隨所屆輟温清朝夕敬愛罔缺撫斯奉將
動止充悅遐不永延期於耄耄胡然遽泯遺此
慘烈淒露茹哀寒原興咽顧瞻庭帷曷慰誠結
况託比宇惟泣之啜縮酒豈馨井泉之潔介於
史巫薦之滴次神所格思復何涯埒

祭吳九華

嗟乎公遂止於斯乎其慘愴予豈言所能喻夫
維秋夕之方攄戒予以共虞翼一申茲游娛乃
獲從之未紆忽聞戾於虛徐謂不妨於與居旋
欲起而越趨遂奄至於長徂耶嗚呼傷哉聞問
疾痛喪心失圖感惻噫嗚摧嘆欷歔悵悵號呼

神悅小章

卷之六

十八

莫知所如且與公年時相去幾十歲所予固善病而公乃豫安謂膂力出以經營四方而當可猶願以托吾私計之荒墮幾日夕之禪我乃若是之相左豈造命之有頗雖徊徨而則那若公之負荷與位望之巍峩出入於青鎖而聲華之誕播予夙已著之甚夥雖鄙辭之猥瑣而於公稍得其磊珂今及此之厄禍欲更殫其懔懼詎能述其衷而無巨嗚呼痛夫往歎不可追而來念復靡靡之增悲慨不勝其涕洟聊薄陳夫餐禪悅小草 卷之六 九

祭景翁代人作

維公國之耆耄時之禎祥以身為範以順服常番番黃髮衆之所望爰初從政暨於歷敷駿功崇業名在巖廊銓鑒標譽清令則章持法弼教易直立方位為常伯祚亦彌昌適茲遐享壽俊馬匡運之載隆遺我顯光云何傾喪百爾盡傷某忝卑行獲預姻屬瞻望軌儀庶茲禔福邁此

之感茹念何酷軫悼靡寧奔赴匍匐敬薦藻芷俎諸魚菽奠或冥昭臨之有煜惟是爽精敢藉工祝

祭大諫議龍山董公

維公宦適顯通位列清省給事 殿中方以法從而云何不淑可勝棟楫之恨摧傷之酷哉且上感 朝宁之念遺家庭之感此造物者何昇之厚而奪之遽哉某相與有家世聞之古云物類失其所與越月踰時猶過其所而嗚號躑躅禪悅小草 卷之六 十

祭景翁

嗚呼天不憖遺一老俾時有所憑依乎乃亡我司寇公是棟榦焉傾典刑焉喪日月少光鄉國興悵吾將安放嗚呼公之碩德隆茂尊齒重望繫海內之具瞻羣心之所向雖已饗有遐祉撫

有多福備天之厚貺而公之祗崇欽翼寬身誠
諒靡益逡巡退讓含育廣肆疇不囿於雅量方
謂善氣發祥嘉聞休暢奏格於上將隆更老
之養以示尊尚安車之使旦夕在門而忽奄棄
此歸於悅養使百爾惻愴遠近懷快不覺其悵
恨予往得事公於司勳荷殊常之眷私所感之
可鑒於昭曠逮予竄於滌滄而猶欲致之周行
收其儻蕩予雖不能奉令承教而尤所爲恩切
鏤之肺腑所願有於公者不可爲況而值此之

禪悅草

卷之六

三

饗

祭陳親家姆

惟靈貞順茂德令哲惠柔肅莊寅若職茲敬修
爰媿君子是惟好述承事尊璋曰服爾常比莘
齊姒蘭馥蕙芳婉婉閨幃儀軌有章克廣德心
無替徽音和毓宜家慄整躬勤厲茲訓迪儼若

載臨動必稱禮祗祗欽欽行之式孚外內不侵
朗識清度相古是斟罔有缺遺靡不用忱作範
女史視彼良箴雍容之盛曷云其馨是宜得年
遐不永延云何摧折中道殂騫喪此華歲徂爾
下泉忝在戚媼可勝泗漣虔命典祝布陳几筵
藻芷在御貳以佐籩庶克歆止光氣肅然

祭董老夫人

嗚呼淑靈維清誕精和粹所毓醇氣是膺桂附
常儀天榆上生靈所自出託體家卿蘭蕙掩芬

禪悅草

卷之六

三

圭璋潤瑩暨乎來歸尤極寵榮儒宗東觀文學
西京建官先六邦禮翼肱典司人天夙筦機衡
特崇眷渥千載自盟報輸矢罄篤悲諒貞允所
裨贊煌煌厥聲化之自流閨教實旌徽音弼教
作我彛常荐被光命六珈斯瑄既受多祉越于
庶禎享且未艾云何沴縈時之不祿奄忽逝傾
失我懿範鞠我介明在門弟子戚甚常情追愬
慈義昭垂令名彤史則存抑又何矜載勤宰祝
奠觴在庭冀能格只惟誠之歆尚饗

祭程于水鯤池

嗚呼程君何起之明然而遽失之茫然造物者與君亦既昇之而復斲之耶夫大化渾然率亦何豐何嗇何得何失休爾去來千載為客故一生死齊彭殤孰知此之為劇而善如爾之逝亦即安於爾之宅生既超詣高遠泰然自謂適游於壙浪之野而休乎無垠之域雖卒然遇之或謂之迫而自此幾之出入則亦何異且暮而足用為惻嗚呼是用慰爾於九原而享此之酌其禪悅小草 卷之六 五

爽靈在茲孰謂之遷易

兵備公去思碑

夫法令條教能服民於一時若其追慕想像感思無窮是豈威之所能使也惟我吳介在江海間寇飛帆出沒倏忽罔測必我無時不嚴發即剪除則易於撲滅若其蔓而後圖為患日深殆不可復制矣故我 高皇帝約束海邊設有備倭兵將嗣歲以來久安無事漸以弛廢近嘉靖間中夷寇自浙以來深入我地惟時將校奔

走行間則惟憲臣督率之所向無堅不摧上功督府前後蕩滌掃清皆以監臨之者有人邇倭夷游覓遠碣窺我不侵不叛之邦迺救災恤隣命將統師爽伐彼雖奔敗尚蟻聚海島欲俟間復入又或將南向寇江淮於時警嚴烽燧相望民人遑遑迺某公實舉憲捍衛鎮安我畿服夫士之勇怯異勢雖作之而有不能齊力將領分統行伍某布星置具左右廣昏而授之日出而易而總復有副有帥戈船被海建旆樹纛相接於途然其節制進退發謀出慮六步七步以司馬法銜勒之者雖有總師大臣臨馭於前然尊而不親皆責成於備兵使者而使者於刑名錢穀實無不兼某公以法之稍不嚴持則兵資於食不其誦歟乃廉察豪右稽責逋負幾欲行桓東罰故無不畏威懾息亦庸知公大有不得已者用是肅清郡邑不敢上下相蒙發姦擿伏如神乃知公應變之才雖倉卒人無敢遁其情若其撫綏安戢民受其惠而不自知韜鈴武解兵

禪悅小草

卷之六

五

書陣圖古一百三十餘家鬼神之秘玄女兵符
白猿劍術擊刺搏射公既習之而舉以教於衆
使騎擊選士髦頭虎貌武彘精兵貫弓挾矢日
艾殺四方蓬蒿以爭立功名儒者作氣強者效
死終不肯退却以干嚴令夫合戰雖曰猝遇敵
無所用兵法者惟吳起使其士戰不旋踵然行
師動衆必先正其行伍堅重整翼使若泰山不
可移置營設幕間諜在前故其先聲所及使寇
徘徊不知所出保全我疆場無一矢以相加遺

禮悅小章 卷之六 五

此豈與夫血戰當敵陷陣塞旗者可同論乎火
攻在昔雖曰竒之又竒而今所制火具矢道同
的發於百步之外所潰圍數重則皆公之備物
制用出意為之使彼守者與賞而行者甚為利
器時議嘉乃不績進公秩移蒞山東乃憲臺友
欲留公 上奏以請而銓曹以東人之望公
咸引領南睇而畿服亦且無虞故不克留久之
乃行夫書之稽勲伐也曰好廉自克曰節擇善
而從曰比恩施不爽曰愿貞心太度曰匡擬之

公則廉清介潔政善得民舉措從宜賞罰貞信
是將舉大匡之謀以為百世憲禪我造邦永孚
於休祥嘉德思敘紀於大帛無以甲兵徵怨而
府庫之積尤益充物人咸謂公實生我而豈勤
於我以為功哉故自衛尉及茲左右甄尤以公
之惠首被於我蓋為裔夷作忒兵士倚枕風濤
蒙犯霜露陵險阻絕坑谷故厚之者重外所以
重內也為士所以為民也故今茲之行雖戀戀
灑泣若失慈母而於士尤更追思反覆咸失聲

禮悅小章 卷之六 五

號而公不聞乃圖伐石樹碑載列公徽懿命予
為之書

程于水墓誌銘

嗟哉于水予嘗傳之矣復為之銘銘迺瘞諸幽
百世有考焉者予曷不重言哉于水之始學於
儒以迺父巢父競於文而業頗廢乃去而賈楚
吳間已乃擇所轉遷吳閫為饒業乃日益起夫
凡物之情既已知之矣行廢置與時闕非其材
有足稱者不能不韋非賈乎乃卒賈秦故惟其

人亦惟所遇可奮其才智若其他以俠聞者斯亦嘗轉財四方乎而名於後世于水雖賈而手一編書不置嘗呻吟學聲律交於賢士大夫若王先生百穀邁上之氣傾海內乃亦數稱于水謂程世有聞且迺父巢父嘗謁元美值其倥惚竟投謁去後元美與予言謂巢父固文而氣矜猶爾者時其鄉之能文者吳瑞穀王少卿元美咸長弟許之而猶謂不得巢父即今王先生之稱于水若將問於二三君子者是豈易得哉夫

禪悅小章

卷之六

七

賈古固有游間公子之稱惟其行義有足多者若其不屑屑於利而任人因時有以鄙淺業而起家者亦惟專篤純一積累而然至其個儻拓弛若范子累至千金而累廢之卒以富溢是何害為賈乎即今鄆人行賈者遍天下是其善操術不致困乏而有無是賴其為利亦博矣于水恂恂雅飭佩服君子之訓其孝友於家無間言且恨不得豐其父養而諸弟皆成立之厚分與財卒而諸子皆能承父之志不替師鏡於前聞

修挺言教法舊不煩于水之澤尚衍溢無有窮哉按其先作邑於程故氏焉自防禦公以降世有豪爽之士而皆不售於時故隱於賈而大父處士諱翰以子姓單微皈心釋氏以祈廣嗣遂誕二子而巢父其長也巢父遂生七子而于水居長子六人則其後之繁衍又可知佛誠能祐爾而又廣施惠於窮賤者不問所由推分恤孤持長者風則不惟其嗣之繁他日有與起作功名於世者是皆一念之遺乎

禪悅小章

卷之六

末

銘曰嗷嗷之德不足優也不可以久而祗取尤也嗷嗷之名不足訓也不可以循而祗取對也惟幾靈德不狃於羸舉身勤恁而明發爾與父旅忘家宿途迅征闕知勞形目罔不營往哉周覽出入匪寧遶跡于邁陟衡嶽庭不虞奄棄永即長世初云即次遽惟遐逝志在四方惟男子事肆駕而游焉知所稅于嗟歸乎惟命之制迺既返葬曰惟貞筮禮順訓經吉壤之伏澤流無窮尚其餘貲

兵備公去思碑

夫允文經武惟茲建邦定國粵有常典故雖戎車不駕而爰整其旒實無上不戒迺董督之任重在帥臣而指蹤發謀訓齊軍令則惟作監者建麾秉鉞以進退賞罰之我吳介江海間為南服重地故其設兵尤盛而列校之介冑而趨者惟備兵使者臨焉邇既承平久人情不無狃怙備雖設而氣乃不揚弛墮於是而浸甚況自往年之中夷寇流亡雖復而植業益衰外強中乾

禮樂草

卷之六

九

何以待敵者夷乃闕遠左侵我屬國

皇上

赫然命將討伐亦既有成蹟而夷尚遊魂海澨惟所向不測故我之戒恐惟夷之匪茹是慮而備兵其使君廼鎮安我邦族治兵營農內之則蒐軍實稽廩餼督連負徵隱匿發覆藏察豪石嚴威罰一清昔之窳墮弗飾以充我府藏外則簡士伍程勇怯習擊刺肅行陣招懷携貳安集綏附兵謀軍策秘文逸書韜鈴之士咸進而教之故我如虎如熊如貔之士亦既豐飽而氣乃

益振叱訖之聲沸騰海波鍛其鋒刃礪乃戈矛故惟敵是求者皆其使君作之使然且往者武衛厭於文勝之日衛尉爵雖名存而體日益卑徒曰高品而行伍視之復以廩之虛使俸入不繼自列校以下凋弊不勝言迺惟使君激厲之使得吐色而事體之紊者悉釐之裨如舊故不至相啐相陵晏然於寧一之日其鼓舞之微權殆不可窺而設施先後損益輕重轉旋移易無所變於外而默有化裁是惟幾之深哉迺詮司

禮樂草

卷之六

三十一

才使君遷蒞齊魯問人咸奔走撫監使者請留使君亦連疏上而以南服適已靖卒不克留夫我之羸賦為天下弱也久矣惟昔之率甲抵兵縱橫於齊楚間潢池爭盟諸侯皆惟我長弟許諾一何強哉而今之畏怯者實惟上之所以馭之故有孫武之將則女子可使奮而況今之選士千羣四方調集復相參焉而重以明使君之威風動遠邇使裔夷懾息無敢有異意者豈一日哉今雖舍我去而遺教餘令尚係諸人心乃

追惟使君之恩我師人雖一拊而巡之三軍之士有如挾纊況其蓄養隆厚無挫抑我培植於沃日昭景不惟境上無警而鄰壤咸戢我威荒服裔夷求底貢來庭尚未肯許豈非在事有人海外咸暨哉今使君行祖於途者雖數日不止然不若伐石誓勳以永其思故諸衛尉裨予爲之文庶後有徵哉

程天鄣像贊

嗟君受質自天恭肅敏慧帥德抱仁根道核藝

禪悅小章

卷之六

三

玄白守貞雅志克礪厥嗜典文咕嗶之肄削牘
攷毫關視高揭敘論綜博直暢罔貫識惟紀載
比諸史氏受姓伊始遡其枝系俾有作稽迪窮
考綴抗於厥宗率興爾嗣亦質爾業見於君子
從容俾前敷奏爾旨嘖嘖爾嘉曰惟所詣躬作
遜讓夙宵無替珪璧之英煥奕章明楨幹忽傾
摧玉毀成于嗟不辰將垂爾名

劉子威禪悅小草卷之十七

繪海陸功德化緣疏

長



夫人所造業其報隨淺深輕重受之業萬變無窮而報亦參錯無已其墮地獄者既無期出而間出者復受萬形牽纏哀苦不可名狀得生人道甚難何所不可樂而乃造為諸不善業且獲逞不過數十年間而貽千萬劫不可復脫之報此其人况非茫昧不省者而陰恣刻害豁罄萬

禪悅小草 卷十七

十一

重當之者碎犯之者焚而猶欲飾為慈愛假以舍施營造懺悔者此固不及救於萬一而波羅夷罪亦可藉以少逭耶故水陸道場專為彼造業者受種種身被種種苦以楊枝水遍洒一切於焚炙屠裂之頃嗷嗷之聲暫得停息發普賢誓願使無一衆生不得度者則焚修之功於是乎在而象設聖賢應供養者惟卷軸為易圖寫衆變使瞻仰者毛髮竦豎生敬畏心今茲之請欲假諸緣信各舍貲力財幣共助成之庶水產

陸滋胎化卯濕大身塞山海間與纖細入隣虛際皆得仗此法力各於主者前解脫桎梏超證無生凡我士庶及諸宰官乞垂清鑒無直視為戲論極所仰望

緣募飯僧疏

夫我佛本願盡此世界百億萬佛至百億萬世界一一世界有此百億萬佛乃至百億萬恒沙世界則有此百億萬恒沙佛而我此身遍於一佛前恭敬供養於法於僧亦莫不爾者今我

禪悅小草 卷十七

十一

欲作佛則最初發心莫先於供養又莫先於僧乎我以法食遍此世界灑甘露水施大法喜無不充滿饜足是初心菩薩之弘誓也而有賴於地財則有所不能必者故又云我此願於塵沙世界無不周遍者則雖不能供養一僧但以此想念供養即無不得者且佛又云食百千萬億僧不若食一證道者食百千萬億證道者不若食一阿羅漢故今者祖山和南於佛前發心願齋十萬八千僧者約言之也但心誠於齋不當

有所分別有分別施則其功德無有矣然誠之極則聖佛必來故齋儀云聖僧座必虛之以待苟鑒其精誠賓頭盧時能降之此齋之所以無擇也自如來成道初受乳糜凡以施者亦何限量之有乎雖盡此世界舉以充施國城妻子以至頭目手足無所愛者是行檀也而亦斷嗔愛之根本乎故我願推此施也而遍請之四方大宰官大長者大商主各以慈捨心而惟所有以共成此功德昔佛食時持鉢遍乞之城中者以

禪悅小章

卷之七

三

緣信發心不可令虛故徃就之則今之沙門不爨而食者亦令食之者獲福也而以之請以之勸又從而爲之辭其有信受者默而許可雖指廩發篋當無所吝不則無所以者雖貧女粒米之施尚令釜溢而糜息以香况我擅信皆宿植德本故今者顯名厚實美大尊高行乎當世位寵傾滿赫炎光灼雖欲自謝而進登愈邀與夫饒厚多貲壤入數倍跨通國邑邀於安處葆地連類自然而具此豈非其業所招耶故有策勵

名行雖得則薄橫罹曲忤與夫單墮鮮與寤慳院窮非其前因之驗耶然則當厲修福慧報三有恩其所利達其所保聚皆非我有也此而不致其力私此奚爲其當廣有漸被潤及飫飽給饜充慰於佛於法於僧竭所捨施復爲後日津梁不俟勸也卽爲說偈曰

惟佛賢聖僧 引手垂接諭 不隔於刹那

卽得登初地 示現於閻浮 普欲遂沾濟

是人得供養 無不蒙恩逮 利益難具說

禪悅小章

卷之七

四

廣如鴻鴈遞 無分別智知 而不可等劑

世間出世間 羅漢辟支佛 天人阿修羅

那羅乾闥婆 敷衍妙法義 游行於世間

今我皆作禮 稽首光相前 是諸無量衆

所作無漏緣 我獲預法流 悉得識徃愆

宿以慈愍故 惠官就我食 酥乳非薰薌

釋米亦非擇 呪願令清淨 但一麻一麥

令中充鞮足 甘露潤喉噬 賴茲法施遍

度脫無有隔 念我多生中 追計於徃昔

游行族姓家 廢忘陳請乞 情既非貧著

隨順事求索 弘誓欲兼利 不障以基墟

說六波羅密 信授隨有獲 若人開大庾

釜兩共欣喜 區豆豈可量 芬芳出香稔

讚嘆此功德 如日天嚴住 煮麩共藿菽

鋪茲何禹禹 法侶願同臻 無學盡雲聚

能使米多沃 非曰羨禾穰 惟是一會中

千生已可睹 於我有因緣 終不捨我所

凡聖非有殊 歆此亦既吐 儼似靈山集

禪悅小章 卷之十七

五

不散於此土 無心何覆藏 知雖不求祐

報業定無契 往來若券取 天眼所鑒觀

鬼鬼功德主 非我辭能宣 舉意積已樹

天宮寺重建善財閣募緣疏

夫自文殊師利菩薩南行經歷福城東住莊嚴

幢娑羅林中善財與五百童子隨諸天人圍繞

聽法而文殊獨觀察善財為大法器安慰開喻

為說一切佛法善財從所聞已發無上菩提心

遂求應云何學菩薩行云何修云何趣云何行

云何淨云何入云何成就云何隨順云何憶念

云何增廣云何圓滿菩薩於是悉舉普賢無邊

際行十方一切諸佛願海勸以遍一切剎窮微

塵劫修學廣親近善知識於善知識所得法無

不隨入無有厭足指令從南方妙峯山始遍參

歷九遇五十三位善知識竟於慈氏菩薩所得

一生之佛果普印一百一十城之法門由初信

心不出剎那際因果圓滿時不遷智不異已入

佛果位之生及當來下生成佛之生故立頓成

禪悅小章 卷之十七

六

佛者自昔惟善財龍女凡初發信心欲求無上

正等菩提皆當學善財童子向吳中有寺名天

宮是善財嘗所顯化自塑其象僧拜請示現乃

足一指翹起至今存焉而瞻仰者咸謂他所未

見主僧某以舊所偏隘不稱尊禮謀所以奉安

悅慰改建殿庭增其式廓時乃丐請四方賢豪

長者宰官居士共有發心營茲善果夫法喜法

財由一念淨心遂充滿微塵剎若善財初生而

七大藏從地涌出光明照耀五百寶器種種諸

物無不備有但一至心供奉者雖素無有儲而志在喜捨則神運鬼輸忽然至前隨所欲施無缺乏者若其不爾則雖七寶充物珍異盈溢亦且不能保有由一念慳而後報不可言故所爲奉勸者見世作卽見世受無窮法利而當來復有種種利益不可具言且若大根器宿生已來所作應得成就今得值佛所說便能頓入毘盧法藏起等虛空界廣大十種心於金剛藏智菩提妙理之中證法界佛地游普光明殿集重重樓閣因陀羅網乃至見普賢身肢節毛孔中國土身以至見已身中大千國土與普賢無異無二如帝網一多重重無礙無盡無盡廣說乃至不可說不可說皆善功德成就於俄頃間與善財等此皆誠實語不誑語不異語我乃其爲宣說惟願四方善信速以無心布施廣植福田地天中輪影夙當旋轉地上椽題卽復輝煥業業寶城四開欄楯巍巍化宇八簡觚稜周匝金剛法際克盡微塵數量毗盧遮那如來獅子座

禪悅小章 卷之七

前一切寶蓮華座上普現善財叅諸善知識如我今日與往昔一等非我廣爲宣說勸誘佛理實然幸自猛省

壽生菴說戒品募緣疏

予觀涅槃經義所論戒乘緩急則於乘緩者乃名爲緩於戒緩者不名爲緩然聞六度萬行以戒爲本故謂戒如地地能特載萬類而戒能生茲萬善故修持者必以戒爲首近代釋門頗以戒爲常行忽而不講况亦不能發上乘心解脫冥悟超入妙明覺元則於二者俱緩何能有所證得阿耨多羅三藐三菩提耶今吾土信善傾心菩薩行門建立道場恭情律師某某於某月某日爲始會集大眾敷衍地持善戒梵網大小乘諸戒品畧說廣說偏說具說佛所開制禁斷初終圓漸或小乘所許大乘不許大乘所許小乘不許外道聲聞菩薩及佛所修集行業方便垂慈誘接規導凡在學地者皆當諦聽夫諸有情類其初本具是清淨光爲情識所轉昏瞋蔽

禪悅小章 卷之七

痼有覆無記汗染濁穢如新白氎微妙妍潔皜
耀灼爛而爲垢漬塵點青黃雜色隨之而變故
戒城禦止律範閑衛防違謹非禁格邪動助成
願行循念修習其本未汚者俾終不昏失而已
彼牽引者建志勵行復還其初故毘尼經藏付
囑惟殷而羯磨戒本規誨尤切佛之金口親所
啓導西土聖賢承傳化接不敢有所損益大乘
三聚菩薩五法瓔珞本業三曼陀威陀羅五戒
十善以逮小乘之五分十誦比丘比丘尼彌沙

禪悅小章

卷之七

九

塞沙彌尼等諸律法皆殊勝妙音人所難聞無
論邊地不聞佛法卽中土雖得見佛而不知慚
愧放意自恣故有雖名出家而行汚市人者良
由不奉戒律不知軌儀淪墮沉溺無所拯救今
我四衆特申勸請大沙門律師開建法席宣朗
解說演暢如是大法使未聞者得聞未喻者得
喻但衆既雲集供饋之費不無仰藉於宰官居
士賢豪長者迺述茲懇款控於初發心已發心
未發心一切世間同所誠請若得預聞戒者其

爲利益所不能喻自一念以及念念相續由麤
行以及細微具足始卒堅持無有隕失口業清
淨卽佛爲說法身業清淨卽佛爲現前意業清
淨卽法性本覺隨所至處則諸善神擁護而三
乘教理自然通貫漸證三空超踰十地豈謂戒
急乘緩徒多福力而不證無上妙果哉故所懇
祈具如上說伏惟指廩捐囊竭資傾藏不住相
布施使預茲一會儼如靈山往日不勝誠願之
至謹疏

禪悅小章

卷之七

十

壽生菴募施地建精藍疏

夫剎祠構宇刻繪尊像獲無量福德故旃檀初
寫寶座起迎自昔感靈不可勝紀若近者藍若
在四方雖徃徃而是多毀替狼藉燼謝可勝慨
與壽生菴建已久載在圖藉而主守者數易故
迭興迭廢地頗稱隘舊所立殿更圯僧永休爲
比黨正長延請主席未幾而廢者復起漫者復
飾傾者復支而自遠來聽法者常滿惟是舊奉
尊像安經法之所未復欲營締崇立而局於淺

狹不稱祝釐尊事之義於旁有廢圃不任樹藝
欲買貫興築稍擴舊址而偉茲新構顧布金長
者當遍請四方而垣墉朴斲尤賴善財貲力况
邇遭歲侵禾菽不爲食二升若三升方爲終歲
計且不及此非取誠 我佛集諸功德仰冀
轉旋造育消弭災沴調適旱湛立致豐稔使銚
耨以時獲勤播植隨在秀實何以救茲艱虞興
無量慈惠者故敢竭此誠請極彼分衛投體祈
額磬折長跽所願宰官居士善信長者共相弘

禪院小章

卷之十七

十一

助隨喜捐捨鳩合少多皆爲無漏道場積聚絲
粟共作多生福祐故誘勸閭族倡言檀施賑乏
設貧蓋非權教董疏

承天寺金栗山房建慈雲安止禪院募緣

疏

聞之耆宿云我宗無語句則凡有言說已落弟
二義况言而不契不益遠而然道固不依名相
而亦不離名相予每爲禪者請以文募施賢達
長者予固不能證悟然檀波羅密是六度之首

予敢不以不腆之文勸乎夫我吳之承傳自高
峯祖師以及中峯天如皆於禪宗光已透脫而
天如則專以淨土爲事上視二祖已稍異自是
此風漸微今寺宇之在四方求如往昔列刹相
望輝煥可復見耶此固時有適然不獨我吳爲
替承天寺故爲大刹今殿堂雖廢而僧皆濟濟
盛他所金粟如來院者尤爲人所皈依仰如來於
凡國土無不慈濟其有祈隨皆必得而金粟如
來又爲祈子者速得如願故人之向往尤切但

禪院小章

卷之十七

十一

能以精誠露懇無不如嚮感格今院僧某以院
漸頽圯無以奉佛之威神而象設莊嚴供養香
潔此皆所當營緝者且以四方之參請往來於
途不息而我吳爲大方未有安止之所使僑寄
野頓冒犯風露飢渴道路靡所援濟深爲可憫
夫叅學行衛與夫誓願弘通不滯一隅者固昔
之得道者無不皆然故有九上洞山三到投子
此方不契則又之一方而爲之師者亦高據法
座引接學流自百丈始爲清規建大堂連牀安

衆且數百日夜禪坐故有若株杙之談而化之
流溢二十傳而至天如嗣興者迄未聞豈源遠
而教分遂靡有聞耶然諸方禪德其行求志願
固未之息夫道必由已得悟非自他而開導激
發應機立斷者必藉師承而師之欲有付託亦
必有緣契故有舍此之彼述所問答以請初無
異語而於言下立悟者故巖頭於雪峯再三謂
其未證而途次一語不覺設禮是固機緣之會
不可專滯一隅則延接之寮安止之所可無崇
禪悅草 卷之十 主

寶之寄實惟宰官達人自宋以來名臣賢佐無
不淨心皈誠若王公旦范公鎮趙公汴天覺子
瞻文和商英其風烈耿耿在而於佛於僧尤投
禮抑節豈今之賢士大夫而不然耶故予實有
望於有位君子爲時所瞻望者賜一顧盼則居
士長者必倍相崇奉於荆立構造資械物方不
患不允物者故予再爲和南頂禮冀信心初心
事興於彈指聞法求法頓進於入流我佛默而
許可受記當來作一生補處菩薩必不遠矣
禪悅草 卷之十 下南

復獅林寺募緣疏

夫法云一代時教者是法亦與世法遷耶故常
無常義以無常則法是常世法是無常以常義
則法是無常世法是常佛所謂二俱不定者耶
故非靈山一會誰能儼然不動者餘諸所說法
處固與化遷流何怪也若我吳獅林寺是昔天
如禪師所止其持行闡揚化導一期可謂極弘
通之願矣元季及有明嗣傳雖未墜然莫能企
初矣况度劫更變世諦遷流其所謂敷座安立

行道居禪住法建開者一旦廢為荒壤與夫莊嚴相好輪藏法界輝煥照耀忽焉燼盡是又不待吳也在他所者亦多隳毀而時遇達官長者有所興起惟茲獅子林為有勢力家所據中有僧徒欲緣化購贖屢不能遂故由緣會未偶不遇大善信發檀波羅密耶浮屠某忽造予虔請丐為一言述所以募勸樂施載恢往圖起立湮廢睹遺餘於斷麓殘礫壞垣頽址想象設寶宮清梵宗闕而使夫塵俗溷穢蕪污其能無慨然

禪悅小章

卷之七

十五

膜拜祈請繼踵接途冀得復見崇構張拓故宇故當有大力者宿生慈智大善上根積集種性貞體顯現雖今處尊貴豈忘皈依將不待予言亟為之圖矣予涉道淺不能暢敷弘說竊聞今之為佛者不越四宗曰密宗宣大悲拔濟之心加持闕密者也曰教宗聞大智開示之心名相渺深者也曰律宗持大行莊嚴之心刻勵精嚴者也曰禪宗傳大覺圓滿之心證悟涅槃者也天如蓋以禪顯化而深研淨土所指示印證則又該夫教夫禪以直契貞如無念為念而淨土以恒念往生念為無念今之傳法皆祖之謂禪即淨土而淨土即禪者也已直指人無上法門更無餘別若有可說皆落言詮顧今光不透脫振揚大法不負佛付囑者非當世大宰官餘曷望也即說偈曰

禪悅小章

卷之七

十六

若一切無體 空何所顯相 相本自無體
相亦何能相 即相所自相 而即真如性
相空無有常 由妄執為常 了知無生滅

生滅由相成	是名為世法	成壞有其形
若彼現自有	何得無廢傾	譬喻比阿含
一成一切成	前因既已謝	後因應復生
因緣之所緣	若謂勿如聲	智人了自體
廓落無所遮	運度非自然	何得久相藉
境則由業纏	非法非非法	定業既云爾
魔矯焉能別	雖則諸繁興	一法之所攝
顛倒復顛倒	是佛所宣說	曾不利那間
見無物不變	反覆是其常	謂非量所現

禪悅小章 卷之七 七

比量非比量	緣興由其漸	惟愚癡之人
執着我所見	由貪戀身土	謂可終保聚
不悟果生因	果熟還須替	如茲寶官殿
儼如靈山會	雖云聚不散	實無刹那住
迭代乃為恒	非恒實為恒	發意有所立
亦非爾能及	四十九年內	說法非一處
隨說度衆生	云何有常住	稽首天如師
廣度遍一切	其所常依止	是人宜瞻睨
雖法應弃舍	跡已隨善逝	顯現當有時

諸佛曾受記 疎緣藉有力 出興罔不仗

彼視為安居 在我法惟惠 用多損世財

而資咸生遂 廣與令欣慰 無不得自在

我今竭誠請 普勸諸善信 惟之共不共

徧施乃平等 必當獲福德 亦非限分劑

智者善思量 檀不應作計 况欲厭彼求

世法應隨順 昔布金匝地 示無所閉吝

亦不令缺望 是名相和會 無作之所作

無心於布施 故乞亦非乞 惟緣會能值

上根大智慧 舍所最難舍 獨力能保任

專仁靡退遜 佛顯大威容 我先得親覲

累劫我常然 不同彼所憇 完滿此功德

亦不更問訊

利濟寺改造西方三聖殿募緣疏

夫蘇為東南都市而金閭又其闐闐四方所走集也浮屠居曰利濟曰石佛曰信心曰草菴皆昔之所崇奉嚴祠也以其近市要重地為勢家所窺故石佛信心先廢而草菴繼之今存者利

濟耳非其徒之篤信能守其餘教杜侵漁者故獨至今存歟夫佛之言舍施當獲無量利益擅用常住物者尚猶獲優波夷罪而况攘其居竊其地屏象設毀之造地獄業何時竟耶予先人常以爲言信心與所居接寸壤不可踰予持之弗失而利濟僧數輩嘗與予家作功德故亦甚稔習之今其徒以三聖殿壞將修復之乞予爲募緣疏予素傾向場情於崇飾土木顧家累重力有不給斯已矣况老憊何能爲者顧斯役獄

禪悅小章

卷之七

十九

舊者新之功有所因而僧徒皆奮勵趨事不憚誠勞地又當繁盛所賢豪長者居環遶之歲時朔旦入寺瞻禮見其椽桷摧毀簷宇傾頽風雨所薄慈容將霑濡暴露意寧忍之故其規圖在羣心不容緩而兼在水陸要衝梓材朴斲良工巨材皆所易致令甃塹埴又土所宜崇方平直計不易其舊而穹隆潭言務益闋麗顯達茲皆藉之信心善良去吝與愛修無上福德者協力趣事砥礪罄竭無所迴慮且經之言莊嚴淨土

者淨土卽身而身卽淨度莊嚴宮宇卽莊嚴已身人之願上生淨度可不先莊嚴始乎予所知宰官若錢大居士管大居士曹大居士皆素澡心浴德專意修崇故管居士遂名重朝紳薦剡相繼欲不次登用豈非誠一播聞樂善無厭至是乎今此之緣信近則敦厚恭讓純和平恕修之於家者遠則忠單誠盡慈仁惻怛施於有政者各效其力特一折枝而興莫大之業所謂舍人天小果而修無上菩提超十地堦漸而證不退轉法輪予仰羨無窮而策躬靡逮四方檀信其無以予爲妄語幸甚

禪悅小章

卷之七

二十

妻元顧君隆甫傳

予始未振家漸窘妻於崇明顧秋官曾孫女妻祖東滄公妻父一舟公時惠顧予寡味晦跡家人感感生計予時時寬慰顧公每有營助予亦感憤圖效適造一船陳鼓樂游遇按使者不及避道觸怒之內人皆倉惶匿予亟往則已遭毒手予不及爲力已又及隆甫坐獄顧行賄於有

司乃免然費亦不貲矣妻弟伯堅尤與予狎予往來無不竟日留隆甫監胄子被罪辨疏於朝乃得復優游於吳諸人士間時雅重文氏彭孔嘉輩皆得與接所居齋有二桐甚茂予戲云齋之輕重視此桐善培之無令瘁諱予言遂徙已而桐果漸藁予猶謂當由主人去耶繼來居者亦不競予喪叔氏妻父亟來視予時無具徹旦擾擾東滄翁亦繼喪顧自觸按使以來家益落予自癸卯連被推擇猶厚恤予室予母將婦來

禮悅小章

卷七

三

六第娶章予亟止之俟予行竟娶之兄弟有鬻言予格正之章乃恨予不爲其婚瞰予在外則嗾其第訟兄爲分少家遂大破所居悉貨於人隆甫乃怨予不能爲之計聊落無依予間爲視饌乃不舉筋云我妻子糟糠不厭予乃享此耶皆爲淒然泣下曾無何死喪狼籍惟與幼子飄寓僧舍又爲僧逐徙報國寺予每携食飲自二三故人就之談竟不能寬其意也予來西豪里忽其子來則云父已卒藉人殯之矣予痛謂不

禮悅小章

卷七

三

既傾其產復隕其身弟之惡亦何至是耶夫令子弟隆其堂構增崇之顯榮其親固幸矣若隆甫負氣不干時貧而歛跡寧饑餓死志亦何慷慨激烈哉予忝戚屬畧不能周恤翻以予故締惡姻諸兄弟盡覆家固恨予然以先有言稍寬之今存者又皆非善人使隆甫少延豈與彼等耶顧之先悟陽公起於海外人咸推讓之妻祖東滄公少喜結交通輕俠方寧庶人倡亂時白巖喬司馬召公往計保留都令之招募適已平

神悅小草

卷之七

三

遂罷予今老追念疇昔事宛猶在日悵悵何若

大明律解序代作

古者聲律名律王府之憲亦名律肇自虞書象以典刑降及三代漸以詳哉逮呂刑之作則謂周德之季夫刑罰不可廢於國教皆不可廢於家漢人約法三章以收民心自蕭氏所定尚亦多因秦之舊文故文帝除肉刑而民始獲完其肢體嗣後或乃以如茶之令厲苦其民故有刻木舞文高下其手我皇祖作而一掃其苛繁

作為大明律頒示天下既乃益之以令以例而猶恐民之未易曉故律解與焉嗟乎其仁天下之心至是極矣夫律有六科各從其類所謂五刑之屬三千五刑不服證於五罰五罰不服證於五過今四方司政典獄雖悉心於民隱尚亦證之刑書上下比罪故有比附之條又有擬當之罰律令互有輕重乃解著其辭謂於情於法必審克之寧罪浮於人無人浮於罪故人之犯科作姦者其情萬變而以吾法當之亦萬有不

神悅小草

卷之七

三

同必隨其所陷於辟意原輕重之序慎測淺深之量立父子君臣長幼之義以權之故有上刑適輕下服下刑適重上服而輕重諸罰有倫有要必也哀敬折獄凡有辜罪若傷痛在躬而敢非德用又故古者下車泣罪而民以丕變我惟刑之恤而不明示以律之不可犯逮其迷惑而入於文網雖欲寬之其得而寬之且品叙階列示民有章內外踈戚使民不倍上下降差使民尊敬從違逆順使人畏懼準式格量使民趨事

而糾繩檢制範模軌則宥過無大刑故無小所以驅民而納之法之內其辨治分殊緒端豈一言而盡乎故條析縷分劈肌及髓支經骨縈血脉理絡筋節骨體和會貫通淪浹周遍人有小罪非肯惟終自作乃罔攸赦有大罪非終乃惟肯災時乃咸宥迺漢有若敖船官若盧司空等獄而坐獄者迺有爲之辭者若審子之於衛侯是也是非不慎於刑而時有制斷予奪其深竟與縱舍皆出一時豈所謂畫一之法哉今律解

禪悅小章

卷之七

十五

之作既已深原律文之義與比罪之由情不能毫髮遁而行法者皆得有所持循不輕於用訊雖欲緣法爲姦入貨鬻罪無所措其手予迺詳校而梓之以訓我有官君子昔者歲時會民讀法而又懸之象魏以昭布遠邇禪耳目瞻睹皆惕然有儆於衷而凡我司牧亦曰非佞折獄惟良折獄刑罰世輕世重有權雖得其情猶重哀矜故三復請命三宥弗獲然後致刑上猶追而欲舍之嗟乎明茲意於律則雖司寇蘇公其謂

爾善張我

皇國哉

跋律解後代作

昔者伯夷降典析民惟刑刑書之作肇自往古鄧皙子產不知其所鑄者何辭而叔向猶或非之豈非刑者例也一成而不可變故君子慎言哉乃聖人明其象於噬嗑曰君子以明罰勅法所噬有難易輕重淺深是惟治獄之道歟若觀象於天則太微垣之左右執法是在人主密近

禪悅小章

卷之七

十五

而繩察愆繆格其非心位惟丞相御史而我明歲命繡衣直指循行郡國卽若王五載一巡狩政之大小無不仰由而惟是三尺是爲奉若天道以從事於四方若我明臺安邑仁公將命來按我南服仁心爲質惟刑之恤越我民有麗於法者旣三復聽於訊辭而猶審稽詳慎欲宥之而不得乃具獄焉猶以彼律令雖設而訓詰未悉人尚得以倚法以削而案牘之繁聯載充棟覽未易竟株連類守事公府者彌歷歲

時仁公深憐其淹滯耳聽目覽斷決如流刑既以平民咸自謂不寃而猶以治寄之法故民不治則飾政不治則飾法而律文微辭奧義人猶聽熒故有析言破律亂民政作者惟是律解則於名例應議鈎致其情而職制公式闡繹罔漏若戶口程課出納督司惟察惟法祀典朝儀惟寅惟清司馬之法以九伐靖邦域其經野辨方允惟詰禁至司刺司厲掌戮掌囚布憲惟平而六職百工飾力治材稽違懲怠既箋疏詳盡

禪悅小章

卷之七

七

一辭一義皆凜若履冰嚴猶師保姦蠹無敢潛匿而老吏亦無所措其手足豪滑屏息期不敢犯於有司而法之昭垂若揭日月而行之無不戶曉家喻而從是可幾刑措哉仁公既已爲惠於郡邑無窮而又以今之治無若後之人無所遵用乎故以律解梓之以傳而命其題其後其惟江左之民素稱輕心易動若其迷罔作不靖自罹於憲網往往大獄興焉我郡邑之政迺泯泯紛紛賴我仁公踈決蕩夷簡迪翦雍用弘於

茲墳而又爲無疆之恤使律義載釋煥若神明臨之在上爲我郡邑有所憑藉烏有極哉其惟先王之制律故與律呂同謂賡陽出滯長育含逮故寄之典圖法象爲後作程今遇我仁公而益顯奕之是惟萬世之功豈一時攸賴也

律解序代作

夫律者防民於未然而刑者禁民於已肆古法家十名家七制刑之中詳哉其言之乃今我高皇帝作法有律令藏於王府頒於百司其明

禪悅小章

卷之七

七

允允出前古逮條例新例作累朝之所裁定則益明備矣迺治獄吏臨事猶或疑豫不能審克惟是律文深厚之意未易窺測故律解之作所以斷群疑而明德意仰裨大化是胡可不講肄以施於時哉昔有律學博士歲省月試通於法者乃得爲吏今又何可畧諸予惟昔周之法建三典以刑邦國誥四方刑新邦用輕典刑平邦用中典刑亂邦用重典故墨劓荆官刑罪各五百所謂中典者也甫侯作刑至五刑之屬三

千多前五百章所謂刑亂邦重典乎且若臯陶所砥象刑必有其文而孔子咸刪之惟存呂刑一篇忝民徵於書而不忘於上今之科條視古殆簡而民之姦偽益甚若非明示以律例使知所畏忌不幾於罔民而納之陷穽哉故曰法者所以明民非以愚民可坐廟堂之上使德盛法政而治不衰者其所以導民者有素也且書有云天道不順生於明堂不飾故有天災則修明堂無度量則小者偷墮大者侈靡而無厭於是

禪悅小章

卷之七

三十九

三就三居周之云三刺三覆三宥雖慎於用罰而法制未明故使後漢以來律令煩多至百餘萬言而奇請他比日以益滋自明習者不知所由故云老吏抱案死欲以曉喻衆庶不亦難乎羅元元之民天絕無辜是何以彰仁恕之德也予忝奉命以六條察郡邑是惟吳會夾輔王室所謂根本重地予夙夜祇惕惟恐刑之不衷乃取律解刊布以示遠邇雖不能有仲山甫將明之材然迪宣王威推明典制爲一代憲是尚亦藉手萬一哉若古二百一十一篇又三十六篇今義增於前文省於舊豈與夫警者爲之苟鉤鉞析亂而已是惟我明律令之昭垂平而無頗故正靜以待命置方而不毀絜修而不戾立強而無私是之謂恪命不改志律之所起五動四順若時至而不當以法是不迎大祥乃遷延之不道行事乃困豈先王作刑之初意哉故願與有官君子遵是典程共式克欽承闡揚之哉

禪悅小章

卷之七

三十九

劉子威禪悅小草卷之十八

長洲劉鳳子威著

祖塋封樹戒殘伐碑

吾宗自鐘山府君卜兆於武丘鄉迄今二百餘年世澤深且久矣嗣起者代有人故其封域盤礴蔽擊遠望者皆謂鬱鬱有勝氣然枝裔既繁復無有能亢宗法訓齊之者往則猶有宗長一人以言語風切衆亦拱而聽今愈肆然不復畏忌惟力是視長少相陵倫敘所不能顧而復禪悅小草 卷之十八 能原本先世念所始之者哉族惟茶坡中丞府君後爲衆其冢樹培植深新舊間列有大踰拱者尤爲茂蔚而裔孫愛護欲崇長之乃爲不肖者縱尋斧柯焉屢禁之不能戢進爲予言欲樹之碑以明著其訓曰凡我胄象同荷蔭遺報之不圖而忍創夷剪我條幹伐我本枝明明列祖爾敢悖違惟神肆威必重殛之請視昭戒盟言是垂苟或不悛執爾訊咎吏議在公毀辱在私人倫所棄面目何施

中都留守何將軍神道碑

何氏自其十世祖際會

皇造方始景附風雲以列校進迨其子疾力戰有功授定遠指揮使五世而調於蘇十傳而至留守君始益大之夫建麾秉鉞武伐奮難將軍之事也信寄敦重驅馭策勵不中制閫內之事也然才不試則無以見將不履行陳突鋒刃不更歷百戰則何以見材勇哉故雖有雄武權畧智計能乘勝席卷千里如英六亦與衆等耳今封內寧謐幸無風塵警惟邊地數與虜角故亦時有人焉然彼荐經險難與此求試而未獲逞者予無復措其論耶若何氏世將也雖久不御戎行然無有陵越悖慢以侵敗王畧者軍事甚嚴左右甄更駕參預其謀大糾其衆以待興發時亦盛有稱焉及留守君繼就前緒少壯蠶氣屢奮行間督司盜賊則姦宄屏息不敢動蒐乘檢稽出蔽隱士伍益充視衛蒙凡所廢墜咸修舉且執議侃爭分列於所司或匿避不敢出

獨抗言無所撓卒見謂倘直既乃大司馬疏名以請備禦閩之漳南以故為盜藪區時出剽俟少懈則耗起故寄之君以寧億和協之未久而以善撫柔爭出親附迺晉專閩命任益隆矣則全閩之役皆所典主既負山阻海沮如荏葦壤錯險阨固要害地也君控制攝馭董率彈壓務整以暇取蓋派以麾潛幽裔者辟易震攝海夷傳欲窺我間語之令前我且陳以待遂縮不得逞而去閩政既有成又以中都

禪悅小章

卷之六

三十一

世宗所由興也全楚之勢於是焉重遂復以君留守焉即周之岐雍豐鎬界耶君沉靜有謀慮安業萬其所措施固不煩而隱有綏緝保乂杜萌孽者極深至矣且條所當圖者六事著為令君既累試輒效使者前後上功幕府累數十牘方擬推轂闔外以大將旗鼓專征伐值江陵相歸逢迎有不盡遂罷歸以君才地眾望所屬且非以罪斥即且復用而君亦不忘枕戈衷甲以蕩定逋寇期俄而屬疾奄逝時失棟幹國喪虎

臣遠近聞者莫不驚摧怛惻夫今又治安人不見兵革可一日不警者况虜數反覆雖款塞旬伏獸心未忘正思良將伐謀壯猷克敵而君忽就異世才不盡用嗇於數而局於短世者君之遇也名播當途而遺烈微於楚粵者君之勲名當垂之有永也彼齷齪小謹奉事貴要希得其顧盼者鄙哉何壯士而為此也君正色以對權相雖忤意不益榮哉封疆之臣

禪悅小章

卷之六

四

上方拊髀以思惜無以馮唐之守邊對故未見有旌義之舉其子伐貞石以紀行事遂具載之百世有徵焉其辭曰於顯哉名誰則為勲固天所靳何君之興應期時挺聲烈振振云紹天明覃翰忠蓋靡所不慎惟性之貞惟國之狗豈踰列進式遏寇攘漂疾之鎮惟茲仗信首矛戟矜狼狽鞬韞革車所摺勢之抨鉤凜若行陣馳騫蹂躪深執伉誠曷顧鋒刃獲惟得雋夙夜在公勤恁矻矻頓忘休謁糾糾雄風武文惟厥股肱之竭懿德玄通有嚴

秉鉞四方爰發海淤即戎江漢泌渤孰敢回獮業乃未融中道顛躓摧祚實璧爰究厥終氣之陵軼尚其越溢施於無窮後所緒述并在師律壽不延鴻垂裕罔極茂乃名實遐不卸恤才恒靚嫉功在天室

吳母屠宜人誄

夫士之有誄也禮云設重之後以旌倚之又書其行而誄以哀之則婦人之有誄雖不著然或古有之也就李冢卿吳公之冢婦屠宜人太守

禪悅小章

卷七

五

公之室也是生胄子某以其母氏狀請為之誄予蓋賢冢卿而未得為之辭則誄宜人亦所以重冢卿也其可乎宜人出自漸山諭德公大父則司寇康僖公康僖公之功烈著於

憲孝間宜人之外氏則司寇項襄毅公子大叅公女甥也既皆世族雄望其所憑厚矣宜有嘉德備美以光裕顯庸茂昭明烈以順及天地長族宜家非庶姓單微儂弱者同語也既進而問諸以所自為狀請徵焉則自宜人始之來歸與

所為婦順母儀孝敬祇庸本末著其詳使予得據而命之牘其皆覈也乎誄曰惟所兆姓允釐百族于差其衷秩乃九服爰初受氏誕興於煜世之克昌其孰匪穀施之茂裔粵乃寵祿永集於祥是惟天福吳之始啓審固其畜累善以基順德惟伏後乃將大備物是縮猗猗太宰誠勞之鞠攝齊百度矜粟祇肅用不匱竭孳茲明穆艾人必豐賜命所篤刑於厥家無有不夙誕惟長嫡陪德以謨卜娶於屠和婚之髦載勤載厲敬戒是鬻屠惟與宗顯奕相屬石渠典校儒宗天鹿託體既殊抗以齊邀威儀抑抑禮教是勗相狗相下協於琴筑舅始陟揚累剖符竹車徒在門歷陸五檠出入三戒禪彼逆復或從以往定省寒燠柔之滑甘饗鼎之馥加諸豆籩絳以黍菽四方之珍以間梁肉其有不安釐容有感逮奉姑氏載驅臯麓力持家生保任里曲綜緝內外罔不是戮良人鼓篋莫匪習肄曷憚辛勞以贊厥勤爰翊爰匡周旋而貳適時加恩任子

禪悅小章

卷七

六

惟嗣履彼周行展采其賦既亟只且夙夜將事
豈遑內顧惟私之泊室之克禋以究以蒞紘之
良圖視茲饋饌其有淪逾督厲之儼規方為峻
其敢僻倚化之由隆越有顯相光以日融何者
非况雖有異居無價共養從任二都為時追曠
目注神存不違於曠嗟嗟孝仁是曰貞舅既
褒進典王銓筮司中司祿台象是纂諧爾庶尹
琰竿輿浣思益夔夔罔敢居滿召南之風實始
中閫允惟家人是為教本夫既屢陟遂延寵錫

禮悅小章

卷之六

七

副笄六珈煌煌屈狄命章匪榮悖慎愈惕非信
不行非順不立聲業既重抑思尤怒憂懼荐更
多故之適繫母之戀衷恒感感少不安節展轉
仄側食不下嗑寢不安席亦既復常若不遑及
為猶將多中心如石匪報之思曷日以釋休則
嫗拊動則引掖庶云無方惟是周極毋謂寧止
抑又何劇所欲娛我從容燕息借爾康只虞慰
我昔雖則惠順猶是翼翼爾室爾家猗于槃辟
姑氏之比適求厥廸夙興供事于何不格中外

交稱愷德籍籍歲時烝嘗漑濯是職誠孝所通
棟棟何爽譔行之備云不可擇中或構艱非意
所迫式遏以綏為謀孔棘有燁雲威齋怒斯斥
并念所恃惟日篤老危病遂嬰靡身請禱惻愴
在懷徹彼蒼昊履尾心寒臨深燥燥幾得并命
孰籲皇造彊力不支羸敝以稟削損若霜摧此
蕙草愈益愛景介於昏曉疾亦彌侵涕泣相抱
遠邇攸歎雖則載道瞑眩者再愴怳幽藐同胞
之恩若集于蓼勤請緝哀寤辟有標扶畀以歸

禮悅小章

卷之六

八

暈絕未瞭奄至彌留豈夕之紹母亦淪喪相距
非恥中不相聞抑又稍稍命之不延則於何肇
悠悠下泉翩翩飛旋翹其顛蹶紛紜糾繞初更
大喪瘠毀不少加之慈氏視息相保孝以捐軀
獨行佻佻緬爾貺跡烈於地表精之上通匪俟
介召天命不滔嘆悼斯趙幸哉有子匍匐擗蹈
聿述徽懿簡核惟瞭相爾史氏綜述績藻惟古
惇行孰茲皦皦屬辭以哀原火之燎昭灼令名
有目所眺禮固有云反巡唵瞻彼北林雲興

突繚矧伊人斯曾視彼鳥列之大帛百世其兆
光氣嘗新尚亦有考

何判府贊

備茲倅爾容敦爾顏揚爾休填填平政典輕重
眊以懸出入自爾罔有不日虔恩斯勤斯何掣
爾而漸啣爾督不忘用圖爾肩有子爾賢題爾
讚叶自今伊始澤之綿綿延延胡不然

吳鳳山象贊

沔彼流泉曷濬其源風之肆好則惟有延宛宛

禮悅草

卷之六

九

公子靡究靡屆敦緒乃休祐篤敬不懈景命斯
在遐不藹藹惟容之倅惟德之載古訓是佩出
言是誨儼然是效惟音之類有文在中斐矣其
績踐修厥猷矜翼以對無念爾祖允聞惟配

凌氏子養於金已而思返其祖又恩於金
未忍也念所以報惟供養僧福德無量願
以此迴向於金以伸罔極夫古者重於為
人後以本始之者不可亂重於辨姓也凌
氏子其亦為善於進退矣請予為之讚

無量大悲廣大願能仁普及一切遍度脫有緣
或無緣皆入我法捨冠弁削除鬚髻髻髻卽清
淨根塵作阿練盡為浮屠善法眷於世間法無
所戀攝衆生皆出離勸是為如來大方便以願
力不可思議功德的然非有譖迴向所宗中誠
薦空非有實喻如電佛親接引今出現

可知不可知說

昨聞公瑕有三不可知之說戲為反之予行年
已邁歲日運而往矣奄忽之期匪朝伊夕一可

禮悅草

卷之六

十

知也有子不慧而蚤世二孫皆不知成立難各
恣其欲則予盪盡之日家亦遂覆亡二可知也
古者立言為不朽然前觀負蓋世名者亦多湮
沒或名猶耿耿在而其所著無一存者則予平
時所著錄雖及百卷何益所謂不行一國與當
年其如天下與來世矣此三可知也然不可知
者亦三焉予惟祈速化若復得生人間以前所
鬱積及此性靈在則後身之事當有大快者此
一不可知也假令得從化後滅盡無餘所謂神

隨形盡如燈以炷滅則當泯然無知尤更可樂
此二不可知也予文雖不足存然有一二語合
即其散在簡策者世或傳之則予所托亦可以
見然傳也今身既不及知於後身復何預此三
不可知者也夫其可知者予無如之何則既任之
而已若其不可知者則予安能預慮而先計之
哉公瑕固有所冀幸而予則稍有憤慨不平氣
然自達觀論之則奚可知不可知哉又自佛言
之也予亦與浩劫無窮當修三禪以上業雖混
沌可度也

禪悅草

卷之八

十一

復射圖頌

夫古者諸侯歲貢士於天子天子試之澤宮射
而中多者有慶數有慶者加地進律不中者有
罰數罰者削地故曰射者射為諸侯也言射中
則為諸侯不中則不得為諸侯也是古於射何
其重哉 國家建學皆即其所為射圖顧久以
文藝競射禮莫為舉行今大司成師柱劉公修
憲典舉廢墜合樂舞于興士以禮樂詩書而尤

謂射以觀德講肄於圃使古禮射復崇於今海
內操觚者咸仰頌其美予不獲率先諸士以請
爰執牘附其後

頌曰猗與辟雍粵惟射宮式有戒命以興百工
自古在昔禮教所崇逮時之季知以即戎化之
弛崩其有由從我初肇造爰周摯隆赫赫寢廟
巖巖復甍璇題靡迤象楹是深列芬翼布高驥
撞撞國之右庠琳珉青葱光爛朗以崒崒景隱
軫而浮空匪人謀之所基固天啓於睿聰羣材

禪悅草

卷之八

十一

之所誕育賢雋於焉是登叶都取殊裁於虞夏

抗儵音燭於幽風翟葆垂耀長廊周通序以六

館來彼四方叶夫博延儒碩歷選鉅公立之師

氏是曰禮宗原本道德筮以考中周旋揖讓觀

爾進容滌宕聳擢緒烈朗融庶士丕作昭若發

蒙鏘鏘濟濟陋茲鎬鄴聲光彌茂蘊崇龐鴻華

聞八達區宇則充漸浹漫漬塞乎灑穹六藝咀

茹文武並庸迺有關地廣場築為觀堂量人執

度舌尋續綱能豹糜犴采侯以張祭以抗射不

寧爾觴始戒宰司樂人宿縣設之用革正曰題
肩西北步十屆於陌阡建鼓頌警倚在西偏厥
明行事匏笙並前臣師詔揖左右折旋進坐取
矢迪有倫焉措三夾一序賓以賢穆若接趾天
矯駢田嗣而寢又漸以忘甄駑馳榮譽進趨尤
虔矜炫激矯是成習沿弧矢之較不乃稍捐弘
哉藝事是其可詮

帝欽明德申命爰擇成均之法樂正是秩懿我
大胥疇咨所錫作我楷模順施四術舉脩曠遺

禪悅小章

卷之六

七

飾賁典則恢彼舊章禮之放逸逖覽藝圃於焉
興怵曰惟射義教之所出盡力於是無回遍
胡然忽諸棄置不恤翦薙屏除躬厲董率設之
藩落侯道所直四正各殊畫以丹質既袒而登
倚旌於佾間奏騶虞以鼓釋獲宰士揖請升朴
以弼福鬚橫拳奠洗之北有過則撻薄以示黜
初納射器弟子預職西面戒射相者荷瑟耦厭
衆賓立須以入躡履相及行容徐疾三耦就次
說矢决拾順羽反興其儀既佶和樂以廣豈爭

是急禮容肅穆動協均律於焉論士以考得失
獲者奔命射籌八十司馬乘之釋弓而襲視算
以退反位祗栗勝既薦列負其敢嫉內焉正志
外則有似射之言澤鵠求諸已狘若其翔飛鳥
斯企隆禮由禮獻肅几几不肖之人安可以揆
觀者如堵猶汰批滓始於誘射卒之拾矢博大
閱深曷諷厥美中既辭養罰者為鄙於焉取材
以辨良否安止讀誦樂德樂語循聲發的匪直
謂技難以力角簡能劣此矢安弓危酌之象彌

禪悅小章

卷之六

十四

見一奠二用惟敦爾利深與弋差則倍蓰此之
為教微乎有旨學士之版待致胄子温恭朝夕
湛漬文史乃羸股肱九和之俾從之以行亟選
其俟博學無算居約可使隆古之極於焉復起
翁爾向風感通何駛流化充溢畜此遐邇越惟
明命天棐其始審降哲人以為其紀長日加益
神言不主棟覆方區從容操筆追惟述揚迥冠
初軌才之茂昌育養焉底雅頌遙奏洋洋盈耳
遂涌四迄淹浸濛汜阻深闇昧靈霽需瀾赤文

倏景暉貫天市旁暢域外如在階凡橋門執經
夷鞅變矣灑濯昭新其勤至矣協氣休和奇祥
譎詭告成於上厥問華只嗟鄙生之好慕聊一
抒於佖儼仰有而乎榮號咨品類之咸喜

周逸之蘭亭圖跋

逸之高情遠韻而尤耽於書藝毋欽晉人風致
恨不能餐滷厭飫之於王右軍又所深企慕向
展側不忘者淹積既久其所尋繹覽覲訪探閱
歷雖散落佚遺墜澗壑深阻荒煙野草混瓦礫

禪悅小章

卷之六

五

篔簹遇輟撫摹愛玩出其闕翳而滌濯之若蘭
亭圖者其人景之勝傾一時在右軍亦以為興
會所及平生游賞未嘗若是快者李公麟想象
其事而圖之其共集諸賢觴詠歡適盼睨流連
於山川樹石姿相映發瀟灑爽清之氣嘯呼徒
倚誕傲徜徉自得而右軍揮染雄視遂無千古
逮潛溪學士復為之圖記則寫生之妙一一散
見於行墨間而其人之容態情度野逸飄放若
可指呼而山鳴谷應恍忽間遇之而神出矣周

君蓋叅訪積時目存心注而所見多出妄庸於
記參差甚稍就其善者亦頗乖刺乃歷十年餘
采綴搜緝模寫點染風雲色澤默存於杳冥昏
昧頃而精采飛動煥若神明矣夫其典刑蹊徑
運置才巧適媚新麗橫逸不羈而纖細綿渺出
入變幻無適不該昔人謂王微得其細史道碩
得其真今周君之作其備之矣乎又以粉本不
足傳遠勒之石俾垂永久且周君親之剡中覽
其形勝而重與朱育論說粵人士加之覃思含

禪悅小章

卷之六

六

意吮毫欲腐而後信手一揮可謂盡掩前踪超
踰萬類間以示予并乞題其後周君既已屈於
隨俗得其雍容甚都故予辭亦不復矯厲無謂
降格然

題袁氏族譜

古者庶子之官敘而族有倫族有倫而人知響
方近世譜牒無存人不急焉故族姓不可知不
三世四世而已泯沒無聞而况有能推之數世
者數世且不能知而况能遡窮其始之者耶今

四方異俗惟鄩人與豫章人猶知合族以食而世系猶有考見若吳之故家遺族陵夷漸滅逮不勝言矣袁氏乃能譜其先七世則自其六世孫漢章君載之傳至其子惺齊君予壯時識之誠謹人也無子而其譜為從子純卿傳之與予交稔晚乃出而請予題然自純卿之父以來皆未列予謂當亟詢諸其族之長老而詳著之以貽諸後後有人焉因斯列者而詳載之枝析縷分條流派別其同者燦然殊而殊者又混合出

禪悅小章

卷之六

七

於一源垂之後世無窮而猶能遡委而知先所由來則斯譜實為之也若其有人能光大以重其宗則耿耿焉與江左諸素曰淑曰粲以名義美而漢之安與隗累世三公前後相望豈不世族也哉

承軒華翁象贊

巾以莊其首裳以重其躬吁嗟乎此翁何容之飶而貌之恭自非冠服之崇而中之蘊又何其充既新其製而特異其工視古委貌之舊尚亦

純儉而表其素風昔高冠杜子夏遂以名抗當世為多士之宗君子服其服則思以度其衷况以子姓纂纂繼古之夔龍故非命章之足榮而惟德之隆足以重其鄉閭而垂光無窮

又

噫乎清真儼若風神何祉之積鄉有斯人迪由古初容服振振體性閒裕退讓逶迤冰競何烈操行之潔負荷尤殷時之棟桷貞隱離俗匪名之竊俯視庸流不足一映即之粹温固已絕倫

禪悅小章

卷之六

八

金玉其相藹夫精醇益於貌言有慮以甄雲漢為章挹之日新是宜旌錫芳問之苾接於聲聞輝尤越洪鄙心勢氣猶之蕩滌追風在昔尚亦忠質敦史繕辭聿可綜述遠映來今斯文秩秩

汪翁良之墓誌銘

夫壽考維祺享有遐祉子孫繩繩門戶聿興此所謂惟天之福迎之以祥固有所以然豈倖致耶若汪氏得姓自魯成公其在新都者俱越國公後至宋有仁侃公自歛徙休陽三傳而為太

平公是生汪季公太平公四子季公七歲而喪
父母朱鞠之哀其幼矜惜之過而公即頰敏善
承順有成人風在師不煩而少儀是迪母愈更
奇愛事諸兄尤克恭既娶於孫未父則出居分
財能讓紹隆前業惟力之砥修計然策知物貴
賤與之上下測歲之穰毀早饑轉輸他方居貨
俟時察病農與病末則出入財穀往來閩浙海
滋異貨所產陳椽其間通易有無益取饒特明
於取予樂觀時勢忍嗜欲矜已諾以廉賈稱又

禮悅小華

卷之六

九

盡付之子浴德賈湖州新市跳身歸隱日與故
所狎樗蒲博戲行碁賭子弄丸蹴鞠放遊山水
間遇所適意杯酒流連竟忘人世性雖喜飲飲
少輒醉固惟寓之酒以澆其胸中磊砢非耽酒
麴築爲且性剛烈遇事憤激雖有酒所即凜栗
改顏剖分辨析咸使心愧質直耿諒抗言無避
皆唯唯謝或有負不能償爲代之匪獨宗盟所
藉亦一鄉之人拱而聽焉且族屬既繁易散泆
謂我血脉而路人之何忍歲時恭修享祀於先
墓合族以食惟五宗流裔必軌我程蒸嘗之禮
必咸蒞庀工飾材大建祠宇且行子錢置費令
無乏又惟粉榆爲人所侵悉修復之鬼神有弗
享者畢舉其祀其爲德於隱幽不異宗人大芳
知其能緩急人以孤託焉有侮欺之者適疾作
不能興迺強起曰吾死之不恤而然諾之恤且
嘗受遺其可坐視竟爲直之故身有處士之義
使其鄉重慈仁惻怛施予無所擇有疾病者爲
和劑愈之有情事未能舉有婚媾未能遂皆爲

禮悅小華

卷之六

十

辦治人德公稱頌者避之不敢當邑行鄉飲禮舉公爲大賓一赴之更不復出邑之士大夫傾挹景企謂俗有斯人爲邦國光公愈自抑遜惟稱方外交素士逸民不欲與顯榮者埒出風塵表有超世想且年既耄此天所延益我者至矣若翱翔然乘雲而上征去此而僊乎辛卯之春暮集子孫召故舊置酒作樂意甚歡迨夜分聽優伶輩歌擊節和之故無恙又逾三旬忽奄棄時長君浴德方以公命客於長山遂不能視公

禮悅小車

卷之六

五

歿不及歛含歸而公已殞茹哀不勝欲以身從顧母在未敢公凡八舉子未有孫禱於神且新其宇遂得數孫此惟公之能格所謂享於克誠其是之謂乎夫古有云千里之中賢人所以富者世相矜以父賈彼其非有爵邑奉祿而高車駟駕華屋錦繡富踰千乘者非以弄法作姦而致之謂彼能推埋去就與時俯仰以盈蓄聚以未致財用本守之以武一切用文持之變化有概故財用術也予觀今之人無若故鄣而汪公

詢詢長者重厚謙退言不出口而人自乎焉謂非以德昌耶今其子孫濟濟篤孝厚倫欲報之恩謂昊天罔極走千里乞予銘又非出於天篤其衷哉公諱鏞字良之當世名卿爭欲致交而不得或貽之文足徵公生正德壬申六月五日卒萬曆辛卯五月年八十娶朱繼以孫

銘曰寅惟上天垂精感接篤生賢哲統承其初子孫嗣烈繼承胤遺綿綿瓜瓞分源扶疎真氣泄越逮我季公宛宛大羣內總經義外覽物理

禮悅小車

卷之六

五

剖演奧藝紀經謀矢發智競時揣測遠邇歲無停輟都邑野鄙委命吐誠人咸作使重載盡征道旁車軼克昌茂業飾彼釜錡愈自抑損罔敢崇侈居恒惕惕不越率履逮倦而傳人曰有子放茲山澤陞階衡林懿賢超踰宏度愔愔丕構克荷祗若日臨順神晏清淵源穆深儀刑具爾俄然正衾尚有千載不其湮沉予惟爾銘光彼義岑

汪季公贊

吁嗟貌若人儼望如日如雲如日光之皎如雲
色之藻優游乎塵表不忘乎蹈道爵土與符章
寧入予懷抱迪享茲逸豫永錫乎難老蕭搔髻
容之刀刀恤削爾顛之蒼槁惟遜世之潔廉允
當古之商皓郭之山若益崇郭之土若益榮雖
作德之遠悠迺匿耀而不名斯固有昊之攸保
豈夫人之所令

汪沂川太學像贊

爰翼庶庸明才作士內用五祥厲衆得度於煌
厥聲才氣所擬減格來慶躋予階凡俊民登進
迪予嘉祉兆惟九開迴徨式俟爾容晬溫流德
馨只顧瞻昭塗踐歷嘉趾天篤降寤休哉重始
展允比譽傳巖水汎訊慮營立不寧有已義舉
孚垂純嘏是揆廷見抗陳訃謀大庀恢我邦家
詠歌宴喜謀言告聞三同是枚彖彖冠裳請徵
敦史

程辰州殷荐編序

程辰州先生明德茂聞粵有嘉祀迺其易簣之

際預有戒言固鄙薄時俗而重斥諂阿風諭警
切一何峻哉然人之好德秉之恒性親不敵貴
貴不敵賢爾惟德罔小繫於人心展側不忘若
其微名於矯飾貌行而冥違有所造作以罔一
切者烏能坦然無疚於衷以自昧昧哉故雖有
子孫不能私其親鄉閭不能私其交民吏不能
私其長迺一時翕然尊之曰是惟祀之替宗與
春秋行事釋奠於先老豈我之所期於後而焉
能禁人之不崇奉哉故其子孫雖奉遺訓深自
禮抑而宗之人曰是宜配享於祖廟鄉之人曰
是宜配享先賢於學官所臨之郡曰是宜有專
祀以追慕無窮此惟為邑長於斯而主張教化
者亟務焉至為請於 朝置在祀典豈其私議
得有所輕重或有所徇私惠不歸德而誣妄視
聽濫預俎豆或因其子孫貴榮陰有攀連此程
辰州所以懇款詳命是誠耻於彼相似也稽辰
州之始卒蓋自其初即侃侃有義烈而與學渺
微貫綜百氏若星家言予雖嘗極意而終未得

其占驗中星之說肇自堯典而瓊度轉旋歷載
滋久而終不踰所賴以明天統雖日官守之而
君子亦胡可邈不聞且飛流犯守逆推其始於
何日入於何國惜不起辰州詢之若其在曹司
累有條上諸便宜興革廢置及雲中飛書告匱
獨奮往遇虜騎充斥遮道連車為營以進及九
江權征迺辭尚書賢之固當有殊命而循資擢
守即其蒞民政之平允民尸祝之以觸忤歸蚤
杜門不復出優游事外惟訓迪於鄉恪勤不怠

禪學章

卷之六

五

屢有勸上迄不復為意迺其中子消緝公所著
述請於當世主文命若王司寇汪司馬具言行
事消名能文章欲纂緝公遺無裨逸忘公所著
書九十餘種而尤長甘石星學及其占驗若其
謀猷王國籌計儲術策畧長於應變癸亥城守
扞虜方張全活奔避城下尤衆此其功宜重論
而竟不敘迄不起然猶時陳所規畫其不忘天
下之心乎耿耿忠節使人疇不慕向又能接靈
於鬼神矜響之間如有聞既沒而人猶見之若

為大官有所治此其英爽之氣著見發揚遠
於庸庸者哉君子固不語怪若威重厲嚴為顯
幽重則鬼神之事不可謂誣也公之祠是宜遍
於他方其何辭

復程巨源書

僕少而跌宕不自檢飭少年戲靡不為拓弛縱
汰家大人晚得子尤憐惜之五歲授書畧覽即
誦七歲挈之閩令為文即有意然愈益驕不可
誨又復之嶺外雜諸童穉恣為鄙褻逮歸已踰

禪學章

卷之六

五

十有七始向學然往雖墮游亦時能理其緒故
二十冠學諸士乃贈蹬名途二十七始舉於鄉
明年推擇為吏於時皇甫子約嘗稱子鱗予負
氣不相下既元美與之比而名益起僕始豔之
然亦自開堂構不欲同之既乃于鱗來與談極
折節僕感之甚元美固自相推汪司馬亦能降
已僕狂宕好狎侮人故名猶晦今公乃能推挹
之若此非所望也夫文咸自命家不相沿襲即
一人之作亦每篇異裁而體格骨力罔出一轍

矜競於新故格以命篇句以準格即今數君子
皆深自秘不肯示人以璞若玉人之追琢自磨
瑩之火光乃微露予泯沒於茲終未能快然往
所著燔棄之居多然追念之與今殆不相遠少
年意氣乃爾今愈衰痺雖刻欲自振卒不能往
歲嘗承公云降格僕深惕斯言不敢輕載筆何
者燕安勝不冥求於幽漠則率意爲之衰乃不
自覺即元美亦多可議則由任進意勝耶往郎
署時惟于鱗堪並元美餘者數子子相五言稍
能入意梁氏復亞之徐吳輩乃愈下矣予瑣瑣
無可言然沉侵於書所得稍深乃能發之文若
怠則自謂退却矣元美畏僕博語間終不敢及
書史僕少北面南峰楊先生所承其獎進躋於
游戲亦頗廢學於今思之少年時可復得耶公
麗才睿明制作不休僕敢以一言進者惟厲苦
於學其庶乎公將有重名當世幸無忘推轂意
程辰州殷荐編序

惟古者鄉先生歿而祀於其鄉及郡國皆祠之


者是惟德之所被博哉昔殷人肇祀榮公咎單
作詩九章周人宗祀崇賓享禱之於軍是曰官
敘遠節昭信非展自是祠祀之禮在漢亦莫能
詳迺今有所爲舉者是惟天命有德一時翕然
咸歸向之即欲引避不敢當誰其聽之故謂國
有九典祇道以明之稱賢以賞之立勤人以職
孤立正長以順幼典師以教之休戚以勞之位
長以遵之羣長以老之是尚先王賓禮不忘遷
變之意哉若程辰州之事徵其子洵殷荐編是
何其退讓雍容不妄欲人之保已而竊竊然俎
豆之於賢人之間乎夫人於其先無美而稱之
是誣也有美而弗稱是爲遏抑前人光且其受
命於家者是家之私而安能以其私格鄉之人
親在之又格國之人奔走之哉故出而不反
見其神出而得是謂得伸誠而有實神之一也
程辰州蓋聞庚桑楚之風而興乎蓋慕南榮趯
之病而欲加藥乎夫辰州其仕也事功施於王
室非用耳目之聰明先善興利相軋相牟若鑿

地而樹藝嘉穀乎夫會其形生之始藏其身也
即邇而不可求尋常之間而不可即此其於身
無加親於世無相涉故即其初之從事我惟無
心而惘惘乎跡之日益著名日益休我其有乎
我其無乎雖其郡國咸列上名卿大夫皆有所
撰述序乃赫庸厚伐辰州之靈耿耿霄漢監觀
此下土夫庸不知然惟神之頒在祀典越有常
秩是惟帝所命豈其可泯沒無聞於人乎實照
臨我邦家而禍福之故楚巫鼓舞於庭祀彼先
禋悅董 卷之六 五九

不敢忽且彼皆易於消歇而此乃獨顯奕無有
窮盡德教綏文俾史冊備書於天號豈獨商道
明鬼書之云何不入一鄉邑而問之亦有常見
鬼神物聞鬼神聲者乎昔鄭穆公日中處乎廟
有神人入門而左素服三絕面狀正方穆公見
之恐懼欲匿神言曰帝享汝明德使予錫汝壽
十年有九國家蕃昌子孫茂世穆公再拜請神
之名曰予爲勾芒又若莊子儀杜伯之事著在
史冊即辰州之神聞人有見其出入者其賞善
禋悅董 卷之六 辛

鬼若威烈王出顯異以恐悚視聽又若暴王之
能生死之彼其皆武怒之氣近於爲厲哉故人
猶不敢不虔奉而况正直是與豈惟一方祀之
將遍宇內爲祠是奉褒典建置非私祀者同今
子涓哀集公所爲書逮十餘種行於世則若公
常存乎昔臯陶歿久而太康之世尚或蒞誅有
窮后羿罔不聞若漢之神君能見光屑於夜祠
雖或能言終不能策知前事無爽是惟古之大
臣乃其爽靈洋洋乎昭著於上下使人敬事而





客建集

本書承國立中央圖書館借用影印

謹此

致謝

新文豐出版公司
謹啟

劉羅陽先生詩敘

羅陽劉先生以名侍御

移貳吾湖值汝楠禪除詩先生郡齊始譚

詩事自惟數年廢音兼之習見下里屬和

不啻國數千人一旦睹先生所著客闖入

越二編泠然雅音迥絕流調嘆曰誠空谷

之傳也夫世之為詩者未達性情先諧世

尚往往據按下躡遺其古初嘔心瘁神狗

聲濯字惟恐失唐人之步趨而不思終遠

乎風騷之極致敝也久矣先生獨沉浸風

雅博涉騷選鑄詞命格寧違世人之好而

擬議於聲詩之始豈不難哉先生曰吾豈

能抗作者之林心羨玄邈哉顧詩人之派
















西北有關中諸部而東南幸存之吳下吳

下先達最稱迪功徐先生而吾友皇甫昆

弟譚藝輒推迪功其微指所在求達性情

無出古調作法於始自括唐風所以願俟

桓譚侯芭於百年以共奇賞太史公所謂



難與俗人言者不欲與之較工拙也吾聞

之皇甫昆弟如斯而已君實皇甫氏知已

二編其為我敘之夫以予羨先生之詩而

重有慨於皇甫氏之論敘之簡編因以見

志豈非所至願耶初余以童子釋褐時過

從皇甫子安學詩未見許可一日語次予

忽曰詩三百篇皆可為選古十九首無非

律韻如云有鳥雙和鳴乃在河之洲如云

南枝巢越鳥或引其詞而伸之或更其文

而韻之何慮不漸協新聲而乃尋響於景

雲垂拱之後耶早歲狂言不意子安大壯

予語締為至友岐路生疑世風暗易予不

免徘徊流調之中而先生乃崛起不阿巖

然不易乎世二編絕勝者雅雋拔俗逸思

天成若朝華初啓天球未雕宛乎皇甫氏

之證璞也嗚呼先生之詩出於意致超絕

固不顯倚乎所聞第以予舊聞而先生獨

卓然嘿持之寧不有感也夫寧不有愧也

詩敘

一

詩敘

二

夫以是復先生聊爲之敘云

嘉靖戊午仲冬日德清白石蔡汝楠著

不詩敘

三

劉侍御集序

侍御羅陽劉子以所編詩二帙眎余一爲客閩一爲越覽云夫劉子早歲以明經擢第拜中書舍人選爲侍御史著聲南臺三輔至今猶欽挹風裁同官嫉其能竟遭播遷乃謫理興化移倅吳興有是作也諦覽閩中詩凡所賦樂府盡合古調及所擬名家咸類其人雖鮑照代東武諸篇官商雜奏而並出雅音江淹擬陳思諸作丹素互施而悉呈豔績又曷過焉非妙思通方兼才具體能臻是耶載覽越中詩麗則自成冲襟超悟盡去雕篆都棄塵筌如境閒花稍落林靜鳥忘還華滋紛易歇芳願坐成乖自是煙虹驚藻思可煩花鳥入閒情足稱秀婉又江路愁能盡鄉園夢懶尋聊憑寄衰髮爲道未歸心哀而不傷得風人之旨矣矧靈巖仙鯉地接武夷天目苕霅溪通罨畫足以展眺興懷余弟子約與侍御

劉侍御集序

四

同榜亦由水曹出貳茲郡凡有占綴每
商推江山助藻於燕公羊何附聲於靈運
實一時勝遇非獨窮愁而已若其明允折
獄庭寡諍辭沉靜當官坐惟長嘯乃克殫
心於藝焉夫詩闡成周漢魏繼作齊梁稍
靡迄唐始盛蓋唐以詩賦取士故士之工
詩猶漢之經術有專門焉如從游應制必
品其高下學士競揆於外昭容評可於中
雖讌集賡唱亦私爲甲乙推其擅場故詩

大劉備集序

五

益精焉稽古栢梁而下從臣第嘉於屬車
華林以前副君課美於卽席蓋同揆矣今
輦轂之下絕口不敢談藝遷謫之人尤所
深諱乃使仰楹而纂言杜門以覓句侍御
之作有未及觀而賞之者文本關運道固
因時寧不重可慨哉侍御業已遷臬終太
夫人喪將赴闕補職嗟乎長卿輟吟於巴
嶺夢得申詠於玄都其家範驗之此行矣
嘉靖辛酉七月既望百泉山人皇甫汈書

題客建集

羅陽先生以侍御史補外爲吾郡節推量
移浙之貳守行示余詩六帙蓋皆寓吾省
作也故曰客建集夫卽其所居在建不越
二載耳其官則有政刑相屬又以才賢承
所推委驅馳道路無閒時且留滯下僚所
酬應俯仰間視持鐵章坐御史臺奔走百
執事悚息躑躅不敢犯何如自常人處之
固將鬱悒不伸方勉強事事卽思避人就

大客建集序

六

榻自逸弗暇暇他事乎乃羅陽日事日
吟詠自適夜則讀古書率二三鼓乃罷或
構思摘詞爲古近體詩故其積盛如許而
咸格高調逸趣遠情深盡削凡言爲珠爲
繪於古大作家奚讓予獨愛其優柔含蓄
不愠不激博雅春容洋洋颯颯蓋深有得
於詩之正者也夫子讀詩三百篇以關雎
爲首曰樂不淫哀不傷故曰發乎情止乎
禮義如其侈豔乎詞華繁縟乎音節鳴其

不平之氣而身若無所容宜其有為之懷而鋒有不可當謂之性情禮義之正是邪非邪羅陽神氣最清學古極銳年且方新名位固未量詩其可量乎哉昔王適見陳伯玉詩曰此必為海內文宗余於羅陽先生亦云

嘉靖丁巳秋日石門山農退齋林雲同識

客建集序

士雅山人黃姬水著

夫天下之水流者渚者皆水也惟過龍門下瞿峽決呂梁而天下之奇觀出焉何也有以激之也故詩由心生不激則不奇如屈平放而騷興馬遷辟而史作不曰詩窮而後工哉締觀前代詩人莫匪羈臣素士或高才沉於下秩而情多戚草或忠良遘於遷黜而思結牢愁或王孫怨別而流落

天涯或聖哲悲窮而迫阨時俗于以宣其拂鬱不平之氣故言多奇亦有名位通顯逶迤廟廊者其言非不妍美謂其聲之和乎則有之若悲歌促調讀之令人動魂驚骨者蓋鮮矣然則詩之奇果不由于激乎客建集者羅陽侍御先生左官閩中所著也先生懷猷秉赤述古匡今共一人憚百僚煦萬民以展厥蘊先生之志也無何嫉于儕列以讒謫去余嘗作詩送之曰下

位無非職南遷亦是恩益慰之也然先生
絳結悶歎之情必有不堪焉者咸于詩發
之一歲之間祇役者再其往來道塗及在
郡所得凡若干首走書寄我金陵猥以陳
思定文屬我噫余曷知文而先生之文可
譏彈哉旅窓閒披玩數周迺作而嘆曰
颯颯乎嘉藻也哉絕去陳言務臻新境體
裁於六代色繪於初唐然而不怒其風人
之遺乎分梁則斷情於山陽之別登樓則

客集卷序

九

眷心於魏闕之思嚴瀨則慕子陵之節越
臺則懷萬蠡之勲仙嶺則托志玄虛梵林
則寓悵空寂省署則春芳掩閣郵亭則夜
猿擁條酬知則片言成信寄遠則雙淚將
心感草悲禽則易驚四運之改歌勞寫憤
則難消萬斛之愁觸目洩衷豈苟作者哉
初先生與余同為郡諸生見其每試輒雋
不再比舉進士以為不遑詩也及拜侍御
示平生譔造始知先生為諸生時已深

於詩蓋窮探綠牒之經識盡丹碑之字腹
為書筭而手為筆海矣此集尤為卓絕非
所謂激而奇者耶竊怪通籍之英苟一涉
足藝林卽擯落不容於時曰詩人華而不
實也嗚呼冤哉五言起於漢而蘇李為稱
首二人者功名氣節招揭如是亦可謂華
而不實耶人之賢不肖其在於詩耶其不
在於詩耶悲乎復何言詩以窮而工人亦
以詩而窮也時有梓先生集於閩中者友

客集卷序

十

人黃姬水敘諸簡首嘉靖丙辰上巳日

客建集卷之一

茂苑行

茂苑春來風日嘉長湖瀾瀾侵平沙槐市
西頭連俠斜七條五劇競嬌奢青絲跪地
垂楊柳明妝映水學桃花承雲輕蓋飛朝
日畫鷁游鯉帶晚霞千轉流鶯坐花裏百
丈織鱗見江底清江十里夾芙蓉濯錦還
憐吳兒兩塘樓閣參差起動地笙歌鬪
繁靡黃銀作撥鳳凰調丹瓊刻管鴛鴦倚

客建集卷之一

一

借問豪華那得知曾聞宋玉多微詞館娃
妖女絕世姿靡曼不數西家施平明採桑
出南陌日暮探鈎向大隄本來解語工調
笑何能流目盼佳期別有相逢狹路間意
氣盈溢韶容顏兩童夾車問不已猶記門
臨大道邊三息同時冠臺省歸來車騎填
郊廛五重飛樓瞰曾景九華閣道開青天
朱鳥春窓弄金爵翠羽文疏奏清籥但誇
少小舞君前豈解生愁怨離索閑時芥羽

戲書檄更覓狸膏作鯨敵百萬還將一擲

間談笑輪君同瓦礫偏稱瀟灑盛遊遨競

逐浮誇恣陵轢不愜江南苴蕘房爭憐異

國返覓香茱萸甲箭渾言俗迷迭都梁猶

未芳百伎朝朝出新意擅名不讓工倕良

學轍龜雲動飛影規裁明月寫清光光芒

動魄駭工綴快詭錯落成文章此是百年

樂休養道化方熙歲豐穰家家餘力繕池

臺處處風光縱探賞美擅東南稱粵區底

客建集卷之一

二

貢瓊瑤兼篠簜軍國資儲藉富強軸艦絡
繆輸縉襜大官細錦新入筒紛紜綃轂繪
華龍珍異從知被都邑瑰麗沃若窮方中
誰言倚伏平陂理百六時逢遘屯否海徼
驚塵白日昏四野囂然棄田里轉戰無功
勢摧靡為憂豈但多郊壘一旦身名不可
為百年生聚將何底三吳迅疾蹻蹻輕連
衡上國爭承盟邇來非夫一何鄙百死何
能滌讐耻腥焰縱橫俄

上聞詔書橫海出將軍盡遣樓船下南與
更徵板盾戍江濱占星共指天狼滅計日
應掃狐狸羣申威懸賞人思奮台鉞專征
機獨運司馬精誠契鬼神中丞朗鑒明秋
韻卽看策府奏殊勲行見臯陶誦芳問君
不見周家薄伐至太原古來何代無烽煙
蕩定還歸申甫賢旂常千祀聲華宣又不
見淮夷徐戎嘗並興詩人亦詠荆舒懲吳
兒易驚定惟怯釜魚假息何憑陵昨夜髦

二客間集卷

三

垂虹別

解維情慊慊臨路中心結親宴未須臾榜
人戒輕柁夙昔重分携詎能遠此別別遠
去炎州繫情千里流隴日淡無色原樹淒
以幽離樽訴清管沾臆此江樓江樓益繼
繼夕陰暖郊衍之子悵言旋歧予事陵緜

隱汀睇已賒引脰涕猶泫泫然其若何逝
矣逐曾波往歡劇無幾今緒積已多緒多
猶凝思扣舷動悲歌歌短雖未悉思長聊
且卽去去日以非慘慘備難述三任重遭
迴誰能念淹恤淹恤臨岐促駕卽前期
辛勤洲渚度蹉跎晚雲馳閩山鬱差峩閩
水含清姿含姿日夕佳良願不克偕墟里
形神越寤寐平生乖藉此徑寸翰因之游
子懷

二客間集卷

四

飛來峯

青霞開洞府寒玉結玲瓏丹穴含靈氣珠
庭吐邃風憇深逢石髓招遠命飛鴻彷彿
僊蹤在幽香生桂叢

別陳子

離歌日隱樹別緒倚曾廳摠駕予方發舍
情景重低山高穉落早霧苦鴈來遲況乃
盈樽酒何時當共持

江上逢龔使君

幾年浮跡寄連牆江上相逢意轉傷數問
行藏窺藻賦更驚淪落悔迷方向來積思
將秋遠此日羈情入酒長疇昔已應零謝
盡青雲回首重微茫

建陽道望武夷

斜溪蘊色發新晴入漢飛岑隱化城七采
芙蓉開錦嶂九華宮闕倚丹屏連延靈氣
霞中見縹緲僊雲石上清翹跡魏君如可
遇便隨游霧到神京

客建集卷一

五

貽方平洲

幸從寬政荷恩原量遣鐫階出禁垣去國
自憐多舛忤逢君猶爲雪沉寃詩傳藻志
懸相許詞溢溫情枉見存促路徂年悲短
策願因精理慰營蒐

貽佩蘭兼呈平洲

緒官荷成貸逢恩眷南遷懷新徒自誦義
譽非所憐何言悼羈旅披心值羣賢溫藻
相光飾淹誠愧采甄微用振沉痾因之起

纏綿狹劣定無取親宴重欵然啣意悵何
極愴深難具宣憶昔未聞道妄欲康世邈
摧殘動遭譴憂患坐相煎幸哉觀明哲殷
勤授我篇土風旣可樂泉石復芊眠聊取
季主卜開扉瞰平川

鎮海樓集樓據山俯城閩之要也

遠開雄勝業神樓襟帶山河表八州海上
翔螭窺井幹雲間雙鶴戲城頭風驅冥色
川原盡日汎長霞島嶼浮形便從教誇虎

客建集卷二

六

據豪華滿目付江流

省署

樓影殷庭暮風枝寫玉琴人今投跡淺月
自映簷深流靄渾無染飛香似可尋詎驚
衰道氣終是出塵心

隣霄臺

葳蕤高岫薄雲天影入寒空百仞懸霞構
璇臺華露冷星垂綺井玉波連飛暉盡遶
巖前桂凝黛初開石上煙日暮城闌車騎

含芳塵十里氣澄鮮

答佩蘭袁丈

偃仰及歲陰餘芳靄清旭梧竹森已行歲
沙湛猶綠煙霞半壁深幽思入門足況乃
青雲交徜徉散羈束妙解欲遺生廢形時
振俗玄悟曠心期飛藻揚新曲晚暮欣有
歸從君賦空谷

發芋原

高冬理檝事晨征津吏持船發煙嶼長風

天容建集卷一

七

忽起吹石裂驚波又浪來何許激激禹疆
鼓洪怒膠膠黑鯀驅儔侶幽壑黯黯走玄
恠陰崖慘慘聞龍語翠芝杳藹出虛無水
碧芬萼揖神女薄暮揚帆截迅流輕撓蕩
漾臨前渚畏路驅馳那得停須臾失勢嗟
無所條開寒霧湛滄浪新月徘徊下平楚
越人驚柁扣舷歌谷嚮灘聲亂憂緒河隄
極望應如是予欲乘桴從此去寄言川上
數老翁青雲招手看遐舉

憶陳子

寒水遙連越岫孤迢迢雀舫入煙蕪忽聞
笛裏傳幽緒還憶山陽舊酒徒

江行

踈蕪泛影浸雲樓江郭寥寥俯翠楸煙際
流禽千嶂入霞間挂月兩峯齊水光縈蔚
遙含碧石勢參差遠向隄極目兼葭催暮
色曲中楊柳爲誰低

蒼峽道中

天容建集一

八

連岫微茫並澗躋歲嚴零葉擁幽溪午寒
細遶松蘿散山霧平連嶠木齊陰磴氣深
光自濕青楸嵐重徑常迷纓影懸度諸川
上蓋轉斜臨亂巘西翠沐垂崖知桂發雲
來曾峴與天低衝飈縈蔚飛蓬盡夕霰徐
流蕩靄淒旅髮冰霜情未遣天涯雨雪賦
堪題煙將暝色吹心遠林帶泉聲入狖啼
叱馭從教凌九折摧輪無那恨長嘶甫令
淹薄悲浮梗可是栖遲惜障泥遙向飛梁

薄望更攀幽樹結留萸迢迢物序經時
宴獵獵驚沙撲馬蹄懷祿彷徨惟濺淚感
時慷慨詎關雞虛言遐志耽玄寂不耐風
塵緇素締翹注吳關何處覓願因歸翼指
巖棲

東飛伯勞歌

蕙樓新景下芳菲樹裏新鳥送新暉誰家
妖麗花中見笑向花枝爭粉面流霞映戶
開初月風吹態落衣香發年幾三五髮纔

二客集卷

九

齊一顧從令上蔡迷志若丹青秉明義爲
言上客何容易

嗔娥嬌轉不勝春翠情芳思管中新誰家
巧笑出花陰吹香吐艷驚人心清姿縹緲
飛蘭緒纖腰婉弱輕鴻舉年時二八正風
流含笑眼語迴明眸定知妖冶花應妬詎
惜韶華虛擲度

山行寄憶

崇霜肅肅厲寒原長岫陰凝嚮夜猿莫向

南雲頻送目祇應北鴈暗消寬

白紵歌四首

朱唇玉面華燈前逸艷飄飄只自僊金膏
薇露發春妍皎如桃萼含紫煙雲堂灼爍
羅象筵麗曲新調蜀國絃那知步步欲生
蓮空憐歌舞度芳年

輕軀宛轉紅袖芳隋珠七采耀明當溫玉
爲肌體自香流津微散粉中光麗心婉態
隨風揚參差朝日照杏梁齊唱可憐金鳳

二客集卷

十

鳳樂莫斯樂無相忘

舒朱耀碧麗璇堂蘭垠椒閣吐飛芳鴛鴦
兩兩嚮高張翡翠羣飛遠栢梁千尺銀水
落金塘美人綿渺嬌紫房愛而不見遙相
望夜深沉沉思未央

朗笛發哀箏流清風徐激絃管適烹膏
擊鮮羅衆羞夜以繼日秉燭游高彈我我
奏齊謳四座咸起紛獻酬西飛浮景不可
留今我何爲心悠悠

出分水關

崇嶺入長煙，崔巍曲磴延。
女牛星野別，越地形偏二。
水分霞上重，關綴日邊雲。
危寒不望蓬，跡使心懸。

歲盡

歲盡猶登陟，鳴颺愁我心。
哀猿朔氣入，去鳥夕煙沉。
林斷分巒色，峯交動澗陰。
蕭條深度隴，旅髮豈重任。

山驛

山驛情紆鬱，飄搖感薄游。
垂陰渾入夜，返景欲御樓。
風嶺寒逾迫，霜途望轉遒。
亂崖交雨雪，旌旆強悠悠。

曉行

長道引憂端，遙瞻起數歎。
野深隨炬冷，林暗帶星殘。
隔澗霞方辨，空山水去寒。
未醒塵上夢，猶自遶煙巒。

宵征

彌前凌促景，侵夜騰遐征。
暝樹全疑失，迷

禽暗自驚，風音隨谷遠。
月色帶寒輕，意氣平生盡。
長游不問程。

述征

炯志嗟牽滯，歸心切奮飛。
連波遙可度，危岸迥難依。
歲謝臨窮晏，霞流映落暉。
沉沉事徂兩，凄斷不堪悲。

行袂色侵霞，山寒霽晚鴉。
平雲入輕蓋，危響咽鳴笳。
石密溪光冷，松深霧影斜。
天邊煙近遠，空軫望歸賒。

煙壁度鳴鑣，松聲帶澗遙。
景寒將夕氣，霜橫入風霄。
葉下雲間樹，沙驚霧裏橋。
欲知心昔絕，流月在蘭椒。

浮踪竟何托，是日最關情。
僚慄旌竿急，蒼涼翔野明。
霜花承意發，空凜逐簷生。
無耐蓬將雪，飄飄只自輕。

夜中發信溪

迥野方遙夜，依星入使駢。
繁霜深吐色，纖月亦流輝。
木拆關河動，煙空雁影稀。
侵肌

渾自烈亂眼不驚衣爲問一高士何如
絮歸

歲寒窮路喻內作

彌年流浪跡常迷
桓褐相隨信馬蹄
凜切水姿嬌自澁
淚消霜色怨成悽
不將敗絮慚兒子
何用牛衣愧拵妻
世路若言爲客易
誤卿應是一生啼

曉發玉山

崇寒遙振野客思
劇天涯枝靜浮殘月
山

客建集卷一

十三

幽汎早霞望迷途
似盡掄絕旆還斜
蘭隩澄陰淨巖阿
積翠賒鏡音催霽
色林外起昏鴉

懷往 二首

我昔際昌景縮組
三事堂結交感賓友
蔚若風雲翔意氣
溢寰海談笑吐蘭芳
一往千載輕流連
玩景光臧耳縱清辨
抵掌爲樂方陳詩
逸調上理詠清芬
揚傲岸平生事
英風不可量
誰言若雨絕
悠悠何詎决

又

海水測天寒霜嚴
加袖短長風厲廣
術日夜吹蓬斷
慄烈特兼常雍雍
失和侃捐疾負時
堪沉光畀荒散因
之去情塗幸免從
夷蛋親愛夙昔離
不獲申言款悔吝
詎關人深尤疑任
誕顧路踟以悲哀
歌爲誰纂流俗苦
凌諄惻惻心不緩

懷玉道中

野途紛未極平莽
自荒深含景山疑
淺沿

客建集卷一

十四

流溪轉陰石幽雲
不斷樹冷月偏沉
孤劔悲風裏年年
旅思侵

烏棲曲

絳樹新妝花比艷
妖姬逐舞笑開靨
可憐歌管復含情
揚蛾送曲作嬌聲
合歡帶織鴛鴦文
連理裾開蛺蝶裙
江南調急採蓮唱
影落波中兩搖颺
袿服携持洪水上
翠幟芳風生錦浪
蘭音宛轉出花中
氣如芳霧泛輕缸

葡萄作錦芙蓉裳芍藥為贈茱萸芳吐心
寄君君不顧風吹花落紅顏暮

結客少年場

少年幽并兒談笑發英姿七采蓮花劔雙
螭白玉羈掣影若流電絡馬纏青絲朝游
夷門卒夜歌高漸離一言毛髮立泰山應
可移決命杯酒間睚眦風雲馳飛刃出都
市報讐過九達長虹為貫日吏縮不敢窺
還飛聊城箭直解邯鄲危珪組義不辱激

六客建集卷一

五

烈揚高眉黃金行散盡壁立無餘貫刎頸
為君死誰牽中顧私

烏夜啼

漢有游女名碧玉何用飾之黛用綠輕題
飛翠學明星素臉舒光發華燭嬌啼慊慊
恨常嘖緩舞纖纖腰似束直置春心不自
持托言城上烏棲曲

至嘉禾

霜滿馳歸鞅言過橋李亭石門猶挂月舊

歸自踈星已隱吳煙白還憐越甸青可能
悲泛梗客歲幾沉冥

苕溪道中

苕水汎莓苔輕鳧隱棹來煙光兼露發山
影帶雲開徑出寒桑淨帆依野岸迴還同
燕客望極目自堪哀

次黃子除夕韻

阮途驚歲夕悽思靄燈前重此天涯客其
如游子憐風塵良失性服食詎賒年願以

六客建集卷之二

六

幽棲志承君契道筌

別二盧生

朝維靈震渚夕纜羨山椒芳草征帆度春
煙客思消眷言停落日分緒急驚颺欲識
情紆鬱夜絃彈寂寥

別陳子

為別歲方新愧君相送頻候禽鳴渚色煙
月渡江春繾綣啣知已慇懃見故人有情
空復憶愁緒是風塵

別二章生

飛靄蕩朝暉江雲照薜衣
芷芳含思遠林色帶煙微
道謝恩逾薄情移望屢違
翻令憐自出回首但依依

陽羨山行

長風吹海色千里上危旌
哀壑朝煙接空林夕澗驚
微香初破萼嬌響漸聞鶯
引望春盈思偏傷客子情

山行懷黃子

新翠下楊林韶光繫遠心
懷人看草色命思染春陰
灑翰花時憶開緘夢裏尋
懸知還古調梁甫有長吟

漂陽道中

芳磴遶新霞雲深映水涯
青枝啣過鹿丹杏吐先花
目駛流光閱情多畏景斜
自來傷出處何況及韶華

道建平山中

異境舟車接松原野燒延
綠煙生柳色芳

潤郁蘭荃忽訝崗廻合還憐
嶂鬱芊尋仙無復遠前路是
芝田

夜發廣德

松逕淨堪憐云云月在煙清
陰星野澹繁雪夜花妍林寂
風偏朗山深氣逾鮮終知在
人境縹緲自疑仙

黃子將入閩詩以留之

聞君厭城市言采澤中蘭掛
席凌煙瀨携家訪石壇猿懸
無緩目箭脫有驚灘若道

客園集卷

十六

游梁好古來行路難

宿龍盤山中

空館鎖細縕星車到夜分
亂山斜倚暮諸壑半生雲
竄絕幽難寐蒼茫聽不聞
神情應自遠何處有塵氛

山夜猿相語空齋清道心
峯懸霄影入月近海濤侵
虛籟林中杳驚菟石上深
夢分神未定輕幌宿花陰

至宣城作

澄江浮練影賞會憶宣城風物今如此榮
名古亦輕山川詞賦在煙景歲華驚無那
清暉戀懷情底不盈

憇郵亭作

幽亭懸竹岫野氣溢春程鳥夢衝旌蓋花
飛偶性情連崖青映發斜隴翠分明幸自
耽游放無令桃李驚

新嶺

蹊游飛鳥上摠轡萬尋巔路擁千蹊雪山

入卷集卷之十一

十九

藏太古煙椽空雲不盡乘日逕繞懸碧落
深如此長懷一浩然

德勝嶺

披林出叢薄牽葉上青暉日勢傾巖斷雲
光接岫微澗深昏薜影嶂合慘煙霏無柰
傷人意迷踪亂嶺歸

對鏡嶺

楚天蒼嶺隔驚壑暝霞分鳳峽開玄鏡鸞
林映白雲輕煙嬌樹色妍黛染峯文影入

諸溪動猿聲未可聞

芙蓉嶺

青蓮煙際吐繡峯倚空閑不辨雲中樹寧
聞澗底雷雨昏兼瘴作山暝帶寒來登涉
誰能盡羈情自可哀

婺州雨中作

空館淹山雨妍情歲逾非煙昏春自入嵐
重石爭飛簷外生幽草窓中引翠微獨將
千載意掩抑對芳菲

入卷集卷之十一

二十

謁董深山先生祠

空山肅遺像叢岫暖餘芬道自羲圖秘源
從象始分贍懷虛欲契傾睽曠相聞祠上
何年樹離離多白雲

宿深山祠

山深到空夜煙色雨餘微新水涵松岸孤
霞曳竹扉蘭滋香入夢桂長翠侵衣靜院
幽生思翫清待月輝

又

靈室遺塵境長林擁夕霏密陰臨砌結流
影向窓迴牖僻寒苔蘚庭幽洽露暉夜分
清嘯發鶴自九霄歸

重至南平別理山處

憶向河梁計自踈相思無路覓煙蕪君看
海上春雲色還似當時蕭散無

又

憐君幾共發江湄旅興應多百一詩若道
才華應取忌濫芋何事及支離

下卷建溪卷之

五

德興山中山茶盈抱花鬱然奇茂
山逕度空春名花獨向人嫣然還自笑悽
矣欲誰因嬌斂紅偏蔚輕含色更新最憐
華月下寂寂照江津

述征

江竹便娟曙彩收春臯芳涉磴雲幽深榛
細轉巉巉石修眇清綠藹藹流側立偃松
危岸出空懸崩棧曲梁浮飄花不解羈人
意亂點衣纓祇自愁

花閑留照覆清池寒澁鶯聲轉自暉蘿逕
亂絲煙不醒柳隄千緒葉難持遙凌謝客
懷陁峴想見休公度嶺陂未拂塵纓終是
累流光欲縮柰何爲

道雨

絲雨沉孤思茫茫春晝深洩雲交澗道懸
溜寫煙林于役嗟深涉長懷散獨尋行行
出山去前路豈予心

重望武夷

下卷建溪卷之

五

春靜徐看出嶠雲武夷山色鏡中分丹巒
窈窕含花霧碧洞芳菲映竹氛清磬泠泠
和露發仙謠歷歷隔松聞屏開九疊虛流
翠塵吏終難偶鹿羣

曉發建溪

夙駕凌驚巘蓬顏照澗幽鳥喧泉蕤落魚
戲水芝浮崩石紆修輟豐林隱去旂雲光
巖際集舍思指江樓

發延津

春臯日氣昏杉葉暗孤村峯密雲常合崖
傾嚮易奔飄香臨愧亂驚蝶入花喧薄望
方無緒淇情祇自煩

次雙嵐

暄景散郊原新林綠靄繁濯枝花並語轉
葉燕爭翻風物徂春憶愁懷逝水言未庸
窮目勢柳色暮煙昏

王臺道中

彌日遡勞津芳華詎我春幾林香並異千

六客集卷一

三

磴霧俱新入澗披花遠攀林拂景頻誰能
憐楚奏空自賦河澹

宿王臺

山驛對春流殘霞入夜樓一燈懸旅思孤
枕到羈愁事業驚年逝筋骸覺歲邁老當
何所作策杖訪蓬丘

次順昌

于役入山重雲來知幾峯煙瀟虛遠色雨
岫失巖容沙淺低餘柳山平長稚松勞人

常夜涉隔岸到昏鍾

朝靄

衡野雉煙屯蘭林豹霧昏嶺氛雲作障谷
靄雨垂痕路盡楊朱泣春消杜宇冤深登
迷咫尺何處望吳門

月夜有懷

空色浸宵窓明波泛影雙戍人寒墜葉舟
楫靜清江感事同傷賈懷心欲扣龐可堪
良夜邈離緒杳殘缸

六客集卷一

五

登樵溪閣

琳館俯川涯山楹發霽霞水花扶浪出簷
溜入風斜雲缺低連浦湍長細轉沙一窮
千里目無耐動年華

次邵州

鳥啼愁歲隔征吹慘江干騎自霞間入山
從雲上看鶯鷓命新羽鶴子矯輕翰華景
染芳思投驂向夜殘

邵守招同建守集郊寺

梵林披七桂雲饌薦三芝慧照深留夜瑤
花半吐枝賞因空際遠世自劫中移會可
耽禪觀無嫌歸去遲

又

鳳野標僊鷲祇園表大雄冥荃超象外玄
賞契寰中芳薜侵堦碧丹芝入雨紅登筵
晤明牧分夜興難窮

道中觀瀑

銀瀑掛峯巔虹橋架綵煙光寒清入月影

不索集卷一

五

馱閱成川逾嶺驚空度穿崖訝自懸何從
塵思浣徒羨鶴衣濺

宿雙峯

青山寄芳夜浮客旅煙墟虎跡交林外猿
聲到枕餘漏從雲氣香清入夢覓虛泛梗
驚何定自憐心所於

春望

垌郊春望溢鄉思渺丰茸鳥弄半成曲石
欹全化松雜花芳未辨曾景曠逾重漸向

瑤林外雲中立數峯

芳園歌贈平洲

芳園淡蕩春風裏碧沼盈盈湛新水徐看
洞溟入無滓鳧鷖拂浪翩翩起妍光欸曲
誰爲來芙蓉亭畔天桃開煙景娛人幾相
醉對面嬌絲況千墜紅映金嬰間飛翠睨
睨流禽弄聲碎披襟散賞臨春臺却思行
樂真堪哀少年自負洛陽才何言飄泊等
浮埃三月韶光照江草過眼繁華豈再好

不索集卷一

五

提携玉樽就君倒結交不在相逢早君今
意氣被花惱清瀾十丈空懷抱予亦悽心
隙漠間俗情於我從風掃出入五煙更好
道流浪無當薄馳藻藥宮芝館期君游疑
義奇文恣幽討

送興守遷備嘉湖

勝畧攬英髦兵鈴受玉韜海人思未厭越
嶠政仍操氣已無氛沴威行靜驛騷獨憐
青嶂外千里望旌旄

法雲寺

春寺入煙霄珍霞動澗標峯閑雲貌逸苔
染石顏嬌天勢開蒼鏡山冠擁翠翹晚來
風稍急應是海神朝

佛閣

飛閣瞰千尋籐蘿歲月侵窓中涵海色琴
裏寫猿吟十地觀初覺三條望逾深一憑
慈願力為證未來心

次韻答理山見寄言別之作

客建集卷之一

三

年來踪跡任流離歲宴逢君釋我私暫遡
生平猶逮憶因之游好得無思南征懷抱
知何盡西笑風流復幾時忽枉行人惠豐
藻一憑高詠當交頤

雨中謁九仙觀禮火神也

霧登四山埋登臨亦自佳洞花疏玉觀澗
草灑香堦浮雨玄鑪秘飛雲仙馭排儼如
煙五色靈祀禮虛懷

偶題

憑憑雲氣一言收時復微吟用浣愁不學
徐疑與張祐直將千首較封侯

客建集卷之一

客建集卷之一

六

客建集卷之二

幽懷

瀟灑道吾真不知原憲貧風亭下游鶴雲
徑集閑賓石伐泉應躍蘭齊佩可何須
傷婞直會已欲潛淪

又

憑軾學干秦彌年望洛塵竒謀今不用弃
梗復何神園樹休啼鳥先生欲掛鶉閑思
垂獨蠶那可引沉鱗

客建集卷二

一

又

茂林山鳥巢脩竹澗風交朝綆携罌汲晨
炊就石敲悅生惟種樹開徑漸誅茅道士
希來問新蒲時解包

又

有客擁琴過自言能楚歌夏雲清韻疊幽
谷苦音多倚曲斜吹竹開樽半卷荷邠生
風未遠相揖此山阿

又

心跡雙沉寂葵榴訝許開森疎巖木秀
莽洞雲顏飼鹿還相狎呼禽已不猜履綦
情自緬庭戶任青苔

又

石瀨雨聲中當窓清夏風屏氛耽茂草高
卧任飛蓬戶列溪山碧墉疎木槿紅自然
能取適延目謝人功

又

獨醒常異賞松下坐來忘命義誰相領探
玄幸自商每希談士塵空羨令君香施尹
終難值伊懷孰所詳

客建集卷二

二

又

弱年羞特操通籍預金閨結費違時損招
蘇豈道睽已經逢曠蕩况復藉媒梯何事
難羈繼長懷抱鹿麕

寶劍

昨夜鶉膏拭練文劍花飛雪灑千群持將
光影清遼水不信東南有惡氛

又

霜鐔倒吐掣流泉氣徹青天影照蓮截取
長鯨超翰海書將名字勒燕然

平臺集

脩竹標真可清風飄遠心茹英奪翠萼窺
液攬青林雨洗山容溢煙藏夏氣深解纓
情志散欣此對鳴禽

又

散髮任朝醒酣情適美并疎松顏更苦幽

六客集卷三

三

草色俱輕澤氣蒸虛袂山雲落畫屏仰尋
興遠思採藻激波清

芳蘭荅袁丈

芳蘭吐妍姿托根君子墀芬馨清暉被照
燭鮮雲滋結佩婉餘惠儷曲有遺思胡爲
懷往路愴愴心以悲

又

蘭生本幽遠隨風聞君堂承君惠微賤取
置雜衆芳郁烈幸可薦焚灼不敢傷申椒

忽遙奪回顧戀寒鄉

齋中

子雲良自古元叔亦應疎戲謔觀今古談
諧視毀譽寡營情既達無欲抱堪攄披覽
聊怡悅清言時啓予

訊憶廬生

旅寄青山遠離懷日以新蘭枝頻倚夢柳
色尚驚塵風駟應何地雲鴻復此晨會知
隨計早題賦報情親

六客集卷三

四

次韻荅平洲見贈

悵予神慮淡托興在田廬默御調禽術閒
將掛犢書面江開石竇倚阜卧雲居曾是
矜高尚無才本愧樗

又

將子能憐我裁詩訊野廬佃漁親坂壠懷
抱閱方書問道庚桑楚招尋陶隱居空驚
匠石顧櫛液笑材樗

又

晚情微有悟孤景冥林廬黃石留丹篆赤
松將素書樹園鄰桂花移竹遶蓬居不必
憐遺棄清陰亦籍樗

又

世事因頽靡冥心寄石廬洞花飛入詠野
鳥下啣書松桂招長往雲煙邈索居枵然
還自誚遲暮幸同樗

三山行

負海依山控險重連峯萬仞削芙蓉漈池

客集卷二

五

粳稻饒千廩沙汭珍羞列庶饗孔翠翩翩
飛絳荔珠胎隱隱映青榕甌東自昔稱深
阻空霧朝來接四封

偶題

回首稽山悵望中五噫歸去憶梁鴻不慚
同負幽人操自愍空將烈士風矯志欲隨
時共晦縱心誰恤道將窮爰尋遺跡追賢
尚雲外霞間桂有叢

夏日平洲過談

清庭泛景暄詩卷過高軒荔子吹香遍藤
花入座繁探懷孤論洽興玩兩情温千載
還今夕渾消一晤言

又

綠陰吟思苦碧檻客來凭跡異方中俚書
非世所稱無猜情若邈相視色俱疑鳥亦
何相狎忘機下自能

再次平洲韻

翩翩游宦子塵外結蘅廬屑桂窮方術餐

客集卷二

六

芝讀道書了知心不繫已爾跡何居俯仰
辭天伐神全豈謝樗

讀蔡林屋集二首

誰携新詠草堂閑不覺長吟一破顏詩思
正愁消白日吏情行欲付青山却觀豐蔚
曾聞憶更惜迢遶隔共攀喜自清才題賦
後願言齊契晤懷間

又

四始從知日每耽九淵曾試夜珠探最憐

句向愁邊得獨許微能象外參近代誰言
詩品絕昔時人擬梵乘三小齋淪茗清殘
夢喚取陰何較一談

憶濠上林亭

繞院桐陰覆井蓮檀欒修竹倚窓前花留
笑壓清香在鳥學歌聲藻思傳夢裏池塘
雲半鎖望中氛侵象猶懸何時霧洗鄉關
出把酒凭高一泫然

又

李建集卷二

七

閑倚時風惜夏涼啓扉清笑落山光雲迷
故國寬千里樹擁疎寮綠半牀蘿逕別來
猿自憶苔堦立處鶴相望從知豐草幽林
外驚燕飛花思正長

貶謫既久轉望悽然

瘴嶺長流恩未收芸編蠹粉此淹留荷薰
澤氣情如醉柳織溪煙思若抽虛館雲生
襟袖濕蒼江月出夢魂浮幾回立盡天邊
信豈有相聞特訪幽

卧病

卧病清晝損樗容無那醒醒似酒濃山鳥
何曾諳僻性澗花應亦笑疎慵消聲卽此
求靈草晦跡從教倚茂松未用便尋勾漏
去秦時壇在幔亭峯

又

閑尋丹籙檢書籤更發圓神試一占欲就
靈氛商出處難逢季主問幽潛課虛惟恨
才無效糜廩終慚願不兼謾說懷仙欲長

李建集卷二

八

往誤恩十載竟成淹

夏日寓懷

滿目傷心嶺海涯無端生事慢吁嗟年隨
水逝飛榕葉願與時零落槿花遙裔鶴煙
人獨往森疎雞樹境無譁怪來袖有青蔭
色雲起湘源故國遮

木香亭

滿架輕絲颺綠煙芳條冉冉闌纖妍舞殘
翠袖渾無力不是花時也自憐

夏日過平洲池亭

曲逕飛枝花迸新百重芳色灑清津臨風
遠寄渾無語映竹閑吟別有人久已委懷
堪解帶誰言携賞更沾巾驚塵荏苒音書
外煙草吳宮可自論

雨

迥野重雲鎖夕霏連空浮潤擁荆扉幾層
煙積遙村隱數點鷗輕去影微聲碎梧桐
閒院寂水深楊柳渡人稀聊因夜後連牀

入卷建集卷二

九

語耐可沾殘游子衣

夜坐

橫琴小閣興堪憑幽坐清霄思轉增耿耿
孤懷隨韻寫沉沉無語托詩稱蕭條久附
遺榮戒徙倚何慚作賦能終擬獨尋巖壑
在知人誰復是孫登

午日

條達雙懸麗五辰紈綃備擬闢芳新沐蘭
聊復徵餘俗採艾空令憶放臣夏氣浮軒

清越簾花光映戶濕香巾從教莒葉長留
景無事鳴蜩欲報人

題方氏園

眾芳亭

曜綠舒紅映雜芳含姿弄態繞迴塘續紛
笑出千花側歷亂開從百鳥傍面面風霞
生綺思曾曾煙景蕩流光幽亭構向塵寰
外惟許鶯來寄一觴

聽鶯閣

入卷建集卷二

十一

葉裏新聲曉閣青窓中柳色度泠泠冶情
畫倚和風弄春韻煙含細雨聽為喚花魂
嬌欲醉催將蝶夢睡初醒幾回把酒凭欄
罷芳景林深日已暝

會心處

舊種疎篁已拂煙肆形泉石共超然持將
林意醒塵夢邀取花神續麗篇象外悠悠
堪自適區中文汶不須憐坐來寓目涵名
理靜契風光得性全

鈞石

青波翠岸映江蘅卧柳飛花照水清鯨動
石鱗蒼蘚滑鳥驚橋影鈞磯橫浮光欲蕩
雲生葉輕浪微吹月有聲却笑簪何策荆
條垂綸百仞自無情

林扉

雲開三逕柳依依空設柴關鎖夕暉為惜
落英常不掃欲留餘蘂恐教飛從知問字
人來扣已自題門客到稀獨怪林間多鳥

天寒集卷二

十一

跡松樞夜半鶴爭歸

為平洲題

輕煙淡掃水悠悠碧色新齊杜若洲目盡
露華平似掌鏡開雲影疾如流插籬已迂
陶彭澤闢逕還迎許遠遊為問梁園辭賦
客總輸豐草得淹留

積雨齋中

閒庭積日常陰綠樹圍將雨氣沉幽映
半軒溽暑失青滋一曲莓苔深彈琴向鶴

雲自散酌酒與花愁不侵松翠可餐欲
穀不驚空水照塵心

醉後歌

雨中朱子招携二三子同遊開

元寺

煙寺登携將酒俱誰招傲兀青霞徒積雨
閉門已累日不覺溜水盈長衢蒸雲擁戶
恍蒼澹山氣入望川原無我今正爾心鬱
舒意氣不愜齊門竿安能悒悒事升斗何

寒集卷二

十一

事少年嘗棄繻相與酣歌戀佛圖聊復永
日臨樽蒲一觴在手坐歎息翻令浩蕩懷
江湖憶昨失意兔園竹至今愁說淄官梧
有酒但令細斟酌縱飲不受形骸拘紛紛
爾曹且隨我世情無若黃公壚若使葡萄
千日醉絕勝朱輪驅畏途

寓懷

苦將秋髮客紅塵歲晚猶為岐路人目下
交游空有夢南中風土自相親文章總得

窮愁力世事兼忘羈旅身莫道徬徨心易
盡須知感慨意何申

又

問予何意在江津奄忽風波復此晨感激
易滋今古恨踟躕還作死生人鶯花節候
為歡少霧雨煙霄悵望頻自是路長無羽
翼從教目斷洛京塵

放歌行為陳子賦

君家本住閩闔西路當五劇交輪蹄畫橋

六客集卷三

三

曲水臨門映綠樹青山入戶低鶴蓋朝游
簪赤玉雕軒留醉簞文犀射雉場臨香草
合啼鶯路遶百花迷博徒詞客相携來豪
呼大是縱橫才氣節竒高文采盛意悲心
遠形神開一字千金動驚絕思致不下青
陵臺有時同散蒼苔履手攬六著呼五白
墮憤盤旋叫不已生事何曾掛擔石爾來
流蕩杳無跡日暮昏昏不自擇木田去後
應蕪菜芝榻雖在多堪哀格上藤侵亂書

帙門前客散空樽罍強復栖栖何所如棄
之猶得從吾初遠尋名岳訪仙駕學鍊丹
砂向石廬路逢道士相問訊一言空我萬
卷書

偶題

凌霜骨氣思多奇游霧清言藻自摛振俗
總令驚別構異時直欲讓新規高才輝映
千金賦妙義無過一尺捶篤論質文參往
代浩如江海趣難窺

六客集卷三

古

霽

初日霽高城心將耳目明齋閒幽寄僻思
苦讀書情深樹涵窓綠崇蘭隱几清風兼
餘韻發默坐快平生

夏霽

半嶺雲歸映雨餘青蘿煙濕鳥飛初清光
乍落添山翠新暑才流覺枕虛晴送綠陰
搖碧幌風將花影亂交疏閒居事事堪惆
悵獨喜無為得宴知

夏日新霽過平洲園亭

煙餘蘋末下晴光
振屐言尋紫翠房
花影半堦閑院午
桐陰滿地小窓涼
試微方術芝為醴
共討靈書石作漿
頻此對君諸慮盡
榮名不似野情長

又

來探三徑百花明
非復悠悠世上情
松帶石煙臨暑淨
柳藏山氣入檐清
誰言數就携琴約
判不徒為看竹行
信許炎氛能自

卷二

五

恣一聆深論已風生

訪林雲山秀才

題柱仙郎作賦才
青槐掩映讀書臺
當年減刺空懷盡
此日聞名躡履來
壯思已隨芳歲減
歡情不覺向君開
風流自古還相惜
莫道浮誇只浪猜

衆芳亭

野望四無雲
天光復淨綠
驚燕蹴流英
新鶯在修竹

藝槿軒

藝槿欲盈墀
芳菲正在茲
春風開幾度
榮悴與花知

方塘

琢翠開新沼
青林飲鹿過
飛花莫自點
日末已餘波

林扉

獨自掩荆關
山猿拾果還
空林人不見
日暮水潺潺

卷二

十六

樾陰

花光泫清露
疎樾泛輕陰
時有碧溪月
來照青苔深

江行見山上白雲

山色有無中
飛煙杳靄通
俄看舒復卷
忽漫聚還空
纖弱那堪染
輕楊只任籠
自疑神女出來逐
大王風

同皇甫理山凌少里平遠臺眺望

鳳翼開形勢
青山落几前
四臨生海日
一

俯鑿郊塵溪近潮聲接峰高野色懸如何
城郭裏別有壺中綠

又

清夏石林幽高臺諸景收巖光迎薄晚兩
色動先秋島嶼煙中辯帆檣天際浮此時
江海客同倚惜淹留

皇甫理山過予齋中

落落埋光意悠悠遁世情途窮猶仗氣漏
盡欲消聲忽聽精神訓能令心耳清金芽

大客建集卷三

十七

行已化自可薄公卿

賦得寒樹晚蟬疎

高柳夕煙中鳴蜩葉影空露寒流斷韻翼
弱下疎風往候秋聲切殘枝晚色同堪憐
新雨後斜月在梧桐

賦得垂柳映斜溪

幽溪千仞清嬌柳復含情細葉隨流轉飛
枝逐浪輕風多全激石絮落半成萍不爲
留行色空教折更生

詠懷擬支道林

沉情寄澄漠逸志凌冲虛神理日遷化游
儀運不居懷哉緬靈壑超翰棲雲盧脩林
叶清氣玄圃滋神蔬仰漱欣流液俯映鑒
迴巢蕭條遠風集因之奮輕軀高步尋化
上抗首臨飛除道會冥無象歸損斥有餘
爲心一何散夙已情故祛聊因投照朗邈
與形散疎

又

大客建集卷三

十八

寂寞望玄岳婉變親幽人棲遲日云促胡
爲尙風塵靈圖閱要操玩諒匪真披莊
澹無想詠老存谷神因用爲我御恍惚爲
我輪驅馳恣凌騁相與游無垠七聖野猶
迷却立令逡巡熙榮流萬象蔚若咸仰陳
遐志什長羅自樂與化新恢然寓天壤孰
言吾有身

又

雲峯際芳霄石室眇何敞森竦薄迴泉神

九照晃朗游禽晝欲迷棲煙夕猶蕩芳芝
躍巖阿丹葩擢靈爽石孕金沙流精含洞
壑長激激飄風寒迢迢仙途仰中有無懷
人神游滅生想委翳層岫深容與崇霞上
頽形時兀然揮手任孤往沉凝尋化先悄
罔鄰人象廓矣懷若跡行將策吾杖指塗
暢寒墟悠哉謝塵網

長相思

長相思久離別去日音塵如雨絕花已飛

宋 客集卷三

九

絮如雪庭寂晝偏沉翠寒香自結三春消
息疎萬里憂心悒
長相思久別離
銜啼何處寄征衣
風已切
雁初歸
調砧催落葉
攬鏡減容輝
燈影散
空帳寒聲入斷機

感懷

強復依依作放臣
蓮花霜鏗暗流塵
不平
最是登臨處
雲裏關河夢裏身

有憶

萬里驅馳瘴癘鄉
舊時情思半消亡
枕椰
葉暗千山雨
薜荔衣輕六月涼
憶處雁封
猶恍惚傳來
腥焰轉張皇
從教却望心徒
切此日南還意
叵量

夜坐

散吏空齋雨復清
淒風涼葉動秋聲
祇言
晦迹還宜夜
無那牽情欲到明
永漏自懸
鐙影散疎砧
偏傍砌蛩鳴
南浮數已憐時
晚天道何云尚發生

宋 客集卷三

九

月
延月滿輕幃明
河轉夜流清
光不受暑涼
影故斜樓
依露沾如濕
盈墀湛若浮
所嗟
含望意只自下城頭

齋中

急雨凌風氣似秋
閒門深樹小庭幽
禽來
自啄苔痕細
葉落還依網戶留
虛爽不知
催暑去
淒清應自伴人愁
拂衣未遂旋歸
計浮跡終憐汗漫游

夜坐

樓煙尚脩竹月色轉高窓
露濯清庭迥風飄墜影雙
素暉寒靜夜哀響繞滄江
何事關河外思心照短缸

遣懷

遠意何能適聞來偶自縈
風塵期抗跡巖壑欲藏名
鶴曳孤雲映林將返景明
天長秋氣瀉寒入薜衣驚
寂夜鳴琴憶空齋墜葉情
關山若近遠歸夢一飄輕

宋建集卷二

三

野望

驛磴千尋隔暮山白雲愁
望擁香關征蓬盡處看江
入寒雁來時共影還古榭
荒煙高仞落殘陽蕭景一
林閑如何旅客腸俱斷極
目川原白慘顏

秋思

露濕寒塘落芰荷雨將秋
色灑松蘿飄颺度葉和風
引憐唳驚鴻入夜過千緒
自零山水調單情誰慰越
人歌氣清虛館神應

化迷跡塵踪奈爾何

又

寂聽寥寥萬籟空幻生真
似夢蒐中望分煙色標林
逕吹斷巖容下石叢沖境
晚來幽草積亂山秋入白
雲同思心一夜隨江月千
里遙飛過嶺東

又

斷壑虹沆殘雨明雲生幽
澗擁飛楹風泉樹裏虛清
聽湖月霞間蕩遠情並去
鷺閑沙嶼出數來鷗狎岸
帆輕秋榮何復含涼色却
憶前期暗自驚

又

清霄澄宇月臨關灑色空
浮欲換顏因視秋河還耿
耿却驚暗水更潺潺細思
前事常如醉總說平生半
在山行卽滄洲訪漁釣不
妨踪跡尚塵寰

又

晴溪晃舫信歸風遙見雲
墟出遠空秀木

宋建集卷二

三

陰疎涼葉下雜花芳滿夕原通水邊容
雙灘鷓石上婆娑數老翁世事但酬樵客
問逢人誰復說深衷

又

真真煙逕久忘筌偶寄微官但兀然松栝
任令遮路口芙蓉行已發江邊尋雲散涉
閒重榭洗藥道遙咽細泉無取紛紜能自
外從知瀟落不堪憐

答皇甫年兄

宋集卷二

三

偶自沾餘論清暉映座深同懷千里別相
對九愁侵飄泊知何定幽探慰共尋遂初
行有契曉色在西林

七夕

月露含涼氣星橋影夜流望應飛鳳駕歡
已逐龍翰雲幄遙今夕靈期悵昔秋還將
舊來意未可遽悠悠

又

輕雲歛夜扉新月下遙暉波瀉明河淺機

停曉策飛歡餘顧華寢恨不處重闈誰道
相逢易還同望未歸

又

含情脉脉向銀河流態盈盈拂絳波一夕
歡悰能幾許只應天上已秋多

七夕穿針詩

瑤席織雲映九光故穿雙縷動微芳衫輕
不任風來拂為望天孫駐七襄

深憐流景下花陰映月嬌凝思不禁欲取

宋集卷二

十四

餘光曳飛縷爭誇纖指弄雙針

贈方平洲

世路方愁梗逢君冠古才道能鄰罔象辨
可析臺駘思劇吟多僻情高望每開芝香
仙井畔時想漱流來

憶吳中

石路拂塵衣迢迢驟使駢王孫殊可念公
子未應歸浪跡隨波蕩旌心逐影飛終知
會稽市賣藥信長違

寓懷

蘿院清陰午夢醒石淙松壑散泠泠紫藤
翳澗荒幽徑蒼石含煙倚曲亭羈客從教
傷草露野人徒自美芹萍秋光水上搖精
魄鴻引高天未忍聽

別朱子

世路逢君未息機幾回相見總依依忽驚
別緒秋初入漫憶前時夢欲飛况是風波
愁枳棘更堪塵鞅落容輝渺予從此音書

六客集卷三

三

外海上雲深鴈到稀

別省署

浮飄蹤跡竟何言臨路踟躕鳥亦喧故館
尚憐休睡井舊巢猶在自知門繕完遍識
如初至周覽知予未始存苔逕春還無限
意獨教芳草憶王孫

理山年兄招遊莆之南寺

遠尋上巖石解鞍憩山樓疎林轉清曠危
雲墮蒼梯氣深延景夕峯密使逕迷宮殿

生空際鐘梵發天倪俯視見晴翠仰眺驚
華題淨理了可契勝地聊共躋洞覽附禪
觀沉冥寄幽溪游目恬自愜晚心諒所齊
秋色何從來忽聞哀猿啼相與窈窮達吾
道在醯雞

理山招飲廣化寺作

秋色在松際薄雲延近關苔深人境寂谷
宵夜琴閑泉可醒塵聽池堪發苦顏幾年
渾浪值莫自惜時攀

六客集卷三

三

次理山客思

旅世嗟何促長游悵短生情深秋自急思
苦月逾明物序雲鴻引悲歌桂樹行遲君
求大藥終擬九還成

試院詠懷

靜院還清夕高秋此閉關斜河隨幔卷流
月映帷閑景色堪生思霜華暗損顏不知
違世者何事尚塵寰

與理山共話

飄浮何所托深論究平生解綬期清曠
霞薄世情會言風尚異翼此達觀并若復
從禽向因之羽翰成

韶溪行

晴溪煙盡望初開海上秋深雁未來無那
鄉心與愁思不堪回首越王臺

酬理山途中

狹浦虛煙映澗雲依微山逕曙初分風兼
海氣嘗疑雨林翳陰霞半未曛地暖不驚

宋集卷三

三

芳候晚秋深猶見雜花芬東南况是逢陽
九無那登臨思逸羣

閑適

客路頻爲感閑居歲已深松風盈短牖蘿
月伴孤琴托想超無際沉情契獨尋怪來
啼鳥寂庭院下秋陰

理山過予

棲遲逢暮序清論此中閑時菊猶盈砌秋
雲欲滿山愁邊爲客久醉裏問君還共有

蕭然意相看一破顏

秋日出城南

海氣臨清霽山雲無數歸林殘將暮色秋
在欲斜暉跡已隨游放心寧知是非羣青
何不下莫道未忘機

重與理山至南山寺

雲逕秋重至山扉月正開翠滋松葉酒緒
繞菊花杯梵宇千崖出泉聲半壑來幾回
同命賞浮跡不堪哀

宋集卷三

三

又

香閣依雲半旃林帶澗平夕光仍暗草清
露尚秋英不愜長煙色空憐落日情如何
觴詠後未遣九愁輕

與理山遊烏石山寺

暫假登臨興同尋八桂林澗知棲鶴意山
識採芝心簷外峰爭倚松間月自深忽驚
盤石上還動越人吟

又

晚意誰將適閑懷試歷探秋泉鳴乳竇寒
鳥下精藍露滴曇枝吐風香藻影含此中
談妙諦華雨遍龍龕

晚出近郊

短策驅秋甸長林半夕曛城臨千里色石
抱一丘雲野意饒溪樹幽香襲澗芬翩翩
人外想寧復此爲羣

又

蕙路轉松岑煙光冒水潯沙虛江宛宛渚

客建集卷二

五

淨暮沉沉涼葉依林照寒聲隔澗磻蕭條
時極目無柰紫芳心

客建集卷之三

與理山言別

明月懸江樹離心先夜鴻
共愁年髮改深念歲陰空
枝晚依殘露庭幽曠遠風
欲知從此憶俱是夢魂中

同理山訪九鯉山作

詰朝事凌緬懸裝信晨風
迥涉出人境指途半煙空
傾崖發斜景絕壑散幽淙
仰聆既驚急近睇亦玲瓏
因依蔽曾岫映蔚舍羣峯
憩深摘疎華沿流蔭長松
共以物外想覽茲意彌重
去人邈何遠仙理竟誰通

覽九鯉湖夜宿仙館

爾我薄游者曾非樂城市
朝策務遐尋危嶠步幽趾
陰生巒氣深林映丹滋
被懸溜蕩鮮颺飛崖激清
泚傾聽恍精鬼緬望悅
神理既以滌繁喧會可毓
靈土潭洞邇星漢霧壁垂
煙埃落景青冥中月月長
霞裏晨夕非一形氣候乃
相似永懷棲遯情

此攝生旨赤鯉倘可乘超騰謝浮詭

覽鯉湖珠泉

谷館卽玄樓滌瀧激丹液
潛似沉疴去恍然塵霧釋
攀崖肆窺臨苔洞振雲展
高岑入重漢迸水下千尺
泫泫慕輕綃霏霏濺驚石
紛疑散瓊蘂淨可匹珪璧
氣深寒霰零霜空露華白
金膏蘊珍怪玉竦測泉脉
自昔伏修靈允惟集羽客
乘茲清響哀重以竒心適
方希乳穴前一整飛霞術
丈人

倘歸來千秋隱仙籍

皇甫子以高世之才邁往之韻而與劉子淪跡州郡流落江海暇日相與尋幽縱目探竒長覽適鄉人潘子作令仙遊乃從佐車爰造九鯉人景之勝備極一時可謂溪山之逢而曠代之賞矣於是皇甫子倡爲四詠劉子繼之夫感之者跡既與化而逍遙遇之者神輒撫心而太息投荒萬里去國九千仰長風而凌

厲思整羽而清浮雖結餘歡於俄傾不能塞悲涕於悵然有不奮袵興歎攘袂慷慨者哉既而初月流波半生海色葉墜綠而沙禽驚猿哀引而凄風應俛仰之間遂成千載醉後命管以映方來

莆郡感懷

羽檄交吳會烽煙更海濱時平寧識戰事起欲沾巾淹薄方無日艱難復此晨請纓雖有願功業與何人

又

不客建集卷三

三一

宦薄成何意愁深屬有思美名神理忌高調俗間疑寧惜鋒虞折終知素易緇即看兵滿眼誰復係安危

憶理山

別來方少日爲憶遂經時不道俄成隔終知未可期無端勞夢寐何以慰衰遲惟有登臨處長吟寄遠詩

滄峽舟中時勸夷寇事

殘葭衰隴不堪憐寒水迢迢入歲偏陰霧晝沉渾作雨青山瘴合盡成煙哀猿自應灘聲落孤旅曾無鴈素傳烽火祇今勞斥埃夢蒐千里共悽然

又

亂山無盡片帆前殘日荒途重慘然江勢縈紆爭自險浪文傾仄不成圓風塵未已堪驚骨懷抱無聊欲扣舷顧盼島夷須係虜誰言開霽意空筌

不客建集卷三

四

莆郡紀事五首

海畔驚塵夜半飛俄傳列校鬪兵稀蒼黃遍野愁奔避式遏何人駭疾機常笑鳴鞘凌氣勢可堪臨敵挫英威剪屠幸未遭殘孽宵潰還逢戎馬歸

時寇臨城而退

又

始戒車徒事薄征將軍授鉞欲橫行援袍凌陣鋒初接注刃鳴弓氣已生盡道勳應疏爵邑寧知天亦忌功名不須惆悵寒原

暮一劍由來視死輕

丘白二將相繼效集

又

滔寇憑凌勢愈張
誰操長矢射天狼
山當戰苦雲長白
馬渡沙深日倍黃
組練竟川猶負險
樓船被海未應妨
不知何意驕夷醜
莫漫傷殘恃犬羊

又

至日誓師申五伐
先時合戰意何盈
遷延二廣徐觀費
踴躍中軍獨抗旌
憑怒再交

不索建集卷三

五

爭叩壘亟麾不待失
先鳴陰風颯颯天時
對死士翩翩姓字榮

傷童將軍

又

阻兵應已屬殲夷
崇亂空憐遂積時
自是餘氛猶未厭
非關制勝總無奇
悲歌壯氣堪投袂
談笑名王欲請羈
不分民勞行轉甚
持將雄劍倚安危

夜過楊氏館兼憶理山

自是平生負氣多
還於趙李數經過
酒酣

身世同慷慨韻遶
絲桐憶笑歌馬色
曉猶瘴霧簡書冬
盡况干戈堪憐飄
泊悲徒侶總有青
尊奈爾何

又

憑軾年來意向闌
感時猶復強為歡
嚴風欲振江光冽
輕霰纔開荔色寒
閑館張燈欣自慰
清琴懷憶醉相看
與君計別頻經月
北望雲山獨寤歎

軍中

不索建集卷三

六

海曲連營盡設奇
陰風獵獵漢旌威
侵胡月星芒落殺
重邊城鼓角悲
慘淡煙光寒玉節
模糊戰血染金羈
封侯應是將軍事
辛苦沙場征戍兒

塞下

忽見蓬飛心自驚
五原寒日下孤城
黃塵千里無行旅
黑祲三時有戰爭
候月輕兵防近塞
射生精騎出前營
堪憐織錦秦家婦
猶問交河路幾程

又

少年投筆事功名捕虜稽山每在行馬上
鞞囊經月解陣前金鎖帶星明雲平沙塞
孤煙直雪盡關河白羽輕見說偏裨皆已
貴羞看玉劍老長征

郡齋冬盡

郡閣當山映雨餘寂寥清聽入風虛年光
幾謝心能在霜氣渾輕髮半疎閒院松間
歸去夢故人江上寄來書相思併在瓊枝

未客集卷七

七

裏却笑鄒陽尚曳裾

得平洲書因寄

滿座凝塵晝掩關竹聲風灑落池灣舊時
琴酒方懷憶此日音華漫啓顏道韻獨看
霜後遠法筵誰共石邊攀因書寄與當揮
涕疎藥寒煙正在山

又

堪哀踪跡重平生老向交游更有情滿徑
清霜邀月色半山枯葉送寒聲林端鳥散

雲孤映海畔鴻來思暗驚與報故人今好
在新詩莫遺負時名

江邊

築室江邊一隱淪紅塵不到四無鄰看雲
獨自過山麓理釣閑行向水濱遠院梨花
清午夢扣關風雨悅心神晚就清淨綜名
理世外悠悠托此身

又

仲蔚園林雨雪開孟公新釀客方來窓中

未客集卷八

八

幽氣看花放樹裏清光入酒催形曠將迎
俱已廢情疎飛動了無猜支離幸免風塵
際浪跡休誇鳴鴈才

莆郡作

細思拙宦十年餘夢裏升沉一枕虛詩對
郡樓孤嶼近花看官閣夕煙濡向南地濕
衣先覺入臘寒輕瘴未祛才薄調淹何所
恨空庭課簡晚心疎

又

遠郡沉懷寄次寥日高山霧未全消霜隨
候與寒枝發心共年將晚髮凋臨路振衣
懸促景倚闌看劍徹中霄從知騁跡羞跬
步長轡何時萬里遥

吳質云步武之間不足以騁跡

又

寒煙不徹抱重關獨鶴塔前弄影閒座裏
蘭波還入思窓中壺嶠忽開顏霜侵荔色
軒墀綠雨映巖光蘚石班資理愧無酬淺
薄氤氳空自滿仙山

木齋集卷

九

又

天窮海岸渾煙兩地儉民勞自土風作苦
總教歸里右相傾猶復雜華戎嚴生祇憶
承明寵張敞能懷劇郡雄莫道淹翔應忝
切空驚謫宦走西東

擬興慶池侍宴應制

蘭池翠鑿浸流霞淑氣先開御苑花水映
樓臺千丈寫煙圖城闕百重遮黃魚出躍
芳菲並青鳥飛迎瑞靄斜日暮未窮歡賞

事競將春藻荅恩華

擬奉和初春幸太平公主南莊應制

宸蹕春游拂紫煙主家山第鑑青川雲連
羽騎分花映風轉鶯歌隔澗傳日彩通霄
留輦住星光徹曉借珠懸微臣幸忝巡遊
後願逐陽阿入舜絃

擬奉和立春游花苑迎春

鸞旗宛轉出花津龍節迢遙候氣新露拂
青枝籠瑞蹕煙開紅苑穆芳塵皇情睿賞
流為澤聖藻恩輝併是春不覺陽和行已
遍政隨時令布深仁

擬和立春日內出采花樹

禁籞春歸散彩煙內庭芳色動韶年風前
尚覺青苔隱月裏先開絳藥妍香縷學將
鶯並語繁枝裁就蝶翩躚天工應與生成
共麗景分為萬象先

擬紅樓苑應制

木齋集卷

十一

王舍城偏淨業長梵輪承日見毫光經從
劫後談真諦人向天中聞妙香寶樹玲瓏
丹闕下琳宮暉映赤霄傍自憐常得憑茲
力歲逐爐煙捧道場

擬嵩山石淙侍宴應制

霧斂丹梯映彩旂星懸雲旆轉朱樓池邊
雜吹聲逾冷樹裏清絃韻更幽流景四連
宸幄近風光盡入御筵收承恩不羨東觀
洛式宴還同汾水游

大宋建隆卷三

十一

擬皇甫冉四首又二首

酬李補闕

幾年征馬路空長千里歸人意自傷直上
聽殘花外漏朝回携得案前香何時鶴嶺
隨鴻遠此日鸞臺逐鳳翔未有從容酬獻
納佩聲風度繞斜廊

送錢塘路少府赴制

詔赴都門別自難離懷酒上詎能寬雲交
極浦空煙在雪擁荒途野日殘秦塞二肴

經欲遍漢庭三策奏應看懸知清近稱榮
遇共許青霄罄羽翰

秋夕寄懷契上人

鳥散秋齋清夕淺鶴鳴淒露憶鴻羣心游
空際澄非想觀入無生焰不焚竹外名香
平諍論林端孤磬息聲聞寒雲定後棲禪
衲多少壇前法雨紛

送李錄事赴饒州

南雲立盡送離鞍樽酒相携寄舊歡汀雪
未分隨雁遠渚煙不斷泛江寒天連蠶水
波無際路到匡山月向殘年少翩翩誰得
似帳中籌畫借君看

大宋建隆卷三

十一

使往壽州淮路寄劉長卿

蕭條平莽接寒蕪野水空連照影孤樹擁
歸雲迷遠岫煙生疎薄帶長湖楚天霽色
全憑雁淮岸秋聲半是蘆極目鄉關那可
望故人今夜憶來無

張芬見訪郊居作

雨催煙景散林端，遂有風來深樹寒。
病葉驚秋情落莫，衰年對客意盤桓。
時光已逐蟬聲暮，身世堪悲蕙草殘。
若向青山尋白社，切須卜築共江干。

擬李嘉祐

同皇甫冉登重玄閣

延閣逶迤入漢重，青煙古岸見江東。
霜臯露渚寒生色，越榜吳榔夕起風。
天際漸看雲去黑，海邊猶帶日歸紅。
幾年作客腸俱斷，野曠山低悵望中。

客集卷三

三

斷野曠山低悵望中

宋州東望題武陵驛

亂後川原水自悽，流禽日暮莫深啼。
花開廢苑人經少，雨暗荒臺草長齊。
禾黍惟餘丘隴在，荆榛偏帶野煙低。
傷心黎庶方波蕩，無那秋風尚鼓鼙。

蘇臺至望亭驛人家盡空悵然有

作寄從弟

山將斜日在煙藩，吳地干戈歲益煩。
水上

人家堪墮淚，苑中麋鹿自傷蒐。
寒聲斷雁兼風慘，樹色空村帶雨昏。
最是夜來鄉土夢，吁嗟生事欲何論。

早秋京口旅泊酬張侍御

飄零涕淚滿衣裳，見說江南盡可傷。
舊日豪華應總廢，近時消息半凋亡。
秋來月自生池館，戰後花猶落野塘。
欲問窮愁何所托，偏驚塵鬢怯清霜。

送宋中舍游江東

客集卷三

十四

吳洲一望虜塵空，征馬蕭蕭路向東。
竹裏泉聲猶帶雪，江邊蘆葉況多風。
影閑獨立清潭驚，沙淨徐來極浦鴻。
若弔前朝傷往事，教人淚盡夕煙中。

暮春宜陽郡齋愁坐忽枉劉七侍

御詩因以酬答

水市煙光動白蘋，他鄉春色倍傷神。
風和鳥弄還催暮，月映花開祇待人。
客到衡陽魂易斷，愁來湘水鬢驚新。
憐君持法方爲

交猶自裁詩寄密親

送皇甫冉往安宜

晚來江上白雲重君向長淮煙水空草覆
細泉綠岸綠花藏別塢映堤紅山城野市
餘殘照楚館隋宮落晚風休問廢興當日
事獨看楊柳思無窮

擬奉和幸興慶池競度應制

仙蹕初傳出翠微緹宮相映接青圻翳潭
花霧沾衣潤飲澗晴虹帶鷁飛衆果風來
爭澹蕩輕荷蓋轉落芳菲濟川已見掄才
備猶欲疇咨訪釣磯

擬奉和初春幸太平公主南莊應制

皇女瑤壇碧嶺開上陽巡幸玉輿來圖花
寫霧移雲棟鑿月裁星布羽臺空裏吹蕭
和鳳曲筵前小史是仙才風光不住遙添
酒日暮歡情未擬回

擬王維

和溫泉寄目

君王新構集靈臺別有仙源翠鑿開巖幌
自驚真氣在林霏常帶彩煙來朝聞羽吹
雲中度夜聽霓裳月下迴今日朝廷待枚
馬侍臣誰是洛陽才

酬郭給事

春雲不散掖垣深日轉長廊翠陛陰仙閣
餘香消視草瑣闥清漏對微吟花間曉奉
金輿度池上晨趨玉佩沉無那襟情付流
水閑於同調得相尋

早秋中山作

早來思欲遂初衣久向紛華已息機衰謝
任令人事簡棲遲惟恐鬢毛非臨流默坐
觀魚樂薄暮閒行羨鳥歸更愛風幽門不
掩待教月上扣林扉

積雨輞川作

林逕煙深積雨時滿村催喚事春犁杏花
半落雲連樹莖葉纔齊水耿堤清叻回風

開意適平疇挈杖慰情遲因從野老知
禾稼自與羣青更有期

過乘世禪師蕭居士嵩居蘭若

物外蕭然碧院晴嵩峯夕氣案間清坐窺
名相三衣裂靜業阿含八解生忍草覆堦
從禁跡覺花塗砌落無聲遙知空色聊酬
對却顧雲山豈有情

春日同裴迪過新昌里訪裴逸人

不過

六家集卷三

七

古松壇下訪君家行到花源綠樹遮欲問
荷蓑何處去不知浮跡自堪嗟園香競向
人衣染林靄紛從石磴斜何必武陵能隱
世且尋愚谷學餐霞

苑舍人能書梵字兼達梵音皆曲

盡其妙戲爲之詠

西禁雍雍冠世才憐君妙解獨相推吐盧
文字從河注鐸腹雄談若嶺摧聞昔勝游
希梵什祇今待詔有鄒枚凌雲辭賦看題

遍莫戀旃檀法苑開

擬李頎二首

題璿公山池

結廬松頂俯幽岑暮色纔通一徑陰祇樹
超禪經是葉靈花證果法爲林堦前空水
無名欲江上青山悟道心若問遠公何所
業惟於定後見光音

送魏萬之京

丈夫影劒事游遨拂袂誰能涕泗勞北去

六家集卷三

六

關長多雨雪晚來河急况風濤曙烏欲動
知寒在苑樹遙分覺霧高莫爲京華更留
滯直將年歲負春臯

擬孟浩然二首

登安陽城樓

縣郭開從水上頭楚中風物思悠悠相將
暇日春堪望無那連天江自流歌管漫須
澄暮景雲霞偏欲霽滄洲波心向夕搖明
月人世清疑鏡裏遊

望萬歲樓

登樓不覺思徬徨欲望鄉關道路長沙映
細流明遠岸鴻驚落葉帶斜陽千家霜月
催砧杵萬里雲空斷客腸祇恐別深人事
改書來且莫問行藏

擬張謂二首

別韋郎中

使旌明發向江干相顧茫然阻舊歡楚望
自隨重棧遠夷歌互與暮猿殘雨昏神女

香奩集卷三

五

祠前樹煙慘黃牛峽上灘萬里不堪驚此
別教人心盡對征鞍

杜侍御送貢物戲贈

粵裳歸義漫梯航底貢殊方喜化昌總為
綏懷何用却由來柔遠自須將間關道路
愁中劇迢遞山川夢裏長聞道塗山陳玉
帛急隨夷昧赴鏘鏘

擬高適二首

送李少府

忽驚為別意何長日暮停杯問驕驍灑灑
山青乏同旅瀟湘雲白少歸航峽長莫聽
啼猿切天遠空聞去鴈傷聖主從容應有
問未須惆悵弔滄浪

夜別韋司士

罷琴張酒話初分華燭蘭堂夜正殷清漏
不堪愁處滴哀鴻那復醉中聞黃蘆沙際
流殘葉青障天垂望斷雲欲擬送君流水
調卽看雙袖淚紛紛

香奩集卷三

十

莆陽迎春作

東郊迎氣屬芳辰道上青旂簇仗新草色
欲開猶隱綠柳煙纔動已含春直看雲物
回嘉節半拂調風散綺塵萬戶歡呼歌歲
穰農祥行喜遍甌閩

又

海濱春色隔年歸日霽時恬更有輝青氣
肇開方應律朱絃戒典始分衣韶光欲向
風前覓蘭氣先從酒上揮試奏雲和發陽

管幽林無處不芳菲

四園詩為盧公賦

芝園並轉帶金塘月館星橋跨石梁瓊樹
半飛巖際影瑤花全吐曲中芳清光晚映
輕霞泛秀色朝看裊露香聞道蘇耽還種
藥悠然人境歲華長

又

別開芳榭枕巖阿更有青丘長薜蘿百丈
蒲萄縈翠蔓九飛鳴鶴遶長柯林篁駐日

客集卷三

五

能留舞石瀨臨風欲倚歌誰向此中消歲
月丹砂流處彩雲多

蒲萄鳴鶴皆古園名

又

荔浦蘅臯望越臺桂叢蘭砌向春開從教
攀葉玄猿嘯自有嚼花翡翠來泉石會心
應在遠禽魚得意不相猜盧敖海上逍遙
日靈氣朝朝徹上台

又

掩靄羣芳積翠墀因依列岫照清池柳墻

松谷層層見蕙晚芝原一一披煙景四臨
皆煥發風花隨處總相宜但教笙鶴常來
往定取韶顏度世遲

擬十五夜御前踏歌詞

鴛鴦樓下萬花新翡翠宮前百戲陳天矯
翔龍銜火樹飛來瑞鳳散芳春

又

仙蹕初傳紫禁香瑞雲開處夜花芳繁絃
促管昇平調綺綴丹蓮借月光

客集卷三

五

又

翠火雲中映紫微虹橋百丈向空飛天家
春與人間異瓊樹瑤山盡賜緋

擬涼洲詞

十五胡姬意自憐杯持赤玉向君妍教人
不飲心先死莫問功名瀚海邊

又

春至金河雪似花蕭條玉塞但胡沙曉來
重上關城望惟見驚塵不見家

又

新釀蒲萄泛紫霞醉來馬上奏琵琶頻年
征戍空傷柳何日歸期正及瓜

又

十蕩雄威玉劔寒長矛飛鞚奮如湍破虜
新從海西曲歸來高壘係呼韓

擬清平調詞

歛笑分紅瀉玉波豔輕流月渡銀河含情
爭似人間見應笑西施在苧羅

客集卷三

三

又

月中縹緲駕雙鸞雲裏輕綃翠黛寒誰向
仙臺領春色芙蓉醉倚玉欄干

又

閨苑春風幾許憐瓊宮花月兩重圓霞將
惠彩生流影獨倚嬌香得度前

春宮曲

流鶯春曉喚櫻桃花外傳呼殿影高抱裏
琵琶最承寵君王勅賜玉爲槽

又

宮雲流靄泛初蘭鸚鵡前廊不忍看行過
曲亭花露重翠生雙袂怯春寒

秋思

桂殿含秋綠半飛淚流紅臉惜芳菲金瓊
露濕羅襦薄夜靜前庭待月輝

擬贈陌上美人

翠翹徐度七香車柳陌東頭是俠邪一笑
寒簾私自語春來淇上落情花

客集卷三

三

擬甘泉詞

法駕香雲從紫鸞肅將嚴敬禮昭壇占星
太史重書瑞朱露新凝赤玉盤

擬宴春源

水開長鏡引諸巒春洞花深落翠寒醉向
綠蘿驚自醒與君清耳聽松湍

擬寄穆侍御出幽州

臨路深懷放廢衝夢中猶自憶江南莫言
塞北春風少還勝炎荒入瘴嵐

擬送別魏二

橘花香覆綠蘋洲江引輕帆入遠遊常憶
笑君從此去相思不敢復登樓

擬采蓮曲

粉光花色葉中開荷氣衣香水上來掉響
清潭見斜領雙鴛何事亦相猜

又

浦口潮生月上時芙蓉繡舫出花遲含情
折得同根蒂多恐芳華不自持

客建集卷三

三五

又

暗送清香入浦風蕩舟妖豔照江東欲將
玉面嬌花色故遣羅襦映水紅

偶題

魂夢天南垂宿昔萬里道池臺花氣深到
處生春草

讀懷壁集愛之因和其韻

鹿塞烽煙百道馳雁門風色暗旌旗破圍
鐵騎長驅疾飲血將軍轉戰危畫角吹開

邊月靜縵纓不信虜塵窺歸來長揖功成
後黃石當年故有期

閒適

清室汎瑤琴微爲游子吟庭柯寒蔭落汀
雁夕烟深弱思辭侵慮幽音奏苦心山川
一留醉談笑倚長林

又

虛牖曉光盈交簷古樹平人非投壑隱跡
似激流清山月閑樽寫風泉雜吹輕憑軒
遙可對遐曠有餘情

客建集卷三

三五

偶題

閒尋水石眷巖阿拂地春風洽薜蘿怪底
夢魂香未已曉來衣上落英多

寄憶山中

桂樹平生親幽居蘭杜鄰雲標斜翠逕木
杪瀉清津葉淺欺閑鳥池平泳逸鱗餘花
將霧散流靄入煙新石倚寒爭落苔深綠
可紉澗疑牽水帶林自掛山中松液堪忘

世芝香學避人含風虛有穴張日淨無塵
憶處頻開歲情來欲度春歡言期谷口思
發在河湓一許青巒氣終然寄隱淪

又

長吟重悒然為憶山中年清瑟汎遙夜亂
花隨暮煙珠臯餘露氣乳竇滴香泉跡遠
塵喧外春開綺藻前巖籠雲貌逸竹抱水
容妍蕙磴飛英遶萍潭片影懸林藏諸曲
勝臺擅一峯偏野興時堪醉霞情獨可憐

客集卷三
三

別尋

別尋幽調向淒煙桂闕澄心事梵筵果願
若隨分衛後定看輪劫得賒年

擬王勃聖泉宴

煙磴披青靄風筵藉紫苔花香凌桂席竹
影落藤杯鳴瀨將歌遠飛枝拂舞開未愁

留興晚流月度雲來

丙辰元日

和風獻節曉光新瑞色芳雲及上春自喜
年華重履泰更欣物候總宜人海邊露冕
行青甸天上霞衣覲紫宸此日遙思陪率
舞願言長奉屬車塵

上元

蘭焰芳輝徹曉開珠光新靄映人來歌迎
甲夜催銀管影動繁星綴玉臺別有采門
春澹蕩不妨芝火樹崔嵬此時月色同沾
醉何處游輪陌上回

春陰

谷曙靄虛陰江春石氣深窓文交野蔓簷
色繞煙林欲辯行藏意難分去住心惟應
窮鳥賦持此寄知音

江口作

分險架長瀾斜梁控夕巒宿雲依嶺斷初
月入江寒溜化秦裘弊塵驚漢策殘無言

倦行旅遙路屬時難

次蒜嶺

誰言行旅日况復桃花時水即滄溟遠山
疑負嶠窺川光獨鳥暮林色落英遲豈是
王程急偏多游子悲

又

解鞍臨海岸夕憇卽山樓悵望啼猿處頻
經惜馬蹄澗流空歲月蓬跡任東西况以
青春獻愁懷醉裏題

客集卷三

五

榆溪道中

初日在斜溪山雲片片低鄉愁夢裏失馬
色望中迷澗底淒淒泉氣巖幽遍綠萸非關
秦塞去無事候晨雞

福清作

孤城向夕原春入景初暄綠樹低官舍青
山在縣門樓臺疑結蜃枕席更聞猿客路
何曾定棲遲欲黯魂

新嶺臨眺眷然有懷皇甫子

關勢遙臨海峯巒半入雲煙中獨鳥下潭
上雜花紛寄遠悲春草登臨憶使君此時
還極目離思正氤氳

卧病

卧病諸慮寂春鳥弄音饒漫道清言發誰
將晤語消風煙情可適人世醉能陶桂樹
無須賦淮南已見招

清曉

清曉意未愜卷簾時自吟檻虛花氣發池

客集卷三

五

煖竹煙深秀色還朝暮浮雲遂古今石泉
驚已躍會可洗幽心

幽軒

幽軒斜映山空澗復潺湲重疊巖巒趣遙
來窓戶間桃花飄岫幌越燕度松關衣桁
侵池翠堦痕積蘚班臨風清瑟奏對酒白
雲閒眷戀青春色如何客未還

讀大藏

澄慮無明觀投心法界寬幻生同夢覺淨

世在毫端舊識緣皆妄今知漏竟殘妙因
窺梵藏淨理戀旃檀朗旦風行被韋陀典
不刊如如真景現寂寂雙林寒且欲留餘
結非關證道難

春日郊游

步入桃園裏晴花更滿枝峯迴山意曠林
杳竹光遲遠寺尋雞末名香發鴈池閒能
將遠興况及上陽時

雨

簷際空槐雨偏令春氣幽屢尋苔逕濕時
見嶂雲流草長情難寄花合興自留風期
乖此日愁望強登樓

田家

黯黯日將夕牛羊村外來巖阿青氣發籬
落杏花開草木應何感鷓鷯亦已催晚聞
春作好行樂不須猜

題南山寺

春寺無人亂鳥啼藤蘿陰磴野僧迷雲藏

古壁遺龍象草沒香臺抱鹿麋松籟泠泠
疑梵唄柳煙歷歷見招提為耽寂樂親禪
侶莫怪閑行費馬蹄

過月峯寺憶理山

共來江海上清夕一尊同禪榻渾依舊心
期浩已空驚春花灑樹聞梵澗生風二諦
欣容啓還應夢寐通

雨晴

雨過雲低樹山青水滿陂晚煙花上濕
影石間危臨汎湖應闊沿流釣欲垂可憐
芳月夜不減習家池

過靈巖廣化寺

遐思鷺沖玄澄澄寄無象緬尋復何詣靜
域事孤賞風灑青松氣澗道含清響鹿圃
熙春華丰茸競升長芳芝修坂被珠樹琳
堦仰峻登轉寥邃面勢亦虎敞疎秀暢輕
質葳蕤耀精爽石室瞰翠空金光盼圓朗
既惟大智人蕭條已神往沉俗迷情故投

身觸愛網逝將散余懷澹泊滅生想飛
息山隅十力猶可仗

游烏山寺

香刹懸青磴飛樓界碧空石門棲怖鴿慈
塔禮飯鴻漫欲窺初地誰能竟六通從來
樂幽寂尋覽未能窮

寄淳父

放跡疑辭垢棲心亦道門玄言蘿幌馥詩
思竹爐温解帶紫花落彈琴散鳥喧江山

宋書集卷三

七

兹夕意惟有素交存

寄人

愛酒時稱癖懷情自不凡向人方白眼違
世有青巖雲際開三徑煙中掛一帆相期
同歲晚閒興與松杉

寄所知

晴鳥弄春煙懷人獨黯然題詩交款語酌
酒韻清絃莫以蒹葭倚還同管蒯拍相望
不可極流思邈山川

古意

夜分清月映羅幃風度流螢入斷機雲母
屏前蘭焰冷芙蓉枕上夢君歸洞房秋思
淚垂臆花落相看惜顏色銀星欲貼臉長
嘆金縷裁縫手無力墜葉驚鴻妾意傷新
縑故素斷人腸當時鴛錦茱萸氣昔日鸞
衾芍藥芳鏤玉連環香已暗盤龍明鏡照
無光長門不惜千金賦繡閣誰禁五夜涼
那得飄飄雲裏雁爲啣流恨到君傍

宋書集卷三

一

宴王水部

荔色俯香筵蘭英浥紫泉逸情催急管飛
緒響嬌絃松脯山人薦參花野女煎興酣
思彥國達節轉須憐

重宴栢臺

華臺陳桂醕密榭宴清真栢葉猶霜氣桃
花似漢津青樽照深夕綠綺映芳春欲憶
相逢後無言嶺海人

遣興

山窓閒卧午紅藥逗寒餘雨氣重羸疾風
期少報書散懷垂柳外醒耳細泉初爲問
長沙意年來何自疎

寄林秀才

閉戶近如何春松意况多才章聞作誦雅
詠被爲歌調遠幽成趣神閒興欲醅箋期
王胡報知憶在山阿

又

遠望極川陽長林倒夕光雲鴻翻欲逝新

又

又

鳥盡來翔撫跡驚何定合情徒自芳臨風
欲有贈無使桂枝傷

與方生

故交行旅外遠復此相親寂館雲生枕清
庭月待扉薄游當歲晚授節已春衣自笑
風流在君看騎馬歸

又

煙草雨蕭蕭鶯花晚寂寥憶家憐淑景積
夢戀清宵尋義聊酬對言詩或意消平生

萬卷富時幸不須邀

重送王水部

蘭水漲寒汀城頭送使星輪軒朝氣紫祖
席晚峯青一鳥雲閒路孤煙江上舫最憐
攀送後寂寞返郊坰

春日齋居卽事

晚證無生理時尋不二門法筵容禮鶴心
路獨看猿閑葉雲光落晴枝日影翻芳菲
對楊柳定久轉無言

又

又

悟懷非世教芳草自人間松梵宜臨夜花
跌欲住山春空風靄淡江色鳥飛閑但解
焚香坐渾忘客未還

登城樓作

井邑白雲間巖城遠帶山沙墟陰欲暮郊
色淡方閑孤逕迴榕岸層巒被積關寥寥
分遠望暫得一開顏

幽庭

幽庭堪坐復堪行
箇小低篁粉色輕
隔院綠楊時弄影
絮飛殘雪泥鶯聲

用燈字爲韻
聯持經者

無念空爲最
一乘更教持
誦復何稱
三因覺後還
成果半偈
聞來是法燈

又

齋心誦禮障能勝
永夜分燈世界弘
莫遣六身消善業
爲將一相問摩騰

客建集卷之四

過城正山人

晴芳向晚散幽岑青岸沿流愜近尋斜度
松梁飛紫燕春風為訪綠蘿心

郡中一首

異政表東海修名墨循吏君子豈不惠容
與偶陪貳係龜山水鄉幸顛淮南治春風
散平陸熙然蕩情思遠瞰滅浮輝滄波邈
何寄窮壑自南傾廻嶼盡西歧澹湫發長

宋建集卷四

震沉寂隱幽異薄泛凌空虛超忽隨所肆
新流彼澶漫林樾起清吹覽序頽形崖顧
已眷遐意及茲春暄景檐楹擢煙翠無使
心賞乖坐待涼颺至

擬王維濟州過趙叟家宴

境與塵氛絕六閒草樹餘閉門成遠趣涉
興卽幽尋曠峯巒邈煙含松杪虛披莊
親道術拖杖展方書澗飲寒流潔山羞意
味疎列筵酣寂靜繁促悵何如

擬同賦青龍寺

寂境開蘭若巖堦物外躋迢遞窺世界天
矯貫虹霓慧照千燈出潮音衆鳥啼秦城
煙際眇藥樹檻前低跌坐談真諦塵中指
六迷

春祀

陳信禮虞庠芬香薦德芳嚴玄寅在位齋
栗祗求陽文舞登華翟清歌奏雅章神人
應愷樂流化感無方

宋建集卷四

送人督戍海上

青海動風埃英英戍將來氣陵關色壯義
激陣雲摧曉劍寒花發春旗翼影開鯨波
妖自剪豹略祕能該選士還超乘宣威得
異材卽看書竹帛會不讓登臺

閨人贈遠

曉漏曙銀釭朝花映玉窓莫驚棲鳥夢飛
起不成雙
又

丹花欲笑春青鏡
暗生塵不省雙蛾翠
君長自嘖

又

塞上征人去陌頭
楊柳催從教歸有日
年貌自應衰

又

鶯領綻花光燕梁
巢綺翼雲空萬里長
流恨同無極

又

不分繡孤鸞誰禁形
影單歡今知近遠獨
上蕙樓看

擬王維早秋山中作

獨將踈節任差池
忽見流芳感歲時
清尚未嫌儒
仲僻甘貧不受孝
然遺雨中秋色
蛩鳴切煙際
山光鳥去遲
跡寄寥寥塵垢
外白雲相約訪安期

擬出塞作

弓嚮秋高塞馬驕
沙虛風疾戰聲驍
前擒

不客建集卷四

三

日逐疆場振直奪
天山意氣饒南向
旌旄無牧馬
新來牙帳有鳴皋
冠軍年少勲名重
看取麒麟閣上標

和質山游虞山六首

桃源澗

春空芳氣映人浮
山霽初煙徹望流
澗落雲泉懸漢影
林飛風沫灑龍湫
露桃開謝仙源近
霧蹬攀綠洞壑幽
峽裏不知時代改
問津猶擬是前劉

不客建集卷四

四

白龍祠祠有水簾洞瑞石

試披春嶺霧作禮
達池龍濺水空穿
洞裁雲密作峯輕
明霏霽雪陰翠發
寒松歷磔探幽異
花隨鹿女蹤

拂水巖

林標翠巘出烟層
雲杪寒飛百尺冰
風架輕瀾光倒沸
石疏高浪影空憑
綠崖激激青冥濕
入畫濛濛碧靄凝
一漱靈源心骨冷
爲驚真界暫能登

維摩寺

景夕憩仁祠冲情暫可思潮聲檀閣透山
氣石門欺供出天厨具經翻海藏披空王
初有願得就法筵窺

釜山觀日

海氣霽初晨雲濤動日輪珠宮發瑤彩丹
穴照龍鱗近矚跋烏御何須若木津倘逢
童子問精鬼見心神

福山大慈寺閣

丹壑迴環閣影臨羣峯森竦見雙林雁堂
龍霧幡幢濕雞寺鯨音法界深七淨梵居
迎海色十尋苔壁宿雲陰塵游獨悵鶯花
歲遠社空餘風雨心

似樓一首

崇樹俯山阿雲泉輝映多升霞照石壁攀
葉入煙蘿珍闕幽仙托靈期佇興過彌令
傾海岳暫得望星河

再次元夜同質山韻

芳夜散煙霏清庭興不違酒行蘭氣映燈
吐蕙光依一共憐華節相看照薜衣酬君
慚調下况及陽春歸

重次三月十四同質山登天池

清旦索仙區雲途翠嶺逾吟依川日淡賞
接島煙孤遠礪桃花出幽林石磴扶池邊
悵靈跡芝熟飯香厨

次韻送皇甫理山

凌晨浥露泫寒臯薄送臨風泣敝袍點翰
心期遙欲寄撫時觴詠望為勞天邊帆去
征途盡江上雲歸塞影高君到京華應次
對為言羈羽在蓬蒿

次質山讀客建集

江山自靈氣誰復白雲謠未得消聲累空
知藉詠陶懷情芳杜逕覽歷青林標晚見
蕭然際托言神理超

閱華陽同虛巖輩過常熟至華蕩

眺望虞山指點佳處追想逸遊爰

同餘響

追遊悵往跡卽事感遐心
凌晨越桂浦乘潮放蘭溲
緬茲方中賞宛見物外襟
水碧掇華蕩煙翠指虞岑
隈隩紛掩映崖巘結寒陰
雨色轉遼遠巖意藹幽深
逝湍若在目飛思宵難任
想象展登涉彌使懷長林

送人遊華山

塵世三千劫飛霞百六逢
遠尋從華嶽西眺極陰峯
石榻餘靈氣茅丘訪異蹤
遙知削成外四合白雲重

又

鹿駕朝來發蜺旌萬里尋
霞巔披玉蕊煙術躡瑤林
看就仙人博聽彈隱士琴
子先如借問命鶴到華陰

七星檜三株猶存

探策訪靈異舍舟眺山椒
瑤宮闕白日星檜傳梁朝
陰沉肆延矚感此塵外標
摧裂形多散盤躡意何饒
雨氣鬱清姿煙色凌

長霄寒凝苔蘚澁枝偃虬龍驕
當皆閱流歲瓌詭肅風颯時代
忽若遺幾見芳華凋堅貞自有
性曲全非所要殘悴或乘化森
藹神情超慨惟千載人眷然發
長謠

玉陽書院

玉宇疏丹洞芝房架碧煙石封
金簡發潭影桂旌懸授藥逢靈
士探符狎遁仙無須涉瀛海自
可得長年

東湖寺

稅鑿多寶地花發四禪林湖近
香樓接峯懸閼殿臨樂音空有
樹法雨半成陰若問阿難結聲
聞不可尋

於巖石上眺東西兩湖

且涉溪流深遂凌崖岸坼崩壁
落千仞靈霞此幽宅極眺窮蕪
昧層巔振輕跡平湖百相映浮
湍肆遙脉左盼發天鏡右攬蕩
日鬼波涵積氣渾流翳歸雲白
曠翠斂雙蛾晨靄襲連壁遠嶠
隨煙沉長瀾自晨夕

客集卷四

七

客集卷四

八

翔鷁戲羣鷗
虛舟挂遥席
眷此能娛人
乘飈思矯翮
試用忘所遣
因之謝拘役

金峯寺

清禪向八關
高梵入松山
空水侵堦濕
驚濤到寺閒
齋餘憐地隙
講罷見僧還
始覺棲玄意
翛然非世間

寄懷

煙日澹蕪城
春雲處處輕
高琴遥散響
芳樹遠凝情
袂色承香發
綦文就石清
瑤軒

大案集卷四

九

暢容與惠賞寄平生

詠貧士擬陶淵明

冉冉孤生草
托根抱幽石
雨露或自偏
况乃異磽壻
朝榮安可倚
所貴在山澤
蕭條謝芬芳
幸不蒙採摘
荏苒欲終歲
惆悵嚴霜
圻貞光苟不耀
已矣復何惜

其二

歲暮百念集
棲遲倚蓬門
嚴風振中野
短褐無餘温
墟曲不相過
誰為慰藉言
朝餐

書不繼業復無田園固窮非所厄且得遠世喧思為木與石偃蹇終丘樊

其三

披衣任稿骸行歌欲何如巢父抱枯樹乃得終巢居裘敝不掩形依止無豐廬方復傲當塗暢然若有餘靜躁苟殊性物累安足祛處世尚如此豈要千載譽

其四

士有輕富貴遠惟石戶農重華稱至治猶謂道未隆夫妻樂負戴無乃勞其躬大器恐難任作力僅自充甘之蹈滄海長去不復逢斯人勵清節終古表遺風

其五

昔聞閉關者帶索常歡顏威輦隱白社龐公居峴山高林得所棲敗繒聊禦寒作詩表貞素遁世不肯官丈夫自有意豈獨遺以安獨處外窮達悠然神氣閑

其六

伯鸞尚節介學能綜羣書居貧身執勤行
業動鄉閭哲妻復相勸遠跡無人嗟抗志
明孤尚援琴盡歡娛安能念空乏憂患或
嬰余延想百年內浮游良已虛

其七

仲御甘辛苦杜幾無所酬朝行出採相奉
養惟清流奈何權貴人從之耀軒輶冥懷
固難測取視忽若浮孀嫗貞松標蕩志時
遨遊雲羅不可羈冠裳謝王侯

宋書卷四

十一

西山寺

神游淨樂國心蕩廣嚴城世界琉璃遍山
河七寶成冥津緣照徹妙演倚雲清若非
正等觀如何離愛情

謁木蘭祠

游蓋度花遲萍潭出影移斷香疎野逕幽
鳥漾連漪郊色晴看麗溪光晚對宜如何
巖壑意猶自係塵羈

又

平野白雲深分峯俯翠陰草生春水急
滿畫潮侵石倚堪邀醉流清欲浣襟花前
一留興江海寄微吟

又

驚泉千礪落晴靄一隄長古屋山空闕無
人桂自芳橋分迴海勢岸曲鎖江光千載
懷餘惠方復奠椒漿

鄭氏山莊

春流映花竹迴岸到閑堂簷向含泉氣窓
中落礪芳山宜寄游放林欲間行藏不知

宋書卷四

十一

谷口鄭懷情多少長

又

烟瀨此追尋雲開北嶺深斜軒清鶴思修
竹聽鶯吟絮暖從飄蕩人幽自陸沉故園
春望外歸客寄初心

讌集林氏

密宇長煙接芳宵會賞同相看情自遠淹
醉興難窮夜幌虛庭月春衣度檻風未須

催急管清影下梧桐

讀列仙傳

玄跡紛高映真文
秘簡留青霞訪丹籙翠
洞揖浮丘世表雲孤
往人間日浪游無能
逃謫藉何處有瀛洲

又

靈嶽徵仙事探符共
隱情白雲丹井出瑤
草玉階明飛友期峯
頂輕鑣向赤城飄飄
離塵想無限抱煙清

不審建集卷四

十三

出近郊

朝驟度桂梁清藹被
東岡泉脉穿崖潤花
房覆樹香雙童樵路
遠孤艇釣絲長倚策
驚何去迷津亦自忘

春陰

松翠結虛陰幽舫興
寄深引流環淺汲焚
桂共餘斟几席籐蘿
色軒窓山水音夷猶
皆涉趣煙外命孤琴

雨

棲泊窮愁日支離滄海身
薄雲林際濕過雨曉來頻
歲月征途倦煙花游子貧
未須傷物色吾計已沉淪

游仙

寂想切霄階飛輪條上排
琳腴滌精髓玉液鍊形骸
綠室鸞音麗丹臺鳳羽諧
僊僊紛屢舞煙挂九龍釵

又

朱沫耀丹泉瓊瑋覆曲筵
九華金景馥八

不審建集卷四

十四

映玉窓懸乘鯉陵陽授飛
龜太乙傳遁禁辭世網高
步入寒煙

又

解組尋仙日披綃出霧年
續紛翔絕岳宵泚赴重玄
蕩意靈飛佩潜形内景篇
從來檢真籍名在鳳臺前

又

小藥邁奇齡鮮裳駕紫駟
若華疏樹碧琳扎瑩崖青
携命招飛客賓筵禮萬靈
倘非

逢累劫應得履金庭

寒食

新鳥窺篋隙山厨逢斷煙弱蘿垂已暗
煙菜散方然時去頻堪戀春來倍可憐
有中寒自少旅食念歸旋

行路難

勸君早策高足據津要鄧侯荀伯俱年少
功名富貴立談間無為淹薄淪常調君不
見蹭蹬君門稱待詔獻賦十年猶未召刻

不卷集卷四

十一

節苦心事奇蒸操觚興寄多華妙投跡曾
無當路饒顧已還貽輕薄誚彷徨雖復濫
軒裳摧頽但不登廊廟得意盈溢欲干霄
失途潦倒空為笑朝游未醒托沉酣暮愁
無已埋光耀且須世外訪煙霞恨不溪邊
逐漁釣時情已爾竟何云青嶂相期展吟
眺自昔才華或未逢紛紛眼底終難料

春日憶舊游

林扉花裏度春鍾江上雲輕不作峯芳意

但依張緒柳清風來自幼仁松獨將恬曠
標真趣間發玄言想逸縱為問平生何所
似祇應新月瀨鄉逢

擬李陵別蘇武三首

良會一以失千秋何詎央徘徊念親宴望
望極川梁浮雲西北馳鴻鴈東南翔游子
萬里別仰視河漢長執手語契闊流落思
故鄉悲來不可任幽夜無時光

又

不卷集卷四

十六

送子臨長道薄暮不能歸樽酒野綢繆中
心起奮飛征馬局悲鳴嚴風吹我衣念當
從此訣無復來相依杳杳隔浮世願言不
可希清歌一哀厲淚為行路揮

又

同為萬里翼飛止各異林子歸有榮名我
留日幽沉飾駕臨當發重奏飛龍吟奮身
匈奴中猶冀惠所欽垂涕既已矣寧識區
區心生世何所歡悲痛良以深俯仰戀疇

昔對子不能對惟當卽潛寐鳧鳧猶相尋

西冲寺

古寺橫江浹春鶯嘒霧檐經行殊未已薄
蕙遂成淹法宇令神曠青雲使意恬方知
慈願廣塵駕未為嫌

又

探策招靈賞花宮徹垢氛入林清梵靜投
步衆香聞牖灑青鬢氣染椶碧嶺雲一談
無盡意寂境此中分

木末集卷四

七

壺公行

我本悠悠滄海人一生獨立無相親昨偶
擔簦事干謁無爲繫組空逡巡初言載筆
銅龍門以備顧問承殊恩小器易溢席未
温遠斥海郡誰相存攝符初上逐羣吏祇
覺紛紛亂人意深文爲蠹猶易除新條環
案非難治更憐輕重不自持但教喜怒隨
監司屈節還令阻從事何能抑鬱常堪茲
坐對青山味幽旨泉石淙淙滿情耳由來

跡以近見欺亦知賞用遠爲美物情與我
同浮雲蟲臂鼠肝渾笑君遙寄一樽臨水
榭朝來花竹已迎曛

華燭引

跋烏匿景墮崦嵫燭龍引耀臨華池金爵
文窓炫星彩銀荷倒捲脚風枝翠歆輕舍
並蒂花丹藹雙纏五色霞檀心重暈疑芳
靄桂燼流香散碧紗九華鳳吐朱光爍六
穗蛾飛瑞影斜瓊閨夜色依微永仙閣蘭

木末集卷四

六

輝宛轉賒盧女輕彈玉漏殘楚妃逸舞梨
花寒合睇拂拭葡萄席迴眸注視芙蓉鞍
欽長暫欲挂君纓臨河隔霧兩盈盈送笑
嘖蛾流目成自憐嬌豔不勝情

懷古

伯鸞歸越嶠子驥到衡山石室丹芝朗巖
扉碧草閑雲留衣上色霞發鏡中顏聞道
成仙去如何得逕還

木蘭祠

朝揮秋水鞭款段力不前徬徨臨路欲何
詣行吟傲岸木蘭間亂山遙來集溪上兩
崖中斷飛清泉逶迤未暇窮曲折但見萬
仞凌寒煙祠前石上二三叟指點爲予數
前後當時衆流自洩射荏蒲千里皆蒼莽
日斜不見炊胡麻靈疑荒藪騰封蛇金蘭
有女顏如花障海驅山力可誇風雷簸蕩
林壑怒蛟龍蹶走神靈嗟垂成不覺有奔
瀆感激那能忘怨對意氣還傾烈丈夫自

客集卷四

十九

沉白壁捐柔軀義動山川神得無精感李
侯探禹符白雲夜半開青天驚濤就續流
潺湲頌洞潮聲落瀆瀆紛紜灑溉疏清川
靈跡猶疑精衛填鞭石流血同茫然金膏
水碧孕珍怪煙液嵐翠饒平田我來揮手
星河靜山影沉沉發天鏡長風萬里吹月
來對此可以動高詠詠成搔首湖山映興
酬舉酒遙相命君不見道韻平夷稱中聖
天下人偷推樂令孟公正須日沉飲無爲

復與爾曹競鳥聲感人絃亦淒長松蔭礪
桃花低青隄垂柳開碧瓦時有來祠向岩
下西走羣峯隱光彩東馳溟渤控瑤海蓬
萊石華若可采琴高赤鯉應相待

讀法苑珠林

塵劫歸無盡聲聞芥子中九條分染氎八
部燭羣蒙業盡緣皆妄情祛漏欲空但持
饒益事勝樂躡天宮

囊山寺觀海

客集卷四

十

閣倚檀林出欄橫淨界凭窮溟空霧遠孤
嶼怒濤凌霄影搖金地煙光低寶繩暫來
聽筏諭慧海渡還能

又

洞覽極雲層陰霞翳屢興仙槎通漢去靈
氣入空蒸隱映鼇仍出溟茫島欲崩方壺
如可問慈濟定堪乘

又

海色憑高盡三山彷彿流錦文沙汭映蛟

彩石華浮激蕩然陰火沖融見祖洲若非
超彼岸業水詎能舟

次升菴山茶花韻

碧檻丹花笑綠煙瞳矐曉色九枝然芳華
始半驚春後韶景方妍觸思前卽賞霞姿
應總惜感時雲藻獨深憐南中興寄堪消
醉祇恐清輝不待年

華燈引

華夜芳飛翠羅瓊卮光泛綠波起舞玉顏

六客建集卷四

三

青娥絢爛珠輝丹荷俯擢碧樹枝柯流影
紫霄嵯峨

又

桂彩歎煙璣蘭膏徹瑞扉金瓊星燦爛玉
薦夜芳菲璧月生琳榭虹梁春正輝

擬飲馬應令

赭沫來飛鞚翩躚度苑墻流清驕影亂花
暖散蹄香映澗驚龍躍臨空似燕翔還當
西極至朝電欲爭光

置酒坐飛閣

清夕啓高筵飛除迥出煙蟲網映空翠燕
楹寒綠泉餘花雕檻落華纓繡柱懸詎能
將感感歡興欲千年

上巳篇

春禊俯清流飛花點曲洲目延鱗浪轉思
逐羽觴浮綠淨林光映紅酣澗色留冶情
來翠幘俠意動華輶影入衣香寫瀾迴騎
吹悠風絲呈嫵媚烟帶弄輕柔魚躍青波

六客建集卷四

三

穆鶯吟素瀨幽敷榮欣朗化豫悅感芳游
採艾還臨岸塞蘭亦繞溝豔歌鳴玉薦詎
可托綢繆

上巳

遵渚狎年光氤氳匝樹芳時鶯嬌轉葉煙
液醉垂楊滿握柔蘭氣盈觴湛澗香還逢
拾翠羽併佇桃花妝

又

薰被盛芳朝妍光鏡野嬌豐翹非一色

綺競千條羅薦香生蕙紈綃氣映椒定知情未已洛浦正相要

高臺眺飛霞

落日臨高臺眺遠流霞來井柯晚增映巖枝寒自開目極靄生色望分煙詎催不言容易散爲復引浮杯

擬游匡山簡寂館

三梁跨絕礪九折逕微通靈氣浮雕館珍霞棲桂宮流懸光自鏡谷斷勢如弓漏穴

客集卷四

三

飛林葉空巖長樹桐雲驚猶繞榭月在半疏風恍惚神仙地如何此世中

賦得江湖泛別舟

三翼泝湘潭千尋翠浪涵風鳧依渚夕霜葉下江南纜影牽凝碧船文亂鬱藍離言岸花落獨自渺難堪

香爐

清宴栢齋前薰香宿火傳琴心幽桂韻書帶馥蘭煙迷迭溫柔淡茱萸意緒憐雲輕

巖幌色芳素自教妍

至魏塘

晴煙映綠堤羽吹桂風絲鳥散雲中樹花淹石上池蘭臯芳潤落松燈夕陽滋耐可憐清媚塵羈空爾爲

春夜宴集

良夜清歡遍情淹桂酒餘嬌絃停度曲芳意繞飛除春漏依樽永風花入賞虛無言薄流滯酣興得蕭如

客集卷四

百

夜集驟雨忽作

晤言消永夕庭院起長雷溜水涵香砌清瀾洗石苔杯迎暄靄散座徹澗聲來漸覺成沾醉孤心亦自開

春雨遣懷

悵然浮跡每多違轉覺筋骸少壯非空自沉冥傷數化已知寥廓總忘機淫淫曲牖淹長雨澹澹新松引薄輝白首著書吾不負山中茅屋正思歸

柯氏夜集

遠尚追彭薛高名似邴生酒中借浪跡
外共縈情迥席宵鍾徹深堂燕語清
因君投跡早彌使誠南榮

順東西門行

旅長世飾虛名曠御倏忽浮雲征奄相馳
不暫停悲迷惑道任頽形服日精讀仙經
尋赤松子安期生丹九轉芝九榮馭鸞鶴
駕戲紫庭景未遷會已盈逐風颺舉歛飄
輕辭親愛解塵纓共樂相樂窮歡情

分署寄懷

旦坐紛無緒嚴庭芳氣清露臺移積蘚
風架散翹英跡屏從喧隔簷虛欣鳥鳴
目為流靄豔心以素輝明祛吝神應遠
耽幽念自輕貞標安所寄併佇紫芝情

鞠歌行

勢所畜達者賢骯髒饑窮倚道邊容曲折
體便娟乘權握紀福澤偏亭伯擯元叔選

憤世矜倨為累然傷直道惜徂年日月
邁孰云延罕生逝國氏憐厲志苦身無復
言一為顛咳唾間勿頸慷慨奉周旋

春暮過南山寺

携步窺松頂尋游悵利塵靈颺清石梵忍
草沒仙輪管發瑤華夕雲興懺禮晨求余
成果願已爾證三身

擬過趙法師精院

為道任浮游來乘軒后秋抑茲泉石戀遙

宋書集卷四

五

為禁林留九彩神丸就千齡鶴氣適金庭
逢乳溜玉樹挹霞流坐守嬰兒化時尋姪
女幽未須訪員嶠此自有閑丘

擬送趙法師還蜀因名山奠簡

玉簡將初命真文奠岳庭國祈由道氣方
望表云亭白鶴依然至青城宛自經為當
邀赤斧服石邁奇齡

初蒞長樂縣作

振策尋幽嶠乘軒惠海垂政衰觀俗散氏

瘳恤風離詎少仇香托空多宓于思理人
倘可試聊復慰棲遲

又

亂嶺雲深入危旌海色懸鳥間來異舶沙
際見墟煙禮數酋豪別誅求赤子憐夷方
傳漢澤感泣下車年

又

鳥路關河外山城蜃氣中瘴合扶荔雨蒸
入豫章風異候煙常濕連天水似空一爲

入客建集卷四

三

陳德讓殊俗化應通

從巡車重至汀州

江山回首十年期風物依然似昔時匹馬
從教凌曉度垂楊無那使人悲雲生幽澗
秋先動羽落丹青歲已遲一訪棠陰追往
事止煙汀月共妻其

夏日書懷

清院氣森沉高槐散午陰卷簾藤影借臨
砌竹風深池色虛仍映林聲靜自吟徜徉

還竟夕即賞契遐心

又

往懷同逝水萬里憶摧殘高詠聊爲適長
游積已闌跡隨青嶂外心在白雲端未遂
巖耕計還因漢澤寬

又

長晝耽沉寂風來迥自悠倦知筋力緩閑
覺簿書尤日影下空澗雲陰翳一丘翻憐
從郡邑徒說富民侯

入客建集卷四

三

又

浮涼清夏室香散落新花聊可鳴琴薦方
持白羽誇夢令塵意暢醉使逸情加是處
愁堪寄何言獨去家

又

樹色交庭隙輕颺動四榮寄心從釋顯立
義擬因明才在神還累名虛業未輕清齋
臨結夏無使鳥王驚

寄遵巖先生

夙昔抱奇志流覽洞八荒圖籍散東壁沉吟玩華芳心亦自有施踟躕獨難詳竭來節不固倏忽凌雲翔

帝造丹極婉變集東廂託身非所宜蒙恩一何長紛紜謝簿領濡翰太微堂懿此寄空虛感嘆不能忘

其二

曰余實靡逮登事力未陳傷隊何所嗟棄去若游塵常恐先朝露含意不復申恤茲

客建集卷四

三九

篤嘉惠越遷遵海濱聊爲示輕譴庶乃勵憂勤便復委叢牒奄忽彌冬春沉迷日不暇勞歌多苦辛遑遑岐路間幸忽邁所親疑問情內結哀此遠遊人慨我欲自列不覺摧心神大道夷且直牽復浩無因

其三

情人一何篤慷慨以長歎徘徊敘親宴旨酒屬所歡華燈曜緹幕良眷氣若蘭離坐起高唱僂倪排思端祭枯安可期我情等

憂患糜滅隨蔓草不足回達觀幸有清荀曲能使中抱殫

其四

炎雲散蒸暑華棖蔭曾輝瓊木鬱中園日暮楊英蕤高會未須臾促駕臨當違乖人易生感寸心愴以悲少壯不自樹去日不可追芳願紛消散百年會有歸榮名天地間皦皦伊可懷安能望君子千載惠音徽

客建集卷四

三九

偶題

垂楊接屋乳鴉飛池影沉沉綠染衣草隱曲欄齊短徑雲來清晝豁雙扉閑齋幸有虛房契採藥寧知望路違便約支郎與驃騎從今揮手了無機

秋日書懷

憶昨浮遊去紫庭風煙日日泛江舲可煩蔓草連空暮遠愛孤峯出意青林吐潛涼消仲氣觴傾碧玉湛流冷醉中起舞雲相

盪零亂寒光似落星

又

匡坐含毫藻獨揮風流應亦似君稀著書
自信揚雄是前席還疑賈誼非靈瑣情來
秋入夢瑤臺夜後月生衣迢迢望隔明河
淺涕下霜空見鶴飛

又

疑揮初謝詔西皇煙際菲菲吐夕芳飄寄
自憐同適越弄姿猶遣似游梁酒酣散髮
深林下日暮狂歌大道傍却笑子山憔悴
盡如今休更信迷陽

又

攬鏡凄然惜歲華逝隨孤鳥薄天涯却瞻
皇邑情空劇引領雲山跡愈遐汎汎驚蓬
傷宕子飛飛摧羽畏羅家那堪林外殘霞
色已自紅勝上苑花

又

高臺臨眺晚多風無限牽情萬里同岐路

音形寘夢裏他鄉親昵鴈聲中秋溪薄泛
侵雲閣煙月輕籠映水空莫以南枝懷代
馬且將衰候寄江楓

又

雲間哀鵠蹈虛翔有似孤游去故鄉越觀
仰天重扣角閩州訪古一沾裳已無營慮
知秋急何事牽懷失夜長明月峽西猿更
切蕭蕭木葉下微霜

又

早來為計亦難誣一劍蕭條意氣俱但見
出門生遠色豈知臨路轉多虞木強與世
謀誠拙瓠落將時用竟迂憶自隳官去燕
甸何人凭檻笑侏儒

又

延清宮闕紫雲端香桂金塗碧殿寒枚馬
西都同待詔應徐鄴下各馳翰三芝映日
開扶荔五柞連陰接上蘭宵漢幾時還振
翼祇疑江海潤能寬

至蒜嶺迎軍

芳甸迂鳴珂旌門壓左和風威逾赤水靈
略震蒼波勢舉龍荒集帆通日域過勒銘
應有待勞率自成歌

又

言總三河士還興六月師濤深凌疾舸海
暗激鳴鞞絕徼紆長攬雄圖事遠羈從來
重綬服羞說孟諸麋

又

劔發動星文旗開拂曉雲塞塵衝霧起征
吹入空聞指顧方隅定徐麾勝勢分平生
仗奇氣萬里獨要勳

回次楓亭

策騎度林氛歸禽送夕曛風移千嶂影水
落一溪雲睇絕荒煙見聲虛戍鼓聞翻鷺
少年意今日羨從軍

又

旌蓋帶晴暉秋光上鐵衣山川形勢出魚

八客建集卷四

三三

鳥陣圖稀景靜林間倚花閑澗底依誰
去高卧嘗茹首陽薇

閑懷

代謝關人事盈虛落酒中高齋清朗夕微
月澹遙空自可邀園客何須問苑風青山
曾未隔早晚寄歸鴻

又

令月肇玄風晨齋藿與茂貴無情想失超
有谷神同草解含虛映花驚離染紅蕭疎
生遠韻閑與道為通

八客建集卷四

三五

送沈博士

同向關河外高秋羨獨還客程經瀨水別
夢到閩山草長知詩就花明覺興閑沉情
欲有寄芳樹耿難攀

送陳學諭

客歲幾開顏相逢似夢間忽驚蓬更轉重
訝思如環暮色侵榆海秋風度石關禽來
窺散秩幽砌蘚成斑

雨後

山雨鳴秋館溪風入夜檐疎光輕似羽流
嚮切疑蟬貴我知方少欽玄習已恬迢迢
寄虛宇不必問長淹

聞量移

久客難分去住心誰將消息到江潯官於
蟬翼風前薄意與秋河夜後深別鶴從知
猶眷戀此身何得尚浮沉古來拊髀思同
世莫以遭逢感滯淫

客集卷四

三五

又

幾年濡跡尚南轅常日低眉愧昔言竊食
總令容偃寒淺才終自絕攀緣驅馳已及
勞資後填委何須吏治煩從任人皆薄州
郡陳咸况是欲消魂

寄人

搖落應將返故園殘燈客舍聽秋猿音書
欲寄何時達離緒雖多未忍言葉下空庭
薄白露烟藏疎雨送黃昏愁深不斷西歸

夢矯首浮雲祇自繁

寄盧生

長年游履興方闌倚杖中宵永自嘆結宇
幾時依絕岳揚旆從此放清瀾少文夙有
圖書戀漁父空知鼓枻歡為語盧郎辟煙
徑早須乘月候江干

寄陳子

祇今為仕易前薪何事飄零尚此身奈爾
薄游成落鬼知予失計欲沉淪恣心漫學

客集卷四

三六一

何徵士調笑還同郭舍人原樹豈無堪挂

檄相邀谷飲寄交親

重至泉郡

初日抱林升連岐曉峻登巖姿凝露薜澗
嚮卧秋藤入浦雲如待沿流興可乘旅途
頻更遠極目自難勝

又

立馬秋原上風多景氣沉長墟平遠色殘
樹帶浮陰山磬溪煙度松聲野徑深空澗

芳歲晚留滯尚如今

至安南作

長巘自堪迷深攀願愈睽輕枝分蹙密垂
榦抱煙低倏忽隨征鳥迴沿歷去溪入門
成旅泊懷思轉淒淒

清源山

疎雨明秋序寥天一鴈飛巖阿下涼色洞
戶倒斜暉驚壁凌空直游雲去谷稀欲憑
窺海岱千里共霏微

容建集卷四

三七

又

端憂不自聊山色繫征輶壑轉風生穴崖
虛夕上潮輕霞被海出孤月隱林遙凝望
長懷積煙途詎可超

夜雨

解鞍虛館夕雨氣到牀深歸夢頻疑昨吾
衰遂至今能持誰定力常寂自希音客子
悲遙路堪憐遲暮心

旅思

煙氣杳然至空庭坐自驚蕨薇關意緒芝
桂係心情治節齊干木貽書勸子荆洋洋
顧周道軒冕未能榮

又

冥寄對秋陰誰知靜者心倦來方枕石跡
遠似巢林衣帶他鄉緩煙雲夢寐深如聞
有奇士策杖一相尋

容建集卷之四

容建集卷四

三六



越臨見篇

本書承國立中央圖書館借用影印

謹此

致謝

新文豐出版公司 謹啟

越覽篇

讀丹經

鍊石餐奔景琴心誦逸篇高騫神自暢長
嘯意何玄道士能行火仙人解出煙清冷
聊抗首世外一超然

道中寓懷

空碧澄澄急舸凌溪光晚色鏡中凝煙生
寒楚帆孤映酒對青山影獨凭當路誰爲
楊得意使君今是柳吳興流清蘭月微風

越覽篇

動莫不題詩好自矜

又

曲徑苔荒度欲妨深躋巒壑白雲長巖幽
礪落逢熊館泉上風晴引麝香攀葉洞門
窺倒景懸蘿巉石跨飛梁可堪薄望川原
隔白日蒼茫亦寢光

又

晨駕飄搖去越鄉芙蓉秋宇鶯雲裝空教
登岳梁生嘆無那懸鞍仲悌傷肆目自憐

猶休惕一丘誰擅任徜徉從今蒙袂携簞
食遮莫逢人饋五漿

又

盤雲雙鶴下秋松水上迢遙到寺鍾傾壁
半臨仍倚壑亂烟空度欲成峯橋通小市
連湖色月近西林帶石淙萬事却看徒委
鬱撫膺深計未能從

和荅平洲

越覽篇

烟蘿開小徑林月鑿輕帷興洽樽仍倒談
傾席屢移離堂深夜漏別緒減秋枝若道
憐游處登臨一詠詩

又

軒車忽載馳浪跡逐風移猶憶逢迎日其
如悵別時蓬飛驚鬢色涕下落容儀賴有
瑤華贈還能慰所知

和荅少溪見懷

高秋遠策動悲歌搖落終如逸氣何嬰佩
若爲空自忝才情偏許較誰多淹翔名岳

游應逼容與崇湖楫又過不信冲霄還

羽獨憐池上候鳴珂

同朱楊二子入武夷

綵虹天際抗飛峯天嶠林巒入望重垂
絕雲空霧濕崩槎接澗碧蘿封精靈欲問
千年蛻澤氣先鳴九乳鍾暫卧仙人盤石
上夢驚清月冷深松

又

羣岫逶迤擁夕烟千崖猿鳥憩瓊田乘流

越覽齋

三

奔壁藏舟壑倚策驚泉瀑布巔白石青泥
尋往迹赤瑛丹篆預來綠相將或遇臨峯
鶴欲敘分携重欵然

同楊子觀一字天風穴朱子不能

從也

怪石崎嶇漏穴通陰岩相倚互玲瓏千尋
凝黛含丹室一隙微光瞰碧空乳竇淙淙
常濺水仙衣奕奕半懸風自疑虛往臨無
別是神游九館中

江行

風行入亂山乘日漾舟閑草色生衣上江
雲出袖間境閒花稍落林靜鳥忘還無事
嗟淹涉予行欲度關

又

秋澗澹成凄幽尋水屢迷高枝巖露滴清
夜嶂猿啼意自傷齊瑟能甘愧曾雞次寥
心賞寄浪棹興新携

又

越覽齋

四

渺默獨多懷吾生信有涯華滋紛易歇芳
願坐成乖湍急流分緒清哀韻寡諧竊令
臯壤歎一更恨塵埋

又

荒墟浮樹杪水竹繞斜臺離思三秋駛閑
情萬里開桐門關向夕野席空復苦人語
空林外疑從左掩來

假舍錢塘

曉行斤竹澗夕舍蟻丘漿石鏡寒蕪掩山

蕊芊葉藏烟光微帶月草色暗沾霜中
驚潮發離懷與夜長

又

三載西陵路重來秋更深江聲風倚疾山
氣霧兼沉清笛含愁思哀鴻引夜陰那堪
闌夕語展轉惜年侵

又

亂花相倚暮流吹起松間濤影橫侵岸波
文遠映山開軒聊騁望把酒慰方還若遇

六越覽

五

親知問應愁改舊顏

寄憶平洲

末路逢君晚在情憐共深訪奇欣散秩探
賞靜携琴暮色臨空靜煙容命思禁迢迢
信浮跡江上一哀吟

又

萱蘇問離柝蘭芷憶追尋染翰游雲肆幽
期映玉林眷言敦昔契何用慰分襟庶協
平生分夢登天姥岑

次理山冬日燕居別業

華崖飛水霧平藹結空林勝寄紛應遣閒
居歲屢侵夕風淒岫幌霜月凜煙心賴有
松聲度遙看倚玉琴

過石湖山寺

達水遶菴林蕭然十地陰斷山浮髻色空
梵澗潮音院別宗因寂堂臨客到深晚聞
方等論一更會沖心

春思

六越覽

六

潛居疑屏跡望美蕩遙情草綠深池色泉
清潔鳥聲光虛流靄住石近濕煙生却憶
青山伴歡言惜未并

又

春散煙霏夕間生卷帙餘垂藤交密牖落
影戲行魚香焰經簾細碁聲就水虛此時
聊命酒一倍覺情疎

又

芳色照林扉清墀滿夕暉苔滋青逼幌花

暖氣薰衣棟裏雲生寂松間鶴避稀
隨所適調軫坐忘歸

過湖上望諸山

平湖闇曉風山色亂煙中
隱映芝宮出依微羽吹通
壑深春散靄巖倚石分叢
想見雲流處尋源未可窮

又

飛閣拂輕蘿層臺汎碧波
嶺猿和露泣巢鶴帶煙過
天入標峯迥巖開寫霧多
未能

入越覽篇

七

淹逸駕芳杜悵如何

石川張文過湖承投贈用韻

故人遙訪慰樽前湖上風煙入麗篇
寥廓心期平子待蕭條情緒朗公憐
鶯花無藉空三月茂藿長齋類八禪
莫恠相逢渾落莫遲君應在海雲邊

上南坦先生

傳說是星靈時憑寄典刑道由元氣植
神以太和寧繫望今應切爲心故自冥聊將

金匱訣霞外養脩齡

又

遺老三朝舊人文間代賢祇疑黃閣貴
惟就白雲眠渺默乘真氣恬愉返自然
欽風徒自昔挹想殆忘筌

又

蕭灑乞閒身猶傳誦甫申榮名响泰華
勛業在陶鈞獨載登山屐悠然墊角中
卷舒庸有意且莫問經綸

入越覽篇

八

又

閒稱物外賓石徑少埃塵結社招同好
行歌任採真水煙通別趣蘭杜接幽鄰
那得從公逝遺民况是親

寄蔡白石先生

弱冠曾聞海內名爭看文賦似西京
風流會使虛懷映神解能令四座清
自是煙虹驚藻思可煩花鳥入閑情
祇今未竭平生分相去那無咳唾輕

借鹿門諸君集飛英塔院

芳甸春遊暫喜同
清言還就百花宮
十年江漢悲王粲
此日琴樽對孔融
樞上何須憐駿逸
人間應是笑緣空
可堪今夜禪池月
回首長安似夢中

宴集天寧寺

三月飛花院院同
暢然垂帶柰林風
禪思頓使羈勞釋
梵宇堪悲大劫空
屢說調猿曾有悟
如聞想馬竟能通
染衣若許陶潛

越覽篇

九

醉便合浮杯向此中

貽唐一菴

茗上春深雨氣多
端居為復興如何
閒來曳杖從鄰父
睡起牽衣出薜蘿
青瑣赤墀猶入夢
綠陰黃鳥自成歌
已知獨立風塵外
問道何時一許過

春盡齋中

叢竹深齋厭鳥啼
數番花雨過前溪
陰多痺濕羸身覺
氣晚森沉倦思迷
芳草空教

青檻外幽雲那復綠
窓西欲憑眺詠懷孤
遣何事吟成望轉悽

寄憶平洲

嗟君好古更憐才
茂樹陰交甲館開
中歲棄官名况遠
十年成賦思稱該
已裁野服能忘累
久謝時情幸免猜
矯首山川雲霧裡
尺書欲寄倩誰來

衢州道中

情塵日暮尚紛紛
卷帶空令思逸羣
路向

越覽篇

十

碧潭龍卧久滿身
鱗甲冷秋雲

小軒新成

獨依春草結茅簷
書帶含煙綠遂添
自遣花飛茵席上不
教驚燕數窺簾

又

竹外斜軒晚氣清
縈紆碧檻帶芳蘅
吏人散後焚香坐
江鶴鳴時報雨晴

又

庭阿新畫碧煙開
盡日無人長綠苔
可是

江華引鄉思釣竿持向五湖來

又

隨意丹房學火符浮雲身世寓虛無傳將
小草還真訣夜夜青天隴月孤

贈繆鍊師

曾經採藥遇浮丘行氣時殮石髓流禮斗
夜深聞鼓瑟一壇星冷碧天秋

漫詠

青溪碧浪樹中分宴坐鳴琴芷杜焚山氣

越覽篇

十一

釀寒侵竹色暮心聊作未歸雲

齋居

沉雨擁朝旦澄默發清機輕吹溜通隙簷
宇下幽暉煙綿露條泥靡迤風篠稀撫情
泣流景浮心怨凄菲歲役互盈侵焉能望
端闈江介愈渺漫芳願積已違豈無臨池
奏前嘆重沾衣

在郡作

高齋映山郭澄湖曖郊甸况復東留時歷

歷平疇見簷笠聚連陰芳煙散餘綯徒然
掩軒卧幸自嬰務鮮愛心貴暄好流雲入
輕扇獨撫移炎節觴賞寄歡宴景夕珍簞
清徜徉篇卷薦含風快幽堂衆鳥似相眷
點翰聊復爲花藥何姹變年謝悟壯非懷
哉從所繕

自德清歸

越覽篇

十二

漠漠溪流桑柘陰靡靡江靄轉風林洄沿
曲渚依雲斷演漾歸舟入浦深誰向葦間
操獨璽自憐苔上集輕禽五湖晨夕煙波
裏憶爾飄零柰晚心

又

夏始輕光湛欲浮芳含積水共悠悠亂雲
深度妨穿槩歌樹叢生碍放舟風入忽驚
衝鳥散心遺方覺對山幽堪憐棲息南枝
念猶負平生作遠游

初夏五首

幌虛新節變流景下南端露葉交陰密風

篔簹林響乾宵清憐意緒人遠結情歎極目
東臯上平生自寡歡

又

高煙輕晚色飛幔入平霞風逸驚琴斷微
鳴應管斜隱窓浮密樹倚檻發孤花試問
臨池客爭言似戴家

又

石院細香通開軒快竹風引涼珍簾適銷
慮羽卮同鳥立新枝上雲來亂葉中徜徉

越覽稿

十三

將永日機謝境偏空

又

溪碧漫新流遙翔青翰舟雜芳薰欲醉修
竹繁成幽長卧嫌人懶微吟使興留王弘
偏未醒傲岸水邊樓

又

曹閒消晝永情簡息聲聞自可知魚戲還
同入鳥羣林滋杯翠映荷卷苧衣芬觴賞
蕭然寄何人能似君

夏日書懷

為情多僻靜無紛默坐開簾近石雲養鍊
欲窮朱火候採真流玩紫臺文琳琅受簡
神應化花藥成丹氣自薰空羨仙才難可
遇祇應遙禮太霞君

又

閑栽幽竹映江湍斜引新流護碧欄琴誦
摧藏空自理仙經沉酒復時看已捋煙液
忘玄瀨欲取身名付紫丹偏許仲君能好

越覽稿

十四

道清宵露冷羽人壇

贈醫王生

早學輕身抱玉書日開千軸任蕭如遠尋
石逕看松老獨上山梁照葉舒雨後深
逢乳竇春前淅淅長神蔬閒房藥鼎時聞
沸探得菖蒲慮自虛

偶成

雲崖重密被青苔縈抱山楹曲隱臺對酒
悲歌多感激撫膺年志半摧頽翩翩負氣

誰能下悵悵遠時獨可哀醉後欲書春草
帖乞將逸少陣圖來

黃龍洞

神壑思堪幽龍祠異境留洞陰苔積厚石
暗草生周應自玄夷宅空疑靈氣浮蒼茫
難可問峯上雨新收

又

冷然探漏穴恭事禮靈湫晝寂林嘗濕巖
深氣轉適俯窺千仞落驚測幾重幽欲識

念覽篇

五

陰晴變雲生映澗流

登山頂望太湖

探策凌深峭湖光杳靄間數帆煙際舸幾
點鏡中山積水渾無淡孤雲遠自閒故林
何處所惟見鳥飛還

又

縈流經大澤瀾望自靈區氛晦連朝合蒸
嵐入畫俱波文搖弱縷天色接平蕪翻使
浮沉意飄飄若渚蒲

沈洞

青逕散松色飛蘿掛洞泉境深泥踐滑
巖勢幽偏穿石疑空入攀崖訝倒懸由來
招隱地別自有靈仙

又

蒼蹬午交映碧溪多夏雲濺衣苔石潤
巖壑水煙曛險仄虎相倚欹巉杳未分還疑
石牀博落落子聲聞

同潞南宴集山寺

不越覽篇

十六

閒來就梵筵張樂法雲邊遺象潛靈歇
荒臺引興偏勝風欣欵洽宿昔重周旋盈抱
煙霞氣懷君獨慨然

夏懷十首

閒興能忘世眠長日較寬葵芳傾滿院竹
色倚盈欄命酒逢僧酌携琴就水彈風生
五明扇一詠自成歡

又

頻年客未歸連夕夢荆扉別緒繁初葉牽

情繫落暉雲依風外薄涼入雨餘微寂寂
知何計身名悵已違

又

夏木行園晚丘樊勝地遙綠侵書幌落香
逼硯池飄花水流穿竹林霞映隔橋江淹
方避事吟思近來饒

又

卧薜遶臺斜崩欄擁篆沙樹空多聚蟻煙
晚半藏鴉掃地憐雲落移牀愛影加陶然

越覽篇

十一

衣正解隴上自鋤瓜

又

花間半掩門引水灌松根蕉葉逾新色池
芳亞退痕棲閑身是客野飲石為尊回軫
清商曲含涼遂滿軒

又

雲移當院午虛簟入炎蒸懶慢輕前事離
筵對古藤槿疎榮落淺荷小雨來勝却憶
青山下何時興可乘

又

聊從餘步返別是野人期茂樹陰堪倚初
菘暖自垂窓隨山影靜軒度竹聲遲休更
携碁局閒來倦不支

又

赤岸景流炎深林愛獨潛盤旋嵐在戶陰
映葉交檐草蔓連長浦松風咽細蟬踟躕
看信美終夕莫應厭

又

越覽篇

十一

積靜堪求道機忘勢愈違茅簷呼鳥慣蓬
戶叩人稀月出清紈扇江深照薜衣山川
容傲睨沉飲孰知非

又

樹裏開閒牖幽牀近碧湖濕煙薰永日空
藻骨輕鳧雲去知心寂暄消覺夜孤薄遊
殊未已芳歲坐相徂

雨晴

日暮青林薄南齋雨後暉薜文滋砌石荷

氣襲人衣影逐輕濃散雲從遠近歸自好
山壑趣轉愛夏陰稀

送陳生歸

去月乘舟住今晨帶酒分風虛輕扇入天
遠暮鍾聞信是才堪倚應知芟可焚莫將
疎宕意秋水遲逢君

又

原色散湖陰情爲悵別深飛霞開半壁舍
雨遍幽岑江路愁能盡鄉園夢懶尋聊憑

天越覽篇

五

寄衰鬢爲道未歸心

夜坐

倚欄延迥眺虛閣小涼時暗葉零新露輕
歌奏羽卮度螢經竹靜遙漏出花遲試問
今宵月清光還爲誰

送羽泉北還

旌車曉欲扇齊駟戒長征入對朝章練逢
時獻納清掖垣分夜直環珮百花迎若向
麒麟閣看題舊日名

又

離亭開曙色軒蓋繞通津樹引鳴珂去雲
將別緒新寵頻知遇渥

恩重識曹親想到公車日遙憐奏
紫宸

湖署墨妙亭

一逕延松色幽亭抱水紆境連青靄合簷
接翠陰逾架險疏丹壑開煙倚碧湖任堪
山簡醉歌舞在康衢

天越覽篇

五

又

興餘扶曲磴臺榭到平蕪驚巘凌霞上游
禽蕩影俱月陰斜散朗石勢遠爭孤信是
娛清夜悠然景最殊

愛山堂

英英竹栢抱芳臺花霧蒙茸潤石苔縹碧
千重林上散虛嵐幾點樹中來軒楹蘿覆
情同逸井邑雲深望總開解綬自嗟猶未
遣空將延佇愧時才

又

峯色遙來應接餘
灌叢蒼莽出煙初
已多姿態生空宇
翻覺雲陰滓太虛
新翼爭翔幽足騁
翠滋深蓄寂堪疎
憑高一盪胷中氣
俯仰塵勞故自祛

夏日書情

萬事消空成獨遠
遂於人境自分途
朝霞結駕參靈岫
淪景辭家訪岳圖
芝桂盈情逢論討
金英含液寄虛無
誰言窺井能飛

越覽篇

五

雪為有神池歲不枯

又

珊瑚作押水精簾
虛薄含風暑不沾
飛馭泠然疑自至
輕煙浮動漫須纖
凝和一任朱明燠
遺世兼忘赤日炎
更引新聲變清徵
蕭蕭羽磬出松檐

又

欲御風綃曳碧霞
兼邀桂父設桐花
只言冰谷堪消夏
無那仙人戲乞瓜
麗石竒雲

姿不定醴泉涼露潤
多誇甫能羽翰生
鷹世可是煙霄路
轉遐

又

寥朗疎陰下翠墀
高齋新沐月來時
樽前孤賞情同嘆
霞外深心世豈知
指點詩成青雀舫
分明環掛石榴枝
流螢暗霧紛相歇
清暑人間興與遲

又

莽莽炎光草木長
迴看虛岫積雲芳
風乘

越覽篇

五

開宇神情散荷繞
清潭月氣香煩鬱
自當良夜失紛埃
未使醉眠妨開帷
正爾延輕吹忽聽
遙林墜葉涼

又

天矯山城積水空
葦花江色片帆通
臯禽徐引青煙上
涼氣潛來綠靄中
已識一觀同夢覺
何須萬牒倚才雄
古來失路誰相假
惟有嗇恩是世公

又

霧縈織綺浣愈明
宴踐朝林暑色輕
昵昵羈愁相對語
超超高視別爲情
峯疑白鶴當飛瀑
澗架長虹近晚晴
聞道金堂泉石冷
祇須絳簡一書名

又

空將積雪想蛾眉
散患宵來勢小差
可耳乖離還自慰
比成羸乏強能支
蟬流暗葉深溪上
煙在高樓疎雨時
爲報石壇瑤草道
秋來應有許玄期

越覽篇

三

新齋

幽戶湛青霞
高窓網碧紗
涼含秋半入
風落思兼遐
動影閑流葉
浮香綴小花
情深聊自玩
精理任堪誇

又

簷色納霄清
帷風散雨輕
淨憐餘絢接
虛映積芳明
迥極華仍覆
長樂露已盈
應知流調逸
賞寄重平生

綠水曲

春潮廣難度
舟浦日復斜
弱楫牽新菱
輕鳧泛驚霞
動影非一香
芳枝發九華
願逐風中葉
晚入王昌家

又

澹蕩溢春堤
蘋萍漾清沚
映水照雙蛾
塵容爲誰理
去時荷未抽
已見葉上紫
嘆絕空復情
焉能遣蕩子

又

江潭洞無底
分明見秋月
相憶寧知處
煙波不可越

越覽篇

三

又

傷絃理哀曲
愁思望歸橈
橫使清霜入
易得損豐翹

春夜怨

春氣深春夜
沉却愁花落
蕩春心月輝斜
入照牀臨香
盡膏殘恨不禁
憶雙情結雙
衽愁嘆絕
愁思稔欲褰
鴛鴦襟淚濕
同心

錦

茗雪漁長 四詠爲施璣川題

連波開曉氣川沫澹浮磯緬策簷生篠蕭
撼芙蓉衣煙平兩溪駛雲月上輝渺漫
詫何伯情賞安可違

窪尊醉客

石芝醞神醴欲飲方自怡澹泊似無旨眷
戀發沉思歡暢願終已榮名安所爲飄風
視二豪日醉不足疑

峴山鐵笛

越賢著

圭

散漫宿巖雲幽嶠傳清響聲隨山石裂韻
逐秋風上逸調無近情曠絕自神賞夜深
霜月凄潛靈泣泯漾

碧浪蘭舟

輕風疊煙浪揚撓弄水石磷磷縹碧深隱
隱月陰積露入歌前溪霜空矯歸翼從知
漱流人抗已隱孤跡

七夕詞

穹陽夏方展暗霧靈期及望促露下滋風

長夜流急臨濟單策飛蕩思當機入別館
經歲心歡恨自交集暫御鉛華新宿昔瓊
芝溢匹影故無儔偶夕翻成泣墜緒豈易
尋浮淒渺難緝去去秋雲深明愛空霄悒

閒懷

松覆池陰一逕欹甘蕉擢葉蔽江籬庭閒
清晝花光炫任取游絲罨蝶兒

又

幾重暝翠散林霏池上雲昏度雨稀山鳥

越賢著

圭

避煙深樹裏徐徐倒帶夕陽歸

行次平望

荻岸惟聞風水聲煙波朝夕此中生扁舟
演漾深溪黑鳥外猶餘落日明

又

溪雲片片落湖中釣艇悠悠出灌叢可是
幽篁能蔽日從知喬樹善生風

又

草閣臨流興自孤夜闌江上戒征艫芙蓉

漫有風前色楊柳空知贈旅途

景遇篇

千古君臣契勲華載典謨股肱方自倚霖
雨正相須贊禹欽時憲咨堯奉

帝圖睿謀勤啓沃聖彥慶交孚朝訪彤庭

老宵延虎觀儒剡天芳藻吐向日赤城輸

寅畏陪昭事聲明佐賁敷桂宸逼近直蘭

帷務遙趨文命乾坤朗忠貞宇宙扶陳辭

瑀璧薦拜冊紫金塗績可資膺運功能幹

天蕊集

卷一

化樞五靈懷降鑒八寓協貞符簡遇

恩章溢頻繁

寵數逾九流歸道冠一品識階殊鶴錦翻

躔並鴻私浩蕩俱六龍開遠馭絕影騁康

衢赫赫光英照油油霈澤濡上筵和惠洽

玄宰漠情愉嘉瑞明豐貺祥輝耀泰隅內

芝供列俎清露在仙厨雲策乘瑶鹿霄官

藉碧蒲援稽窮緯候流覽極神都盛烈前

靡覩淵心退若無顧歆隆眷饗遐祚福黃

虞選德榮雙管推仁逮匹夫后夔升鼎欽

伯益掌洪鑪舞率三階正歡隨百獸呼景

星臨法從休氣塞寰區力仰生成厚詞難


覆育模深慚留滯跡欣願履

皇途

越覽篇

越覽篇

卷一



眉公詩鈔

本書承國立中央圖書館借用影印

謹此

致謝

新文豐出版公司

謹啟

眉公詩鈔目次

卷之一 五言古體

寫經

田園詩 二首

看兒戲

種松

學步

仙奕圖

松棚

雨後山遊 二首

農家樂 二首

林屋洞

廬山社圖

贈陳貞母

丙辰正月二日入山探梅途遇大雪舟人嚙雪不

眉公詩鈔目次

得前因飲施羽循齋頭卽事

山中同友人對雨

余疏山居朱修能適至賦詩甚美依韻和之共四首

讀張鎬傳

野叟

山中初夏

芍藥花遇雨摧殘有感

迎秋早起作

己未正月八日雨中

和盤花詩 二首

壽洞庭友人

山中作和唐人韵 三首

送米子華北上

題畫志感

讀四皓傳

讀史

題帶雪尋賢

周公美冬日葬凡廬墓高其義而贈之

山居

輓殷太公

田園歌 十四首

夢游仙歌

少年行

睡起

山居吟 四首

移樹

入山

題陶逸則草堂

送尾芷游黃山

六月讀武林遺事

山居謝妓

題雪澗玲瓏庵

眉公詩鈔目次

壽二泉六十

開將軍

謝送湖石

山行

題杜毀武冷霞精舍

驟雨滅燭已而月出雨中景意幽絕作詩志之

夢後

卷之二 七言古體

護松篇 有序

漁父詞

雲間洞歌 為杜毀武將軍作

詩人

飲梅花行

觀燈 分韻得花字

盤花歌 酬王季重使君

春行 贈人

夜飲蘆花灘歌

壽金沙馮母尹孺人九十子玄谷先生七十

夢鶴歌 贈崑山王少白

紅葉

題石門採芝圖

題沈孝子廬後落雲石

送項東鰲華亭奉召北上

眉公詩鈔 目次

義姑行

括蒼行 壽李隱翁太守

汗血歌

歸隱歌 送黃仲石

大名穆中翰游江南亥罕寫贈山水為題短歌

彥平社兄以端午歸戲作歌以贈之書于文畫

扇之左

清明日馬鞍山遇故人佛心禪兄

坐孫世聲藤花石上以贈行屨家詩為賦

題漱松齋 贈天台松雪齋

山居吟

山居

朱明初麗歌 壽項東鰲使君

村松子歌 二首

太湖采蓮歌 二首

裁眉行

女俠歌

贈無瑕上人

清明有感 三首

舟中夜飲顧伯大擁周妓忽墮水中浮沉飯頓始得登舟漫題此以戲之

題趙山眉

胥口伍相國祠

題孫山山居夜雪圖

黃山歌壽汪明吾母黃夫人

王使君以辛亥四月首得震索於青谿官署太公

眉公詩鈔 目次

以迎養至時年八十有二矣

斷橋哭馮開之祭酒

送仲弢歸溫陵

贈吳萬空

贈仲方山水歌

禱雨

贈劉簡較斗虛

壽杜杞田

雪後吳少君寫畫見寄

贈黃石林

贈孫雁漸先生

讀史

誄唐女

雙松臺歌

題九青

清明有感 二首

壽李茂承

壽周水亭

林元裕病起短歌贈之

贈郭燕臺	贈樓道人
代贈左道人	春遊
贈友	楊孝子歌
記夢歌	春風歌 <small>壽唐 邵侯</small>
贈林元裕詞文郁季雅喝韵	南游歌
有樂篇 <small>贈人</small>	山居漫興
上池篇 <small>代贈張 璠字</small>	題璩君瑕畫
沈園與諸生讀書作	
盛伯靈以東京應石	
眉公詩鈔 <small>目次</small>	五
雪中	壽項邑侯
賀袁將軍得子	題十峰圖
贈僧	題蕉竹圖
題畫贈殷方叔	秋日懷山中舊居
泛月偶過允元芙蓉池上	
釣魚歌	梅嶺道人歌
春日顧曰可訪余山中投茅孝若書和孝若韵	
卷之三 <small>四言詩 六言詩</small>	
山居 <small>二首</small>	遊仙招隱章

避暑	試茶
夏日園居	書壁二章
隱居圖	遊客
新開園圖	秋山即景
烏孫公主	壽張三星
贈杜弼武	贈友二章
湖上	枯木竹石圖
讀書臺夜半觀雪	坡仙像
送贈歸東湖寺 <small>二首</small>	春日雜咏七章
眉公詩鈔 <small>目次</small>	六
題畫	遊西湖二章
香雨樓詩	村中四章
山中四章	月下惠山飲泉
贈道南上人	贈雲麓上人
贈靜庵上人	贈龍塘上人
贈汝空上人	贈濂上人
聽經罷作	題臨水僧舍
郊舍	坐僧舍藤花下
寄居僧舍	山中作 <small>三首</small>

九月一日

題畫

題月下送花圖

贈葉穉麓

贈蘇爾宜

題畫

自味

有感

山居 二首

避暑 二首

新涼

偶題 九首

日與照白讀書博奕于其別也寫此送之 二首

仰山以冬仲復過雲澗求鑑者如市予懶道人也

天眼所不到戲以一絕質之

眉公詩鈔

目次

七

題小淇園 二首

春游

飲虹橋

題友人花園

卷之四 五言律詩

山居春暮

避暑

初去城市屏跡讀書臺 六首

送社衲歸山房

鍾賈山

貧士

春游

摘花

宮人鬪草

讀書臺

代越文答

高峰

余山訪吳玄鏡

謝天台僧寄杖

道院作

題君策疇墅 二首

贈秋潭僧

送郁太碧還構李 二首

初夏同諸兄弟看花集酌顧中翰東園

秋日山游夜宿僧房

同印空夜坐憑虛閣時徐澤夫君實兄弟在

寄寄園

舟行

天馬山山居

宿趙凡夫山房

眉公詩鈔

目次

八

同辰玉過澹園 四首

春游探樵字 四首

寄王辰玉

東洞庭翠峰山居結夏

聞蟬

花船

落梅

訪蓮公坐關甘露寺 二首

贈美人

望雨

贈山中人

依韵答葛實甫

依韵答韓求仲

贈葛實甫 三首

贈五如讀書天馬山

浣生寓花園贈之

織女

尋梅

初冬友人入山見訪 園居 二首

山中晚眺

秋日訪明菴鴻臚水竹居次赤維莊公韻 三首

池上 過友人泖居 二首

贈金重珍卜居虎丘 山居

山中 水中樹影

望歲 泖橋寺作

蓮如上人過訪山居 棲霞寺

答郭太玄見訪 贈曹以新移居吳門

眉公詩鈔 目錄 九

送范長康之易州 送友北上

贈趙凡夫 酬咸不

過宜房懷古 送衲子參雲栢

薛伯起來自四明同太碧士端集林元裕齋中

山中采藥 贈張伯慎

遊寶勝菴 避暑泖橋僧舍

同蓮如古水夜坐 山中

移樹 送陳懿卜省親 二首

送張紫霞北上 贈友人移居于將山

秋日山行 乞花塲

雞鳴寺宿 山中同僧夜話

遊鶴林寺 元日大雪

春梅山六十 春游

夏涼 壽王思槐六十

冬夜與張靜洲步月 寄潘隱玄

七月十五荐先 夜坐

附雜詩 夫題

卷之五 七言律詩

眉公詩鈔 目錄 十

花朝 寒食

櫻桃 繡鞋

贈友人納姬 賦得宮人闌草

白燕 邀友

頑仙廬 城南看堯花

西湖寄陸運使 喜雨

古劍 題施子野新居 八首

新秋 六首 友人花朝納姬

雪中舞雀 十首 端午日白龍潭 廿首

贈妓	壽杜大司空
元旦卽事	泖塔玩月
答范光甫	登山
馮咸甫竹素園	送武夷朱山人
壽周繡海	壽張後軒
壽司理茲勉	壽尹兵尊
壽杜封公七十	壽張憶塘
壽陳使君	壽友人
壽節婦	壽孫母
眉公詩鈔 目次	十一
壽天苔雪堂上人六十	壽友人七十
壽友人	又
陝西楊中丞尊人雙壽	送王辰玉
贈友 四首	壽某母
贈山僧	贈張孝女
嘉平風雨	送蔡禮卿
樵李丁烈婦	暮春作
飲沈司馬	送友人之金陵
題餐霞館	月明睡起

和周公美	贈梅巖道人
和沈司馬	題侍御小輞川
贈慧解上人	送董原道
招沈玄成結夏	君策山居問水
送項東鰲入覲	咏漁
咏樵	咏讀
走馬燈	贈醉茶居士
朱修能別去三載	鏡中燈
賀友人七夕得子	逢辰玉丹陽道
眉公詩鈔 目次	十二
送馬叅戎	壽賀伯開
壽于谷峰	送王尚寶遜之井上
送州尊	寄蕭觀察
新柳 十首	泛泖登塔
題不繫園	閏六月望夜半立秋
咏虞山星壇 七楹	題二陸祠
送王辰玉井上	送陶大冶入武林
美人上井邨	秋夜對友
壽汪太公九十	壽張陽七十

送惺元井上	送吳開吳井上
秋日陳叔典過訪	山中作
唐李陶過訪	病僧
寄文寧祭酒	端午日謝餉
偕嘯民下山	壽吳蘇臺
壽石門山犬八十	送別彭仙翁
夏日夢游蜀中	秋日宿澄鑑寺
水西園咏懷	姚孟長廬墓
賀友人舉子	夏日集友人
肩公詩鈔 目錄	題經武堂
馬上郎	王紋齋顧與成見訪山中
卷之六 五言絕句	春日
秋色	山居
新夏	雨中泊烟雨樓
吳師明臘月雙壽	聞鶯
贈無瑕上人	送僧入雲棲
遠興	贈玉湖漁父
	新秋寓山寺

招鶴	橋上
柳橋	題飛瀑圖
贈周草窗	山中
招友	梅花
種梅	新秋 四首
山中雜咏 二十五首	嘉樹林
吹笙笛	咏螢
咏蟬	咏蜂
咏酒	題老子像
肩公詩鈔 目錄	讀書山寺
顛梳書折梅寄姚伯維 二首	美人圖
舫隱	西湖
竹窗閒讀	題画
半月泉	送李茂承南游
讀李將軍傳	雪夜
春雨	贈僧
雀哺燕	題画 八首
步山寺	
秋郊晚酌	

送友	送維默上人
題葛稚川像	題米芝翁壽友
贈金陵妓	贈郭兆升
題王母	避雨臺
穆天子	韓香答紫玉歌
高漸離擊筑	白門柳
鄭櫻桃	解語花
細腰宮	大夫松
鴻門碎玉斗	江臯解佩
眉公詩鈔	妻
青塚	嬰下琴
玉鏡臺	武帝悼李夫人
九微燈	望鄉臺
相如滌器	習家池
梁公博裘	竹
茉莉	桂
菊	方竹
紅梅	墨梅
蘭	蓮

芍藥	木筆
山茶	繡毯
芭蕉 <small>三首</small>	盆松
咏梅	郭璞墓
月下登金山	春遊
木末亭步月	長千里步月
題惠山泉亭壁	重登烟雨樓
豔曲	馬姬畫蘭
卽事	騷起
眉公詩鈔	夫
烟雨樓坐月	贈池上人
翠微山寮	題画壽李少華
感懷	壽安寺
悲秋歌	附雜詠 <small>失題</small>
卷之七 <small>七言絕句</small>	
山居	贈山中人
春暮山居	游仙詩
書扇	秋日贈妓
春日訪殷東臯	避暑

池上 <small>二首</small>	同秋潭看花
夏熱思深秋之樂	納涼
春閒曉起	春游過貞女墓
烟雨樓	竹下
菊花信	漁家
秋日閒居	泛湖
春郊貰酒	天池
秋泛	春山
山中遠眺	立春日登鐘樓
眉公詩鈔	自次
訪法界上人	觀濠堂
題画	憶西湖
喜懿卜至	闕草
憶西川	楊花
白石山結茆	老松
雨窗	壽某翁
得雀 <small>二首</small>	訪吳無爲
萱花	八月過青蘿林
春日僧舍	新燕

聽泉	洛陽
送僧遊天台	小亭
聽琴	贈山叟
山行	讀神僧傳
感世	題隱士
舟中	供花
新秋	廬山
乞牡丹	同南華載菊
題雪蓬	題画
眉公詩鈔	自次
題壽安寺壁	過孫世聲園居
深秋	南都
春游	銷夏
秋夜歸	題画
麥壠	題竹里館
贈妓画	遊小崑山
荷亭涼夜	燕未來
美人睡起	春閨二首
湘妃竹	秦王卷衣

試劍石	斬蛇劍
賈佩蘭	春日獨當壚
七寶避風臺	清夜遊西園
愛妾換馬	北風吹裙帶
燕姬墮馬	薛夜來
采蓮曲	若耶溪
春閨怨	官蚕
探丸	藏鈞
蹴鞠	鞦韆
肩公詩鈔	目次
過孝杓疑山草堂	此君軒獨坐
太湖石	贈武士
送袁將軍井上	送人還山
柳塔	壽隱者
絲陰下題美人扇	結茅山中
江上看月	梅花
過陸君策山園	梅窗卧雪
光福看梅	花下聽彈琵琶
題賣茶山壁	掃梅下雪煎茶

探梅	看落梅
老梅	花中午餉
湖上看梅	夜登董尚書山樓
插梅花置帳中	歲朝種梅
題四皓圖	贈杜杞田
榆谷食霞	卧病
題趙校書扇	放舟
題琵琶亭	贈山僧
題山僧樵卷	梵園
肩公詩鈔	目次
山寺	春郊卽事
釣溪	遊寶勝寺
憶西湖	贈張瑞齡
病卧	題画
做雲林舊圖	雨中
希夷像	題画
贈堪輿	村雨
題倒掛鳥	夏日訪山中友
題画	游金明寺

題畫	題及宇壽齋
重九宿山中作	卧遊
題仙山樓閣圖	壽朱錦林母七十
題聞一上人壁	春日雨霽泛舟
試峴茶	題千岩飛瀑圖
送孫世聲重遊虞山	夜登烟雨樓
弔紫柏師	戊戌四月四日
登閣望泖	尋白駒泉
聽夜梵	酌婉孌草堂
肩公詩鈔	目次
夜宿寢室	初聞黃鸝
僧乞書	饌香積
元徵將遊佘山	元徵有入林之約
玄宰爲李重使君作仙館圖	
春日山中	山居
題戴文進画	山居雜詩
高齋	題画 二首
周公美得姒兒	王楚玉画蘭
簪花圖	湖上雜咏 十首

戲題伯大墮水	早秋曉櫺
簡史	送郁大碧
少年行	新豐行
柳絮	秋夜聽張女士鼓琴
賭妓	題扇
吳德言念松石翁不忘乞介公寫圖	
和令則題画 五首	載菊
贈雪浪師	題瞻親圖
送友人南游	初築讀書臺
肩公詩鈔	目次
游資慶寺	登縹緲峯
送戴望之	題恰受船
同九如鬪茶	看新竹
體玄老漢	題李疑壽画
讀書臺雜咏 五首	讀少陵集
蔣道樞入山見訪	有情痴
壽友人	百歲翁
除夕訪僧幻公	有贈
贈金仲宣	題沈山人壁

蘆花菴	看花紀事
訪雪浪上人	泛秋
題友人小像	素秋校書訪余山中
秋日閒泛	贈峨眉僧
秋日山行	贈武林醫士
贈麻衣僧	萬壽閣
暮春看社會	花朝
彭庸子	贈鍊婆
鍊婆獨宿	過吳門
肩公詩鈔	目次
探梅	限韻香字
丙申遊玄陽洞	郁伯承留吳少君
姚康甫買梅	結夏翠峯寺
題画	讀項羽傳
夜宿沈謙之庄口	胥口
送古水遊天池	避客
漁舟	雨霽
出塞行	種松
客至	和乞松詩

雪中南湖放魚	贈方外僧
題馬湘蘭蘭花	夏日題宋賓之画
藤杖	贈吳門周山人
附錄雜咏 二十七首	
卷之八 詩餘	
泖橋 點絳脣	又
讀書臺 臨江仙	又
又	又
贈吳延陵山居 漁家傲	新秋 浪淘沙
肩公詩鈔	目次
山中次玄宰先生韻 霜天曉角	天池僧舍 點絳脣
送春 拍闌干	贈葛實甫見訪 醉落魄
茗帚菴作 風中柳	初夏 昭君怨
山行 漁家傲	重九 昭君怨
避暑	
山中遇彥明公履携舟見訪同坐碧桃花下作 時近	
山居 浣沙溪	秋日 點絳脣
新秋 浪淘沙	又

又 題陳搏像 浪淘沙

山居 清平樂

初夏夜飲歸 攤破浣溪沙

牡丹 攤破浣溪沙 銷夏 昭君怨

題張平仲五鹿山房 滿庭芳

重九遊西湖時客携兩妓皆白苧衣 點絳脣

又 村居 點絳脣

又

送包彥平歸鴛湖 點絳脣

眉公詩鈔 目次

題友人齋 點絳脣 暮春過僧山寮 點絳脣

荅純甫司馬 青玉案 村居 清平樂

山中雨夜 調金門

周公美五十外鴉子作此慰之 蝶恋花

七夕 點絳脣 又 叙頭風

又 惜分釵 贈友郊居 風中柳

村居 風中柳 秋日 點絳脣

山居雜咏 增減字浣溪沙

警世 霜天曉角 又

又

附調

粉蝶兒 醉春風

滿庭芳 普天樂

折桂令 錦上花

么 碧玉簫

紀央煞 松下樂

又和張伯雨

附 憎蚊賦 快賦

眉公詩鈔 目次

眉公詩鈔 目次 主

眉公詩鈔卷之二

五言古體

寫經

山上多松杉。山下攢花果。杉老已千章。果熟常百顆。壁
茶染異芳。鑽石傳新火。寫經未終函。已得前身我。

田園詩

南斗入地下。北斗出地上。去度三十六。北地并千丈。男
女轉輓轆。消勺起爭讓。吳中本澤國。水土自演漾。潮汐
不爽期。溝洫常滿量。農圃寬夏畦。甕盎足春釀。魚龍靜

眉公詩鈔

卷一

五言古體

不波。蓴鱸美難狀。鼓柁沂安流。渡口月初上。乃知蘆中
人。遠勝山中相。

又

千錢買爾犢。性健不喜觸。犁田前序水。垂死跛且禿。僵
蹇枯草根。饑烏啄瘡肉。閔閔畏屠肆。垂首神鼓顛。念此
多苦辛。衣薪葬山麓。杏花繞牛塚。上塚人簇簇。一老忽
唏噓。淒涼舊臣僕。

看兒戲

田間群小兒。游戲學狙獾。落葉編作冠。斷梗束為帶。斫

竹縛軟輿。折芟擎高蓋。呵殿官人來。氣勢非無賴。狙豆
與干戈。似亦識其大。部署有至理。嫚罵皆天賴。何必多
讀書。身名乃俱泰。

種松

經始白石山。石奇山浩浩。雨沐初種松。松孺若年少。何
年垂茯苓。枯頂雙鶴叫。閱世倘重生。此松應合抱抱。膝
草堂前對茲成一咲。

學步

人生如學步。自近方及遠。前步不可苟。後步詎可緩。兒

眉公詩鈔

卷一

五言古體

童未解事。踏破綠苔淺。有長何足紮。有短慎莫掩。

仙奕圖

綠髮丹臺翁。結廬在山側。仙客未通名。對奕不相識。雲
來棋局暗。雲去分黑白。獨有雪髯猿。旁觀無怖色。

松棚

五十謝塵鞅。入田作老更。手執過眉杖。香飽長腰杭。小
窗綠糝糊。雲去復分明。時有斜日至。炎曦射南檣。鏤錦
折作鎌。頽松縱復橫。枯者付供爨。翠者結為棚。其下列
茶器。或置一酒罍。披髮縱酣睡。膚清神亦清。

雨後山遊二首

紅花復黃花。野田錯如繡。决决田畦水。半出山中溜。携筇往聽之。新聲故非舊。但恨風雨痴。飛花落何驟。雨不溷春光。明遊應可又。

忽有白頭叟。斫薪思換酒。入山雲氣生。雲橫半山口。不怕猛虎啼。簪花滿蓬首。此路久已熟。子孫樵更久。

農家樂二首

去年買五犢。今年添五疋。登壠稻秩盈。子毋牛齊出。散入坡阜間。肥草沒雙膝。牧童腰短鞭。終日不汝叱。下灘

眉公詩鈔

卷一

五言古體

三

捉野菱。上樹打山栗。握拳戲曹偶。唱九常道七。俯身蒸莽間。側耳搜蟋蟀。雨豁山晶明。垂藤飛啄木。綠影貯空池。祖孫同澡浴。忽捉徑寸魚。喧咲達隣屋。耳畔呼歸來。晚餉已將熟。具酒復烹魚。有此非望福。夕陽蒲場頭。無心數雞鶩。

林屋洞

造物雖小兒。山水解嘲弄。沉山太湖底。乃斲林屋洞。上聞曳櫓聲。下乃藏牖甕。窳暗忽疏明。遊者夢復夢。欲乞靈威書。石匣雲已凍。

廬山社圖

吾聞謝東山。出入每扶掖。四衣挈衣裾。三人捉坐席。整騎廬山前。遠公顧不懌。何如藍輿翁。肩頂風策策。

贈陳貞母

鳳凰忽分飛。雛毛雲五色。辛勤哺其兒。孤影當四壁。朔霰與寒風。操杼不停織。挑燈掩柴扉。嘆息繼以泣。雙鬢任蓬飛。容華豈施澤。苦節其如飴。堅心固於石。願言百歲安。清風挺松栢。

丙辰正月二日入山探梅途遇大雪舟人蓄雪不

眉公詩鈔

卷一

五言古體

四

得前因飲施羽循齋頭卽事

誰知昨夜雨。化作一天雪。送我到山中。梅花弄明月。月明花不見。千山白如練。忽有咲聲來。美人掩統扇。垂手画衣香。齊聲索酒甞。酒波微帶綠。半似柳初黃。

山中同友人對雨

流螢獨避風。鳴蛙半含水。瞑坐不見人。心知我與汝。俄漏新月光。空明隔疎雨。此際難爲言。幽微爲誰起。

余疏山居朱修能適至賦詩甚美依韻和之

共四首

平生寡諧好。垂老甘頽獨。故隅路清淺。東嶺復穿築。田

父雜荒。藜隣緇贈修竹。排嘒如堵牆。列缺秀蛾綠。結構無春秋。遂果岩際宿。之子借步趨。于野愜所欲。雜俎遷次陳。尊酒對叢菊。緩緩勿遽旋。白駒在空谷。其一群峯豈不妍。吾丘秀如獨。狐狸竄爲宮。千載無人築。闢土石骨香。蒙戎綴花竹。蘿葉絡其根。苔青蕨芽綠。考室無多楹。信信復宿宿。睠此靈異姿。猿鳥亦多欲。經始理澗泉。餘力及松菊。將子何時來。老我愚公谷。其二久閱名山踪。神鬼亦慎獨。詭跡劃然開。似遣五丁築。所難洞壑姿。何必問松竹。叫嘯山楹中。眉髮亦醜綠。下有

眉公詩鈔

卷一

五言古體

五

雜花明。上有族雲宿。緇素復同人。舍此更何欲。入室設禮疎。清石多枸菊。雖無丈人黍。獨勝留侯谷。其三聖賢性本崎。安拙亦安獨。咲彼莘野人。揮鋤謝岩築。何如列仙儒。癯然坐修竹。萬木未飽霜。赤葉尚餘綠。壁竇多坎空。曲折如構宿。豈無疏鑿功。位置從我欲。清流沐素蘭。綺日照新菊。無客不出山。有夢不離谷。其四讀張鎬傳
張鎬九尺餘。鬚眉皓然久。用之帝王師。不用窮谷叟。低頭事躬耕。十載無其耦。寶劍折作鎌。悲歌刈霜韭。

野叟
村前曾見若。荷篠日在手。山中忽逢君。藥艸繫其肘。修眉如髮長。常拄杖頭走。出入萬仞崖。歌咏不絕口。醉挑花滿籃。去換橋邊酒。

山中初夏

窗下無事人。堦前新栽樹。樹影綠茫茫。墮我青絲履。乳雀弱不飛。啣花卸遺羽。客來少盤飧。櫻笋載筐筥。

芍藥花遇雨摧殘有感

娟娟芍藥花。顏色何嬌好。風雨忽離披。庭中迹如掃。文

眉公詩鈔

卷一

五言古體

六

君歌白頭。翔風退房老。勿以容事人。歲寒可相保。

迎秋早起作

朝霞浮水上。水氣絳于眉。殘月猶在樹。櫛髮風絲絲。偶揮白羽扇。閒挂清松枝。心手兩無事。况近秋聲時。

己未正月八日雨中

歲朝陰雨零。旬日猶未已。挂席返空山。不入泥塗市。騰酒發異香。梅花弄清綺。諸侯不恒牛。命士不恒豕。吾生骨相癯。疏水而已矣。敢擬如古人。食肉飛萬里。

和盤花詩二首

盤花本何常。如人在所處。春枝故織。春意自圍。圍結白露團。天矯朱霞舉。錯列群芳中。約束類邾莒。退就孤石畔。箕踞似巢許。非屈亦非伸。解咲不解語。彈指一拈花。咄哉誰縛汝。其一

稽首問東皇。草木等族屬。而何群卉中。有花獨拳曲。緜條繞指垂。香艷分頭續。剪拂盼恩睽。結束眩愚俗。生意頗纏綿。顏色亦刺促。居然席上珍。詎免袴下辱。少者既大殤。老者尤款曲。蒲柳不耐霜。桑榆不久躅。其二

壽洞庭友人

眉公詩鈔

卷一

五言古體

七

龐公不出山。愚公不出谷。今有冲玄子。世隱洞庭麓。雲氣生衡茆。繞戶映修竹。非魚亦非樵。且耕還且讀。指筠度崇岡。眉髮俱緝綠。高飲松谿間。多壽因杞菊。

山中作和唐人韻

三首

屋後有青山。門前有流水。自除買藥外。不入韓康市。老子何閒閒。路滑芒鞋寬。五十非少健。頗覺登頓難。小憩磯頭石。景物殊可辨。戲雨芙蓉鷗。吹月梧桐犬。山淺虎跡稀。夜深黃犢歸。隣僧得佳句。叩我白板扉。其一
微尚在丘樊。中年得山水。蕭蕭一畝宮。落落三家市。鳥

雀馴且閒。平疇碩且寬。菊花對尊酒。稼穡良獨難。谷中人不見。愚巧誰能辨。種松未巢雀。種杞欲成大。朝亦與之出。暮亦與之歸。猶嫌樵徑熟。仄路置荆扉。其二

濯足衙門下。黃葉滿溪水。不識城中人。况乃到城市。種竹前山前。竹外餘畝寬。洗榛復斫竹。乘屋良非難。屋裡濕雲濺。村樹那可辨。夜春聞豹聲。機杼亂隣犬。及暮漁唱稀。漁船猶未歸。燃松貯燈火。且莫上柴扉。其三

送米子華北上

游子出門去。反顧終徬徨。酸風射黃馬。十步時九僵。囊

眉公詩鈔

卷一

五言古體

八

我春草巷。夜止空廡旁。旅宿非同人。孤影亦荒唐。早起復前邁。匍匐星月光。江南霜幾時。江北水如牆。去鄉千里餘。心氣始剛強。狐狸當路嗥。習見無幾祥。

題画志感

僧髮如春草。一剃一回出。春草逢秋霜。還如僧髮白。如何坐空山。辛苦對頑石。

讀四皓傳

商山四老。初龍準不能致。何來偉衣冠。白髮先照地。入見太子安。此舉差強意。子房誠狡獪。無乃盜名字。陰持

豈可長。盡謝人間世。

讀史

文略爾朱兒。高歡貸十死。意氣多陵忽。驕橫從此始。王孫邀至家。寶玉照文綺。文略敝衣往。儉若田家子。從奴五十人。貂錦曳珠履。時有平秦王。馬走七伯里。請以好婢敵。一擲須賭取。明日遺秦王。殺馬旋殺婢。馬肉與婢頭。盛貯銀盤裡。高洋繫之獄。放達無人理。吹簫彈琵琶。挽歌歌不已。此人亦太豪。此人亦可喜。

題帶雪尋賢

眉公詩鈔

卷一

五言古體

九

東京黨錮典。剛者易為折。汝南黃徵君。徵辟堅謝絕。獨卧空山中。雪花正飄瞥。司隸李元禮。冠劍擁車轍。邂逅郭林宗。於將訪高潔。叔度千頃波。清濁不可別。對對鄙吝情。時事但捫舌。龍門熱如市。衡門冷如鍊。吉凶匪自天。知幾在先哲。

周公美冬日葬兄廬墓高其義而贈之

少小求神仙。雲霄盼笙窰。何圖知命後。志意轉非昨。負土築孤墳。短鍾刺叢薄。弟草復漉泥。十步時五却。辛苦欲為誰。伯氏返夜壑。寒泉無鵲領。啾啾號野雀。名花無

棠棣習習卷風。蒼鬚眉枯枯水。麻泉帶齒索。生者雖拮据。死者亦云樂。謝此王孫裸。陋彼司馬柳。闕道署崇題。碑篆麗丹牖。式此周氏阡。友于信何作。

山居

戒殺不養蚕。謀生惟播穀。風雨既以時。乘閒併機軸。長疋納官租。裙襦剪殘幅。紛紛踏堤女。清艷刷膏沐。雀釵蟬翠紗。從勝曳織縠。寧知秋風生。絲脆多斷續。綦綳得我裳。來指為奇服。

輓殷太公

眉公詩鈔

卷一

五言古體

十

龐公不入城。愚公不出谷。先生亦爾爾。歛屢坐茆屋。村塢僻城西。淳若太古俗。童穉頗習肄。啼哭共一族。塲圃積禾稊。庭戶散雞犢。客至懶下迎。匿影下深竹。有兒亦逃名。賣藥兼賣卜。家釀不論錢。盈簋半菜肉。咎譽兩忘機。直視形槁木。世豈無隱民。誰能咏邁軸。視履如考祥。觀化如寢熟。何必漢老人。入室撫膺哭。

田園歌一

吳民苦力作。歲首始安康。出入必鮮衣。家宿三日糧。相見各靡爭。揖讓稱吉祥。祝以壽未央。報以金滿堂。或云村巷靜。竟夜不吠。或云雲物佳。好風來良方。小者納果餉。大者邀酒漿。且醉還且別。如什復如翔。手折梅花枝。接蓋遺道旁。明朝迎土牛。相約共舟航。入縣聚嬉歸。傲載謀農桑。

其二

眉公詩鈔

卷一 五言古樂

十一

入水無合沙。入山無猛虎。司馬不徵兵。丁口罷編戶。中涓不采鑛。尺寸皆完土。厥壤雖下下。厥譜自中古。耕鑿環千家。歌哭同一祖。少小昧握算。老大畏官府。行田盡地力。累世已安堵。未敢匹黃虞。庶幾近鄒魯。

其三

買山先種松。買地先種柳。短者僅齊眉。大者已如肘。穿坎匝溝池。秫田環數畝。歲儉不苦飢。歲穰還餘酒。父老言此中。戶口初八九。年來漸成聚。昔無今且有。畫眉遠近飛。兔抱兒走。百卉填滿村。嬉者寅及酉。氣運豈偶。

然得君散花手。

其四

山家多比隣。不設垣與堵。閒種百雜花。縱橫自成圃。更抱子與孫。起問疾與苦。疾苦無鬼神。相邀祭田祖。子孫無姓名。但唱年齒數。穰穰麥上場。纍纍樹垂果。夜來甘雨零。新苗又何嫵。為天亦太難。今免斯民詛。

其五

種荷乘瀨淺。種魚乘水深。魚行不碍花。游泳自浮沉。結荈際河曲。垂柳復陰森。其上有黃鳥。其中張素琴。素琴

眉公詩鈔

卷一 五言古樂

十一

且莫彈黃鳥。懷好音。交交未終聽。曳響入東岑。

其六

五月天屯膏。水涸河梗澁。桔槔徹夜啼。短綆遠行汲。魘魘南山雷。雲族不待集。雨勢動滿盈。生理已蝥蝥。乳雀出井飛。喘犢罷鞭及。樹底挂芒鞋。墻頭曝簦笠。一畝粟三鍾。屈指可得十。

其七

樹老常縛牛。屋老難踏鳥。入門恐傾欹。客至但班草。薄酒三四升。取醉不取少。咲指東隣花。桃李日杲杲。昨夢

是何祥吹來故人好。

其八

切○肉○不○用○正○斷○葱○不○用○寸○炊○酒○不○用○甌○轟○飲○不○用○遜○朝○
亦○何○所○營○暮○亦○何○所○恨○最○喜○健○停○肥○再○喜○稼○苗○嫩○三○喜○
子○孫○多○食○力○安○懦○鈍○散○髮○愧○柳○閒○涼○颺○解○煩○悶○

其九

舊○葉○辭○鳴○柯○新○霜○射○殘○月○田○車○夜○登○場○終○歲○計○無○闕○呼○
兒○欄○南○澗○斫○樹○縛○危○筏○獨○步○紆○東○村○取○土○壅○枯○骨○小○善○
亦○可○為○大○閑○敢○踰○越○三○復○庶○人○章○如○愚○保○膚○髮○

眉公詩鈔

卷一 五言古體

圭

其十

南○山○富○修○竹○峭○衍○徑○延○斜○谿○水○橫○其○前○籬○罅○藏○田○家○田○
家○狎○卑○棲○曲○屈○縮○如○蝸○胼○胝○事○耘○耔○餘○力○及○蔬○瓜○小○言○
無○敢○嫫○大○言○無○敢○誇○村○婦○拙○簪○戴○樹○少○狼○籍○花○養○兒○當○
醉○盤○咲○語○雜○喧○譁○邀○我○作○老○更○湯○餅○亦○咄○嗟○不○願○金○滿○
籬○不○願○書○滿○車○但○願○兒○長○成○痛○癢○解○搔○爬○酒○罷○出○門○去○
反○聽○啼○呱呱○虹○蜺○飲○澗○中○俄○頃○蒸○為○霞○

其十一

山村有篤老。偃曝簷楹前。咲指宣髮人。往往是曾玄。其

餘○群○小○兒○如○戲○復○如○顛○擊○酒○捧○鮭○菜○擁○項○爭○扳○肩○噴○咲○
不○及○受○口○角○垂○流○涎○老○翁○因○丁○寧○今○歲○幸○有○天○汚○邪○雖○
蒲○車○官○課○未○全○蠲○誰○補○屋○上○茅○誰○裝○瀨○下○船○誰○蒔○西○阡○
松○誰○糞○東○臯○田○具○荅○勿○復○憂○一○一○先○勉○旃○大○人○自○安○坐○
得○醉○且○留○連○

其十二

山○勢○如○張○弓○回○合○抱○村○屋○老○稚○課○舊○畬○風○尚○習○雍○睦○田○
秀○合○穎○禾○門○榮○交○讓○木○巢○矮○不○探○籬○水○清○不○飲○犢○無○各○
不○洗○耳○少○書○不○晒○腹○步○涉○謝○舟○車○服○食○儲○杞○菊○一○室○頗○

眉公詩鈔

卷一 五言古體

圭

同心四海誰橫目。但免把人憂。敢祈寒翁福。

其十三

入○林○何○必○密○入○山○何○必○深○受○屋○三○兩○屢○四○顧○垂○清○陰○
蓑○既○已○便○採○汲○亦○足○任○墳○塚○因○坡○陔○籬○落○綠○丘○岑○中○有○
荷○篠○叟○偃○僕○髮○未○黔○野○逸○無○威○儀○寒○拙○能○謳○吟○沉○者○不○
羨○飛○飛○者○不○願○沉○萬○類○各○有○適○齊○物○皆○重○心○儀○秦○自○水○
火○遺○恨○到○于○今○

其十四

東隣宦游子。上馬赴京畿。緝鞭顧堂上。彈淚與親違。西

隣取珠兒廿載音書稀。卜者多費詞。曰歸是耶非。而我
雖貧賤。瓜葛相因依。嫁娶十步內。近如一雞飛。蟻飲醪
權笑。孫大甥亦肥。門前黎棗樹。手種已成圍。

夢游仙歌

我無休糧方。但餐北斗漿。修髮披兩肩。燁燁生紫光。稽
首拜上帝。玉女咲其旁。授以三星書。坐以七寶床。謹侍
不敢譁。神氣元飛揚。拜謝出天門。鶴羽刷如霜。骨冷何
可言。明星在衣裳。

少年行

眉公詩鈔

卷一 五言古詩

十五

婀娜粉面郎。好走黃鸝馬。下馬紅樓前。突入櫻桃下。鸚
鵡不停聲。喚道垂簾者。簾內千金軀。今朝爲郎捨。

睡起

跡隱心難明。筮封得嘉遯。襟五化上九。避世界無悶。白
袖數十年。黃柑三四寸。異書不計卷。熟睡不計頓。捫腹
咲潛夫。譏時作危論。

山居吟一

深山春尚寒。撥火煨黃獨。有客犯嚴霜。就我勸耕築。東
嶺植短松。西窻補藜竹。豁達虛其中。前見平疇綠。柴柵

與鹿眠。岩壁付僧宿。農社無愆期。僮約頗如欲。種秫兼
種花。采藥先采菊。常守庚申神。不離子午谷。

其二

去年君出山。樹與老夫獨。獨荷三尺鋤。草草自營築。種
梅白如雲。高者透庭竹。纍纍紅綃旁。萬斛吐珠綠。月墜
參星橫。徘徊未能宿。且落還且開。留汝花亦欲。對此不
盡腸。空欲就叢菊。相彼鳥嚶嚶。聲聲在空谷。

其三

短策多因緣。相隨往來獨。得子皮。三人卧起在新築。桃

眉公詩鈔

卷一 五言古詩

十五

萼參差紅灼灼。亞深竹。竹迸石。窳虛疏。剔破空。緣險勢
如墜。崩猿獲不敢宿。而我好奇者。頗愜平生欲。坐上北
海尊。籬下南山菊。何必窮仙源。況乃尋鬼谷。

其四

迹名在深林。林僻良難獨。小結黃茅茨。半假赤壤築。有
袖清如泉。詩骨瘦于竹。瞳目霄漢中。坐徙松陰綠。招汝
入關齋。留我一覺宿。伯夷去未遠。至人本無欲。鉞鬲屑
梅檀。壘鹽薦苗菊。此味難具陳。永矢考槃谷。

移樹

一樹常數移。家人嘆其痴。或恐土妨重。大者披其枝。高下頗中心。神理如曩時。纒纒漸生實。垂老亦權奇。種樹無秘術。但勿使樹知。非關造化意。于我獨偏私。

入山

背負五嶽圖。持鏡入岩去。但聞鳥兔鳴。陰風戰秋樹。不知英雄人。渺渺在何際。我來非採藥。要以訪國器。深山寂無聞。豈其避時忌。網羅彌谷中。慷慨兔置句。

題陶逸則草堂

霜風颯然來。城巷如原野。參差楓葉林。高高復下下。中

肩公詩鈔

卷一 五言古體

七

有菲次人。閒婉類道者。故籍自紛披。雙栢故相亞。新酒傾一瓢。頽然據梧也。非病亦非貧。一榻自瀟灑。

送扈芷游黃山

送汝黃面師。去作黃山客。凡雲如敗絮。真雲常五色。松矮不盈丈。放幹鋪百尺。石隙多坎空。游者難進履。我亦將繼游。拐杖粗有力。寄語雪衣猿。爲余先布席。

六月讀武林遺事

宋室南轅後。康皇何太康。納涼禁庭內。色色巧鋪張。多御復古殿。長松蔭修篁。奇石疊密岫。赤日少晶光。飛瀑

舞而下注地。廣且方。藕花相間開。白綃背紅妝。素馨列萬種。蘭蕙掛千行。鼓之以風輪。清芬散空廊。紗幘懸香珠。金甌盛蔗漿。學士洪景盧。召對翠寒堂。正值三伏候。凜冽不得當。帝也問其故。大笑呼中璫。宣索綾半臂。勅著猶嚴霜。此樂雖云樂。父兄詎能忘。

山居謝妓

春柳鵝兒黃。春水鴨頭綠。春衫燕子青。有美顏如玉。倚棹杏花梢。清歌入修竹。竹裡白茅茨。茨先生巾一幅。反戶讀道書。見者欲退縮。至德不可名。君平初罷卜。

肩公詩鈔

卷一 五言古體

十八

題雪澗玲瓏庵

龍井龍不蟠。轉入南峰住。石骨秀嵌空。化工戲陶鑄。搜出玲瓏泉。懸挂琅玕樹。長腰米無多。折脚床頗具。若許容眉公。十年始生聚。休蒸新侯梨。但飽懶殘芋。

壽二泉六十

南山數圍松。松老不知年。盤幹復偃蓋。半巢雲與烟。下有皓鶴舞。上有黃鸝鶯。指節者誰氏。神骨何澄鮮。種芝因採芝。聽泉還飲泉。撫松日盤桓。見月一鼓弦。歸來草堂內。課子讀遺編。

關將軍

黃帝殺蚩尤。其血化為鹵。里人上塚時。七塚白虹舞。迨宋正和中。作耗解州土。鹽池歲圯敗。十課不登五。帝問虛靜師。何神格此虜。師屬關將軍。桓桓處且武。俄奏大風作。霹靂鬪而怒。拔木池水清。群鬼縹作脯。帝曰可見乎。披雲忽驚觀。大身充其庭。修髯飄頰輔。從此濯厥靈。鹽政無所苦。死且滅蚩尤。吳魏安足數。

謝送湖石

我游太湖山。遂送太湖石。危檣張飽帆。輦載如重譯。七

眉公詩鈔

卷十五 古體

十一

十二芙蓉片片忽狼藉。奔走祖龍鞭叱咤。巨靈擘誰知水中雲。遠作堂下客。愧無亭與榭。委頓卧草澤。落落歲寒姿。兀傲類簡斥。何當松竹交。錯列家蒼壁。坎者窪我樽。坦者施我澤。坐老洞庭秋。秋陰滿窻碧。

山行

久不出山中。信杖轉谿壑。壑泉鳴淙淙。回互抱峯峩。絕壁罨朱藤。藤花開復落。下有擁膝人。孤吟自如昨。此意誰與言。幽猿能領略。

題杜弼武食霞精舍

吾聞杜征南。夙昔稱武庫。今有杜鎮西。文武推獨步。滾

滾口懸河。便便腹垂瓠。上馬擒單于。下馬寫露布。夢采朱霞光。甘涼通喉嚨。一吸灌醍醐。再吸滴甘露。從此心魂清。意表發奇悟。詞場恣冥搜。學海竟飛渡。榻管掣神鵬。臨文走脫兔。君本食霞人。宜有食霞句。屏坐精舍中。如坐將軍樹。

驟雨滅燭已而月出雨中景意幽絕作詩志之

流螢弱避風。鳴蛙半含水。瞑坐不見人心。知吾與汝俱漏新月光。空明隔疏雨。此際難為言。幽微為誰起。

眉公詩鈔

卷一 五言古體

半

夢後

吾性本幽微。遊虛入林壑。多為寶從累。漿肉損藜藿。神氣既紛紛。奴竟夢亦相。謔惕世味羶。袒裼臨出篋。回也賢乎哉。一瓢乃良藥。

眉公詩鈔卷之一終

眉公詩鈔卷之二

七言古體

護松篇 有序

支。礪。山。有。晉。松。三。十。餘。章。傳。為。支。遁。所。栽。高。可。巢。鶴。大。可。蔽。牛。土。人。腰。斧。入。山。賴。趙。凡。夫。護。之。射。書。關。使。君。馬。仲。良。捐。俸。買。脫。戴。樹。築。石。為。古。公。壇。葛。震。父。諸。君。皆。有。歌。

群。松。合。抱。支。礪。側。十。里。濃。陰。半。山。黑。村。翁。記。松。不。記。年。依。稀。傳。是。支。公。植。支。公。曾。向。松。之。下。調。鶴。調。鷹。復。調。馬。

眉公詩鈔

卷二 七言古體

十一

皮。皴。甲。蛻。化。髯。龍。誰。知。復。有。屠。龍。者。使。君。買。松。欲。製。亭。烟。姿。霜。幹。仍。青。青。一。朝。頓。脫。儂。父。厄。要。知。樹。老。多。精。靈。夜。靜。空。林。覺。人。語。大。松。小。松。共。爾。汝。願。以。長。生。報。使。君。結。得。茯苓。如。斗。許。

漁父詞

胸。中。不。着。名。與。利。蓬。鬆。半。枕。蓑。衣。睡。夢。魂。之。內。無。風。波。任。他。飄。入。蘆。花。去。三。更。雁。叫。秋。雲。涼。初。月。依。微。挂。枯。樹。起。來。不。喚。睡。人。醒。鐵。笛。一。聲。天。欲。曙。

雲間洞歌

為杜弼武將軍作

隴。西。白。日。大。風。起。風。吹。沙。浪。如。江。水。馬。蹄。簇。簇。行。沙。裏。

對。面。相。逢。不。聞。語。有。時。一。夕。常。數。徙。有。時。百。戰。常。千。里。

渴。飲。血。兮。寒。墮。指。眼。有。鐵。兮。餓。無。齒。男。兒。報。國。應。如。此。

縛。取。胡。兒。獻。天。子。天。子。傳。宣。賜。彤。矢。上。將。貂。冠。衆。金。

綺。玉。繫。腰。章。珠。綴。履。邊。睡。化。作。鳴。珂。里。鳴。珂。里。石。為。壘。

洞。口。閒。雲。飛。復。止。學。道。請。從。今。日。始。赤。松。教。人。能。不。死。

贈人

邊。城。楊。柳。絕。啼。鳥。柳。根。穿。入。將。軍。腦。萬。里。春。光。一。片。沙。蕭。條。笛。裡。落。梅。花。人。生。底。羨。封。侯。樂。老。住。江。南。亦。不。惡。

眉公詩鈔

卷二 七言古體

十二

好。山。好。水。偏。繞。廬。賣。笋。賣。茶。多。買。書。翁。能。飲。酒。兒。能。舞。谿。少。含。沙。村。少。虎。醉。後。只。眠。蘭。蕙。中。無。名。老。子。將。無。同。

飲梅花行

鷄。三。號。月。漸。高。客。未。醉。梅。花。驕。花。開。如。雪。欲。歸。去。倩。花。留。君。君。不。住。酒。壺。冷。落。挂。松。枝。抱。鋤。獨。睡。花。深。處。

觀燈歌 分韻得花字

明。河。欲。墮。天。沉。漠。湘。簾。月。冷。竹。枝。清。入。門。疑。坐。琉。璃。介。蒲。臺。亂。插。芙。蓉。屏。風。流。吾。愛。張。大。夫。夜。深。不。問。城。上。烏。鷓。杓。香。浮。紅。琥珀。龍。膏。光。映。碧。模糊。使。君。請。下。飛。天。仙。

手揮如意獨翩翩。五色卿雲走筆底。百斛驪珠瀉錦箋。
奇文自足揜星辰。鈔歌何用驚落塵。况有高堂座上客。
擊筑吹簫盡酒人。人生得酒卽丹砂。不須石髓與胡麻。
吾醉欲扶雙屐去。方知轉眼是空花。

盤花歌

酬王季重使君

使君寄我盤花詩。夜靜微聞花嘆息。強項難教易擾馴。
折腰轉徙同遷謫。年年舊蕾發新枝。獨恨生花晚生核。
拘束東皇不自由。却使花神困資格。解粘釋縛是何時。
且與先生伴花癖。招以小山之叢桂。漱以仇池之綺石。

眉公詩鈔

卷二 七言古體

三

鈴索無煩特護持。剪刀未許輕攀摘。紙窗茅屋有名姝。
細雨清風無暴客。君不見長安街頭春可惜。兩肩桃李
如薪積。偏走王孫及內家。論短論長無定額。賞花人少
賣花多。擔出都門半狼籍。

又 汝盤花莫嘆息。爲花供養解花厄。黃磁斗綠熊
席。小山桂。仇池石。嶺南么鳳倒掛枝。研上胡孫小如
核。才子微吟嬌女顰。玉鏡臺旁團扇側。甚風老雨不
得刑。怪蝶游蜂不敢射。一年一度咲春風。莫向街頭
賣狼籍。

題漱松齋

贈天台松雪師

老松作牆亦作瓦。道人來自天台者。不煮黃精不刷苓。
張口如箕坐松下。一片松濤勝古水。細咀飽嚼風稜稜。
吾將礪齒齒已圻。只恐松枯化爲石。

春行

贈人

拂曙挂帆行。帆短三四幅。花如醉客紅。蒲如僧髮綠。
載風載雨令人愁。且啼且止飛雙鳩。須臾日射霞脚出。山
高露出松杉頭。松杉中君可住。石床雲寒猿歸去。新斫
笋疏有餘味。

眉公詩鈔

卷二 七言古體

四

山居吟

紅蓮米紫蓴羹。鉢後摩腹東村行。村中有古寺。松竹多
縱橫。與僧博奕罷。豁爾忽秋聲。網三魚。射三鶩。斂旣陳。
酒復清。采菱剝藕供先生。不衫復不履。無姓亦無名。如
此真率味。休傳到市城。

夜飲蘆花灘歌

蘆花作主我作客。蘆花點頭我拍膝。白鷗嚙住綠蓑衣。
使我欲行行不得。我醉欲倩蘆花扶。蘆花太懶可奈何。
不如呼出青天月。大家躍入金葫蘆。

壽金沙馮母尹孺人九十子玄谷先生七十

漢遣使者經城東。見一女子。皆老翁。老翁顏童髮如雪。
蹠而拜杖言。寒拙使者怪之。問阿誰女。云此是妾生兒。
妾遇神仙傳至道。教我餌藥顏常少。是兒得藥性。懶餐。
日月在苒垂衰殘。我故責之。恚且怒。唯唯受笞不敢愬。
聞此異人入華山。那知今復在人間。馮家母子多隱德。
合壽共百有六十四。世曾玄繞膝。團紛吹玉笛。彈金徽。
毋進酒。芳兒起舞。舞不飲。大丹力如虎。

夢鶴歌 贈崑山王少白

眉公詩鈔

卷二

七言古体

五

君不見鷺在梁。日食魚腦蝦蟆肪。腸瘦舌垢骨不香。有
鶴有鶴何清涼。自歌自舞如人長。如人長。化爲鷺。投入
王郎夢中啄清露。頂相紅。翅毛薄。雪中一點桃花落。口
啣。太上赤霄書。騎君游魂入君幕。已矣乎。髮已禿。日月
兩丸共一轂。月月送汝三十幅。何不從我山之南山之
北。先生百拜謝鶴奴。須臾鶴去雲模糊。雲模糊不可呼。
非斗柄折海水枯。

山居

侍兒已報春山曉。催儂早聽山中鳥。鳥聲瑣碎如罵人。

却嫌山冷游。人少羅衫鮮。麗花不如拾花暗。咲花先老

紅葉

風簾亂落亭皋幽。吳江染得楓林稠。素月清霜石骨醉。
丹崖紺殿山容秋。霞深隔斷樹頭瀑。口氣射射巖邊樓。
老夫欲採編野服。釣船坐擁芙蓉裘。

初麗歌

詩項東萊使君

梧蒼之巔多醴泉。中有大令稱神仙。曾中盤礴千里之
雲夢。舌端紛吐十丈之青蓮。雙鳧玉鳥飛翩翩。昨飛巴
蜀今雲間。雲間竹馬羅郊原。拜祝明府多致言。自言昔

眉公詩鈔

卷二

七言古体

本

日水旱苦。朱雀縱橫射玄武。福星一夜臨東吳。鴻雁嗷
嗷翔樂土。潢池水清劔不腥。百里旗亭靜。鳴鼓千村蕩
菴社酒香。醉來擊壤追義黃。麥雲初秋柘枝煖。家家誦
讀兼農桑。太平如海問誰賜。有脚陽春項侯是。四月辰
逢壽域開。琉璃杯泛霞光紫。考鼗鼓炙鳳笙。赤松黃石
並雙成。白雲之曲歌長生。河陽蒲縣花正明。清和棠樹
啼新鶯。若侯樂矣康且寧。手招黃鶴下華亭。銀駝鐵牙
聲。冷泠星橋寶幢子。負圖書而朝帝京。印金如斗肘後
橫。御宸歲歲趙榮名。

題石門採芝圖

表之鹿兮冠之雀。挑筍峰頭採紅藥。解衣長嘯天風寒。白雲滿袖何盤礴。碧瞳熒熒如少年。醉來亂把松花嚼。仰見高枝挂兔絲。拍上王喬一雙鶴。

打松子歌

蒼雪扈正匡雲三衲。結夏白石山房。打松子爲爨歌以紀之。

東余結夏僧。竟日茶聲死。携錫入深山。登松打松子。松子敲來嘗數百。半襍飛花半空核。浴火新泉發異香。相

眉公詩鈔

卷二 七言古體

七

對煮茶兼煮石。咫尺松烟迷不見。但具竹爐無羽扇。明朝更上碧峰頭。拾取鶴翎三四片。

其二

山幻古井光如雪。焚枯垂盡勞薪折。肩橫拐杖入山中。挑取花籃雙串纈。一打常數升。再打常數斗。不風不雨松子飛。麤鼠驚啼響兔走。薪貴炊松枝。米貴掘茯苓。長頸葫蘆折脚鐺。不如醉覓眠酒罍。

題沈孝子廬後落雲石

沈道人曾割股。還將割股刀。刊木復刊土。土中得石何

玲瓏石根落地雲青葱。鞭石不行掃雲雲不去。祥鳥馴兔擾其旁。此是孝沈廬墓處。

送項東鰲華亭奉召北上

潘岳宰河陽。但栽一縣花。葛洪乞勾漏。但煉千年砂。何如侯下車。教我以桑麻。桑麻雨綠田。應應積兒晝。眠雞媒舞。簾卷香清靜。撫琴鶴鳴吏。隱松陰。午里巷。曼絃歌。江亭偃旗鼓。璽書不可留。揚帆度前浦。楓葉蒲桑林。芙蓉映秋塢。父老拜雙旌。陳辭亦良苦。君不見西北徵兵似。蝟毛東南催。賦如猛虎。安得三年杜。毋與召父項。明

眉公詩鈔

卷二 七言古體

八

府

義姑行

有雛有雛。六歲而孤。無怙無恃。如委道塗。張氏垂絕。可奈何。可奈何。義哉姑處。子不嫁之。死靡他。不願爲鳳凰。翔翔井邊梧。不願爲鴛鴦。游戲水中蒲。但願羅長成。身作白頭烏。青春逝。清夜徂。抱兄子。淚血枯。爾寒我孺。爾饑我舖。授爾句讀。愛爾髮膚。娶婦生兒。美且都。孤兒活。不知無母。室女老。不知有夫。險哉一縷。千鈞。扶程嬰。李善何難乎。吁嗟兮。巾幗男子。粉黛妖狐。獨不聞桂林張

義姑

太湖采蓴歌

洞庭山下西風起。只解家家取菰米。鄒郎好詩復好奇。揮出太湖風浪裏。湖中采蓴自今始。蓴絲翠滴蓴水紫。湘之芼之曰西子。飲之食之曰園綺。未許屠沽大嚼兒。輕向蓴羹浪染指。父老一喜還一憂。伊誰拈動江南秋。將无此味傳蘇州。采蓴采茶如虎丘。肩公大咲君勿慮。說着蓴鱸勸歸去。季鷹死後無步兵。當路何人曾下箸。其二

眉公詩鈔

卷二 七言古体

九

東晉歷今二千年。太湖始蓴豈其然。湖濱飲啄無清緣。有蓴多化寒雲烟。終日打魚兼打鳥。紫蓴彌望如青草。鄒郎一手得蓴絲。絲脆葉肥秋未老。吳兒自負吳兒豪。太平沃土人陶陶。魚船竹肉聲嘈嘈。蓴菜何能饜汝曹。

括蒼行

壽李鹿翁太守

吾聞括蒼三百里。秀壠長岡繞溪沚。巍乎高哉十萬人。千丈上界晴明下雷雨。道經品第十六天。蔓岫枝峰散成綺。雪瀑群飛翠崖削。起瑤草琪花垂石紫。柱笏此中亦足矣。管者太守李北海。李陽水文章吏治推雙美。公

來守郡仍姓李。下車老穉生歡喜。丞相茵尚書履。其門如市。公心如水。政聲冠冕東諸侯。風雅詠歌南二始。堂開燕喜秋光新。詞出步虛雲氣紫。玄鶴可呼青芝可餌。洗髓伐毛聳修耳。眼前屬吏拜稱觴。盡是玉皇香案史。仙人榜上注仙名。奇山付與奇男子。

峩眉行 有引

丁卯六月。關中慈世蜀中危。芷訪余白石山居。熱如炊甑。扈公極談三峩之勝。不覺倚枕假寐。夢游大峩頂。奇寒入骨。有唐孫真人與兩尊宿。

眉公詩鈔

卷二 七言古体

十

黃獨啖余而夢已覺矣。急起作歌記之。筆底淒清。似尚有冰雪在。峩眉高。無尺幅。奇夷界。走入蜀。雷洞腥。龍所族。投彝履。霹靂逐。兜羅綿。雲洞底。生勃勃。蓬蓬布。岩谷雜花異色。非人間。數尺蒼苔挂松竹。八十四盤到大峩。峩頂僧居木皮屋。胸中遠警雪不消。指點分明是西竺。須臾變幻攝身光。五彩重輪內如玉。峰巒草樹增鮮妍。對影隨形照眉目。風吹霧散一光員。清現最奇逢者福。六月嚴寒擁毳裘。老冰凍汁熬難熟。忽見孫思邈。又見普賢臂支

兩尊宿。摩我頂。捫我腹。招我鐵。曰。旁邊煮黃獨。覺來暑氣殊。可憎空憶我。眉夢中。綠萬丈。雪千年。冰恨不且嚼。且歌還且浴。

汗血歌

徐朗倩以癸丑六月三日舉子于酉時七夕彌月後始渡太湖來報諸客客飲酒賀之余贈以歌

徐郎歸家何鬱葱。門楣返照光曠曠。庚方月出弦初弓。家人驚喜新得雄。紫駟馬齒如雪。披耳分驄生鬣鐵。六

眉公詩鈔

卷二十七言古樂

十一

月產駒真汗血。玉狡狴塗朱口。落地便作河東吼。此兒類父全類母。徐郎咲還拍手為君醉。飲長生酒。酒未酣。萬事足。去年男女猶未卜。今年七月彌月過。渡河有牛兼有犢。

女俠歌

河濤詩句當筵寫。風流散誕臨瑯瑯。寄書紅線去如飛。辭家木蘭初上馬。如姬夜抱兵符來。西子五湖船正開。張中歌起虞方埋。公孫大娘登劔臺。楊家兒逐李郎走。錦繡英雄印如斗。河陽公主十萬軍。蠕蠕夫人射鵬手。

歸隱歌 送黃仲石

冥鴻入高天。霜月射殘柳。攀援征車前。黃童兼白首。賢哉于大夫。佐郡已良久。分縮三邑符。霹靂神明手。海不波。禾不秀。人歌叔度來。何後使者方。騰奏最書君。何為兮。解其綬。小見當年強折腰。英雄今日真回首。吁嗟乎。呵噉為我榮。手板為我醜。唯唯諾諾違我心。戰戰兢兢掣我肘。虎爭殿上龍戰田。玄黃堅白難為剖。此時避世亦哭世。此時杜門亦杜口。道德何人似木雞。功名到底皆芻狗。狐狸有窟亂縱橫。烏兔無繩繫飛走。歸去來山

眉公詩鈔

卷二十七言古樂

三

中藏書數萬卷。山中種松數千畝。骨肉喜團樂。兄弟自師友。老樹挂瓢笠。清泉洗樽缶。竹院閒參無漏禪。花源且釀長生酒。酒後醉呼黃石公。留侯孺子今知否。

大名穆中翰游江南玄宰寫贈山水為題短歌

東去岱五百里。西去嵩五百里。家在中央亦足矣。今年復作江南游。往返一萬二千里。其師贈之佳山水。素綃白日風雲起。目中真可吞餘子。穆內史。君游畫中何日止。布襪青鞋從此始。

彥平社兄以端午歸戲作歌以贈之書于文度畫

扇之左

彥平。俏帆欲歸去。文度爲寫米家樹。秀水從來無片山。此山還是九峯處。峰頭月出尚可呼。君乃咲踏鴛鴦湖。揭甕新開麥青酒。剪刀細刷灘邊蒲。蒲花初白葵花紫。撩簷點點雙燕子。懸門絡索半桃枝。入夏風光從此始。老親醉倚藤花棚。君試過訪秋潭僧。眉公歸後衙門閉。掉入湖中樓未曾。樓當楊柳秀楚楚。堪作清風消暑塢。莫老是鄉須早來。休畏內家如艾虎。

清明日馬鞍山遇故人佛占禪兄

眉公詩鈔

卷二十七信古鉢

三

人生莫走清明路。路頭半是英雄墓。鬢髮春草短于蒿。日落牛羊樹根坐。牛羊兩兩去復來。酒杯空瀝山之苔。斷碣糝糊不能讀。龍書龜紐何爲哉。吾亦行吟重嘆息。忽遇高僧石間出。拂袖相看隱姓名。詩篇曾向當年得。漢余羈栖一崩縲。有夢半落青山秋。破笠枯藤未能遁。老猿瘦鶴峰頂求。一日一日還一歲。泡大乾坤豈容住。何日擔却肩上雲。笑入巖花不知處。

坐孫世聲藤花石上以贈行扇索詩爲賦

秋江之水如苔綠。白草黃蘆橋數曲。棹頭蹲坐相須擘。

驚起鴛鴦與屬玉。峭帆擊鼓浪拍空。鼓聲蓬聲俱飽風。有客大醉笑歌去。只在金焦烟樹中。樹中烟消露山色。紫翠空青馬頭織。白門露落烏亂啼。朱樓月冷知相憶。相憶故人金屈卮。琵琶凄咽宜不宜。梧桐颯杳井欄靜。板門嘶斷黃金羈。登高弔古方及暮。吹簫更上桃葉渡。六朝金粉春夢殘。寒鳥聲聲問前路。孫郎鵲冠復鹿裘。傲骨那肯干王侯。誰將三寸禿斑管。却以風流王謝收。年來余絕遠游典。雙屐付君君濟勝。他時同到三山巔。五岳圖文好磨鏡。

眉公詩鈔

卷二十七信古鉢

三

贈無瑕上人

五濁太苦亦太悲。浮生轉眼如朝曦。死尋活計骷髏上。何異羗牛愛尾迷。自憶前身供三寶。嘗思雜髮除鬚眉。薰修定業猶未空。蓮花九品藏淤泥。豈期現有肉身佛。蕭然挂錫城河湄。上堂霏霏真吐屑。論議一一皆鉗鎚。跳出百年野狐窟。直作三界天人師。自言妙用亦虛妄。何況聲聞與辟支。我化螻蟻前聽法。吼獅散餘茸于飴。有時伴汝一宿覺。松龕石壁懸琉璃。木魚驚起鉢龍夢。破衲壓斷藤花枝。竹扉深扃日欲午。塵世憂勞總不知。

贈黃石林

干將之山走天馬。雲衣樹色青相亞。碧瞳熒熒如老仙。
閒來手把黃庭寫。上騎白雀下騎鷗。不在山頭只水頭。
他日清影入峰後。與君同挂鹿皮裘。

清明有感三首

柳花紛紛鶯語濕。新草叢叢沒山骨。遊人打鼓早回船。
松栢迷離風勢急。風急歸來城鼓鳴。棠梨塚上狐狸泣。

其二

明朝風打墓門下。墓下花枝不堪寫。此中寂寂竟誰知。

眉公詩鈔

卷二

七言古體

七

當年画影麒麟者。一生行帛安在哉。黃髮兒童騎石馬。

其三

枯楊生萑來木啄。時有縷絲帶垂落。金烏玉雁野火燒。
一片空坟種葵藿。葵藿旁生旅井邊。王孫猶挂鞦韆索。

舟中夜飲顧伯大推周效忽隋水中浮沉飯頃始

得登舟漫題此以戲之

昔日周郎忽隋水。浪紋破碎鴛鴦起。紅綃半卷如殘霞。
幽聲猶在芙蓉種。顧生無端醉上船。張拳欲打水底天。
君非李白之叫嘯。何以跳擲如飛仙。不如歸去抱甕坐。

真向江魚腹底眠

題趙山扇

偶與青卿談邪狹之苦。為賦短歌。捉筆即成。不
知何語。抑亦老頭陀偈也。

青樓娟。青樓娟。莫言衣滿箱。莫誇金滿筐。雞鳴日出理
新妝。終日倚牆如倚床。挑燈待客客不來。客來草草神
銜惶。海水不可量。人心不可方。新人故人各異鄉。入門
那辨心。短長滿堂吹簫與擊鼓。客醉猖狂似彪虎。燭沉
酒冷火光滅。猶向筵前換歌舞。歌舞初殘門似水。星昏

眉公詩鈔

卷二

七言古體

十六

夜照井闌裏。病骨支吾深鎖門。老大何曾識桑梓。達人
到處抱琵琶。洒淚偷將脂粉搽。獨有趙郎愁命薄。短琴
一曲看飛花。

贈孫雁洲先生

孫山人家負郭桑枯不養蚕。松短不養雀。縛茆結屋臨
水濱。水濱清淺蘆花薄。蘆花欲白雁欲歸。磯頭涼露侵
蓑衣。水陰淡宕寂無影。數聲長帶秋雲飛。飛去飛來聲
不絕。月色紛紛冷如雪。夜深何似更悲鳴。愛與山人助
高潔。山人聞此亦欣然。竹杖高懸一百錢。酒後逢人下

驢去吾與沙洲白雁眠

胥口伍相國祠

廟前老樹何年栽。赤日生火陰風哀。神騎白馬湖中來。鳴夷子皮浪打開。

讀史

磊落韓王孫。漂母食一甕。毋無責報心。君乃千金酬。丈夫了不異。黃口驚啾啾。君不見歷山孝子垂白頭。帝兼二女搨神州。李郎脫身遊。傾蓋亂髯叟。鳴鞭入海東。一朝贈家口。臨行百萬貲。受者無作醜。人情亦大難。英雄看公壽鈔。

卷二

七

七

視何有君不見。雙客願得咲者頭。荆卿且索樊于首。

題孫山人山居夜雪圖

一夜雪花幾十丈。小者如絮大如掌。環戶春虫蛰不鳴。狐狸夜宿枯枝响。先生高卧懶千人。隱几篝燈披雀氈。梅花帶月貯胆瓶。提塵攤書自俯仰。此人疑是於陵君。如何撥入圖中像。秋暑灼予對此人。清風穆如雪莽莽。

黃山歌壽汪明吾母黃夫人

吾聞新都黃山高。插天上有壁立萬仞朱砂峯。下有潺湲百尺之溫泉。奇花異草不知數。花藤偉木多纏綿。中

有青鳥飛翩翩。脚書來自西池邊。西池王母登上仙。碧

瞳剪水垂紅權。素髮照地披及肩。霞綃霧縠生寒烟。秋

清露爽當中元。燁麟炮鹿張壽筵。啖以玉門之瑤菓。擘

以太華之丈蓮。進以鷓鴣杓之天酒。奏以鵬鷄之綺絃。六

龍下食雙鳳鸞。粲然一咲玉齒妍。塵飛海底桑成田。阿

母春秋年復年。

王使君以辛亥四月。首得震索於青谿官署。太公

以迎養至。時年八十有二矣。

留窗燕寢光瞳矇。咲生沸傳新得雄。方願員頂明雙瞳。

眉公壽鈔

卷二

七

七

家人捉衣報太公。太公起視額加手。老人八十添丁口。

炙火吹笙湛玄酒。三祝長生拜南斗。自言騎馬初到衙。

忽聞英物啼呱呱。有官何必烹丹砂。有縣何必栽名花。

食牛之虎僅三日。破殼鳳皇毛五色。使君雖貧貧亦得。

掌有驪珠田有壁。

斷橋哭馮開之祭酒

素車麟麟斷橋路。路直如弦樹回互。歌聲哭聲秋水中。

南北峰低翳黃霧。賓客四散親戚稀。絮酒無漿肉與瓠。

短竹枯桑石偃門。生虎翻來守其墓。世情悠悠那得知。

窺人冷眼白鷗鷺

送仲發歸溫陵

豕刻山鏡數千軸。手植松杉映修竹。世人大雅不復知。有琴日挂黃菊屋。入吳見我一撫弦。萬壑松風散飛瀑。霜鴻叫月峭帆歸。酒尊時對梅花綠。

誅唐女

明月如規有時缺。黃河如帶有時絕。唐之烈女陳貞姑。千古清風永不絕。襖中尚抱六尺孤。地下未埋一脈血。須臾忍使在人間。耿耿孤懷向誰說。君不見素車白馬

眉公詩鈔

卷七

七言古

廿九

出東門畢竟生同室今死同穴

贈吳萬空

吾曾躡屐登天馬。竹枝松陰半相亞。聞有詩人吳隱君。結得團焦如斗者。醉吟隱隱鐘球鳴。其聲乃出橫雲下。他日尋君入社中。扁舟載雀余來也。

雙松臺歌

雙松臺雙松臺。我來正及松花開。松花歸落如雨時。有斑鳩樹上語。况有峰頭老僧住。手采松枝削為塵。朝讀維摩詩。暮讀楞伽經。窗前一枕黑。睡短垣。羅鳥當

山青山又青。齋又畢。離披倒拖藤。杖出仰視浮雲下。挑

木歸來靜掩方丈室。竹塢無人風策策。我生喜道遙逢。汝復渡橋岸。憤石上傾一歌。醉時吹笛還吹簫。簫聲歇。歌亦絕。東山何時飛。片片月。片月飛上光如雪。復呼山猿叩古鏡。

贈仲方山水歌

古來山水誰獨造。王維得始稱墨寶。荆關董巨得正傳。畫苑諸君尚草草。勝國雲興四大家。仲方師之筆亦老。老筆超忽與亦奇。素綃張壁生幽姿。石氣清寒。湫風雨

眉公詩鈔

卷二

七言古

二

松枝偃蹇蟠蛟螭。絕澗殘烟傍人起。隔林飛瀑當窗垂。看君盤礴了無意。雙腕如飛有沉勢。非獨畫中真有詩。每于格外時兼隸。胸中淡宕鬚眉蒼。有技不肯呈君王。但贈名僧與高士。尺素得者千金裝。乞君為我圖山澤。草堂茶塢桃花壁。空青深處但高眠。貌出清時一狂客。

題九青

吾家諸峰凡有九。一個峯頭飲一斗。斗酒未醉花未醒。一峯遷次能一言。言中花氣香冥冥。吾題草言名青青。禱雨

河伯初遁早魁舞。草木生烟炙焦土。太湖泥燥圻龜文。
朱雀縱橫射玄武。安得上帝誅懶龍。血腥釀作山雨濃。
野人高卧天柱峯。細看膏沐生青松。

清明有感二首

人生莫走清明路。牛羊偏坐英雄墓。墓上枯楊挂紙錢。
野鷺啣去錢。還破古今愁。恨無了期付與黃鸝。雨中訴。
画船簫鼓滿頭花。後渡人來問前渡。

家家盡插清明柳。此柳曾穿古人肘。墓門半卜狐狸宮。
灑草畚泥惟白叟。桃花偃地松無枝。留與隣家掛青酒。

眉公詩鈔

卷二

七言古

三

贈劉簡較斗虛

生兒不願封公侯。但願名節垂千秋。古之公侯不知數。
往往消歇沉蒿丘。所貴男兒名不朽。誰道微官誤人久。
人中皎皎鍊錚錚。肯遣纓冠化爲婦。劉君磊落膽似石。
強項逢人忽遭厄。含沙之影亂相射。長弘淚血幾成碧。
飛來從騎不可當。獨驅瘦馬盤羊腸。仰天叩闕天不語。
杜鵑叫月猿啼霜。筋骨劬勞道途苦。父老紛紛負壺脯。
願與使君鳴不平。人間肯惜身投廂。從來直節上帝憐。
天教生去復生還。兩翁醺酒醉起舞。里名忠孝寧徒然。

吁嗟乎。一片乾坤薄如紙。兩九日月剽如矢。人生若與
草木死。早知不如不生子。世間紛紛狐與豕。君不見斗
虛劉刺史。

壽李茂承

我有山中種花癖。花開日日來遊客。先生課子獨閉門。
市城宛類深山跡。數年宦海戲鴻群。一咲歸來吐雞肋。
簡囊雖少三徑資。拄杖猶堪百錢櫛。天生骨相帶烟霞。
肩出名言奏金石。有時盤礴揮素絹。飛泉撲面雲狼藉。
招郭侯。呼太白。回裡分明應聲出。飲爾羅浮春。飽爾崑
崙核。上天下天雀一雙。何羨君家李八百。

眉公詩鈔

卷二

七言古

三

壽杜杞田

子午谷中蔓黃葛。携筇信步秋水澗。寒衣望望山色晴。
淡雲籠處如墨潑。東坡曾言南陽南。其中真隱殊可探。
有翁鹿皮裘數幅。削竹爲塵松爲簪。君今七十未素髮。
採芭鋤芝抱明月。若遇坡公定入林。豈與王孫結雙襪。
壽周水亭

林底君有十五日。床頭君有十千酒。叢桂滿窻花滿畦。
庭中兀坐逃名叟。蔗境不受人世甘。蒲團袖却天孫手。

群兒婚嫁五岳在。咲他禽向空奔走。正是清秋一放船。
紫萸黃菊當重九。

雪後吳少君寫圖見寄

雪生槭。槭月光苦。此時入山嘗射虎。衰颯如今百事無。
獨卧城樓聽城鼓。淮陰釣者方少年。漂母一飯心應憐。
隴西白頭疾不得。夜行逢尉遭呵斥。世情眼底真無味。
閉門自寫寒岩樹。俗人取次莫近前。老子能揮鐵如意。

林元裕病起短歌贈之

皇甫書淫枕六藉。起自高眠一黃石。夜間燭影燎窻紗。

眉公詩鈔

卷二

七言古體

三三

燈火熒熒照人碧。無心問醉鄉。終日隋詩癖。半年捫腹。
向北窻。起來月白秋楓赤。門前寂寂車馬稀。誰人投爾。
連城壁。惟有一束芙蓉花。零亂疎枝落湘席。

贈郭燕臺

夏來藤陰湖水溢。門前緘書雙鯉赤。為向韓康索姓名。
乞取刀圭白玉液。五色貯仙壺。壺中葛陂龍可呼。得之。
應手異疾起。能續雀頸能截鳧。池上雨晴杏花細。客多。
暫以蘿關閉。關關青虎逐。君行共說真人今出世。

贈樓道人

道人本是紫雲客。懶向深岩煮白石。兩頭尖尖短藤杖。
行來行去挑山色。秋殘踏雨過我家。雙肘時翻烟與霞。
詩囊藥裹掛衣帶。赤足欲徧天之涯。相逢面目無塵土。
說妙談玄白虹吐。腰間冷鍊芙蓉光。五岳峰頭抱雲舞。

代贈左道人

千山萬山月未落。騎鹿腰弓扳鹿角。背負五岳之寶圖。
坐來長嘯復高歌。烏兔兩丸共一轂。日月送人三十幅。
人間无限白頭人。君煉朱顏如紅玉。何年從汝蓬萊遊。
采芙蓉兮復何求。

眉公詩鈔

卷上

七言古體

三五

春遊

春遊遊倦倚孤石。君倚石前我倚側。石上亭亭百尺松。
松梢半捲谿邊風。松根有僧結茅屋。亂栽垂楊雜叢竹。
此中有道人不知。楞嚴讀罷無邪思。咲看往來人度曲。
只是肩門住空谷。鶯啼歷歷花茫茫。一生浮沉付老蒼。
贈友
有客有客三復兩。脚杯杯底秋濤响。漫興從教峭布恍。
潮平如鏡還如掌。幾年不到高嶺遊。雲尖半吐松陰流。
望中忽見浮屠處。到處應尋舊卧樓。

楊孝子歌

肅廟時以諫死者有兩楊先生。忠愍公與抑齋公是也。忠愍之子以遺詔恤錄。有聞于時而憇。延君先抑齋公絕食死。故獨里人痛悼之。而天下士大夫猶罕傳其事。君之子孝廉忠裕上書于朝。將以次表其忠孝大節。以示天下之為人。臣子者。儒野史也。是為短歌志之。

男兒何必封公侯。但願名節垂千秋。鬚眉不挂人間羞。況肯消歇沉蒿丘。立朝嗜啞關其口。無乃纓冠化為婦。

眉公詩鈔

卷二十七信古錄

二十五

黃門簪貂獨鳳鳴。白日群羊怖獅吼。叩關竟無聞。含沙暗相射。天子好長生。求芝向山澤。巉崖冒葛不可梯。毒霧靈烟猿夜啼。腰鎌負錡心栖栖。有藥莫獻空傷悲。空傷悲。絕粒死。忠孝名。照青史。彼讒者。誰乃如此七尺之額。豈無泚嗟哉。紛紛狐與豕。君不見楊孝子。

記夢歌

有女技書林。天素絕代姿。容美無度。贈別汪郎半幅綃。楊柳寫枝猶帶露。汪郎遙憶心茫茫。夢游縹緲虛無鄉。溪山窈窕連雲第。松竹紛紛披聽雪。堂中主人額手賀。

甚風吹送高軒過。書畫琴尊列四隅。忽見雙鬟簾底坐。

縞衣翠帶貌姑仙。飄搖冉冉欲近前。汪郎却立難造次。眼波挑處生幽妍。笑指侍兒曾掌記。倩郎為我覓佳僮。須臾主出迎外賓。侍兒拈扇身斜倚。諦觀團扇多畫圖。問之此是林所摹。慕林才色不得見。得見妙蹟如醍醐。汪郎出贈生綃柳。侍兒展玩頻握手。攜似美人休棄捐。懷袖從他柳生肘。拂拭錦箋抽綵毫。題詩豈學細推敲。汪郎方擬同酬和。主人竹肉聲嘈嘈。倏忽回頭竟何去。夢後空留夢邊句。小殿銀缸對短檠。踈星淡月無尋處。

眉公詩鈔

卷二十七信古錄

二十六

是耶非耶一片雲。清心玉瑩更能文。將無天素愁郎變。幻出神姿來試君。

春風歌

壽詹郡侯

春風吹動海門潮。蛟宮珠媚珊瑚嬌。安期手拍綠玉板。雙成奏出金雲璈。翩翩前為君侯壽。掌麟炙鳳東方桃。君侯軒然進三酌。鷓鴣之盃鸚鵡爵。堂上垂簾庭草青。冰弦再鼓松筠薄。君侯為政卓無前。誰為渤海誰潁川。雙魚珮響雉旗翻。始知陸地多神仙。仙期況當春季月。海棠垂絲柳垂葉。燕子舍庚貼地飛。滿路桃花擁車轍。

行車隨處問農桑。前騎竹馬後壺漿。願祝君侯百千壽。
春風歲歲紫霞觴。

南游歌 送何士抑老師

秋水冉冉雲滄谷。叢桂繽紛飛萬斛。丈夫趣此宜壯游。
人生相聚豈塵鹿。道旁半熟棗與梨。餉筐雜沓村墟提。
農家聲入棹歌裏。夕陽茅屋施殘霓。山市下車初及燭。
鷄鳴馬槽桑樹綠。行行望見城上宮。紫翠飛來何陸續。
予古還登李白臺。吾師不減青蓮才。題詩潑墨鳳凰石。
風風雨雨生蒼苔。吾人家丘園籠橘柚。杯底泉流吟蟋蟀。

眉公詩鈔

卷二 七言古體

七

六朝金粉不見人。衰草淒淒沒雙膝。幸有絲筆吐詞源。
相逢騷客能危言。白門紅板烏啼久。他日歸來知夢審。

贈林元裕詞丈郁季雅喝韻

北海信大兒。德祖復小兒。兩君千古風流盡。誰欲雙柑
斗酒聽黃鸝。當年十五不見月。出門欲走走如別。幸有
西林元裕吾黨人。同來呼月雲方闕。夜涼漏箭聲丁東。
燭花弄暈高堂中。床頭濁醪膩如乳。况有詞客初相逢。
羨君不作九州伯。羨君不逐五湖客。獄底曾埋星斗文。
排霧冲天完六翮。六翮尚有真丈夫。彌天之網何爲乎。

落筆千言走風雨。芙蓉赤鏑雙昆吾。往往令余神欲奪。
竹林蓮社推賢達。乾坤雖大如藕孔。不如大家醉後鼻。
息空更瀾鼻息能射精。丘寒酒闌禿頂不着冠。酒然香
清酒眼熱爲君推甕眠蒲團。

有樂篇 贈人

人間十九倚塵堵。五濁紛紛不堪數。隙中駒馬鬪是非。
誰向清宵夢長古。羨君策足踏烟雲。嶺頭笙鶴遙相聞。
醉鄉遨遊日復日。醒來落花滿雙膝。世事離離不足言。
且須一飲傾千石。碧天秋月君爲心。洞庭夢澤吐且吞。

眉公詩鈔

卷二 七言古體

七

浣盡斗餘俗子腸。松前箕踞彈瑤琴。墨池雨晴蕉葉綠。
咫尺市頭如空谷。簷阿棋韻響丁丁。散入東窗一竹林。
有樂如此亦足矣。此心莫向江頭洗。吾心亦自空無塵。
同摘芙蓉看秋水。

山居漫興

西風捲出山雲寒。雲端瀑飛如急湍。此時殘楓墜于錦。
但坐溪閣吟且看。閣中硯凍筆花冷。松籬密雲盤朱闌。
擁裘撥火酌新酒。不堪着爾竹葉冠。細焚梅檀篆烟白。
宿灰露火紅若丹。長安塵沙撲馬足。笑他奔走空辛酸。

不如高枕聽山鳥。只愁壺燥詩腸乾。

上池篇

代贈張廷宇

吾聞上池有仙客。池頭杏花紅。欲滴識君曾及春暖初。
柳眼窺青酒痕白。錦絃瑤琴塔下羅。拂衣且舞還且歌。
九衢車馬忽散去。尚有紫氣蟠城阿。別君念君猶未已。
肘後青囊抑何美。刀圭一七齒間入。頃刻教人白骨起。
人前不作姸。婀娜態兩鬢。蕭蕭碧于黛。家家虛左掃門徑。
塵寰却有真人在。市中一夜丹雘開。神錢子母皆飛來。
今朝秀色異昨日。高冠長袖雲霞裁。吾已策馬蕪山路。
眉公詩鈔 卷二 七言古詩 二九

思君不見烟樹暮。尺書遥寄到吳天。驛隴無梅見相慕。

題疎君瓊畫

與可寫竹枝。日觀寫葡萄。半與書法通。落筆風蕭蕭。仲
王之書多晉骨。雨窗幻出青山色。仔細看來不是山。却
是南宮米顛筆。

沈園與諸生讀書作

沈郎城邊有荒圃。九分池塘一分土。年來摧盡百花枝。
惟有垂楊秀楚楚。吾從春風掃屋坐。茗碗薰鑪與茶磨。
但將池水作藩籬。橋斷那容俗兒過。十二時中何所爲。

洗竹澆花是功課。諸生莫向堦前行。白鳥驚飛碧苔破。

盛伯靈以東京應召

人生不向天涯走。三尺鬚眉亦何有。蒙頭裹足懶出門。
男子纓冠化爲婦。吳中壯士多寂寥。要離墓上風蕭蕭。
仰天慷慨不敢問。英雄氣咽刀環凋。千古風流誰斷此。
搜盡菰蘆見夫子。白熊叫嘯青虎啼。君之拒之如狐豕。
咎年負矢經遠游。布衣且折東諸侯。談禪未了復談劍。
高堂抱劍眠糟丘。今日逢君又離別。滿路桃花擁車轍。
長亭舊驛不見人。細雨垂楊啼百舌。君之去矣年復年。
眉公詩鈔 卷二 七言古詩 三

春風吹綠京東田。此去歸來賜酒泉。

雪中

酸風射人雪初起。忽逢衲者是誰子。大叫驚我凍雀低。
僮僮松竹頓時齊。前扶短筇後扶酒。轉入空亭手携手。
飽看梅花又看雪。春來登山真一絕。

壽項邑侯

括蒼之山南明水。峰巒削出芙蓉紫。聞有真人住其中。
上騎黃鶴下朱鯉。清風吹送到華亭。忽見東風懸歲星。
案前拄笏九三近。隔簾峰泖當門青。兩年水旱太無賴。

賴有明明項侯在。絃誦聲傳里井中。農桑綠遍郊墟外。
君侯端冕坐琴堂。一片冰心秋月光。桃李紛紛滿潘縣。
人言疑是錦河陽。河陽正屬朱明麗。竹粉生衣蘭吐穗。
此日壺中景最長。鶯雛燕子啼芳樹。紫芝之曲白雲謠。
金管銀瑯碧玉簫。笑進南山千石酒。丹願赤輔仙王喬。
王喬雙鳥生羽翰。還看鳧舉飛天半。金貂鍊牙五色驄。
千秋長侍明光殿。

賀袁將軍得子

昨夜長庚落如石。光芒射地馬驚。檝團團已作五色紋。

眉公詩鈔

卷二 七言古詩

五十一

翻身便蹶獅王窟。奮毛張牙氣食虎。將種從來自能武。
他年攀矢射天狼。桃花酒酌燕山左。

題十峯圖

真人栖三山。群帝鎮五岳。君居季孟間。九峰在掌握。九
峯落落成列星。迥含紫翠排空青。海色晴驕渺吞吐。松
蘿數里烟冥冥。烟銷秀出芙蓉鏡。半露僧樓與仙閣。處
處年年我獨游。三尺枯藤侶飛鶴。曾向崑山偶築臺。客
棹又避于將來。秀林覓得一坏土。杏花繞屋堦生苔。漢
陽聞之結幽屋。朱欄高下千竿竹。公覲經營白石庄。亦

足瑯玕媚幽綠。吾師高敞當鳳凰。修梧叢桂生清涼。君
策宛轉多曲室。花源回抱如滄浪。洗石穿泉剪荆棘。黃
金頗費愚公力。何似如君作主人。十峰坐領烟霞色。主
人曾中數萬兵。東山未肯屬先生。不如剪取畫圖裡。峰
外白雲長送迎。

贈僧

世人嗽俗如飢鯨。汝獨頽坐如山崩。孤標浩浩復落落。
有夢沉寔寄丘壑。讀經往往得師意。秋雀摩空欲飛去。
愛詩愛畫不愛酒。願翻香海化墨斗。

眉公詩鈔

卷二 七言古詩

五十二

題蕉竹圖

虚心似修竹。無心似芭蕉。是誰寫竹復寫蕉。窗前秋思
何蕭蕭。黃荻板屋未闌橋。此中清福真難消。歸歟歸歟
吾與女竹上清風蕉上雨。

題畫贈殷方叔

五十孝子忘拙醜。小舩自縛門前柳。醉筆蕤蕤似蚕走。
一幅雲山一杯酒。

秋日懷山中舊居

秋杉蕭疎倚山屋。霜痕半印麋與鹿。水寒溪潮凍不上。

瀑泉雲中自連續。連續連續續。續續石花。半帶殘水下空谷。
何時解落歌共笠。抱月其間伴鷗宿。

泛月偶過允元芙蓉池上

吾從湖上泛秋去。亞字城西不堪住。偶有高僧載夕陽。
蘋葉疎疎水無際。鹿皮几上香烟寒。柳枝高上不得冠。
釣童樵青各吹笛。更衝白雪浮前灘。灘上芙蓉照清泚。
江左周郎卜居此。叩門闌坐老桂叢。涼露餘香沁吟齒。
錦囊出披金石文。蕙綃蘭匣爭氤氳。醉筆淋漓數行字。
別君兩袖猶生雲。

眉公詩鈔

卷十一

言

三十三

釣魚歌

昨日也釣魚。今日也釣魚。昨日釣不停手。求魚換新酒。今
釣何間閒。賣魚粗有錢。七尺絲綸半竿竹。驅使老翁長
碌碌。終當擲却釣竿去。孤坐巖灘最高處。

梅嶺道人歌

白苧鄉。桃花里。駕湖如鏡霞如綺。道人散髮坐梅墟。手
挾飛仙弄烟水。鸚武千言擅藝壇。魚腸三尺驚都市。鶴
冠鳩杖任逍遙。咲指西山白雲起。飢來羞貸監河糧。生
平懶着平原履。墨池筆塚琅玕笈。摹得黃庭實堪擬。羽

衣衲子叩松扉。春色年年只如此。吹笙炙筦亂飛觴。天
酒霞漿石中髓。鳥啼客散茶灶寒。月上紗窗半成紫。有
時一夢破羅浮。跡影清香飛帳底。巧綴官粧覺大妍。烹
黃丹砂盡今死。何必安期棗。韓終李。

春日顧曰可訪余山中投茅孝若書和孝若韻

香。對。家。戎。木。綿。被。風。風。雨。雨。愁。人。天。小。茅。書。來。得。兩。拳。
詰。朝。携。手。踏。堤。去。草。烟。花。霧。浮。晴。川。如。此。春。光。却。難。值。
行。歌。且。卧。山。頭。石。紅。酒。新。從。田。父。沽。綠。陰。不。放。先。生。出。
眉公詩鈔 卷十一 言 三十三
乘潮須及岸。痕香莫聽隣。雞拂曙啼。更有閒人味。聞事
好將詩句刻青萊。



眉公詩鈔卷之三

四言詩

山居

竹高樹深谷窈泉甘。既安且閒。南山之南。俯仰百歲。消磨豪傑。何如此中。飲水聽雪。裂石介嶮。老木陰廬。上德不德。左圖右書。簡欲刻名。休養生息。疏鑿畝畝。以樂賓客。

又

高梧修竹。靜者之居。風飄不鳴。夢亦清虛。客至有酒。客

眉公詩鈔

卷三

四言詩

去有書披裘種花。着屐采蔬。南山雪霽。北牖風虛。如此不樂歲。亦云徂。

遊仙招隱章

芙蓉之邊。着我高屐。朝餐紫芝。暮煮白石。鮮芝滿囊。奇書滿床。修眉披肩。清風來吹。

避暑

廬山瀑布。峩眉積雪。泰岱秦松。瀟湘竹葉。各繪一屏。左右陳列。簟紋清涼。石几凝滑。卷簾看花。欹枕候月。蘭泉蕉風。新浴方潔。此避暑方。贈君怡悅。

試茶

綺陰攢蓋。靈草試旗。竹爐幽討。松火怒飛。水交以澹。茗戰而肥。綠香滿路。永日忘歸。

夏日園居

梧陰滿簾。荷錢滿渠。鳥聲乍變。粉糝半奇。前有紫榴。後有綠葵。奇石古鼎。故人異書。茗椀水沸。香烟篆紆。燕雛兩兩。逸簷學飛。老農三三。荷鋤始歸。破醒夢關。結道遙。盧既康既閒。不醉何如。

書壁二章

眉公詩鈔

卷三

四言詩

衡門之下。有琴有書。載彈載詠。爰得我娛。豈無他好。樂是幽居。朝為灌園。夕偃蓬廬。人之所寶。尚或未珍。不有同愛。云何以親。我求良友。實觀懷人。歡心孔洽。棟宇誰隣。

隱居圖

十畝之園。數椽之屋。旁列圖書。隨意花竹。召客有酒。耕田有犢。晚厭娥眉。餌藥獨宿。

避客

吾乘小舟。避暑避客。高柳之下。密廬之側。卷簾焚香。施

簾布席間拂壺觴。或遊翰墨酒罷科頭山前月白。
新開園圃

行高初筮節甘暮年。愛素好古辭事就閒裂石介道植。
竹引泉少時繁密有若自然誰美同此山癯列仙。

秋山即景

雲岸歷映杉枯竦直。碧山之下寸寸秋色野人樵子何。
處不匿冠劍百族誰知此極松深景暮悵然嘆息。

烏孫公主

我來烏孫自治宮室。歲時一會置酒飲食烏孫龍鍾無。

眉小詩鈔

卷二

四言詩

語不通罷飲悲歌涕泗縱橫。

壽張三星

清如長公齋出留侯。六曹粉署千古碧油投錢飲馬。鏗。
玉鳴駒息偶六月各垂千秋宜男增草多子庭榴。恭烏。
交錯羣心獻酬何以壽之三公黑頭。

贈杜浚武

桓桓將軍世鎮西土。修髯若神猛氣吞虜馬。參飛龍士。
卧虓虎霞閃旌旗雷轟笳鼓巢搗雪中。覬歸月午。辨髮。
欵關移帳深塢百二奉關十九安堵上將紫貂偏禪青。

組玉冊金書煌煌神武。世福實深功高勞苦持此忠貞。
以作干櫓。

贈友二章

我里古人有玄真子。泛江入湖垂綸去。餌驥履豹囊螺。
杯木几漁童在頭樵青在尾青山白雲桃花流水。
玄真之後甫里先生小舟蓬席烟雨冥冥賞書一束吹。
笛數聲蘆汀蘋渚可以藏名猿心久忘鷗下不驚。

湖上

奇雲盪胸我懷英雄濯足湖上蕭然以風。

眉小詩鈔

卷三

四言詩

枯木竹石圖

新篔含粉古木生苔一讀道書清風徐來。
讀書臺夜半觀雪

夜啓岩戶淡而無風月直松際雞鳴雪中。

坡仙像

無風無雨披蓑着笠却咲老坡童心未息。

送僧歸東湖寺

二首

渺渺孤帆飛如燕子宴坐沙頭誰與共此。
伍胥落日半泣潮聲湖風如秋落葉縱橫。

春日雜咏七章

春風婆娑。楊柳之陰。林有黃鳥。如歌如吟。其一

十畝之郊。菜葉薺花。抱甕灌之。樂哉農家。其二

春水漸寬。青青者片。君且留此。彈余素琴。其三

板橋之上。窈窕蘼蕪。誰將輕舟。弄此春波。其四

遠觀諸山。春陰欲雨。風雨之朝。惟余與汝。其五

塲頭平平。鋤棘及草。留此好花。以待春鳥。其六

春日欵欵。春風洋洋。予寧匪人。而不翱翔。其七

題画

眉公詩鈔

卷三

四言詩

長松茆屋。陰于崖上。何無老者。夕陽策杖。

遊西湖二章

小石大石。磊磊突兀。新鷗初青。楊花已白。

白晳紫衣。浴馬橋下。願言從之。夫我不暇。

香雨樓詩

轟轟層樓。在洲之汜。山响若崩。奔雲未已。其一

臺觀不作。孰為啓予。卧百尺樓。讀千古書。其二

開百雜花。澍妙香雨。桑苎老翁。塊然中處。其三

川光白賁。蕙草碧滋。馬遠不遠。大痴不痴。其四

水抱環映。樹交步障。漁釣竇中。樵吟葉上。其五

聯拳雌霓。磊落雄風。慷慨以歌。黃鶴摩空。其六

鹿皮斑斑。敷于岸側。仰聽黃鸝。花落我憤。其一

落花無聊。以逐新潮。願為漁父。刺舟溪橋。其二

橋頭班坐。新草如縷。盍歸盍歸。炊烟欲午。其三

新酒既開。故人方來。清風穆如。當予好懷。其四

烟白雲青。竹樓茶塢。中有潛蛟。呼之或舞。其一

山中四章

眉公詩鈔

卷三

四言詩

楊柳菰蘆。回互寺前。俗客不到。詩衲高眠。其二

踈踈蕭蕭。木落草凋。有客來此。臥咏離騷。其三

蕭蕭踈踈。木落水枯。誰與共之。孫登其徒。其四

六言詩附

月下惠山飲泉

初光漸辭。遠樹餘彩。忽散游塵。月下有爐宿火。山中無

个閒人。却笑品題。陸羽可憐。醉飽王孫。曾飲中冷泉水。

不如此地清真。

贈道南上人

達摩踏西而去。誰知此道南來了。却本無住著。請看鹿
印蒼苔。

贈雲麓上人

雲去雲來空谷碧。苔暗生茆屋。日斜一卷法華。坐對飛
泉自讀。

贈靜庵上人

山鳥一點秋色。藤枝獨倚斜陽。試與僧羅掃石消。受水
影橫塘。

贈龍塘上人

眉公詩鈔 卷三 六言詩 七
每欲一挑山。月。咲。尋。大。小。龍。秋。何。似。寒。塘。半。頂。蓼。花。白。
鳥。清。秋。

贈法空上人

欲與雪浪和尚。船頭一卷茶經。咲拍白鷗飛去。踏破千
頃洞庭。

贈濂上人

錫杖半隨青席。獨宿萬頃寒雲。雲氣夜來飛去。藤花又
復紛紛。

聽經罷作

聽罷一叅法語。散堂三僧五僧。塵尾却歸何處。月明山
頂松棚。

題臨水僧舍

石橋忽斷空沙。垂楊影帶蒹葭。客至一鑪新火。半是門
前浪花。

茆舍

剪得白茆縛屋。半界山崖水濱。懶向軒前補衲。衲破自
有殘雲。

坐僧舍藤花下

眉公詩鈔 卷三 六言詩 八
曾訪雪公到此。藤間一坐殘花。花落山僧掃盡。客來惟
有新茶。

寄居僧舍

且從山水去來。莫問是非今昨。衲僧掃地焚香。童子開
籠放鶴。

山中作 共三首

千持斑竹鋤頭。睡起刪花理草。忽然走入深林。驚放一
群黃鳥。

簞落不衫不履。草花半咲半啼。老我篋瓢陋巷。看人走

馬鬪雞

野寺一里二里山隣三家五家燒笋味兼蘭蕙煮茶香帶梅花

九月一日

萬下黃花堪把城頭風雨初來欲問重陽消息不知何處登臺

題画

雨過石生五色雲度山餘數層時有炊烟出樹中多隱士高僧

眉公詩鈔

卷三

六言詩

九

題月下送花圖

靄靄樹交岩澗凝凝月上亭臺卷幔忽聞荷氣開門客載花來

贈葉穉麓

七十二峰楠柚三萬六頃烟波中有結廬人任翠微推裡高歌

贈蘇爾宣

要離塚頭草白專諸巷口塵黃一片雄心未冷移家試劍石旁

題画

莫怪前山路橫莫恨前溪路塞年來一片糝糊却是長安仕籍

自咏

若非睥睨乾坤定是流連光景半瓢白酒初醒一卷黃庭高枕

有感

明明開眼作夢忽忽掉頭是誰二十四番花信三百六旬酒杯

眉公詩鈔

卷三

六言詩

十

山居二首

修竹千个万个啼鶯一聲兩聲對奕謙謙君子逢花好

好先生碧岫夢中遠近綠陰醉裡糝糊老雀差安俠客蠹書大

勝凡夫

避暑二首

風曳新蟬微响雨梳老雀殘翎探洞好藏二酉開山不煩五丁

並坐人如温玉乞書箋似冷金翠袖凉分竹色朱絃靜

拂桐陰。

新京

燕子飛來枕上。荷花開到橋西。新京幾番客至。永日不住雞啼。

偶題 九首

高履見山雀躍。短筇扶我龍鍾。合作無名老子。差強能忍三公。

處處栽蔬鋪地。家家穫稻登場。移我床頭斗酒。醉君難下重陽。

眉公詩鈔

卷三

六言詩

二

乍晴乍雨天氣。欲留欲去遊人。落花撲殘。鬪扇松陰。鎖住春雲。

夢在青松白石。性耽金錯銀鈎。得錢贈與貧士。懷懶不謁王侯。

瞪目大槐園裡。藏身老蔗境中。雀舞松梢。花落客來。不放杯空。

竹下一龕殘火。床頭數卷奇書。蘇晉逃禪已久。生公說法何如。

饑食赤文綠字。渴飲玉屑金漿。不用人間烟火。何須日

日焚香。

與我數聲黃鳥。留人一闌紅蕪。仁義其言藹如。君子之交淡若。

八月桂飛黃雲。餘香散撲茆廬。何意山陰孝母。手持菘扇求書。

日與照白讀書博奕。于其別也。寫此送之。

十七史多刺謬。三千界亦模糊。試問烏窠和尚。何如虎巷齋夫。

臨水知魚樂否。賭棋逐鹿爭先。汝去汝來誰縛。我仍與

我周旋。

仰山以冬仲復過雲間。求鑑者如市。予懶道人也。

雪髯碧眼神仙。同坐空山寒月。能增頰上三毛。難識一腔熱血。

題小淇園 二首

瀟洒侯多編戶。清涼園有吾廬。何來快風快雨。恰遇異人異書。

限日群峯八面。遮天修竹千尋。乘興五郎且止。雪今綠

到山陰

春游

平明欲來山寺。半路醉倒酒家。燕尾前齊春草。游絲釣得落花。

飲虹橋

柳。蘸。鴨。頭。春。水。草。分。燕。尾。晴。沙。莫。問。旗。亭。遠。近。窗。前。認。取。桃。花。

題友人花圃

細。摘。芥。茶。秋。早。新。開。黃。菊。霜。遲。成。名。竹。之。孺。子。痛。飲。真。

卷三

六言詩

三

眉公詩鈔
是吾師

眉公詩鈔卷之三

終

眉公詩鈔卷之四

五言律

山居春暮

笋味如蘭蕙能令酒不閒草分明白路雲寫糝糊山百
舌鳥一嘯三家村共灣欲招隣父飲行樂未曾還

避暑

樹底息微躬才容靜者通終朝飲花露無價買松風采
藥山中侶註經河上公往來不一里隣並竹谿東

初去城市屏跡讀書臺六首

眉公詩鈔

卷四

五言律

尋常獨往處牢落放歌時村酒兩三酌籬花四五枝瘦
筇高過頂破笠半遮眉付與誰圖畫題詩一咏之其
臨竹居高麓衡門枕大河醉邊芳草綠夢裏古人多有
理從他說無腔儘自歌伐檀洵云樂其奈水清何其
妻孥情識短耕鑿土風淳野栗啼新鵲山花插素巾難
消方外樂轉憶意中人寂莫柴桑上深居且自耕其
野處簡人事十旬門九開簷楹山柘綠籬落水風來苦
雨無他意悲吟多遠懷因知柳下惠不是近時才其
問我山居好山行君始知偶從田父飲失却老人期社

甕浮香早隣炊得火遲往來松徑熟沉醉也無疑其
雨晴山意好谿鳥不停飛過頂白藤杖祖肩青荻衣朝
看霞脚出晚跨雪精歸解下雙壺酒鱸魚秋正肥六

鍾賈山

桃花春水清古寺不知名佛壁生陰火僧厨啼夜
陽猶在屋怪木半支棚留得山前地年年好種耕

送社衲歸山房

草深門不見藤密路如疑正及山光暝兼之月影欹流
螢渡溪冷歸羽下林遲谷口橋危處孤筇好護持

眉公詩鈔

卷四

五言律

春游

楊花初似雪游女正如雲鳥避丹青扇春濃白練裾幽
溪少人處清唱有時聞松桂簾櫳裡泠泠香佩芬

貧士

東臯未種苗屋外草齊腰謀食慚先訓無言解客嘲
莢綠瓠葉土剝積桑條短髮垂頭面長歌擊壤謠

宮人鬪草

宮樹縮游絲池風約鬢枝笑迎知種別徑轉誤人疑
翻袖各含態遺芳如有思還餘斷腸恨消向鬪棋時

摘花

鬪草回芳陌。提筐上鏡臺。親經織手摘。猶勝擔頭開。小
豔分簪帶。交花莫剪裁。殷勤護顏色。留取小姑來。

代越女答

問妾家何在。家居近若耶。里多交讓木。庭吐合歡花。山
黛臨粧閣。池紋散綺霞。鴛鴦七十二。可以駐香車。

讀書臺

疏泉石罅下。雨餘亦潺湲。崑戶靜以止。澗花寒且閒。讀
書耻中古。絕欲棲名山。鸞凰泛青漢。弋者詎能攀。

眉公詩鈔

宋四

五言律

五

高峰

絕頂不可到。中峯置藥房。竹深山瓦綠。松老羽衣香。白
雀飛一點。丹經讀數行。雞聲纔夜半。海日已蒼蒼。

余山訪吳玄鍊

結茅當獨樹。開戶見池山。有客此高卧。從僧得共攀。小
橋村市酒。歸鳥夕陽灣。醉倚燈前咲。芒鞋半藓斑。

謝天台僧寄杖

落落枯藤杖。支余獨上臺。愛他時點綴。不是老相催。打
果驚黃鳥。疏泉破碧苔。莫教龍化去。辛苦自天台。

道院作

步步攀危磴。烟蘿引蔓長。竹深山瓦綠。松古羽衣香。睡
窟衝人舞。幽泉避客嘗。因茲閒領略。杖底忽斜陽。

題君策疇野二首

美爾樂閑曠。十年營一丘。貧能買奇石。老即卧滄洲。宇
界群峯影。池涵萬竹秋。憑高思縱目。烟際起層樓。

幽人開徑後。卷石化名山。岩戶轉如回。雲谿不記灣。簾
跡花窈窕。松冷雀高閒。祇是詩僧至。先生一啓關。

贈秋潭僧

眉公詩鈔

宋四

五言律

四

人與寒雲淡。身如秋葉輕。非關住禪寂。兼欲遺詩名。蘿
月亂潭隱。松風過茗聲。為憐苔蘚碧。不敢下階行。

送郁太碧還樵李二首

野火照積雪。枯冰粘渡船。此時遊子夢。但與暮雲連。沙
白鴛鴦凍。霜晴湖水鮮。歸來解裝橐。棠棣有新篇。

紫玉龍髯塵。青蘿鶴髮衣。登船揮手去。對月釣魚歸。烟
雨樓中酒。鴛鴦湖上磯。朝朝讀秋水。夢挾浪花飛。

初夏同諸兄弟看花。焦酌顧中翰東園分得花字。
啣杯當淑景。移席就名花。漾白看飛雪。搖紅散落花。醉

鄉喜無稅酒伴即爲家不覺青山暮歸鳥下淺沙

秋日山游夜宿僧房

土室秋如許繩床夢亦輕竹深多刻句花亂不知名一
鉢青菘飯半窗黃葉聲鐘殘午齋後馴雀繞人行

同印空夜坐憑虛閣時徐澤夫君實兄弟在

人在鐘聲上僧栖暮色邊松枝高士塵貝葉梵王言木
落如飛鳥山平疑澹烟燈殘揮手去曳杖聽流泉

寄寄園

買得城隅圃新題寄寄園水扉青槿抱板屋白茅纏經

眉小詩鈔

卷四

五言律

五

受蠻僧詩風傳野老言何時解瓢笠借此負朝暄

舟行

蒹葭秋數里江色轉無窮老興吹長笛孤眠抱短桐蘋
香沙鳥醉月白釣絲空誰識蓬窗口逃名散髮翁

天馬山山居

結隱愜中年山廬枕墓田性慈疎釣弋骨傲薄神仙花
覆一雙雀松風十五絃有僧南岳至永夜共安禪

宿趙凡夫山房

種花先種藥買山先買泉泉流茶灶下藥繞竹谿間鼎

篆供清秘禽魚入戲禪相看不忍別松月共床眠

同辰玉過澹圃

四首

吾將老是鄉十畝種瓜場竹塢涼陰嫩蓮房膩粉香微
風初葉下秋思在空廊怪石門前臥何人叱作羊

解帶入幽叢微涼下井桐誰爲起予者取次得君同雀
乳槐花雨魚鱗稻葉風琴樽不覺暮歸路玉繩東

不定池花影纖纖弄曉晴綠蘿交蔓處紅雪隔簾明
帶芙蓉醉叢翻藻荇清朱顏能並否願髻覺秋生

轉徑入花溪風光似瀼西桐花垂覆局禾浪罷耕犁老

眉小詩鈔

卷四

五言律

六

雀解迎客殘蕉不碍題居然漢陰丈高卧水邊畦

春游探樵字

四首

咫尺旗亭外春容特地驕十千錢買酒三五女吹簫柳
設黃鸝座花留紫燕樵無愁村路遠如翰馬新調

生來怕春色春已十分驕花咲文君黛鶯吹美玉簫當
鑪挑過客游騎問歸樵後院聞香待清歌子夜調

春霽雪初消山中狐兔驕朝鳴白羽箭夜宿紫鸞蕭起
舞謝公子行歌咲老樵如何五陵俠情性少能調

白恰杏黃綃垂鞭馬上驕千金赴急難數日不吹簫花

其
其
其
其
其
其
其
其

下甃沽酒。松邊雜坐樵。留人有啼鳥。珠彈莫輕調。其四

寄王辰玉

明月在高樹。遶庭歌考槃。谷風自容與。古調太清寒。念子令人遠。勞心及夜闌。平生不識路。何以夢長安。

東洞庭翠峰山居結夏

激湍飛作雨。獨樹偃為梁。雞犬有傲色。炊烟多異香。清陰終日綠。秋葉幾時黃。擬住重陽後。還分橘柚霜。

聞蟬五首

長空未寫雁。苑柳忽驚蟬。為汝機緘動。因悲物候遷。清

眉公詩鈔

卷四

五言律

七

言恣吞吐。曲木豈求全。落落孤高意。終歸解脫禪。其一

避囂聲未挫。抗俗氣還疎。志士不濁飲。仙人好高居。其二

窗種柳後。南郭據梧餘。喧寂何分別。吾將付子虛。其三

膝上乍停琴。誰將懷好音。空山轉孤寂。秋氣忽蕭森。嗚

爾蘇門嘯。依然楚澤吟。終當為清死。黃雀起知心。其四

爾性本隱約。爾鳴殊未休。神清百花露。聲落萬山秋。不

食竟何慕。多聞如有求。哲哉弃馭者。洗耳向清流。其五

乾坤一轉丸。處熱却知寒。歌嘯有玄解。清虛非素餐。已

稱丈人行。恐學小兒彈。縱汝長松重。蕭蕭托羽翰。其六

花船

買船載花回。船底見花開。紅艷水浮去。香光烟帶來。推蓬防蒂損。粘土帖根栽。栩栩雙蝴蝶。迎風莫浪猜。

落梅

春色未曾半。羅浮夢已空。玉鱗飛寂寂。翠羽怨匆匆。雪打窗前月。香消笛裏風。逡巡尋一醉。驢背有詩翁。

訪蓮公坐關甘露寺二首

正是探梅候。如何獨閉關。心清同水潔。實小見雲怪。燈射巢枝鳥。床樓卷画山。中宵詩未就。欹枕聽潺潺。

眉公詩鈔

卷四

五言律

八

獨來桑下宿。難画兩中山。白室一燈苦。黃茆四壁頑。覓

心無可得。問影有時還。何必乘驢去。梅花灣更灣。

贈美人

子產極中夢。至西川萬松州廬中。有名姬在焉。聽其瑟罷。題詩而出。真異境也。夢中詩一字不遺。更奇。

遺更奇

蔚然松桂處。日直草堂開。竹裡彈清瑟。花間晒繡鞋。風開幽蕙性。酒貼碧菴腮。甚矣吾衰也。寧辭一再來。

望雨

考至樂間曠非關慕遜肥娟娟北窗竹。采采西山薇。蟬噪晚逾急。雲輕秋始飛。何當三尺雨。綠我釣漁磯。

贈山中人

幽棲一水涯。道貌似無懷。松以竹籥出。花將草屋埋。支床長藥日。挂壁有芒鞋。何必窮名利。如卿亦自佳。

依韻答葛實甫

知希覺我貴。身隱又焉文。到此日復日。坐來雲更雲。樵青人不見。啼碧鳥初聞。送客尋常事。出山端爲君。

依韻答韓求仲

眉公詩鈔

卷四

五言律

九

我亦無如我。卿應自愛卿。雲霞滋木食。風雨感花刑。獨坐歌山鬼。訛言付墨兵。近來蝴蝶懶。未許化莊生。

贈葛實甫三首

春淺復春寒。山幻雪未乾。客來訪田舍。我爲罷漁竿。閒坐梅花下。細將詩草刪。莫悲收價晚。名俠在長安。
客路減春寒。霜晴野未乾。別時難上馬。何日共垂竿。菲屋晝長閉。藥欄春不刪。可無書一紙。問汝竹平安。
潦倒鹿裘寒。探梅草未乾。拈花先命酒。釣雪戲撥竿。客去鳥聲醉。山高屐齒剛。不辭松底卧。一任老袁安。

其二

其三

贈五如讀書天馬山

馬白草無賴。山青柳不如。人當踏歌日。君讀閉門書。啼鳥參公案。飛花奏子虛。眼中春老矣。渺渺獨愁予。

浣生寓老圃贈之

性癖喜茅茨。嫣然絕代姿。芙蓉初日照。修竹緒風披。俠骨師紅線。清心托素絲。調華斜對月。子夜有新詞。

織女

的的青綺光。稜稜照流黃。蛾眉低不語。玉腕動生香。銀擗鳴梭驟。環分轉珥張。機中未成疋。塞上已飛霜。

眉公詩鈔

卷四

五言律

十

村曲尋梅人跡。老梅橫水涯。照雲難辨色。襯竹始知花。翠羽月中叫玉鱗。風外斜斜疎籬亦自好。何必綠窓紗。

初冬友人入山見訪

彌徑皆霜葉。藤蘿面面遮。君從何處問。尋問老大家。取酒隔田舍。無魚候釣槎。留賓每遷次。喜不負黃花。

園居二首

一自謝塵鞅。春風吹好顏。鉤簾通白鳥。隱几夢青山。上客視回駕。門人莫掩關。日斜桑柘外。耕者正閑閑。隨意不簪冠。居山得考槃。春衣風力軟。香草雪衣乾。中

酒多唐突投竿獲喜歡。前山無夢及。况復到長安。

又

無地能逃世。無錢為買隣。野蒿隨徑合。喬木受涼新。老圃耕桑日。虛堂燕雀春。相看家四壁。一字未云貧。

又

問我園居好。行園君始知。月凝松少碍。雷覺石潛移。款。雀如迎客。分蜂亦教兒。庭蕉新展綠。誰寫葛天詩。

山中晚眺

方朔餓欲死。淵明飢所驅。慙余飽藜藿。高枕卧菰蘆。春

眉公詩鈔

卷四

五言律

十一

兩生蝌蚪池。花碍蕪籬。晚來風日好。信杖立斯須。

秋日訪明菴鴻臚水竹居次赤維莊公韻 三首

我欲問奇字。來尋楊子居。一燈高士傳。四壁古人書。竹

嶼。懶眠。雀花。豁。每。種。魚。月。明。何。處。笛。彷彿。柳。邊。漁。 其一

何處菰蘆曲。深藏靜者居。秋聲起。凍竹晴日。晒殘書。宦

味同雞肋。幽情付蠹魚。浮名吾已厭。早晚入樵漁。 其二

兼葭秋水外。宛有伊人居。終日洗修竹。有時抄異書。戲

枯松葉塵。間放花陰魚。不為竿頭餌。風波逐老漁。 其三

池上

之子狎蘭蓀。爛蕪抱水村。鳧鷖乘雨去。楊柳向秋昏。月。白。人。吹。笛。山。青。鹿。候。門。惟。餘。詩。草。在。讀。罷。火。猶。溫。

過友人湖居二首

醉鄉容稅駕。草莽許為臣。月在劉伶鋪。花畝元亮巾。文。章。成。市。道。帝。里。半。山。人。泖。水。清。如。許。伊。誰。解。隱。綸。

何方理釣竿。恰恰暮潮寬。楊柳歌崩岸。芙蓉暗遠灘。百。年。催。易。老。中。道。覺。交。難。深。雪。梅。花。下。重。來。話。歲。寒。

贈金重珍卜居虎丘

五十始開曠。逃名尋一丘。山從悟後住。心向老前休。鳥

啄垂簾木。花明隔岸秋。尚嫌鬚髮在。照影水西頭。

眉公詩鈔

卷四

五言律

十一

山居

數日偃書卧。閉門涼滿溪。飯僧桐樹下。放雀竹林西。潛

見師龍德。陰晴卜鳥啼。冥心管寧榻。似許物情齊。

山中

露。透。涼。風。至。排。窻。竟。日。眠。入。山。從。我。好。垂。老。怕。人。憐。裂。

石。松。強。項。扇。門。草。及。肩。懷。愁。止。一。事。未。却。賣。文。錢。

水中樹影

水木兩菁葱。非烟非霧籠。野人樵不得。林鳥宿來空。水

木兩菁葱。非烟非霧籠。野人樵不得。林鳥宿來空。水

解分明見。風吹塵亂同。若沉明月裏。彷彿廣寒宮。

望歲

淮北炊骸食。江東獨晏然。飛蝗渡河死。耕犢似人眠。但問平安竹。無愁斥鹵田。歲星今在斗。吳越定逢年。

泖橋寺作

食新疑有福。高卧類無情。鍾定僧初起。江寒燈更清。霜楓橫曉月。秋鳥弄新聲。夜讀帙猶在。披衣尚未明。

蓮如上人過訪山居

雨氣生平楚。湖光寒不流。藤花覆岩屋。雲竇見漁舟。

眉公詩鈔

卷四

五言律

五

衲清如水無言淡似秋。悠然每獨往。得句碧山頭。

棲霞寺

入寺又聞鐘。窻懸前後峯。夕陽千佛嶺。秋雨六朝松。采藥粘龍骨。梯崖躡屣踪。方愁登頓苦。從者進孤筇。

答郭太玄見訪

秋雨暗城郭。何人訪葦門。香清栢子篆。詩破墨花痕。白雪和歌少。青山我道存。何時採湘沚。招却楚騷魂。

贈曹以新移居吳門和辰玉韵二首

白髮挾吳鉤。吳門好避仇。一編分蠹食。半甌老菟裘。瀧

水隣家雨。蓬蒿土室秋。舊交零落盡。誰復問曹丘。

市井稱臣倦。風塵削跡餘。據梧南郭子。種樹索駝書。坐聽花間雀。行鋤雪後蔬。出門潭水澗。持釣候江魚。

送范長康之易州

秋色正凄清。寧親向北平。黃河霜後月。紅樹驛邊城。馬渡官衙近。鷄鳴關吏迎。漁魚兼易酒。鄉夢不須爭。

送友北上

歲晏涉遠道。雄心仗莫耶。雞鳴問津吏。馬足任寒沙。北地雖雨雪。春風多杏花。遙知京洛裡。文舉並張華。

眉公詩鈔

卷四

五言律

五

贈趙凡夫

洗出樵人徑。經營處士廬。簷峯花窈窕。潭樹雀清虛。已愜買山志。仍焚普墓書。襄陽有耆舊。擬爾樂何如。

酬戚不磷

生來負奇癖。老去厭多聞。草草水邊屋。層層巖際雲。涼陰隨樹轉。清夢與樵分。百尺樓頭話。還留榻待君。

過宣房懷古二首

宵征不容晏。路出古徐東。堤樹一千里。村墟十九空。陟河芻比桂。乘據馬如龍。猶有蠲租詔。年年省故豐。

莫信桑滄事。宜房尚禹功。奔流一折處。懸瀑兩崖同。似雀填何補。其魚嘆不窮。斜陽帆外盡。彷彿漢行宮。

送衲子叅雲栖

三載不出戶。洗清塵土容。心如曾面壁。年似未髯松。乞食雪中路。尋師河上峯。西風振鈴策。颯颯虎行踪。

薛伯起來自四明。同太碧士端。集林元裕齋中。

勝客高軒至。空庭雀款扉。城烏寒自語。霜葉凍還飛。醉擊芙蓉劍。寒生薜荔衣。聚星占太史。莫問故鄉非。

山中采藥

種藥滿山坳。花開幾歲朝。提筐低覆葉。荷鋤去尋苗。避虎穿崖去。逢猿隔澗招。長生如可學。甘老谷中樵。

五岳歸來後。一燈跌坐時。長留翻貝月。重補看花詩。積藓生癭鉢。殘蕉覆墨池。夕陽藤底望。白髮歲寒姿。

贈張伯慎

竹裡泉聲冷。臨流一放歌。鉤簾花氣入。補衲野雲和。禪

伏詩魔。靜狂愁酒戒。多夕陽兼雨色。不去欲如何。

遊寶勝菴

避暑冰橋僧舍

避暑冰橋僧舍

壯心懸北極。五月渡平沙。名重新詩草。光寒舊莫耶。危

避暑先示疾。貯錢多買茶。邇來真僻處。無過老僧家。枕上帆檣影。簷前橙橘花。臨波秋思發。新月在蒹葭。

同蓮如古水夜坐

欲眠翻更出。緩緩過溪灣。獨坐了無意。兩僧相對閒。水光寒攝月。雲裏夜攢山。此際隣春急。柴門應未關。

山中

不盡探奇興。芒鞋此可停。谷春雲子白。山借木奴青。鳥韻調歌扇。泉香醉草亭。莫愁歸路晚。漁火映前汀。

移樹

老悔浮名早。生憎見事遲。無書通劍客。荷鋤學場師。近得移花法。休教使樹知。俄看春彩艷。造物豈我私。

送陳懿上之岐川省親二首

寒色咽霜刀。愁君客路遙。高乘大宛馬。醉射浙江潮。驛靜狐窺月。冰殘草覆橋。慈親千里外。寧畏雪蕭蕭。

寶劍短纓紅。飛行暮雪中。馬嘶春艸路。潮上海門風。投筆班生壯。談兵幕府空。寧親不辭遠。非為立勳功。

送張紫霞北上

壯心懸北極。五月渡平沙。名重新詩草。光寒舊莫耶。危

壯心懸北極。五月渡平沙。名重新詩草。光寒舊莫耶。危

檣棲燕子。初月照蒲光。臺上黃金色。歌聲度紫霞。

贈友人移居于將山

性不喜城市。移家住北山。及有新種竹。濯足舊疏灣。釣
月漁爲伴。借書僧送還。秋田耕漸熟。莫使酒歌閒。

秋日山行

曉起日曛曛。何須候曙鐘。亂田飛野雀。半路起山風。氣
勁馬毛立。秋高霜葉濃。遙知紅樹裡。不獨落殘楓。

乞花塲

年來灌園子。買得乞花塲。一派紅菱渡。三間斑竹堂。耕

眉公詩鈔

卷四

五言律

十一

田奉香火。酌水盡蒸嘗。弔罷先生去。紛紛雀影涼。

雞鳴寺宿

一宿雞鳴寺。夕林鐘磬幽。繁星兩虛景。靜嘯起高樓。桂
醕清可攬。松濤碧欲流。吾生信寥廓。底事強悲秋。

山中同僧夜話

瀑布數千尺。草堂三四間。與僧同簡率。敲火煮潺湲。松
子打秋磬。苔花封暮關。山橋閒步月。相對虎溪灣。

遊雀林寺

盡說金焦路。何人訪雀林。茲山幸不俗。良木亦多陰。日

夕竹風起。池枯蓮子沉。惟當馬師榻。擁膝一彈琴。

元日大雪

此日雪漫漫。人歌上瑞難。袞符迎歲始。梅信作花看。鴈
酒清分艷。春蟠巧耐寒。松枝低着地。獨喜竹平安。

春梅山六十

布衣推任俠。長揖五侯尊。然諾黃金易。逍遙白髮新。買
書留教子。匣劍爲酬恩。老住青山裡。梅花合隱淪。

春游

偶爾踏春去。何人住水涯。到門多藥圃。紆徑隱茆齋。竹

眉公詩鈔

卷四

五言律

十一

裡泛瑤瑟。花間晒繡鞋。別時須記取。隣市挂松牌。

平明挾彈出。兇李徑斜斜。粉蝶迷山寺。紅亭隔酒家。長

嘶金勒馬。小駐碧油車。有女乘雙屐。門前獨浣紗。

夏涼

六月騎陽伏。淒清似早秋。調笙添火炙。採藥帶雲收。竹
隈曦光薄。松藏人語幽。咲予非釣叟。亦擬着羊裘。

壽王思槐六十

十七傳來帖。時逢快雪晴。牆東真避世。嶺嶺獨吹笙。酒
帶梅花灑。人看玉盞清。高城聽鴈鼓。小歲賀嘉平。

冬夜與張靜洲步月

寒月皎于秋。憑軒覺未休。僧廬幡影細。人境犬聲稠。遠嶂晴俱在。長溪凍不流。莫辭霜沁骨。露地共君遊。

寄潘隱玄

世局半如夢。輪贏懶與聞。啣盃思捉月。高枕笑浮雲。清散真高古。平安共此君。潘絲猶未雪。懶果尚堪云。

七月十五荐先淮雲寺因過達聞超塵精舍

石滑路回互。銜泥別院來。誅菑自何日。花木亦悠哉。俊鶻迎風健。寒蛩着樹哀。重陽有高會。無過此登臺。

眉公詩鈔

卷四

五言律

十九

夜坐

山市暮燈白。馬槽秋葉黃。悲風嘯深夜。志士激中腸。寶劍空懸壁。清歌欲下霜。攬衣出庭際。北斗已低昂。

附雜詩 失題

面水後依岡。先生結草堂。兒孫初識字。花木老成行。機杼隣家月。漁歌蘆港霜。客來且莫去。新秫已登場。村名桑苧舊。人稱葛衣涼。燕壘落花碎。鹿菌新草香。迢遞暮色感。嘆戀年芳。一水從真隱。蒹葭露未蒼。天地窮人盡。風塵削汝冠。猶然隱吳市。枉自怨長安。露

曉梧桐綠。秋深菡萏寒。相思潮信急。小艇夜江寬。

勾踐江頭月。客星臺畔松。為郎久不見。出守暫相逢。鳥

汨牽灘索。花空押號鐘。遠人思化切。休上武夷峰。

渡口扁舟去。前村日已斜。放歌驚白鷺。臨水弄青霞。古

岸垂官柳。空陂落戍花。山雲連野色。何處是吾家。

眉公詩鈔

卷四

五言律

二十

眉公詩鈔卷之四

終

眉公詩鈔卷之五

七言律

花朝

美滿春眠起較遲。五更常失圮橋期。愁添白髮餐雲母。戲寫青山付雪兒。煖玉棋消平日酒。冷金箋譜百花詩。近來學得長生訣。一味賣猷兼賣痴。

寒食

柳絲燕子故飛揚。杜若蘼蕪接路香。每過可憐寒食節。回思真負少年場。春深膽怯花時雨。老近情銷鏡裏霜。

眉公詩鈔

卷五

七言律

此日風光偏澹宕。酒杯到手莫辭忙。

櫻桃

藥欄春盡少花開。葉底朱櫻若個猜。熟後雨敲紅玉破。生前烟捧綠珠來。唇脂清淺疑無骨。風味溫柔別有胎。鸚武莫教輕啄碎。擲他年少滿車回。

繡鞋

紅窗睡起奈愁何。輕剪新裁半寸羅。珠纈似花粘曉露。玉尖如笋透春坡。纖纖怯挂秋千索。步步飛拋織錦梭。若使君王教學舞。掌中留得幾分多。

賀友人納姬

仙女吹簫吹下樓。問年十七尚含羞。五銖錢串同心結。百和香殘半臂鞦。鏡裏見人驚却步。夢中索母學梳頭。曉來笑折花枝帶。多子先教採石榴。

賦得宮人鬪草

內家結隊鬪春光。雜坐花茵笑語忙。歷盡夜來金輦路。不禁扇底畫衣香。羞拈遊女尋常種。試問宜男若個藏。莫戀幽藜新候月。後宮卷耳未盈筐。

白燕二首

眉公詩鈔

卷五

七言律

溶溶漾漾若為容。照影翻憐粉黛工。傳信不隨青鳥至。忘機時狎白鷗中。踏殘玉樹晴還雪。飛傍珠簾色似空。別院春光更無限。梨花夜月李花風。紛紛白水滿春塘。淡雨微烟更渺茫。新壘落花紅粉薄。隔樓芳草雪衣涼。舞纈掌上明珠色。零落釵頭片玉香。正是懷人太無賴。五更殘月照空梁。

邀友

模糊新綠欲平橋。載酒迎君路未遙。青雀舫迷楊柳渡。白鷗羣聚落花潮。相看玄鬢交應老。不遇紅兒醉易消。

明日好扶餘興在黃柑斗酒尚相招

頑仙廬

新築黃茆手自編。開窓面面入雲烟。吾衰不羨凌風御。才盡如行上瀨舡。懶向山中稱宰相。偶於陸地作頑仙。出門底是家家醉。剩得青藜數百錢。

城南看桃花

朝落城南好放船。此中風物更澄鮮。家家種竹成村巷。歷歷天桃亂渚田。春氣稍濃新壓酒。花光忽轉薄陰天。無言別去頻回首。渡口漁郎又隔年。

看公詩鈔

卷五

七言律

三

西湖寄陸運使

背琴腰笛入秋林。步步松蘿不厭深。長者喜逢爲地主。客遊肯遣動鄉心。魚腸未售甘稱鍊。駿骨雖枯懶博金。但與尉陀貧陸賈。笑倚紅樹一清吟。

喜雨

長松高枕髮蓬鬆。山雨飛來莫色空。風入天門排象緯。雷翻陰火破鴻濛。黃金布地楊枝露。白壁沉河瓢子宮。不獨清涼解人意。桔槔聲在綠楊中。

古劍

老鉄精靈君未知。截金切玉藕中絲。平生結託豈無意。不灰飛鳴定有時。百道電光離匣走。一條秋水作龍悲。美人欲換休輕擲。宇宙茫茫尚可疑。

題施子野新居八首

空山猿鶴久相安。熟睡松根夢不寒。種竹近添千百個。選筇常得兩三竿。春來幾許新鶯早。草去無多舊路寬。門外隔籬村犬吠。買花船已過前灘。

才背城居夢也安。枝峰蔓壑氣清寒。孤亭直插雲千頃。別館遙通竹萬竿。人擁如花香國近。酒逢對手醉鄉寬。

看公詩鈔

卷五

七言律

四

秋來最愛芙蓉信。先結茱萸在釣灘。

榆柳村墟處處安。春陰更覺北山寒。鑿成芳沼猶餘地。添得新潮釣半竿。野衲負琴松磴滑。麋分席草坪寬。移家經月峰頭坐。不到花開不下灘。

偶設柴扉位置安。日長門靜午餐寒。鶴雛眠處花如雪。燕子來時笋透竿。放入白雲岩竇小。展開青障畫圖寬。忽然清嘯林端發。驚起羣鷗飛過灘。

入門先問竹平安。修竹娟娟晝亦寒。閒掃松陰留藥竈。亂飛花瓣打漁竿。板橋回互投筇險。石路盤旋進履寬。

醉後不妨乘月去。小舟撐出綠莎灘。
草堂聊托一枝安。白月長松起暮寒。人到鳥巢如比屋。
子知魚樂莫垂竿。好花四面帷常下。新柳三眠帶較寬。
風雨收晴春事盡。空香隔斷浣沙灘。

山北山南性本安。澗流清淺薜蘿寒。振衣木末岡千仞。
高枕窓西日幾竿。家釀但容名士飲。酒杯微遜碩人寬。
赤欄橋外青油舫。只在桃花放鶴灘。

小桃折向膽瓶安。侍女開窓罵曉寒。紫燕故衝花。團扇。
青驢遙識酒旗竿。排當座右圖書富。搜剔山陰水石寬。
肩公詩鈔 卷五 七言律 五

新秋六首

夜來秋色到梧桐。片葉分飛禁苑中。鴻雁一聲長塞北。
鱸魚七月大江東。青樓少婦調砧杵。白馬胡兒問角弓。
大火西流寒欲近。授衣誰復念函風。
一片秋聲入野塘。西風簫瑟響寒螿。馬嘶大漠川沙白。
鷹下平原草木黃。疎菊籬邊如待酒。芰荷池上可爲裳。
懷人萬里情無限。隔岸蒹葭夜未霜。
悲秋無奈獨高歌。歌罷其如秋色何。金屋佳人啼素扇。

玉門老將枕瑯戈。玄蟬咽露驚飛葉。烏鵲披星欲渡河。
聞說洞庭湖水澗。朝添新綠漾微波。

西望瀟湘秋水長。大風初捲白雲揚。銀河夜落機中錦。
玉露朝侵陌上桑。螢渡空梁棲燕幕。魚翻靜渚戲蓮房。
亦知此日行吟者。一段愁心挂夕陽。

暮雲縹緲大江邊。搖落秋風又一年。古堞啼烏星欲暝。
荒臺游鹿露初鮮。陰陰樹色遲清夢。杳杳鐘聲兀懶禪。
多少天涯遊子在。劍花凋盡苧衣單。

眉公詩鈔 卷五 七言律 六
門掩秋風正寂寥。荒原落日草蕭蕭。獼猴趁月窺山果。
鳥雀驚人下黍苗。華屋珠簾嬌白苧。疎燈角枕怯冰綃。
閑來偶向前溪口。柳葉菱花一尺潮。

友人花朝納姬

洞口胡麻出水遲。劉郎采藥正來時。綢繆已遂三生願。
窈窕欣逢出世姿。笑啓風奩看照面。戲拈兔穎倩修眉。
東風劇有憐花意。分付封姨好護持。

雪中舞鶴十首

舞鶴曾披鮑照文。雪中妍態更紛紛。碧空搖曳仙人馭。
縞素騰驤君子軍。响作珮環敲夜月。影翻簾幙卷晴雲。

寒鴉。饑。鶻。空。相。妬。雲。漢。孤。踪。自。不。羣。

秋。暮。遙。聞。警。露。悲。凌。風。獨。傲。雪。寒。時。六。花。玉。剪。青。田。翻。

三。樹。珠。繁。碧。落。姿。北。海。霜。鴻。猶。避。翅。西。離。雪。鷺。可。為。儀。

從。今。清。賞。銀。屏。夜。不。遣。紅。兒。按。柘。枝。

彤。雲。黯。淡。景。凄。凄。密。霰。疎。翎。高。復。低。妝。罷。臨。風。梅。墮。額。

袖。長。垂。地。絮。沾。泥。貞。姿。不。羨。彈。珠。雀。清。影。如。調。吐。綬。雞。

聞。說。越。裳。來。白。雉。鳳。池。春。煖。好。同。棲。

雪。花。輝。映。鶴。澄。鮮。上。下。參。差。兩。闌。妍。丘。壑。自。誇。孤。翮。健。

風。塵。不。作。折。腰。憐。竹。岩。墮。响。頻。回。步。茶。竈。飄。香。欲。避。烟。

眉。公。詩。鈔。卷。五。七。言。律。七。

聳。翠。直。憑。高。處。望。何。人。乘。月。刻。溪。前。

九。臯。逸。格。杳。難。攀。更。喜。冰。霜。為。洗。顏。四。望。流。光。真。淡。宕。

一。回。弄。影。亦。高。閑。蛟。人。風。動。寒。珠。箔。羽。客。春。酣。倒。玉。山。

多。少。雕。籠。雪。衣。女。羈。心。空。托。隴。雲。還。

簾。櫳。佳。氣。曉。網。緝。掠。袂。低。鬟。屢。顧。羣。碎。羽。海。空。遙。莫。辨。

清。音。摩。漢。始。相。聞。纏。頭。點。綴。紅。番。錦。酒。翰。淋。漓。白。練。裙。

蕙。帳。依。然。明。月。在。夜。光。休。怨。北。山。雲。

霜。純。冰。繭。疊。輕。茵。有。鳥。來。儀。小。院。春。穿。入。梅。花。搏。素。彩。

撲。殘。瑤。樹。落。香。塵。御。風。玉。洞。有。高。頂。弄。月。珠。簾。影。似。人。

太。史。書。年。方。表。瑞。兩。階。于。羽。莫。辭。頻。

飄。蕭。松。竹。偃。雕。欄。頂。颺。桃。花。只。未。殘。洗。刷。但。教。塵。土。淨。

翻。讎。不。惜。羽。毛。寒。才。絃。凍。拍。雙。飛。雁。玉。鏡。春。描。對。照。鸞。

嶺。嶺。月。明。多。故。侶。乘。軒。雖。好。莫。盤。桓。

瑞。葉。玲。瓏。映。綺。疏。蕭。蕭。仙。侶。戲。庭。除。花。林。索。伴。騰。猿。影。

苦。砌。尋。踪。印。鳥。書。寒。色。離。披。珠。母。帳。春。風。宕。漾。玉。人。裾。

當。年。有。客。呈。鸚。鵡。誰。信。水。山。化。子。虛。

兔。園。春。動。物。華。新。雪。羽。聯。翩。顧。影。頻。欲。逞。華。姿。金。駟。翅。

不。禁。寒。豔。巧。迴。身。電。飛。俠。骨。雙。丸。劍。風。卷。蠻。腰。獨。步。塵。

眉。公。詩。鈔。卷。五。七。言。律。八。

殘。毳。一。庭。如。積。葉。莫。教。齊。付。掃。花。人。

端。午。日。白。龍。潭。同。楊。校。書。侍。兒。青。綃。甘。首。

楊。家。女。史。字。青。綃。定。是。花。妖。與。月。妖。行。酒。不。辭。呈。素。手。

邀。歡。微。覺。帶。紅。潮。醉。拋。團。扇。眠。難。起。斜。倚。闌。干。眼。橫。桃。

只。恐。鳳。凰。飛。欲。去。莫。教。天。上。引。吹。簫。

少。小。情。痴。便。解。桃。半。疑。神。女。半。疑。妖。司。空。座。右。曾。拈。拂。

蛟。客。宮。中。共。織。綃。青。雀。舫。依。春。種。柳。白。龍。潭。長。夜。來。潮。

含。情。獨。立。愁。無。限。何。處。月。明。吹。洞。簫。

等。閑。猜。作。女。中。妖。洞。口。曾。聞。度。碧。簫。盼。盼。無。心。歌。豔。曲。

真真幻影下生綃射人精彩多明媚回睇微茫在暗挑
見客詩成忙洗硯百花潭底汲新潮
不教仙人尺八簫烟花部裡獨稱妖蛾眉畫影如新月
雀舌新絃似候潮小比肩時私送約大垂手處冷相挑
何時走馬新堤上脫却青綃換紫綃
劍俠英雄不近妖無情却被有情挑直前巧賣千金笑
短後偏宜一幅綃洗盞水清兼弄月薰衣香透不生潮
箇中深癖難描畫新粉無瑕白玉簫
戲弄蘭湯似弄潮燃花黯淡莫粧挑帳粘百蝶撩春夢

眉公詩鈔

卷五

七言律

九

曲引雙鸞咽夜簫密吐纏綿留好伴懶施羅綺鬪羣妖
老夫自有崑崙手不用傳書托素綃
天生姿媚十分妖不學吹笙不弄簫似爲乞書拖白練
何須試舞媚紅綃榴花着意含風笑鸚武隨頭帕客挑
誰借五絲長命縷縮他船住莫乘潮
紅兒兼帶雪兒妖留取尊前弄紫簫五夜欲闌催燭搖
三分露醉背人挑風生蘆葉新冰簟汗滴桃花舊雪綃
願得歡情俱定准幽期恰似往來潮
聽得隣舟已罷簫隔簾喚出小蠻妖醉鄉縹緲誰同夢

酒政精明不暇挑公子風流偷解珮夫人露坐勸添綃
飛觴促板更籌急月落空潭欲上潮
人說妖姬果是妖白蓮出水復迎潮若非曲誤何緣餽
別有心招不借挑好舞魚腸三尺劍輕籠蟬翌五銖綃
何人能捨珠千斛擲向韋家換玉簫
朝乘雲去暮乘潮洛女湘君不是妖捉臂共傾蕉葉酒
瘦腰無奈藕絲綃錦衾六六鴛鴦宿玉串雙雙燕子挑
眉眼低迷多睡懶惱人清夢一弦簫
阿環重見馬嵬妖彷彿當年子夜簫白袷玲瓏親浣濯

眉公詩鈔

卷五

七言律

十

彩毬旁落解勾挑欲裁明月爲紈扇不剪飛霞作豔綃
別後雙魚書一紙秦淮江上正通潮
白門紅板漸平潮儂比垂楊儂更妖豪客有心將劍換
少年無賴柳梭挑批把花下吟佳句桃葉渡頭吹短簫
醉後思家留不住倩誰同挽紫霞綃
家家絃索雜笙簫獨鶴扁舟盪夜潮回熟不遮雲母扇
月明難辨水晶綃天生太白非施粉帝賜樵青豈是妖
願學江心新鑄鏡朝朝形影鏡中挑
短衣擊鼓勝長綃花朵交飛滿座挑皓腕索擊金鳳劍

朱唇徐接彩鸞簫。兼人飲量能吞月。一道眼光堪射潮。
自古偏師多取捷。縱然閨秀不如妖。
迎烟籠霧月中簫。樂未央。今夜未潮。寶鼎細飄香篆。縷
紗窻。新網水紋。綃送來。半臂難開。習結得同心。未忍挑
燈影。朦朧情恍惚。明知侍女也疑妖。
雪鷗點點拍空潮。炙罷笙簧復挂簫。生怕貴遊偏落落。
故填公子太挑挑。丰态香艷能驚座。酒德溫柔也勝妖。
疑是傳書王母使。一雙青鳥化青綃。

綵鷓紛紛競渡潮。吳兒不及女兒妖。尋常梳裡拋新樣。
眉公詩鈔 卷五 七言律 十一

取次排當着舊綃。艾葉小荷輕貼髻。葡萄文錦恰囊簪。
當筵未必真心死。司馬休將綠綺挑。
蘋末風生柳外潮。解衣盤礴對吹簫。買來荆玉難酬價。
燃盡溫犀不照妖。第一條絃吾已斷。十三行賦汝堪挑。
幽情多寫鮫綃上。但浣溪紗莫浣綃。
羞向秦樓度曲簫。偏隨鷓鴣拍空潮。一學柳葉眉如畫。
數點梅花指上挑。才及飛觴先惡戰。未經對壘半藏妖。
夜來何處逢行雨。濕盡黃衫復絳綃。

贈妓

翰墨姻緣豈有私。舊知畢竟勝新知。短衣搥鼓人人快。
團扇揮毫字字奇。身似鵲枝三匝樹。曲如蚕吐一莖絲。
目前才藝直無對。映帶何須借侍兒。

壽杜太司空

紫芝眉宇帶烟霞。青瑣當年號辟邪。讓路轉崇人地望。
筭程差勝客天涯。東京西京王者氣。北斗南斗神仙槎。
心事如冰門似水。一尊臘酒對梅花。

元旦卽事

歲朝雲物報新晴。簷柳芳菲啣曙鶯。老去種花扶後輩。
眉公詩鈔 卷五 七言律 十二

閒來開卷認前生。何年救世佛出世。却笑無名公有名。
昨夜東隣赴春社。野人爭席子孫迎。

柳塔玩月

碧天如洗淨氣埃。萬里秋光明鏡開。湖勢欲浮金柱去。
濤聲忽擁玉環來。微茫雁影雲間沒。縹緲漁歌海上迴。
我欲憑虛吹篳篥。列真舉手一徘徊。

答范光甫

眼底風波夢亦驚。桃花何處可藏名。三秋病骨耽支枕。
千古雄心付濯纓。吳市弄簫山石裂。嚴灘釣月海潮生。

他年少伯功成後與爾平分白鷺盟

登山

雨後登山老未便。澗流河汨短筇邊。桐花欲落不盡落。幽客已眠仍未眠。六月凍雲鋤不去。數聲乾鵲為誰傳。晚來置酒荷亭下。仄果排當沸管絃。

馮咸甫竹素園

三徑蓬蒿雨後平。亞枝楊柳不驚鶯。乞來新竹初成圃。望去莓蕪欲上城。香裡麝魚食綠字。雪中野鳥啄黃精。日長著就千秋業。支杖衙門閱耦耕。

眉公詩鈔

卷五

十一

送武夷朱山人移居廣陵

自笑齋遊五岳糧。武夷何必便吾鄉。宅臨楊子濤聲壯。名借朱家俠骨香。淮苑清風空老桂。隋隄明月遶垂楊。家貧携得牛腰卷。還喜能堪鶴背裝。

壽周繡海

歸來卜築近南城。斗酒名花老弟兄。數畝經營成竹塢。六時功課付茶鐺。手披圖史神偏玉。骨帶烟霞夢亦清。五十何人婚嫁畢。尚平應是汝前生。

壽張後軒

生來道骨自蕭疎。七尺修髯畫不如。曾進神仙橋下屐。尚留小酉架頭書。竹窓永夜聞絃誦。花徑長春獨掃除。平子老耽詞賦癖。可無佳句賦雙魚。

壽司理茲勉

竹馬兒童迎下車。使君風節正懸魚。但教澤國垂棠蔭。甘向官齋飯草蔬。執法猶開三面網。焚香欲飽十年書。只今已是神仙吏。道骨清虛鶴不如。

壽尹兵尊

誰云蜀道與天齊。直接東南桃李蹊。武庫久開儒將略。軍聲能止小兒啼。六丁擁衛行空馬。萬甲奔騰掣水犀。滄海不波嚴鎖鑰。何如函谷一丸泥。

壽杜封公七十

世業城南尺五天。掖垣花映彩衣鮮。似開丹穴春申浦。恰捧綸書建亥年。潯沐恩華明主賜。逍遙真訣至人傳。祝觴漫進鳩頭杖。鶴背洪崖與拍肩。

壽張憶塘

清流曲曲柳塘斜。憶得人傳孝友家。種秫山田供釀酒。積書土室雜栽花。嶺梅傲晚香生艷。庭樹長春玉吐芽。

醉客滿堂齊度曲。燈光月彩闌年華。

壽陳使君尊公

褰幃問俗到官衙。風物清和晉永嘉。莫夜無金門似水。長春有酒棗如瓜。試供首筮盤中饌。何似河陽縣裡花。自是元龍樓百尺。談經好坐絳帷紗。

壽友人

眉稜紫氣映雙瞳。綵袖翩躚杖履中。揮指尚思騎竹馬。比肩俱作看花翁。心閒未許催頭白。顏少非關借酒紅。玉樹滿庭書滿屋。漫將絲管咲春風。

眉公壽少

卷五

十五

壽節婦

白首孀居影並憐。弄孫抱子摠悽然。春衣縫線每深夜。晝錦稱觴如有天。夢斷保孤存趙日。恩餘垂老報劉年。明朝女史誰椽筆。好記雙清冠簡編。

壽孫母

八十欣逢九十春。春宵又值月華新。麻姑曾否留長爪。繡佛還應是後身。紫燕黃鸝歌進酒。天桃穠李錦為茵。綵衣綵筆兒孫盛。眼見堂前盡鳳麟。

壽天台雪堂上人六十

赤城蒼靄曉網緼。中有高僧禮誦勤。貝葉字穠無盡藏。雜花林擁吉祥雲。毒龍降鉢嘗為伴。老鶴巢松自不羣。初賜紫衣還賜號。靈岩鐘鼓已先聞。

壽友人七十

七十直如百四十。秋風未點鏡中霜。著書飽食神仙字。禁酒高餐北斗漿。不剪蓬蒿張仲蔚。猶餘詞賦魯靈光。年來何慕淮南隱。叢桂堂前漸吐香。

壽友人

花飛香雨點衣裳。大隱人推通德鄉。門巷多迎長者轍。姓名不借少年場。千秋第杖裝鳩玉。五色斑衣列雁行。醉後更誇雙鬢在。春風却掃鏡中霜。

又

蜀江秦棧動鄉心。猶喜高堂雪未侵。君子六千爭獻壽。關河百二盡謳吟。齊眉案有長春酒。洗耳門無暮夜金。華頂蓮花潭底月。鳳笙吹徹碧雲深。

陝西楊中丞尊人雙壽

黑頭幕府擁專城。萊彩堂前晝錦明。北極星懸中執法。西方月殿兩長庚。烏臺栢葉風霜古。鷓鴣葡萄酒盞清。

大華峰頭通帝座。雲中笙鶴好相迎。

送王辰玉

岐路徘徊淚欲潛。臨行細雨菊班班。秋深霜煖未聞雁。日落草枯惟見山。幾向斷橋鞭款段。何時修竹坐潺湲。欲知別後愁如許。滿篋新詩爲爾刪。

贈友

送君新擁蓮花幕。把袂春風楊柳嬌。清節一生知砥礪。明時三錫重賢勞。潯陽江上潮初折。瀑布聲中月正高。他日欲從蓮社去。爲余先記虎溪橋。

眉公詩鈔

卷五

七言律

十七

又

北山新綠吐朝暉。有客行歌到竹扉。文字膽能探虎穴。英雄睡熟釣魚磯。智如流水何曾腐。肉未生髀尚可飛。慚愧臥龍頻下拜。龐公老矣是耶非。

又

十年同舍先揆席。一疏歸來獨考梁。羽翼苦心成蔗境。絲綸老手付蒲團。徵求山海黃金盡。涕淚乾坤白髮寒。珍重清朝濟時者。人言耆德在甘盤。

又

小春節物過重陽。忽載黃花到草堂。秋色一籬猶是綠。孤松三徑未全荒。茱萸帶紫自成釀。楓葉初丹覺有霜。莫向樽前辭酌酹。詩人自此夜偏長。

壽某母

曳月簪星下絳霄。銀罌金管奏笙韶。西池半度歌黃竹。南岳相迎贈翠翹。玉樹承漿甘露色。錦衣飄彩碧桃嬌。書堂三月開歌席。九十春光正未遙。

贈山僧

閒人天許賦閑居。不是搜山便決渠。洗出石根通薛磴。盤多磗曲露茅廬。掌中施食來馴鳥。松下敲門見異書。一室掃除塵世想。回看未及鶴清虛。

眉公詩鈔

卷五

七言律

十八

贈張孝女

穠華桃李拜新粧。纔聽車音已斷腸。不是紅顏嗟薄命。祇因白髮戀高堂。三春楊柳啼烏鳥。一縷簫聲咽鳳凰。題罷碧紗吟望處。夕陽冉冉鏡臺傍。

嘉平風雨李道生過訪歸時適聞京師大創奴虜賦贈此詩浮以大白

士神交膽易傾。少年江左早知名。憂時忼慨空長嘯。

談藝縱橫接短兵。瘦骨恰同霜鶴健。歸心無定雪鴻輕。都門傳報新奇捷。酌酒梅花和太平。

送蔡禮卿之嶺南

鷗弓鵠印獨橫門。年少江東久著名。不獨韜鈴無對壘。從來詩句亦連城。寶刀寒射蓮花幙。神馬騎嘶細柳營。骨合封侯頭未白。雄心直欲請長纓。

橋李丁烈婦伏劍殉夫。士大夫卜壤葬之。拜墓之後感而賦此。摠六首。

歌罷招魂調轉哀。傷心今古自徘徊。等閒白骨成秋草。

眉公詩鈔

卷五

七言律

十九

獨黃金築夜臺。照鏡孤鸞隨影盡。讀碑下馬幾人來。雙旌莫遣經新墓。怨霧愁雲黯不開。孤墳半畝枕蒿萊。一點冰心若個猜。老樹叢祠狐竄泣。百花香土鳥啣來。好同幼婦江邊石。不作秦王劫裡灰。寂莫千秋誰弔古。短衣白髮掃蒼苔。伏劍從夫亦太奇。清風百世汝真師。鏡分地下終當合。兵解人間未可知。名士如雲爭上塚。使君不日起專祠。玉鳧金雁豪家墓。仆盡空山没字碑。蕭條露屋度年華。女史何曾授大家。不分紅顏輕白叻。

却勝青塚怨黃沙。血痕黯淡凝啼竹。燐火微茫照積麻。松栢凌寒高百尺。嚴霜休打女蘿花。撮土雖新骨尚香。行吟到此盡沾裳。劍花血濺千年碧。墓草陰迎六月霜。正氣豈能驅魍魎。清魂春不化鴛鴦。道旁古塚壘壘者。誰采溪蘋薦一觴。少年慷慨激頰波。慕編今朝勝綺羅。有鳥求凰別未侶。生男如虎不如他。英雄半向烟花死。仙骨須知節義多。化鶴夜歸華表上。令威消息恐蹉跎。

暮春作

眉公詩鈔

卷五

七言律

二十一

一春風雨頗支吾。花事于今近有無。童子捲簾通燕燕。先生中酒唱嗚嗚。春深客饌供櫻笋。水落魚竿挂荻蘆。莫笑迂疎貪閉戶。誤人頭白是陰符。飲沈司馬節旄零落厭時名。白髮黃柑酒暫傾。下士不辭虛左見。何人堪入汝南評。臥龍歌罷悲風起。羅雀門深夜色清。相對一燈憐晚節。梅花籠月散高城。送友人之金陵二首芙蓉初綠蟪蛄啼。霜滿蒹葭月滿溪。樹裏白雲宮闕迤。

夢中紅樹酒帘低。人當別處吟。偏劇馬。識曾遊路不迷。
遙想秋風登賦日。松陰十里。孝陵西。
西風送客出旗亭。搵手臨歧。酒易醒。江畔疎楊。帆底露。
石頭新雁。月中聞。環橋冠帶。今園壁。繞關關。河舊漢京。
總是鐘山多紫氣。秋深應念九峰青。

題餐霞館

空山伐木鳥相求。卜築東岩枕一丘。落日倒懸紅寺影。
清泉洗出碧苔秋。客筇點處真如畫。仙館憑虛不用樓。
我欲飽餐霞五色。人傳笙鶴在峰頭。

眉公詩鈔

卷五

二十一

月明睡起閒步庭中

窈窕簾櫳曲綠林。空山寂寞漏偏長。秋生幽徑蘭芽長。
雨過柴門稻葉香。小睡片時游渾沌。閒行幾步納清涼。
凭闌却笑南華叟。蝴蝶飛飛徹夜忙。

和周公美感時之作

竹簾清涼松徑幽。傳來時事亦關愁。浮名何苦車生耳。
解語翻嫌石點頭。黃鳥聲中分夢覺。白駒隙裏快恩雠。
若逢棋局何須着。收拾樵柯去便休。

贈梅巖道人

論來塵劫度年華。仙府詞臣第一家。五岳風高踰綠髮。
六銖衣繞繡丹砂。新詩帶月題蕉葉。清嘯隨風入澗花。
骨相從看似仙鶴。終將野性傲烟霞。

和沈司馬純父

英雄垂老未藏名。甘藪深心向客傾。樵牧誰收文苑傳。
聖賢還付酒鄉評。老梅約束香中韻。凍月虛驕格外清。
自倚冰霜諳歷盡。不愁寒色動江城。

題侍御小輞川二首

經營輞口廿年餘。山轉溪迴不得車。石上松枝高士塵。

眉公詩鈔

卷五

二十一

樓中薙髮列仙書。垂楊大道春調馬。綺樹清流夜網魚。
月白歌鐘催進酒。名花百隊擁塔除。

家去園無百尺餘。登臨猶自上巾車。青山有政修僮約。
衲袖含香捧道書。看竹客馴脚字鶴。採蓮舟引聽歌魚。
王裴底是偏耽寂。花落花開獨掃除。

贈慧解上人

買得好山常苦出。少年羨爾獨安禪。閉門锄草不辭倦。
對月談經曾未眠。藥竈夜留桑柘火。草堂秋澹菰蘆烟。
穿林有伴携琴至。聽到松風第幾絃。

送董原道

才子將車向北平。故人相送五茸城。莫因雨雪愁行路。聞說關門暫解兵。春草暗隨殘黛綠。梅花時傍薄雲明。董狐原是千秋筆。此去知君賦鹿鳴。

招沈玄成結夏

山深日色不到地。樹老陰濃高刺天。鶴叫島池攢怪石。花撩窻戶映飛泉。偶翻古帖摹青李。閒放輕舟采白蓮。君若入山同結夏。竹風松月共床眠。

君策山居問水和張太史韵二首

眉公詩鈔

卷五

七言律

五言

經春不到浣花居。聞說幽居畫不如。山起濕雲驅宿鳥。水分崩石界游魚。參差在澗芙蓉暗。豁達鈞簾竹樹疎。洗耳枕流君亦得。不妨長揖臥田廬。岩扉隣並喜從君。山北山南水不分。風雨迷離沉鳥道。溪花狼藉打鷗羣。釣槎狎坐懸崖樹。枕簟寒生別島雲。何日秫田新酒熟。醉眠松底話斜曛。

送項東鰲入觀

青年鳧鳥影翩翩。仙令華亭度紫烟。縣底依然桃李色。囊中幾賦筆花篇。朝天重拍一雙鶴。指日還調十五絃。

共說張華今入洛。劍光高逼斗牛邊。

咏漁 三首俱用八音體

金鈎釣得錦鱗歸。石上磨刀月滿衣。絲網卷來蘆葉畔。竹竿放在蓼花磯。匏尊有酒君須醉。土竈無風火自飛。革盡世間塵俗事。木頭為枕夢魂稀。

咏樵

金焦山色大江邊。石壁千尋一片天。絲網落花蟲子細。竹搖秋雨谷聲連。匏瓜當境逢新鹿。土室生烟臥老仙。革去人間幾番夢。木根挑盡白雲還。

眉公詩鈔

卷五

七言律

五言

金谷花明日正長。石床冰簟碧梧涼。絲成保障開雲錦。竹劈簾簾吐鳳凰。匏葉蕭蕭綠水岍。土花點點綉山堂。革除俗事惟書史。木几間披一兩行。

走馬燈

三五春烟月倍明。忽驚烽燧起龍城。騰空巧借旋風色。搏影真標掣電名。甲騎聲沉如有伏。關河永夜不停征。太平玉燭胡塵淨。寄語將軍莫請纓。一夜俄驚萬竈明。軍中斥堠接連城。虛空閃出旌旗影。

咫尺難分部。曲名疾走玉關愁。暗渡飛來鏡騎。償宵征。明朝報道風烟息。誰與將軍去請纓。

贈醉茶居士

山中日日試新泉。君合前身老玉川。石枕月侵蕉葉夢。竹爐風軟落花烟。點來直是窺三昧。醒後誰能賦百篇。却笑當年醉鄉子。一生虛擲杖頭錢。

朱修能別去三載冬日携仲氏過訪夜酌感賦

一別三年到草堂。相看驚嘆鬢毛霜。擁爐酌酒深深醉。勒凍梅花緩緩香。十里寒潮不登岍。五更落月欲為霜。

眉公詩鈔

卷五

七言律

三五

天涯去住難為計。蕭瑟西風驅雁行。

鏡中燈

蓮炬菱花共照臨。風呼不動影沉沉。一池鉛水鎔真火。半夜金星犯太陰。翠袖拂塵紅焰冷。香奩呵霧碧光深。任他來往飛蛾撲。難滅靈心一點明。

賀友人七夕得子

南極祥光照綺疏。充閭佳氣繞懸弧。藍田仙種懷中玉。合浦鮫投掌上珠。令節雙星牛共女。清商一曲鳳將雛。醉盤笑語真如畫。添入璇閨百子圖。

逢辰玉卮陽道中

秋陰薄暮起城隈。如雪蘆花漁笛吹。閒我穆如風裏坐。逢君莞爾日邊來。寒塘春水看調馬。細雨芙蓉好上臺。輞口依然雙艇在。隔溪鷗鳥莫相猜。

送馬參戎

吳鉤如雪照行裝。直指蛟川客路長。揮塵坐傾天下士。飛書夜逐海南王。春風馬帶桃花紫。落日營開細柳黃。聞說東方新建燾。何須洒洒祭天狼。

壽賀伯開三首

眉公詩鈔

卷五

七言律

三五

歸來風月未全孤。不學黃冠乞鑑湖。小宰權衡參六典。大人辭賦勝三都。清商曲引將雛鳳。孝義門栖反哺烏。逐客中原頭半白。誰耽著述老潛夫。憂時抗疏欲回天。高臥蒼生不記年。野老相逢推祭酒。英雄高蹈即神仙。一門孝友誰為政。八代文章別有權。却笑知章歸計晚。白頭方乞鏡湖烟。日日瞻雲憶故鄉。賜歸真覺主恩長。名山桃有三千實。別業家無八百桑。大酉深藏書滿屋。長庚遙對酒盈觴。充閭咫尺浮佳氣。掌上明珠是夜光。

壽于谷峰

谷城橋畔石門斜。此是山中宰相家。有客半傾天下士。無園不獻日南花。金瓶夢卜歸調鼎。玉殿談經憶賜茶。谷理喜逢黃髮在。秋風霜髮未全華。

送王尚寶遜之北上

蕙蘭風轉草網緝。此際王孫別路分。新向鳳池誇振彩。舊曾麟閣畫遺勛。兩行燭引桃花綬。五色泥封雉葉文。有詔自天頒寶冊。少年承寵不如君。

送州尊丁內艱

肩公詩鈔

卷五

七言律

落水蕭蕭咽暮蟬。悲歌相送淚如泉。誰知一鶴隨行日。失却慈烏反哺年。南國雨深棠樹影。北堂愁絕蓼莪篇。千秋遺愛穹碑在。擬共羊公峴首傳。

寄蕭觀察于西湖

菊花楓葉滿河干。旅宿空山付考槃。各姓故應垂竹素。兵符何似老蒲團。身違日月心猶熱。手卷風雷夢亦寒。使者近聞求故劍。莫因秋水戀漁竿。

新柳十首

新生楊柳舊生沙。柳綠沙青欲聚鴉。小立春風聞香草。

護持濃艷待桃花。漢營十里黃雲淡。楚國雙娥翠黛斜。當此柔條不相惜。直教搖落怨年華。

輕暖輕寒曉氣冥。柔枝楚楚水泠泠。宮墻未遣花如雪。客店先輸酒似澗。婀娜含風騎白馬。參差籠月落紅亭。年來怕見陽關路。三疊新聲乳犬聽。

翠條金穗舞娉婷。野渡津頭驛外亭。啼鳥踏來枝太怯。春風扶起態沉冥。黃河水破初回綠。紫塞沙寒不放青。此日深閨遊子婦。只愁飄泊逐浮萍。

肩公詩鈔

卷五

七言律

滿城疎柳帶殘星。含顰眠化仙人碧。入畫眉添京兆青。如此纖纖可憐色。誰言垂老望秋零。

東風淡宕影徘徊。劍態凝愁傍落梅。疎翠護枝披早靄。縱黃粘凍候新雷。此時稽鍛陰全薄。幾夜羌吹花不開。依舊西京春月色。何人走馬過章臺。

新曆陽和變歲寒。帶圍減盡懶加餐。建章宮曉春暉動。大液波渾雨雪寬。碧水纒絲初放繭。綠雲欹髻不勝冠。綉窻紗外簾籠上。非霧非烟仔細看。

半含殘黛半輕黃。腰瘦自纖總斷腸。甲破漸分榆火碧。

芽肥欲關乳。茶香雖然離別難。板折得似風流漫學狂。
曾憶年年芳草路。嫩寒搖曳酒旗旁。

物候驚春土脉和。未關寒食已娑婆。輕勻霜後黃柑色。
清淺蘊頭綠酒波。翡翠簾虛烟半織。鷓鴣聲凍雨無多。

洞橋車馬頻回首。一片青青奈若何。

正可驚陽氣色。眩茫微綠破新痕。漸舒密葉藏黃鳥。
誰道韶華到白門。隔歲冰霜將共保。逐時桃李儘紛紛。

先生高臥春風裏。烟外旌旗未可喧。

泥融沙漲雪痕消。到處芳菲着舊條。隔水半藏青雀舫。

眉公詩鈔 卷五

七言律

十五

迎風斜倚赤欄橋。樓頭人醉初橫笛。滿口春陰不上潮。
陶令柴桑歸去久。五株門外已飄搖。

泛柳登塔四首

明河秋水浸長天。倒影奔流瀉百川。地脉虛空澤色界。

波光搖蕩入村田。江青霜氣酣紅葉。月暈寒潮吐白烟。

醉後乘潮弄歌去。浪花不動老龍眠。

湖上扁舟酒一瓢。蘆花影裏水雲遙。風吹大澤生陰火。

天上平沙斷野橋。神女弄珠乘夜月。支公飲馬浴春潮。

茫茫烟雨無尋處。鷗鳥飛來欲聽簫。

寺門楊柳聚棲鴉。塔上寒燈落葦花。水月平臨空作觀。
烟波灩澦繞樹爲家。鐘殘鳥食施荒草。日午龍髯曝暖沙。

一片石臺秋色裏。老僧時出浣袈裟。

四面空波捲大荒。洲中有寺繞垂楊。水扉風送青蕪色。

石塔烟籠百寶光。虹氣吸雲疑海市。神燈騎浪渡魚梁。

臨流無限懷人意。愁殺蒹葭一夜霜。

題不繫園

西湖誰與開生面。不繫園收不斷雲。翠壁丹崖天宿構。

黃鸝綠樹木平分。捲簾花撲雙魚珮。顧曲香飄百蝶裙。

眉公詩鈔 卷五

七言律

十五

金谷玉津成往跡。虛舟一葉總輸君。

閏六月望夜半立秋茗葦菴作

十五初迎夜半秋。涼颺剪剪弄溫柔。梧桐一葉落不落。

絡緯數聲幽更幽。生計未能營兔窟。俗緣漸已割鴻溝。

藏書竹篠東偏屋。付與兒孫住兩頭。

咏虞山星壇七槍

禮斗壇空風雨聲。歲寒千古自崢嶸。仙人刷杖雲根斷。

山鬼憑枝霜影清。鬪罷怒龍髯半脫。飛來靈鷲石初橫。

支離老狀君休笑。縱有秦官不受名。

題二陸祠

積翠遙含最上層。草堂殘壁半垂簾。一時兄弟真豪士。千古蘋繁但老僧。松偃空壇巢野鶴。客留深竹話孤燈。明朝又有黃花酌。山下扁舟到未曾。

送王辰玉北上

出門莫問踏寒沙。只尺春風候物華。三月啼鶯頻勸酒。十年騎馬始看花。文章真合題黃絹。姓字從教護碧紗。醉領六街絃管月。思親還道不如家。

送陶大冶入武林

眉公詩鈔 卷五 七言律 三十一
澎湖蘋綠正堪漁。靈鷲山頭又卜居。終日提樁南郭子。半生種樹索馳書。石橋臥月吹猿笛。花徑逢人下鹿車。爭唱西湖柳枝曲。五株門外莫教疎。

美人上北邙

天桃籠錦柳籠沙。素髻輕粧上寶車。露彩香收蚕子葉。風光淚損馬騰花。金盤膏翠分鬟鬢。玉壓纖羅攬帶餘。日暮春情滿歸路。隔簾舒手摘新茶。

秋夜對友

城隅黃菊杜門時。不是深秋也自悲。珍重故人雞黍約。

凄其風雨菊花枝。蟲經霜氣頻啼夕。酒通村瓢進餉遲。相對藜床燈燼落。為君三咏伐檀詩。

壽汪太公九十

蒲肩雪髮老南華。九十春光日未斜。鳩舞杖頭啣綠玉。鶴隨屐齒啄丹砂。新詩帶月題蕉葉。清嘯吟風入澗花。長飲一杯無吏水。不須洞口問胡麻。

壽張陽七十

及肩短髮雪初齊。日日春風桃李蹊。居似梁鴻廊廡下。人如張緒掖垣西。駐年白石傳靈訣。按曲紅兒記舊題。

眉公詩鈔 卷五 七言律 三十二

老去正憐詞賦力。酒錢常掛手中藜。

送愷元北上

深林好鳥唱提壺。一路風光愜壯圖。白雪絮晴飛燕燕。紅亭道古聽鳴鳴。日斜旅邸惟櫻笋。夢入鄉城半荻蘆。直北羽書連歲月。思君囊有舊兵符。

送吳開吳北上

寥廓何曾問稻梁。出門隨意點行裝。有書盡食神仙字。乞火蒸分太乙光。賦就尚書供筆札。臚傳宮妓卷衣裳。馬頭花底春如海。醉度朱樓笑語香。

秋日陳叔典過訪泖橋澄鑿寺投詩見贈倚枕答之

修竹孤燈晝掩關。烟蘿小閣懶躋攀。書因病勒重增病。客到山多不住山。黃葉樹欹門外影。白頭僧伴鏡中顏。相逢莫放漁舟去。明月蘋花有釣灣。

山中作同沈孺休孫世聲

鹽輿遊倦便貪眠。彝鼎圖書自在緣。洗耳尚逢高士笑。折腰肯受小兒憐。白駒空谷花迷路。黃犢盧邊稻滿田。雪色後槽新壓酒。客來不費杖頭錢。

肩公詩鈔

卷五

七言律

七

唐李陶過訪并投新詩山中答謝且訂後約

衡門風雨燕差池。冠劍何來佩陸離。秣苑縱橫無碍辨。醉鄉唐突有情痴。一瓢詩就憑誰賞。百尺樓空得我遲。早晚還期同信宿。莫教先勒北山移。

病僧

秋老終朝不出戶。蕭然晏坐一繩床。修眉遮眼漸堆雪。破衲擁肩如帶霜。却粒每餘施鳥飯。寫經兼錄衛生方。尋常幻質曾窺破。懶集同參禮藥王。

寄文寧祭酒

護竹條桑一畝宮。門庭蕭寂古人同。息當六月風斯下。名在千秋日正中。笑倚好辭黃絹婦。醉噴能忍黑頭公。年來袖却絲綸手。何處看山挂短蓬。

韻答謝

雨過山青畫不如。空山誰解問幽居。茗甌數點浮花乳。蕉葉一窓供草書。樹底科頭調舞鶴。池邊麈尾戲游魚。葵榴媚眼喜陽綠。拚向先生兩髻疎。

借嘯民下山同泛嘯民善嘯

肩公詩鈔

卷五

七言律

七

下山迴棹晚風和。扇底魚吹樹底波。欹枕臥看山氣好。焚香靜覺鳥聲多。青天渺渺仙人嘯。白石粼粼漁者歌。歸去只愁車馬路。板扉何日長深蘿。

壽吳蘇臺

菱荷衣冷葛巾斜。人說當年季子家。片片青山落君手。年年白髮賣烟霞。杖頭錢挂千千酒。籬下菊留重九花。來去扁舟有秋水。逍遙不復讀南華。

壽石門山人八十

石門三月晦日生

九十春來八十間。萬峰遊到幾峰灣。醉扶七尺過眉杖。

寫出千金沒骨山。道骨養成孤宦健。禪鋒摧倒老狐頑。
一龕願與先生共。松火藜床畫掩關。

送別彭仙翁

三十五年前送別前人送者後應稀。重來喜得顏如昨。
老去恨無山可歸。龍性少馴終受養。鶴裝多載恐難飛。
神仙定有清虛路。不問騰空問息機。

夏日夢游蜀中諸山枕上作

崎嶇蜀道恨迢迢。夢裡遊來未覺遙。卓地怪峰攢劍閣。
橫空雙峽駕繩橋。龍藏洞壑飛霜電。猿飲江潭掛樹條。

眉峽詩鈔

卷五

七言律

五五

一餉曲肱行萬里。醉來風撼許由瓢。

秋日宿澄鑑寺

九月食新真有福。經年高臥類無情。靜聞僧起鐘初定。
夜覺漁喧浪未平。壁上霜枝橫曉月。庭前秋鳥弄春聲。
但餘數畝皆空水。不習枯禪夢也清。

水西園咏懷

歛息微吟過此生。丘園終遠世人情。有時酌酒春風裡。
忽憶啼猿楚峽聲。一卷未拈先夢境。千秋自在豈詩名。
徘徊日暮孤城下。槐榭花香池水平。

姚孟長廬墓

乾坤踟躕敢安眠。一把黃茆枕墓田。孺子但言耕稼事。
門生都廢蓼莪篇。木雞望去何曾闕。金馬拋來不受憐。
哭罷白楊風夜起。蕭蕭葉打破窓前。

賀友人舉子

桃花初實笑東風。喜並宜男綠一叢。曲度將離人似鳳。
駒名汗血羗爲龍。星分帝座瑤光滿。玉繞公閭瑞氣充。
欲識他年王謝種。懸弧今日射雙虹。

夏日集友人齊限韻

眉峽詩鈔

卷五

七言律

五五

爽氣西來六月寒。石床冰簟赤雕闌。醉鄉無稅宜高枕。
勝客清言不着冠。天地但憑藜杖老。世情還屬槿花看。
懷中明月須珍重。白首論文自古難。

馬上郎

流星一道馬蹄輕。馬上窺來分外清。拍手頻呼闕草伴。
回頭只聽賣花聲。櫻桃未坼先愁露。蝴蝶交飛巧弄情。
近欲挂幡神女廟。賺他偷見小時名。

題經武堂

珠幢玉節錦爲車。衛霍當年似不如。生縛名王編部伍。

直教廝養破宮廬。管開細柳鳴鶻箭。幕擁桃花絕羽書。
盤府籌庸真異等。襁中兒亦佩金魚。

王叙齋頌與成見訪山中

柴門車馬爲誰喧。下榻高談盡日歡。笑我風流丘壑相。
對君側着鹿皮冠。山中芝草闌杆長。石上松陰空翠寒。
記得晦翁詩句好。一川明月要人看。

眉公詩鈔

卷之五

眉公詩鈔卷之五

終

眉公詩鈔卷之六

五言絕句

春日

飛瀑界桃花。幽雲幕修竹。門外無人聲。床頭有書讀。

山居

屋在嶙峋上。人宜澹宕中。每逢花信至。如意一枝筠。

秋色二首

新雁已橫江。尚覺秋陰重。舉世大槐宮。焉論醒與夢。

其二

飛瀑白于雲。泉清石根冷。道人晚開門。十里松杉影。

雨中泊烟雨樓

烟雨織河光。半露垂楊樹。却咲來遊人。翻因烟雨去。

新夏

細雨滴梧桐。新枝覆新葉。露頂涼風前。雙鉤青李帖。

聞鶯

風光尚冥冥。黃鳥啼不住。借問隔牆僧。曉來聽也未。

吳師明臘月雙壽

月白人吹笛。山青鹿叩門。梅花新壓酒。迎取眼前春。

送僧入雲棲

錢塘羅剎潮。吹汝肩上錫。雨過踏春山。泥印闢虎跡。

贈無瑕上人

寶劍繡不飛。化作長虹影。霜月照禪床。何如缺衣冷。

贈玉湖漁父為周叔隱高士作四首

風風雨雨中。新得老漁父。長嘯不驚甌。花溪蕩雙楫。

其二

月出浦沙明。掀蓬望高柳。痴筆寫青山。換得烏程酒。

其三

醉披白鷺。寒山影模糊。雲在頭。蘋殘笛聲冷。

其四

樵青與釣童。向人復安在。周郎三尺竿。補公烟霞債。

遠興

涼雲如水流。遠渡鵲巢去。林葉歷亂飛。仙人嘯高樹。

新秋寓山寺

禪誦晚風前。風微遞暮蟬。起來池上坐。洗鉢澄青蓮。

招鶴

仙人掃石坐。手揮石上琴。不知山鶴來。踏破松花陰。

橋上

兄弟自兩兩。逍遙板橋上。一道柳風來。寒裳渡花浪。

泖橋

水月我無隱。松風汝弗如。草堂清不掃。一卷圯橋書。

題飛瀑圖

初夏雨新晴。濃陰沒石齒。空岩雪瀑飛。中有巢居子。

贈周草窻

老遲因性慢。無病為心寬。紅杏難禁雨。青松耐歲寒。

山中

眉公詩鈔

卷六

五言絕句

三

溪邊不垂釣。山中不開門。開門山鳥驚。垂釣溪魚渾。

招友

松葉堪為酒。春來釀幾多。不辭山路遠。踏雪也相過。

梅花

梅花冷如雪。半落山之嶠。不用復彈琴。無弦花自落。

種梅

種梅三百樹。月下落香雪。英雄多負心。難負梅花月。

新秋四首

東方漸欲明。朝霞月光接。披髮草亭中。踈螢坐荷葉。

其二

薄薄早秋光。偏與竹相入。小雨洒紗窻。拂曙翻疑夕。

其三

朝霞浮水上。水氣綠于眉。殘月猶在樹。櫛髮雙絲絲。

其四

偶搖白羽扇。閒挂青松枝。心手多無事。况遇秋聲時。

山中雜咏二十五首

秋高木葉丹。月出水容白。吹笛看飛鴻。我是烟波客。

其二

眉公詩鈔

卷六

五言絕句

四

架上多異書。屋角臨流水。荈菽風蕭蕭。秋聲淡如許。

其三

山鳥鬧梅花。不避春雪冷。我亦如鳥忙。欲立高峰頂。

其四

閒揮白羽扇。一讀赤霄文。世外無生客。胸中有活雲。

其五

吾本山中人。愛說山中話。五月賣松風。人間恐無價。

其六

春陰壓杏花。欲落猶未亂。翠羽兩三聲。飛上秋千索。

其七

涼風吹我衣。往來秋木杪。頭上有殘雲。足下有飛鳥。

其八

披髮復長嘯。雪盡山椒紅。兔絲花百尺。飛落鶴巢中。

其九

山中雪色猿子母。嘗連肘。挂壁飲丹泉。扳花釀仙酒。

其十

避暑先避客。就山先就陰。臨風一杯酒。無枕一張琴。

其十一

眉小詩鈔

宋末

五言絕句

止

自放一扁舟。逍遙峰與洲。橫笛月明中。朱顏疑不老。

其十二

秋雨洗山根。木末生微綠。夕陽鞭白駒。吟詩向空谷。

其十三

山影落藤蘿。桃花撲人背。牽馱渡板橋。酒伴知何處。

其十四

飛瀑挾松濤。可以消長夏。孤亭何嵯峨。望望抱琴者。

其十五

一自謝功名。名山落我手。神仙九節蒲。先生五株柳。

其十六

開門見長川。薄暮望漁者。試問白頭翁。垂綸幾年也。

其十七

獨坐古澗頭。嵐翠樹中落。阿誰同伴遊。相知有孤鶴。

其十八

微雨洗梅花。空池影脩竹。偶來亭上坐。頓爾睡清熟。

其十九

手持玉如意。清坐花陰冷。新詞世所稀。一曲紅窻影。

其二十

眉小詩鈔

宋末

五言絕句

止

山中風日清。四面圍榆柳。隔岸老僧家。松花釀新酒。

其二十一

月白鵲投樹。夜涼人在門。門前山一派。相對兩無言。

其二十二

遊人問道途。桃花迷谷口。秦弓復晉弓。菲茨一杯酒。

其二十三

婆婆古尊壘。結縛小溪屋。山深誰知門。乃是新生鹿。

其二十四

風殘杏花曉。馬上聞啼鳥。菰店未開門。山多人住少。

其二十五

手不支藤梢。離披倚枯樹。瞠目雲霄間。孤鴻渺何處。

嘉樹林

嘉樹舞婆娑。不識誰家墓。一片清涼陰。遮斷遊人路。

吹笙笛

怪石晴含秀。高梧晝垂綠。雙雙遊戲時。共奏無腔曲。

咏螢

夜靜簾初捲。風微帳不開。似憐無睡客。特遣小星來。

咏蟬

芙蓉淡秋光。寒蟬咽不語。何如莊生夢。蝴蝶時栩栩。

咏蜂

羣蜂巧排衙。剪綴百花。色果底。蜜房懸。累累衆香國。

咏酒

檀槽瀉玉缸。丹砂滴紅溜。灑紫霞觴。千秋祝眉壽。

題老子像

老子尚白頭。何人髮不秋。不如一爐火。端坐碧山頭。

顧校書折梅寄姚伯雉花郵爲誰髯道人潘景升也代顧祝潘戲得二首

顧校書折梅寄姚伯雉花郵爲誰髯道人潘景升也代顧祝潘戲得二首

摘花豈不憐。分香憐自我。花得入歡懷。投儂一車果。

其二

所思美且髯。花郵髯亦好。奇花不到歡。剪儂鬚鬪草。

艸隱

醉鄉真太上。高枕亦何言。我意誰能解。青松暗暮泉。

讀書山寺

山風掃竹窻。半露梧桐隱。一卷古楞嚴。床頭瀑泉冷。

竹窻閒讀

不逐車馬塵。幽懷托空谷。開窻讀素書。雨餘春草綠。

美人圖

弱風吹素衣。水熱鴛鴦冷。小鬟撩春櫳。不忍噴花影。

半月泉

何年青天上。月影半墮地。我來酌一泉。搖動月中樹。

西湖

幾度西湖遊。無詩吊西子。西子應夜啼。妾命乃如此。

讀李將軍傳

天子老將軍。不遣入部伍。見種東陵瓜。還射南山虜。

題畫

題畫

絕壁挂松陰。遮絕遊人路。好着支筇僧。石上成三個。

春雨

春江欲入戶。雨勢來不已。小屋如漁舟。濛濛水雲裏。

送李茂承南游

杖頭不挂錢。借得龍眠手。日日寫青山。換盡長干酒。

雀哺燕

燕死雀飛來。啣花餉其壘。不知烏衣兒。誰為報恩子。

雪夜

一斗紫醪酥。百石葡萄酒。粉面裹貂裘。琵琶不停手。

眉公詩鈔

卷六

五言絕句

九

步山寺

山風關寺門。吠犬聲如豹。不是真閒人。誰肯扶筇到。

贈僧

跌坐一枯禪。禪心如秋水。松影墮鉢中。老龍吼風雨。

秋郊晚酌

漁郎不採魚。維舟在高柳。日暮浦沙明。秋霞落杯酒。

題畫

菴閣架空岩。飛瀑如亂雪。有客抱筇來。行吟踏秋葉。

其二

綠楊覆其上。白鷗繞其側。扁舟何處來。六月羊裘客。

其三

竹色冷於泉。泉聲响於竹。有客對山僧。幽吟白菴屋。

其四

孤嶼俯春江。天青浪花冷。石竇小如錢。窺見飛帆影。

其五

秋沙織樹中。秋色吞樓下。遠見江南人。使舟如使馬。

其六

春山雜杏來。烟霏散叢薄。消夏惟此中。夢亦聞泉落。

眉公詩鈔

卷六

五言絕句

十

其七

四面種蕉樹。不張碧幕紗。綺闌調鶴雛。啄殘蕉上花。

其八

寒月凍不來。前山雪籠樹。醉披紅葉箋。猶恐人知處。

送友

三年一闢草。萬事揔空花。是人能逐鹿。無筆不驚蛇。

送雜默上人

汝為看梅花。不待花謝去。香雪自茫茫。尋汝知何處。

題葛稚川像

勾漏白雲多。雲度松花冷。五色泉可冷。月沉葛洪井。

題采芝翁壽友

高梧覆幽巖。中有神仙宅。筠筐雲氣飛。采芝皆五色。

贈金陵妓

新燕纔命子。水桃初着花。王昌為主舍。宋玉是東家。

贈郭兆升

巢公隱一巢。壺公隱一壺。青山當市門。縱酒復高歌。

題王母

王璣貯黃流。丹砂忽吞吐。何如阿母顏。桃花方十五。

眉公詩鈔

五言絕句

十一

避雨臺

殺北有高陵。風雨亦何駛。勿剪陵上松。美人曾至止。

穆天子

白雲滿瑤池。爲爾歌且飲。三年復來翔。何以娛樂朕。

韓香答紫玉歌

鴛鴦飛差池。載鳴還載悲。情知有張羅。到死不相離。

高漸離擊筑

仰看白日徂。俯傷朱顏酡。擊筑道旁路。相親欲如何。

白門柳

苑彼白門柳。垂條近左肘。夜月宿宮鴉。春風對別酒。

鄭櫻桃

婉妾鄭櫻桃。無奈此狡童。捩彈長安街。賣珠館陶宮。

解語花

喚妾解語花。妾小不解語。所以君王前。常呼爾與汝。

細腰宮

朝來不飽粟。夜來侍君宴。妾腰如柳絲。東西任風捲。

大夫松

咸陽一炬火。宮殿成荒蕪。睽彼山上松。猶稱五大夫。

眉公詩鈔

五言絕句

十一

鴻門碎玉斗

咄哉啖孺子。乃爲漢所誘。玉袂爾無成。玉斗爾何有。

江臯解佩

相見不相識。可望不可呼。明月照空水。猶疑遺佩珠。

青塚

一自理胡土。荆墓掩墓門。至今明月夜。青草語黃昏。

繫下琴

軫以白玉絃。塗以黃金徽。寧知爨下材。清音世所稀。

玉鏡臺

遺妾玉鏡臺。白色那可比。偷視溫家兒。兩鬢亦如此。

武帝悼李夫人

金屋網流塵。靈風吹錦茵。珊珊環珮聲。欲去還逡巡。

九微燈

青鳥集殿上。龍膏燃九微。阿母太真冠。晨纓綠葳蕤。

望鄉臺

登臺望故鄉。空慚氣如虎。祖老不封侯。孫敗為降虜。

相如滌器

有婦顏如花。有酒色如銀。擁婦復飲酒。長卿自不貧。

眉公詩抄

卷六

五言絕句

十一

習家池

渴取明月食。醉取浮雲眠。安得習家池。忽然化酒泉。

梁公博裘

千金集翠裘。着來殿上賭。一言誓如山。媚娘不得取。

竹

直竹寧為竿。曲竹寧為杖。莫教不韻人。題詩粉花上。

茉莉

美人新浴罷。團扇慵無力。月白香風來。倚闌空嘆息。

桂

有人夢廣寒。藜桂數千樹。宮門鎖不開。留與眉公住。

菊

桃李領春色。黃花點秋容。萬物各有時。而况真英雄。

方竹

外方而內虛。得道已無上。不馴漁郎竿。還馴仙人杖。

紅梅

十月衆芳歇。寒風更凄咽。一點漏春光。紛紛落紅雪。

墨梅

戲弄一枝春。墨濺水花冷。記得夢回時。月掛東窻影。

眉公詩抄

卷六

五言絕句

十一

蓮

幸脫束薪手。不染塵內塵。由來清淨種。本色住山人。

蓮

吾欲采蓮花。安坐如車轍。我欲采蓮葉。酌酒弄明月。

芍藥

上已臨溱洧。春風贈一枝。枝頭花落後。留爾結相思。

木筆

春雨綠窻紗。辛夷弄影斜。曾窺江夢裡。綵筆忽生花。

山茶

少小倚朱顏。旋倚山園裡。何如玉川翁。松風煮秋水。

繡毬

白玉琢花紋。紛紛復似雲。休教獅子吼。攪亂一園春。

芭蕉

卜築白石山。滿種芭蕉樹。夜聽風雨聲。閒來寫詩句。

其二

芭蕉大千扇。覆君之古書。門外有客來。買得新鱸魚。

其三

秋夜夢無聊。芭蕉雨又敲。園西多隙地。移近赤欄橋。

眉公詩鈔

卷六

五言絕句

十五

盆松

此松又曰孫嵯峨。類其祖中頂秀。擎雲猶堪坐巢父。

咏松

春風初破凍。寂歷兩三枝。記得夜禪罷。窻稜月上時。

郭璞墓

長江無停流。古墓無靜樹。咲我獨垂綸。月中有來去。

月下登金山

江平秋萬里。山靜月三更。彷彿寒烟外。瓜洲有雁聲。

春遊

醉舞春山中。雙袖如飛霞。倦倚白石根。遠見櫻桃花。

木末亭步月

山雲流出山。樹影重生樹。秋光如有情。分月隨人去。

長干里步月

月中一點山。高下千章樹。月落路荒唐。孤筇自來去。

題惠山泉亭壁

陸羽竹爐寒。清泉氣若蘭。如何出山後。便作下流看。

重登烟雨樓

樹色度平沙。雞聲在空水。秋高獨上樓。晴空亦烟雨。

眉公詩鈔

卷六

五言絕句

十六

艷曲

夜闌燈燼闌。無心理歌舞。自倚三分醉。垂頭枕郎股。

其二

羅幕涼風來。流蘇轉不絕。春猶滾綉鞋。鞋瘦如新月。

馬姬畫蘭

畫蘭不在肖。寄郎郎知否。非無桃李花。肯出儂親手。

即事

倚棹白蘋邊。鐘聲在鷗背。水影亂殘雲。相將嘯歌去。

其二

日暮天無雲。微風扇蘭芷。不必誦南華。船頭有秋水。睡起

草堂石壁下。時見松花落。支枕夢初酣。枝頭雙叫鶴。烟雨樓坐月

水月澹無際。竹風清可憐。阿誰真領略。罷釣老漁船。贈池上人

獨坐峰頂時。寒雲綉磐石。千山飛鳥外。望見江青色。翠微山寮

不講生公法。不譯蠻僧偈。枝頭春鳥啼。如來親授記。眉公詩鈔

題畫壽李少華

蓮花太華峰。雲幕峰腰白。林靜何人居。仙人李八百。感懷

春風久唐突。花事亦支吾。猶有藤蘿路。青來范蠡湖。壽安寺

古殿不見人。白雲亂如雪。惟有夕陽僧。時時掃紅葉。悲秋歌六首

何處合成愁。離人心上秋。若言非心也。悲秋何為者。其二

心曲有緣因。感恩慚負恩。展轉寸心生。無情終有情。

其三 挿刀置心中。為儂長忍儂。思儂儂不憐。荆棘栽心田。

其四 奴心復誰訴。訴之逢薄怒。回心將別去。怯怯還留住。

其五 各心防有口。向頭當恰守。良心少點虧。恨我何辭。

其六 但儂視多忤。心偏子午錯。念彼二人心。小忍心莫分。

眉公詩鈔

卷六

五言絕句

大

附雜詠

失題

蒲葉如僧雛。短髮不設剪。噉石秋水中。微烟弄清淺。其二

泛泛一孤舟。迷入苜花路。試問采菱人。忽得芙蓉渡。其三

太乙月明中。照光駢花影。輕綰藕絲風。聯舟星露冷。其四

一水照雙花。駢鬟紅鞵鞞。波搖太乙盃。香惹胡僧鉢。其五

梅花如白雲。遮斷浮圖影。自少挾幽情。不愁月光冷。

眉公詩鈔卷之六終

眉公詩鈔卷六

五言絕句

九

眉公詩鈔卷之七

七言絕句

山居

水光夜夜如新月。花氣朝朝似小春。此際閒情誰領略。料應不是市朝人。

贈山中人

松邊老鶴雪為翎。三足磁爐數卷經。彈罷絲桐過山去。風吹芝草滿藍青。

春暮山居

眉公詩鈔

卷七

七言絕句

萬壑松濤撲澗花。繡幢垂影打新鴉。猶嫌山淺通游展。小關峰頭別種茶。

游仙詩

閒將虎子浴前溪。有女如花坐奕棋。贏得一雙紅玉板。逢人便唱踏歌詞。

書扇

楊柳陰中洗馬時。涼蟬响在最高枝。醉來獨擁月明臥。不與紅綃鬪賦詩。

秋日贈妓

拂紅束素日初斜。笑語居然是內家。欲取秋光輕貼髻。小鬟相得瘦黃花。

春日訪殷東臯

櫻桃花開春可憐。何處游人不放船。却羨白頭殷處士。鷓鴣聲外獨耕田。

避暑

萬壑松濤碧欲流。石牀水簟冷於秋。卷簾飛瀑三千丈。恰對我家竹裏樓。

池上二首

眉公詩鈔

卷七

七言絕句

一溪樹色一簾烟。茗椀薰爐秋水篇。正合香山居士句。芙蓉開在臥床前。

其二

曉起科頭坐竹邊。無聊拄頰更高眠。何來瑟瑟松風度。却是花開沸茗泉。

同秋潭看花

暮春猶是怯春寒。病骨支離看牡丹。小幙無風僧話久。一齊花鳥共平安。

夏熱思深秋之樂

秋風吹得蓴絲滑，夜雨新炊菰飯香。正喜故人菴屋下，
橙虀鱸膾話斜陽。

納涼二首

高柳陰森蟬咽時，橋西浴馬散踪絲。有人閒到山門過，
欹笠風前讀舊碑。

其二

簷燕衝簾帶子飛，青虫風颺墮人衣。日長散髮湖邊坐，
松結涼棚傍釣磯。

春閒曉起

眉公詩鈔

卷七

七言絕句

三

一簾晴色養花風，鷓鴣駟人不閉籠。曉起恰當殘月白，
提壺親自洗梧桐。

春游過貞女墓

濯濯新楊破水痕，纍纍孤塚有貞魂。烏啼深竹藤花落，
落日輕烟罩墓門。

烟雨樓

秋老蒨花貼岸開，雪鷗一點夜飛來。相逢但說遊烟雨，
月白何人獨上臺。

竹下

四月猶驚竹露寒，籜衣帶粉製山冠。閉門寂寂無書至，
斫笋燒茶夢亦安。

菊花信

人人盡愛中秋月，我愛深秋明月光。莫待菊花開過後，
斷鴻聲裏一天霜。

漁家

水村漁屋界蘆花，簷蔔林間理釣槎。平日不曾貪利涉，
看他門外峭帆斜。

秋日閒居

眉公詩鈔

卷七

四

芙蓉如樹不開門，水自冷冷花自渾。長日碧窻無一事，
蕉陰滿地鬪鸚鵡。

泛湖

日暮蜻蜓拍浪時，短篙膩帶紫蓴絲。沈家前譜人傳久，
送客黃鬚解請詩。

春郊賁酒

駿馬名姬結隊遊，杏花如雪滿江樓。千金買得秦時劍，
但斬奸雄不報仇。

天池

春當三月鳥聲忙。柳浪參差麥浪涼。此日吳閭好風景。
僧厨十里焙茶香。

秋泛

太湖月出杳冥冥。辨得漁蓑上釣舸。兩岸芙蓉一聲笛。
侍兒新賜號樵青。

春山

空山無雨欲生烟。綠樹黃鸝幾個船。三尺枯藤尋着汝。
不教獨坐水聲邊。

山中遠眺

眉公詩鈔

卷七

七言絕句

五

山前樹暝欲生烟。小閣高眠聽暮蟬。遠見西窗風浪裏。
蘆花露出釣魚船。

立春日登鐘樓

雲物晴開萬井塵。滿城花鳥換新春。一聲敲破乾坤夢。
喚喚茫茫未醒人。

訪法界上人

閉門春雨讀楞伽。修竹當窻香篆斜。靜裏正當禪定味。
怕人來問紫藤花。

觀濠堂二首

楊柳垂枝掃落花。花飛起處是誰家。曲城新築觀濠室。
十里柔麻五色瓜。

其二

城頭人向樹頭行。半聽歌聲半鳥聲。此日觀濠堂上客。
何星不是白長庚。

題畫二首

酒甕嘈嘈杞菊香。解衣松下月清涼。年來數畝山田熟。
半作花錢半鶴糧。

其二

眉公詩鈔

卷七

七言絕句

五

蕭蕭綠髮映朱顏。買鶴修琴不記年。門外客來無酒器。
鍊冠長汲杏花泉。

憶西湖

閒往閒來獨放歌。柳花燕子水微波。西湖堤上平如掌。
春草青青跨白驢。

喜懿卜至

單鳩喚雨雙鳩晴。笛中梅花縱復橫。兒童忽捲亭上幔。
及君到時新笋生。

鬪草

碧涯長日柳烟垂、彩袖春粘鬪草時、我欲從卿分社席、
童心應遣白鷗知、

憶西川

花至天彭花譜稀、王孫買種騎如飛、馬頭籠得牡丹至、
馳入成都露未晞、

楊花

為憐春去一登臺、非雪非花不可猜、半百老人頭漸白、
莫教吹上髮邊來、

白石山結茅延蓮公禪誦

肩公詩鈔 卷七 七言絕句 七
林影參差話夕陽、松根風細茯苓香、依稀記得曾經過、
疑是盧鴻舊草堂、

老松

入林松影綠茫茫、叢草多聞琥珀香、鶴子解飛乘月去、
空巢生出野鷺央、

雨窻送慧解歸鍾賈禪林

梅花瘦影燭花清、帶笠高僧何處行、細雨淒淒行路僻、
一龕燈火夜深明、

壽某翁

鶴髮垂肩鷺頂絲、翁當九十抱孫時、孫能言咲翻調祖、
翁是雞窠一小兒、

得鶴二首

開籠有鶴印蒼苔、鶴到真如道士來、我已機心渾忘却、
自鳴自舞莫相猜、

其二

獨眠石室竹千竿、看爾仙姿振羽翰、別後山僧寄書至、
開函先問鶴平安、

訪吳無爲

肩公詩鈔 卷七 七言絕句 七
十載栽花稅地慳、而今結屋水西灣、入門笑我眉如畫、
春雪三分但寫山、

萱花

綠衣朱錦弄朝酣、蔽省槐庭雨露含、不獨北堂堪壽母、
此花更喜號宜男、

八月過青蘿林二首

秋陰漸釀菊花天、野寺門前繫小船、他日來尋舊題句、
芭蕉零落短牆邊、

其二

埜門叢菊對清江，日暮僧吟竹裏窻。花暗灘頭歸不得，秋星三五鳥雙雙。

春日僧舍

城隅激水帶斜暉，如雪楊花點客衣。犬吠隔村烟靄靄，僧樓獨榻對霏微。

新燕

趙家姊妹不知他，帖水穿簾疾似梭。輕俊無過新燕子，小時吃得落花多。

聽泉

眉公詩鈔

卷七

北言絕句

九

五色離離石子斑，誰開新霤放春泉。泉聲如此聽不盡，多買桃花種兩邊。

洛陽

春夢時時到洛陽，牡丹開處酒亭香。尋常送客花千柄，蠟帶筠筐接道旁。

送僧遊天台

夢遊同汝出苜蓿，飛瀑懸崖萬丈來。夢裏濕聲還撼夢，不如真個到天台。

小亭

小亭貼岸綠陰齊，望入雲峰西轉西。茶後香前圖一覺，深松細雨叫黃鸝。

聽琴

老樹槎牙匝澗生，彈琴樹底月凄清。有時彈到真悲處，古戰場中蟋蟀聲。

贈山叟

有個小屏松下開，堂前蕪葉繞畦栽。老翁抱孫不抱壘，剛欲灌花山雨來。

山行

眉公詩鈔

卷七

北言絕句

十

羣峰盤盡吐平沙，倚竹橋邊見酒家。醉後日斜扶上馬，霜楓一路似桃花。

請神僧傳二首

寂寂空山報晚鐘，繞身三匝見猗龍。戲將絛繫龍鱗上，明日尋來是老松。

其二

百尺龍湫徹底清，風吹一葉毒龍驚。老僧浴罷腥風起，霹靂光中嘯幾聲。

感世

兩九日月推名利一片乾坤夾是非
試聽中峰道人偈
不如篋笠上漁磯

題隱士

結菰半在古松層松下清池好濯纓
此際斜陽澹如畫
更求添個闍茶僧

舟中

出門沙鳥及江魚起看雲山臥讀書
却笑柴桑翻計拙
門生二子荷籃輿

供花

眉公詩鈔

朱子

七言絕句

五

水晶瓶子折花栽欲倩東風未敢猜
昨夜一番春夢好
果然養得海棠開

新秋

田田蓮葉起涼風支枕高吟草閣中
何處歌聲振林薄
采菱船在蓼花東

廬山

古壁寒泉積薪長春潭雲水幾千章
何年乘犢入山去
醉石前頭結草堂

乞牡丹

朱欄碧幄護輕紅燕尾游絲蝶翅風
更與名花駐顏色
小鬟偷插膽瓶中

同南華載菊候士倩代題

斷橋茆屋點秋沙楓葉林端是妾家
曾記重陽新雨後
扁舟有客送黃花

題雪蓬

一領蓑衣一席風滿天雪色稱詩翁
釣竿時向烟波宿
海底珊瑚夜夜紅

題畫

眉公詩鈔

朱子

七言絕句

七

老去支筇已不勝興來猶上最高層
長松落落微陰
只少斜陽掃葉僧

題壽安寺壁

灌木陰陰殿角斜寺門一帶好人家
春潮退後溪風急
破網無魚挂落花

過孫世聲園居

山郭行游日未斜尋常筍蕨稱山家
枯藤半挂踈籬畔
一道香生鸞栗花

深秋

草綠蘋香澱水紋。秋山寂寂冷斜曛。庭前雙桂窻留影。時宿寒鴉與斷雲。

南都

太平風物是京華。白馬黃衫七寶車。寒食闌難歸去晚。院門新月印梨花。

春游

柳葉沉沉笋蕨肥。碧湖青草鷺絲飛。桃花一樹魚三尺。不醉月明人不歸。

銷夏

眉公詩鈔

卷七

七言絕句

七

幾日不登峰。山頭參差竹樹已沉樓。到來不用尋銷夏。鶴叫一聲天欲秋。

秋夜歸

蓬底寒蛩點客衣。村邊漁火度橋歸。空山何處吹秋笛。深夜無風雲自飛。

題畫

怕將名姓落人間。買斷春江荻灣幾度招尋尋。不得釣船雖小即深山。

麥隴

花谿柳浪綠參差。一路黃鸝弄舌時。咲我姓名藏未認。白頭田父解求詩。

題竹里館

有個詩人閒更閒。焚香日日掩松關。萬章老樹千竿竹。遮斷溪南枕上山。

贈妓書

翩翩俠骨校書才。纔點雲山未點苔。為我并收圖書裏。秋風載酒送花來。

遊小崑山

眉公詩鈔

卷七

七言絕句

七

當年曾築乞花塲。花事闌珊二陸堂。今日掉歌山畔去。新芦高柳半斜陽。

荷亭涼夜

竹外田田蓮葉風。朱闌草閣小橋東。不知若个能圖畫。畫入盈盈團扇中。

燕未來

百花深處草堂開。風雨愁人燕未來。無數落花思燕子。莫教容易掃蒼苔。

美人睡起

嬌姬十五髮初齊。倦倚花開日欲西。幾度小鬟扶不起。盡眉人怕畫眉啼。

春閨二首

輕寒輕暖軸簾鉤。花月虛無燕子樓。樓上美人慵未起。春將冷落玉釵頭。

其二

綺閣風來百和香。鈎簾花底試新粧。怪他柳絮渾無賴。唐突疎櫺打繡床。

湘妃竹

湘公詩鈔

卷七

七言絕句

翠筠點點滴珊瑚。帝子春蒐若可呼。夜半洞庭風雨過。不將清淚洒蒼梧。

秦王卷衣

雲錦霞綃五色輝。卷來香霧襲人衣。龍陽只解新承寵。夜月流黃不下機。

試劔石

空山片石護蒼苔。醉倚秋風一劔開。荆棘蕭蕭零露白。夜深麋鹿下荒臺。

斬蛇劔

王氣千年屬至尊。劔梢星古赤黃昏。陰陰大澤黃雲起。空望咸陽哭帝園。

賈佩蘭出為段儒妻

天上人間不可期。扶風月色淡蛾眉。御溝一片楊花水。曾入深宮百子池。

春日獨當壚

石榴裙帶漾春風。酒幕高張綠樹中。脫下金貂須醉酒。阿郎騎馬獵新豐。

七寶避風臺

眉公詩鈔

卷七

七言絕句

太掖春風絕可憐。朝來吹綠一池烟。雲屏錦帳當空起。千尺金臺九品蓮。

清夜遊西園

蘭葉踈疎白露溥。珠簾銀燭夜尤寒。西園公子風流甚。千古才名屬建安。

愛妾換馬

紅顏黯淡被新裳。紫燕翻飛服上襄。揔愛桃花文五色。寧憐柳葉淚千行。

北風吹裙帶

一鈎斜影上茶縈羅帶飄風不自持背却小姑拜新月
水晶簾外又來窺

燕姬墮馬

十五嬌姬髻似鴉金鈿顰面玉釵斜驂驪忽墮珊瑚鉿
燕子低飛掠杏花

薛夜來

紅粉三千獨擅名暗縫龍袞自分明六宮減却驪珠價
神女新來不夜城

采蓮曲

雙雙齊唱采蓮歌十里荷香暗綠蘿不怕溪頭秋水澗
由來少小慣風波

若耶溪

苧蘿山下住西施昔在吳宮今在誰流水無聲村徑隔
小桃新柳坐黃鸝

春閨怨

寶鏡春風懶畫眉紗窻明月鬪彈棋閒來偶向溪邊去
楊柳青青又幾枝

宮蚕

女桑新綠映宮槐三月春風戴勝來織就鴛央錦千疋
金刀先取合歡裁

探丸

夜行曾不問金吾走馬探丸意氣飽斫吏歸來明月落
劔花寒濺血模糊

藏鈎

隔墻垂柳似章臺花濕臙脂帶雨開若個巧藏鈎在手
盈盈含笑誤人猜

蹴鞠

綉陌花明草色繁綵裘飛處萬人看不禁香汗羅衣濕
其奈輕腰錦帶寬

鞦韆

粉堞朱闌挂綠楊春風飄蕩彩絲長只綠睡起嬌無力
落地花泥滿繡裳

過老杓疑山草堂

老屋踈檮夜不扃模糊樹色似山青吾來拂曙君方起
竹裡科頭讀水經

此君軒獨坐

肩公詩鈔

卷七

七言絕句

七

肩公詩鈔

卷七

七言絕句

十

女柔肥綠護隣居。林竹生篁未忍鋤。何日對君湖上閣。
黃鸝紫燕枕邊書。

太湖石

嵌空岩竇綠氤氳。半是霜灘舊水紋。昨夜何人弄明月。
笛聲吹裂洞庭雲。

贈武士

紫閣飛花散吏衙。肘懸金印淨胡沙。山中亦有閒勳業。
擲得黃庭上白麻。

送袁將軍井上

眉公詩鈔

卷七

七言絕句

七

置酒村中上馬遲。梅花歷亂開南枝。出門風雪冷如此。
正是英雄射虎時。

送人還山

一片空青過遠鍾。鍾聲出處冷雲封。採得黃花送歸棹。
臨行又贈白芙蓉。

柳塔

柳上空波叠亂沙。寺門橋斷半蒹葭。何從一借風帆力。
醉挾飛鷗拍浪花。

壽隱者

知君舊隱赤松家。醉抱孫雛弄紫霞。自是長春人不老。
洞門九月見桃花。

綠陰下題美人扇二首

綠陰淨處勝花光。無數歸農唱夕陽。却咲先生閒散髮。
黃鸝紅袖對焚香。

其二

笋根迸出荻芽肥。上下峰頭不耐衣。明月未升潮漸長。
美人學釣落花飛。

結茆山中

眉公詩鈔

卷七

七言絕句

七

參天老木數千歲。半夜清猿三四聲。結得黃茆臨九曲。
神霄莫遣鶴書迎。

江上看月六首

銀濤片片雪重重。秋靄氤氳傍短筇。數點寒山一輪月。
青銅鏡裏綠芙蓉。

其二

樹裏秋濤浸佛燈。晚鴉飛盡月初升。江郎筆上花猶在。
欲倚西風賦廣陵。

其三

江流清淺半含沙。雨洗青天爛熳霞。試望嬋娟何處是。水晶宮殿隔桃花。

其四

蕤桂浮香玉露零。亂峰高下刺天青。從他月裏多烏鵲。輸爾簷前有鶴鶩。

其五

白頭田父說當年。寺下江聲水拍天。滄海自從成陸後。禪宮漸與月宮連。

其六

眉公詩鈔

卷七

七言絕句

三

揚州西望隔滄波。花下樓臺月下歌。好借清光騎鶴去。買將紅袖闔嫦娥。

梅花二首

老梅合抱勢槎牙。枝角橫撐數畝花。花落温池香不散。月明浴到月初斜。

其二

小鬟清曉報花開。無數梅花照鏡臺。好搗紫絲新步幃。紅兒捧取綠珠來。

過陸君策山園看梅

水邊楊柳已拖黃。一路雲埋舊草堂。偶向梅花裝裡度。芒鞋到處雪痕香。

梅窻臥雪

酒清花綺雪交加。睡足春宵春夢賒。夜半微風打窻紙。不知是雪是梅花。

光福看梅

風定山青鳥亂呼。凭高不倩短藤扶。梅花處處開如雪。雪浪層層接太湖。

花下聽彈琵琶

眉公詩鈔

卷七

七言絕句

三

春。焚。梅。花。暖。更。晴。美。人。絃。索。又。分。明。一。窻。香。影。五。更。月。彈。出。兵。車。鈇。騎。聲。

題賣茶山家壁

東西曉曲半人家。種剩梅花種早茶。茶塢落英雄滿寸。怪來茶味是梅花。

掃梅下雪煎茶

疎籬矮屋帶溪沙。橋畔梅開一樹花。花滲雪中分不得。掃來自煮小春茶。

探梅

一歌隨意到山家。醉後重扶上小車。不是向人驕健骨。春遊那忍負梅花。

看落梅

浮浮花發枝頭艷。忽忽香吹水面來。莫怨梅花盡情落。幾人看到十分開。

老梅

曉起尋僧東嶺東。梅花含笑倚春風。手栽萬樹皆成抱。雪領霜頤似老翁。

花中午餉

眉公詩鈔

卷七

七言絕句

老

何處停車午餉時。亂山深處有茅茨。高高下下梅千樹。家在花中香不知。

湖上看梅

羣峰斷處太湖遮。湖外羣峰直更斜。雪浪易消雲易散。眼前常住是梅花。

夜登董尚書山樓看梅

月中無際定花光。春氣氤氳別有香。半臂黃衫何處客。一聲長笛滿樓霜。

插梅花置帳中

折得梅花插酒瓢。飄懸帳底得春饒。夜來夢策青駟去。一路尋梅過野橋。

歲朝種梅

飄零朋好各天涯。廿載星霜換髮華。較是住山人穩貼。歲朝鋤雪種梅花。

題四皓圖

岩雲性懶老龍頑。何自先生肯出山。借問子房應解識。終輸江上海鷗閒。

贈杜杞田

眉公詩鈔

卷七

七言絕句

老

八十神仙迥出塵。三朝清世共閒身。逢人不說人間事。便是人間無事人。

榆谷食霞

食霞夢到赤城邊。彩筆生花字字妍。人世不禁天際想。英雄退步即神仙。

臥病

李花如雪雨星星。病骨支離一草亭。三月芒鞋猶挂壁。簾前山色爲誰青。

題趙校書雲山扇

儂家住。在百花灣。理瑟焚香。靜掩關。好倩春風。剪雲去。
開門先見望夫山。

放舟

池上新開白杏花。半藏燕子。半藏鴉。船頭載酒。頻呼友。
夜抱蕉桐入酒家。

題琵琶亭

茶船一曲淚如麻。紅嘴江寒月印沙。何處重尋白司馬。
潯陽楓葉荻芦花。

贈山僧

眉公詩鈔 卷十七 七言絕句 三首
菴草澆花老比丘。焚香時坐最高樓。竿來踪跡厭城市。
不向隣家借釣舟。

題山僧黃鶴山樵卷

帶粉新篁半度墻。入門松影落匡床。畫中詩句詩中畫。
付與山僧半日忙。

梵園

梓樹新移綠蔭門。此中獨坐了無言。藤花堆裏鐘聲出。
却合山僧號梵園。

山寺

一天秋色澹松花。獨鶴歸來帶落霞。石洞草深僧入定。
白雲飛出護袈裟。

春郊即事二首

十里松陰水上流。晴沙細草臥江鷗。過橋欲看春山色。
一片寒雲落杖頭。

其二

桃花春水鱖魚香。帆隱飛來挂綠楊。一帶平堤似圖畫。
醉聽沙鳥濯滄浪。

釣溪

眉公詩鈔 卷十七 七言絕句 三首
挈壘坐釣秋江灘。沽酒容易求魚難。世間好物不在速。
三尺鮪魚晚上竿。

遊寶勝寺

小菴半倚草菴中。古木修篁一徑通。歸去正逢潮落候。
芙蓉兩岸近人紅。

憶西湖

西冷橋北岳墳東。清曉羣峰水氣中。萬樹丹楓千點鶯。
未梳白髮釣魚翁。

贈張瑞齡

三月流鶯客在家。客來櫻筍醉飛花。有時獨坐深岩底。石鼎擲瓢自品茶。

病臥

清坐清眠不論旬。秋光老圃艷於春。病中却病無他訣。三日休糧懶道人。

題畫

不挑名利太山擔。不駕是非風浪舟。支却老拳松下坐。野猿相喚懶回頭。

做雲林舊圖

眉公詩鈔

卷七

七言絕句

三

鴻雁歸來去。拍天平崗古木尚蒼烟。借君餘地安漁艇。着我蓬窻聽雨眠。

雨中寫子久筆意

風雨隣雞不住鳴。小松也解作濤聲。拈書老眼模糊甚。戲寫青山試酒鐙。

希夷像

密處英雄解退藏。睡鄉消息不尋常。從來駟背乾坤窄。擲與香兒趙大郎。

題畫

岩居窈窕宿烟霞。記得曾遊三四家。西子湖邊斷橋外。醉秋霜葉似桃花。

贈堪輿

緊絆芒鞋未肯休。月明踏破碧山秋。自從傳得搜龍訣。到處能教石點頭。

村雨

風風雨雨暗孤村。芍藥花時漫舉尊。真個世情懶益睡。為憐燕子一開門。

題倒掛鳥

眉公詩鈔

卷七

七言絕句

六

桐花如雪散空階。香氣氤縕百和諧。何處綠毛么鳳鳥。飛來倒掛美人釵。

夏日訪山中友

槐棧疎疎急暮蟬。看人洗馬月初圓。博山沉水香烟靜。楊柳灘邊刺小船。

題畫

秋氣叢叢撲暗沙。紅樓燭冷聽琵琶。曉來憑几看秋色。隔浦芙蓉未着花。

游金明寺訪范蠡故宅贈絃公

范蠡湖頭誰浣紗。寺門殘柳空棲鴉。美人香粉銷不盡。幻出舫公筆底花。

題畫

溪口桃花懶問津。山迴路迥隔前村。禽見我不飛去。我亦漁樵隊裏人。

題及字書齋

四面羣峰集草堂。尚餘竹樹遶回廊。莫言處士無功業。種得秋花滿地香。

重九宿山中作

眉公詩鈔

宋七

七言絕句

五

前村一望水雲遙。紫萸黃花接野橋。長嘯不須携杖履。夢中今日已登高。

臥遊

幅衣屐齒辨何難。祇恨山錢近頗慳。三尺生絹千頃樹。而今直借畫圖看。

題仙山樓閣圖

人間沉沉夢未覺。夜半日出登仙閣。紫芝瑤草生天香。鶴夢未了松花落。

壽朱錦林母七十

五色雲綃白髮新。前身原是魏夫人。一從鶴別西池後。猶有青蓮花在巾。

題聞一上人壁

樹色周遭護水西。竹扉花落小橋低。庭中不特馴飛鳥。雞爲聽經不敢啼。

春日雨霽泛舟

柳葉沉沉芦笋肥。碧湖青草鷺絲飛。桃花一樹魚三尺。不醉月明船不歸。

試吟茶

眉公詩鈔

宋七

七言絕句

五

明月吟茶真快哉。蕙蘭叢裡帶雲開。一甌花乳非容易。曾歷空山虎穴來。

題千岩飛瀑圖贈呂鳴玉新居

萬壑松雲凍亦香。樓居新築倚干將。一天飛酒千岩雪。碧幄朱簾白玉堂。

送孫世聲重遊虞山

歸來籬下菊花香。摘得黃柑又帶霜。夢到虞山秋未老。又籠雙鶴渡斜陽。

夜登烟雨樓

散盡遊人夜欲闌。但聞烟外落鐘殘。芙蓉半醉秋風裡。
鶴在雲中月在灘。

吊紫柏師二首

當年曾住碧山頭。未必公卿盡海鷗。莫怨網羅彌世外。
鳳麟只合赤霄遊。

其二

空山無伴木無枝。鳥鵲啾啾虎豹饑。獨倚長鏡衣短後。
五更風雪莽要離。

戊戌四月四日積雨初豁峰泖晴妍簫鼓振林送

眉公詩鈔

卷七

七言絕句

十三

春船至乃唐元徵太史也訪余讀書臺一宿而
別得詩十首

登閣望泖

斜陽約略水西頭。餘景還能上竹樓。天際藤蘿半窻綠。
釣筍歸處起雙鷗。

尋白駒泉

僧厨杉影野茶香。曲徑逶迤到草堂。咲倚山根看泉脉。
薔薇紅白道衣黃。

聽夜梵

鐘聲忽報竹林東。古殿寒烟佛火紅。晚課罷時僧影散。
院門鶴叫落花風。

酌旋變草堂

携壺遙度嶺頭來。驚起棲鳥下石臺。春雨燈花寒自語。
夜深偏傍故人開。

夜宿寰室

甕牖分明屬臥遊。一齊峰泖鏡中收。曉來霽色排天眼。
千里雲濤見釣舟。

初聞黃鸝

眉公詩鈔

卷七

七言絕句

十五

雨餘石壁綠初齊。細拂苔痕認舊題。讀罷支頤碧窻下。
松花如雪打黃鸝。

僧乞書

素練烏絲百尺長。含毫飽澱墨花香。偷閒欲就山僧話。
却咲差科半日忙。

饌香積

抱花尋壘燕飛飛。椿樹抽芽笋腋肥。一餉平分僧鉢飯。
歸舟已候綠楊磯。

元徵將遊佘山以瓶花為別

欲別殷勤贈牡丹，膽瓶春色未全關。不知嘯入東余去，刻竹題詩徧幾竿。

元微有入林之約戲嘲訂之

碧山學士少山居若比愚公尚不知何日岩扉喜隣並，五千佛藏萬籤書。

玄宰為季重使君作仙館圖極得巨然筆意半以

吳興運之今使君出宰青谿暫作峰泖客卿有

玄宰烟雲供養勝于玉宸香案多矣故題一絕

于圖上

潘公詩鈔

卷七

七言絕句

七

井窻一榻我愛我南華一卷人非人仙曹官吏如蟣虱，傲骨難甘作弄臣。

春日山中

春風約略剪窻紗，穀雨新晴試點茶。鸚鵡調人羅袖薄，一簾殘雪帖梨花。

山居

西庵茶塢有人家，雲抱青山水抱沙。記得春深無個事，梅花落盡又桃花。

題戴文進畫

山氣含秋菊未開，雨餘石骨綉蒼苔。眼前獨倚看飛瀑，轉徑何人送酒來。

山居雜詩

青草湖邊白石西，花籬茅屋酒帘低。來來去去雙黃鳥，不到濃陰不肯啼。

其二

新製茆亭不製窻，黃鸝白鷺影雙雙。山林莫笑無經濟，能遣雲山面面降。

其三

潘公詩鈔

卷七

七言絕句

七

柴門不為俗人開，特地容他燕子來。但取花泥舍燕子，燕雛分飯在生臺。

其四

松頭瀑布數千丈，潭上草堂三四間。獨對老僧真簡率，自鑽新火煮潺湲。

其五

一室無人自掃除，餘閒自理竹間蔬。生兒不教求名利，曉起科頭寫異書。

其六

籊落蕃蔽處處花相過不厭野人家自言老去饒生計
買得春山一徑賒

其七

近來學得倪迂法藏酒緘茶更惜香不是留些窮活計
若為消得這斜陽

其八

涼蟬晚咽芰荷風茶熟香清草閣空忽憶閩中新雨後
峰頭金碧荔枝紅

其九

眉公詩鈔

宋七

七言絕句

三

楊得平原爭坐帖放開兜率破顏花此時穀雨新晴後
櫻笋初甘又試茶

其十

一卷黃庭手自翻偶然十日不窺園開門山鳥驚飛去
踏破殘紅點綠痕

其十一

山南山北半梅花花裡泉聲繞徑斜客到不須通姓氏
但聞琴處是吾家

其十二

樹。羣。峰。雪。卷。臺。南。宮。父。子。若。為。猜。枯。藤。三。尺。拖。行。處
帶。得。滿。身。秋。色。來。

其十三

一。簾。晴。雪。打。窻。紗。每。在。春。初。只。在。家。曉。起。移。床。樹。間。坐
笑。看。羣。鳥。啖。梅。花。

高齋

雲。根。為。壁。竹。為。門。窈。窕。深。山。復。斷。村。常。與。隣。僧。燒。竹。葉
一。燈。風。雨。過。黃。昏。

題畫

眉公詩鈔

宋七

七言絕句

三

秋。林。吹。影。瘦。藤。扶。松。頂。殘。陽。射。欄。蒲。落。落。草。堂。親。貌。得
不。須。帝。遣。畫。工。圖。

題畫

籊。冠。竹。杖。紫。荷。裳。百。尺。飛。泉。瀉。石。梁。小。閣。拋。書。清。夢。穩
酒。船。隨。月。近。垂。楊。

周公美得號兒稱心為作二絕應命

明。河。如。水。夜。何。其。晏。起。非。關。中。酒。時。女。伴。不。知。人。冷。熱
髻。邊。抵。死。插。花。枝。

其二

芙蓉紫。行。身。裁。龍。袖。含。嬌。倚。鏡。臺。數。日。秋。陰。笙。板。濕。
郎。如。顧。曲。莫。先。來。

王楚玉畫蘭

年。來。空。谷。半。霜。風。留。得。遺。香。散。草。叢。只。恐。樵。人。獨。蘭。艾。
紅。顏。收。在。束。薪。中。

簪花圖

雙。雙。燕。子。剪。垂。楊。剪。得。楊。花。滿。綉。床。却。憶。意。中。人。欲。到。
留。些。春。色。玉。釵。旁。

湖上雜咏

眉小詩鈔

卷七

七言絕句

寒。山。影。裏。酒。旗。翩。政。及。重。陽。九。月。天。日。暮。湖。風。起。堤。上。
芙。蓉。亂。打。釣。魚。船。

其二

風。吹。衣。影。挂。魚。梁。讀。罷。殘。書。倚。綠。楊。湖。上。藕。花。橋。上。月。
踏。歌。驚。起。睡。鴛。鴦。

其三

小。閣。鈎。簾。面。面。湖。湖。光。不。動。水。微。波。橋。西。十。里。梅。花。路。
好。趁。新。晴。放。白。駟。

其四

我。曾。醉。上。西。湖。寺。紅。葉。梢。邊。影。三。四。三。三。四。四。白。雲。來。
時。為。雲。多。見。其。二。

其五

西。湖。一。百。捉。魚。舟。半。賣。遊。人。半。酒。樓。惟。有。漁。郎。只。如。此。
許。多。紅。粉。付。風。流。

其六

烟。嵐。屈。曲。樹。交。加。新。結。茆。茨。窄。亦。佳。手。種。松。杉。俱。老。大。
經。年。不。踏。縣。門。衙。

其七

眉小詩鈔

卷七

七言絕句

落。花。徑。裏。曲。灣。灣。開。個。柴。扉。便。見。山。畫。靜。管。絃。清。客。聽。
秋。聲。啼。鳥。隔。花。間。

其八

綠。箬。孤。蓬。載。白。鷗。沿。流。欲。及。釣。磯。頭。夜。來。簾。外。黃。梅。雨。
四。壁。苔。花。應。滿。樓。

其九

山。市。門。前。多。送。迎。送。迎。只。在。綠。松。棚。須。臾。日。落。遊。人。醉。
黃。鳥。飛。來。立。酒。罍。

其十

遠見松邊鶴款扉。到來啣住薜蘿衣。鶴聲未了琴聲發。催得梅花凍欲飛。

戲題伯大墮水

雲山不斷蟬聲送。潮聲半壓蘋花重。漁郎忽入水晶宮。誰將笛鐵來三弄。

早秋曉

蕭蕭酒洒數點雨。磊磊落落千章松。早起路旁無過客。隔谿明月打山鐘。

簡史

眉公詩鈔

卷七

七言絕句

七

雪滿前山酒滿觥。一編常對老潛夫。兒曹空恨咸陽火。焚後殘書讀盡無。

送郁大碧歸構李

楓葉黃時滿屐霜。歸家新秣酒花香。何當撥却芦花棹。烟雨樓前話夕陽。

少年行

紫衣綠幘的嬌嬌。騎馬吹簫過野橋。若使石郎應見此。宮花肯賜鄭櫻桃。

新豐行

新豐高貫十萬戶。沽酒蹴踘消殘春。莫嗔子弟多無賴。此是上皇諸古人。

柳絮

紛紛白花初下柳。柳色青青膩如酒。樓頭人望陌頭人。春愁忽忽君知否。

秋夜聽張女士鼓琴

高館踈燈露氣清。黃花人瘦獨含情。長卿不避臨邛令。挑出簷前綠綺聲。

贈妓

眉公詩鈔

卷七

七言絕句

七

琵琶不彈愛彈蒯。鈔如芙蓉字如薤。女師原是聶隱娘。劍術不向人間賣。

題扇

數枝楊柳數枝桃。簞落稀疎薄暮潮。中有幽人住溪閣。讀書初罷學吹簫。

吳德言念松石翁不忘乞介公寫圖索題

風吼雲濤萬壑哀。寒泉迸石繞泉臺。老僧墨澱孤兒血。搆取先生杖履來。

和令則題畫五首

山村雨霽水痕加。鼻嘴灘頭燕尾沙。新結松棚試新茗。好風無力掛藤花。

其二

十載開山老漸加。偶然鴻爪印泥沙。曉來梳髮池亭上。不捲疎簾對藕花。

其三

鏡中不怕鬢霜加。且與兒童學聚沙。三疊黃茆千個竹。四邊青嶂一池花。

其四

眉公詩鈔 卷七 七言絕句
睡起難禁酒力加。醉時隨臥白鷗沙。草堂位置新篔簹。蕉葉西邊橋試花。

其五

攀上孤峰力更加。村墟簇簇水中沙。農師老穉無憂色。社鼓蓑蓑鬢插花。

載菊

取次山人酒一瓢。趁潮歸去路非遙。當船明月纖如許。載得黃花不礙橋。

贈雪浪師

曲水迴舟度九峰。坐來窗外落疎松。何緣二陸干將地。無限藤花蔓草封。

題瞻親圖

當年堂上舞衣鮮。此日瞻雲思惘然。底事蛛絲網書篋。涕餘愁見蓼莪篇。

送友人南游

長干明月酒如泉。叢桂紛紛撲畫船。匹馬踏開紅板月。絲毫題帶白門烟。

初築讀書臺

眉公詩鈔 卷七 七言絕句
忍飢買得山陰地。赤足來疏雨後泉。何日歸與蓮社裏。故鄉重結白頭緣。

游資慶寺

我來入寺非生客。曾與名山夢裡游。一咲相逢借盧橘。滿筐分破洞庭秋。

登標紗峰

千頃湖光四面開。松陰上下點如苔。莫言標紗無人到。先有樵歌雲外來。

送戴望之富陽讀書

松風十里冷于秋。江水潺潺及馬頭。君去若尋消夏處。釣灘六月好披裘。

題恰受船

菱葉疎疎不碍舟。綠蓑時掛釣竿頭。此中無物堪容女。剛許沙鷗一點秋。

同九如鬪茶

昨夜山窗風雨過。打碎芭蕉如葉破。曾記同師茗戰時。不坐盧仝坐懷素。

看新竹

眉本詩鈔

朱士

七言絕句

四

向余垂老怕登樓。何事今朝上西嶺。報道草堂新竹多。不覺前驅坐高頂。

體玄老漢故方壺。隱居也別十餘年。訪余苦次題。

三絕贈之

幾年江上別方干。顛頂無霜秋夢寒。逢我但言山住好。石花沉秀樹聲乾。

其二

山鏡冢刻書千笈。雨甲烟芽菜一筐。羨汝半生真可了。滿鞋紅葉看斜陽。

其三
我開冷眼看人熱。人熱人忙官鬪爾。閒何日相携老藤杖。隔橋欹笠望雲山。

題李疑壽圖

上有兔絲下琥珀。六月涼生肘腋間。誰種此大夫松。記得仙人李八百。

讀書臺雜咏

殿頭風捲紫藤花。花落殘經日尚斜。隨例下堂時獨往。古松根畔讀南華。

眉本詩鈔

朱古

七言絕句

四

其二

風風雨雨鬧春光。長踏蒼苔過草堂。除却掃花兼品石。相逢惟有鬪茶忙。

其三

歸去還看笠在無。風前歌影雨中鋤。若還客到荏苒下。不摘名花便野蔬。

其四

孤舟百里半。藤蕪水漲漁村盡。荻芦不到家園纔。二月花開鶯老燕生雛。

其五

送君閒倚讀書臺五月黃梅天正來石鼎不須焚柏子
瓶中簾菊已花開

讀少陵集

兔脫如飛神鶻見珠沉無底老龍知少年莫漫輕吟咏
五十方能讀杜書

蔣道樞入山見訪

亦有荆扉懶上關長呼病鶴闕清閒
不容蔣翊來參我
不是深山也是山

肩公詩鈔

卷七

北言絕句

望

有情痴

天生一種有情痴。慣味春閨絕妙詞。病後不曾拈一字。
香奩惟有哭花詩。

壽友人

杖頭錢沽十千酒。簾下菊開重九花。桐笠棕屨無一事。
萬峰深處讀南華。

百歲翁東溪草堂

老隱東溪一草堂。圖書萬卷滿匡床。年來百歲尋常事。
願與仙人乞睡方。

除夕訪僧幻公

咲余除夕到僧家。嫩草含春似蕨芽。數日溪山應綠遍。
共乘舸子看梅花。

有贈

何事溪邊尋四娘。夫人七首有春霜。試教醉向梅花間。
那比儂家俠骨香。

贈金仲宣

晚涼鷓拍浪花輕。弄舌垂楊有個鶯。鶯去鷓來是何意。
為君荝屋讀書聲。

肩公詩鈔

卷七

七言絕句

望

題沈山人壁

白醉荝簷天子福。黑甜花塢聖人權。山居石壁尋常爾。
底是兒童號浪仙。

荝花菴

秋老江蘋漾夕空。蕭蕭楓葉挂疎紅。那知三泖清秋思。
偏寄荝花一寺中。

看花紀事六首

香草初銷雪徑斜。有人調馬試春沙。何如三月城南下。
肩上橫擔一樹花。

其二

返棹山中日未斜。漁磯潮退露平沙。雨餘茅屋秋無恙。一樹桐陰覆菊花。

其三

春風無力柳絲斜。柳巷平分燕尾沙。日後重來須載酒。園翁栽得滿船花。

其四

同僧來叩夕陽斜。綠柳模糊界白沙。風曳蟬聲吹不斷。一窻幽夢紫薇花。

眉公詩鈔

卷七

七言絕句

聖

其五

春寒風弱酒旗斜。亞字城南八字沙。雨後主人猶病酒。隔籬小犬吠桃花。

其六

蕙草初香小徑斜。行行桃李帶平沙。風光入酒翻微浪。醉裏看花更買花。

訪雪浪上人

糝糊春樹不成行。竹裏微明隔夕陽。一派清池堪洗鉢。鉢泉常帶落花香。

泛秋

清江細雨菊花天。買得漁郎白板船。十里荻芦藏不得。逢人一笑野橋邊。

題友人小像

破衲修筇偶出關。春風吹嫩舊童顏。將君冰雪影中影。置我烟雲山外山。

素秋校書訪余山中偶披熊經略寄柬感賦

天上仙官多禮法。人間刀俎復縱橫。丈夫何處尋生活。只與紅綃說道情。

眉公詩鈔

卷七

七言絕句

聖

秋日閒泛

蘋香水綠月初鈞。一葉隨風出渡頭。醉讀離騷吾亦得。不知何事更悲秋。

贈峨眉僧

奇雲忽起浸山稜。中有千年不化冰。何日橫拖三尺杖。穿林獨訪雪龕僧。

秋日山行

叅差林影忽聞樵。松底菴庵隔澗橋。只恨秋山紅葉少。老夫拄杖覓無聊。

贈武林醫士

先生移得武陵家。不種桃花種杏花。試捲珠簾看春色。溪南溪北映成霞。

贈麻衣僧

熟睡孤峰最上臺。雪深埋却醉形骸。一枝竹杖雖然瘦。曾解山中鬪虎來。

萬壽閣

沿流一派柳陰黃。黃鳥聲聲罵夕陽。却有枯禪春色裡。閒同居士步空廊。

眉公詩鈔

卷七

七言絕句

由九

暮春看社會

藤刺楊枝碍葛巾。人頭風颭馬蹄塵。如何脂粉初增。粧飾青娥又鬼神。

花朝同珂雪過文叔山居二首

日日春山雨雪飛。門前埋却釣魚磯。趁晴携策來相訪。隔竹桃花水正肥。

其二

新晴正及百花朝。初置柴扉境轉遙。老衲勸余須盡醉。杏梢先掛酒家瓢。

彭庸子入山見訪

不聽琴聲已十年。負琴迢遞下湘川。逢人但說遊仙好。誰識能詩買浪仙。

贈鍊婆

一種風流若個猜。綺心俠骨最憐才。依稀記得曾相見。乍向稽康鍛處來。

鍊婆獨宿

清霜片片勸儂歸。香氣籠衫酒力微。賺入梅花寬夢裏。禁寒蝴蝶獨驚飛。

眉公詩鈔

卷七

七言絕句

由九

過吳門

春風淡淡闌闌城。小閣垂楊水氣明。昨夜一番新雨後。巷前添得賣花聲。

探梅

海棠深處是儂家。高下禾欄曲曲遊。好趁鸚歌濃睡穩。隔窗偷得一枝花。

限韻香字二首

簷鳥初喧午夢長。荷花開盡白蘋香。鈎簾撥出爐頭火。摹得黃庭一兩行。

其二

石床水簾碧梧涼。手倦拋書午夢長。簾外好風吹欲醒。水晶宮裡又焚香。

丙申遊玄陽洞後夢遊者三石床如雪苔花空碧

袖衣掛于洞前似于此山有夙緣也此洞為本

然禪師穿而得之覺林屋未能與論優但先後

輩耳俟異日重遊洞中作長歌以紀其勝

松風蘿月水冷然宛轉新穿小洞天一度曾遊三度夢

就中親着石床眠

眉公詩鈔

卷七

七言絕句

五

郁伯承留吳少君過除夕作此寄之

短髮禁風不出戶擁爐聽雪西城隈好待杏花春鳥外
一篙直渡到門來

姚康甫買梅歸種得三首

綠莎剪出白鷗沙柳色初青釣艇斜更有幽人偏好事
隔山數里載梅花

其二

買舟沽酒載梅花山寺山村到處家歸去春園滿香雪
不須琴譜與偏除

其三

買得梅花不論錢白雲片片滿歸船他年我若重相訪
籠鶴携琴是逋仙

結夏翠峰寺

古院濃陰夏亦寒追涼更喜石臺寬蕭蕭記得東軒竹
綠玉無塵粉未乾

題畫

翠壁丹崖赤板橋隔林黃葉更蕭蕭何當踏月橋邊去
千尺龍泉酒一瓢

眉公詩鈔

卷七

七言絕句

五

讀項羽傳聞畫眉

疎星淡月曉風輕熟睡山樓夢亦清讀到虞兮離別處
英雄那得畫眉聲

夜宿沈謙之庄口二首

太湖風送波如烟收入荷香淺港邊小閣曲橋臨橘柚
日斜恰到捕魚船

其二

買得湖魚鮮且肥坐無遷次酒交飛雪花梨白葡萄紫
明月紅樓在翠微

胥口伍相國廟
廟門老樹何年栽，赤日生火陰風哀。
神騎白馬湖中來，鷗夷于皮浪打開。

送古米遊天池諸山二首

偏袒松根懶下山，斯人不可使常閑。
夜來搜得新詩句，月照碧窻黃葉灣。

其二

小船撥過小溪灣，菱葉分開見遠山。
放却漁竿便吹笛，斯人不可使常閑。

肩公詩鈔

卷七

七言絕句

五

避客

叢竹名花一畝宮，猶嫌閭井認山翁。
重岩洞裡雲泉下，結個小庵東更東。

漁舟

有白鷗處不受暑，多綠楊邊好放船。
却把功名都打破，一竿風月弄江天。

雨霽

忽得松風枕簟清，前山雨霽石樓明。
卷簾不見樓中客，竹裏遙聞落子聲。

出塞行

秋風何處起悲笳，塞草荒荒一片沙。
白哲將軍紫駟馬，千鍾虜酒面如花。

種松

新髮鬢鬢碧似松，曉叅夜坐候孤鐘。
莫教洗鉢石臺下，山後年來有臥龍。

客至

小窻前後對山開，樹底幽禽去復回。
簾外忽聞人語响，柳陰誰抱短桐來。

肩公詩鈔

卷七

七言絕句

五

和乞松詩

栽松莫問路西東，補足前朝十八公。
我願化為長耳佛，來來往往聽松風。

雪中南湖放魚

湖光沉沉柳葉疎，雪中老翁來打魚。
魚長三尺且教放，春水杏花能寄書。

贈方外僧

一衲一瓢經一束，踪跡還如飛鳥獨。
有時夜宿五臺山，六月松深雪埋屋。

題馬湘蘭蘭花

夜來銀管欲生花。處處王孫到妾家。底是世人訛畫譜。湘溪蘭葉亂如麻。

夏日題宋賓之畫

肉重不能飛上天。炎氣况復住人間。差於斷壑深山裡。手捧茶鐺試乳泉。

藤杖

老境得為丘壑伴。醉鄉還勝子孫扶。不如三尺枯藤影。到處幽吟興不孤。

眉公詩鈔

卷七

七言絕句

七

贈吳門周山人

不從吳市買魚腸。杖底青山筆底床。何日同君一瓢酒。石梁橋上話斜陽。

附錄雜咏

羣峰盤盡吐平沙。飛瀑雲中隱士家。垂釣却忘竿在手。為憐霜葉似桃花。

其二

一道松風忽入絃。相看正是養花天。携琴何處仍沽酒。楊柳陰中刺小船。

其三

不見女郎三月餘。白紈團扇淚痕書。閨門何日重杯酒。生放桃花雙鯉魚。

其四

人言洞府是鰲宮。升降誰波與海通。共生船中那得見。乾坤浮水水浮空。

其五

簾外新芦自短長。窺人約略月痕涼。夜深讀罷茶經後。瓶上花枝照竹床。

眉公詩鈔

卷七

七言絕句

七

其六

山中樵子不知路。世上俗人誰識名。何當老我松雲閣。燒木蒸梨過此生。

其七

一室空山自考槃。麻鞋桐杖竹皮冠。曉來林下披衣坐。耐看梅花亦耐寒。

其八

支枕勝于眠草犢。著書真似釀花蜂。一生辛苦頭成白。名姓終歸蠹腹中。

其九

無風無雨着笠簑。鬚眉如雪照烟波。釣船斜繫柳梢上。呖踏神龜采菱荷。

其十

偶借浮生半日間。紫雲叢裡看青山。分明一片西川錦。都付遊人滿載還。

其十一

烟銷翠卷青天開。恍然坐我金銀臺。遙知仙島在塵世。笑人海上尋蓬萊。

肩本詩鈔

卷七

七言絕句

七

其十二

年飢飽食神仙字。酒渴時餐北斗漿。一曲朱絃理初罷。梅花帳底夢魂香。

其十三

絕頂高寒不可留。茆菴六月雪花浮。何如竹篠偏頭坐。枕上瀟湘一片秋。

其十四

南岸芦花隱釣舟。竹叢籜落草花秋。我來漫問君名姓。驚起溪邊雙白鷗。

其十五

老衲經年不出廬。有時陟嶽萬重餘。我今亦學參方去。自在隨行讀道書。

其十六

春風吹入酒家胡。換酒常投五岳圖。日暮行歌向山去。桃花橫在缺葫芦。

其十七

紗籠日上牡丹枝。晏起猶嗔中酒時。枕上偶填新樂府。侍兒偷去寫烏絲。

肩本詩鈔

卷七

七言絕句

七

其十八

自憐瘦骨清于鶴。又道閒情且類僧。閉戶不知塵世事。花陰一卷舊黃庭。

其十九

傍山結得白茆茨。脩竹桃花出短篱。忽有客來通姓氏。却從書卷久相知。

其二十

穀雨牡丹猶未開。海棠恰帶小嬌來。風晴直上藤花坐。一度啣杯一上臺。

其二十一

避世山陰一徑斜。小畦曲屈近還賒。床頭留得村醪在。隨意客來閒看花。

其二十二

春風約略燕初飛。柳絮桃花亂點衣。欲遣游絲千百尺。縮人紅袖不教歸。

其二十三

老宿芒屨二尺長。不沾塵土掛僧房。我來欲看深秋葉。借踏楓林一夜霜。

眉公詩鈔

卷七

七言絕句

七

其二十四

灘邊雙鶴送歸舟。雲隱庵埋雲樹頭。聞有中峰老藤杖。何時長嘯萬山秋。

其二十五

年少能吟似皎然。出林時復有新篇。便當共語青山社。十里松陰百道泉。

其二十六

屋上春山屋下雲。青山爲澆石爲屏。客來問我何生計。一卷相傳看鶴經。

其二十七

十二晴峰倚碧天。秀于圖畫綠于烟。行人莫恨猿聲苦。我在山中聽五年。

眉公詩鈔卷之七 終

眉公詩鈔

卷七

七言絕句

七

眉公詩鈔卷之八

柳橋 點絳脣

秋水茫茫溪雲半卷埋僧屋。關千數曲。窈窕藏花木。
三度風吹送我來投宿。西窓竹月明。茶熟榻抽。牆頭綠。

又

柳口虛無小船點點如飛燕。遠山難辨。又隔垂楊線。
浪拍空花欲釣。心倦佳人情。花枝飄散。未許僧難見。

讀書臺 臨江僊

媿。羨。北。山。松。樹。下。石。根。結。個。岩。阿。巧。藏。精。舍。恰。無。多。尚。

眉公詩鈔 卷之八 詩餘

餘。簷。隙。地。種。竹。與。栽。梧。高。卧。不。須。愁。客。至。客。來。野。步。

又

山。蔬。一。歌。濁。酒。儘。能。沽。倦。時。呼。鶴。舞。醉。後。倩。僧。扶。
問。我。讀。書。臺。上。事。草。堂。石。壁。藤。蘿。搭。前。峰。柳。樹。扶。疎。白。
雲。僧。不。掃。青。草。自。家。鋤。隨。意。辦。些。真。率。具。繩。床。經。案。
茶。爐。胆。瓶。插。得。好。花。多。無。心。追。逋。客。有。髮。托。頭。陀。

又

門。外。青。山。如。屋。裡。儘。堪。些。子。婆。娑。深。山。卜。得。考。槃。阿。某。
簷。聽。夜。雨。對。爽。有。僧。籬。推。起。西。窓。剛。得。泖。夕。陽。帆。影。

如。梭。笑。他。抵。九。犯。風。波。白。鷗。飛。起。處。一。枕。好。花。多。

又

碧。幙。朱。闌。非。大。雅。道。人。風。味。如。何。紙。窓。竹。屋。瓦。香。爐。布。
衣。蔬。水。外。無。夢。更。尋。他。但。有。異。書。三。萬。卷。生。平。手。自。
摩。安。各。香。解。得。蠶。魚。無。寶。籤。裝。玉。軸。五。色。綠。糝。糊。

贈吳延陵山居 漁家傲

虎。丘。南。去。溪。流。曲。墻。頭。露。出。黃。菊。屋。打。掃。新。塲。堆。舊。教。
雞。犬。熟。估。船。慣。伴。漁。船。宿。轉。個。迴。廊。松。簇。簇。小。橋。淺。
瀨。粘。修。竹。好。水。好。山。綃。一。幅。看。不。足。雪。花。酒。嫩。梅。花。綠。

眉公詩鈔 卷之八 詩餘

新秋 浪淘沙

風。雨。雲。時。晴。荷。葉。青。青。雙。鬢。著。小。紅。燈。報。道。綠。窓。花。
底。下。蕉。月。分。明。枕。簟。嫩。涼。生。茉莉。香。清。蘭。花。清。吐。百。
餘。莖。撲。得。流。螢。飛。去。也。團。扇。多。情。

山中次玄宰先生韻 霜天曉角

背。山。臨。水。門。在。松。陰。裏。草。屋。數。間。而。已。土。泥。墻。窳。糊。紙。
方。床。曲。几。四。面。攤。書。史。若。問。主。人。誰。姓。灌。園。者。陳。仲。子。
不。衫。不。履。短。髮。垂。雙。耳。隣。叟。偶。來。爾。汝。九。寸。鱸。一。尺。
經。菱。香。酒。美。醉。倒。芙蓉。底。旁。有。兒。童。大。笑。喚。先。生。看。月。

起

送春

柏關干

落紅狼籍東皇忍把春光擲。挽住春兒纔一日。趁此新晴不怕沾泥屐。樹頭百舌聲聲急。分付黃鸝調舌催遊客。蔷薇花發櫻桃拆。豆熟茶香衫子知。彈筍歸來月挂梧桐碧。仔細思量春去也。關干柏。

天池僧舍

點絳脣

鐘鼓沉沉寺門落。葉歸僧獨晚。鴉初宿。影亂墻頭竹。長嘯風前清籟飛。空谷松如沐。炊煙斷續。杯底秋山綠。

眉公詩鈔

卷八

詩餘

七

茗葦菴作

風中柳

燕燕于飛。補葺舊巢堪宿。草菴寬。何須華屋。水兒一曲。山兒一幅。畫中人。鬚眉皆綠。拄杖敲門。有客來看修竹。但家懷。鬪蔬。澹菊。花酒足。松花飯。熟日三竿。貪些清福。

贈葛實甫見訪

醉落魄

筍兒初出。閉門愁見遊人入。是誰剝啄柴門急。帶水拖泥。花辦埋雙屐。草堂幽靜。桐陰碧。定巢燕子曾相識。酒槽紅。串真珠。滴不飲。何為空笑。拚如戟。

山行

風家傲

笠澤茫茫青不了。蓬兒如扇。船如鳥。兩岸芙蓉楓葉早。閒更悄。白鷗數點。猶嫌鬧。酒具尋常真草草。道人只愛茶爐小。活水快風波浪少。山月曉。兒童拍手英雄老。初夏 昭若怨

記得去年穀雨。柳。蘸。鶯。黃。春。水。水。上。奏。琵琶。一痕沙。曲罷留儂歸去。家在竹谿西。住古木。掛藤花。吃新茶。

避暑

有個人家半藏山。翠楓丹。裏獨坐屏風。消受香煙縷。簡

眉公詩鈔

卷八

詩餘

七

點生平默默常無語。何方避暑。但思量。泰山松。我眉

雪。渭川萬竹。蕭湘雨。是誰交與。稽阮真爾汝。

重九

昭若怨

記得東坡老叟。莫負清明重九。今日正重陽。菊花黃。花插滿頭歸去。落日前村。楓樹樹裏唱歌人。釣魚綸

山中

時近

何處扁舟。背風篙轉。垂楊渡。卷簾一笑相逢暮。驚起鷗鷺。邀君坐。剪燈市。酒。菊。堂。破。竹。床。土。剝。商。略。閒。

功課曉來拂拭醉時巾猶帶桃花露

山居 浣沙溪

蜂欲分衙燕補巢清和天氣綠陰嬌一陣窓前風雨到
打芭蕉驚起先生初睡覺茶煙繚繞出花梢有個客
來琴在背度紅橋

秋日 明齋居

風雨蕭蕭床頭蟋蟀檐頭馬可伶秋也一束芙蓉把
小立紗窓醉以黃衫卸還聊且風吹簾怕花動鸚哥打

新秋 浪淘沙

眉 詩餘

五

朝起未梳頭倦倚高樓添些半臂上簾鈞剪剪涼風來
拂面微帶溫柔鶯老燕含愁交付輕鷗荷花橋畔暮
花洲對對雙雙眠水上賣弄新秋

又

六月懶衣裳何處追涼科頭箕踞坐胡床管地一聲桐
葉響跌下秋光新月照滄浪風卸蓮房池亭瓜菓正
排當醉後琵琶彈不歇髮短心長

又

片雨晚來收萬壑爭流石梁南過草堂幽木末芙蓉三

四朵點綴清秋竹栢極松楸風韻颯颯黃鸝不語聽
結愁鶴叫數聲催警露月到峰頭

題陳搏像 浪淘沙

老子復何求跣足蓬頭頑心已被白雲留縱有太平天
子詔不事王侯元氣緊耗收息無休經年經月睡
齋齋放出神光衝混沌天地同遊

山居 清平樂

有兒事足一把茅遮屋若使薄田耕不熟添个新生黃
犢閒來也教兒孫讀書不為功名種竹澆花釀酒世

眉 詩餘

六

聞閉戶先生

初夏夜飲歸 攤破浣溪沙

梓樹花香月半明棹歌歸去聽聒鳴曲曲柳灣苑屋矮
桂魚香笑指吾廬何處是一池荷葉小橋橫燈火紙
窓修竹裡讀書聲

牡丹 攤破浣溪沙

晏起猶噴中酒遲玉牌分記牡丹枝花下自填新樂府
寫烏絲付與紫衣俾別院夜來翻入管絃吹吹得老
夫重醉也有情痴

銷夏 昭君怨

清畫綠陰如許。樹上鶯雛學語。顧影碧池中。忽成翁。且自拋書。射睡。睡起一杯微醉。池上落花風撲。流螢

題張平仲五鹿山房 蒲庭芳

五鹿山遊。晉文投塊。至今漳水依然。使君住此。花木已多年。粧點亭臺。橋道長消。受夜月秋煙。庄前後赤城綠。野場圃又鈎連。斜陽新雨外。蘋香菱熟。鷺鷥醉眠。忽村墟牧唱。野寺鐘傳。一片風光似畫。界不定。江北江南。相隨去。筆床茶竈。同上釣魚船。

肩公詩鈔 卷八 詩餘

重九遊西湖時客携兩妓皆白苧衣 點絳脣

會記東坡。重陽前後。休教錯。棹向湖山首出。風流過。携手歌姬緩步。還遷坐。羅衫素一行。白鷺飛過。西陵渡。

又

山緊雲疎。桂叢如雪。芙蓉瘦。醉殺秋光。何處尋歌袖。有個香車。水上偏拖逗。人來又波文。微皺風送蘋花溜。

村居 點絳脣

榆柳常門。此中應有幽人者。種盡名花。只在花陰下。行樂行吟。笑看花開謝。書還把燕而來也。戲對春光罵。

又

家傍干將。白雲青鳥。風前颺兒孫。兩兩拍手扶藤杖。松花堪釀。醉後峰頭望。雙眸放。高歌擊壤。人在羲皇上。

送包彥平歸鷺湖 點絳脣

凍浦煙沉。荻蘆瑟瑟。花如絮。鴈兒成字。霜白入歸去。歲逼青陽。無計留儂住。儂知未。黷然別意。殘照斜陽樹。

題友人齋 點絳脣

水上人家。子雲草閣。相如壁室。虛生白雲。氣封金石。經案茶床。一縷香煙。織風無力。床頭樹色。遮斷遊人屐。

肩公詩鈔 卷八 詩餘

暮春過僧山寮 點絳脣

春草如雲。夜來綉出生。公石鳥啼。山寂送盡遊人屐。有一沙彌。靜掩毘耶室。茶煙碧峰頭。月出床上松花白。

答純甫司馬 青玉案

五湖傲吏。山中相又道。是羲皇上。歸後人間多孟浪。金懸如斗。玉卮無當。老眼何時放。誅奸短劍平戎帳。顧盼空風氣。悲壯。夢裏回頭真幻妄。鷓鴣蠻曲。枕榔村釀。畫取按荒像。

村居 清平樂

畫取按荒像。

東壚煙綠。嘗得黃芑屋。短短竹扉楊柳秀。時有鳧鷖來浴。從來拋俗。況有兒能夜讀。夢後一編一局空笑。世人碌碌。

山中雨夜

謂金門

風雨劣。正近上元時節。處處燃燈。絃管咽。凍。戰。流。蘇。結。何似短檠清徹。野趣風光自別。梅插胆瓶花似雪。茶香春酒熱。

周公美五十外。馮子作此慰之。

蝶恋花

過了中年諸事有。骨日團圓。究竟終分手。休戀當場土。

眉本詩鈔

宋人

詩餘

偶悲歡。离合何曾久。撥轉眉頭開口笑。要學英雄打斷連環釵。一句名言君記否。平生愛我無如酒。

七夕

點絳脣

疎雨微雲。夜來枕上新涼早。匆匆草草。訴得情多少。戲學穿針。拈起針兒倒。離愁攪。何心廝炒。分送人間巧。

又 飲頭鳳

梧墜秋光碎。一痕河影添嬌媚。錦梭撇。絲橋結。余宵天上歡娛節。嫦娥凝望也。應癡絕。熱熱熱。天如醉。雲如睡。朦朧方便。幾星會。誰饒舌。催離別。別時打弄。開年月。

自從盤古許。多周折。歇歇歇。

又 惜分敏

拋團扇。拈針線。畫樓笑擁如花面。拜中亭。問雙星。何故牛郎偏對婢。婷。卿。卿。時光箭。恩情電。一年一度來相見。天河清。萬里明。月落銀瓶。犬吠金鈴。行行。

贈友郊居

風中柳

緩步東臯。有個幽人書屋。教雙扉。庭除方幅。前牕喬木。後窓修竹。轉西廊。別藏崑谷。小澗低橋。寒碧落紅。相逐。坐亭軒。著葱膏。沐花屏。蝶宿柳塘。鷺浴。掃藤陰。彈琴。

眉本詩鈔

宋人

詩餘

一曲

村居

風中柳

近侶漁樵。疑是白駒空谷。對青山。悠然自足。北窓疎竹。南窓叢菊。愛村居。玲瓏委曲。風煙草履。滿意一川平。綠。問前溪。今朝酒熟。葛巾可漉。花谿可浴。欲歸來。故人留宿。

秋日

點絳脣

雪浪橫秋。秋高游客。船如馬。楊柳漸黃。兩岸芙蓉把。六代煙雲。綠筆真堪寫。詩成者。應在名山下。憑誰寄我。

鳩字天邊也。

山居雜咏

增減字浣溪沙

曉來露井看櫻桃。羅袖迎風不耐飄。轉向碧窓邊小立。再吹簫。簫咽春愁愁正劇。自拈香在博山燒。日暮關干楊柳外。落紅敲。

警世

霜天曉角

紅顏雖好精氣神三寶。却被野狐偷了。眉頭皺。腰肢曼。濃粧澹掃。弄得君枯槁。暗發一枝花箭。射英雄。應弦倒。迎醫問禱。疾病來纏擾。海殺從前草草。這煩惱。自家

肩本詩抄

木卷八

詩餘

討填精補腦。下手應須早。把凡心打疊。訪仙翁。學不老。

又

仙翁笑倒。同志如君少。有甚風吹來了。日月忙。乾坤小。利名擾擾。爭是仙家好。不病不貧不老。醉騰騰。沒昏曉。洞門悄悄。樵牧何曾覺。一片野雲縹緲。白的猿。青的鳥。山圍水繞。圖畫天然巧。寸寸異花香。草地無塵。松枝掃。

又

堂堂男子。莫被人驅使。要識綱常廉耻。出乎爾反乎爾。

翻局何時已。威福請還君。父是非筆。防青史。流行坎止。萬事隨天理。何必深溝高壘。福之先。禍之始。否泰常相倚。到底縱橫非鄙。老巢由方洗耳。

肩本詩抄

木卷八

詩餘

附調

粉蝶兒

天付吾曹浪神仙。短歌長嘯。離樓拋批。判花朝。任他風。任他雨。將花囉。這春光似酒難消。肯付與落紅時。一

醉春風

紫燕貼風飛黃鸝。試雛巧粉。墻門外賣花人。一聲聲道。道穀雨新晴。禁煙乍歇。清明來到。

滿庭芳

看公詩妙

卷八

附調

家家祭掃。畫船容與。白馬迢迢。提壺挈榼。沿村到難。畫難描。青竹杖。半挑山色。紫藤筐。亂插花梢。紅衫粉面。手調笑。高呼低喚。齊渡小溪橋。

普天樂

北邙山東陵道。英雄氣盡。松柏蕭蕭。太極兒。虛圈套。一片斜陽。閑花草。到如今。白骨堆高。紅顏粉消。狐狸來。野鳥悲號。

折桂令

一場扯淡。滿眼蕭條。舊墳兒却翻了新墳。短蒿兒却變

了長蒿。老農也難曉。把三尺白冷。的短鋤來犁着。磨。寢兒不分。茹草漢陵兒。任意蘇樵麥飯。誰挑椒酒。誰洗。蒼兎青蠅。夜夜朝朝。

錦上花

粉塑的骷髏。十分輕俏。泥捏的皮囊。百般喧鬧。蟻穴裏。肌肉浪蕩。麝腦鴉啄。上肝腸。枉弄花巧。

么

牛羊眠一回。牧童騎一覺。兒孫們。那一處兒。要笑。七尺碑向神前路。踉蹌撲倒。龜背的文章。拈不出了。

看公詩妙

卷八

附調

碧玉簫

酒淚荒郊。天地揔虛泡。挂劍松梢。凡聖揔衰草。忒懊惱。紙錢飛。鬼燐號。風雨又飄。行人又勞。杜鵑喚道。歸去好。

鴛鴦煞

彈丸世界多煩惱。轉轉心地真顛倒。名利何時了。隙中駒。夢中鹿。空中鳥。恨只恨。聖賢拘緊的。急造化。提戲的。巧一坏土。匆匆草草。空博得。滿地桃花。紅零星。没人掃。

松下樂

贈梅真道人

黃冠白屨。最清閒。家在沙青水碧間。竹籥門蕉葉。參差

見。槿。爲。墻。草。閣。茅。簷。掃。蒼。苔。拂。白。石。彈。一。曲。高。山。調。竈。
一。行。秋。水。篇。笑。呵。呵。如。醉。如。顛。

蓑。衣。竹。笠。最。清。閒。只。在。紅。菱。白。藕。間。蓼。花。深。蘆。荻。葉。蕩。
淺。舞。雙。橈。撥。破。雲。煙。山。月。下。溪。樹。邊。看。一。幅。天。然。畫。結。
一。生。自。在。綠。笛。聲。長。酒。熟。魚。鮮。

又 和張伯雨

年。來。何。事。太。清。涼。跳。出。鈎。人。名。利。場。滿。園。林。竹。樹。紛。紛。
長。舉。杯。時。細。草。斜。陽。酒。腸。鬆。詩。債。畢。說。一。餉。逍。遙。話。供。
一。爐。清。淨。香。要。眠。時。藤。枕。繩。床。

月公詩鈔

卷八

賦詞

七

賦

憎蚊賦

山。有。靜。者。高。卧。匡。床。解。衣。禡。帶。一。枕。羲。皇。何。物。么。麼。號。
日。蚤。盲。體。肥。而。脆。嘴。銳。而。剛。粗。成。羽。翼。別。有。肺。腸。居。心。
不。淨。巧。言。如。簧。乍。離。乍。合。忽。低。忽。昂。無。貴。無。賤。時。陰。時。
陽。競。刀。錐。之。織。悉。藏。牙。爪。于。毫。芒。覩。左。右。之。狎。昵。恣。膏。
血。之。噉。嘗。樂。袒。裼。戾。冠。裳。性。縱。橫。身。毀。傷。曷。不。蟻。夢。而。
王。曷。不。蝶。夢。而。莊。曷。不。蜂。釀。衆。香。曷。不。螢。投。夜。光。曷。不。
當。車。犯。轍。賈。勇。螳。螂。曷。不。餐。風。吸。露。羽。化。蝸。蟻。爾。中。則。
熱。爾。德。則。涼。閃。倏。似。詐。飄。蕩。似。狂。潛。伏。似。怯。煽。動。似。強。
細。同。螻。蟻。毒。共。豺。狼。諒。負。山。之。匪。任。倚。入。幕。爲。智。囊。逐。
臭。旣。慚。于。清。白。刺。譏。又。邇。于。雌。黃。若。夫。幃。帳。稀。疎。簾。櫳。
穴。竇。隱。隱。啾。啾。轟。轟。驟。驟。去。若。風。飄。來。如。雷。吼。明。噪。大。
庭。暗。欺。屋。漏。恃。謀。夫。之。孔。多。喋。邦。家。之。利。口。苟。有。愛。于。
髮。膚。遑。恤。變。生。乎。腋。肘。使。人。扼。腕。欬。歔。攢。眉。抖。擻。如。困。
重。圍。之。兵。如。失。孤。城。之。守。壯。士。怒。而。裂。眦。美。人。怨。而。搔。
首。隱。几。失。聲。于。子。綦。曲。肱。變。色。于。魯。叟。驅。之。復。來。覺。之。
善。走。柔。若。無。骨。不。足。以。安。尊。拳。實。繁。有。徒。恨。不。飽。孤。毒。

手於是正身危坐。捍禦唯謹。略經揣摩。忽爲蠶粉。好聚
亡身。多欲殞命。醢雞大吠。于銑壘。蟻爲遠弔。于項領。偶
脫蛾火之燈。或逃蛛網之阱。自謂遠舉。而高飛。實則行
險以徼倖。猶且廣布虛聲。乘間思進。掃蕩不能。換其群
吹。噓不能。變其性。我唯束手。而待望赤日之當空。冷眼
而觀。付白帝之司令。蚊乃善幻。禍終不悛。喻喻皆捷。
捷翩翩。號召群小。援借聖賢。曰仰之彌高。鑽之彌堅。鑽
之在後。忽焉在前。此天之未喪斯文也。其然。豈其然。



馬行與世無逸

本書承國立中央圖書館借用影印

謹此

致謝

新文豐出版公司 謹啟

同治癸亥冬寓皖借有手錄
伯成詩好以殺以刻物可增早餘
命尋兒鑑出並李本實丁序衰入卷中
以待重編小寒之節 邱亭野史記

雪鴻堂詩集

維振字奉
定甫蓋竟
陵人查

雪鴻堂詩集原序

李維模

古者太史陳詩以觀民風世道行淫從可考鏡我國家
不以指取士而成國以末稱詩者與李唐初盛時相等
時威而極哀萬歷末年二三好事嗜晚唐宋元哩語謂
其腐有神奇淺末弱植之後喜其易就靡然從之姜楊
不振踏駭無倫洪範五言行之不盡則有詩妖有口舌
之病其謂是耶方內果眷眷多事矣文章關乎氣運氣
運密移莫知其所以然余讀謝君采詩而幸詩道使遲
之乎乎
漢魏六朝軼大歷而上之規制若胡寬之營新豐色態

若優孟之學井叔神情若錘鉤之削鑄之進乎技藝於
化其格整而不滯其氣雄而不亢其指深而不晦其政
清而不落其詞嚴而不浮詩家諸體無不精審估品諸
妙無不備具比日魏林豪舉之士當邈三舍里巷歌謠
誤後生者讀之當咋舌自愧矣李供奉不云乎大雅久
不作吾哀竟誰陳雅者正也周續之解曰物由我正則
謂之雅當吾哀平而不見大雅之巨起敵維風國家中興
之象於焉可徵豈不快哉余所知東南大家郭相奎陽
仍義王百穀何無咎諸君采之鄉楊王邱諸君子力振
雅道推詡特至詢非溢美君采俠骨文心各有令譽博

極五車周游萬里晚以經術起家三仕掌故不及古人處觀而擯其華俸金蘭之交而攝其勝第不能掉說列公論不觀故宜年越乃尔要臣君和論君和未則以君采占文俗運國運耳陳詩觀風有有任其責者

雪鴻堂詩蒐逸序

黔自明始有詩萌芽於宣正條衍於景成以來而桐豫於隆萬自武略而止菴而用章廷潤竹泉汝錫而時中西園而唐山子昇宗魯伯元而道父吉甫徐川元淑百有餘年榛莽遞開略具涂軌山甫湜之內江諸老又一意儒學特餘事及之洵乎用霖味澹卓凡屢非炳麟鏗訃道乃大啟一時方麓鄧州冷然瑞明心易循陔美若無近少崔小范旗鼓響應延溫沅濼閒幾於人握靈珠家抱荆壁而其咀嚙六代步驟三唐清雄宕逸風格儻遠尤以君采謝先生稱首故吳滋大序其詩謂爾時士

雪鴻堂詩集序

夫風雅之味若農夫菽麥高下蚤晚童習長孰以使之然特推美郭開府韓督學諸公之折節誘掖與夫湯義仍王百穀何無咎諸君子交游切磋嗟然亦豈非鄉里多賢夙有以成之也而其沖和之音恬憺之味蒼潤之色初若易至索而愈遙則天工人事竝有獨到不關師友者故其時公安竟陵先後提唱詩道荆棘而先生崛起萬山中擺脫習染迥然高舉非其中有得之深者而能然邪桑梓同輩科第仕績皆有可稱而先生竝弃去校官名乃在諸公上豈苟然邪友芝少讀竹垞詩綜始知有雪鴻堂集讀滋大文又知有陳伯璣七十四首之選

而滋大復約為五十六惜諸本俱不可見道光甲辰遵
義鄭子尹教諭乃於貴陽傳雨亭孝廉許得先生遠條
堂稿二卷畱余影山蓋卽傅竹莊大令據錄入黔風之
本雖於全集千餘篇僅當什一而萬歷已酉前後開數
年作尙首尾粗具因鈔先生詩他見者除複重別均通
為三卷題曰雪鴻堂詩蒐逸藏匣笥八年矣今歲初夏
山陰王个峰上舍過余湘川講舍論黔詩及此本个峰
資促上板余以非完未遽應个峰曰安知雪鴻全集不
藉此引以出乎其終不出則是刻遂可已乎因序而授
之昔遠條堂稿以萬歷丙辰校刊於先生門人台郡高

雪鴻堂詩集序

存恕子言林承軒良軸今重刊又得吾个峰浙人好事
洵可尚也咸豐元年六月既望獨山後學莫友芝書

貴陽王制訓封武職將軍有集爲訓字秀實有止庵集平越黃
街制字用章不編集備傳數詩與陸厚和琨字廷潤有草亭存稿
貴陽徐開府字天爵有竹泉集趙南安太守瑞字敬瑞有青雲集
周字季修有唐山集清平王會舉字子昇有晴溪集貴陽陳史文
學字宗魯有耀編存稿餘生續編湯太守鳴字伯元有遠老閣錄
普安謝開府字道長清平李州府字吉甫並有集貴陽吳即中
准字徐川有桐江遺集長清等集周大令文化字元淑有鄧曉稿
雜稿清平殊尚書應字山南有學孔朝龍知內江有燕磯集
字從之有同野詩文集貴陽馬大令廷錫字朝龍知內江有燕磯集
參政謝民字用霖有味庵軒集趙開府其杰字卓凡有斷門白門
然莫則丞天麟字瑞明都台贈給事尚象字心易並有集新添印
和寶行循陔圖集普安韓太守杰字美若王尚書神速字無近並
施秉何大令一中號少崔有少崔山人集威清稿郡丞勸善字小
泰遊草義后齋集弟祥芝附注

雪鴻堂詩蒐逸目錄

卷一 古近體詩五十七首

寒夜飲楊願之太史石林精舍醉歌

西屯玩沈珠泉因遊白龍洞作

夜宿西屯人家

越郡丞王岑公江閣二首

大同卿方麓李公奉使過里招謙西園奉簡二首

春病二首

仲夏越漢房孝廉溪園對月

端居

雪鴻堂集目錄

夏日集薛文叔孝廉西巖放舟川上作

秋晴出郭與李屏孺蕭季律張調父遊眺薄暮飲

溪上僧菴二首

越郡丞南園小集次韻

寄金谿友人

李刺史承明吟望亭用韻

寄溲上令黃坤維

方岳陶宇劉公次郎輓歌

三月晦日小箒道中

逃澄橋曉望

石佛寺借僧寮淪茗作

普定圓通寺登飛翠閣二首

種花吟贈顧叟

安莊夜聞警

疊水亭上小憇因作短歌

關嶺馬跑泉

菴泉

懷歸

還家理園作三首

永興禪院赴明上人齋

雪鴻堂集目錄

夏日李承明吟望亭與諸同社小集

遠條堂雨中見紫薇落花

溪上小飲示舍姪文若

得胡大韶手書卻寄

山館邀余存素小集

送少參倪公致政還越二首

送范東生遊峩眉

送方次卿遊峩眉

雨中對菊懷東生和願之作

開府瑞芝胡公初度賦呈

送從子文若計偕北上

送周元青

送王岑先生謁補北上

贈方心矩

送播州顏生遊燕作

冬日訪願之石林二首

寒夜贈客賦得獨不見

夜雨聽溪作

李東白齋中看玉蘭同願之作

聽盧姬歌二首

雪鴻堂集目錄

三

卷二 古近體詩五十五首

城南江亭學憲壁哉韓公邀同參知太函謝公都

護元圃童公小集五首

關夜有懷

湯明府別墅次韓學憲韻二首

蕭季律移家曲溪上攜具過訪并有小作

李師道招同任元秀小集

村行微雨適至小憇洞中因題避雨巖口占以示

同遊者

送學憲韓公擢參閻藩先過白下二首

秋日山行過田家作

九日山行暮歸就飲王叟菊籬下醉後偶成

送洪山人還新安

送薛敬叔孝廉之燕

送何起易刺史之粵西

清平道中逢舍姪文若計偕歸

焦溪吟簡呈藩參蒼麓馬公時與予同赴都門

渡長溪舟中望二酉

憩桃花源賦畱亭子上

陳衡靈邀遊德山寺

雪鴻堂集目錄

四

再訪德山青蓮社值建中上人歸

題高明柱博士貞母卷

都門與蒼麓馬公言別

筠棲園

題何海若長安寓舍用壁間韻

壽金夢石將軍

書胡元芳叔懋伯仲卷

荅贈崔公起

荅贈郭五微

楚人易又元以畫障見貽因用短歌荅贈

送詹壁侯之遼陽二絕

題畫寄朱虞仲

陸君可王公錫以詩刻見貽賦此見意因用雷別

七夕送童子翼都護入蜀

秋分日走筆別羅王檢時君禪居湖上

中秋都門雷別王公錫金孟堅陸君可鄭倩斯胡

元方叔懋崔公超王澹翁程公儀吳于遠何海

若諸兄

陸君可九日初度何海若繪登高圖爲壽予侑以

詩

雪鴻室集目錄

五

過大梁東竹居宗侯四首

古鄆道中

九日憶家

九日宿雙井

信陽曉行

采菊

安陸舟中稌言二首

送陳大令之赤城

漢陽秋夜王章甫葵園泛菊歌

蒲圻道上咏松

卷三 古近體詩一十八首

晚汎蕭湖尋宋人虞仲房石壁

蠻娃曲

湯陰道上見楊花如絲戲作

邨行卽事

送吳使君攝八番郡事

夜集薛葵軒明府西巖

焦溪雨渡

辰陽晚泊

洞庭夜泊石門對月

雪鴻室集目錄

六

西巷徑中萬竹翛然喜而賦此

題趙文度畫西溪梅花

別郭開府

春日泛舟泮江

披雲巖三首

飛雲洞

再過飛雲洞

明 貴陽 謝三秀 君采

遠條堂草上

寒夜飲楊願之太史石林精舍醉歌

關西娟裔楊夫子片語千秋稱太史爲園近在宅之隅
怪石林林白雲起踞如虎兮伏如象仙掌芙蓉不可狀
鬼斧何年劈洞開峭壁嶙峋幾千丈池曲雙雙下白鷗
寒漪不動鏡光浮竹石迢遙袁祭宅圖書容與米顛舟
有亭聊以寄寥廓斜陽晚映青山郭祇知幽處生烟霞
不謂胸中具邱壑江南攜得圓吭禽晏坐時聞九臯音

雪鴻堂集一

主人對之吹玉笙恍疑明月嶺山岑憶昔垂髫與君友
君才長虹貫北斗昨年我亦賦明光悲歌對飲金臺酒
酒人之名不易得意氣馮凌燕市北英雄若不傾肺肝
筑傍睥睨無顏色結夏相期入翠微棕鞵桐帽紫烟衣
聽泉松下科頭坐洗藥潭邊濯足歸聽泉洗藥何蕭爽
住山且作西山長秋風我忽問刀環沙棠之舟木蘭漿
別後聞君謁帝閣青藜閣裏拜新恩侍從誰言官未達
歲星元自隱金門讀禮西歸舊溪曲遶屋龍湫漱寒玉
閉門剝啄無人聲日炷名香理仙籙二三兄弟號博雅
相看總是素心者人人手握靈蛇珠詩篇擬結蘭亭社

君今畱客醉深宵洞口寒梅壓板橋一枝兩枝凍欲雪
笑折瓊芳入酒瓢飲君酒爲君歌與君更盡金叵羅世
上浮名且奈何吁嗟乎白日亦易馳朱顏不常好丈夫
相逢那得復草草

西屯玩洗珠泉因遊白龍洞作

野老相逢一破顏壺觴問水與看山寒泉碧瀉鯨人淚
古洞青低玉女鬢龍去定因行雨出客來虛擬弄珠還
何緣劉阮天台路卻在城西十畝間

夜宿西屯人家

西村襖被酒初香寒過莎鷄漸入牀深巷犬聲如豹吠

雪鴻堂集一

空田鶴影似人長山樓笛起家家月野浦砧殘夜夜霜
垂老生涯耕稼在衡茅吾擬託柴桑

越郡丞王岑公江閣二首

占斷南明水一灣飛樓縹緲隔塵寰園同莊叟逍遙處
山在孫登嘯咏間曲檻落花驚鶴定空潭柔櫓如鷗閒
招攜總是漁樵侶松火秋雲共掩關
歸與昨日自長沙暫向江皋覽物華造竹衣裳霏綠雨
看山杖履踏青霞臨臨錦浪桃花園簾捲東風燕子家
更掉扁舟稱釣叟筆牀茶竈是生涯

大同卿方麓李公奉使過里招燕西園奉簡二首

簡書萬里詠皇華錦畫聊停四牡車龍家補時依日月
馬曹閒處帶烟霞空亭隔竹聞啼鳥細水通池看浣花
比斗闌干春蹙綠問奇今醉子雲家

水色山光互吐吞使君畱客醉華軒梅兼老鶴臨池瘦
鐘帶殘鴉報夜喧酒貯宜城三百石書窺函谷五千言
久知漢主虛前席暫以逍遙寄漆園

春病二首

忽忽春將老輕寒透薄衣閉門花落盡止酒客來稀竹
杖供行藥芒屨負采薇多情雙燕子還傍舊巢飛
伏枕喧啼鳩山牖喜載陽長貧通藥債久病禮醫王尉

雪鴻堂集一

宿煎茶火鑪添點易香晚風吹不定飛絮滿絕牀

仲夏越漢房孝廉溪園對月

積雨旦方霽散策步郊郭有亭臨澗阿境寂意亦泊微
霞蒸遠岑殘虹映長薄延眺及城隅縹緲見樓閣芳櫺
拆絳房修篁解新籜魚泳萍葉開鳥下藤花落感此朱
夏時睠彼中林酌涼月出深松素暉流絕壑形骸偶相
忘宮商復間作伊予塊疎拙微抱欣有託

端居

盛夏鬱炎歎城居宛坐甑兼旬結陰霖積潦沒人脛杖
策何所之出門苦泥滓端居寡歡趣蕭然室懸磬乳鷄

啼未休流螢飛不定因憶陶家牕空懷蔣生逕何如塵
外蹤松壽恆清聽

夏日集薛文叔孝廉西崑放舟川上作

茅堂朱夏枕潺湲積雨空林深掩關偶晴騎馬衝泥至
一尊坐對城西山朝對城西山暮泛城西水西水云云
竹箭流西山蠹蝨芙蓉紫錦纜隨風不用牽濠濮之想
何儻然百尺綸竿嚴子瀨一牀書畫米家船酒柸入手
浩歌發頭不裹巾足不襪浮雲散盡江天青金波忽漾
如珪月汗漫疑乘貫斗槎何須燒燭照江花別有小航
載簫鼓夜深餘響落蒹葭

雪鴻堂集一

秋晴出郭與李屏孺蕭季律張調父遊眺薄暮飲

溪上僧菴二首

行吟逢夕霽踏葉過前潭山近青連郭雲歸碧滿巷孤
鐘畱客聽半偈與僧參何處聞雞犬人家住水南
溪路晴猶滑溪流清且深水腥雙鷺下樹暝一猿吟問
法非高足論交是素心秋原堪眺處纖月在楓林

越郡丞南園小集次韻

城南吟眺有高臺轉壑穿林步步苔滿徑新霜秋葉墜
一川寒雨暮鴻來瓜廬擬共東陵卜菊社應同栗里開
扁鵲平生德未盡還從地主借餘杯

寄金谿友人

別時猶記草如茵，玉馬峰前各愴神。
西國一從青桂老，西江幾換白蘋新。
凝攀瑤樹思公子，未折瑤華寄美人。
今日題詩問龍劍，不知何地是延津。

李刺史承明吟望亭用韻

元亭如罨畫，幽絕輞川濱。
卷幔對鳴瀑，移尊歌采蘋。
梅癭緣浦凍，鷗泳識江春。
林水儵然意，一竿借一綸。

寄洵上令黃坤維

尺素問加餐，鸞啼春欲闌。
看君工製錦，而我慶彈冠。
雪積蒼山古，霞蒸洱水寒。
時聞有新命，聖主辟能官。

雷鴻堂集一

五

方岳陶宇劉公次郎晚歌

天意高難問，文章土一坏。
墨池餘舊瀋，書幌掩殘籌。
玉向中庭折，蘭先九晚秋。
緜山明月夜，憶爾挾仙遊。

三月晦日小箬道中

春事此俱盡，村村逢楝花。
淳風猶近古，左語漸通華。
屋角孤烟直，山根片雨斜。
頻年慣爲客，今日苦離家。

述澄橋曉望

浦樹垂花紫，滿枝枯棹無力。
水聲遲，橋頭鳩婦啼，仍嬾
正是農家望雨時。

石佛寺借僧寮書作

族况真無賴，停車對夕曛。
空林啼蜀魄，古路入滇雲。
寺遠客希到，鐘寒僧獨聞。
上方茶鼎熟，青藜漸氣氤。

普定圓通寺登飛翠閣二首

振衣歷翠微，縹緲得飛閣。
松風眾壑響，花雨諸天落。
漸暝鶴歸林，乍晴鐘徹郭。
願言釋塵紛，於焉永棲託。

了了見城市，人家出平楚。
列岫不知名，閒禽相對語。
采幽成獨行，望遠到高處。
鬱鬱山氣佳，客子澹容與。

種花吟贈顧叟

隱君家住古城邊，鶴髮垂垂守獨元。
蘿屋幾椽眠夜雨，花田十畝種朝烟。
種花之外無餘事，不對花吟卽花醉。

雷鴻堂集一

六

眼前醒醒堪泥人，安識乃翁花隱意。

安莊夜聞警

鼙鼓中宵急，愁聞戰伐頻。
數家出燠燼，一郡入荆榛。
地亂難爲客，途窮恥傍人。
披衣待明發，華髮鏡中新。

壘水亭上小憩因作短歌

眾流赴壑疾如梭，瀉作層潭千尺波。
素影空中飄匹練，寒聲天上落銀河。
兀兀孤亭坐清樾，征夫到此思超忽。
隔川濺沫濕衣裳，對面驚濤豎毛髮。
君不見黃河萬里愁，呂梁又不見夔門五月戒。
瞿塘由來壘水亦太惡，石湍幸不通舟航，咄嗟可畏寧爾耳。
浮世人心險於水。

湍幸不通舟航，咄嗟可畏寧爾耳。浮世人心險於水。

關嶺馬跑泉

絕壑聳丹梯雄封百二齊澗飛千尺雪壁守一丸泥蘿
蔓牽猿臂泉源出馬蹄關山愁極目烽火夜郎西

瘴泉

人云瘴者泉之忒我云瘴者泉之德當此巧言如流時
何不一畝口常默

懷歸

客思悠悠仍忽忽欲歸未歸將奈何已聞盤江足瘴癘
况乃疊水多兵戈暮憶百壺苦無酒朝吟一篇聊當歌
滇池可望不可即五華山色空嗟峨

雪鴻堂集一

七

還家理圃作三首

一月車塵兩鬢絲還山都忘別山時兒童問我春深淺
過盡櫻桃也不知
千箇琅玕蔭白茅翠寒新長過牆梢閒情都付林頭易
細玩虞翻夢裏爻
環堵蕭然獨晏如芭蕉深巷閉門居千時無計謀生拙
朝雨鋤瓜夜讀書

永興禪院赴明上人齋

惠遠能招客香林坐掩扉蟬希知夏早鶯懶識春歸淨
業雙修苦浮生萬慮非伊蒲朝作供細雨藥苗肥

夏日李承明吟望亭與諸同社小集

火雲日日幻奇峰乍得水壺著此躬山市浮烟穿瓦碧
江城返照射波紅陶潛避地柴桑里鄒衍譚天碣石宮
飲馬嘶迴瓜蔓水浴陽沙颺葦條風千章怪木蟠蝌蚪
百尺長橋飲螭煉鏡裏漁舸天上下門前樵路竹西東
金蘭老去交元澹文酒年來調頗同卜夜未須燒短燭
紫薇花外月朧朧

遠條堂雨中見紫薇落花

簷聲不斷雨通夕曉起看花花可惜落英片片縱復橫
點破空階秋鮮碧分明遠浦見殘霞野老慚無步障遮

雪鴻堂集一

八

但使飛花堪送酒不妨風雨妨貧家

溪上小飲示舍姪文若
溪光如鏡遠涵空柳徑柴扉岸岸同沙淨若藏魚笱碧
渚晴花覆鴨闌紅汝能縱酒何妨達我獨工詩不厭窮
少日疎狂今漸老風流應媿竹林中

得胡大韶手書卻寄

數有懷人夢書來慰鬱陶貧猶依阜帽詎不淺綈袍病
葉先霜下陰蟲未雨號采芳聊寄汝秋水正容劬

山館邀余存素小集

積雨靜梧枯茅齋生晚烟我懸高士榻君熾孝廉船寒

雁青尊外秋蛾畫燭前相達須卜夜爲別動經年

送少參倪公致政還越二首

垂橐度蘭津飄然隱是真百年投老計萬里倦遊身商
意村村菊歸心夜夜蓴於焉南詔裏應有咏棠人
秋江鬱以盤秋樹渥如丹小草亦何意浮雲惟此官歸
哉彭澤宰老矣富春灘望望五溪路孤舟烟水寒

送范東生遊峩眉

范生天下士神情美無度出門恣遠遊恥爲名所誤言
從天目始霏霏濯松露載陟匡廬巔冷泠飛瀑布流賞
及滇池在所皆成趣秣馬之三峩山川莽回互萬峰寒

雲鳴堂集一

九

刺天千林晴亦雨木皮覆窮檐根臥欹路微磴盤以
紆一千五百步西眺大雪山浩劫明積素陰壑虛鐘號
寒巖初月吐樹古腹半空一僧定而固舉手挹聖鑑落
葉紛無數還聞石放光纍纍燦珠璣登臺感歌風疑與
接輿遇之子多勝情兼亦負勝具蕭然樵客裝甕爾幽
人屢鳴泉杖策尋遠寺聽鐘起磨崖寫新詩山靈想呵
護爰以壯遊篇泚毫爲君賦

送方次卿遊峩眉

汝嶺萬重雲嶺嶺梯雲入蟲聲苔風泉木葉下寒隰囊
存土花劔杖荷筍笠招彼山中人探此霞外笈

雨中對菊懷東生和願之作

憶昨分襟何草草秋林槭槭秋蟲老游子天涯興正酣
日暮彳亍峩眉道峩眉九月凌高寒古雪皚皚應獨掃
空齋無客雨如絲把菊懷君君不知

開府瑞芝胡公初度賦呈時司空命下

脚腕忽雙交雲物偶澄霽賓雁呼其羣嗷嗷聞遐裔
裔烽銷歲復登擊壤人家瓦覆藤石壕有吏不敢入誰
其貽者胡中丞中丞好文兼好武手箱金符腰繫組朝
倚劔兮氣凌虹暮操觚兮才繡虎甲兵百萬羅心則銅
柱勛華載盟府殊恩召拜大司空萬戶千門踏且舞須

雲鳴堂集一

十

知聖主有深意水土酉都推重寄行矣平成見禹功尚
方更侈元圭賜我本中丞編戶民白日行歌仍負薪上
書遲遲不得志短褐漂零笑此身常恨相知苦不早西
堂句就誇春草向來曩下井中郎輝陽之材已云槁拒
霜秋老懸孤廟骨法烟霞姿我酌兕觥前致辭願
公永言帝者師

送從子文君計偕北上

離緒悠悠難重陳天寒柳禿梅猶嫩餘三尺劔花古
篋僅一編元草新山店雞鳴月皎皎江城馬度冰磷磷
臨歧引滿勿辭醉何處和歌非酒人

送周(元)育

惜別一杯酒相思萬里心迴波繁夕棹秀木響春禽世
故君非淺交情我較深應憐在長路永夜動微吟

送王岑先生謁補北上

歲云暮矣風淒淒客子出門征馬嘶馬首梅魂驚太瘦
南枝北枝開未齊道傍柳枯不堪折折取羅浮深夜雪
寒香細細撲離樽魯酒一杯歌一闕歌竟酒亦停僕夫
戒前路黃河腹堅冰可度君行昨日夢刀州刀州之民
應五袴

贈方心矩

雪鴻堂集一

七

束髮弄柔翰中歲滯貧里烟霄不自謀蓬累安足恥爰
從至人遊而悟齊物旨園廬覆重茆去郭不盈咫仄徑
紛茵蘭方牀翳菊杞平生作蠹魚心神殫諸史一陳廢
興事千秋若掌指酒至歌再歌烏鳥殊未已一斗澆愁
端一石豁醉理山廚菜甲青瓦豆蠚匡紫酣眠松樹根
松風呼不起平頭報客來造次索冠履秋作輸并稅夜
春修菽水所適在弋釣間之聊爾耳漢陰若爲儔牆東
無乃是貧交二十年吾黨三數子去去南山田耦耕從
此始

送播州顏生游燕作

夜郎之城大如斗遶郭寒烟闕春柳憶昔王師東下時

戰血猶腥白石口顏生讀書差解事十載渝州稱辟地
鴻雁澤中今始安青錢又買燕山醉晴江漸斷殷如雷
征帆須趁樵風開那能刺促重刺促披髯長嘯辭蒿萊
客子獨行良踽踽題詩遠送江之滸侯門莫漫嗟無魚
三十六鱗春可敷君不見馮驩長鈇空復彈中夜悲歌
亦奚補

冬日訪願之石林二首

以我滄洲意傍君林水來降紋二酉合石勢五丁開玉
屑初迴雪冰丸欲綻梅歲華搖落盡多病強擎楮

雪鴻堂集一

七

兼旬不出戶復此採幽行觸石凍雲起隔溪寒水平孤
琴夜三弄獨鶴時一鳴吟眺以之久高齋生遠情

寒夜贈客賦得獨不見

詩獻獨作君

夫君年少清且真杜父之膚衛玠神塵譚奕奕擅名理
道傍見者呼璧人白駒歲晚繫空谷北風獵獵撼深竹
高館張燈蘭焰寒小槽壓酒椒芳熟酒熟燈寒君莫辭
歌喉宛轉銅龍遲千金卜夜且須醉咄咄書空胡爾爲
蕭然四壁成都彥知己偶逢楊意薦託諫文章在上林
一朝召對明光殿丈夫際合會有期司馬長卿獨不見

夜雨聽溪作

幽居屏人事况乃與溪并晚雨一時作春波半夜生未
請馳蛭勢已辨泛鷗聲雪磴疑松吼風應肖竹鳴溜驅
浮梗下石激斷漸行瀉滴思垂釣淙淙想濯纓老夫聽
不厭稚子睡還驚晏坐寒燈裏彌深在澗情

李東白齋中看玉蘭同願之作

西園飛蓋映瑤觴管領蔟華入醉鄉質比趙家完處潤
味同湘國佩時芳寧論春雪難爲色即使寒梅合讓香
疑向藐姑山上見風姨月姊競新妝

聽盧姬歌二首

草色羅裳玉膩膚歌喉一串日南珠莫愁老去梁塵歇

雪鴻堂集一

七

此夜佳人道姓盧

垂柳絲絲拂曙烟文鶯百轉繡簾前盧家少婦能娛客
腸斷箜篌十五絃

雪鴻堂詩苑逸卷之二

明 貴陽 謝三秀 君采

遠條堂草下

城南江亭學憲壁哉韓公邀同參知太函謝公都
護元園童公小集五首

旦發虹梁門限投漁磯路春水半篙綠寒裳不可渡溪
深烟復重遙遙辨庭樹

官柳變寒條二月孤鶯早細水洗殘花幽風梳短草川
原霽人目曠望懽探討

羣公結駟處乃在清川曲危石疊飛雲奔泉激鳴玉隔
浦見茅茨寒鏡影深竹

雪鴻堂集二



空亭留燕言山林壓春酒以茲川上意緬懷魯中叟白
鷗不避人矯翼下溪中

踞此松間石盈盈春一望秀月吐層潭清輝幾千丈何
處夜漁歸前村人語響

閣夜有懷
皎兮月出東山東十二樓臺練影中永夜懷人不成寐
南天目斷孤飛鴻

湯明府別墅次韓學憲韻二首

閒居堪自賦潘令晚逾土堞隱遙峰外亭開灌木中疏

泉期鶴至疊石許猿通最愛西廳夕林霞一抹紅
只尺平郊路無人知此庵徑松弄夕翠門柳闕朝嵐棋
按東山譜書窺大西函時時展歡讌老境蔗同甘
蕭季律移家曲溪上攜具過訪并有小作
淙淙寒玉激樓西野客因之始定棲萬縷餘紅霞映水
一行深翠柳環堤芸牕夢叶江淹筆蘭社交存范叔緜
賴有微吟供淺醉渚蘋花發水禽啼

李師道招同任元秀小集

濁酒但相對清言殊未休鶴鳴疑有雨葉落始知秋瘦
石蘚痕老短壙花氣幽好文兼好客地主亦風流

雪鴻堂集二



村行微雨適至小憇洞中因題避雨巖口占以示

同遊者
樵路天風吹客衫况逢村燕語喃喃林光未霽還搔首
一嘯空山避雨巖

送學憲韓公擢參閣蒲先過白下二首

使者銜新命褰帷向水濱提封連鯤壑編戶襍鮫人浮
海巨時意居夷術道身青箱有家學聖主重詞臣
涼吹肅離筵離情倍黯然官之烏石下夢繞白門邊浦
香鷗迎楫潭昏蚌照船遙遙瞻斗氣悵矣海南天

秋日山行過田家作

二首微著
意反失之
頗自矜貴
五詩未免依
倨前人然亦
難得如此潔
淨

夙雨漲寒溪石髮平於掌川巖互幽暎十步九楷杖念
茲臨眺佳頓忘登涉枉孤村闌無人但聞流水響茅茨
只數家炊烟羃蘿幌吠犬出荆扉鳴雞隔林莽奔泉曲
折瀉瀉滴蒼崖上冷色橫空來令我肌髮爽木葉猶未
脫禾苗亦已長山暝牛羊盡墟落斜暉斂吾生媿老農
鼓腹歌擊壤歸徑望城闌青霞有餘想

九日山行暮歸就飲王叟菊籬下醉後偶成

古木帶棲鴉殘尊日更斜不因逢野老安得到山家風
屋茅都捲霜籬菊半華頽然吾自放酩酊是生涯

送洪山人還新安

雪鴻堂集二

三

離心江上逐流波渺渺孤帆載雪過橐裏黃金綠俠盡
尊前白髮傍愁多向來腸胃無塵土此去衣裳有芟荷
我亦天涯感畱滯對君中夜幾悲歌

送薛敬叔孝廉之燕

君家兄弟河東鳳君獨先棲上苑枝江路辭寒初變柳
山橋近午始流漸吟邊芳草供行卷醉裏春鎧照別卮
年少才名方藉甚主恩休訝不同時

送何起易刺史之粵西

斗酒送君秋欲暮經術兼饒經世具七載離家昨始歸
又聽寒猿啼別路粵西之西風候殊干降蒨壑烟模糊

到來五馬行春處桂海應還明月珠

清平道中逢舍姪文若計偕歸

匆匆握手問京華解后聊停下澤車雞肋一官予就道
馬蹄萬里汝還家方田積雨漲秋草古戍輕霜明晚花
汎梗自南萍自北關河相望各天涯

焦溪吟簡呈藩參蒼麓馬公時與予同赴都門

深溪以東三十里維石巖巖水瀾瀾水瀾瀾兮拖朝藍
石巖巖兮凝暮紫其間寇盜縱復橫叩水無端成禍始
白日攫金還殺人猛蛟突獸詎堪比郵吏纜傳賈豎傷
篙師又報參軍死膿血淋漓亂棘中殘骸枕藉層潭裏

雪鴻堂集二

四

營荒十室九無烟羸卒呼來衛行李衣不掩胫腹且枵
徒手欲搏虎與兕借問司戎者爲誰坐嘯空城而已矣
胸無十萬水犀甲安用此曹守邊鄙馬公磊落天下才
掀髯強爲蒼生起一片濟時心可以照江水憤激眼前
事惻惻良有以吁嗟乎綠林之患無時無黔民淚盡眼
欲枯願借寇君拔劍斫地安此都

渡長溪舟中望二酉

問津古城下平沙踏莎葉秋濤方壯時中流不可涉雲
日亂高天烟霜壓危堞登麓望二酉客子疲應接霞表
青芙蓉縹緲幾千疊昔人藏秘書而我慕元笈臨眺一

以佳心神若爲慳菲才慚濟川咄哉此舟楫

甜桃花源賦雷亭子上

遙遙梯路接仙源峭壁飛蘿翠可捫樹裏人家非避世
眼前雞犬尙成村花隨流水春無迹月到空山夜存痕
安得結茅歌小隱自鋤黃獨住雲根

陳衡靈遊德山寺

詩在山上

旃林長嘯劃烟霏酒熟橙香齋正肥塔憶瞿曇曾說法
臺憐善卷久忘機上方月午千峰靜枉落霜寒萬木稀
夜半回舟風浪作卻疑潭底白龍飛

再訪德山青蓮社值建中上人歸

香鶴堂集二

五

兩度扁舟訪釣灣開門童子報師還經旬濼機移深浦
昨夜梯雲宿舊山蓮社可容陶令醉蒲團聊對遠公閒
馬蹄明日長安道回首中峯積翠間

題高明柱博士貞母卷

我聞貞母事式歌貞母吟貞母婦瞻雪滿簪干行易盡
崩城淚九死難移匪石心崩城匪石亦良苦荆蕞掩泣
身無主籊金散後家轉貧數椽茅屋牽蘿補六十三齡
壽且康舞鸞沈影鏡無光夜半停梭聽兒讀不知殘月
下流黃斑爛繞藤河東風光焰文章三曜動仲也先搏
九萬風金神凝報芙蓉夢獨排閭閻叩天關精白由來

咸至尊總爲母恩時未得纒纒疏草幾千言絲綸捧出
麒麟殿几几翟冠人所羨榮名一日遍長安錯落明珠
滿詩卷板輿迎處錦江春江笋江魚入饌新多少生徒
環絳帳請將斯道覺斯人

都門與蒼麓馬公言別

點蒼點蒼何氤氳十九峯高半入雲左挺碧雞右金馬
其間必有名世者名世之賢馬改叔應期崛起蒼山麓
粉署翱翔二十年始承簡命參藩服參藩小試經綸手
足國裕民無不有自是良工多苦心至今碑在黔人口
蛾眉龜極妬應生囊中薏苡誰能明父老上書志未達

香鶴堂集二

六

煮海之官遷以行吾聞壯夫那刺促江北江南草新綠
單舸能銷放逐愁朋尊且縱登臨目計賜環時鬢未霜
幾人曾不薄淮陽爲公一擊珊瑚樹臨別濡毫詠點蒼

筠樓園

倚倚池上竹竹深雲若屯有客能開徑何人解造門橫
稍威鳳羽迸笋螭龍孫只此幽棲意于時未易論

題何海若長安寓舍用壁間韻

何郎名滿長安市儼庶長安西復西繪事對人時潑墨
詩情與客夜分題宮鶯百轉臨臆近御柳三眠倚檻低
我欲煩君圖小隱微廬風景似耶溪

壽金夢石將軍詩精

碧桃春泛鬱金鷄
几杖年來七十強
績以籌邊徵細柳
名于醫國見長桑
探元妙解壺中訣
卻老閒抄肘後方
磊塊平生澆未盡
時時對酒說干將

書胡元芳叔懋伯仲卷二君楚人以孝著

采蘭為佩籜為冠
畫史風流見二難
燕市秋霜長缺冷
蕭齋夜雨短檠寒
釀花自足畱賓醉
負米何辭奉母歡
多少斷烟殘渚色
彩毫移入鳳城看

荅贈崔公超

慷慨說從軍
將邀塞上勳
少年頻結客
未路始逢君

雪鴻堂集二

七

美游梁賦名高
論蜀丈劍歌當此
別易水鴻秘雲

荅贈郭五微

何處洽心期
香林晏坐時
詩投青玉案
酒滿鬱金卮
與客紉蘭草
呼童歌竹枝
相思待春雁
莫訝附書遲小兒

楚人易又元以書障兒貽因用短歌荅贈

易生繪事稱擅場
遠遊白裏千里糧
短褐蕭蕭渡易水
悲歌醉臥酒人傍
六月涼風開北牖
戲拈秃筆不停手
百尺長松十丈泉
生綃髻鬢寒雲走
知君此技妙入神
滿壁滄洲不療貧
囊裏無錢可畱客
茗鑪但煮雨前春

油壁車流蘇帳五侯七貴爭相尚
千金不惜買筵篔簹半
練未肯圓屏幃長安城中難久畱
世事如棋君且休請
看燕市雙蓬鬢何似湘江一釣舟
吾聞紫蓋之高麗天
表七十二峯青未了君如長嘯歸
故邱頭顱宜向此峯
老

送詹壁侯之遼陽二絕

相逢春草柔
相送秋蟲老
寒夢伴君行
夜夜遼西道
我訪赤城霞
君踏黃沙月
別愁誰較多
看取雙華髮

題畫寄朱虞仲

百疊寒泉逗蒲飛
桐花滿地綠陰肥
何時小築從君隱

雪鴻堂集二

共倚虛樓看翠微

陸君可王公錫
皆以詩名見貽賦
此見意因用畱

別

新詩字字出風塵
三復應知筆有神
賦就陸機方入洛
年來王粲不歸秦
霜橋惜別蓬根晚
霞壁相思蕙草春
滿卷驪珠發
光怪卻疑明月夜
窺人

七夕送童子翼都護入蜀

班馬蕭蕭出紫宸
白蘋風冷芡袍新
雙星此夕逢牛女
半壁於時仗虎臣
谷口寒流平入渭
棧邊芳樹遠連秦
錦官萬里腸堪結
悵望西方懷美人

秋分日走筆別羅王檢時君禪居湖上

離緒悠悠獨念君，裁詩相訊水之濱。
三千世界何人覺，九十秋光此夜分。
楊柳絲搖丹禁雨，芙蓉香卷翠湖雲。
不知別後僧窗夢，可向天涯憶雁羣。

中秋都門西別王公錫金孟堅陸君可鄭倩斯胡元方叔懋崔公超王澹翁程公儀吳于遠何海若諸兄

一時蘭社有羣公，賦就爭看彩筆雄。
用世敢云官未達，論交何意調相同。
離筵皎皎見梧月，別路嗶嗶聞草蟲。
劍合他年應記取，帝城分袂是秋中。

雪鴻堂集二

九

陸君可九日初度何海若繪登高圖為壽予侑以

詩

稱觴采采菊堪把，引滿何須屋子下。
君有仙才似歲星，年來避世亦金馬。

過大梁東竹居宗侯四首

十年西逐與東奔，出處難同靜者論。
虛左未酬頭又雪，不堪重過舊夷門。

歌鐘動地麴塵香，絳臘燒殘待曉霜。
為問茂陵多病後，幾人詞賦重遊梁。

雁斷無音問起居，風流文采近何如。
高齋憶得閒無事，澹烟濃雨幾枝低。

門掩修篁日著書

別君曾記葉辭柯，華髮蕭蕭感慨多。
今夜天涯重握手，半牀殘月下秋河。

古鄆道中

勞心草草鬢蒼蒼，萬里浮蹤滯一方。
茆店雞鳴催客去，山槽酒熟喚人嘗。
風塵古驛迷槐水，烟火層城望柏鄉。
寒至始知秋欲暮，夜來蛩語漸依牀。

九日憶家

黔雲楚樹渺天涯，客路重陽倍憶家。
戍古免眠寒隰草，村空鳥啄暮田花。
燈前刀尺腸應結，笛裏關山鬢易華。

雪鴻堂集二

十

跡似斷鴻樓不定，又隨秋葉度平沙。

九日宿雙井

屋角掛霞光，行人卜早霜。
天圓雙井小，地接兩河長。
落葉填深巷，飛藤刺短牆。
有詩兼有酒，知不負重陽。

信陽曉行

殘月半鉤在，瞳矓伴客行。
山川申伯國，雲木信陽城。
井賦輸周供，方言襍楚聲。
殷然見秋作，賜我悅農情。

采菊

采將陶菊過鄰西，滿把寒香吐未齊。
因憶故園當日日，澹烟濃雨幾枝低。

安陸舟中禱言

水鳥雪相似汀花錦不如午艫幽夢破閒看漁人漁
茅茨八九弓人家住江口何處打魚船明鏡夜沽酒

送陳大令之赤城

祖帳秋開落木邊主恩深憶制符年庭留舞鶴官如水
已有飛鳧令是仙近日波恬滄海外有時霞起赤城前
東南久自需良牧舟楫今看濟大川

漢陽秋夜王章甫葵園泛菊歌

葵園主人素心者羅列千峰眉睫下軒牕半瓦兼半茅
來往乘船不乘馬秋意今番到叢菊淺白深黃間松竹

雪鴻堂集二

七

衡門晝掩無餘聲惟有樵斧丁丁隔林木君本廟廊器
而負烟霞姿有時罷耕釣讀書還下帷曲几瑤編幾萬
卷擁書可以當南面臨池洗墨蒼雲寒掃地焚香白日
宴琦枝奕奕見諸郎弱齡舊學衍青箱足跡不肯到城
市晤啣丙夜徹林塘小者髮短未受曠文章光焰高千
尺已識名家有鳳毛更看世貴傳龍額上書憶在園門
前與君分手六經年偶然一見共驚喜匡牀雷我山中
眠炊黍擊鮮成信宿談深兩跋西總燭起視銀河月正
高况逢王金醅初熟手招黃鶴翁口誦鸚鵡賦異代風
流杳何處等閒懷古易傷神不如且折葵園露君看長

安花予攬赤城霞明年各在天之涯那能對菊不成醉
忍向尊前負物華

蒲圻道上咏松

東行三百里步步入寒松接葉深巢鶴蟠枝怪作龍根
非移漢時品自薄秦封落日巴陵路凝陰翠且重

雪鴻堂集二

七

雪鴻堂詩苑逸卷之二

山陰後學王介臣校刊

雪鴻堂詩苑逸卷之三

明 貴陽 謝三秀 君采

晚汎蕭湖尋宋人真仲房石壁

川光鬱初霽野航恰受客天空斷雁哀水落寒沙積絕
峽響飛泉飄飄匹練白涼葉不禁霜楓林還撼撼榭櫂
湖之陰突兀見瑤碧恍疑太始雪拔地起百尺登眺極
人目了了晰阡陌胡爲水窮處乃有此奇石昔聞避地
者於焉卜其宅愛茲雲木秀重以巖潭僻靡巨匪蘭棹
或時仍柘屐遺詠蝕苔紋風流已陳迹高躅杳難攀我
來徒惋惜商飈增暮寒旨酒若爲適興盡鼓枳歸滄浪

雪鴻堂集手

黯將夕 浪詩題作波

蠻娃曲 郊行見采葛者因作是曲

蠻娃出戶筠筐隨秀子穿環帕裏頤東鄰女伴競相逐
四月深山采葛時葛葉萋萋葛藤綠按葛爲絲給春服
經絲易脆緯絲柔裂指猶嫌緝不速破爐風急寒炮生
流黃軋軋無停聲織成未敢問刀尺明日輪租應到城
到城杼軸歸公府吁嗟蠻娃亦良苦君不見北里春風
歌舞人曲罷羅裳棄如土

湯陰道上見楊花如縣戲作

古道多垂楊春殘花亦白毳毳隨晚風到地忽盈尺中

轉折自是
老手

全得此結

風刺得飽

原洞散民力微安得吹上流黃機若教織作機中素九
印仰人不授衣

邨行即事

十里荒邨路尋幽到薜蘿陂寒菰葉少籬晚豆花多廢
寺紛蟲網貧家靜雀羅老翁髭髮坐相對說兵戈

送吳使君攝八番郡事

才子漂零久今看洽郡功地當三楚盡山到八番雄詞
賦霜臺裏桑麻露冕中孤城饒吏隱解帶聽松風

夜集薛葵軒明府西巖

曲磴穿叢篠風烟憶武陵飲能齊阮籍嘯或似孫登投

雪鴻堂集手

轄酉山客呼船送嶽僧江城無埃火薄暮見漁燈

焦溪雨渡

遠岸平蕪綠寒流似若邪雨深人喚渡春老客思家野
葛牽青蔓溪藤落紫花浮名是何物漂泊又天涯

長陽晚泊

春流似建瓴春色晚冥冥溪菜盤餐滑江魚七箸腥月
來沙漸白烟斂樹猶青漁父方舟處聞歌媿獨醒

洞庭夜泊石門對月

平湖涵霽景涼月漾晴暉樹極長天盡雲歸別島微燈
前秋社燕夢裏故山薇誰念滄洲客飄零未授衣

時離子
宋舟中

不雨無風雨
竹馬北君高照

西巷徑中萬竹儵然喜而賦此

負杖入深竹一盤仍一盤鄰僧分路去野客到門看不
雨夜尤綠無風夏亦寒素琴多遠思宜對此君彈

題趙文度畫西溪梅花

欲雪不雪天淒淒南枝北枝開漸齊因訪梅花過橋去
始知春在西溪西

以上十一首據明詩綜錄

別郭開府 修竹收

客情秋色共蒼蒼耐可離筵菊正黃為訪杜蘅先過楚
敢云詞賦重遊梁孤猿夜嘯千峯月匹馬寒嘶萬里霜

雪鴻堂集三

前路總令知已在憐才誰似郭汾陽

春日泛舟泮江

江路分明潯水灣汀花汀草破愁顏朝憑短棹乘風去
暮逐孤蓬載月還逸興尚餘尊酒在浮名不及釣絲閒
胡牀箕踞逢多暇看遍南城十里山

披雲巖三首

晚起雲分畫墨渠添水弄青蘋石隙桃花笑客茅簷燕
子衝人

巢穴環居九姓犬牙控馭三藩峽外乾坤錦里烟中雞
犬桃源

水去千巖漏洩雲興萬壑平鋪買積人猶帶劍觀風我
亦懸弧

以上五首據貴州通志錄

飛雲洞

亂後招提喜獨存上方鐘磬靜黃昏松穿怪石仙人掌
月覆空潭玉女盆僧慣煮茶尋雪乳客偏攜酒對雲根
重來莫遣迷歸路記取桃花是洞門

再遇飛雲洞

柱杖來尋物外機月潭半嶺挂松枝空山月出僧歸早
古洞雲深客到遲小市且沽新釀酒短牆猶憶舊題詩

雪鴻堂集三

禪燈木榻棲遲夜此意惟應靜者知

以上二首據雲巖小志錄

交以二首

去五事為冥之四月天寒聲通洞兩晚翠隔雜煙乳
遊山色似鳥啄野田從來多心屢林木物備吃
亂山相對之一日必香天震霖移林雨烟温香滿煙酒
爐多味竹平及翠田未暇論幽事煩襟已濕衣
上二首據中益州志錄

雪鴻堂詩蒐逸卷之三

山陰後學王介臣校刊

黃鶴樓望漢陽懷王章甫社兄時刺華州

故人已作華山長○風神何散朗○寒惟遠憶數行春
玉女諸峰供撰掌○一和手漫弄人書何處遠春山
今如樓徙惟望可知同病船相憐○陸伯璣曰黃是
郭外看春山集任去疾齋頭作

花信風高備幕垂○東深樹語黃鸝向夕張燈留客宴
漫空飛絮因人時○春寒側、春衣薄隔水流雲度出西
心史仁牙控板杖○細君綠醪浮乘席陶然飲亦沾醉
眼底故人能得意○不如悲几看南山鏡裏芙蓉寫烟翠

得陽江上望巨廬

落日半街江上峯峯盡若青芙蓉香爐五老在咫尺
令人一見胡心胸○賢能韻滿中谷社裏蓮花洞門鹿
耳根萬鳥呼天風無乃懸巖瀉秋瀑冥探未暇宋世誌
徒倚蓬窗空復情○不如覓枕且高臥呼兒為誦琵琶行

武湖同任去疾看藕花踏月夜歸有述

禁烟拆起湖將夕○遠草寒漪漾平碧須臾秀月揚清輝
盈人去人只數尺朱華滿水香滿湖系香吹向水深處
宛如三十六宮春翠袖紅粧轉相妬○調鼓翼早涼生
湖月湖花俱有情與君簪杖引幽步亂踏空階樹影行
村行即事二首○明詩綜錄第一首

舊事

十里荒村跡尋出到薜蘿波寒菰葉少○難晚豆花多廢
寺外蟲網負家靜○在羅老翁睇髮坐相對說兵戈
積雨空林溼吹煙午未生○達人留菜色留客有蟬聲葉
吮多難辨菊田半不辨流止潭滿眼何是日昇平

送吳使君攝八番郡事○明詩綜選錄

才子漂零久○今看治郡地當三楚盡山到八番雄詞賦
霜毫裏桑麻露冕中孤城饒吏隱解帶聽松風○陸伯璣曰
似古人

夜集薛葵軒明府西巖○明詩綜選錄

曲磴穿叢篠風煙憶武陵飲能齊阮籍嘯或似孫登投

轄留山客呼船送嶽僧江城無堠火薄暮見漁燈

焦溪雨渡○明詩綜選錄

遠岸平蕪綠寒流似若耶雨深人喚渡春老客思家野
葛牽青蔓溪藤落紫花浮名是何物漂泊又天涯

辰陽晚泊○明詩綜選錄

春流似建瓴春色晚冥冥溪菜盤滄滑江魚七箸腥月
來沙漸白煙斂樹猶青漁父舟處聞歌愧獨醒

湘東

草草三湘客遙遙萬里舟賣蓑沙上市曬練水邊樓遠
影歸鴉疾寒聲過櫓遲白雲與紅葉一望一層秋

蘭船舟中臥病

細雨平蕪綠空江春較遲孤舟人臥處二月燕來時病
骨黃花瘦愁心明月知悠悠湖上約又負采芳期

台郡登怡情峯尋黃華仙人丹井諸勝竇二首

虛閣坐來久千峯不厭看郡形吞海壯塔影射江寒我
託山為情人疑并有丹黃華遊何代遺事此登壇

璣曰佳老

細路緣雲上路迴雲亦重天垂青野盡地與赤城通冷

翠低深竹空濤急亂松登高兼望遠賴此一枝筇

璣曰五六甚佳結入庸

秋日同無過諸君寄舟至惠不寺看竹作

川路忽行盡榜船秋樹根斷烟生絕壑殘月下空村蕩
近多逢雁峰高獨聽猿杖藜因看竹夜打老僧門

璣曰意象俱活

晚宿精翠閣

佛火照空潭山深襟被寒葦蟲喧夜枕林果薦軟盤
望情彌滿幽棲夢亦安新霜太無物木葉已微丹

璣曰可稱名作

中興與趙車凡僉憲汎月由胡溪至河狀二首

勝侶欣相命琴觴共拍浮月來江不起客老驂先秋遠

嶼堆藍出寒波抱珥流木奴霜未降綠滿洞庭舟

伯璣

川路綠雲却何嫌刺艇遊銀床花姥并蕙恨屈原祠對
榻今詩韻明蓬捲鈎絲更尋幽處泊莫道素鷗疑

伯璣

贈王姬玉華

睡起聽殘鶯紅窗漫理箏柘枝元自媚桃李本多情月
寫低鬟影風搖襟佩聲極成恐人妬樓上獨盈

伯璣

洞庭夜泊石門對月三首

明詩綠蓮芽一首

平湖涵露影涼月漾晴輝樹極長天盡雲歸別島微燈

前秋社燕夢裏故山薇誰念滄洲客漂零未授衣

子燕

秋帆十幅蒲陽影入崖無水勢雄吞楚濤聲直到吳驪

浮元亮梳膾斫李鷹鱗願謝區中累身名瀕鈎徒

天浮雲夢澤路轉石門灣鳧舫蒼葭外魚菜淺草閒齊

伯璣

諧傳柳毅望挹君山今夜寒策月漁歌處處閒

伯璣

西菴徑中萬竹倚然喜而賦此

負杖入深竹一盤仍一盤清僧分路去野客到門看不

兩夜尤綠無風夏亦寒
琴瑟多遠思空對此君彈
伯

風遊寺頓持借綠軒作古崇岡地

古寺枕崇岡
門山滿堂松寒如欲雨
菊晚正空霜
一榻留人靈千燈選佛場
新詩漸杜甫空封已公房

留別開府青瑛郭公

客情秋色共蒼已
耐可離筵菊正黃
為訪杜蘅先過楚
敢云詞賦重游梁
孤猿夜啼千峰月
西馬寒嘶萬壑霜
前知總令知已在
御和誰似郭汾陽
伯瑛曰雅有

送青瑛郭公命告還豫章

澹烟芳草送征輪
自是高堂有老親
空省百年蒙聖主
安充萬里仗勞臣
陶潛賦就甯因菊
張翰歸歟不為莩
出處於公關世道
還看白髮照麒麟
伯瑛曰如此便要四首却南安得有詩情矣

灑蘭道中

敲策蕭瑟劍裝輕
一望平蕪愴客情
楊柳津亭聊駐馬
梨花村館漸聞鶯
家火榆烟溼處
水茶殺雨時
湘國采芳三月
孤春江如練
繞春城
伯瑛曰死於
乾楊弼泰進士
兼送旅楓還秦中二首
生死交情泮淚知
寒江歸棹雨絲
諸生南國多高里

一士西京哭越惟世路尚遺
投筆恨主恩虛有賜琛期
伯瑛曰不有
遊魂何處怨斜暎
彩筆應修地下文
未信珠能酬鮑井
須知劍已許徐君
素車曉度秦關月
短旆寒飛渭水雲
後夜山陽清笛裏
不禁清淚落紛紛

蘭州亂後有述

年來戎馬尚縱橫
野客憂時百感生
關外樵牛聞饑士
路傍挿羽見徵兵
淒風斷角吹殘壘
落日哀猿嘯廢城
滿眼流凶堪涕泗
伯瑛曰此詩
雨中郡大夫徐公維見枉衡門時予方臥病奉簡

一首

落木蕭蕭對掩扉
廿年生計北山薇
荒城歲暮初登我
深巷人家正掩扉
上宮到門題鳳去
病夫倚杖送鴉歸
菊花又釀重陽雨
安得携壺歷翠微
伯瑛曰
劉廓如司理招集寺樓是夜雪又將分袂
使君美酒富千鍾
引燭徵歌興倍濃
細雨乍沈山殿碧
寒澗初掃赤印松
當年三笑溪名虎
此夜雙飛劍作龍
醉裏雪花如掌大
山隄面失芙蓉
伯瑛曰沈字
晚登滕王閣
楓樹凋傷旅雁驚
浮雲西滿豫章城
山川已屬鄱人子

樓閣猶懸帝子名，萬里帆樞天外盡。千門燈火望中明，
由來信美非吾土。一度登臨百感生。原句：日不欲高，奇是祀穗唐開有落奈耳。

湯祠部義仍先生招集玉茗堂賦謝

草堂遙夜帶春星，設一松風韻可聽。題柱聲名高畫有

著書歲月老，①亭寒宵對雨尊。切絲末路達人眼，倍青

懷抱為公傾，欲盡肯言。菜馬向飄零。全句：伯璣口不似此

出脫

聽雨

天涯留滯感居諸，借得蒲團臥佛廬。一夜涼聲孤枕雨

五更殘夢故園書，浮名我自逃中聖。感事誰能為子雲，
漂泊最憐行役久。片帆歸去莫躊躇。原句：伯璣曰：中聖子雲頗佳。

詢林和靖先生墓

平生夢想孤山跡，此日緣何買酒來。湖上小舟曾載鶴

橋邊殘雪已無梅，王孫徑在年三草。露土碑荒字字苔

忽憶暗香疏影句，吟魂清絕使人哀。

遊韜光菴小憩餐霞閣

閣敞層陰磴道斜，芒鞋步上入青霞。山中雨散仍飛瀑

林下春歸尚落花，招隱舊聞叢桂賦。采真今到赤松家

石泉槐火間相稱，坐對風爐自煮茶。原句：伯璣曰：三四真景，能病淇溪。

附臨川湯顯祖養龍歌送謝
又送謝玄瑞遊吳幾年人行
練東所謂芝房不知是君采別字抑別一人附以俟考

按臨川湯顯祖養龍歌送謝 又送謝玄瑞遊 吳幾年 人行
練東所謂芝房不知是君采別字抑別一人附以俟考

百穀先生席上送湘蘭過武陵

平明折柳送仙艎。江雨江烟可奈何。握手一尊吳市酒。斷腸三疊渭城歌。蘇臺草合春麋鹿。越國村荒尚薜蘿。遙憶西湖乘興畫。橈雙動白鷗波。

送陳孝先東歸

壯圖宏易與心違。握手相看淚自揮。烏外諸峰兼雨出。馬前殘葉帶霜飛。三年作客空彈劍。九月還家正授衣。世路茫茫誰國士。君歸吾亦問漁磯。

黃巖舟中風濤橫作艤棹江涓詰朝喜霽

萬壘烟濤島欲浮。石尤無賴暫維舟。檣頭暮雨桃花溼。

港口春潮竹箭流。颼風亂帆投別浦。依人寒雁宿中州。

披衣坐待江門曙。地影瞳矓射航樓。○本在舟中七日。晚上天釣者頗能用意在字句之外。求深求厚。似此者矣。

贈周允慶山人

山翁坐老醉為鄉。日掃藤花臥石床。兩鬢鏡中窺素雪。千峰燈下染霜華。霜華去海國。冷看畫人來。若汗香。并道徑松皆手種。茯苓如股菟絲長。

奉送學憲盧臺蔡公校士之永嘉

浙江東去曉冥冥。夾路長松偃蓋青。海外晴沙留雁跡。秋邊寒雨帶龍腥。思將直道送三代。知有元言翼六經。

試向玉蒼占今楚。夜來牛斗避文星。

响叮送大來還昆明請書西山

朝發瀘江暮海門。留君不住又開尊。落花飛燕逢寒食。碧草春波斷客魂。古調自憐投俗好。元言未易與人論。篝燈憶到西山夜。半聽微鐘半暝猿。

奉常李中簡先生攝大司成事簡呈二首

蚤趨雙闕觀芙蓉。玉露金莖晚倍濃。園有孫湯堪相馬。門如元禮繞登龍。風聲水泐初判爽。氣鍾山翠耳重條。試就石渠論舊儀。同人同對禁垣松。

鯉庭遺錡太常尊。兩世親承莫壁恩。時雨又開新綠帳。

歲星猶憶舊金門。開書小傳能鋪鶴。暇日含飴只弄孫。知己自今無復恨。買絲吾欲繡平原。

寄懷永嘉何無咎

月梁何處憶東甌。夜下題詩字字愁。愁避冠巾腸袂對。結懷君雙鬢鶴俱秋。歌殘桃葉空存渡。水冷梅花久不流。坐老移家倚綠楚。生涯多在酒人樓。

江上二首

江天千尺波。江村一夜雨。野艇小如瓜。搖上下南浦。江深烟浪深。茅落意何密。樹裏一聲雞。始知有人住。

睡起

花壓重檐枕半欹。日高殘醉未銷時。侍兒鏡換新爐火。
又聽啼鴛過別枝。○陳伯璣曰似無人道

秋閨曲

香冷倚疏秋氣平。蟲聲切。燈花明。寒衣未製腸先斷。
淚溼金刀裁不滅。○陳伯璣曰深一層也

采石

城角亭上秋霞生。城角亭下秋水平。騎鯨人去不復返。
采石悠々空月明。○陳伯璣曰難於言遠。只得如此

兩夜趙士良茂才過山齋彈琴作

瑤軫因君興轉幽。疑從三峽聽泉流。龍津橋畔蕭蕭雨。
併作山堂一夜秋。○陳伯璣曰得故

題趙文度畫西溪梅花○明倫彙編

欲寄不寄天濤。南枝北枝開漸齊。因訪梅花過橋去。
始知春在西溪西

彭澤懷古

五柳風高五斗輕。拂衣歸去隱方成。替都未必能驕我。
自是先生少宦情。○陳伯璣曰是

附錄

今海內鬻札染烟以詞賦自命者無不人人合作家家當行而於黔率擯斥使不與盟會夫才各有優有不優情各有至有不至國門之懸書具在必有出隻眼者余竇黔人無所辭於淺陋然讀余友君采氏所為遠條堂稟若近若遠若淺若深若建萬石之鐘撞之以莛若舞長空之雪御之以風隱見出沒造微入化即雜之北地信陽長沙京口諸名集中無以辨也即雜之開元天寶大厯諸名家集中亦無辨也其為黔人耶其非黔人耶抑以黔人之目視黔人之詩耶余皆不敢知而據其才

雪鴻堂集附錄

情所擅發越清迴遂成全璧欲句摘字比而不可得即以前驅海內夫誰曰不可蓋老杜為詩家不祧之祖而其所亟賞者乃在清新子山小謝振響元嘉何足當唐人一盼而太白為之吐舌試使今人上下千古寧復有置六朝在口者故知君采之詩不問其為黔人可也此編為君采近作而曩所為詩若文尤富甚業播之天下若吳若越若楚若閩若嶺南若江右皆知黔有君采而蒼麓馬先生故詞壇牛耳其分藩余省時迭相唱也是已有定評矣則余之目亦非黔人之目也萬厯丙辰夏翰林院國史檢討同社友弟王祚遠頓首撰

遠條堂

有明成化而降重熙累洽聲教極於無外士大夫家有

其學人自得師亂齒未脫已談聲律膝頭酒次屬對賦詩以相娛樂故其於風雅之林若農夫之辨菽麥高下早晚之宜莫不曉然於心目童而習之長無越畔熟使然也君采先生起自南荒力追大雅為諸生時撫軍郭青螺督學韓璧哉大參謝太雨太守徐公綰諸公成折節交之晚以明經起家三仕掌故已乃棄去遍遊東南與郭相奎湯義仍王百穀何無咎建詞壇旗鼓當時如李本甯先生已有治世遺音之目而以大雅歸之久而論定陳少遊輩尚推為天末異土揚厲之不少衰亦足

雪鴻堂集附錄

見先生之所存矣詩不下千首入陳百璣選者七十四首自謂可無增減而余猶從無可增減中去一十八首僅存五十六首而先生之精采益見其所以愛先生亦如先生之所以自愛也已先生之詩冲融淹潤絕無鬼趣習習益涵泳於三唐蜂釀卵伏神情氣味無不肖得之揣摩為最深謂非童而習之長無越畔熟使然之效歟苟無先生之學力與先生之交遊而欲道其隻字以取重於後世豈可得哉然其得力又不始於宦遊方其未釋青衿所漸摩於韓郭諸君子正自不少也夫以開府之尊邦伯之重而俯接素士列諸上賓造廬請謁相

與遊衍詠歌講求聲氣其好士虛懷亦何可及哉益令人嘆盛世之休也

吳越大中詩選序

謝三秀字君采貴陽人天才卓越博覽羣書早有令譽為諸生時巡撫郭子章副使韓光曙皆深器之晚以明經起家三任教職已乃棄去為萬里遊歷覽山川與東南大家建詞壇旗鼓有正始遺音天末才子之目著雪鴻堂諸集行於世

貴州通志本傳

謝三秀字君采貴竹人萬歷間學官有雪鴻集 李本亭云君采詩觸境生情緣情體物格整而不滯氣雄而不亢旨深而不晦致清而不薄辭麗而不浮此治世遺

雪鴻堂集附錄

三

音也 陳伯璣云君采造語渾成即偶入纖詞不失大雅 靜志居詩話君采詩甚清穩由其生於天末習染

全無黔人之軼倫超羣者

朱竹垞集尊明詩錄

謝三秀字君采號元瑞貴陽人萬歷中明經官廣文

先生詩精警超詣如是其全集千篇雖不必皆然自必非苟然者陳吳所選特精益求精之意耳今則七十四首五十六首之選亦不可得見不益深可惜耶 選黔

詩已復得遠條堂草二卷於豫章杜藕莊所凡百餘篇皆卓然可傳者既具錄之益以不得見雪鴻堂全集為恨又念其精氣光怪終不磨滅必有寶而藏之者附記

於此以俟之云

竹垞玉書附錄

雪鴻堂集附錄

四

附錄終

山陰後學王介臣校刊

答鄭子尹教諭論遠條堂稿編年書 莫友芝

來札謂遠條堂稿王無近萬歷丙辰序稱此編爲君采近作則非所謂曩所爲詩疑拙序中己酉前後數年作之語爲不合友芝此語固無所承然亦鉤稽而出承詢藉詳於左按先生此稿既不分體自是編年先生從子文若以己酉鄉舉其送文若計偕詩卽是己酉年作因此詩按時序盡卷求之除此年外前後尙各有兩年作故約略爲言耳雖文若至己未始成進士而送文若詩後不數篇卽有送播州顏生遊燕詩云遠郭寒烟闕春柳又云晴江斷斷殷如雷則是明年春作又云憶昔王師東下時戰血猶腥白

雪鴻堂詩集附錄

五

石口顏生讀書差解事十載渝州稱避地鴻雁澤中今始安青錢又買燕山醉攷討播在二十八年度子顏生以其時避地渝州閱十年乃鴻雁安澤旋卽謀爲燕遊則當以三十七年歸至來春復出而送文若之爲己酉愈無可疑又先生以貢試京師據卷首寒夜飲楊願之太史石林精舍歌云昨年我亦賦明光悲歌對飲金臺酒又云秋風我忽問刀環則皆敘前一年事以己酉送文若推之此詩蓋丁未冬作先生京試當以丙午其秋卽歸而貢時上道又在乙巳秋冬志載其別郭開府詩云客情秋色正蒼蒼耐可離筵菊正黃正其將上道作青螺撫貴州十年以萬

雪鴻堂詩集附錄

六

歷三十五年終養去繼之者胡瑞芝此集始其年冬未故無與青螺往來者而有壽胡瑞芝詩又據焦溪吟先生再入京以三十八年與馬蒼麓同行沈子來爲副使以二十八年受事通志題名卽繼馬煜如後亦合事實也卷首既云昨年賦明光卷末漢陽秋夜王章甫葵園泛菊歌又云上書憶在國門前與君分手六經年上書分手卽賦明光之年此稿託始其次年時序又恰得五年則當爲丁未至辛亥詩矣故無近所謂近詩特對曩所爲而言近不必丙辰前三四年始得云近也惟安莊聞警及懷歸詩之疊水多矢戈二詩按次當在己酉春夏間而通志師旅僅載萬歷三十五年三月丙寅四川追承甯司印擒奢世續餘黨燒普市摩尼又名宦楊東明傳載萬歷丁未仲賊劫沙作跼蘭事稍遠沙作事近之然二事並在前二年通志又載三十八年沈子來副使兵備都清下車值苗亂不數月平之盧龍雲副使分守新鎮平定苗亂二事並見名宦傳又後一年亦非其地其三十七年止有紅苗陷印江事亦相去太遠與詩不合是後數年此邦亦無軍旅之事疑是通志漏載否則此卷自三月晦日小箚道中至還家理圃十四詩當是丁未春夏間作紀一時近遊者以兵非佳事不宜在卷首故置於此其謂矢戈謂聞警卽指沙作之劫其

小等詩云頻年慣爲客今日苦離家儼似初歸倦遊意緒也然十四詩前寄海令云春欲闌其後永興蟬院云蟬稀知夏早亦自時序相銜似非逐羸意者印江之陷卽紅崖白水間亦有餘黨波及而通志略之乎友芝因無近序又知先生此刻之先當已先刻初集而先生東南遊蹤不必始於棄官以後無近謂曩所爲詩文尤富甚業播之天下卽是先有初刻之証又謂若吳若越若楚若閩若嶺南若江右皆知有君采卽是先有遊蹤之証郭青螺湯若士並江右人王百穀吳人何無咎越人李本甯楚人可知皆先生曩昔舊交並在無近所數知有君采中不必如吳滋大

雪鴻堂詩集附錄

七

序於諸生時青螺始折節也若棄官後始交諸君則此集清平道中逢舍姪文若計偕歸詩尚有雞肋一官予就道語交諸君又在此集後曩之知有君采者又何人耶吳序道先生事實至以青螺相奎爲二人殊不可解則其謂遊蹤在棄官後亦不盡可憑也友芝因就此稿略攷先生數年遊歷其上卷並鄉里閒作止安莊疊水成一近遊下卷首十八詩當亦鄉里閒作自清平道中逢舍姪文若計偕歸以下六詩乃再入京道上作題高明柱博士貞母卷以下十七詩並在京作過大梁以下至末十四詩又出都泛漢水出蒲圻道上作是後先生將之赤城據漢陽秋夜王

章甫葵園泛菊歌云君看長安花予攬赤城霞明年各在天之涯知之此稿刻於台州則赤城之遊必果先生初入京以貢試此入京旣云雞肋一官則是之官不知何以遽爲遠遊疑入京特謁選而之赤城乃之官故此稿至此後五年赤城門人乃刻之邪皆不可臆決矣至先生籍貫通志云貴陽詩綜云貴竹遠條堂元本云黔中先生自是今貴筑縣人然其時止有新貴縣貴筑則至本朝康熙二十六年始以貴州貴前二衛置三十四年乃省新貴入之其姪文若會榜題名云新貴人可証雖新貴本萬歷二十九年以貴竹長官司地置題貴竹亦得然究非當時實稱

雪鴻堂詩集附錄

八

前載又無有言先生新貴人者豈以縣新立而先生故以貴竹司人附籍貴陽歟今但依通志題郡稍免黔中之濫其實當題新貴爲確也先生所居之遠條堂當與詩中所及之楊廟之石林精舍越玉岑江閣南園李方麓西園越漢房溪園詳文叔西崖李承明吟望亭湯明府別墅蕭季律曲溪皆大半左右南明衡宇相望去城南江亭不遠一時文酒往還可稱極盛今其遺址與先生上世後人及三爲之校官都不可攷又不得先生生卒年歲定作詩之早晚並是通志之過後生推測影響依稀無如之何知不免謬誤尙其正之咸豐元年閏八月廿二日友芝白

書謝君采先生詩刻後

山陰王个峰取莫邵亭鈔次謝君采先生詩三卷本刻成二君皆余素友把酒讀新刻并以不盡得雪鴻堂之全為憾个峰謂是後力訪當必得余曰固願然大難為子孫者多不肖僅以文苑待祖父即一二著述隨亦朽散於腐蹟塵埃閒閒有傳刻獲見者又無張飾鄉先生君子之風未粗過一卷首尾輒已漫毀而茂置不數十年後生小子至且不識其姓名此所以先輩詩之美如雪鴻其至今不沒於黔中者止此而个峰亦得為郭解奪人邑賢士大夫權也然即遠條一集增以邵亭所他

雪鴻堂詩集跋


哀及今布千百本遍海內猶使僅不沒者得以永傳二君功於君采多矣余將老倦游四方雪鴻之全恐無能為役顧念竹垞先生據錄詩綜之本百餘年來其謄逐轉弄必有一於浙東西舊藏家於是求之庶將有所遇而个峰方食於客又非能遽歸者也則余益重寶此三卷矣咸豐元年七月遵義後學鄭珍

三
第
二
册

41A



鈍
吟
集



上黨馮班定遠著

鈍吟集

鴛湖顧庶題

民國十二年十月



總發行所 上海北市棋盤街 掃葉山房

古之為詩者必有獨至之性秀出之情偏活之學輪囷
 侷蹇偃蹇排界人不能解而己不自喻者然後其人始
 能為詩而為之必工是故軟美圓熟周詳渾厚繁富
 厚世俗之所歎羨也而詩人以為笑法屬荒忽僻清狂
 悲憂窮蹇世俗之所拘縻也而詩人以為美世人之所趨
 詩人之所畏人之所憎詩人之所愛人譽而詩人以為羞
 人怒而詩人以為喜故曰詩窮而後工詩之必窮而窮之
 必工其理也也宜速吾友嗣宗之子也而游於吾門其為
 人悠、悠、不事家人生處衣不掩胥飯不充腹銳志
 海浦忘失衣冠顛墜坑岸似米公并燎麻瀆漬昏睡

藝髮似劉老襟間其少小滿供人間似其家故通室中
 以為狂生為高愚固之念益自喜其為詩沈酣六代出入
 於義山牧之夜鶴之間其情涼其調苦樂而哀然而思信
 所謂窮而能工者也或弘之問吾里有桑悅民博學多
 奇以狂名於世其南宮對策之言曰胸中有長劍一日摩挲
 四又曰夫子去而我來主者惡之勅置乙科李久正賦詩
 贈之以李卻對鐵為此民博以此民滿天下空遠之才不
 減民博子勝艾然不見其止也無長沙誰知民博母有民
 博之宜患無長沙乎定遠之名恒此遠矣實山老民錢
 誦臣序

鈍吟集卷上

上黨馮班定遠

立春

烏啼華屋暖雀亂晚窓明睡熟貪殘夢慵多泥宿醒霜消看瓦潤風細愛
衫輕油壁西陵道芳踪滿早英

贈徐娘二首

雙燕掠燭懸窓鈔乍見傾城一樹花影綠波遠嫩粉痕紅膩道明霞
留髮席上入初醉魚宋牆邊月已斜翠帳雲屏餘合暖可憐年紀正分瓜
窓迴兩面月屏掩一連風半夜餘醒在相看似夢中

射虎行

猿臂將軍六十未封侯來往滿亭道夜獵陰風愁兩山猛虎下擇食將
軍猛氣貫山石猛如霹靂馬如雷白羽參差大弩直草中明滅見眼光五

表上

步之內迷戲王麗龜一箭已飲羽下視却恐班文傷將軍才氣難堪比枕
手旁名滿人耳寢虎皮公食虎肉更鑄赤銅為虎子每念將軍射虎時幸
餐膚庸何足齒

贈張孟恭孟恭字余符
蘇州有末句

鶯鷓下成羣時聽誦祕文齋中因鬼物座上起風雲五嶽敢藏集三言應
紀勛他年道成後吳伍却師若

雞冠

露洗風吹赤未寒當庭拗頭錦毛攢不知誰與安名字何不呼伊作鳳冠

燈花

星樓纖紅兩葉嬌一枝鮮潤發蘭膏香閣有喜深深拜袂含無限狡狡銷
螢尾邨光翻覺冷蠅頭欲墮莫頻挑輕煤拂落殘書卷幾向窓中伴寂寥

經發手

蕪沒蒼山路兵餘餘子多鬼神應指摩鹿欲如何進聲穿空樹賴垣絲
賊雖高人放鶴處獵客漫張羅

懷故人

蕭索東南壬氣空歸魂應自繞江楓當時錯為蒼生起常抱焦桐怨土風

揚威揚威傳朝宋將
別信叔

殿堂嚴闕鳥飛日懸崖那燕來肥實刺霜散瓜步魚靈旗風掣順昌威
中原父老悲陵谷高渡朝廷漫是非莫真椒漿專往事塵榻古壁長垣衣

有贈

隔岸吹簫日沸天羽書惟道欲投鞭八公山色選蒼皇虛對團團慕德謝玄

金陵

中原武騎漫千群南北天教自此分豈是子桓英略少祇有江水歎浮雲

紫媛紫媛自北
歸吳

戎衣小袖儀儀佳自得琵琶一曲歌為說北來辛苦事馬通烽火照縫靴

俗人怪予飲酒採雜聊念之

陽春曲

橫目盡同犀何言有非類遇酒但飲之君醒我自醉
銀鈎綵絡雙鸞門錦痕花風微紅散杏染燕語莫愁眠絲絲日影熏殘畫
玉臺雀雀挂菱花漆背金龍雙攫擊水窮清眸新月曙十指如葱扶曉鴉
城南陌上春芽綠雲彩烟絲交促連長厓金積不相迎暗上橋頭窺宋玉

題美人壁

來時堂下坐送不過門根莫請雙明佩羅敷自有夫

猛虎行

烟霏霏雨微微鬼啼猛虎飢山家苦竹園茅屋遠見烟中尾蟲夜夜聞
前村失黃檗村路沈深印虎足天胡思此物而俾之食因不見太山之下

婦人哭

越鳥

無聊自憐髮邊絲日照殘春子景邊每對子虛漸越鳥為伊情性戀南枝

虞山白額歌

白額何從來經月山頭住山淺松柏稀止容孤與免虎去山却空樵牧心
猶懼去來人不知跡滿前山路

少年

角掛橫梢白驕路塵風起肩隨頻頻回跋黃金勒會看蓬中一尺腰

睡燕

漠漠殘花點點沉雙袖無語暮樓低鴛鴦魂夜月隨鳥鏡愁宿春歸任鳩啼
塵動歌梁感新夢雲生巫峽不救迷誰看柳陌曾飛屐亂絮從風日向西

戲贈

蘇著濃蛾夢裏仙柳絲門巷酒樓邊路夢夢寒千金笑薄愁原來最值錢

燕四首

花復春泥芳雨香雙雙弄影日初長股動更向窗前語似與盧姬借杏梁
斜睇雕窗欲進難迴身却立小閣子美人笑沈韓公子奪取金丸不許彈
解舞腰肢解語聲伯勞相背兩雙盈將軍苦愛封侯相正待金門甲第成
長春嬌離翅木齊一圍竹樹晚依迷當時苦愛吳宮佳事向茅簷得穩栖

經羅起周雲圖

華屋重來淚暗彈桐陰滿地作秋寒游絲風撼鳴榔樹積草烟生門鴨闌
誰論絕交思任防空憐誅德有清安壞墻醉後會題處遙檢蒼苔自讀看

題壁

射虎干戈總莫愛山人無地不堪進入德忠信泗懸水自得忘機押海鷗
世運宜須斷足眼前休是履成樓夢中自夢少年事往休教一物留

有餉美醞者主人潛易酒醞

連引杯中物朱顏未覺醜若憐醜腹小持蓮飲黃河

京口阻風

雲片起風色江邊又滯留湖疑艇白馬山似見黃牛瑟瑟風林晚紛紛
葉秋自非京口酒何以慰羈愁

無題

陳王新賦漫悲傷金枕眠時夜正長一尺雲裝三寸後不堪閑處細思量

江南曲

春風一夜吹江色千里細烟生亂碧翠芽纖細編金陵古石苔荒江今宅
年光歲歲常如此千炮萬戰盡城圯鴉尾塵埋三閩平張孔銷亡二周死
石頭城下水悠悠情數與亡得幾著山川不改繁華在兩葉依然迎舊愁

答友人

乘月關相過消消露濕衣行來興已盡莫許到門歸

猛虎行

山中道士如孩嬰分環割臂受仙經丹成兩腋生羽翼身直上升天行
地上到天四十里剛氣漸堪騰步履從茲步步入五雲關關呀呀九關啟
當關把鏡是何人鈎為瓜兮繫為齒仇仇來往索人魂口作人言垂虎尾
吾願上帝垂至仁當關止用雙麒麟更令執法教猛虎始應容得學仙人

吐鱗鳥

臨風向日自矜看若若胸前錦一團試向丹山朝鳳鳥不知階品是何官

行路難

自許真如鯁看若若白如雪一朝更變不似先露裏看化雲裏月夢中不悟
若心異言笑依依尚相悅五更欲曙百鳥啼玄鬚生絲淚成血念君舊恩
君豈知萬物皆春春有時種不見黃蜂墜一收珠絲轉眼飛過通羅枝

無題

粉色初成綠未芽有時偷笑出輕紗玉欄翠幕綠何事却疑狂蜂不識花

留題

雪絮紛紛碧樹春蘭芳長秋正留黃金自取文君酒羅襪徒露羅女塵
青鳥殷勤通錦字烏龍安穩卧花南東風也似博張緒一曲青青一夜新

贈別

不成散笑又酸辛轉櫛添香已向晨熾去漫為朱戶客鶴飛應識絳河人
重金霜冷通宵夢別袂風吹幾處塵玉骨不堪春病在莫教離恨著腰身

友人壁上美人貌似桂子慨然題之

楚卷同居已幾年只堪相憶不堪博客星自得靈槎便一任風波直上天

效西寬體各賦一物得枕

山骨何人琢床頭作六安金瘡醫莫惜鐵網得來難香熟雙鴛睡雲堆墜

純吟集 卷上 五

馬寬燒金有前監莫負寶書看

過顯仲所居

曾愛春山詠兩眉幾教唐勒妬微詞小樓芳援重來處已是長埋玉樹時

梅花

長廊直處是東牆柳絮風中見謝娘今日不堪簾外樹一枝和粉弄殘陽

聽鶴和朱長儒

何處聽嚶嚶東風已滿城帶飛如欲斷亂鳴豈無情得意當三月驚眠記

五更喬柯春日美應念谷中鳴

贈孫子長

曾愛珠成唾偏矜玉似人廿年回首處滄海已揚塵若說清風在風流札

翰新久要如未忘感德若為隣

酬友人次韻 甲中

亂來貧賤致身難負氣回頭自覺數竇火已燃遺劇卧汲新重積盛高宮
也知辛苦三分業不及疎狂七里灘何事塵中不歸去未酬桑下一壺餐

題友人壁

一室生虛白依窓見夕陽三鯉無長席雙膝隱匡牀泉響茶鐺浪去寒散
快香相看久無語影入簾長

贈錢夕公

往事分明却火然可堪風物換新年知君作得池塘句又對春風哭河邊

公子家

車馬盈宮道高門鼎食家餘垣圍粉月歌榭起丹霞春鶴惟教舞科松為
種化錦堂青雲龍列炬照栖鴉

古意

良桐高百尺生自崑山陰風雷雷極處裁為綠綺琴冷冷七條絲宮商變

純吟集 卷上 六

古今才曠久不作誰當明此心寄言繁手客急弦無緩音

村居雨後效四靈

積雨斷溪路交知連月疎草根通暗溜石面戲游魚乍冷欺晨骨微陽展
盡書飢來思乞食烟火隔前坡

送家无遊閩

嶺外土風君未見每逢南谷話來真野風吹露常多雨谷草開花不按春
番舶高橋臨海市粵巫蕭鼓賽蠻神長年瘴裏須將息莫厭夷歌送酒頻

風人體二首

擬繡田田葉舞絲底為何城頭無在網自是欠樓羅
半夜尋遺佩誰知暗裏環夾河飛白鳥舉奈雨蓬鵬

有感

禾黍離離天闊高空城寂寞見迴潮當時最憶姚斯道曾封江山詠六朝

七夕有寄

佳節年年在人情事事非河梁今夜鵲為底又南飛

落花

一番風罷曉來時百舌聲銷燕掠兒盡剪繁枝應有意偏春草草豈無私
佳人不折剛留得錦囊雖遮亦強施重到河陽問滿兵年才三十髻如絲

春寒花較遲

押送字

花前疑臘在遐遞夫春期日淡雪晴後露清風曉時試香初數朵欲態不
盈枝粉冷難成笑未凝未吐詞聲啼如有待蝶舞似相思剪綠龍刀澹窓
中出字遊

為友人紀事

并序

友人以潘衡之姿出入里巷偶逢麗者愛其橫波相視未言忽聞語同
行云是郎實我美晒者戲成二韻

純吟集

卷上

七

二寸娟娟抵萬金斜光掠處娟娟侵橫波便是秦臺鏡盡見蕭郎不語心

過靈溪師舊居有感

前山雨脚過返照入茅樹畫影風吹破秋來葉滿空蜂葉朽像腹穴廢
經函未是忘情者潯然更自慙

村居月夜

微雲不礙月木落小庭寬才去餘殘與朋來免獨看鵲飛慈到曉牛喘不
知寒莫問悲秋意湖山行路難

偶書

少年孤處長年情詣死無成愧老復墮地拖腸常作氣升雲燒尾未為龍
弓彎也識天心曲弦直方知世不容百事須愁愁不得堪連常羨潯恬淡

感舊

當日樓中夜未闌滿簾紅綠團圓清歌出格綠尊滿醉吟香風驟殘

暗與美人妝瑣珥狂救塵客笑道冠重來事事凌成谷一片秋陰作晚寒

伎席有贈

清狂擊鼓歌新似柳佳人端錦筒雖是一身在客右可能偏畫畫塵

次韻王娘咏春雪

梅花如玉月如銀青鎖窗前幾樣春比絮比鹽俱未得知君須用洛川神

樓中憶舊五首

赤欄干下畫廊前正是風風咏絮天其髮未梳粧粉薄舊紅衫袖擁沉烟
苔階後齒尚依稀散雨輕雲是處飛羅袂近來長數許可憐曾道拂臣衣
墜馬雲濃壓領中素衣光潔不生塵燈前照裏分明見一種纖長最著人
病容微白有時黃綰略梳頭不畫粧半下玉鈎簾裏坐怕伊團扇動新涼

月爽秋空露色鮮小屏香裏別神仙不知憶學歸何處底骨雙環墮枕邊

代友人和錢太保其城詩

文梓飛飛驚與禽金龍雙宿羽毛香可憐漢清虛投佩自笑東家漫隔牆
月照綺羅看玉樹風和絲管合金堂柳星只在天南畔其挽長條憶武昌

純吟集

卷上

八

鴻門壯士舞陽頭裏鐵冠三尺長直將猛氣當項王楚兵百萬如羸羊

鴻門行少作

驍山之路塵蒼茫熊羆王氣擁日光此日神龍脫刀俎十二諸侯裂土
項王重瞳若無瞋座上英雄唯亞父

次韻四時回文宮詞四首

雛鶯小轉下鶯眼內花開未禁烟爐鴨凝寒春夢淺鏡鴨呵冷曉粧妍
鋪瑤玉鈿梅靨粉覆殿金條柳柳綿珠露滴殘鐘漏斷高啼鏡樹碧窓前

雷輕響處走和鸞隔院歌聲語天歡臺樹碧雲侵殿帳清遠紅露滴珠丸
頰笑綠枕冰銷薄膩粉香肌玉粟寒開扇翠花金尾鳳垂簾繡額錦龍盤

秋聲一颺吹清霜點點苔錢碧砌涼慈掩舊屏銀燭暗恨題新字粉箋香

鈞鈞月墮梧陰夜剪剪風寒水懸流波暗銷魂夢斷樓空倚遍數更長
風輕觸處動簾釘老絲冰花浸水瓶紅談歎爐金丹再急絃蠻柱玉冷冷
空屏畫蛾煙亂花清燭環鈞月掛搖籠燄散香椒壁暖重月禁院靜無鈴

偶題

曾愛東風落夾衣柳塘春影碧依依如今年老心情減每過良時又始歸

吳兒采芡青絲藕，吳女機杼鳴績績。絲波洗出白如銀，撇進華堂充著服。
素家事事為歡別，愛向冬天學迴雪。巧裁雲影帖紅幃，綉帶素寒前後結。
低腰一轉撒盤飛，絲絲送絮化風絮。節燭淚堆盤，方夜飲態席家床，閣不疑。
每珍纖薄秋如烟，白芷此時勝重錦。

追和秦上人見贈之作

鏡裏愁眉兩鬢絲，年華相背去如飛。故交別我成秋草，塵土欺人滿敝衣。
酒病不眠長夜坐，春風無趣一身歸。誰憐老眼思千里，世上如今只舉肥。

兵後送友人遊地

罇酒傾木盡，征車發已遲。可憐從此去，長是憶君時。烽火宵行怯，墟烟曉望迷。
詩書已無用，何處覓新知。

故人殞宮

總帳風吹破，秋光射墜塵。朝來河洛綠，祥雲最駭人。

錢吟集

卷中

三

兵後借居村中

借居茅屋小，八口仰孤身。盜訝非貧相，僧嫌似武人。拆書糊破壁，乞酒慰
比鄰。誰寄城中信，閑看淚滿巾。

張宗之新有所納戲贈

交關合匣錦屏圍，月照簾花玳瑁稀。秦女扇邊開粉面，吳娘爐下解羅衣。
仙家綠鳳須雙舞，口上文鴛亦并飛。聞道交契近，成長莫將黃赤泥。安妃

宗之與余同師學道

立春日次錢道王韻

□花拂面柳籠花，半夜春來曉甃曾。向羅敷窓下坐，口思朝口口口南。
□口口口口口別者念

床下別郎何草草，欲起送郎畏九嫂。江陵郎去三十里，河漢不踏門前道。

東塔寺訪源公同過錢復之幽吉堂于齋次口之韻

自識吾師二十年，塵中物外總相憐。詩章合道無過遠，鉅鉢隨時便是禪。
香積飯來實有盡，風音臘古更誰前。吳輕一食為恒事，好與他生作宿緣。

重堂前韻示源公

論詩講義甚年年，故紙辛勤最可憐。不是高人為解縛，華教外學未妨禪。
總驅塵累離心地，盡放烟花著眼前。一笑何時容我醉，過溪休忘舊因緣。

逢次朱方舟中聞貴人琵琶

朔雪凌風陣陣來，子庭挑抹有餘哀。不知本領誰邊得，大似吾家鏡殿雷。

江上贈郭四將軍

久向江南住，長毛長鬣邊。補殘經戰換，用盡買刀錢。屋小深秋後，霜濃病
起天相遠。空撫枕，楚豫足烽烟。

錢頤仲眼疾和韻贈之

願盼分明兩尾長，曾將點漆比清揚。春風正作看花約，飛白何堪拂電光。

故人墓下作

一朝世事已蝶蝶，坐坐相親為墓空。山下悠悠長夜人，霜摧懸劍樹風掃素
車塵。鶴酒平生語，今來淚滿巾。

登樓有懷羽仙

樂事拖人容鬢改，高樓空在管絃無。花梁風到嫩塵墮，慚愧徐娘一串珠。

書情

覆盆無路得窺天，四十滄留私自悔。世味難堪真海鳥，吟情多恨學鳴蟬。
追尋舊事緣貧病，誤露新心會醉眠。胸次只今何所似，月高樓上有涵烟。

納衣

鏡裏長殘掩舊身，貂裘敝直衲衣新。襟前環帶若知否，猶帶歌梁一片塵。

團扇歌

白團扇出自吳女機，中綵美人映日把。看時芙蓉粉，先生素面憶得郎。

答友人

露寒風重夜悠悠珍重垣城到樹頭莫向窓中窺術珩綺羅輕鈞不禁秋

美人堂前花草戲題

牆下依文石墻前隔綠簾何須問長短只是門濃纖蝶亂風多暮蜂輕露

莫淹羅裙有幾幅綉林更應添

戲贈顧仲

滿岳多愁無是處誰將方耐愁法法青禽來往春宵促莫違臨期醉似泥

寒林

曲直郊原樹風中寒色來枝交冬久杖意盡仲文槐滿日穿斜影封霜滑

破台秋前接滄意年長倍添哀

有答

卧病維摩只一床紛紛花雨墜衣香本來實相無男女不異天人試筆書

純吟集

卷中

夫妻廟

歌舞高堂一夜傾南東遺恨更難平江海他是無情物解為忠臣作替聲

七月製花

粉態穠時月影斜天然太白更難加河邊織女應無恙只是金風愛素花

舟中見

曉風催發木蘭舟披波又自休滿眼金闈好光景水滸驚鏡見梳頭

小友輩以箕名紫姑其神附箕自書姓名云守錄壇官孫綽多言

道家事

神人知我錄中名常術齋壇擁吏兵猶向風塵求富貴平生慚見冠先生

毛子壽五十寄賀

餘英溪畔省當年膏火終宵共一編日月過頭若似長雪霜生髮我慚先

仲雍山下侵燈草尚父湖邊撲棹烟兩地景光無遠近還傾尊酒祝華顛

見贈金者次其韻

自是多情易得愁幾曾清淺隔河流舊故口裏朱欄畔記得有人笑轉頭

閒人無事莫生愁石自欒紫水自流何計得成莊叟蛺隨風飛落玉釵頭

壽袁重其即母次韻

首冬和氣在戲弄及佳辰四海誦賢母一家如古人風霜常似舊陵谷幾

經新其耕桑田改千年未一春

錢頤仲為余篆印作二齋字兼贈詩句次和

半世從人笑新來自執癡煩若題玉筋珍重莫相疑

書情

上客留金絡佳人降朱餅幾時迷下琴直是息芝田促點催瓊漏光風到

錦瑟杏梁塵淺漫棹鳩波速連在畫銀屏合駝鉤紫障嗚鶯驚小杖文

眉襯花磚粉臺新粧點彩巧結纏綿衣遺朴車牛口定場先嚙唱添新

純吟集

卷中

拍絲聲應忘母嫌獅子聞歌當搖便獨許淳子醉難容阮籍眠敢於

車從好難看情層偏隱隱珠箔紛紛隔綺錢如聞水墮耳暫見整金鈿

河闌星運動雲空月自懸畫閣三果露高映九枝然半額凝噉淚承權隱

笑妍徐言關貝齒慵晒轉鸞鳴纖指圓搓玉豐肌弱勝綿緜裁魚子細裝

表鵲鵲鮮鹿爪生情者犀釵出林鴛羅中間不展綰帶巧相穿東得蜂腰

促梳成鬢尾卷怯難持玉學嬌不蹋花氈鼻掩誰能好衫飄未許牽層分

朱點破耳帖雙輪連漱唾花疑染長吁氣勝全斜看偏阿那立望更遲延

青眼矜新柳論心詠石蓮逆愁為蝶蛛祇恐化玄蟬明佩初投漢羅衣漫

憶無散來衝暮雨歸去隔非烟石闌啼難盡蘭膏火自煎劍分還存數環

合意無緣語橫波急幽期却月圓難辨巫女怒敢乞恩經鞞錦段惡良

信瑤瑤仙報為推應張杜武知我值神仙

飲舊次韻和錢夕公四首

紛飛散雪又殘冬
愁擁葉爐四體慵
書裝錦箋虛郵重
綉地雲帖住
暮耳轉生已見魂
成歎浴女徒教態
似龍長夜不眠思
往事玉花雙隨波
浴浴水無情坐見
波白頭長教玉壺
冰名花正好逢
啼鳩白壁生瑣為
點蠅休弄歌聲
專笑侶低持
經偈伴尼僧
渡頭挑葉重
逢處試問前
期定未曾雲洞
重門怕上闌
昨來消息到
蓬山鳩媒得
路休斜拙才
子成仙不道
頑月上碧空
還自墮
滿當未戶不
教教年年一
夜無長短
鬼序誰將
風歷頌當年
秋夜對新
燈最愛斜
風側情簾
隔柱生花
嫌滿短沉
烟和更喜
香甜可憐
霜氣交華
筆不覺
風聲透錦
簾季生莫
談題奕妙
他生緣會
恐難占

贈妓次陸初先韻

苦草王孫有暗期
藏高門巷莫頻移
千金價重唯須笑
一尺腰纏不為悲
軒裏誰看如鏡
髮城中爭效
遠山眉休嫌
春景相催
促萬歲花開
恨較遲

和友無題

纖手揄雲髮
衫輕玉到寒
梁家新髻
林轉側鏡中看

梅花四首

經袍衝冷為尋花
如此閒忙亦可誇
犀角出牆初見處
村頭臨水是誰家
北風正暴翻添
思淡日偏宜
不用遮
寄語滿橋驢
貴客好增新
句詠橫斜
偏與山家物色
宜不須歌板
却須詩若教
帶影和香
實難得無風
有月時石上
苔生寒已較
難邊雀開
暖來蓬簾
前日影朝
來早開
畫南枝到
北枝素質
先春迥出
羣相思何
處夢紛紛
莫言蕩婦
樓中粉只是
仙人嶺上雲
半樹臨風
驚曉色一枝
如雪
豈料
疎偏梅最有
池中水
鏡得冰
開已照
君銜雪
迎春有底
忙不教
顏色染
新粧錦川
最惜文君
羞銀漢
虛傳鐵
女亡自許
芬芳
連繫
誰人缺
石似心腸
一枝
早發
若知否
應為江南
是故鄉

綺窓

綺窓為瓦近中天
誰起高樓
因識仙鶴
奇香
通約水
龍耕
瑞草
接芝田

銖衣欲著天風冷
明鏡臨粧海日鮮
阿母不知何處去
蕭聲一片隔非烟
宛轉樂爐前
蕭蕭日影
連風形支
病鶴長耳
涕鳴蟬
貪腹應終
老辛勤又一年
惟餘殘氣
在把筆
欲箋天

示錢蓮王

吐吐書空
即悠悠何
所思死生
雖有命
富貴已非
宜日飲陶
潛酒休吟
阮籍詩
屢槐漸
憔悴推謂
更無知

和牧翁紅豆花詩八首

廿載方看白玉
叢人間
枕幸幾回
空何因
結得相思
子應為
當心一
綫紅洞
府春秋
世不知
濃香
淡色
發來
連莫言
滄海揚
塵日
只是
仙人罷
奕時香
粉生
光月影
微分明
玉女
散香
扉侍
免應
待珊瑚
冥擬
向金龍
打雪
衣方丈
蕭蕭翠
影返
隨緣
說法
住昆
邪默
然不
語支
頤坐
香散
天風
一樹
花

綺窓

摘得仙花
似粉
姿更看
綠葉
比仙
衣香
風一陣
前
庭起
三素
雲中
玉女
歸鷓
犬
赤麻
共幾
家仙
村不
合種
凡花
漁舟
若向
當時
見枉
惹溪
邊兩
岸霞
遺鶴
休言
世事
非一
枝
重
見
雪霏
微
無
緣
夢
裏
成
蝴蝶
長
向
花
間
冉冉
飛容易
非時
不肯
開人
間地
海
偶能
裁但
令
對
誰人
常在
堪
向
花
庄
醉
幾
迴

和顧麟士玉觀音重歸詩

樂邦與堪
忍相遠
真幾何
我欲
見此
境在
心不
在
他存
思日
落
處有
佛何
彌陀
巍巍
二大
士寶
冠高
髮我
親音
寶冠
上化
佛如
釋迦
冠相
觀已
成全
身現
規模
真金
非凡
金
光色
亂交
如至
哉妙
觀力
方便
莫此
過
執色
求見
佛我
聞佛
所訶
然彼
徒涉
者假
後方
渡河
所以
震旦
人貌
寫不
厭
滿良
金入
鎔
範貞
玉
瑤瑤
磨或
為善
天女
慘慘
依雙
蛾自
在垂
兩臂
被髮
紛佻
佻大
悲救
苦尊
示現
無恒
科凡
夫勤
禮奉
獲福
無參
差顧
公有
瑞像
溫溫
白玉
送一
旦被
揭
區得
失煩
巡邏
夢想
不
去心
如
彼
絲
在
梭
大
弓
忽
來
歸
喜

極煩吟哦我感願君詩為君天我歌夢覺與得喪理者即非魔十萬億佛
度去君今無多

集藏介眉白醉樓次韻

莫對桑田話陸沉紛紛陵谷已難尋庭槐生意今餘幾楊柳衰枝自不禁
往事豈堪看白髮新交且喜見丹心敢言量小鮮五酌未盡山鐘願更斟

長至日同鄧普堂飲陳鄴仙齋中

相違正賴酒如泉況是嚴冬近晚天楓落也知無好景雪飛且喜待新年
頻呵凍筆詩初就醉泥寒甕懶欲眠世事所須惟一笑此中何似竹林邊

早春對酒戲贈歐武伯

對景一揮酒物若君莫拜曉風猶拂拂平日已遶遶苦草初滿路紫花未
著枝莫言春尚早正是少年時

鈍吟集卷下

上黨馮班定遠

柳枝詞四首

汴水東來欲下蓮千條
依舊黃金絲蕭娘浪落
宣華死當日春風為何誰
牧馬無聲盡肉衣亂絲
如雨壁門開霜殺組練
烟中五萬乘旌旗按轡來
妙林相隨不肯歸
晚風齊換夾羅衣
爭握玉手垂楊下
投得輕綿又放飛
烏帽羅衫稱少年
柳陰門巷覓神仙
馬蹄亂踏花街影
不覺長條著玉鞭

學劍

自被儒衣束此身
半生長愧觀中塵
無端去學猿公術
又恨猿公敵一人

有懷

牢落心情只獨知
黃鸝雖好見春遲
愁人更莫尋章草
學女應知化玉芝
空寫素書留別恨
休矜新賦有微辭
章華祇愛秦中客
不見蘭房枉自私

鈍吟集

卷下

效元微之春詞二首

一隻青鸞萬樹花
粉牆回處是東家
馬蹄半踏門前路
偏認蕭郎白鼻騮
曲池烟重碧濛濛
柳拂紗窓日影紅
驚起橋邊啼未足
帶聲飛入亂花中

飲茶

熱飲風生自覺涼
碧雲香細越磁光
茂陵寂寞相如病
枉抱朝醒憶蔗漿

樓中

西北高樓欲入雲
秋簾垂地露花裙
泥中涸蚌藏明月
枉著青衣侍冠軍

秋夜同頤仲

杞人秋思正憂天
誰道清光到眼前
滿地亂離悲此夕
一筵歡笑有當年
龍蛇偶遇難同昔
蟪蛄無情只似先
才子有心應慟哭
新書好著過秦篇

一笑

一笑當時意拚教
披黃金盤龍葢羅鏡綺
別來琴瑟覺千回
坐愁夢到

歲吟天涯契闊恨此日更沾襟

鷓鴣

蕭蕭身材綠作衣
廉前聲味為朝飢
終年枉說長安樂
吹損雕龍不得飛

贈友

睡鴨烟消翠帳春
等閒金齒印香塵
相如漫作遊梁賦
不識山隅避溺人

答友人善戲絕句

得人憎底是善戲
絲帶鐵鈎愛惹衣
誰向美人簾外種
青禽來往不通飛

六月不雨至七月夜聞雷家歌樂

朱絃風脆清鼓玉
畫鼓聲乾噪似雷
裂石焦金澤不啻
綺筵惟要月光來

當年

歷歷當年只夢知
蕙蔭曾得倚瓊枝
朱絃調緊偏醒處
香蟻珠殘未去時
自是鄒陽鏡入骨
枉教潘岳髻生絲
一城幽恨分明在
烏白河清是後期

鈍吟集

卷下

善戲

芳後長條發穠鋪
一片新欺他楊柳
軟妬投牡丹春
縱者未塗頰其如刺
滿身牆頭看自好
料不為東鄰

和錢求赤李夏偕舍弟頤仲共飲張氏池亭次韻

柳困花驚草不香
池塘物色正勝陽
山河自是難開眼
風景無端總斷腸
金華百分休訴滿
瓊枝雙映玉生涼
學他周顛騰騰去
一任栖鳥下女牆

錢頤仲不赴張來文踏雪之期詩寄同遊諸公因次來韻

何事無情阻共歡
可憐勝處滿林巒
花催謝女吟風絮
鶴憶堯年拂羽翰
錦袖香寒添口餅
眉袍人醉沉雕鞍
重碧瓦猶如玉
應待明宵月裏看

頤仲夢中作謝酒詩醒時憶次聯一語戲為足成之

未得三年醉恒思
百斛春風常道渴
秋病消愁響滴玲
珠落先生疏
玳瑁山樽開自引
幾度到青州

咏花有所况

來去看花總斷腸，鶯啼鶯啞損年光。不愁不笑，深無緒，寒露滿枝寒落香。

咏蟬和友人陸米

一從去盡下青冥，鳴唱高枝鎮不平。美妾輕憐兩翅侍，中冠好構長銀。偏教絳繡能相續，秋怕蟬鄉解薄形。聞道齊王最多恨，為誰遺作舊時聲。

絕句

江南處處水如油，日夜如雷似我愁。一陣楊花無覓處，波中點點作浮流。

芍藥

謝朓墳前草深春，一片紅蕖黃金點。點包嫩，綉重重，菴罷愁初起，歌餘睡未融。畫欄人別後，兩雨蝶相逢。

道館鳥

散似飛灰聚作團，凌晨啞啞滿荒壇。金丸年少聞看過，道是神鳥不敢彈。

純吟集 卷下 三

追和羽仙

虎丘明月自年年，誰把歌聲送酒船。應是名花容易落，非關風露不相憐。

春日憶玉生

燕語舊相識，花飛新別離。春襟抱在不得故人知。

知己以飛語送詔獄有詩見及答之

手栽桃李未成陰，荆棘無端却滿林。倚仗莫知元化意，滄桑不及世人心。孤衷忽忽空長叫，千里悠悠寄遠吟。華蓋可憐當袂路，未知何處要盧臨。

見吳妓慨然

歌舞吳宮自舊傳，館娃遺跡已依然。不愁繁盛無西子，但問從今得幾年。

醉吟次陳在茲韻二首

半生牢落只吟詩，沈蕙窮愁酒一危。世事如鳩懶鵲巧，身名似蝶著蛛絲。丹心自苦空懸日，白髮空人更幾時。倚仗到頭須自省，不應天網亦留私。

天華恢恢絕四鄰，陳平曠怨長貧。一從舒虎乘時運，便有狐狸托鬼神。城郭自焚千歲古，衣冠爭奈一番新。丹山何處谷成風，祇抱飢腸沈碧勻。

存致

棠花亂草小欄杆，幾度披尋淚噴噴。玉樹土中銷鑿盡，總惟清冷泣孤鶯。

和友人己丑元旦

寒車春生又一年，人間萬事轉紛然。五更不寐聽鷓鴣，坐莫似劉琨擬著鞭。

簡錢順仲

陶令飢來常乞食，夜安邊凍亦高眠。良辰羞道前人事，自為忘憂假十千。

春淮花燭詩十首為江右蕭孟昉作

七尺屏風到地行，行風蟻照紅紗銀。塘水碧芙蓉，暖浴分明上曉霞。誰向盧家羨阿侯，十年楚水碧悠悠。玉盤仙果勝桃核，多子盈房貯石榴。雲作仙輿鶴作橋，風蕭蕭。秦夜迢迢思情極，紫竹年年少長向麻姑。問海湖。

純吟集 卷下 四

雜詩七首

海山香起碧氤氳，行佛天姿隔海雲。真語傍人應不會，自攜仙菓付楊君。楊柳鴉啼碧瑣涼，珊瑚冷滑掛明光。蕭郎大膽秦家婿，胡粉盈奩侍曉妝。翠帳沉沉玉枕光，合歡花錦覆匡牀。成都簾下白雲客，曾道和鳴似鳳凰。桐峰又梓幾千尋，玉粒米絲合作琴。若問絃中情幾許，西江流水未應深。百尺高松掛兔絲，分明膠漆百年期。少君才格難酬對，月扇閑時合自知。冉冉紅樓燕閣深，下重簾。閉綺窗金屋生香，花滿眼。堪憐物盡成雙。椒花猶未足，能文百願初成。散左芬五色花箋，裝玉軸。須教濕麝雜香云。

雜詩七首

日暮風沙起，驚馬不肯前。半生舊行處，黃河古岸連。戰地添新壘，荒墳露壤顛。試問遼東鶴，如今是幾年。

自煎支天計不就今為人所悔

人生抱志節，所遇蓋偶然。往往中下材，逢時幸瓦全。感戴冠中臣，膏明惟自煎。支天計不就，今為人所悔。

誦若慟哭書詠若春雜詩悠悠寸衷事自歲當誰知
所托天崩與海竭共盡亦何料

苟生既不易固死亦何稱生死誰做渺神理僅有忠
知水多謝俗中子迷謬何相仍

濁河水欲合北風雪滿天荒村無鷄犬喜喜起夕烟
道遠誰言蘇季子惟須二頃田

讀書自力盡書言骨不閒栖栖五十載餘生真可哀
萬來子今一具骨不知何處埋

始言風煽煽俄見雪紛紛窮冬白日促垂老却離羣
長動惟有庭中樹偏傷殷仲文

杯酒煩君勸依依尚故情燈前一笑後應使隔今生

偶作
漠漠悠悠一片塵滄桑轉眼幾回新婆娑世界寬如許
暮厭樽前送酒頻摩挲半愛小腰身悔君大似青鸚鵡
書歌有使而

多情深賴使君知歌舞筵中已不且白髮滿頭塵滿袖
錢蓮玉齋中雨衣小集分得雙字

小池水滿柳葉聲雨散輕埃正隔簾酒卷白波春漠漠
不辭銜珮清談倦已覺浮子飲量添銅鉢莫頻催拙速
自憐刻畫愧無鹽

芭蕉
惟窓影動綠雲深愛得苔墻片片陰昨夜亂聲珠濺
晚來更展一重心

村店

村景蕭疎亦可誇一園桑柘半籬花畏人不避能詩客
老屋秋愁梅雨到遙山偏愛白雲遮鐘聲古寺場開賞
題友人聽雨舟

送客偏稱掛漁蓑暮暮聲中愛雨過莫笑陸居原是
臨桂伯幕下

馬鬣悠悠宿草新賢人閑道作明神昭君恨氣長弘
血帶露和烟又一春

空城草頭蟲蕪蕪花堆斑斑雨相逐十步一啜食自足
雖來領離呼救救難不及鳳凰將九雛猶勝鳥生八
屋

風狂雨驟浪滔天齊力號呼上水船時運不來還似此
題畫

朝歌旅舍
乞索生涯寄食身前波浪馬前塵無成頭白休頻歎似
東都

索郎經月頻踈隔燈影東都夜按歌畢車也知名教樂
戲題

世間無賴是索家處處未門鎖好化惟有夢魂難管束
題畫

長日臨風凭小欄蕭蕭六月覺微寒平湖只在前山下
楓

逐客魂歸天上路水光楓色雨參差不知十里傷春日
雪中即事

大片紛飛蕙髮毛漸看雲色似西郊暗堆牆下層層剝
入波中一一消

畫出釣翁漁空重催來佳客馬脊騎相逢莫厭遺宵坐火滿紅爐酒滿歡

飲許氏園中
晚花春草直依稀露濕闌干月照衣曹自廿年前舊事主人如故客來非

祭己元宵集載德堂誌舊
文譏當佳節相者引興長喧鬧鏡數難天語酒尊香月冷春猶淡燈紅夜

題西爽齋

雨後田塍淨風生樹色寒讀書逢俗好學稼避時難已覺仙源近誰知天

丙申人日過隱湖和確庵韻

秣酒吳羹集草堂紛紛霰雪帶春光庭梅發韻揚州句相樹蕭疎五柳庄

鍾吟集

卷下

七

又和子晉韻奉訓

跨水依山架小堂一編當日借餘光雲添樹色春鼓五月照松塔夜引觴

夢裏重心消已盡愁中白髮可勝長故人零落遺文在好為化漢姓鮮香

花溪先却山對溪名
同子晉讀書其上

丁酉重九日登雙蓮閣

極目平時閣南山望裏縣香風吹早稻落葉露村家有酒思元亮栽文憶

偶成

觸景逢人總不宜萬般繞繞只心知貧非所病唯憂老酒不祛愁却發悲

自題小像

蓬萊淡去神仙老幾度人間暑與寒盡日窓中相對坐羨伊猶著舊衣冠

毛子晉六十生日并序

吳中自昔多名流百年已來風流未沫再讀其遺編未嘗不慨然若與同
時而遊也余年十六歲隱湖先于魏氏之花溪于時沈雨若有文詠喜交
游似前輩人嘗噴噴口毛泉美不置東美子晉未冠時字也至于今日三
十載如一屈申臂世塗陵谷讀書種子存吾二人為不食之碩果陸首相
見往事顧顧然猶在心目隱湖汲古之閣藏書數十萬卷富甲海內四方
高人名士歸隱湖如水之子海入其門童僕知書如鄭康成子弟頭角新
斬如荀朗陵十憶結髮時從長者見錢功甫隱君子南宮坊值其西書有
大軸如金剛杆為元人酬和之作倪雲林柯舟丘願仲瑛皆真蹟媿媿言
唐沈文祝往事以為今無是人使功甫見隱湖宜復有此言耶今年春隱
湖甲子一周往還多善頌之文字繼之一章

鍾吟集

卷下

八

行雲

縑書夜水宜無倦種秫年豐合倍收待得春光景好湖頭應許泊漁舟

行雲

滿袖啼痕雜酒痕百回消息暗銷魂無端一片行雲起知是瑤姬不敢言

行雲

碧雲初合夜朝霞未上時一鈎簾呼玉半面鏡中眉弓影仗相似刀環已
過期淒涼經月恨惆悵不眠知

賣泉二絕

透石沉沉一鏡圓無塵惟有碧苔鮮秋來露白山根冷靜照中庭徑尺天
漱齒偏宜醒醉眠瓦瓶攜得帶秋烟不辭花與閒人汲無奈胡姬要酒錢

送陳確庵楚遊二首

三戶存亡漫愴情此中神理自難明方城漢水今何似為我投書問屈平
上游形勝算興亡回首金陵事已荒雲夢不知寬幾許與若胸次合相當

題石林詩次韵先韻

瘦影窓前伴苦吟小樓燈火夜深深
水禽馴養清高韻少年什
研伯累心道社有人偷謀表
廣陵失譜絕知音
善琴繩林畫像今存否
思向霜絲禮道林

追和顧中庵示子詩

世換先生隱柴門不設關
穎川堪洗耳慈谷欲移山
談笑誰為侶詩書老
伴閒九原添宿草猶識舊容顏

孫孝維三十生日三首

早親松蘂事金仙彌勒龕中絕世緣
天樂一聲迎舞使應會得祖師禪
青瑣批鱗拜杖歸諸甥誰得似
宰之梁塵動夜風流在猶是當年願
曲時
孝維與余俱陳莊靖公甥莊靖在里中好與學
從傳修墨為戲孝維如者所居即莊靖宅也

避俗初營一畝宮春松金粉滿庭中
待看千尺龍鱗起來聽絕樓五夜風

純吟集

卷下

九

贈綠六開士

廿年擁袖事南能百个琅玕一盞燈
靈氣消磨孤介在更教人喚作吟僧

江南雜感

十年遠計笑秦皇枉惹東游擊破圍
一自仰謀開創後幾教行客歎興亡
埽岸波濤氣不平河山何處最傷情
鱗鱗善舞善滑且向江東作步兵
席捲中原氣太荒小朝終見作降俘
不為宰相真閑事留得丹青夜宴圖
王氣紛紜三百年也由由人事也由
天石頭形勢分明在不過英雄自枉然

龐孺奇族中贈劍

旅舍相逢酒正濃真前笑拔碧芙蓉
嚴胎皮感珠紋溢乳影寒生霧氣冲
世事看來真不易侯門彈得已難容
壯心徒在身衰老一夜無眠到曉鐘

冬夜贈美人素雲

菊後梅前別有花湘簾重影蛾烟斜
竟催玉筋杯光動細聽冰絃淚點餘

神女不愁雲是紫洛妃偏惜日昇霞
香輪迴轉城邊路高樹啼鴉認謝家

寄許慶年

訟庭術散早生時宴寂香清白日進
年慈張娟新教舞周龍龍倩盡能詩
玳簪香去還懸榻鏡人歸待畫眉
聞道潢池無佩橫風流政事兩兼之

火龍

坐對長明一盞紅四更禪榻落花風
自憐映老無憚玉空倚虛炬舊火龍

讀史寄陳確庵

典午當塗總是塵一番選筆一番新
阮公至換陶公醉當日名人盡愛身

送王帆仙北遊

陵谷紛紛世事迷善緣已見隱高賢
胸中日月輕千載樓裏蛟龍有幾篇
李主也知羞富貴此還解咏神仙
他時應向成都市埋取先生柳卦錢

次韻贈陸勳先五十

寬闊愧獨學塵中乏相識四壁漸
集空汲卷常書志尚與時非謀身患
無術况逢滄桑變世事一朝華半
生徒營營于願不獲一閉門課諸兒
幾个知六七畫出苦疲困夜卧多
反側通行四方路所如若塞實文不
值鏤傭書徒費筆紙知貧可憂未
覺老能送難鮮鮑魚肆誰是芝蘭室
時就少年進萬態紛如織不識吳
醫青翻診蛛網密裁對琵琶絳笙
和篳篥至音入俗耳撫膺惟歎息
雪卧且自強飢驅送所出何當學
冥鴻高飛任南北何當為審豹不
畏中林即古心賴我友相看去濤
飾揚手問何之舉足無樂國但願
年歲豐田陶家螺蚌過後莫厭頻
半叔堪具食時時讀我書誦習矜
所得味薄聊共歡從人笑鷄肋固
窮君子節廉為後生式桃花記奉
年榮獎數免日凌谷與市朝惟貴
脫嘲勃汶汶不繫舟甯能計得失
心安日自長彭公故無匹把酒祝
君年如此常無極

純吟集

卷下

十

聞歌詩病耳讀

聞歌詩病耳讀

幾為多情吟奈何留髮日暮木蕪我燈前自惜頻頻笑負秋千金一曲歌

贈張以編來鶴詩

中庭顧步自徘徊欲舞猶遲素翼開羽客故時舞海島主人收得是仙才
數聲天外雲光透一片風前雪影來試問胎禽年幾許祇應千歲到今回

餘生

不養丹砂不坐禪餘生活計滯林泉揮戈漫道能回日煉石由來解補天
得喪轉頭同破甑興亡在眼賴殘編霜生兩鬢身猶健草綠花開又一年

錦峰春游四首

白雲夢處水滄海亂石巖橫翡翠編最憶當時黃子久愛將繡素寫廬山
春山新綠暖依華晚鏡何人與畫眉夢裏昨宵逢舊識可憐妝束似平時

粉壁新時有碧苔十年今日却重來掃眉才子曾題處認得銀鈎淚滿腮
若後山行喜日長落花風裏晚生涼叩門正值高人出問看藤梢盡遍猶

鈍吟集

卷下

十一

題畫二首

回雪分明浴水神簷前一笑自相親紅樓多少斷腸女無事煩君報早春

梅

鷓鴣紛紛秦奈奈春來雨序盡如霞須知河母子年定只是桃源歲歲花

批

學唐人雜詞四首

烏啼夢醒起來進枕上個人又片時風裏楊花難自主勸君無事莫相思
絲竹銷聲夜宴餘有花香處是仙居湘簾塵海渾如紙萬水千山却不如

兩行紅蠟淚化春燕子巢邊落細塵座有綺羅縛有酒如君世上是何人
羅裙露濕送伊迴碧瑣擘中曉月來如畫仙山不能住始知劉阮是粗才

鈍吟集終

字遠集見之 四庫總目者凡十一卷見之汲古閣者凡詩百餘首

漁洋感傷小傳只稱其有鈍吟集不言卷數疑即此三卷本是也蓋

此為正集其餘 四庫所收若小集二卷別集餘集外詩各一卷

落花詩游仙詩文稿各一卷皆後人采輯附入同時俸侶不盡獲見

字遠安讀才調集玉臺新詠論詩力排嚴羽與廬山錢氏合趙秋谷


具衣冠焚刺下拜倚之以拒漁洋說絕今茅殊涉標榜然字遠沈酣

六代出入于温李小杜之間陸敕先朱竹垞皆推服之亦非秋谷一

人之私好也新昌胡思敬跋

鈍吟集

跋



桴亭先生詩集

本書承國立臺灣大學總圖書館借用影印

謹此

致謝

新文豐出版公司 謹啟

陸桴亭先生詩序

吾郡之友與予稱性命交者多不過數人其人皆聖賢豪傑之徒而其感時不過發爲詞章又皆卓然有以自命予生平喜道人之善凡詩文之有一言合於道者不靳爲之序以傳其人而獨於此數人者則皆未及爲以不敢苟而爲也日者衰老而多病糜廩有溝壑之憂於是乎將次第及之而首序桴亭之詩蓋予與桴亭生同里長同學而交又最早自束髮時吾兩人者見天下多故人才寥落卽有高視闊步之意必欲爲當世一二人而後已而桴亭天資英邁凡五

詩集陳序

一

經六藝諸子百家之書以至於三才萬物變化之情狀莫不究悉其精微而貫通其指要其於經世之務匡時之略則原本王道斟酌古今而著爲成書確然可見之施行人見其應於外者不窮不知其足乎內者非涉獵之才記問之學所得而望其涯涘也其爲詩也少時卽有會於風騷比興之指而古風則取材於漢魏近體則得法於李唐及乎弱冠以後潛心明體適用之學詩歌小道非其大志所存然閒一有作則能抒寫其中之獨得而爲尋常思慮之所不及古今之論詩者亦多矣其最有得者莫如司空表聖嘗

自擇其詩而論之曰飲食之味必資鹽梅而其美則在鹹酸之外今其詩具在誠如其云願其所論者詩焉而已而未嘗關於性情學問之微天下國家之大也表聖蓋唐末之有道君子要其所見止於如此不可以例其餘乎然則使桴亭與古今人角立於詞壇之上出其偏師賈其餘勇卽足以摧鋒陷敵制勝千里譬猶齊晉之君主盟中夏雖強如秦楚且不敢與之匹敵而况於曹滕邾莒乎學者卽其詩而求之庶幾乎得其詩之本焉而如以詩人目之未爲知桴亭者也予於桴亭思辨錄序旣詳言其人之本末矣今

詩集陳序

二

復序其詩以傳之夫桴亭之人可自傳其詩桴亭之詩可自傳其人蓋不待予言而後傳而復序之如此者亦以曉世俗之目論者也同學弟陳瑚言夏氏序

陸桴亭先生詩序

陸子桴亭豈必以詩見哉其於天人之學罔不該貫蓋直源洙泗而流濂洛詩特其緒耳憶昔與陸子交各年少諸同人皆工舉子業而陸子獨淵然浩然有羅絡古今囊括天地之意時同人以爲迂而無當陸子弗顧也其言曰古者之教人也教之以聖賢而已未嘗教之射功名梯富貴也苟能聖賢其身則功名富貴因之而不愧否者困苦寥落我無憾焉還我素焉則已矣諸同人又復迂之逮二十年來時變代更而諸同人之頭顱卒如故夷考陸子之曾則淵然浩

詩集周序

一

然莫可涯量而同人中有一二激昂之士乃始棄前業而放情於歌哭之間以稍抒其憤懣不平之氣然而徒得陸子之緒矣昔我嘗與陸子論文陸子不大喜今我嘗與陸子論詩陸子不大拒謂我於論詩之道頗不謬古人故嘗出己詩以證我我則不敢輕置可否也蓋瀾生於海滔漭萬狀而終莫測其所來陸子之學海猶是也分其一波一勺而皆有全海之味我安得而測哉不求工而自無不工不必拙而亦無妨於拙總之不在篇章字句間可以畢其性情之所至也故曰盤盂之水鼠尾一曳而人欲嘔江河之水

漂屍浮面而人飲之者量小與量大之別也又況陸子之詩美不勝揚而疵無可摘歟少陵曰王楊盧駱當時體不廢江河萬古流蓋當時有輕薄四家者故當時特表而拯之要之四家之詩本於才不本於學是以專攻之家或得而議之曾陸子而可議歟執詩以求陸子而陸子存焉必執詩以求陸子而陸子不存焉然則陸子安存乎亦存乎淵然浩然之際而已矣是爲序同學弟周西臣倣文氏題

詩集周序

二

梓亭先生詩集卷一

梓亭先生
遺稿之

太倉陸世儀道威著

壬戌至甲申

題百鳥朝鳳圖

十二歲作 壬戌

獨向高岡擇木棲更無鷓鴣與相齊一聲叫徹虞廷

日四海鳴鴉不敢啼

東海館中作 甲子

獨攜竹兀對斜曛捉筆思拈海外文欲覓奇峰無處
得去看天際晚來雲

華燈詞 乙丑

詩集卷一

太乙發奇焰飛來燦華屋主人善相寶籠以金珠斛
輝德揚古今清光耀幽獨

同友人夜坐

懷人坐良月清輝漾空蒼相思有吉士命駕來予旁
傾樽發榮詞詞旨和以康深情映古今浩氣成文章
男兒重道義擇交審其臧管鮑自慷慨稽呂徒猖狂
所貴在心知不在肝與腸肝腸豈不烈意氣難久長

竹菴吟三首 丙寅

竹菴大如拳每嫌人世小亦是同塵居人世殊杳杳
門內琴書陳門外車馬列車馬原非殊今人自相別

讀書拙逢時雅志託好古聖世無留良氣力須自努

雪朝放歌

千林瑟瑟枯條鳴寒風夜半飄瓊糞主人披衣對窗
立拍手一笑天初明門前青山十萬尺皓氣直落空
齋白廬寒散入城市中獨向貧家肆狼籍我心當之
極殷然興詞酌酒酌階前欲有所祈冀神聽請為爾
神歌短篇我不願美酒名姬坐華帳從來富貴生姪
妄亦不願揮毫作賦臨高臺詞臣筆墨徒誇才但願
山頭片片玉飛來粒粒成嘉穀大儲如陵小如阿白
頭鼓腹容顏醜舞僮餓已矣寒奈何更願阿滕聽

詩集卷一

我歌既能飛作絮何不輕為純成使宇宙休天和
機不虞恣婆娑四時皞皞春風多共慶天子恩如波

空潭三章章四句 庚午

空潭志潔也時賢以黨附相援託之以見志

焉

空潭漉漉水深魚伏維綸則直維鉤則曲

空潭漪漪水深魚肥苟直是慕曲或致之

空潭瀟瀟水深魚逝曲不可致直亦難繫

春郊詞 辛未

翩翩遊冶郎桃花豔春陽春一本風一何妒吹損羅

衣裳

姑蘇臺懷古

胥門江水遠城回歷歷征帆映古臺可惜當時歌舞
地上堪高望越兵來

夜泊

晚宿平江下秋容滿客衫清風吹片月孤嶼落雙帆
水闊微燈火霜多老柏杉夜深鐘磬發隱隱逗高巖

湖中秋望

秋白浮天醉老楓波心落日晚來紅江村煙起無重
數知道前山更幾峰

詩集卷一

三

梳頭吟

舉頭理青絲低頭深所思不願青絲常如此但願白

頭對君子

結交行 王中

古人云結客會須多黃金政使黃金多增茲反覆心

山中曉行

春陰白雲滑曉露松花香飛流澗不盡石氣生清涼

里中有嬌女

里中有嬌女十五從兒夫恩情如環結兩心不相渝
丈夫好狹遊愛寵新姬多故人惟布素新姬饒綺羅

布素雖可念綺羅亦可懷去就不能決中心兩徘徊

故人語兒夫君恩莫相疏日久知人心識性可同居

新人顏色嬌護持勞君心不如故人好冷暖相憐親

秋夜詞

良月滿高臺鳴琴發情慄月華墮清寒散作琴上露
何當成淚珠彈向天涯暮鳳凰自相求莫在臨邛住

秋夜登山閣

高閣橫秋迥遙臨值夜闌月明千壑靜木落萬峰寒
遠寺動鳴磬空山聞瀉湍獨來無限思飄渺一凭欄

久雨

詩集卷一

四

江南土地饒蠶桑皆桑田下水人種稻上水人種棉

樹藝雖不同所望惟蒼天蒼天何不弔一雨三旬連

雷電相掣擊胸冥眩山川波聲接湖海陸道通行船

村里亡雞豚屋梁瓊蟬兒女畏飄溺朝上桑樹巔

老壯利魚蝦舉網當場前一望渺阡陌接余生連卷

豈能不衣粟卒此凶荒年吾聞京師城合水三黃錢

京師黃錢每六文準銀一分天子親行雩百川竭流泉胡不移餘

滴聊為潤塵煙昔湯禱桑林甘霖沛人聞天王今聖

明宰臣復良賢豈為陽之亢臬日威炎炎豈為陰之

凝淫潦積川原天心必有責誰實當其愆匹夫動天

地聖神豈無權願言獻當亡努力德政宣

山居

深山無六月古木恆蕭蕭白日蔭不下落陰成逍遙

古別離

握手臨中歧問郎今何適去去問天涯天涯不可極
白日頽人顏嚴風厲人色豈不云懷歸歸兮恐無及
妾心匪石堅君遙那能識願為腕中蘭佩君表貞德
願為架上鞭從君促歸勒久別庸敢傷壯年難再得

夜泊鹿城

渡頭新一作月暗離思滿歸一作舟此夜聞風雨山

詩集卷一

五

城一片秋

江上有懷

秋色在高樹風雲動地起獨坐臨江干懷思不能已

山行即事

晴巒四湧碧崔巍翠色遙從天外開怪得巫山深秀

滅奇峰一半盡飛來

夜過虎邱

夜來明月入空山中有幽禪獨閉關印得老僧心外

法生公臺上月光閒

姑蘇竹枝詞

姑蘇臺上枸杞垂姑蘇城頭多柘枝吳王宮館昔何處至今遊人說西施

長門怨癸酉

自入長門裏君恩日日虛生憎詞賦賤終不買相如

塞下曲競病韻同昭芑周臣端士口占

結髮事戎行數與匈奴競壯士圖報恩瘡痍何足病

贈石敬嚴將軍敬嚴劍稍為天下第一子從之受學惜未盡其術

將軍結髮已從戎四十餘年立戰功十月冰霜孤塞

外九秋風雨百蠻中但期戮力同劉杜劉挺杜松公會與同事

豈料終身類李馮執政無人君莫恨江湖知己尙難

詩集卷一

六

逢

觀敬嚴舞雙鉤

石氏雙鉤天下無壯游燕趙暮游吳英雄已老少年

出若箇相逢是丈夫

明妃怨

漠漠胡塵塞草連漢家宮闕迴於天長門閉盡君王

寵猶勝單于擁醉眠

漢苑離宮百一重羊車日日逐東風如何好色真天

子不信雙眸信畫工

遠嫁單于青海濱美人天上落胡塵春歸龍塞何須

惜愧殺當時宮裏人

獨坐穹廬風雪深琵琶調盡不成音悽悽別是關山
調無復當時宮裏心

昨夜營中虜騎馳平明同祭拂雲祠琵琶撥酒頻相
勸贖得蛾眉未可知

詔使來圖內苑嬪黃金百萬一時陳宮中今日誰承
寵應是金多第一人

單于獵罷挾弓回寶劍光搖暝色閑乞與遣將漢宮
去明朝斬取畫工來

白登山下暮場塵冒頓曾圖漢聖人最恨當時美人

詩集卷一

七

策至今遺患在和親

讀郎元翊詩文雜稿賦贈

雅道久淪喪風流復見茲閉門甘著作懸榻待交知
醉後周郎曲閒中李賀詩遠公今結社吾意欲相期

南渡觀桃 甲戌

萬樹桃花夾水濱遊車日日動芳塵天涯是處皆兵
甲隄上何人解問津

閨怨和陳言夏

夫婿天山未挂弓臨妝少婦歎飛蓬深閨顏色尙如
此愁殺沙場風雪中

贈吳一韓舞刀長歌

堂堂復堂堂君不聞范侯百萬胸中藏咄咄復咄咄
君不聞霸王拔山暗鳴發英雄天授非人力烏能一

身有兼得我友吳子生超俗腹笥五經猶不足牀頭
舊有烏孫刀月明霜白時嘯號秋冬之間讀書暇爲

我起舞當亭皋西風何烈烈黃塵一作撲人咽按刀
側立呼一聲眼前萬物俱蠅蟻來如黃河東南傾止

如華岳空中橫豐隆飛天擲雷電馮夷踏海鞭鼉鯨
嗟乎吾子一介之書生胡爲詩書不專務思軼賁育

高成荆聖朝宰相不重武此道今人棄如土高官大

詩集卷一

八

吏滿京都不較金錢便書簿君兮曷不歸來休飲酒

食肉可以致富貴富貴何嘗論才猷吳子長歎息擲
卻昆吾鉤男兒自有志豈羨封公侯不見去年燕山

北口塵動地嗟無策只今小醜羣陸梁朝廷顧視相
倉皇分體本天子撫髀思將帥黃金臺成士不至豈

因馬竹尙未收抑亦冀北無龍僞吾儕每念髮上指
世乏同心誰見齒壯氣激發悲填膺重脫青衫奮舞

起君莫恥希文自任何如人壯夫運篋豈徒爾

仲夏燕集王太常東園

樂郊昔日舊遊地此來又見經營初小山纒築已餘

勢新沼乍成方始波厯落沙隄種榆柳參差軒閣開
巖阿我心正爾抱抑鬱欲坐此閒長嘯歌

季夏復集東園

六月避蒸暑載遊東岡陂賓客曳華裾蒼童攜酒厄
入門縱觀眺高山正透迤華軒枕虛壑危樓臨大池
綠葉騎繁林朱華被清漪已登崇邱嶺復涉淺水湄
埽花名看奇石翦鏡亭觀流澌道遙長隄上散步魚
梁基疏桐夾榆柳竹石鬱參差放舟理輕楫悠然適
所宜曲澗多迴湍長杉障炎曦涼風一披拂邈若情
秋時樂事貴羣賞勝情欣獨知神仙不可接當與古

詩集卷一

九

人期

南園夜集

置酒臨軒幕四垂坐深絲竹動清悲只今小苑開歌
夜是高堂浩歎時

感懷詩十六首

家世事情謹服德敦詩書受命違貨殖安仁賤懷居
十年一斷屐三歲雙枯魚何期親老疾笥囊無夙儲
借貸稱奇策典易盡衣裯疏水雖已供親心安得舒
古人有祿仕非此復焉如

捧檄出門去淚下不能言長揖謝書劍抗顏事寒暄

昔為天上鶴今為檻中猿語默判勤惰動止殊方圓
骨肉相隔絕不知涼與溫門前誰家子意氣獨軒軒
父母樂康樂讀書泱晨昏

鳴鶴在北林其子東南翔脚魚欲反飼櫻繳墜高岡
束其凌霄姿鐵其羽翮長載以文軒車酌以清露漿
飲啄非不時恆心獨悲傷中夜嗷嗷鳴星月為徬徨
矯首北林望黃葉方零霜

北門有高墳柏鬱多姿凡我陸氏宗十世咸於斯
子孫何不肖捐埋甚狐狸絕則不為親人人得誅之
奈何奉湯藥不能事兩歧逸賊昔有道修墓古所悲

詩集卷一

十

封殖雖云畢誰為整倫彝

大塊稟萬物類聚各有班胡為一圭土生此艾分體
芬蔣註草與蘭艾草日夕滋蘭草為糾蟠豈無芬芳
能傷人本姿不能勝冥頑豈無刀鎌利同根畏相殘睇彼松與
柏鬱鬱浮雲端荆榛藜藜枝紛然莫能蔓

授書里門中五日一回還父母喜相見動輒如經年
舉帷瞻顏色欲言無可宣遙思生恐懼覲面生憂煎
小愈未足欣久滯何時痊緬懷古扁盧疾首呼蒼天
古人即今人何獨多神仙

吾聞三神山乃在海中央上有神仙居長年多悅康

我欲從之遊乞取藥一箱歸來奉堂上延壽千萬霜
側身東顧瞻洪波浩難量秦皇與漢武畢力不得望
何見微軀子引領徒涕滂

仲夏炎節至海暑一何滋斗室如視稿作息咸在斯
赤日麗高隅潦雨漫屢屐陰房蒸霧一作溼蚊蚋日
夕孽終坐尚不堪况復臥牀帷颺颺晨風發拂拂夕
風吹豈無戶外樂畏彼蒼蠅噬

登山孰最險孟門與太行處世孰最難要津與名場
殫集眾所附利在國乃狂是以古賢人千乘如秕稊
紛紛離斷子胡為日皇皇蟻蛄轉糞丸鳳凰慕高岡

詩集卷一

七

志尚各有適誰復辨穢芳

中秋好明月况乃兩中秋前夕北城濠今夕南樓頭
清光何皎皎高風更颼颼明星四五六白露空中流
對此良夜景鮮不歡遊顧我獨坎壈榮然懷百憂
四望起長歎腸中亂絲抽

胡從北郭行道逢鮒與鯁持買鮒與鯁歸來自烹煎
織鱸何簇簇鮒骨何復一作連卷念此滋味薄愧彼西
河賢東市饒米穀南城盛魚鮮振衣出門去索上無
餘錢顧此長歎息倚徒不能前

矯矯松柏樹託根沃土旁下有桃李花雜沓並成行

陰岡多百草招一作搖謂我芳移之種寒谷傲然甘
雪霜始知沃土肥不滋松柏香望箕不思簸仰斗不
求漿名實自難掩眾口亦何傷

飄風何發發吹我竈下薪竈下薪尚可釜中有揚塵
卑室積寒氣白日為遊巡嗟我黃髮老終歲遭遭迤
東家樂雜泰西家會賓鄰何彼同室子操戈日相噴
棄置勿復道萬石重親親

寒風入高樓簌簌鳴窗隙百憂如重山壓我來胸膈
對書徒散亂自起理衾席伏枕未逾時憂來愈益積
披衣復叵坐展轉不能釋童子據榻射宵鼠擷東壁

詩集卷一

七

戚戚竟何言殷殷自終夕

歡樂不復覺憂至始難裁嗟予一歲中寸心生草萊
臨文徒惘惘展卷益回回一作益一當風增浩歎聆音動
清哀道逢親知交謂我何虺隤謹浪顧我笑期我共
諧談豈不樂相答中懷不能開

有客避我飲謂我何為憂我非孺心子豈樂恆怨尤
貧者士之常懷居聖所羞眾口詎足較窮達非人謀
獨有父母疾諒難任優游處屢忘陰雨乘舟味深流
盛年託蔭下那復知窮愁

訪俠者不遇

狹巷訪婁離人逢問阿誰英名天下識里閉不相知

歸舊窗兼懷友人

我來舊窗下不掃已經年雄劍驚鶻落陳書脈望穿

壯心驚日月良友滯山川卒歲徒虛擲分陰愧昔賢

懷石敬嚴將軍

時敬嚴年七十餘官軍征中原流寇聘致軍中軍潰敬嚴歿於

陣

白水黃沙戰骨紛天陰燐火自成羣可憐無數一作限

沙場鬼頭白如霜獨見君

中原豺豕叩雄關老將長征竟不還落日西風淮水

急忠魂何處逐刀環

詩集卷一

三

冬曉

五平詩

離離霜花明層冰俄參差寒鴉啼何喧風吹枯楊枝

冬夜

五仄詩

獨夜擁膝坐夜靜益杳杳讀史不覺曙淡月落樹杪

五柳如村二堂遺址

乙亥

春風搖搖百草抽沙頭水合東西流古藤盤鬱石礎

缺巍然獨見雙高邱茫茫昔誰氏云是五柳如村二

堂之遺址抑誰居者胡正思仲連繼起稱父子嗟乎

先生於宋為兩賢歸來築室東海邊風流彭澤洵可

接文章工部相比肩只今未及四百載華表空存鶴

何在牛羊朝夕登隴頭聖世徒聞禁樵採我心懷古

思悠悠獨呼濁酒澆松楸攬衣太息不忍去海上碧

雲生暮愁

冬夜大風

風吹天昏黃月出勢如湧騎騎浮雲馳煜煜明星動

冬日王子周臣鑿冰而嬉乃戲作古意效李長

吉體示周臣諸昆仲

一日二日風彭彭微霰密雪交迴縈窗櫺夜嘯如鬼

鳴樹頭樹底吹竽笙中庭地白何虛明碧玉一片淨

空清磨刀割玉懸前楹隋宮之屏開水晶扣以塵尾

詩集卷一

四

玻璃聲老蚌映月珍珠生繡幄香消罷瑤席素盤拂

落帽無迹

漢武帝射蛟江中歌蓋我完師命題課端士諸

昆仲也因命子作弗獲已乃效漢樂府體如

天馬赤蛟諸篇勉成之其合否未暇論也

惟漢昌德昭明王之遊協時巡驅風雷伐蛟子清江

淮繼神禹畜四靈功魏哉開明堂萬福來

詠竹

丁丑

吾聞竹有君子德心內虛分節外直豈惟二者良足

稱歲寒更比青松質丹葩離離結朱實粒粒堪為鳳

鳳食鳳兮鳳兮胡不來使我不見心痛惻

叢生竹

叢生竹何蕭疏新枝日以茂故枝日以枯去年雖枯
尙成竹今年不見徒歎歎

辛巳上元同鑑明王先生泛舟水鄉時海內多

故將為避地計也舟中有感卽事 辛巳

為訪南陽地來登西市船雪浮木分體木杪動風起

浪花顛海內方多事天涯自晏然不知村郭裏何處

可容塵

兩雪北風涼扁舟下水鄉王公眞惠我攜手共翱翔

詩集卷一

五

退避豈予意凶祥在彼蒼太平如可久予亦戀篋箱

同鑑翁歸舟已元夕矣城中燈火方盛予兩人

獨往獨來里無知者更賦七言一絕

城中簫鼓鬧如雷此日江頭帶雪回不道桃源問津

去卻疑剡曲放舟來

問蝗食蘆葉有感

聞道飛蝗徧我吳嘉禾無恙食蘆蘆三農父老休相

訝應念江南竹髓枯

已侯希聲錢公治婁有惠政以遠年南糧被謫

將去官時江南大旱婁地尤岌岌一日不可

無錢公士民羣赴京口叩兩臺挽留之子與

聖傳虞九同舟途中有感雜詠十絕

子僑與訪在田疇司寇當年刺虛裘為政從來難慮
始鄙人肉食豈能謀錢公大修荒政令州中畝出一
升為常平州中人創見疑駭特

五年不識大夫面今日同禁刺史旌自是憂時公念

切肯隨流俗學逢迎

江南赤地已難耕此土宜堪螟螣爭寄語草根休食

盡幸留殘葉活蒼生出游野關飛蝗載
道草木葉皆如洗

澤國連年病旱荒關西無處不生蝗天心若肯憐賢

詩集卷一

六

令莫遣東飛入太倉錢公見飛蝗呼天
而歎曾有是言

百部翻車列水濱輓輻聲動浪如塵船頭簫鼓休相

笑隔岸秧苗愁殺人開渠引水不煩車吸至是皆列
亦皆就江濱撥水灌田輓輻橫列至以百計歲旱民

江北黎民盡阻飢那堪此地亦如斯官街道殍時相

望退食何人自委蛇舟行自與抵京口河濱死人累
繁不絕此百年以來所未見者

大江東下浪如雷南北分流一綫開聞道中原不堪

說憑欄高望思無涯中原盜賊數年於茲運年復大
旱山東糧輸之地父子夫婦兄

弟相戕食人肉載路慘莫之怪一統之世見此景
象此開闢以來所未有也登山涉水不勝浩歎

雲樹青青江外浮人言此地是揚州思君客路知何
處指點煙波一片愁重遠弟客難揚久而不歸遠望賦此

天下斯稱第二泉無冬無夏水涓涓如何不向田間
去卻與閒人結俗緣水泉不能濟旱徒供煮茗故云

江流激激草離離六月秧苗種未移安得惠泉行處
是桔槔雖做尙堪支

晴錢靖侯將軍失職靖侯後以乙酉死難

世事年來眼倦看聞君此謫更無端朝登薦剡方推
轂夕見彈章已挂冠時局紛紜何足論英雄顛倒那

能安不如且覓山中侶歸向磻溪理釣竿
詩集卷一 七

哀黃雀

哀黃雀黃雀飛且鳴飛鳴一何急苦飢不得食荒田
草離離秕穀無稜栖汝不聞東家之子千金驅朝來

自分埋溝渠那有餘穀活汝為

道旁有羣兒壬午

道旁有羣兒啼聲一何悲問兒何為啼寒凍飢無糜
阿婆厭糟糠阿母餵豆粝阿母持我來置此行路歧
路人不復惜早暮歸黃泥吾聞此兒言歎息還遲遲
我躬尚不問安能惜羣兒勉強拂衣去涕下交雙頤

舟中同言夏聯句

客子戒長途同行各見呼言夏江橫泉木直月朗一
星孤道威宿鳥自來去浮雲空有無言夏時窮發浩
歎相對話乘桴道威

望鍾山

鍾山東望翠如煙王氣依然似昔年回首中原一惆
悵干戈滿眼是誰愆

秦淮河

秦淮河水碧澄澄南北通流亙古今江左原非與一作
爭王地祖龍空自費雄心

詩集卷一

六

秦淮鼓吹

妙舞清歌盡日忙畫船無處不紅妝江南江北愁如
許不道都人樂未央

閩中作

一萬英髦試棘闈人人意氣欲騫飛功名自爾丈夫
志富貴不淫誰與歸

龍江關風雨

亂雲飛繖過江皋頃刻波心噴雪濤楊子江船千萬
隻一時和雨下篷篙

泊燕子磯

長江日落浩無涯一抹煙中萬艇斜燕子磯頭秋夜
月六朝曾照舊繁華

賀陳其丹將軍平海

東海烽煙旦夕驚將軍神算厭樓槍千帆晝出魚龍
靜一騎宵馳虺蜴清捷奏廟廊稱偉績功成邊邑慶
銷兵處堂不識綢繆意漫道天涯自太平

苦寒行

凍雲作寒威雪花一作飛大如黍相逢歧路閒風咽不
得語

龍舟謠癸未

詩集卷一

五

五月鬪龍舟水嬉疾如虎士女笑相樂那知屈生苦

漢陽黃赤子北上公車過婁談道與子相得甚

權繼聞寇入襄漢復回省家書以贈別

君家漢上我吳中千里遙看姓未通十載著書悲和

寡一朝論學快心同方欣啟迪符傾蓋底事風塵駭

轉蓬握手河梁重惆悵天涯相望思無窮

贈別王端士

六月赴公車驅車汗如雨何不辭苦辛時艱不堪語
戎馬尚在郊盜賊徧三輔有君而無臣何以稱禦侮
家世受國恩簪纓累祖父功名安足論圖報心獨苦

行行經四方豈敢憚征暑揮手慷慨別赤日正當午

和聖傳湛一亭詩一律

疏林落落竹森森中有幽亭貯素琴憑檻小花供雜
綺隔溪高樹散輕陰縱觀萬物皆生意靜對淵泉識
道心一室自饒千古樂不知人世有升沈

湛一亭前竹樹森主人終日坐鳴琴清晨習靜食朝
氣永夜焚膏惜寸陰水到渠成看道力崖枯木落見
天心此中旋轉須教猛不信神州竟陸沈

答贈崇川宋子猶二首

夙昔志取友於君實寡儔十年懷道誼一夕見純修

詩集卷一

三

子與子猶相遇聞中一見不忘今十年古行鄉閭式

矣子猶忽來相訪開心論道契若符節

高文國邑求時艱須絕學幸與共綢繆

大道自今古慚子無所知願茲方晦蝕敢不效驅馳

愧未加涵養豈堪著辨思時子猶讀子思辨錄有贈故云□□□遠

學何以教危疑

桴亭先生詩集卷一終

後學王康壽敬校

桴亭先生詩集卷二

太倉陸世儀道威著

乙酉至丁亥

乙酉元旦後二日即席賦贈王汝夏子時玉汝

仗劍從戎孤身北偵歸而為同學諸兄道其

詳同學壯之飲之酒而送之行時玉汝又將

從史閣部於維揚也

君昔未束髮與我正同庚少年盛意氣抵掌談經綸

彎弓擊劍掣絕技妙入神二十好道術閉門各窮經

我宗朱晦菴君學王文成議論互往復得意時自矜

詩集卷二

無何世局變盜賊紛如蚊流毒徧楚豫蔓延及兩京

君忽奮衣起策馬驅風塵三秋入虎窟口口慘不驚

歸來見天子肘後懸黃金黃金一何尊壯士多苦辛

出門半載餘天下已四分帝后恥未雪驃姚安足論

所願抒奇策滅寇口口庭收京整鍾籛四海一廓清

功成不受賞長揖歸山林驚湖舊經在與爾伸前盟

乙酉元夕婁城盛張燈火戶皆懸綵有感而賦

寒北旌旗亂江南采色多敷天猶有淚薄海但聞歌

遊女拖珠玑一作飛金爵一作飛王孫曳玉珂太平誠足樂九世

奈仇何

澄江舟次次異公韻 異公一作德公

灣頭淺淺露平沙一曲清溪雜野花溪上青山山下

樹樹中茅屋是人家

虞山竹枝詞六首時舟行過虞山同異公登眺

見士女如雲戲為竹枝小詞狀其狂惑聊資

採風一助

桃花如醉柳如顛十里橫山翠欲眠何處遊人喧一作

歡笑急長松影裏佛臺前

春風春日桃李濃遊女遊人西復東拂水巖前乍相

失半山寺下忽相逢

詩集卷二

郎乘驄馬妾乘輿寶相金錢貯後車入殿莫教相去

遠上香焚祝要通書

今年香信好天緣和暖偏一作宜衫子鮮微雨乍過

雲又散趁晴還早到山巔

百貨山棚事事都吹笙搖鼓雜花圖三年心願今春

滿買筒泥孩贈小姑

何處聲聲簫鼓催前村迎賽社神回大姑小婦爭相

喚倒曳紅裙急看來

答友人見招

北望中原恨未休南冠今日更蒙羞何堪更向新亭

飲盡日相看作楚囚

懷言夏

君阻湖村我阻城相看咫尺盡戈兵月明風靜秋天
暮兩地應聞浩歎聲

歸任陽村舍

築室為謀亂翻從亂後來田心飛白浪屋角蔓青苔
鄰叟攀藟話村童擁樹猜相逢疑隔世欲別重徘徊

鑑明王先生來酌酒話亂

亂後知誰在今茲幸再逢先生驚髮禿小子愧頭童
變態鄉城異愁心彼此同別來無限淚都寄一樽中

詩集卷二

三

感遇詩 有序

乙酉之遇天下古今所未有也所遇為古今
未有則所感亦為古今未有何詩之足云然
以不生不死之人處倏安倏危之地欲歌不
能欲哭不可悲愁鬱憤發而為詩固亦屈之
情陶之思也幸生之餘與王子石隱盛子聖
傳無聊唱和自秋徂冬凡得五言古詩三十
首彙為一編名曰感遇誌所懷也昔陳子昂
為感遇詩妙絕古今晦菴先生喜而特效之
子之詩與二公之詩其工力不敵固可知也

然晦翁之詩在並美前人固無感遇之可言

子昂之詩洵有感矣而考其所遇乃在高宗

武后之世以觀今日雖同為感遇而所感所

遇實有大不同者是則可悲也夫

潛魚懷深淵飛鳥慕青冥志向各有適羅弋紛四陳

神龍失雲霧虬伏同眾鱗哲士無勢位俯首齊凡民

仰歎發浩歌悲來痛填膺氣數苟在天匹夫豈能爭

時子避地水村
土人亂復入城

冒辱既非易殺身良獨難高堂有白髮稚子未知餐

攬衣起歎息展轉不能寬思欲披緇衣寄迹空門端

詩集卷二

四

君臣義已廢棄親殊未安俛首混儕俗流涕傷心肝

仲雍避荆吳斷髮文其身般箕造昏亂佯狂受奴髡

少連柳下惠降辱稱逸民微服過宋都去衣入保人

在昔大聖詰處困皆有倫區區卑賤子舍垢安足嗔

伏讀明夷卦悠然感我心柔順以蒙難艱貞晦其明

卞和得良璞再別於楚廷別者成廢棄冒辱安惜身

此閒有大寶勿得輕死生悠悠白馬客干載同斯情

青青原上莖發發水中魚莖生何閒閒魚遊亦嘻嘻

北風忽振厲海水羣驚飛狂飈折松楸黑浪翻鯨魚

天地方晦冥微生安所依

南國一佳人絕世而獨立傾城令人妬屏逐不遺力

豔去眾醜惟妖嫵鬪顏色窮巷有幽姿聞之捧心泣

賢者見辱於時君子為之痛心焉

時有令兄弟偶爾成析炊大盜一入室彼此生阻疑

兄或擊其弟弟亦奮刀雖兄弟本同生相疑徒爾為

大盜當門前鼓掌方嘻嘻

時婁中鄉城相疑殺故云然

白日中天行皎皎未虞是陰霧忽障之傾輪墮西北

素月出東嶺驅霧開昏塞方欣微光動誰念長夜極

復旦何時歌懷情久傷盡

亂而復亂波濤相推不知所終憂之而作是詩

蘭為王者香無人生空阿孔子過見之援琴喟然歌

詩集卷二

五

榮落隨眾草不得比佳禾九州無定所逍遙將奈何

昔唐有天下安史亂宮闕倉皇走蜀道京師盡流血

太子起靈武□□□□黃埃數矢發狂賊飄然滅

羅錦贈花門須臾兩京帖時無郭子儀□□□□

吁嗟郭令公今古何遼絕

躡馬恆破車惡婦恆破家冠幘事攻劫安能正奇表

漢家四百載黨禍為萌芽處士盛名節朝廷非所嘉

名節尚不可何況羣驕奢

睢陽四戰地孤立賊壘中屹然障江淮不與降醜同

茶紙鼠雀盡身死城亦空巡遠固足欽斯民實奇忠

河北廿四郡聞之孟愧衷

江南連城相抗然能死戰死守力盡不屈者惟江陰而已

世事方龍戰人情已雀躍車騎何紛紜屠門堪大嚼

區區陋巷子蠖伏甘窮約未能行採芝聊復歸種粟

農圃安足辭簞瓢有真樂

南鄰有嫠婦顏色已枯槁白首兒夫捐驅車嫁燕趙

旁有處女子獨宿甘荼蓼苦節何敢貞傷心賦借老

小隱隱陵阿大隱隱朝市朝市我不能陵阿亦殊贅

卜居東南隅落落有爽氣左顧通人煙右覽接荷芰

平疇繁嘉蔬古塚出高樹雖非山林閒亦有泉石致

詩集卷二

六

一塵聊自息治亂委人世

丹穴有雛鳳乃在山之陰青鸞白鶴侶朝夕相和鳴

養此羽毛奇翩然備儀庭明王閣不作海宇羣沸驚

鸞鶴紛紛飛鳴鴉互縱橫孤鳳何所之斂革避遂巡

豈無德輝著時窮非炫珍靈龜曳其尾雄雞憚為牲

祥麟出周季將貽田父禽

仲尼千載師偃蹇生衰周孟軻談王道七雄非其儔

濂洛關閩儒學至君未求晦翁振絕續南渡時蒙羞

嗟嗟魯齋公仕元以為尤豈天靳斯文每出多邈邈

展卷仰前哲浩然忘我憂

古來賢達士隱居多投書時衰道義賤誰能枉車輿
千金贈當路一飯靡窮廬棄置勿復道耕漁聊自紓
百里不取樵千里不取糶賈贏致三倍君子豈能識
臣朔飢欲死姑試未為失嘗讀貨殖傳啞然自思憶
行德非予事聊用適吾力

北山有高士幽居在空岑上有青雲垂下有朱草森
我欲從之遊雨雪方陰陰何時共攜手相對彈鳴琴
漁陽鼙鼓驚征塵動地起河北多郡縣一朝盡風靡
常山有太守慟哭整軍士誓心匡社稷志烈身竟死
長樂何如人紆紆佩金紫同為黨人同為名士或生或死忠佞頓殊可為浩歎

詩集卷二

七

孤陽生東海朝光正瞳瞳時當沍寒節凜烈來長風
常恐雨雪至飛雲蔽晴空何時麗中天為我開嚴冬
生平寡交與與世殊淡漠天涯有數子相知在寥廓
或如孔程交或辨朱陸學或聞聲相思曾未接酬酢
遙遙南北海此心契如約風塵暗天來蹤迹各飄泊
出處或可期生死殊未卜會晤當何時六合庶開拓
臥龍隱南陽幽居志何適交友不數人頗能盡厥術
元直勤啓誨州平聞得失更有水鏡翁時來入入室
湯餅輒相呼主客了無擇予家東南偏與虞九石隱聖傳居相近地頗幽寂雖兵革日聞而三兄時時相過不減昔日南陽之樂故誌之

仲冬霜雪降寒月光逾涼獨夜起徘徊矯首中庭望
三垣何闇汶列宿縱橫行天狼射丸丸舒光異平常
旄頭當天明弧矢弛不張天道不可知歎息徒徬徨
龍潛不隱鱗鳳翔不藏羽網羅森高張去去將安所
東陵有故侯種瓜日啍啍西山雖云高毋為過艱苦
宣原丁漢季遭亂靡所入公孫治遼海同往依其域
宣語惟經典世事了不及邴原尚清議格物性剛直
管窺謂邴原非時宜慎默神龍當深潛不見乃成德
聞古有至人澆悶為其宅入水能不濡入火能不熱
飄然御元氣與世相乘閱學問非仲尼誰能試磨涅

詩集卷二

八

斤斤藉白茅堅白永無缺
聖人達天命君子慎感遇患難皆素位胡然重憂懼
執玉夜行遊得不虞傾仆兢兢慎冰淵豈曰徒自顧
天意苟未喪吾何為不豫
十四學作詩十五學擊劍十九窮經綸屈節事鉛槧
三十聞道術始識孔顏面同志八九人齊一作齋心共
祛練講論垂數年著書頗成卷擬欲俟明王絕學續
如綫遭時當鞠凶禮義盡攻戰口口談詩書得無聖
賢賤放言聊自晦深情寄嵇阮
對酒思人衷人衷姓錢名壻樞孫

客路風塵裏家園蔬酒前念君勞遠步愧我但高眠
為欲謀借隱無辭賦獨賢何當整尊匕與子寄一作計
林泉

和石隱題畫作

日落煙橫欲暮天漁耶打鼓賣新鮮吾生卜隱無佳
境可向江頭借一年

答石隱贈端硯作

若箇磨刀割紫雲感君惠我意殷勤攜歸好向窗前
護日日題詩卻寄君

弔膠城黃蘊生

詩集卷二

九

與君未夙昔遙聞始相慕契合在道術不同世趨附
君言會當來事務每回互我亦欲驅車縑生爛成情
盈盈一水閒耿耿不得照風塵天地晦珠玉委埃霧
君死我不知我哭君不顧嗚呼一大儒溝壑畢其遇
君死自君分學者失恃怙臨風動長號淚盡西州路
亂後漢陽黃赤子過訪夜飲有感

一別誰知竟陸沈頭顱無恙鬢毛森相看面目何堪
似靜對惟存一片心

答王石隱見示庭梅八詠

君家一株梅十詠九徘徊予家兩三樹棄置當牆隈

豈無孤山情愧乏廣平才吾欲并贈君為君壯尊鼻

過石隱齋賦贈

相馬當以輿相士當以居入門動真氣豈非高隱廬
庭前靜松竹架上紛詩書二三借隱人朝夕相與娛
游情侶萬物探道追皇初興至或吟詩翩翩陶謝俱
鹿門今咫尺誰能笑菰蘆

夢言夏述之以寄

昨夢扁舟過問津君乘小艇遇湖濱自言學得操舟
法湖上香秬賤莫倫

桂樹

詩集卷二

十

桂樹生空阿失土日憔悴移植沃土旁所居逼閭闔
枝葉敷清華根株借生氣市井多輕薄露凌競喧戲
桂花淡無言惕然自修厲曾滋沃土恩不敢恨芳穢
努力聳貞幹塵土視一切

示虞九二絕句

興廢存亡代不同縱橫顛倒在天公小儒孤憤成何
事遯世須開萬古蒙
風雨陰霾但一時青天萬古只如斯好將日月歸胸
次六合雲開正有時

懷宋子獮

痛哭中原萬事非，掉頭東海一身微。
水深浪闊蛟龍惡，何處山顛學採薇。

無陋居十詠 有序

子白丑寅閒知天下已亂，江南不能無事，卽與友人輩歷選山水，欲求避世而不可得。至癸未，乃結茅於城之西北水村，將終身焉。乙酉夏，居村僅一二月，以土人亂復入城，遂病不能去。今又歷半歲，其閒亂而定，定而復亂，態凡幾變，以子所居甚僻，故戎馬之迹亦不及讀書之暇，時與友人相過論詩，每每興思。

詩集卷二

十一

山水神情飛越而困於力弱，不能自舉，因喟然曰：孔子不云乎？君子居之何陋之有？因名所居爲無陋，示不必去，爰成一詠，聊以解嘲。

誰謂此閒陋，彬彬君子居。出門天自狹，入室地常舒。
禮樂存三代，功名付太虛。鄰有鬪者，暫且閉吾廬。
誰謂此閒陋，彬彬君子居。世人皆弋獵，賤子獨耕漁。
短笠坐垂釣，輕蓑行荷鋤。屢空何足惜，吾道貴清虛。
誰謂此閒陋，彬彬君子居。春秋猶漢臘，人物自皇初。
短榻遙期客，匡牀獨著書。林閒時一望，花外有來車。
誰謂此閒陋，彬彬君子居。分畦常種藥，引水自澆蔬。

歲月秦時促，風光原上舒。牆東堪避世，何必問長沮。
誰謂此閒陋，彬彬君子居。深潛無土室，長嘯有茅廬。
學字栽蕉葉，休糧種芋菜。藜牀雙膝穩，不用駕安車。
誰謂此閒陋，彬彬君子居。未隨採藥侶，且荷灌園鋤。
無地不栽竹，有廬惟貯書。興來時獨詠，自謂過皇初。
誰謂此閒陋，彬彬君子居。斯人皆可與，天地總吾廬。
道在乘桴樂，神全處困舒。但教忠信得，寧復畏淪胥。
誰謂此閒陋，彬彬君子居。客來惟論道，獨坐只看書。
生意草閒出，天心梅上舒。靜中聞警語，郊外一聲驢。
誰謂此閒陋，彬彬君子居。菊松三徑滿，安樂一窩餘。

詩集卷二

十二

種茶常師圃，談詩有啓子。黃虞今在否，巢許且狂疏。
誰謂此閒陋，彬彬君子居。種杉皆向路，樹蕙更盈渠。
放志逃詩酒，全身學散樗。家園風味足，不用憶鱸魚。

二月二十六日滇南文介石先生同石隱聖傳

虞九人表人衷，寅士諸兄過小齋。論易

丙戌

舉世悲昏溺，中流幸有師。發蒙分復垢，安節處明夷。
盛德古無敵，太和今在茲。春風周茂叔，靦面莫相疑。

三月十九日春盡步毛子晉韻

此日年來是何日，忽聞春盡更神傷。吳山吳水閒無色，江北江南竟改妝。恨乏斧柯條遠樹，慚爲公子賦

春陽滿懷騷屑誰堪似牛背斜暉照眼光

題畫

日暮天冥冥歸舟一何晚帆影出江岸去家應不遠

送文介石先生入中峰

底事傷心萬念曠漫從蘭若寄棲遲乾坤有限無窮

恨身世須臾不盡悲千里音書孤枕夢六時功課一

編詩放舟日暮山風急松柏灘頭讀楚詞

春日田園雜興 有序

遭時不偶避世牆東春日傷心無聊獨歎偶

迥異公齋示我春興六首已又出月泉吟社

詩集卷二

三

一册曰此至元丙戌浦江吳潛翁所輯也時

元易宋已五載翁隱石湖集諸隱流吟詠寄

志一時屬和幾及三千嗟乎屈陶異世同情

矣雖時事尙未可知而丙戌奇合深用足歎

亦成六首聊誌鄙懷不敢曰首山之吟亦用

代曲江之哭耳

牆角春風吹棗棠菜花香裏豆花香看魚獨立小池

影數筍間行竹篠長白眼望天非是醉科頭混俗若

爲狂莫嫌世人疎放彭澤情深勝沅湘

聞說山中好問津桃花如夢水如塵乍看暮燕成新

墨誰憶泥牛換早春時新歷先舊歷二日打鼓吹簫今歲社更

衣脫帽舊時人門前柳色依然綠陶令年來避葛巾

一夜東風春雨賒起看流水入溝斜籬頭未下絲瓜

種牆腳先開蠶豆花稚子鑿池浮乳鴨老翁攤竹曬

新蝦已知身世無餘樂聊爾徜徉未是差

春社纔過雨水中灌園初學問山翁新成芥菘旋栽

芭既落瓜壺不用蔥衣履已知非晉代蠶桑聊自說

幽風高原小麥青青秀不見歌聲起故宮

野水灘頭長荻芽池塘處處起鳴蛙一春多雨占三

白二月無茶摘五加寒食杏來驚漢臘塞歌時起接

詩集卷二

四

邊笳春郊風景還如舊添得傷心是短髮

舍北村南雨又晴倦拋書卷漫遊行山鳩逐婦每雙

喚芹鼠窺人時獨驚種秫擬成干日酒醃菘聊當一

春羹月泉甲子依稀是讀罷遺編淚暗傾

過頑潭訪確菴

何處能忘世頑潭六月深花多君子德村是古人心

溷迹依僧社懷情託素琴中流堪痛哭欲續楚騷吟

不道蒹葭裏居然好避秦風潭滿菱茨流水數鄉鄰

有酒能消暑無溪可問津翻嫌武陵洞猶到一漁人

題畫八首

行脚歸來暮前村煙起遲數聲鐘磬發知是晚齋時
黃鶯啼何頻垂柳下及首愧無雙黃柑下此一斗酒
山前萬竿竹屋下雙漁舟但畢此中樂悠然何所求
朝看山色青暮看山色紫山色朝更暮幽人只如此
月出當湖心湖氣夜逾白縹緲登樓人臨風岸巾幘
夕陽下遠渚返照萬山綠隱隱見歸帆參差互相逐
何事來沽酒危橋風雪中江心有釣者烹鯉待吾翁
日落天色黃風高水痕起無數歸雁聲蕭蕭荻葦裏
再過確菴作

詩集卷二

五

為惜經年別難辭累日還干戈四海急風雨一村閒
人事驚危亂天心愛苦艱好將休暇日著述在名山
同盛子聖傳王子登善登虞山桃源洞值大雨
驟至澗水四出極觀覽之勝薄暮雨不止乃
衝雨而歸

為愛看泉雨後來泉聲正沸雨聲催四山欲暝千峰
合萬水爭流一壑開濯足已探西寺澗避風暫借北
陵臺同遊不帶登山屐漫學林宗折角回
有客看泉乘輿來一天風雨忽相催雲移樹底山俱
動水出峰頭石驟開野老聽松窺陡壁僧難收菌歷
高臺武陵舊境今何處不見桃花空自回

浦青城薄遊武林以扇索句步韻贈答

正擬幽居好卜鄰忽聞征棹向芳津湖山猶剩舊遊
地花鳥更添新主人夢裏詩篇常獨得天涯書卷自
相親年來烽火君知否祇恐西冷尚未春

王煙翁卜隱西田首夏為雜詩十首依韻奉和

柳葉參差竹葉稀碧梧桐下見雙扉久疑輞口規模
勝轉覺桃源徑路微小阜已添方丈閣時築小阜有閣日霞外
新溪又闢一重圍又闢新溪築圍其外塵氛滿眼應須滌且向

高岡一振衣

西莊五月麥田稀小檻朝晴獨啟扉西田有水檻扁日逢渠處渠一

詩集卷二

五

原野鶴鷗羣時夏夏游鱗寄子自微微一山當戶青
如點四水環軒綠作圍除卻讀書無一事釣磯閒坐
弄魚衣

亂後應憐景物稀深藏猶幸有山扉北風南極傾華
蓋東海西田隱少微負郭止營五畝宅危途已脫百
重圍遙知冠冕今難問親種荷花擬製衣
新榆疎柳夾門稀小閣臨流闌短扉東塢乍看農事
急西塘忽聽棹歌微秧過穀雨爭分種水漲春田競
築圍惟有兒童無別事夕陽多處曬牛衣

出郭已知塵事稀茅况復搆巖扉山林舊擬王摩

詰松菊今歸草表微藥曰茶鑄終日侍竹洲花塢自
相園常途幸喜知交寡送酒無勞過白衣

吳塘灣裏過船稀盡日無人自掩扉午睡正酣風乍
穩小花纔種雨方微浣溪近漲波三尺彭澤行栽柳

十圍竹葉牀頭春釀熟少陵不用典春衣

莫道村中好客稀臨一作流隨處款柴扉溪翁偶語

魚經熟野老濃談要術微鄰叟有周華山精農
事時與煙翁談種植為看

秧苗行未倦偶商晴雨坐成圍幾回杖策歸來晚不
覺涼生白衿衣

錦鏡亭前紅未稀魚隈村外綠遮扉錦鏡魚隈皆西
田亭圖之名

詩集卷二

七

事囚入俗隨方易詩為傷時用意微留客幸餘冰一
片避人何必竹千圍水田畦畔分明在摩詰新栽稱
體衣

地僻舟車相過稀與酣落筆坐當扉但教潑墨隔圖

障已自游神入翠微老懶溪頭秋色滿大癡雲樹曉

山圍置身邱壑真能事肯數曹家出水衣

水面風生菱葉稀野航疎敞不裝扉恐驚魚隊施蒿

緩畏損菱絲撥棹微港曲路窮思作坐時擬作亭
於水陰圩

旁蘆長欲成圍江湖滿地多愁思杜老應傷未拂衣

中秋夜諸同社泛舟蓮渚為諸鼎甫舉五十觴

蔚州古人村村中有澄潭澄潭七十二處處種紅蓮

涼秋八月中花萼正芬妍同志四五六泛艇共盤桓

皓月映素波鮮葩拂輕舫中有龐眉人浩浩復軒軒

把酒發長嘯揮毫賦佳篇高懷一何奇云是古謫仙

我有萬古懷對君聊一宣蓮花為君衣蓮葉為君船

蓮實為君糧乘風入青天遊遊徧八極俯視濁世巔

九州九萬里九點如雲煙誰安而誰危誰潔而誰羶

誰為比干忠誰慕夷齊賢海中三神山至今何茫然

歸來語我儕豁此萬慮牽共釀千日酒歲歲蓮花邊

題慎獨上人卷時慎獨結蒲養母郡中諸公贈

詩集卷二

六

詩盈帙多以陳尊宿詠之丁亥

問師何號號慎獨結蒲養母供館粥一名一實盡吾

儒諸公錯認陳尊宿

陳子確菴讀拙著贈五言古二首有身隱焉用

文之句嗟乎子文也乎哉又諷子以魯壁及

承天寺井嗟乎世無桓譚雖藏無益也漫賦

四首以答

吳天生斯民智愚各有職或者勞其心或者勞其力

勞心豈必仕著述亦其一介苟存心萬物皆被澤

嘗聞伊川言歲月莫浪擲綴輯聖賢書庶幾稍有益

身進而立言其志在行道身退而立言其志在明道
進退既已殊所志宜草草仲尼生衰周豈不慕高蹈
接輿沮溺流草木同腐槁所以贊修業矻矻在垂老
昔聞杜征西岷山勒碑銘一置山之巔一置水之濱
陵谷有變遷斯文冀常存嗚呼好名甚愚惑一何深
斯文苟不悖護惜自有神木石豈能永永者在人心
與其藏名山孰若傳其人其人不可得歎息徒悲辛
斯道在天地期與世同滅褻之固不可秘之亦不祥
兀兀窮年歲非欲炫其光誠恐衰亂迫此理或失亡
箕子演九疇意不在武王孟軻談王道不專爲齊梁

詩集卷二

九

鄙志存萬古目睫非所商

壽鑑明王先生五十有序

先生今之鹿門翁也憶自丑寅閒俯仰天人
卽懷遯思與子及言夏陳子操舟躡屨選幽
山水往返數百里閒冀遇所謂桃花源者而
終不可得晚乃卜居水村荒僻簡陋老農不
堪而先生忻然若將終老自謂有知人鑑以
子及言夏樸鄙可教令子登善兄與子輩遊
處時登善已登賢書不令入都試日與子輩
相過講學不知者皆竊怪之而先生不言喟

然而已時際申酉竊怪者始駭歎先生益復
自晦不欲居明哲之名屏居田閒自比野老
時復出入城市與世俗無敢苟異嗟乎世之
所號爲隱君子者大約有隱名無隱心惟恐
人不知耳先生則惟恐人知不爲噉噉之清
不爲汶汶之污古之所謂拙廉逃名者殆其
人歟今年五十蓋已閱滄桑矣撫今追昔彼
此不能已於懷因爲作鹿門之吟先生之子
善琴其爲我操我將歌之以進酒

詩集卷二

三

昔聞大賢兮鹿門之陽夫耕婦饁兮負耒徜徉卻軒
車而采藥兮羌遐世而遺芳翁有思兮在深山履芒
屨兮踟躕攀悵桃源之不得竟翩然而空還流覽兮
澤國棲遲兮水鄉被蒹葭以爲衣兮擇菱芡而爲糧
此中不知有漢兮無論晉魏之滄桑有客有客兮本
無兮字白帽下同 避世東牆囚首白帽兮詩書是將
分體本有兮字 公
有子兮登賢良薄世榮兮共翱翔時湯餅兮相過
儼獨拜兮下牀慨風塵之瀕洞兮冀天私此一方豈
神龍鳳凰之無德兮貴鱗羽之隱藏援琴歌詩以自
樂兮時偕野老而進觴雖無安期羨門之與遊兮亦
庶幾管寧陶潛之與頡頏優哉游哉兮惟以永康

雲間許安弦先生讀拙草贈以序言愧不敢當

敬賦此爲謝

安公老名宿才格世無偶落筆肖五嶽開胸出二酉
所交不數人往往盡山斗薄游來吾妻始得一握手
坐我以春風飲我以醕酒忘我以形骸進我以小友
賤子夫何知黃鍾而瓦缶慚愧當一顧自念亦孔醜
不惜珠玉贈惠我情良厚鄙言雖無文藉茲以不朽

西湖雲

西湖雲何輪困如曳綵如城門紛紛郁郁當空橫青
天開鏡不動塵杭州城中春睡熟蘇公隄頭車馬簇

詩集卷二

三

僮夫狂語驚欲死掩耳疾走告妻子君不見芒碭山

太原城林

分體本作私

歸有狀皆明徵十二年來踰一紀

金陵堂堂被黃紫

桴亭先生詩集卷三

太倉陸世儀道威著

戊子至己丑

和盛子聖傳寒溪八詠

寒溪

寒溪一勺水寒氣何凜冽願借寒溪寒蕩滌天下熱

竹林

此竹君所獨而我實共之每來竹下坐得意便題詩

閱耕

牆裏人讀書牆外人種田讀罷一相閱辛苦各自憐

詩集卷三

灌蔬

學圃小人事措措復何益知君抱甕心聊以當運甕

聽鳥

欲曙未曙天鳥聲動林渚念君高枕時樂意不可語

釣魚

古來二釣翁桐江與渭濱出處各有道君意將誰遵

話雨

天雨暗欲暮客心殊未央呼童更煮茗高論正微茫

眺雪

十日風雪寒積玉在高樹空庭有幽人浩然方得句

偶念熊芝岡有作

履霜自爾至堅冰今日何須重歎驚二十年前檀道

濟中原已自壞長城

三月廿九日過訪確菴劇談三夕賦此以贈步

石隱韻

劇談過夜半醉眼欲生花雷鬱雨聲積燭闌人影斜

不知誰是客適意便為家抵掌商經濟同心未足誇

時確菴著典禮會通
與子乙酉所著略同

同石隱寒溪確菴訪諸接侯

四月已徂夏村中猶薄寒放船呼一作佃客試淺借

詩集卷三

漁竿微雨水波靜一作好風平野寬僻居驚過艇往

往荷鋤看一本作幽居將往
望時起隔林看

此是高人隱蕭蕭竹樹寒門前繫艇石屋裏釣魚竿
天地憂方大身心理自寬相逢惟恐別遽起索書看

時接侯
有新著

蔚村八詠有小序

戊子四月同石隱寒溪過蔚村訪確菴凡三

夕賦詩將別而風雨不已石隱乃拈蔚村八

勝題各賦五言八絕以擊磬為限遲者飲之

以爵皆操筆立成不逾晷刻時案頭止一筆

爭書不暇未嘗停几雖工拙不倫亦足見吾

黨一時之勝情矣寒溪稍後成罰依金谷

尉遲廟蔚村有尉遲土地祠

鄂公千載豪未必辨稼穡因知田野趣英雄有同得

古井在尉遲廟側土人云每有光怪

村中好溪水不識井泉香寂寞古祠下夜夜發神光

七十二潭村中有七十二潭土人皆種荷花

何處放舟好紅蓮四面開澄潭七十二盡日看花來

楊氏宅卽今確菴居昔鳳林周芝山曾遊倭於此

昔賢避兵處今日成古迹遙知千載後高風更逾昔

詩集卷三

龍窟嘴相傳有龍下飲於此

白龍已飛去尙餘龍窟嘴惟有卧龍人時來挹溪水

郭母漫不知何許人土人亦未之識

止聞郭母名不聞郭母事溪頭流水聲彷彿猶古意

四堰村中環圩作四堰水旱藉以蓄洩

村中多水田穡村作隄捍春水白浮天村流只半岸

大浜

儂家大浜南種田大浜北飯熟放船來遙遙未能卽

江澄之家庭中有繡毬一株甚盛招予及石隱

寒溪同飲有賦

春風吹雪上枝頭散作千花當酒籌坐久話闌人盡
醉庭中冷浸水晶毬

四月戊辰過瀾漕訪黃子幼玉幼玉爲續舉蓮

社時同過者石隱寒溪確菴諸兄也席未半

大雷震電雨雹如拳屋瓦盡振一作同志皆碎

錯愕而起爲之撤席賦此志異并贈幼玉

瀾漕溪頭水千尺上有主人能愛客買魚沽酒續蓮

社痛飲清吟話平昔主人情重席未終西北欵忽來

長風驚龍走蛟勢慘惡一作天地翻覆須臾中疾雷落

當空屢欲墮一作積雪凝冰千萬箇噴薄大者擊

詩集卷三

石小射九頃刻郊原盡如剉一作吾聞至人之所居

戾氣不入其庭除豈因俗客耐久坐風雨不樂爲之

祛只今海內無盜郡一方清福天所靳我輩安享或

未知毋乃上帝垂警訓願我同志一作各屬修藍田

鄉約古所求和氣感天天不怒雨暘歲歲蒙天休

鹿城黃幼玉李北村過訪石隱石隱并拉予輩

同過小酌再舉蓮社卽席口占

青草湖頭鬪劍鐔蓮花社裏發清吟野人自愧無才

思聊寫謳歌一片心

端午日確菴至鴻逸憩雪齋同諸友卽席二首

細切菖蒲浸酒危觥籌互起笑參差可憐益智無佳
糗四海誰添續命絲

潭上山人衣薜蘿陶巾新製樣如何時石隱新儂家
久住桃源裏不向江頭問汨羅

同確菴諸兄過藥園楓林書舍分韻得書字

水滿田頭樹滿廬知君別構好安居一江小隔塵初
絕數畝新耕食有餘蓮社客來緣話舊梓亭人至爲
論書莫愁佐酒無佳味賸有溪中白種魚

同確菴諸兄過藥園楓林書舍分韻又得門字
數家籬落未成村綠水青蒲繞薛門醉裏雄心消竹

詩集卷三

五

石開中幽事及雞豚賦詩飲酒多師友讀禮談經有
弟昆荒僻久拚人事廢牀頭賴有一樽存

暮虹聯句有小序

戊子端陽後一日與石隱尊素寒溪確菴鴻

逸會於藥園楓林書舍午餘小飲時天半暮

虹忽起光映四座乃共約聯句爲酒政人占

一句以多寡爲勝負吟笑互發頃刻而成既

成罰皆如約又令占勝句者得自舉觴諸友

皆引滿浮大白莫敢不醉可謂極遊娛之情

窮嘯歌之樂矣次日子更爲節其尤複詮次

成篇得四十二韻俊求出素卷屬子書之

東南暮虹吸日光石隱橫五天半浮金梁寒溪恍兮

惚兮混大荒確菴赤白紫綠青紅黃梓亭誰持玉尺

爲度量石隱九十一度三分強確菴三分或云樓

閣蜃吐章尊素一作怪魚騰梓亭映水半玦成圓光確

菴蛟龍出波仰首望寒溪翅張尾垂雙鳳皇確菴天

孫上祝供七襄梓亭鈞天出奏飄霓裳藥園繞身感

孕誕前王石隱秦皇複道走媵嬙確菴燾上燾下占

豐穰確菴入井入釜來無方梓亭刻畫大文施丹黃

梓亭我欲攜之袖中藏確菴妖氛四罩照一作蔽一作

詩集卷三

六

太陽石隱駁雜紊亂干穹蒼梓亭黃道赤道移其方

寒溪神龍斂威霖雨藏寒溪月華氤氳當畫揚梓亭

□□□□□□□□石隱人莫敢指徒徬徨確菴珊瑚

木難七寶裝梓亭鑿嵌堆塚神鬼忙石隱醉暈重疊

天徜徉梓亭大眼五色迷文章梓亭生而眇者恨目

盲確菴懸我繡裳天中央梓亭吐我浩氣天俱長梓

亭荆卿感此激日旁鴻逸雷鼓碎擊雲旗颺梓亭倚

天長劍紛四張尊素龍文五采占吉祥梓亭委蛇蜿

蜒何激昂藥園照耀屈曲森翔翔梓亭沈埋寶物騰

光芒梓亭斗牛上射精氣長藥園揉作彩棒威邊疆

石隱 化為慶雲徧萬方 梓亭

沙溪曰石英吾友尊素之高足昔曾問學於子

乙西兵難父子被執石英爭死遂遇害其室

奠氏斷指誓守友人為之作傳予讀而悲為

作五言一首并弔石英

石英古奇士心與質俱靜論學珠樹堂 一作薛 藥軒 於焉

識介性北風摧芝蘭根幹一日盡天心固難知死孝

亦正命德配有貞媛閨閣氣彌勁此身未可死先以

一指殉隻力營五喪獨居息眾論沙溪咫尺地真氣

乃四映

詩集卷三

七

輓南郭張先生絕句十首 有序

南郭先生名滿天下四方賢人君子出其門

者無慮千數而儀獨以同里一小子儼然與

先生分庭抗禮先生不以為迂狂更器之愛

之先生知我勝我自知也然以學問未堅多

口可畏生平所有拙著與先生見者十之三

未及與見者十之七喪亂略定正擬倩人繕

寫就正先生於溪深樹密之間而先生已高

逝矣徘徊秘惜此予負先生非先生負予也

聞訃之後中心若焦以病羸遲至今日罪矣

罪矣絕句十首聊以代哭亦識平生相與之

情耳先生之德固不煩揄揚也嗚呼先生其

尙知我耶其不知我耶

杜老文章驚海內李公車馬盜門庭鄰侯未遂平生

志辜負當年張九齡 公於子有 小友之目

直節清風自駭羣是非今古總紛紜莫言海內皆知

已鄉黨誰人解識君 叟中人獨 不知公

猶記南中特寄辭辛勤痛哭為憂時只今天地風塵

滿泉下何年更解頤 甲申十月南中歸札 有言之落涕之語

江山宇宙浩無窮寥落鵝湖不再逢一自儉齋人去

詩集卷三

八

後空堂夜夜起悲風 乙酉春先生招予與姚 江史子虛論學於儉齋

薄俗難將古道馴識時明哲貴藏身非關蜂螫偏能

壽止是龍潛未隱鱗 予與先生有遷齋之約 因留情鄉國未能早決

干戈草莽各睽離相見無從每念茲夢裏不忘平日

誼殷勤猶是獻箴規 丙戌春予夢與先生談有越境 乃免之語先生欣然諾之宛如

談經相約在秋涼正擬攜書自襄糧小艇平頭竟何

處西風目斷倍神傷 先生擬於今秋遣舟迂于 與文介石先生同往論學

十年發憤學垂帷每欲相商畏俗疑故老云亡斯道

喪天涯何處哭鍾期 先生每索讀思辨錄于 恐流俗多議論卒不果

聖典何容更贅辭知公雅志託江離蒼麟未見筆先

絕此道茫茫更屬誰時先生方有事於春秋

炙雞絮酒尋常事無物堪將表德馨一陌紙錢都不

用兩枝明燭照公心子拜先生止備辦香雙燭他不敢實

對桂花有感

叢桂花開繞做廬三年笑眼未曾舒野人不是無情

思半為憂時半讀書

楓葉

萬木皆搖落丹楓獨赭然亦知秋氣改聊以醉為天

膠中翼王陸兄黃蘊生高弟也邃於理學冬至

詩集卷三

九

日過訪子留小酌與虞九共宿桴亭談道竟

夕喜而有賦

有此溪山有此亭誰人亭上共談經會心不覺夜過

半風月一天霜滿庭

琉璃渾天唱和詩七絕二首有小序

冬至後十日論學斯友堂多談渾天及黃赤

九道諸友未達次日藥園兄同舜光範先男

偉道致位初應五復集桴亭與純兒共九人

重舉前說予乃以琉璃圓燈命舜光純兒畫

道分星權為渾天因指示日月出沒狀諸友

互相傳觀宿疑盡解時天色寒甚圍坐小亭

中笑語甚稠殊不覺也及啟窗風雪方亂乃

相與大噱暖濁膠各浮一大白賦詩而散詩

以記事不限體格識所得也今止記子詩及

藥園詩於後其全者有別刻

晚風輕雪小亭寒圍坐談天興未闕欲識乾坤無別

事水晶毬裏跳雙丸

此身久坐此圖中底事昏昏只阿蒙今日與君同一

笑誰人能識太虛空

附藥園五言古一首

詩集卷三

十

我昔未知天此天此身外我今既知天此天此心

載天兮一何小心兮一何大乃知誠明通萬象總

不礙

題且了和尚像

題且了和尚像贊畢確菴讀而笑之曰此真

知已然而不莊時方屬藥園藥園曰我不復

作君當罰一詩謝過予乃更援筆書此然益

不復莊奈何

身似菩提賜似雪心如明鏡筆如鋒□□□□□

□今日陶潛即遠公

打乖吟戲贈確巷

確巷於蔚村結四大會大會之中又分四小會一講會與同志講易一懺會以合蔚村奉佛諸公一鄉約以和村眾一蓮社以聯詩文之友戊子十二月朔同人四集時予徒舜光範先皆在二子不好佛確巷恐其惑作詩解之有莫怪先生也是禪之句次日見舜光扇頭有明道和堯夫打乖吟因屬予亦和一詩

即戲占一絕以贈

昔日堯夫愛打乖打乖到處絕安排問君那得乖如

詩集卷三

十一

許莫被先生打下來打乖疊乖辰以混世俗也然世言巧也故戲語及此

壽諸莊甫母夫人七十用確巷原韻

孝子慈親何處來人間此地即蓬萊無窮七十餘年

事盡在高堂酒一杯

當年孝伯偽陳情此日瀾溪祇筆耕試把古今相較

看定知誰辱竟誰榮

贈侯子記原

記原以家難隱於荒僻偶從友人齋得予八陣發明讀而愛之至是邂逅於蔚村握手如

故交不忍言別於其行也贈之以詩

昔聞三珠樹乃在海東域上枝摩青天下枝照京國可望不可攀歧予令人瘖風塵毀天關中幹折其一兩枝尚飄搖臨崖屢頻厄陰雨霜雪雹旦夕恆應隨一作慄慄天曰汝無驚神物我所植嗟予凡鄙人幸得一披拂挹其芬芳姿觀其珠玉質善氣入胸懷千日醉心骨邂逅不可久依徒歎息何時當合併慰我長相憶

贈華子天御

與君久相別君日在胸臆今君咫尺間亦復不可即

詩集卷三

十二

德容盎四座道氣照顏色靜對默無言令我躁心釋

按原稿卷二有懷華天御五言句云御公真靜者咫尺任南鄰相過常諱道相憐未是貧又七言句云行遊把袂情方暢倏忽風塵驚蕙帳飄渺孤鴻天外飛枝頭燕雀空惆悵以其首尾不具特為刪去附志於此

予入蔚村訪確巷必艤舟晤幼玉黃子黃子輒

持酒索詩今冬又過黃子復烹魚出新釀痛

飲因賦一絕以贈

每過君家一艤舟相逢握手便相留丈人雞黍尋常

事慚愧頻來魯仲由

又贈鼎甫諸子時鼎甫攜酒看就幼玉齋共酌

記得中秋酌酒時今來又復醉君后牀頭新釀頻分
飲且喜會無非孟詩

鹿城絨菴諸子

絨菴分體
本作白民

過訪子往海寧報謁

更值次桓徐子次桓家禾水文章妙天下予

友默菴數向子道之邂逅相見不覺喜甚賦

此以贈二君

為訪崑山壁還探赤水珠白虹含氣盛明月照光殊

交以動中合心從靜裏孚一時逢二妙吾道詎憂孤

絨菴次桓過子談道留桴亭小酌即席賦贈

途窮知己貴歲儉茶根難幸有一樽酒聊為半日歡

詩集卷三

三

源流通閩洛枝葉鄙蘇韓身世何須問幽人履道寬

絨菴默菴次桓飲於桴亭在座者石隱鴻逸寒

溪藥園登善子甥舜光亦與焉時庭畔老梅

數株次和分韻各占一字為一聯共賦七言

排律詩成以遲速為殿最互浮大白相對盡

歡

我愛孤山處士清巡簷索笑酒杯傾默菴寒心暗動

隨葭管夜色輕分映玉衡桴亭鶴舞空庭憐照影笛

吹孤塞遠飛聲鴻逸高吟徧倚巖邊石細嚼渾忘屋

裏鐘溪東閣一枝殘雪冷西山十里暮雲平登善

金莖露溼風前滴玉板香浮月下烹次桓倔強孤撐

由骨瘦飄零四出為身輕藥園慚予苦澀酬雙韻憐

汝清芬舉一觥石隱數點天心枝上見十分春色隴

頭明舜光自從夢到羅浮後信得江南別有情絨菴

默菴復唱韻效相梁體人占一句各道古今一

大樂事時純兒亦出就席詩以次成飲皆如

序

謝公屐折淮淝戰默菴夔龍拜颺明光殿登善聖賢

相對稱一貫桴亭太史上奏德星見寒溪救民水火

須十亂藥園新辭幼婦兼黃絹次桓中原旗鼓雕龍

詩集卷三

古

擅石隱乘桴浮海仲由忤鴻逸吟風弄月歸書院絨

菴暮春沂水借童冠舜光雞黍留賓二子見宗程

端士王子北上公車非其志也即席口占二律

贈別

極知此志久成灰俗累攻人萬檄催無可奈何今且

去不須計較自歸來君將痛哭為詩卷我把狂歌當

酒杯無限離騷今日始傷心聊與酌金罍

短衣匹馬上離亭白日黃埃古道經鄒魯新營兵氣

滿河淮舊戰血痕腥久拚筆墨藏符井那有文章入

口庭此去好將千尺淚燕山臺下哭冬青

口占贈別默菴陸子時歲除解館歸嚶也

陸子歸舟將欲行須臾已是隔年情君鄉最號多才
地口口相煩一此名

立春日五鼓夢駕巨舟泛大海波濤不驚水天

一色覺而此心曠然有自得之樂成一絕句

十二年來淺水中每嫌溪曲又多風今朝忽得輕帆

便大海波濤一鏡同

鼎甫惠甫幼玉鴻逸皆子蓮社友也每向予道

鶴城許安公筆墨之妙予因向安公乞四幅

惠之并人贈一絕句

詩集卷三

五

贈鼎甫菊花水仙

菊花開到水仙花一路幽香興未除十月泉清新酒

熟送君朝夕對流霞難老善飲

贈惠甫蘭梅

草有蘭兮木有梅芳心勁質兩無猜知君近作羅浮

想贈汝猗蘭採一回惠老近欲入山

贈幼玉浮林艇子

溪雲淅淅水風寒獨棹孤舟溯淺瀾有客到門何處

去買魚沽酒在前灘幼老好客子輩每一過輒留飲

贈鴻逸叢林茅屋

叢陰灌木自蕭蕭傍水臨山價屋牢此是君口行樂

地蓮花詩社共逍遙鴻老近欲於北郭構精舍邀子輩共樂

蔚村講學之會確菴尊人湄川先生在沙溪聞

而樂之貽詩屬諸友和依韻答贈

絕學久如綫今茲幸有傳人高彭澤菊我愛蔚村蓮

風雨聯華彥詩書集大賢遙知東海上一老避烽煙

沙溪濱海

夜宿德隅與徐子承抵足依韻奉答

薄雪相逢欲暮天知心久矣託忘年深談夜半清無

寐不覺晨鐘落枕邊

詩集卷三

六

贈友人作

懶拙年來止晏眠救時匡濟在高賢只今處處思良

吏好為蒼生猛著鞭

和十貞憲先生正氣吟有序

先生字子厚嘉善人從高忠憲遊與歸季思

吳子口同講學東林乙酉遇難絕粒死舟中

賦正氣吟云千尺寒潭難寫之捐生慷慨有

誰知啣丹渺渺歸天去相見文山對賦詩

宇宙綱常獨任之但求一是不求知莫言膚髮尋常

事請讀先生四句詩

桴亭八詠 以下己丑

桴亭予所居讀書處也世衰無徒四方靡聘

聊乘此桴當浮海爾平居住還惟石隱寒溪

確菴數子而石隱有玉井軒八詠寒溪有寒

溪八詠確菴有蔚村八詠人皆有詩緊我獨

無新歲無事聊拈八題以當語道同志其屬

和焉

小亭

玲瓏四面八窗開獨坐孤亭絕點埃雪月風花供玩

嘯帝皇王霸入鋪排

詩集卷三

七

危橋

直木三株不用丁到來一徑造斯亭入門賓客休驚

訝朝夕儂家掉臂行

清池

下有澄潭上有天天光水色兩悠然莫言此地無多

子魚躍鳶飛在眼前

瘦石

石丈端然春復秋與亭相對似相酬吾家論道尋常

事慎勿驚人亂點頭

老梅

陽和一氣轉重陰老樹新葩已暗尋何必花開纔著

眼虛空處處是天心

古柱

天上移來地下栽一年一度一花開老僧不用多饒

舌隔壁門庭未許猜

修竹

桴亭亭畔竹千竿箇箇虛心箇箇端鳳鳥不來朱實

老渭濱聊與共盤桓

新荷

偶然撿取種家渠轉眼根生葉復舒莫道蓮花方結

詩集卷三

六

藥愛君已是十年餘

贈陳聖因北上

已絕風塵念翩然故一行世人皆口口吾子獨心明

李市神仙會陳澧道學盟遙看淮水北徒侶正宵驚

答徐次桓見贈卽用元韻

世亂身常治心同道不孤高賢方湊輻小子敢乘桴

松柏貴特立蓬麻在共扶真傳惟好學不必問殊途

次桓兄枉過草宿桴亭談心達曙口占賦贈

小亭寬窄僅如船醉後從教著地眠何必元龍樓百

尺吾家主客絕無偏

與友人論學

無隱無言信有之而今且莫厭支離聖人三十方能
立未是從心所欲時

題畫

二老相逢坐翠微避人終日語依依應嫌世上皆周
粟共向山中說采薇

周臣招飲德藻堂次異公韻時次桓將有桐江
之行

攜手重來德藻堂更闌秉燭夜何長河山舊恨頻添
淚客座新聞屢佐觴殷子陟明述
州中諸瑣事身世久拚同悅悴

詩集卷三

九

別離又復動悲涼歲華今日非容易好把愁腸作酒
腸

和停雲四章贈陸翼王

停雲陶令之所以思親友也翼王歸膠中久
不見過春正八日風雨如晦獨坐桴亭思之
而作是詩

月正八日停雲霏雨我懷伊人道遠且阻有酒獨酌
有書獨撫君何時來慰我翹佷

雨之祈祈雲之濛濛我客維何王盛徐江開我桴亭
坐我南窗惟子不來歎息靡從

睇彼草木咸喜春榮維彼鳥獸亦各有情海宇反覆

干戈交征哀哉斯人靡樂有生

鴻飛冥冥或得平柯豈云久安聊以暫和同心無人

三五為多學問不立老將奈何

送次桓之桐廬時在蔚村

吳山越水一輕桡咫尺桐江未是遙猶有羊裘人在
否為言今日莫辭勞

短棹輕帆酒一壺蔚村良敘不為孤桐廬去後人干

里更有佳朋一作似此無

十五日與諸同志過蔚村講易并論儒釋次確

詩集卷三

年

菴韻

窮途得伴即非窮野賽孤村社火紅講易天人期寡
過為仁物我見同功時確菴方以善
過錄倡率村人已知利往無良
馬且息平柯學冥鴻未達不須愁一間兩家相叩總
空空

入蔚村西堰

堰口恰容舟春流碧似油野人爭社酒稚子釣遊儻
蓄水肥田腳翻泥卷草頭征徭如可避吾亦欲相留

贈鹿城諸合甫時在蔚村與予論易談道凡三

日夜

搖落深悲友道淪相逢風雨一孤村學窮二氏心逾
約交徧天涯氣口溫睦族苦衷存譜牒識時微論在
乾坤年來洙泗荒蕪甚好闢荆榛立孔門

雪堂曹子種梅招飲不獲與聞是日聯句甚樂
為追賦一律以贈

聞道君家已種梅小庭一夜暗香催贈來南國知同
調約到東鄰是老才索句奇思分好客飛觴新影入
清杯雪堂此日花如雪未見林逋且莫開

懷徐次桓寄贈

靈物雙飛自有神無端憔悴困延津別來莫怪相思

詩集卷三

三

甚江北江南有幾人

海陽程士起避亂僑居沙溪有詩見示依韻賦

贈士起知音
律善天文

四海魚龍戰未休一枝聊爾寄沙頭追思故國多成
恨漫譜新聲自解愁得意時吟梁父句占星獨上仲
宣樓春來風穩當相過擬作平原十日留

題士起行樂圖

一帙圖書七尺^{七一}琴知君雅志在山林如今那有
清閒地展卷高歌祇痛心

贈友人移居

雨後遙尋處士家幽棲小築傍溪斜叩扉一笑驚雙

客閉戶千言羨八又粟里宗傳詩教遠金谿交誼道
風遐東門隙地年來少又過西門學種瓜

鹿城葉白泉贈確菴魯國圖并北雍聖像魯國
圖舊有謝皋羽原唱諸同志依韻追和亦勉

成一律

魯禍相傳舊燕碑寄贈新恍疑闕里宅忽到蔚溪濱
海內無文教天涯有聖人荒村乏俎豆規矩答先民

己丑春正為允三^{允三一作南村姊丈}舉五十觴時庭前

梅花正開與廷一九日諸君痛飲花下

詩集卷三

三

我昔方童穉君時亦妙年韶華驚暗度烽火幸粗全
短髮春風裏清歌濁酒前庭梅開正好莫負看花緣

齊女門行爲古吳袁重其節孝作

齊女門河水深霜清月白啼幽魂平生有志舍未伸
一解 手書在笥幼妻在閨風飢雨寒二雛斃誰與

成二解 阿母謂兒汝慎勿嗔牀頭有敝筆篋中有故

紙可以朝夕供饗殮三解 供饗殮出門備書入奉匱

尊上怡老親下怡弟昆四解 嗟哉袁生汝弗貧誰能

學汝娛親心嗟哉袁生汝弗貧誰能學汝娛親心五

解 鄉黨聞其賢粟帛進王孫縣官聞其資金書赫赫

旌市門四方聞其賢長歌短語錫嘉吟 六解 玉爲軸

錦爲文燦然篇什垂星雲出入懷袖貽親令名吁嗟

袁生可久存 七解

病起猶未能坐時時卧榻上旁粘禾中陳用賈

南湖曲口占和之

十里湖光九里蓮采蓮兒女並舟還偶逢何必問居

處總在南湖勺水邊

來時藏得釣魚針女伴相瞞不用尋采罷歸來矜獨

釣白蘋花裏墮輕簪

南湖積雨氣如蒸深種荷花淺種菱但願今年水頭

詩集卷三

三

好淺深聊得應輸征

湖北湖南蓮子垂紅裙蕩槳互爭馳采蓮自是農家

計狂殺江南輕薄兒

病起次日曝書兼標寫輿地圖覺勞甚伏枕口

占

昨日勞心今日勞力所勞不同愛書則一聖人之言

上帝之則悖之則凶修之則吉是式是遵是欽是翼

白首其中樂復何極

瞿中陳子義扶過訪劇談竟日賦詩贈之率成

一百韻

人不出庭戶芳草覆階頽忽聞叩門聲云有遠方客

呼童出問客客來自何邑客來自瞿水名姓欽在昔

開扉各一笑相視殊莫逆啟我桴亭窗展我桴亭席

乍對無寒暄深談便促膝座中有鄭子陳子久所識

我友藥園氏傾蓋亦乍炙縱論及古今開誠略形迹

縱橫西川圖排蕩東山弈主客話正濃日暝忽已直

命婦亟治餐客遠應未食囊中出黃粱池頭剖烏鯽

葵葦何足甘野人所親摘薄酒無厚味爲君佐談液

人生天地閒颺忽駒過隙吾儕適不偶值此運艱革

風影驚鼓葦夢寐厭戈戟山川忽破碎人物亦狼籍

詩集卷三

三

或幽而爲鬼或奸而成蜮或柔如脂韋或毒如虺蝎

或爲蟲沙埋或爲猿鶴泣寥寥數君子朝野稱砥石

風塵一夕盡四海靜兀兀吾聞君瞿中風土茂而質

自昔多賢豪往往相麗澤結社名直言期以共勉策

北風摧叢蘭根幹幾盡孽吾妻蠢弱地風節夙所唾

羣宗著風流正直猶痲疾南郭一被剝聲勢遂倒易

君子修元黃小人秉符檄吾屬四五人雅志在修飭

粵維丁丑歲子實始和輯倡爲格致學朝夕共乾惕

考德兼課業旬會而月集上繼孔孟心下係程朱籍

豈曰狂與僞生人此常職更以聖賢學體用本合一

念茲經濟事用世所尤急躬行有餘暇研究窮口力
高探象緯原廣覽九州域河渠及兵法博綜恣所適
杯酒習射御風雨肄琴瑟彼此共告語心得靡所匿
宏才既兼長專家亦各擇惟茲藥園氏所精尤賦役
辛勤及數載胸腹漸充實所賴區宇存乾坤未震拆
或堪爲斯世黽勉效寸尺一朝日月改萬類皆蕩汨
吾亦羣其中安能自飛翬豫章在萌芽蓓蕾未甲坼
手可搔而絕足可躡而抑龍螭未得志勢亦等蟻蝨
混逐魚蝦中泥首自滑滑惟時諸同學飛沈各散逸
確菴羽毛足遐舉振六翮寒溪在陋巷自隱於釣弋

詩集卷三

五

藥園困家累書巖逃水國深柳學荷耨面目日黧黑
天涯有數子隔絕曠消息江漢卓犖才頃聞在鋒鏑
廣陵曾閱徒授書里門側哀哉崇川子慟哭海水碧
賤子鄙樸者將東學種植運甓志已衰抱甕徒指搢
牀頭書冊在時復一玩釋無聊二三子相與講舊帙
時窮豈不知舍此靡所立顧維同志鮮時亦遭謗詈
避人深自晦跬步常兢兢問字斯友堂談心竹亭北
幽人互相過聊以自怡憚去年秋冬間忽與陸子值
予最欽嚆賢至此得其悉十月蔚村社邂逅更奇特
把臂得侏子快論徹肝膈是時君姓名吞吐在我臆

自念非晨風焉得生羽翼擬欲買舟楫造君破幽寂
何期惠然來先此賁蓬華君子當亂世所貴得其術
苟非同室鬪纓冠亦殊迫昔年湖海中旌旗蔽天赤
須臾白賊殺野水葬白骨今年江上頭飛矢暗白日
城郭摧破後婦孺飽屠伯生靈半蕩盡宗社亦無益
念茲心骨悲遵養亦非惑廢興自有天民生一何戚
讀書種子盡毋得更浪擲聖賢之所爭不在旦與夕
民彝苟未泯否泰亦頃刻嗟予未強仕筋骨已衰澀
著書何所用斷爛糊四壁觀君英雄姿使我心氣溢
橫經吐奇談神采紛四射努力窮經綸六合藉開闢

詩集卷三

五

答殷陟明見贈作兼步來韻

生平雅志在衡廬尺蠖無才只寸墟結客雄心悲晚
歲憂時緒論寄殘書風流子自違時好懶拙人因諗
我疎慚愧故交能破寂滿林風雨閉門餘

讀陟明詩稿賦贈

妙麗應劉集雄才獨老闕陟明亦姓曹鯨鏗碧海底鳳翥

青雲端八月荆江急三冬浙水寒知君遊覽勝盡向

筆中看

有雉

有雉有雉在山之巔以飲以啄亦曰自然家雞野鷄

羣飛相連嗚呼告警謂雉狂顛雉兮雉兮何匪之遭
不見鸞鳳乃見鴛鴦鴛鴦巢林一髮懸條不識樹大
焉知天高

同德璋兆飛至七都舟入斜塘作

挽舟入斜塘月出斜塘口薄霧如輕煙空濛襲榆柳
袒衣坐船舷滴露時及首路僻水道窄似虱禪襠走
遲遲避管網夏夏過籬留簌簌棲鳥殷殷吠村狗
短橋礙人面枯枝每掣肘荻葦何其多紛紛如亂帚
暗水滋蚊蚋時復一螯手屏息伏船底覆壓相雜揉
有時亦開豁忽若啟戶牖平疇左右列種植自畝畝

詩集卷三

三

短歌行

獨行登山徒侶孤單風雨侵衣谿谷艱難扶老在梁
鷓離在樹鵲行避株恐觸其嗥高高者天日月出沒
東西濛濛不見萬物江河滔滔舟楫飄飄欲渡無人
日拙心勞彼唐與虞胡遽而徵我欲從之世不我俱
世不我俱我其奈何巢許曾聞與之爲徒

七都

婁中土已瘠此地尙差強風俗猶餘樸人家半小康
七丁通海市六尺起花莊但得一廬隱何妨老是鄉

中夜聞桔槔有感

東村夜夜桔槔聲月落星橫尙未停鼓角高衙眠正
穩天明飛檝下嚴城

曉起

曉起散髮樹下坐蝙蝠衝蚊掠衣過當頭忽下露兩
點背月獨見星一箇村邊煙高竹篠齊海上日出車
輪大隔岸遙聞相喚聲人家趁涼下田作

詩集卷三

三

久旱得微雨

萬物方困頓澤竭一何久飛雨忽而集一望潤南畝
譬如遠行人邂逅得醇酒雖無耐足味涓滴亦不偶
天恩非昔日慎勿過求取

雨後晚步

我方出門行飛鳥已倦還行止雖不同各自娛其天
昨夜雨初足田疇媚娟娟牧子抱犢卧今日聊息肩

夏日懷郁子儀臣

夏日忽憶君憶君池上竹竹邊有流泉清冷浸寒玉
君獨居其中解衣恣盤礴坐卧北窗下嶄然坦其腹

澄心發高言興至理亦足遠勝陶與謝讀者肌骨肅
我居荒村閒感目多所觸漸無筆墨樂累此章句俗
時誦相詒篇聊以慰幽獨

秋雨

入秋連夜雨恰起新寒海日曠猶溼溪雲朝未乾
帶泥扶稻穡和水看花盤莫道田家樂躬耕邇正難

夜漁

空村秋歇雨獨港夜迴潮岸迴瓦燈暗波深水樹搖
風鳴知葉墮人語識魚跳贏得兒童喜謹謹竟一宵

病中偶吟

詩集卷三

无

天地迥無極吾生殊有涯難將一寸土種盡人閒花
春氣一以滋萬物皆萌芽大哉陽和功博達非浮夸

確菴將移居湖頭村赴子晉毛子之約予徒範

先邀至諸溼井約予及石隱聖傳翼王同往

話別劇談四五夕或至蓬曙無非義理往復

遂括淵明斜川遊詩爲韻各賦五言一首

涼秋方卧疴書卷亦暫休陳子有遠行悵然爲茲遊
賢主集嘉賓道侶挈英流舉網得巨鱗開軒見輕鷗
遙心寫鳴磬幽情寄遐邱談經論奇字此樂無與儔
聚首四五夕高言日唱酬未識天壤閒亦復有此否

至理各在茲聚散奚足憂俯仰苟不愧浩浩夫何求

次韻贈別確菴

一宵燈火十年情促膝更闌月色橫我暫東來無幾
日君今西去更多程蔚洲村裏會開社汲古齋中近
著聲自愧屢違秋蟹約定期湖畔聽春鶯

北步再別確菴

高城風急畫氣揮手河干又送君舟子漫隨秋樹
轉野航恰向夕陽分池塘有夢驚春草樽酒無情悵
暮雲翹首兼葭煙水闊天南鴻雁不堪聞

題延麻表兄行樂圖

詩集卷三

手

短笠芒鞋頓鼻衣心閑無事飯牛肥前溪雨漲新苗
綠更喜公家稅檄稀

寄懷禾中徐次桓

記得春風攜手時梅花香裏共持卮扁舟忽下嚴陵
瀨四壁空餘謝眺詩海內文章連壁重天涯淪落寸
心知鴛鴦湖水盈如盎不見征帆祇自悲

傲骨驚人請未休南州高士迥難儔伯鸞自不因人
熱叔夜安能與俗謀府署笙歌酬弔馬江湖一作風
雨冷潛虬小園叢桂方堪賦耐可君無乘興舟

龔母王夫人婦德之純而母儀之備者也其幼

子兆飛從子遊得聞其詳今年五十同人進
鵬成賦詩歌子因作節孝賢能壽五頌其詞
曰

何以頌母節頌以魯陶嬰陶嬰賦黃鵠哀吟感人心
惟母獨不然守志忘其名貞者婦之常筆墨毋乃矜
何以頌母孝頌以范宜春剝膊療姑疾割骨名其村
惟母獨不然聖人慎傷生三時進甘旨康樂稱天倫
何以頌母賢頌以陶侃母結客成子名截髮不復顧
惟母獨不然毀容禮所惡盤殮有餘力奚為襟肘露
何以頌母能頌以女懷清丹穴擅奇資用財能衛身
惟母獨不然贖貨戒滿盈秦人雖有臺不欲污其名
何以頌母壽頌以西王母驂駕青鸞車嘉言一作錫
漢武惟母獨不然神仙多謬誤令德自壽愷百年如
旦暮

詩集卷三

三

璜水客邸述之王子見訪即攜新詩過讀并以
瑤篇見贈依韻賦答

風霜客邸忽逢君更讀新詩齒頰芬子美亂離占勝
句東坡嶺海老雄文慚予獨處得無得念子何由聞
所聞珍重清吟意稠疊相思常望北來雲

旅次答龔向辰時向辰穫稻海上予買木棉瑣

水適然相值讀予思辨錄有贈賦此以答
耕穫非謀食經營亦偶然故欲一作為讀書地聊以治
生先機息塵無累身安道乃全君看羣動者亦自若
樂一作其天

虞山盛益明索贈自言其家小樓溪樹之勝因
走筆為賦

聞說君家有畫樓樓前竹樹繞溪流讀書欲罷憑高
望海上奇光在斗牛

飲張子威家漫賦子威曾從學先君颯忽三十
年矣為之悵然

詩集卷三

三

憶來三十載相對忽成愁人世誰青眼知交已白頭
風塵餘短鬢天地寄浮漚樽酒平生意扁舟一作盡
日留

催菴移居隱湖以湖村晚興十首見貽即韻遙
和

返照穿林映碧潭人家一半在湖南晚來湖上輕煙
起飛向山頭作曉嵐
日落旌脂射眼紅明朝非雨即多風釣船一向無心
繫且自牽藏小港中

賣魚船到鼓頻過八字湖頭日腳斜笑簡青蚨添數

昆明朝辱水喚工車

荒荒水月上前陂竹樹叢深暗曲池自起支門看場
角雞雛將母宿東籬

婁江沙滿海無潮汲古秋燈暗自挑幾度九龍灣上
望不知何處七星橋

一日思君一百回新詩忽到靚清裁何時買箇平頭
艇棹向湖南村裏來

小船撇白製輕鬆溪水秋乾僅沒胸聞道種魚多畏
獺岸頭多植木芙蓉

村頭處處起炊煙白酒新荔色味鮮湖上人家多斷
水門前个个繫湖船

詩集卷三

三

移家潭上又湖頭總是煙波到處愁白露蒼茫天水

接道人誰道不悲秋
短棹輕帆暮靄前平湖一片迥相連直從周市過唐

市恰似斜川到朝川
壽王範先尊人五十

青榆綠柳夾高門五十年來德譽尊原上桑麻天地

力牀頭書劍祖宗恩向平已自完婚嫁陶令何妨對
酒樽更願太平人事好春風鼓腹哺雛孫

贈王紫霞表兄

王生好武更能文束髮相看便不羣勇略向推班定
遠丹青近識李將軍牀頭劍製關門雪筆底山川粵
國雲底事封侯何足羨相期斗酒醉斜曛

詩集卷三

三

桴亭先生詩集卷三終

後學王康壽敬校

桴亭先生詩集卷四

太倉陸世儀道威著

庚寅至癸巳

春日同石隱藥園雪堂過鴻逸春星草堂尋舊

約也適確菴自虞山來劇談浹夕石隱倡韻

為詩予與諸友各賦一律以紀良晤

幽人小築傍清溪翠竹紅桃菴戶低興到偶來仍舊

約詩成卽事不分題經綸治地同傾耳時確菴談蔚村築耳事宜

字畫開天一識臍時石隱搨所著說文論正其觀因言齊字即古臍字聚散人

生渾未易孤舟明發又東西

詩集卷四

葦菴開士攜徐虞求吏部二偈索和

直下披襟對箭鋒了然生死是真宗煌煌數語原非

偈大寐叢中一杵鐘

人人頭上有青天何處還尋五味禪一片丹心歸白

社千年碧血長青蓮

毛子五行樂圖

長身落落氣如虹杖履飄然致不同莫道此君無片

語離騷一部在胸中

答禾中陳用夏

戰伐中原未卽休書生憔悴老江頭全身自分同蒙

更求友何心接太邱豈有元言耽寂寞漫勞白雪慰
離愁秋風有便還相寄莫負征鴻羽翼修

采芝歌

予家桴亭之畔小池之濱忽生靈芝一株隱

伏眾草時方課童埽除竹徑正兒見之采置

盆中純兒識其為芝以告予予歸視之則誠

芝也聞之土氣和則生芝腐儒自放履運多

艱和云乎哉昔孔子見幽谷叢蘭以蘭為王

者香而蕪沒眾草喟然作操芝之為物非蘭

儔也亦將與商山諸君子結世外之知耳漫

詩集卷四

為作歌聊以見志

維彼神芝兮熒熒其光漢舊儀稱芝草夜生有光先

輒見光怪載滋載榮分於池之陽謂蘭何為兮不匿

其芳庶草雖繁兮並生奚傷緬懷商山兮維古之狂

采之療飢兮以徇以伴馴馬高蓋兮非予所望貧賤

肆志兮夫何敢當

題清勝堂步確菴韻

薰風簾幙動高堂花滿晴簷書滿牀覓句偶從閒處

得齋心時向靜中忘清忠自樂傳家勝日月誰沾化

國長咫尺塵囂終不染眾蕪叢裏一孤芳

贈韋菴上人上人爲禾中屠氏望族國變隱於

僧

孤雲無定所瓢笠恣幽尋
僉曰家聲舊疇知國恨深
禪心通大道上人獨好與騷思入清吟上人能詩珍重無窮意
西方俟好音

今歲庚寅值予四十吳敬修以詩見贈依韻奉

答

四十無聞謝管城感君猶念舊同盟
詩壇昔擬分前席此道今當讓後生
闕里有心還自愧趙州無眼爲誰明
前途正遠休疑訝大器從來屬晚成

詩集卷四

三

和顧麟士瓶中落梅詩

折向晴窗借日烘輕寒一夜膽瓶空
似將勁質標南國不是冰心畏北風
憔悴已將春意滅飄零猶有暗香通
籬邊桃李無窮媚消得枝頭半晌紅
紙窗木榻坐吟思正是殘花將墜時
片片乍沾和靖酒紛紛欲上壽陽眉
無根一任春風惱有恨頻教夜月窺
飄泊輕盈誰得似五湖煙水泛西施
冰肌原自沾塵况復華軒貯此身
已分不通千里夢爲誰減卻一番春
清樽欲盡頻驚眼羌笛無端暗損神
棄擲甘心委百草傲然孤骨是天眞

天心已謝未能回零亂隨風點翠苔
幸得私藏雲母

幌那堪吹落單于臺相將詩思翻書帙
挈帶春愁上酒杯聞道嶺南消息好
可能重寄一枝來

過毛子晉湖莊流連浹日復贈子和古人詩一

册中有過李氏園和杜少陵游何將軍山

五首卽用其韻以詠湖莊諸勝

載德堂

爲入南湖社來尋北斗橋藏書高出棟連屋
迴干霄泌水方成隱淮山未可招前人名德遠
奕世詎云遙

汲古閣

詩集卷四

四

深閣圖書滿登臨氣倍清此中能養豹何用更聞鶯
汲古傳修綆遺經見太羹十年酬宿願不負剡溪行

寶晉齋

衆言歸七略博智出三支草葉書成帶鵝羣墨作池
精英天地祕光氣鬼神知何幸高齋裏斯文得共披

此靜坐

蕭然清絕處隨意一軒開曲徑容芳杜疎欄約小梅
無人成獨坐有客亦孤來未許尋幽屐屐經過損綠苔

寶月堂

高堂臨做地一片藕花香月色窗窗滿池光夜夜涼

貞明眾所覩大寶我何藏恨乏驚人句揮杯問老蒼

温如先生七十諸同人咸往觴祝歡聲浹日先

生賦七言一章依韻奉和

載酒攜樽趁菊時隱湖佳氣正離奇西方詎曰無文
考東海猶能養伯夷杜子詩篇新賃屋陶家風物舊
編籬百年強健應非諛痛飲還堪作我師先生善飲
連宵達曙

確菴以聖像見貽并贈以詩蓋北雍碑也北雍

昔日為人才首善之地今胡為來哉對此不

勝慨然依韻和答

詩集卷四

五

仰止宮牆久披圖忽又新昔年雍北地今日海東濱

道在師天下時窮淑野人念君遙寄贈感我舊遺民

讀顧麟士先生織簾居詩稿賦贈

自昔推風雅於今見典型取材非藉選下語欲成經

高躅依山桂微心寄隔峇西河殊未遠壇坫顧門涇

贈殷介平馬人伯兩社長子晉西賓也

已識青門隱還逢絳帳賢人師稱二郭腹笥見雙邊

游刃成新製安心證上禪介平好禪圖書清闕滿木榻坐

應穿

湖東釣隱詩

短笠輕裘理釣絲斜風細雨下鉤遲酒徒一半封侯
去憔悴煙波君自知

吳門楊曰補同袁重其過訪集端士齋看菊卽

事

華軒燒燭夜窗紅百里朋來此座中觴急詩成燈影
裏月明人醉菊花叢園林好景誰家在樽酒清狂幾
處同相對莫教辭痛飲秋英零落正隨風

又步曰補韻

仰止高名已數秋扁舟忽作剡溪遊西田近結三閩

隱北海先為十日留坐久詩懷綠酒壯夜寒花氣入

詩集卷四

六

樽浮吟成四座歡無極遮莫中天素月流

壽王立臣母夫人五十

江城九月動秋風黃菊花開處處同錦幌乍懸珠作

珮瑤池初宴玉為宮閨中伏臘貂仍黑庭下斑衣綵

白紅有子天衢翔步久仁看卽日賦維熊

睡鸚鵡

繡幃香酣欲午天金籠氣暖倦翎偏祇應誦得唐人

句風雨春深學小眠

佛桑番鳥圖

佛桑花開紅窈窕香蘭吹氣芙蓉小曉雨盤煙態不

禁新妝豔質宜清曉有鳥有鳥來嶺表獨立漫矜顏
色好春風得意傲鸞鳳慚愧當年秦吉了

桂之樹行

桂之樹桂之樹桂生天上乃在山之幽澗之阿日月
出復沒照臨不及株下土青鸞白鶴朝夕遊戲樹下
桂樹無言淡然相與為太古桂之樹桂之樹何當吐
奇姿揚芬葩壽考固金石天地與爾同光華

聽落葉

八月天高氣乍分遙空風急淨無雲寂寥孤館黃昏
後一葉秋聲不可聞

詩集卷四

七

輓王述之

孤村落口海雲黃痛念人琴黯自傷記得去年深巷
裏小窗談易坐匡牀

邊生腹笥迥無倚輕薄紛紛未休為問操觚諸雅
彥幾人書卷肯埋頭

無端朱紫總由天何獨於君吝一種寄語九原休悵
恨倚冠今日最堪憐

酒杯詩卷日陶情正是多君善養生奄忽恍隨雲氣

散海天何處學騎鯨

願雅僑移居教子索贈

草堂方卜隱願子先築學稼草堂隱於鄉梓里復依仁今復歸沙溪市以擇
故稼穡從吾好詩書淑後人德因鄰自善器以琢爾
珍年少無虛擲天心望正頻

菊影

九月寒花已怯霜主人珍重貯高堂忽隨明月來書
案更逐孤燈上粉牆濃淡恍疑新潑墨參差翻訝欲
生香山來晚節如君少相對秋宵興倍長
警爾相逢欲暮時西窗翦燭夜何其揮杯對汝成三
友映月憐伊更一枝屈子將餐遲作賦陶公欲采漚
停危滿城風雨重陽近屋底高眠知未知

詩集卷四

八

于與記原別三年矣歲暮拏舟至婁擬過予為

次日談忽風雪大作竟日遲遲不至因誦鳴

皋積雪之詩口占一絕

三年別緒夢魂勞積雨寒塘過小舸風雪無端愁尺
思君欲為賦鳴皋

晴遊記原過談

雪晴風定朔雲遮踏凍休嫌道路賒料得貧寒無別
味陶家清供只烹茶

春夜讀次桓識大編以下辛卯

斗室春寒薄垂帷讀異書竹聲山雨急燈暈夜窗虛

志託千秋外功成萬卷餘
虞卿窮易老渺渺欲愁予

同記原仙與儀臣登支硎

二月支硎路山桃已笑迎
鐘鳴僧寺寂花雨梵天晴
瘦石撐高勢幽泉落細聲
風煙薄暮起渺渺闔閭城

寄確菴時方歸蔚村予不得過晤也

海門風雨暗江關九十春光一瞬還
念子高翔雙鳳里
憐子獨臥九龍灣
時窮彌識浮生薄
世亂方知道義艱
同學少年今漸老
感懷不覺淚潸潸

再過吳門贈費仲雪

三月春光此重尋
吳闌楊柳正森森
五陵公子方連

詩集卷四

九

轡窮巷佳人自捧心
湖海乾坤春夢杳
山川風雨客愁深
蒼黃日色城頭暮
把袂聊爲澤畔吟

壽王仲光六十 分體本光作先

昔從梓里識高風
君是忘機海上翁
若使瑤池逢曼倩
未知誰是滑稽雄

種竹澆花數十年
無人知是地行仙
醉餘往往方瞳見
闔苑風前學放顛

同仙與 分體本 人眉記原過西津晤姚文初夜

談賦贈

春風一棹扣巖扃
握手西津眼乍青
車馬無心求舊

句江山有恨寄新亭
高齋月出宵如畫
永夜談深醉亦醒
嶺海烽煙猶在眼
不堪鬢髮欲星星

夜雨宿吳門卽事有感兼呈李灌溪先生

胥江夜雨漲痕高
震澤長風起壯濤
海上有人占蜃氣
橋邊無客問龍韜
十年廡下憑誰識
百尺樓頭未是豪
時與灌翁同宿準提菴小樓
獨往獨來成底事
棹歌聲裏讀離騷

次韻酬長水屠闈伯

方共斯人處山林
詎敢深有懷
方獨往無意忽知音
風節欽高義文章契夙心
秋期殊不遠
注望漢陂岑

詩集卷四

十

時聞伯約
秋期過甚

次韻酬徐楮崖

擇術嗟違俗
資生暫養蒙
人情方載鬼
衆口欲烹翁
吾道原非異
君心那竟同
世氛如可卻
好與論時中

西田八章章八句集葩經壽王煙容 有序

西田招隱也
大夫有耄而遜于荒者
君子爲之覽古以誌焉

西田何有榛楛濟濟作之屏
之爰居爰處率時農夫
侯亞侯旅旣安且宣黃髮兒齒
西田何有芃芃黍苗
或耘或耔以永今朝
我田旣臧我歌且謠
采薇采

薇于焉逍遙 西田何有河水洋洋檜楫松舟河上

乎翱翔豈無他人毋遊我梁人涉印否我姑酌彼兕

觥 西田何有綠竹猗猗在彼中阿雨雪霏霏無冬

無夏荷儻其枝允兮君子壽考維祺 西田何有有

蒲與荷在水一方洵美且都月出皎兮且往觀乎悠

哉悠哉其嘯也歌 西田何有園有桃灼灼其華曾

不崇朝歸哉歸哉適彼樂郊有酒湑我嘉賓式燕以

敖 西田何有有苑者柳睨睨黃鳥好言自口爲此

春酒酌以大斗攜手同行印須我友 西田何有魚

在于沼泳之游之洵美且好誰能烹魚薄采其藻酒

詩集卷四

十二

醴維醕永錫難老

歸村

聞道歸村好歸村勝分體本作竟若何大都塵事少只是

水出多漢臘存農社離騷入棹歌吾生方卜隱策杖

擬相過

白丹

吳中有草花名曰沃丹其色正朱此貴品也

近復有白丹形似沃丹色白而香更爲殊絕

結體全依素傳名尙借丹種猶疑百合香欲勝蕪蘭

弱蒂分違並芳心溼未乾醉醒吾與汝秉燭夜深看

過曇陽觀

背城叢竹裏小徑一溪斜久雨露石骨新晴開草花

磬沈僧入定竹密鳥成家殿角涼陰好無勞畏日車

和侯掌亭舊莊雜感八首

五載家門事業殫驚飛無處息征翰亂餘水國仍兵

氣定後荒村漸改觀久客身輕歸亦易屢空瓶罄住

猶難先人賸有情風在老屋江灣且自安

避賦頻遣未是閒買山無地暫時還支門久拙平生

計掃室先懸二老顏箕尾精靈圖畫裏陶唐日月夢

魂閒門庭楊柳今搖落愁對枝條不忍攀

詩集卷四

十三

浩游乾坤付劫灰一枝猶復重徘徊神龍蛻骨方能

化榜散全身貴不材江上歸舟帆影亂城頭落日鼓

聲催卜居正欲謀詹尹五柳門前莫漫栽

黃帽青鞵挂短筇萬方多難我何從秋風叢菊荒三

徑春草空堂剩四松嶺海衣冠猶在眼圍陵霜露漫

沾胸伯通去矣無來者莫道梁鴻不賃春

野老相過好坐商家園芋栗未全荒遺金無復存先

世賜額猶傳出上方賦就歸來今粟里不求聞達古

南陽行吟儘可消愁日憔悴江潭莫過傷

客裏風霜閱歷深蕭蕭兩鬢成華侯斯王壘下千秋

恨江灣有斬王點兵臺奉使槎邊八月心其地又蜀道屢歌相
和曲草堂重作喜歸吟南飛鳥鵲知多少明月疎星
淚滿襟

誰云世界法身中身逐驚颯似轉蓬刊落家聲依佛
日破除國恨唱宗風浮漚未滅塵偏擾劫火方消色
已空伯道無兒緣底事幾回搔首問天公原唱懷智
念時智念

又或於靈隱
故依韻帶之
經權存歿總飛煙原唱有存歿經
權各自賢之句忠孝家聲爾獨賢

萬國蒙羞垂八載九原藏血自千年心期不動常依
寂學到知雄但守立寧亭究心
禪立之學今古茫茫盡如此凭

高瞻眺一悽然

詩集卷四

三

禾水屠閻伯俞右吉張白方陸冰修潘美舍拏

舟過婁相訪坐小亭談道竟日已復篝燈商

權古今長枕大被縱論達曙因賦五言古四

十韻記其事

秋風生微涼吹我庭際松有客來遠方繫艇垂楊中
巾服何道遙琴書亦從容入門登吾堂再拜言辭恭
自云避世士祿仕非所榮結契在物表匪效徵逐工
駕湖接婁江煙波渺重重中經巨區險咫尺天溟濛
風濤忽相觸檣帆駭飛蓬危坐學正叔利涉竟有功

豈徒鬼神佑亦以精誠通屠子述舟過太湖尾值大
風幾覆者數四因事烈瀟
友此行頗悔否諸友言為道相訪賤子鄙樸者澹泊
死且無悔從容談笑都無懼色

無所營終日乘吾桴逍然任西東宜無風波憂機息
境乃融諸子相顧笑彼此將母同開樽整杯盤雞黍
聊作供傾倒談詩書縱橫吐心胸白方聖賢徒上繼

洛閩宗閻伯志忠孝卓犖稱儒宗誰為八面才右吉
文章雄冰修如椽筆擬匹王與鍾經濟推美舍艱難

歷兵戎昂昂雞羣鶴矯矯雲中龍邂逅集斯亭戶廩
真氣充上窮黃虞際下逮周秦終漢唐及宋元絡繹

資談鋒或探元奧竊或入精微宮或獨豎妙義堅峻
如城墉或羣起攻辨盡銳相擊衝高情忘主客快論

欣兒童須臾日西夕論說意轉濃翦燭掩西窗促膝
更披衷豈無綺羅筵庖廚潔且豐豈無當時彥攬袂

願相從志尚各有適蕭蘭自成叢皎皎風露白煜煜
燈花紅四座默不言冰心耿無窮呼童整茵席擁被

聽晨鐘一笑天已曙高歌懷冥鴻

答嘉禾屠昭仲見贈

遭時偶爾避牆東名姓天涯總未通抱甕自甘同漢
叟移山不覺類愚公終南雪霽千峰出冀北風高萬
馬空聞道君才正龍躍何年霖雨慰寰中

詩集卷四

四

浩莽乾坤欲秋狂瀾誰與障中流十年閉戶雙蓬
髮五月行歌一傲裘東海波濤天外渺南湖煙雨望
中浮知君千里能同調翹首山陰興轉悠

答大滌山人見贈之作

斯道緣知未可行乘桴聊爾縱遐征素書濁酒渾無
賴綠樹青山賸有情靜裏天心常自得悟來蝸角又
何爭茫茫萬頃吾安適欲向高山借一楹

遙哭希聲錢公

公斐舊令也申酉之難開闢嶺海卒死王事
葬海中之琅琪山其弟肇一兼三負遺書至

詩集卷四

五

婁因賦二律以誌慕思

中原傾覆事如何窮海孤臣強負戈利鈍由天非所
計鞠躬自我更無他流離尚欲書章句疾革猶聞喚
渡河正氣如公那可滅濤聲隱隱似悲歌

營頭夜隕海濤奔眞宰茫茫未可論絕島君臣留正
朔瘴天風雨葬忠魂誰將心事傳龍比賴有遺書屬
弟昆千古崖山成恨事臨風遙慟一傾樽

薄暮觀梅

小閣春陰裏梅花欲暮天寒香停宿雨曙色上輕煙
寂寞誰能賞芬芳我獨憐明朝風日好爲爾賦新篇

花色正無賴忽然忽然分體本作忽來風滿天禁寒未吐萼和
雨欲成煙骨瘦宜堪妬心香未肯憐孤山有眞契干
古著吟篇

天寒有鶴守梅花毛子晉社約

一天冰雪凍雲垂老樹花開有鶴知疏影乍橫矜獨
立飛英忽下喜頻窺似將素質憐芳質欲以仙姿伴
野姿幾度夜深清唳發卻疑羌笛月中吹

梅有芳兮鶴有音歲寒相守更相欽雲霄久謝風塵
志冰雪初看天地心羽客自尋高士伴飛仙如挾美
人臨林通舊事君知否回首孤山月色深

詩集卷四

六

次桓移居胥山之麓濱江結廬自名胥江草堂

索贈

越國春深橋李城胥山山下一江橫南州高士新開
徑吳市英雄舊駐兵帆影落窗晴欲暝濤聲入簾夜
還驚浣溪莫漫誇名勝此地滄浪眼倍明

夢中作

夢至幕府一大將軍命作春獵詞援筆立就
覺猶憶之喜其有太平之象亟爲錄出

雪盡天山雕羽輕將軍春獵鳳凰城十千組練分營
出夜半猶看野燒明

贈孫銘常畫蘭詩

問道幽人筆居然王者香數花輕點染一葉幾回翔
欲共商山隱盍同金谷芳不須滋九畹尺素是瀟湘

贈袁孝子重其四十詩次姚文初韻

舉世紛紛說偽真誰能養母更持身家庭燕衍幾三
樂筆墨經營盡五倫四十慕親同孺子一生求友得
高人如君正可風儔類來往舟車莫厭頻

送閩中林衡者遊中原長歌

石齋先生天下師君能弱冠長揖之著書如鳳腕欲
脫吐論鑿鑿稱雄奇石齋為君亦拱手略盡形骸呼

詩集卷四

七

小友贈君藥言送君詩直欲與君分半畝石齋贈詩有應分半畝與君居之句天公天公何不仁忠臣餓死英雄貧嶺雲如

山戰骨白至今閩海飛征塵男兒致身苦不早雙鬢
蹉跎渾欲老安能局促轅下駒鳳凰翱翔在蒼昊束
書躡屩作壯遊志氣直欲凌九州扁舟千里入吳會
上書論古驚同儔腐儒如子那足道感君意氣為傾
倒揮毫贈我琅玕辭愧乏瓊瑤無以報君今策蹇問
中原山川漫漫道路昏胡琴欲碎向何處夜半起舞
心煩寃金陵城中王氣盡蔣山斷樹生芝蘭日落江
潮慘不波維揚明月歌春蚓君不見昔日江東祖士

雅擊楫中流淚盈把又不見遼東阜帽翁語維經典
甘孤窮丈夫處世只兩途吾子坎壈將安終中原人
才頗不惡風塵往往傾然諾昂藏七尺未長貧暗中
定可相摸索歸來好復過梓亭西窗翦燭開短屏交
知四海見吾子相對使人雙眼青

秦雨歌

君不見去年五月天河翻波濤平地生千村燦燿揚
帆走阡陌蛟龍窟穴龜鼉奔又不見今年五月麥初
熟秧葉如針土焦禿江湖轉眼成溝渠野老停耕仰
天哭去年水荒尚可支魚蝦作脯荇作糜賣男拆屋

詩集卷四

六

當官稅且留骨在還生皮今年性命存呼吸露宿田
頭望田泣白眼呼天天不靈草根無汁飢喉澀縣官
符檄疾如火里胥持符入門坐田廬蕩析兒女空拚
擲殘軀橫道左昔時豈無水旱年賴有借貸堪周旋
子母什倍非所計醫劍剗肉圖眼前近日民生殊逼
仄弱肉盡為強所食千金之子斃囹圄誰能升斗相
憐惜怨氣鬱積千蒼穹皇天如焚雨澤窮狐狸吹煙
鬼嘯火虐焰遠播三吳空三吳之民爾何苦脂膏強
半供豺虎此輩凶威怒上天上天降割仍編戶幸有
遼東御史來天門久閉為公開晴空無雲雨忽注萬

井騰溢歎如雷吁嗟吳民爾勿以此爲祥瑞爾生已
分成捐棄此時何處得甘霖點點秦公眼中淚行看
繡斧漸迴柯商羊無權早勉多豐年有歌爾自許石
壕夜呼將奈何吳民吳民奈若何

喜宋子猶從海上歸賦贈

十年蹈海一身輕故國重回代已更夢裏鯨波如昨
日尊前鮮菜只平生乾坤何處容孤往邱壑吾儕且
耦耕避世工夫正無限可能相助一經營

毛子晉枉過桴亭見贈賦答卽步原韻

檢點春光又二年平池荷葉正田田花間客到侵衣
溼雨後泉來試茗鮮海內交知憑道眼樽前風月在
詩肩小亭倘得傳修綆汲古誰云各一天

詩集卷四

九

屠昭仲見訪不遇有詩投贈依韻賦答

幾度懷人詠斷金相思南國有知音一門詞賦機雲
社千里風流倚呂心月滿故山逢舊侶夢回孤棹得
佳吟天涯處處歌行路蜀道崎嶇底用尋

萬卷樓同扶九甫草夜飲

萬卷樓開暮靄天披襟此夕對高賢一時人物雲中
鶴千里交情雪後船震澤長風吹劍氣廬山秋色在
吟篇卻憐寂寞江亭下剩有吟人獨草玄

既庭右之囑三三宋兄枉顧賦贈

蓬蒿三徑久蒙茸慚愧高軒遠過從劍佩清光搖薜
荔文章佳氣照芙蓉鵬鸞共羨河東鳳蝶伏誰爲柱
下龍閉戶虞卿窮已久相逢遮莫笑疏慵

贈費省公步金孝章韻

詞場文苑舊登壇辛苦冰霜老歲寒彌望驚塵連北
極傷心清淚滴南冠鳳凰亦自稱凡鳥蘇合何嘗笑
糞丸短棹輕舟溪水上高歌一曲起微瀾

巖上雲爲起莘老人雙壽作起莘懶雲主人也

巖上雲何鬱郁朝朝暮暮巖頭宿巖頭松柏高菁蔥
雙柯亭亭擎向空深山無人白日苦終日隨雲待雷
雨一朝雲起騰青冥巖頭松柏皆龍形

詩集卷四

三

新蒲綠 以下癸巳

新蒲綠新蒲綠韶華滿眼紛成觸傷心又是十年餘
轉盼滄桑幾翻覆燕子飛飛高下逐銜泥依舊巢華
屋杜鵑何處不歸來月上三更啼未足

新蒲綠新蒲綠嫩柳天桃鬪妍穠獨有淒淒芳草痕
天涯望斷王孫目秦宮漢苑遊麋鹿楚水吳山裁首
藉日落蒼梧帝子愁紛紅淚滿瀟湘竹

贈莊銘父俠士銘父有子列國難今隱於醫

在昔勇俠士首羨荆與聶飛劍摘侯王千人自撒振
 意氣豈不雄椎劫非盛節朱家郭解徒見鄙於聖哲
 銘父古俠流志亦取義烈用之一以正遂乃稱殊絕
 有子報國恩肥遜情匪恕君看赤松侶口口曾膽裂

題龔立吾卷

龔氏世節後其人多挺直負氣不肯下玉碎非所惜
 布衣何足羞所重在道術遙遙十載餘高風猶可識
 大韻答歸玄恭

側身天地此何時忽漫相逢得子期我輩有心常自
 合世人無膽輒稱奇義熙日月柴桑老景定詩篇鐵
 匣知聞道昆明池正好眼中猶見漢旌旗

詩集卷四

三

登虞山門城樓

百尺危樓壓岫開振衣獨上氣雄哉湖從樹杪層層
 見山向城頭宛宛來揚子風煙連海嶠錢塘雲物接
 蓬萊東南日出知何處不見神仙首重回

貞松四章章十句壽陳瀛寰母夫人

亭亭貞松冬春並榮母有令德協於初終純孝不匱
 錫類靡窮允矣文莊刑于化隆琴瑟遺音穆如清風
 冉冉修竹雪霜彌綠母有亮節險夷胥淑承明胡榮
 尤野匪辱從爾君子大義攸勳多難既平復我邦族

竹之苞矣其比如楡母有子矣令聞翼翼紹厥弓裘
 蘭臺石室眷念庭闈思斯迪斯曰母而父曰父而師
 松之喬矣以歲以年母之壽矣馨聞於天自今以始
 靡有後艱彤史聿著千祀無極為女之宗為邦之式

直水四章贈費省公

直之水其流湯湯先生居之以徇以徕匪徇匪徕君
 子之光
 直之水其流湜湜先生居之以宴以息匪宴匪息晦
 處之德

詩集卷四

三

皇之音

直之水其流瀏瀏先生居之以教以友匪教匪友德
 化孔阜

同葛瑞五遊吾谷

湖山久絕剡溪舟忽漫相逢續舊遊樹裏波光高出
 屋松間日色冷於秋輭輿素舸芳春樂石馬穹碑故
 國愁惟有丹楓如血淚年年和雨滴荒邱

哀侯武功武功雍瞻先生孫也

吁嗟豫章今生於深山崩谷隨今傷其本根庶幾
 再榮兮枝葉以繁奈何摧絕兮不如若蘭吁嗟豫章

今不如若蘭

五君詠送吳梅村太史北赴徵車

漢桓榮

桓公富經術遭逢作儲輔投戈息馬時講論佐公府
金玉陳庭階車馬充牖戶諸生毋驚訝得力在稽古

唐王維

右丞本靜者偶為時所噪詩文走諸王畫理入神妙
竹洲花鴨閒彈琴復詠嘯榮名非我期富貴豈所好

宋宋祁

子京天下士風流自標舉對策魁大廷聲名動人主

詩集卷四

三

湖山消半臂秘院修前史燭光簾影中飄渺神仙侶

元劉因

靜修清介儒處世特從容當其拜命時亦與魯齋同
驅車京洛道脫屣明光宮豈必箕穎側乃徵高尚風

明楊維禎

鐵崖曠代才眾情所共類雖當鼎革際光采獨照耀
使臣日邊來徵車勉赴召前王在史策藉手以上報

四十三生日偶讀象山年譜是歲象山於白鹿

洞講義利章不勝慨然感而有賦

五畝荒園歎索居秋風叢桂一編書生非嶽降逢辰

薄運值天移與世疎袁宏與范曾研北身心借木石
書天譽將移膾東名姓老樵漁最憐白髮人同感慚愧鼻比此日
餘

題虞山陳鴻文釣隱圖小像

東海高人冰雪姿一竿瀟灑此何時子牙未老嚴陵
健獨對寒江有所思

白華篇贈高彙旃學憲

昔人美孝子爰有白華篇白華何取爾潔白以自宣
高公大賢後忠孝夙所堅辭榮奉庭闈解組娛林泉
養親極滋味不慕濁世羶捧檄豈無心周粟未敢沾

詩集卷四

三

粲粲白華英表德侔古賢

送懶雲師歸雲南師木鹿城今寓浙中

鹿城兵氣黯然消鷺嶺宗風暫挂瓢老衲生涯靈洞
雪孤臣心事海門潮致身誼畢應無恨罔極恩深豈
能遙漠漠滇雲何處是亂山叢水一輕橈

秋深風雨夜猿驚零落孤臣萬感生天目雲高連玉
案錢塘月出照昆明干戈滿眼家何處忠孝繇心願
竟成況是同行有仁者時師將與文介
石先生同歸雙筇安穩問
歸程

輓顧麟士太學

楊顓文章天下知尊經重注是吾師子常已老先生
死法派相承更屬誰

大全注疏前王令輕薄為文未肯窺反約工夫由博
學半生辛苦一書垂

風雅淪亡六義墮鄭箋毛傳總紛歧伯滔指點憑心
悟絕勝匡衡但解頤

廿年名重黨人碑白首諸生歎數奇未死陳東能報
國布衣投老北山隈

早發吳閶

一夜冰霜迴不眠榜人敲火雨如煙石尤風緊河流

詩集卷四

三

急卻似三巴上瀨船

大風舟觸石損停舟鹿城

風急船橫百丈斜官塘崩石銳如牙布帆幸喜都無
恙贏得兒童半日譁

壽海上老人

海門日出霞氣紅照耀五色珠光融黃庭夜讀月朗
朗青鳥畫下雲濛濛已結商山採芝老更煩天祿吹
藜翁蓬萊清淺水波穩會口仙人來碧空

次桓別二載過婁阻風雪不得速晤有懷寄贈
別久不得晤忽來驚好音如何咫尺地又似隔山陰

風雪經旬念冰霜歷歲心遙知相憶處愁絕祇清吟

除夕偶憶白沙詩喜其相似戲和一絕白沙詩

云今夕人閒度小年五男四女共炊煙且看

滿席爛斑舞莫問明朝婚嫁錢

除夕今年是大年四男四女共炊煙算來似少先生

一卻有孫兒更值錢

詩集卷四

三

將亭先生詩集卷四終

後學李聯璧敬校

桴亭先生詩集卷五

太倉陸世儀道威著

甲午至丙申

春正十四日同滇南文介石禾中徐次桓暨石

隱儀臣聖傳虞九赴確菴約至西堰舟不得

過從土人借舟而入

借得輕舟似野鳧船頭盪槳笑相扶晚風鬪水小成

浪春漲吞田半作湖樹影人家迷遠近波光煙靄入

虛無年年洞口忘津處落日漁歌起荻蘆

元夕村人祈賽鄂公祠確菴請介石先生登座

詩集卷五

為村人講孝弟力田為善三約

勝日邀朋瀾水濱薄寒梅柳正含春一方溝洫歌村

叟十載江潭老逸民確菴隱蔚村已十年比年為

國祈年風俗古蔚村約法講壇新藍田盛事通王道

慚愧躬耕鄭子真

講約後與諸友夜飲確菴齋

促席相看盡隱流矮窗茅屋坐深幽夜寒月直酒杯

急曲亂燈紅笑語稠時有饑確菴以虞山紙燈者確

供應新聲疊奏一時菴張之以娛客忽鄂祠樂工來

離憂無窮身世頻搔首片刻羲皇也破愁時海上多

圖出三人供海上之役

贈錢梅仙確菴高足也讀書嗜古不樂仕進詩

以嘉之

世態方輕詭君才獨老成師門敦矩矱同學勵聲名

抗志希先軌冥心薄世榮素懷良可挹擬結鷺鷥盟

過雙鳳弔顧麟士哀其遇作詩代哭

盛年名譽冠人倫皓首研經願未伸七十窮愁齋志

死更憐無子有尊親麟士尊人八十五

答歸元恭悔過詩兼見寄即次原韻

斯文絕續理將回擔荷於君何有哉喪亂飽經皆實

詩集卷五

學浮華盡斂是真才聲名未免兒曹妒氣運應為我

輩開悟徹百源頗憶否十年冰雪靜中來

過蕪無競心遠亭步石隱韻

城隅臨曲水野況入窗多風裊竹千个春肥菜一窩

客因談道至鄰許折花過勝集茲亭好吾懷晉永和

城之北鄉自僻家灣至蔡家灣一路皆種梅入

春如雪予心樂之將卜居於此焉

河勢連岡曲人家一徑斜夾溪栽竹樹十里盡梅花

香雪春風滿冰壺夜月賒吾生堪卜隱何必問煙霞

種慈孝竹

有竹名慈孝叢生一撮繁節疏堪作杖根密可爲梅
孝竹根最密歲入如石野人涼煥分冬夏孝竹冬筍或錯以爲兒或鑿以爲樽涼煥分冬夏孝竹冬筍從外出以
衛霜雪夏筍內出以讓稀稠見祖孫凡筍一歲一孕
涼風故土人謂之慈孝孫相見野人欽令德相借伴柴門

春雨閒居

溼雨細如塵林塘百草新輕寒頻試酒薄醉自宜人
柳色閒看好梅香靜嗅真田園滋味別似接古風流

半徑道中

半徑春水漲小港一帆通雨色滄江外人家暮靄中
蟪蛄鳴麥隴鳧鳴亂葭叢農務村村急無心理釣筒

詩集卷五

三

壽陸麗京母夫人袁氏袁一作袁

廿年名教久塵昏耆舊凋殘未可論賴有天心矜喪

亂尙留母德訓乾坤文章子姓當時冠忠孝門闕異

代尊夫人子麗京梯霞左城皆名士駢庭進士乙酉朔節我欲登堂修古禮西

冷秋色幸相存

清明

二月輕寒又禁煙郊原祭掃正紛然桃花欲放鶯初
語楊柳新垂燕可憐杜甫春衣頻自典漢宮蠟燭有
誰傳十年樵牧冬青老寥落東風怨紙錢

確菴見過同聖傳庚九夜宿小亭卽事

小飲不覺暮落霞天已冥清談有餘閒薄醉無全醒

寔俗匪高潔息機自孤迥相對擁布衾忘情付甌茗

過寶帶橋

澹臺湖水碧如油寶帶橋平正練浮好種碧桃三萬
樹年年花裏作春遊

再過禾中訪屠閣伯俞右吉不遇作

三月春陰久不開孤舟驛路雨頻催高高江岸迎潮
湖一作轉裊裊征帆貼水迴問字喜過楊子宅懷人空

上伯牙臺別來筋骨應無恙遮莫秋風兩鬢衰

訪徐次桓不值

詩集卷五

四

故人一別三月餘偶爾相過又索居悵望胥江煙水

闊落帆亭下獨躊躇

春暮同元恭跨驢至膠膠中侯記原金沼一作

文諸同人酌酒相樂座中邂逅值湘中汪魏

美率爾有作

春暮天色佳濃綠起新媚輕風吹遊人我亦動遊思

聯翩策雙蹇忽過膠水次良朋久契闊相訝怪我至

招邀羅酒漿八簋俄陳饋清言窮日夕雅飲不知醉

座中有遠客乃是夙所契去我五百里邂逅得把臂

譬如風中雲偶爾正相值真樂良在茲聚散何足計

寒溪書屋歌為盛子聖傳賦

寒溪先生趣超俗閉門自住深巷曲繞溪種竹千百
个終日無人弄寒玉舍北舊有古祠廟東風三月春
窈窕遊人聯臂踏青來君亦時時恣舒嘯今年僧去
祠廟空廟前石砌野花紅長溪淼淼靜如練琉璃一
片光無窮先生為愛此溪好自笑向來溪水小更移
書屋祠廟旁坐挹清溪日傾倒編籬伐棘遠翳塵乞
竹筴花間四鄰筆牀書架參差置藥日茶鐺次第陳
况有從遊多雅士負書挾册輕千里北海還家吾道
東西河受業如歸市朝吟不厭溪上雪暮吟不厭溪

詩集卷五 五

上月朝朝暮暮讀書聲人影溪光兩清絕同心老友
三五人暇日相過愜隱淪卽事詩成常滿壁應時酒
熟每留賓人生所貴在適意富貴浮雲何足計長安
卿相天上人反覆須臾盡委棄虞淵日落天昏昏蠅
螭羣飛各自尊草頭露溼生羽翼笑傲北溟無鵬鯤
丞相車前堪炙手五侯門第濃如酒競附城南尺五
天爭誇廊下千金帚花落花開互古今繁華俄頃易
消沈不如溪上垂綸叟靜對寒流自洗心

次韻輓稼軒歸葬

稼軒名式耜字起田常熟人文懿公景道之

孫為桂林留守死難贈臨桂伯其孫扶柩歸葬

半壁崎嶇獨護持神州戮力更同誰死生在我終須
盡成敗由天詎可知高密汾陽嗟異代崖山燕市痛
今時煌煌遺表垂千古伯仲之間見出師稼軒被拘時有遺表
砥柱乾坤賴老謀那堪宰相盡風流橫江已斷千尋
鎖籌國誰開萬里樓南粵兵戈行殿恨東臯花木故
園愁稼軒思故鄉於桂林作別墅名小東臯渡河只有宗留守慟哭相
從地下遊

詩集卷五 六

興亡自古恨難平獨委孤臣坐廢城二祖山河猶破
碎兩朝門戶尚紛爭偷安列爵多勳鎮粵中勳鎮甚多兵至皆委
城而共難無人剩友生司馬張別山稼軒門人泗水人桂林與稼軒共不屈死
殉節捐軀吾立命豈將一死浪求名稼軒臨難詩有死豈求名地吾
當立命觀之句
累葉君恩世澤長男兒終不負堂堂四年絕域延宗
祚丁亥定策至庚寅凡四年萬死危疆奉御牀浩氣成吟詩不朽
臨難詩名浩氣吟天風吹櫬骨猶香精忠率土人人敬化碧
莫宏底用藏

和程杓石悼亡詩

古來賢媛比良臣辛苦相從有幾人黔蜀山南吳市

北傷心多少淚沾巾

杓石少君史氏為建文時從亡臣史仲彬學士之後

鹿車荆布古風姿借隱衡門賦樂飢一自齊眉人去

後憑誰畫紙共敲棋

錢礎日兩尊人雙壽次米堆山韻

百道清泉落幔坡太湖風輾綠生波星從南極祥光迴春到衡門樂事多貝葉經文頻展玩青靈竹杖自

摩抄大烹鼎養非吾好采得商芝漫作歌

白頭相對老田廬借隱風高樂有餘舉案殷勤雙歲

慶授經辛苦一窗虛山南日永承歡燕堂北風微慰

起居尹母從來甘善養問安無事佩金魚

詩集卷五

七

答贈海上一作上海張公調

海中有長鯨鬚鬣如青山東來噴雲雷海水直上驚天關天關虎豹駭奔逐下走人閒食人肉海濱先生避角毒束書遠向城村宿城村不入三十年舊交零落非從前朱門華屋半新主風塵按劍誰相憐君不見杜陵老叟文章伯贈蹬長安人不識英雄往往泣途窮彈鋏歸來三歎息

贈風鑑諸遠之

世人醜醜好皮相斗探海水輕相量朱門酒肉盡公卿麤腐繩樞色惆悵君不見何晏鄧鳳晉名士富貴

風流人莫比鬼幽鬼躁非遐福公明片語窺神髓又

不見孔子周公百世師面如蒙供形漸苗開闢宇宙

定六籍千秋俎豆神明之古人論相重心術俗眼豈

得分妍媸武陵諸君古道侶術藝直欲陵唐許雙眸

炯炯射著人議論如風入心腑薄遊四海觀人才王

侯倒屣爭相推有時獨吸五斗酒眼前萬物都塵埃

形不勝心心在術術正心從形相出苟卿非相乃善

相此事豈許凡人識吾聞古有單襄公往往威儀占

吉凶至誠前知理不爽推測影響誰能窮吁嗟人才

天所命人才所在關風運安得置君銓衡開鑑貌論

詩集卷五

八

心識邪正

晚入惠山寺用壁閒韻

江皋初落木小艇泛幽清暝色全依樹秋容半入城

泉根穿石細雲縷出山平對此愜真賞都忘世上名

惠泉

潭石何清幽勺水不及鬴萬古無盈涸千秋供給取

頗疑蛟龍宅似有神靈聚咫尺具深源時哉德施普

鍊石閣蘇氏故閣

蒼涼高閣對林巒簾箔秋風落照殘聞道昔年歌舞

處美人紅袖倚闌干土人言此閣為教歌姬之所

聽泉 鄒氏亭名

惠山山下惠泉香散入名園
衍派長咫尺源流分彼此
只堪清耳不堪嘗

句曲曉行過朱家巷

城頭畫角曉寒生
驢背秋風一笠輕
白露蒼茫前路杳
幾回搔首問昭陵

遊報恩寺登塔有感

上方禪塔古城壕
聞道經營倍費勞
百寶光搖千世界
九州雲領疑鎮字一秋毫
直開葦道金繩迴細引

清渠紺樹高靖難
恩深酬一髮鏘銖詎敢惜民膏

詩集卷五

九

報恩高塔聳千尋
登眺憑虛感慨侵
帝子蒼梧洲水閣
神仙蓬島海雲深
鍾山樹盡諸峯出
京國秋深萬戶陰
獨有皇靈依佛力
尙留名蹟到於今

題一鑑贈逆旅主人秦獻之

新秋深院靜不閑
小池方宛轉橋三曲
蕭疎柳數行
讀書山鳥集說劍
夜燈長主人有子係武閣
往往談京邸事卽次逢

賢主乘車誓不忘

登雨花臺

豈有神僧座曾來
武帝車遂令天欲雨
頓使石皆花
江入林巒峯城連
塔寺斜登臨殊未倦
落日照明霞

文德橋望鍾山

鍾山形勝古龍蟠
絳帳珠宮天半看
風雨神靈依五柝
春秋壇祀拜干官
岡巒勢集雲霞迴
禁衛威尊草木安
今日暮煙蕭瑟裏
石橋慷慨漫凭闌

江甯謠十首

王侯第宅舊威儀
開國功高道路知
今日門廬一作庭尙如昔
上頭扁額是三司

三吳割據此專居
一統經營定鼎初
門闕猶存宮殿廢
野翁擔糞自澆蔬

詩集卷五

十

子夏天權作枕頭涼
酒肆茶坊處處開
迎賓館客巧安排
不愁風雨柴薪少
自有鍾陵雜樹來

九千英俊盡時髦
虎脊龍文各自豪
帖括經書都不用
滿街齊唱鬱輪袍

一霎雲雷風雨過
三場巨浸竟成河
龍門未必皆燒尾
贏得雙雙浸碧波

短袴胡纓結束眞
踏歌連臂更吹唇
三山街口非林麓
白晝探丸劫貴人

軋軋牛車出市門
市中相顧但驚奔
大中橋上人如

蟻今日西風欲斷魂

負戴輕趨疾若風白銅環子響丁東閑來夫婿同騎

馬焯火燒煙細引筒

名都地脈重於珍三百年來禁令申已怪人煙方湊

集更添馬矢作氤氳

大江

南北衝閑巨壑翻唐虞四瀆此為尊地叢泉水來巫

峽山火洪流入海門三國紛爭餘泡影六朝興廢一

波痕古來涉險存明訓極目滔滔感慨繁

壽祁忠毅夫人節孝

詩集卷五

十一

乾坤須砥柱天道本人倫鐵石危時著冰霜定後尊

精忠傳奕世先矩在賢昆千里難觴祝臨風頌德門

秘至臣五十

五十如公百事宜嘉辰恰是稱懷時春風綺席開金

谷夜雨芳庭長玉芝倚檻泉流生屋底捲簾山色在

簪帽長安卿相多如簇寵辱無驚定有誰

和歸元恭生日詩

生日雖殊感慨同漸看兩箇白頭翁向平久負遨遊

志康節還虧習靜功愧我乘桴浮海上問君奮錫向

山中等閒倔強休相訝此道誰甘拜下風

元恭與

和尙爭論備釋

詩文道德本難同才力誰能跨數公量以兼收常見

博志須專靜始為功精神有限流年內學問無窮去

日中寄語三江歸釣叟好教著力向東風

題瀛寰陳子問月圖

一輪明月片雲扶獨坐中天影不孤試把酒杯相問

訊古來曾有箇人無

寄聖傳昆乞竹詩

羨他紫竹好丰姿牆角臨風獨笑時為問君家三五

筍可能人惠兩三枝

詩集卷五

十二

和陳定齋懷友詩次韻

滿目風塵久倦遊小亭深竹對清秋道書慵讀睡初

醒黃菊正開人易愁欲向高陽拚一醉擬從陶峴具

三舟天涯相望多知己索筆題詩一唱酬

衡茅抱膝足歡娛更有朋儕興不孤海內詩書皆草

莽江南人物在菰蘆四明自昔多狂客嚴瀨於今幾

釣徒吾郡伯通能好士相將譜作五湖圖

晨起見積雪

積雪明殘夜曙光驚曉眠琳琅看玉樹浩蕩踏瓊田

旭日照還好輕颺吹更旋勞生逢瑞景引領祝豐年

冬至後七日天寒甚冰堅及尺祖義入公處成

衡寒負笈過小齋讀書次日雪作即同小酌

喜而有賦

仲冬寒始至凜烈一何頻高風振長空元氣結重陰
通川渺透迤我起層冰猗嗟二三子歲晏來相親
挾策負詩書徒步趨我門開我溪上窗坐我溪上亭
深情永日夕雄辯開古今晨興理櫛沐寒光動窗櫺
一笑天色曙林端積空明鳥鵲凍不飛溪流泯無聲
對此萬慮豁奚止心目清憶昔少年時時世正和宣
陰陽無愆伏氣序得其平盈尺時表瑞沖沖納凌陰

詩集卷五

三

自從啟顧來早潦已不均今茲十年閒寒燠更無憑
隕霜不殺草梅李復冬榮天運豈有常變理由君臣
今時此何時忽觀景物新父老既歎嗟兒童亦歡欣
邇者風俗惡感召或未能靜思致此理邑有賢使君
呼童煖濁醪聊慰隔歲心并招二三子相與談經綸
讀書貴宏毅此任非異人無為守佔畢小儒徒苦辛
乙未改歲漫興和陸彥脩 以下乙未

蓬萊清淺水揚塵十二年前是甲申怪底春風能轉
換眼中幾箇舊時人

乘桴偶泊未為家曲曲春流逐岸斜檢點芳溪閒草

木數株猶是古梅花

忘機何必住深山白叟黃童任往還珍重浮生莫相

負箇中能有幾時間

鄰曲相過話昔年室廬荒盡媿烹鮮依稀記得先王

俗五畝之居百畝田

賜帽君恩尚未遙禦寒新典出前朝堅冰也積興亡

恨十日春風不肯消

杜陵哀曲憶王孫蜀道春生望帝魂原上冬青青幾

許夜深風雨暗荒村

莫笑村莊野老家春深也種一庭花顛狂最是溪邊

詩集卷五

十四

柳逐日隨風到處斜

不用尋春不恨春春光往復互相因天公自有循環

理一度重來一度新

梅花歌贈梅花主人曹伯英

楊林河頭河水曲迤邐岡巒勢相屬夾岸人家一種
梅千樹萬樹紛斷續別有花叢更不同短籬曲徑小
橋通白雲堆空三萬樹彷彿疑似羅浮中陽春二月
花初放十里平鋪銀作帳畫舫笙歌盡日間雅流擊
楫時相傍主人高擁梅花眠日析梅花當酒錢舉觴
白眼時對客傲視一切如雲煙君不聞吳閩之西有

玄菟處處梅花種成圃遊人雜杏看花來載酒牽舟
勤道路年年歲歲問花期雨雨風風無定時百年那
值花好處倉卒未盡花之奇豈若君家花在戶雪月
風晴總相睹落實園林更取材從容常作梅花主快
樂如若有幾人風流實實冠羣倫我生久有卜居意
願借五畝爲西鄰

吾友石隱王子營生曠於北郊樹梅花數百株

題曰香雪藏自爲文以記之并作詩求和友
人和者甚衆子亦賦此

司空作生曠賓朋飲其下曠達固高節樸鄙亦殊野

詩集卷五

五

吾友古之人達生兼大雅種梅三百樹崇邱成廣廈
於梅亦何取愛其似我者春風花開時香雪自飄灑
此身既有託萬事總寬假何當冰雪中共結雞豚社
歲歲復年年芳樽聊共把

舊歲大風竹盡假今新筍又成林矣感而有賦
莫言直節本來堅蕩析離披也可憐寄語罡風休嫉
妒新枝已自拂雲煙

東海宋子猶奉親避兵移居叟中作移居詩見

示爲賦二首以贈

劫風翻地軸海水亦震蕩志士惜倫紀適身獨孤往

六年棲絕島草木共生長天空魚龍現日月照逾期
歸來鬢髮斑如魚在盆益豈無搏風翼烏鳥猶頤養
銜蘆東海飛綰繖漫勞攘

斯人不可絕大隱多在市君平與韓康等一遞世耳
垂簾讀詩書賣藥奉甘旨勞勞者何爲畢身願足矣
門前叩門聲相過二三子所談無俗語往往盡名理
時屯豈不惜樂事付流水

晉陵湯公綸過訪有詩見贈依韻賦答

自笑平生懶更迂無才安分老江湖聊陳俎豆爲嬉
戲不羨風雲起壯圖世上黃農那可俟眼前童冠足
相娛古人幸有遺編在樗散宦堪作楷模

詩集卷五

六

答張公調再過見贈

與君一別隔風塵此日重來誼倍親海上談兵應有
客山中學道定何人紛紛戰伐功安在寂寞身心理
自真問道仙槎朝夕返乘風來過莫辭頻

吾妻學博調甫湯公公綸之諸父也以詩見贈

依韻奉答

辭榮盛世一何迂賀監無心乞鑑湖刪後詩篇難再
和調甫大公綸韻畫前易理不須圖功名過眼憑誰
問書卷隨身且自娛問道胡公能教士兒曹欣得就

規模時純兒在學舍

不學人閒羨飽温擬探月窟與天根澹臺魯邑非由
徑時也伏刊子端木宮牆喜得門幸有師資堪就正
愧無齒德欲稱尊治安事業皆庠序願共先生一細
論

答雲間沈友聖見贈作

別君逾二載愁緒隔三江昨雨頓成舊碧山無那長
交情懸白日詩思在秋光海濱方兵甲何時過草堂

確菴周臣以子論學書示邑侯林九白公公爲
之序而付梓詩以謝之

詩集卷五

七

古道久不作下士風杳然武城得澹臺美談在遺編
寥寥數千祀此義誰復宣猗嗟賢使君吐握何其專
下車未二載所交盡英賢蔚村枉車駕滇南饋盤飧
滇南文介石學博隱於婁衡文得所託珠璣綴聯翩
聞使君欲行養老之禮
水利任上才高原起清川搜羅盡幽隱聘訪窮林泉
賤子何所知困約自終年讀書願自好養蒙以爲田
同志四五人往復互周旋敢云繼前哲聊用娛其天
使君發高義謬謂書可傳片紙付剞劂更錫佳語弁
意欲廣斯道與世相勉旃維斯道靈日在天壤閒
古人卽今人相去何其懸盛衰匪異任君相司其權

儀也東海氓甘心老漁田三畝不能治豈能勝仔肩
願我賢使君致理得其全修己安百姓時時念民艱
一邑有王道蕩蕩復平平

讀調甫學博近刻三箋賦贈卽用來韻

北上燕齊道路迂黃河水決似重湖偶箋詩句皆堪
譜直獻文章欲繪圖心事如燈人共識逆流未濟我
還娛調甫詩有心事如懸日月燈及通流未濟且懸懸之句功名温飽成何用
教育英才是楷模

古來詩教本柔温月露風雲盡失根六義真傳開正
始三箋大雅得宗門無師妄意鍾譚好小學誰知李

詩集卷五

六

杜尊渭北江南殊未遠何時樽酒共評論

壽葉白泉七十卽次白泉韻

江南耆舊半凋零天末猶存一歲星滄海魚蝦堪作
侶湖山梅鶴總成丁渠中活水心同白家園有泉色白因以爲號
世外高人眼共青七十園林餘樂在端居深自念皇
靈

夏至前二日公綸公調石隱衝雨過小閣談道

竟日二子別去公綸留宿復挑燈快論次日
成詠書呈公綸兼寄馬伯河先生

畫兩人事寂小閣慵未開故人昨相期不辭衝雨來

一批無寒暄坐對孖所懷傾筐出詩書拂席整樽曼
深情忘日夕欲別不忍回竹聲何蕭疎溪聲自喧歷
促膝更秉燭高談正崔嵬昔我有良友遠居河水隈
聞聲謬信愛扁舟浪如雷醉我桴亭中縱橫臥莓苔
又有歸釣叟磊落稱長才每過必信宿議論窮九垓
此地一何幸高賢屢追陪側聞馬先生特立誠奇哉
天道有往復姤復五胚胎斯文幸相助無爲歎虺隤

談道次日公綸有書見寄公調石隱亦次弟賦
成復依韻奉答

古今有真樂素心共欣賞夙昔志取友竟爾得吾丈

詩集卷五

五

英姿既開拓神解復洞明公調石隱子繼之更成兩
理義互悅心經綸同抵掌所談匪殊絕自非人世想
溪流雜灌木和雨成衆響不謂天壤開乃復有吾黨
羲皇畫卦理皆自下而上草野有儒術始可議安攘
地厚人共載天高衆咸仰誰無斯道責而乃任榛莽
今茲有傳人令我手加額表正影常直源流深漸廣
至善本各具豈云互相仿

和許南村新成書屋

新成小築傍溪灣一徑斜穿竹色斑
美草堂原雨地放翁老屋只三間
桔槔人散村流靜機杼聲高月

影閒隨意田園風景好避秦何用覓深山

主人家在赤涇灣六十躬耕鬢未斑
習靜結茅臨水畔課孫抱犢老田閒
無心求足自常足隨處得閒方
是閒莫道孤村無好景朝來爽氣有西山

仲夏二十四日公綸石隱暉吉過小閣談易語
及易數漫成二絕

莫將易數認希奇認作希奇反失之
太極下來惟兩畫乾坤易簡是吾師

莫言兩畫不希奇千萬咸從兩畫推
大抵有形皆對待從中出者是根基

詩集卷五

五

又論大小方圓橫圖

大小圓圖直與方流行對待總相當
四千九百渾閒事識得陰陽只兩行

識得陰陽只兩行縱橫變化在中央
直從有畫窺無畫須認虛腔與實腔

和許南村南村八詠

得閒廬

閒來天地閒人苦不自識身心能晏
如得亦無所得曲池

平池折而方恰是綠玉磬驟雨激衝
波琅琅動清聽

脩竹

脩竹淨如拭西岡一帶斜幾回看落照隙裏見明霞

高柳

種柳不計株參差自成浪春風朝夕來盡日相駘宕

老梅

老圃梅無幾疎株尙兀奇新來有佳况添得主人詩

古桂

桂樹何芬馥叢生向小阿不須解作賦高隱自來過

梵鐘

遠寺一聲鐘千門動機杼殘月下林梢露溼行人語

詩集卷五

三

田歌

插時正逢雨農謳動午晴無窮辛苦意翻作笑歌聲

懷公綸

故人西去時天氣正秋初相訂在旬日忽復一月餘

池荷零落盡桂樹花已舒嗟予久負痾伏枕意躊躇

同心涉天末時公綸以予論學書會合未可期時因

秋風生念子抱區區

輓嘉定汪昭茲

汪子神太清往昔吾固疑獨以宅心厚仁者或壽之

造物竟不然芳蘭多萎枝在昔子淵氏亦以中道摧

好學做心血天折固其宜何怪鄙俗子肉食而癡肥

良朋難再得三歎使人悲

題許南村行樂圖

少年結客廣知交老向南村小結茅端坐吟思古梅

下應爲新句費推敲

婁城北楊林有古桂相傳三百年物矣數百年

始聞於人每花時觀者如市九月望前一日

子同公綸及確菴父子門人李秋孫兒子純

同往觀焉未至前一夕宿門人王範先有筠

齋卽席聯吟博采爲次頃刻而成各引滿浮

詩集卷五

三

大白命童子錄之以當紀事

秋風一棹溯湖川公綸水淡霞明欲暮天宗程老桂

花開香正遠杼亭衡門客到月初圓範先雄談四座

燒紅燭碩膚好句聯珠闔彩箋確菴只恐聚星驚太

史秋孫幾回高望不成眠公綸

次日移船看桂次確菴韻

一溪紅日散晴煙正是看花九月天殘醉未醒重載

酒漫攜詩卷笑登船

至桂樹下有作樹大可合圍縱橫蔭及三丈虬

枝市地中方可容四席亦奇觀也子與公

綸確菴坐臥其下次第成詩聊以志勝

看花何用主人迎邂逅相過樂此生黃錦帳移眠坐
影綠香屏隱笑歌聲折花互插巾為墊得句爭誇眼
倍明醉倒濁醪君莫笑古來金谷盡榛荆

對古桂有感

黃金築就九層臺三百餘年養得來無數游人爭歎
羨那知當日臥蒿萊

桂花原是舊時花一旦喧傳眾口誇世上羣情皆耳
食誰人解識是天葩

疊公綸句再賦

詩集卷五

三

此行不是看花來喬木參天故國材寂寞秋風自開
落一回瞻眺一徘徊

集皇士菊下分韻得佳字

一棹衝寒過水涯山城風雨溼芒鞋忽逢知己一樽
好更值秋花滿座佳天漢星文驚此夕人倫風雅屬
吾儕良朋會合非徒爾矯首長歌有所懷

答尹又王西歸武昌次韻

亂餘人物半菰蘆更有先生與不孤自昔久欽梁伯
子只今誰是范純夫時又王扶櫬不無夢舟之望極知東海方歸
養祇恐西江未潤枯握手臨歧重致語武昌一水即

東吳

寄李映碧廷尉時當道有以公名上啓事公拒

之

諫草消沈鬢髮疎閉門刪述老耕耨吾生自愛陶元
亮此事甯煩華子魚半落乾坤悲劍刺蒼茫身世混
蓬廬鴻飛久在冥冥外尙父誰云載後車

題贈陸翼王菊隱詩四律

沅湘人去已千年彭澤高風更杳然久謝俗流成絕
調獨留吾子嗣前賢朝餐江上賦千首夕采籬頭詩
百篇零落易生遲暮恨可能移傍澗溪蓮

詩集卷五

五

漸覺秋深百草萎一枝猶自傲東籬少年曾逐賓王
賦老去還隨陶令詩縱有滿頭堪插處應無開口笑
歸時西風寂寞園林晚獨抱孤芳對夕曦

何來風雨忽蕭森時近重陽朝氣侵蘭凋菊殘傷白
露桂叢零落感秋陰天隨有賦心常苦陶令無錢酒
罕斟誰道寒花徒晚節幕中作檄舊知音

紛紛蕭艾滿東牆蘭芷年來亦變芳枝葉春深宜謝
苦心莖秋老愈生香北村冰雪冬青苦南陌風煙桃
李狂安得鄭中甘谷地與君同住傲羲皇

晉陵王雲九國龍同陳介夫世社劉漢扶子淵

百里索舟冒雨過訪談道一宿雲九自述舊
歲過婁擬見訪不果賦詩一章因出以見示
依韻答之

心通卽是耳根通吾道年來尙未窮宗慈雄才正英
發願借三子破長風雲九有武力試武科爲衛守備
以時世多故志而耳聲願獨好
書史問道於子子告以
平心之法故詩中云然

答陳介夫時介夫卽步雲九韻見贈也

吾道原從一貫通眼前名理總無窮扶搖九萬非難
事大翼須憑積厚風

二月八日大會諸同學於靜觀樓修歲會也崑

詩集卷五

五

常嘉三邑之賢皆集會者近百人習禮談經

雍雍終日從來未有之盛也會中同志各分

韻賦詩予得十一真韻以下丙申

歲歲春風歲歲人物華常與歲華新心通彼我欣無
隔會合乾坤妙一眞溟海精誠開六字蔚村風月見
全身不才慚愧知何極也向傳人助一新

題靜觀樓

樓爲郁子儀臣讀書處高敞雄麗邑中罕有
其匹四方隱君子過婁多就斯樓宿焉今春
歲會郁子復飾而新之屬予題曰靜觀太常

王煙客書其額蔚村陳確菴爲之記

層樓高聳勢崔嵬窗檻玲瓏八面開海氣朝昇春旭
滿星文夜聚故人來澄心今古書千卷放眼乾坤酒
一杯百尺元龍成底事空中天構絕塵埃

調甫學博過訪留紺溪小飲卽事共賦得十五

剛

柴門無事晝常關忽到籃輿破薜斑溪閣雨餘人語
靜竹林風細鳥聲閒未能釀酒供開社敢荷攜錢助
買山調甫攜錢
助修小閣小飲莫嫌成久坐月明相送抱琴還

善琴

詩集卷五

五

過吳魯岡山園小飲卽事共賦步魯岡韻

池外輕雷殷作聲一樽相對兩忘情雨中秋色眞堪
畫醉後荷香更解醒自愧菲材人易嫉莫嗟直道勢
難行時守公欲行空園法或謂
本子思辨錄者付之一笑乾坤何處容高臥擬
向商山結素盟

空心亭詩得影字

常熟興福破山寺澗舊有空心亭蓋取常建

潭影空人心之句也亭之旁有碑刻名人詩

二十首卽以常建清晨入古寺詩爲韻韻各

一首歲久亭廢碑亦沒誠隱湖毛子晉葺亭

而新之且欲復碑之舊徧徵諸名人詩亦濫

及予為賦一首

寒潭日夜清萬占此潭影碑亭漫與廢山水自長永
我來坐亭上下瞰毛髮冷每契虛明心洞然發深省

次韻陳皇士閉關詩四首

一空端居好蕭然絕世情琴樽聊散誕几篋自疎清
獨酌涼風起孤吟皓月生誰家襪襪子流汗逐浮名
閉戶絕人事冥心造化通乾坤看倚蓋身世任飛蓬
誰解陵虛景吾當御遠風周遊八極表俯視此寰中
坦腹當軒坐高松正落陰鉤簾雙鶴舞秋枕一蟬吟

詩集卷五

五

圖史先人志山河故國心浩歌清淚滴窗草閉門深
遠俗非違俗離羣更樂羣感時歌雨雪懷友寄停雲
戶有煙霞入窗憑水竹分晚涼無一事倚檻待南薰

歎先秋落葉

庭際疎桐美蔭垂凌晨一葉下高枝未應秋早先
憔悴知是西風着意吹

園桂

蒼蒼園中桂枝葉何扶蘇花開清露滴黃金飾明珠

秋霽同南村季服山齋小飲次季服韻

叢竹秋風裏柴門小巷深新晴開乍爽舊約愜幽尋

坐對人如玉行看菊似金醉歸溪路黑明月動前林

走筆題贈鄧肯堂節母六十絕句時正七夕

天上天孫鵲駕迎人間節母口筵開擬裁雲錦為霞
帔□□□□□酒杯

秋日同魯岡先生過眉照禪房登半樓賦贈

時近重陽景愈妍丹楓黃葉亂晴川客來遠寺秋如
畫人在半樓風滿天有菊正開宜對酒忘機不用更
逃禪遠公吟興知方劇莫惜詩筒咫尺傳

壽毛子晉五十

高閣藏書擁百城主人匡坐校讎精名傳海外雞林

詩集卷五

五

識學重都門虎觀驚捲幔湖光浮几案憑欄山色照
蒼楹滄桑世界何須問緱嶺吹笙月正明

九月朔日魯岡先生約子及殷重虞九同往觀

劉河水勢時雨盛溢子謂非決壩不可故有
是行往返凡三日夜卒從子策壩決水乃大
減

一河開禹道眾水積堯年百谷自奔赴微沙猶互延

鑿崖穿蜀峽決溜瀉秦川震澤波濤減湖陂萬頃田

重陽後一日令綠堂吟社雅集分韻得七虞

茱萸插罷酒還沽餘興龍山尚未孤萬古乾坤皆草

莽一時人物在菰蘆月泉闕社天星聚鐵匣賦詩井

水枯宇內誰成三不朽壯心空老北山愚

和王煙客太常西田泛月作

月滿青天水滿陂明珠光映碧琉璃已添的爍星環
照更有空濛露四垂清極小亭渾不寐興來孤棹欲
頻移霜螿九月初肥美獨酌新醅手自持

九月望水田泛月步黃攝六韻

萬頃寒波浸水田一天風氣靜娟娟偶移艇子弄珠
玉何處棹歌如管絃未辨靈槎隨漢使且憑明月挾
飛仙夜深泛久不歸去黃葉丹楓落滿船

詩集卷五

无

積雨如湖未損禾秋成猶喜八分多小船和月載佳
客衰柳拂舳生素波浩蕩光中人影靜空濛界裏雁
聲過世閒萬慮應消盡豈有雄心未耗磨
月落清波影有無恰如銀蠟碧紗糊青天倒開星斗
溼古木下映虬龍枯近沙紛紛起宿鷺隔林啞啞啼
曙鳥輞川午橋那足數天成繪出西田圖

水田謠十首

水田農夫勝水軍九月下水無衣裙腰鎌三尺長於
劍草屬還拖四十斤水鄉制稻人結草爲屨
高二三尺以入水
水鄉別無晒禾地插竹水中禾倒垂幸有數株高柳

樹多年水爛只枯枝水鄉晒稻皆竹杆開
有樹枝晒禾皆滿

今年米賤好豐年每石收來價七錢上田二石一兩

四下田五斗也堪憐致疑傷農
今始驗之

牽犂纜過剩空田稻草無多總算錢莫怪催租有底
急官糧不似往年

水村兒女不粧喬十二年來會弄蒿今歲運船準倉

米田頭坐看浪滔滔

湖鄉出米海鄉棉羅米裝棉過冷天今歲無衣難度

臘稻柴窩裏日高眠

低鄉生路勝高鄉下斷牽管也辦糧秋水不如春水

詩集卷五

手

好空田魚蟹總成荒
水浸青芒落穗多借船養鴨辦糧科生來鴨子剛還
債又被區催打鴨婆土人謂生子
鴨爲鴨婆
萬歷年時世界寬米糧雖賤不艱難私租易了無私
債更是官糧最好完
二十年前江水通低田禾稻長兀兀早開水漲晚開
退爛賤魚蝦好僱工

初冬十一日新劉河將謀建開魯岡與州大夫

同行并約子及文介石學博顧子殷重偕往

相度舟中相對凡二日夜杯酒忘形敘談甚

樂因分韻卽事共賦

平地長河百里開樓船同泛鼓聲催風回五兩雨初
定月在中天湖正來燒燭雄談驚午夜忘情快飲馨
春陪時守公談賦役事甚樂平昔飲不遇禹功明德
今重見醞酒臨江酌一杯

王虹友善學齋夜飲同翼王抵足卽事共賦

高齋秉明燭相對引杯長主客了無別形骸渾欲忘
談詩樓吐月占斗樹凝霜時與翼王湖海雄心在聯
衾臥大牀

交情吾與汝始覺淡而長別久只如此相看亦兩忘

詩集卷五

三

訪深天欲曙寒透月如霜臥聽晨鐘發微吟共倚牀

仲冬十三日同翼王石隱子猶於儀臣靜觀樓

小集卽事分韻時翼王將歸也

歲晏殘陽景易斜故人旅館正思家登樓欲賦離情
迴酌酒頻過去路賒暝雪乍來添暮冷寒梅未放逗
輕花夜闌秉燭重相對點筆題詩共試茶

送別翼王

冰雪相逢歎耦耕十年江館訂心盟匡時自愧漢三
傑學道人稱魯兩生予與翼王人有二陸之目風月溪山同笑傲
酒杯詩卷共邀迎平生未慣傷離別此日於君亦動

情

貞婦歎

婦為吳江集賢里人吳氏女也年十八字同
邑前姚里桂生病羸術者云當婚而愈婦
乃請於父而往就婚生不能起拜婦獨謁舅
姑侍湯藥二十許日生遂逝舅姑欲奪其節
婦閉戶自經乃聽之生之仲弟生子甫睜婦
卽乞以為嗣未幾子死仲復舉子婦又嗣之
則又死婦泣曰天乎終不使我有後於桂氏
耶遂鬱悒成疾而舅姑與仲婦復重苦之竟

詩集卷五

三

以疾卒

夫婦恩生於情情所不及為至恩夫婦義生於禮禮
所不責成至義吁嗟柱貞婦恩義誠莫媿未嘗一日
同錦衾何由遂矢同穴心二十許日侍湯藥天長地
久從茲分甕勉奉舅姑舅姑翻不欲劬勞嗣兩兒兩
兒俱不育人心天意皆可知一死黃泉免遭辱人生
何必重身名身名念多情不真君看冠佩金閨容半
是當年易節人

黃攝六縣尹徵三吳諸隱同壽白林允使君書

四絕句應之

生平不作與人誦今日聊爲野老言
半載琴書清夢穩分明盡出使君恩

亭畔春風生紫芝紫芝肥茁長新枝

子家亭畔三年產芝大如盆

應知婁土多和氣自此吾儕可療飢

學道於今二十年孳孳常恐愧前賢
從來豪傑多天

授始信生才不偶然

讀盡從來舊史編古今循吏幾人傳
龔黃卓魯如春

夢不道浮生尙有天

桴亭先生詩集卷六

太倉陸世儀道威著

丁酉至庚子

初春十四日魯岡先生招同石隱子久殷重聖

傳家園看梅以下丁酉

春風庭院早梅開勝友同過亦快哉問字祇應攜酒

至談心恰為看花來住山雅蒺林道興時公買梅花別墅於楊林

卜居焉得句深慚何遜才樂事只今殊未易巖寒相

遇且銜杯

同傅須彌過陸退菴村居

詩集卷六

中原勦業竟蹉跎十載田園兩鬢皤聚米山川成幻

夢封狼心事付悲歌樵童漁父徜徉老酒盞詩篇感

慨多賸有牀頭雙劍在夜深風雨自擎摩

送王子懌民同令師虞九赴北雍作

晚春天氣正新晴言子河梁事遠征小苑鶯聲迎馬

細長隄柳色拂船輕老年師弟如昆仲新識雲山勝

友生好記杏花時節在明年此際是歸程

題范氏五賢祠

范氏家聲海內知瞻依更識五賢祠簪纓奕葉來唐

宋自唐宋迄明靈哲淵源在本支五太師俱為大忠賢萃於一門

節世傳原有自文貞公死節其先祖平章甲兵家學

遞相師文正胸有數萬甲兵明正德中無窮福澤由

明德靜對前徽有所思

題金孝章春草閒房

小築幽人室空階碧草生春風吹雨過一夜滿前汀

和袁景文白燕詩從高巖培之請也

故壘雕梁事總非空巢林木亦應稀閒心已逐眠鷗

住素羽遠隨化鶴歸擬向山中依白社羞從巷口傍

烏衣春風盡入昭陽殿秋老湘南獨自飛

壽胡彥遠尊人靜菴先生六十長歌

詩集卷六

靜觀樓頭秋社畢歸向衡廬臥蓬華黃昏平頭來扣

門云行山中遠行客山中之客來迢迢葛巾野服何

逍遙自云樵李有同調得識姓字稱神交干戈未平

聲氣急杯酒文章紛似織素心落落比晨星詎忍相

逢不相惜樓頭飲酒樓下臥抵掌三人道平素獨憐

親老更家貧坐對歎歎愁歲暮短衣窄袖纓胡纓挾

冊辭家事遠行傍人爭笑長安客萬里誰憐負米情

當路千金如外府買得胡姬年十五漫道風流學長

卿似續先人承妣祖知君有父正者年抱道不仕全

其天六十林泉好文墨欲向海內徵長篇賤子今年

四十七環堵蕭然家四壁有母饗殮愧未能井蛙局
處心滋戚先生有子如神龍泥蟠天飛不可窮篋中
自有千古業如在雜部鳴鐘鏞紛紛眾響何足貴珠
玉在前形自穢何況焦僕尺寸長欲與時賢爭項背
吾聞彥遠學道者萬事現前如土苴得親順親久有
道豈必區區藉風雅越江淮水流湯湯往來孔道當
吳閭枉駕至婁纔百里何不過我徒相望

和白林九使君開劉河作

漢庭都水屬司農廿載劉河竟未通淺草平沙荒積
雨斷葦衰柳暮江風兩朝聚訟終無緒百職焦勞鮮

詩集卷六

三

奏功何幸重逢劉夏績卽看歌頌海天東

又和白使君仲春歷劉河夜宿金粟菴

百年功業一身擔半榻清風古佛菴月出行雲天欲

闊分體本煙分落照草拖藍僧徒入座威儀肅父老

園橋笑語誦指日滄江成巨觀穹碑屹立可能函

和白使君督工劉河雨歸

已自餐風宿何堪冒雨歸公夜布帳官廚薇蕨飯襍

被芰荷衣公自給飲食自攜襪破一毫不以累祇覺

三農病焉知百姓肥千秋公論在甯問是耶非時嫺

功者
甚多

端午日白使君招同殷重確菴周臣雲閒董少

楹寄餘亭宴集卽步使君韻

新絲濃陰日正長天中佳節臘風光庭無纖訟蒲觴
靜民有餘閒競渡忙牆角風生油幕軟竹林人醉小
亭方一作使君好客能忘分秉燭談詩一作解更揚

仲夏十二日白使君林九約往王太常東郊看

荷周臣端士異公布席揖山樓略去苛禮雜

坐凭欄清風徐來香滿四座少焉月出移席

臨流露氣花香山容樹色疑非人間境也使

君樂甚卽集分韻人賦一首時同集者武陵

詩集卷六

四

吳興公正宗維揚陸無文朝陽羨任文素雄

雲閒董得仲黃子少楹枿及予與顧子殷重

陳子確菴也

樓頭開宴午風輕樓下移樽晚更清花自若耶分衆

妙飲如河朔集羣英紅葩映月紛紛白暗葉傾珠顆

穎明最是香山能好士新詩容得野人賡

白使君招飲衙齋卽事

木落虛庭露氣侵琴堂相對共披襟微雲疏雨高秋
思絳燭清樽永夜心世事真堪成浩歎深情只合付
長吟小亭新築多黃菊取次花開擬再臨

過膠水道經新開劉河有感作

妻江故道久揚塵無米成炊劇苦辛時役費供不敷
辦三邑趨風民似子四旬興作役如神官帑悉從民間
民則仍 兒童聯袂誇新漲父老開眉說舊津二十餘
子來 年憂早潦功成應未許人嘆

猶記遼東御史來秦公濟河興作檄如雷司農握算

嗟無策郡國持籌慮乏財時議費七十餘萬一紙劉公書忽

下千年神禹績重開御史李每事以尺幅遺奇功未

遂身先退淚雨成江恨不回

九月二十二日白使君新築初成聞子有遠行

詩集卷六

五

同曹子尊素邀入看菊卽事一律卽用使君

徵科詩韻

新成小築乍登臨接席開樽一解襟滿座無詩非白

壁時壁間多使君新作四知有菊勝黃金室中惟菊數燒殘絳

燭三更雨話徹冰壺一片心坐對甚久無靜對焚香

清似水麗譙鐘鼓自深深

和使君徵科詩蓋壁閒新作也

舊賦猶存現賦臨鄉城相顧淚盈襟鋤禾有汗頻沾

土點鐵無丹可化金忍死久拚原憲骨回生還仗使

君心壁閒讀罷新裁句始識催科撫字深

碎疆園澄懷社集卽席分韻

舉目青山是處愁桃源漁父路悠悠我眉風雪林巒
迴海嶠雲霞島嶼浮意共向平樓五岳誰從陶峴借
三舟不如坦腹長松下欹枕看圖作臥遊

登君山望大江有感兼示言夏

猶記春風共濯纓披襟長嘯大江橫檣帆萬里來瀛

蜀樓殿三山見島瀛誰使金陵收王氣遂令鐵馬碎

孤城蒼茫獨立松杉晚愁對寒濤百感生

贈睢陽馬功蜚蕭縣蔣伯昌兩明經時將過婁

見訪適江上相值乃訂約明秋且出二扇索

詩集卷六

六

書卽賦一律并寄呈寶應盧儋石

問道君將到海東偶來江上恰相逢立談便叩先王

典坐對真成太古風詎有浮雲遮白日卻如雕鶚縱

秋空宮牆咫尺明師在遮莫春風坐此中

和毘陵楊馭初見贈作卽留別馬伯河湯公綸

劉旭采蔣寅伯諸同學

東來海上片帆輕秋盡寒江萬木清瓢笠偶然乘興

會山川何處不精英遠峰沐雨依稀綠孤月侵霜特

地明吾道未窮猶有和羲皇一曲定誰廢

周存梧孝廉行略題贈周孝子孝逸卽誌哀輓

古人重乞言今人以爲例望門馳片紙茲事等兒戲
乞者固不誠贈者亦無味吾友周孝逸至性良可謂
英姿本倜儻似太露奇氣乃於人倫間孝友獨真摯
父志鬱未伸生平以爲愧四十居父喪哀慕若童孺
見人拙言辭往往頭搶地手持先人狀未讀先隕涕
謂我不善譽終懇一言惠感此誠意篤三復讀長跪
首言先世德積厚生偉器次言舉南園公車屢不第
終言公數奇動輒與禍會獻玉既被刑請纓復遭繫
言之摧肺肝語語流血淚讀罷長歎息相對復獻敬
古來英雄人會亦有顛沛始雖垂翅歸終能奮翼去

詩集卷六

七

奈何君先人一蹶遂來蹟蒼天高寥寥仰視但一氣
報施不可知或者在後嗣賤子託交末無以共勸勵
願君崇令德努力表先志繼述古何人有爲亦若是

過梁溪東林書院舊址

東林書舍舊城隈問道當年海內推鄉里程朱聊自
淑朝廷洛蜀已相猜忠良既逐奸邪盡宗社旋隨黨
鋼灰自古人亡邦國瘁夕陽衰草有餘哀

答壁水陸秋玉見贈作

有鳥羽翮異云自丹邱來嗚嗚將九雛山澤何悠哉
亦知飲啄難十步九徘徊偶然天風生飄飄遊九垓

衆鳥與之俱飛鳴起塵埃豈能不食宿中心非所諧
慚謝同林侶殷勤歌德衰

新正六日約及門諸子輯宋五子書夜欲抱經

堂以下戊戌

溪頭春回春意迫梅萼如珠柳芽白茅堂列几陳素
書筆硯精良紛四壁及門諸賢何纍纍清晨共集草
堂裏校讎繙閱各盡誠頃刻分詒數千紙是時春寒
猶未退硯蹙輕冰珠玉碎含毫呵凍心力疲斗酒歡
娛聊共對少年英妙各負奇有酒便欲吟新詩揮毫
刺燭俄頃成句中往往多精思詩成酒闌旋布席旗

詩集卷六

八

鼓重開論平昔功名道義兩相持四座波瀾推未息
嗟予頽老更善病短榻垂簾一燈映幾回推枕起復
眠臥聽雄談紛四競諸賢勿復然吾生與爾命
在天讀書窮理吾所得眼前富貴如雲煙君不見百
源山中邵康節深夜寒山坐寒雪匹夫名譽走公卿
千古高風動稱說又不見魏科鼎甲何代無勢焰炙
手如紅爐一朝傾跌遂赤族自恨不得爲屠沽諸賢
諸賢慎勿爾德業千秋在經史應念當時五大儒師
弟相成亦如此

舟中聽徐成初鼓琴

畫舫煙波裏悠然響素琴人同一鶴瘦水與數峰深
古道久不作希聲何處尋曲中餘靜對四座淡無心
紫玉聰答沙生介臣

紫玉聰才何雄產自泥注聞不與凡馬同一鳴墮地
赤光滿汗血千里追長風平生不願受羈勒絕漠荒
沙縱奔逸朝發扶桑夜西極虎豹見者皆屏息紫玉
聰真雄才爾家本龍種何用隨駑駘不見天馬行空
御雲氣神龍爲伴蛟爲侶震雷碎碎電如矢騰踏九
天作霖雨

初夏七日入澄江公署時學憲張公聘修五子
詩集卷六

書成也

官署高樓鼓角徐五更睡醒夢魂舒才非司馬偏多
病窮類庾卿亦著書海國夜寒聞雨急江城春盡得
花疏家園櫻筍應新熟何日扁舟返故廬

署中見芍藥

桃花初放去庭闌芍藥花開尙未歸慈母不知遊子
意倚門應自盼斜暉

答四明姜桐侯兒贈作

石上驚看倒薤書更貽篇什慰離居何能每事皆稱
絕自是君才獨有餘天意未教開俊傑世情安用問

迂疏昨宵曾訂看山約擬共扁舟縱所如

越曠姚代人讀子乘桴傳有贈依韻奉答

何物狂生學著書縱懷直以海爲居非逃人世情偏
認爲抱遺經意有餘自信乾坤容放誕不愁時俗笑
迂疏刻溪問道多名勝便欲乘桴恣所如

王太常東園芍藥盛開邀白使君及羣公讌賞

賦詩子在澄江不得與歸索補作卽次白使

君韻

春暮名花豔滿枝慙勤更值曉風吹平池萬頃非漆
箔上客頻來做別離小折香分荀令席醉吟清入使

詩集卷六

十

君詩病餘江上多鄉思夢到芳園月上時

次韻和誠之

問道豈辭遠攜舟一躋攀漆經藏魯壁遺獻在商山
白髮才逾壯立心老更閒東來多紫氣吾欲往函關

同誠之夜集鬘旃養中堂卽次前韻

相思非一載此夕得追攀樂意樽前菊秋懷湖上山
時約同遊交深底用醉心曠自能閒何日東城畔同
青山石屋

君學閉關

高彙旃學憲新成石室卽事二律

憲山東畔一峰幽峰下鳴泉日夜流地祕靈奇存太

古天留風月待清修松楸配帖先塋柔旃先生塋在山之南其爲石屋蓋明發之思也薇蕨煙霞古國秋誰訝袁閔居士室達人端合老林邱

忽從幽處闢林荆石室懸崖似削成蹊路不通人世迹澗流猶帶舊時聲山開樹色層層翠檻外湖光隱隱明隨意讀書兼習靜百源重見邵先生先生爲忠憲後人蓋理學之傳也

同呂誠之陳介夫遊高彙旃青山石屋
新成石屋傍山隈翠壁如屏澗道迴城市相看原咫尺幾人能向此開來

惠泉

不盈不竭幾千年一掬滄泓海內傳恰是至人方寸地涵濡萬古只淵然

滴露泉

惠泉萬斛供人求此水惟憑一滴流彼亦不多茲不少無加無損總千秋

點易臺

天產名泉如滴露先生點易築成臺臺空人去泉還滴更有何人點易來

二泉書院廢址

廢院空山古木平遊人還識舊堂名只今壞道哀清

裏猶帶當時絃誦聲

拜二泉先生遺像

破院秋風蔓草蕪空庭荒柏竄鼯遺容俯仰增三歎誰識當年眞士夫

遊秦園

山畔爲山小築奇迴廊曲檻跨清漪誰云點染無佳致一著人工便遠而

謁高忠憲祠

絕學孤忠一代希雖膺國恤尙餘悲祠堂寂寞溪山

畔惟有行人口似碑

與介夫同遊諸勝歸飲高彙旃芳草堂抵足談

道介夫以詩見贈賦此答之

好風晴日山川麗明月青燈笑語深是處天機君自

領不須境外別求心

湯襄武點將臺

點將臺空月色明古祠高迴靜無聲城頭萬樹寒鴉急猶似將軍夜勒兵

宿惠山寺白衣殿

棲息來禪寺幽窗愜我心暗泉流細響古樹落高陰

一枕烏聲近數峰山雨深呼童敲石火試茗助清吟

試茗

獨坐成幽况山窗試茗鮮好風輕逗火細雨薄添泉
爽氣新晴後孤懷落照前一椽如可借不惜住經年

同高彙旃季遠張公調呂誠之飲秦園臥雲堂

聽公調鼓琴時園有二鶴

老樹高堂下清泉白石閒幸逢琴絕調况有鶴雙閒
杯酒希懷葛詩書述孔顏脩然成太古何處更深山

秦園聽琴小集子已有作誠之復有詩見貽依

韻答之

詩集卷六

三

秦家名園風日清故人移榼山榭輕談詩說樂古時
趣唳鶴鳴琴世外聲愧我少壯每止酒羨君老健常

干觥何日陶潛能痛飲東亭卻載酒船行

謁道南祠祀龜山先生以下凡十九人

城上西風夕照催我來瞻拜道南祠空庭古木神靈
肅老屋殘碑姓氏曠屈指未明還得幾傷心今昔漫
成悲淵源一綫誰能嗣獨立虛堂有所思

讀友人詩賦贈

止酒過半載今夕忽持卮散髮高松陰讀子詒我詩
詞旨何清新冷然沁心脾鄴侯有仙骨庾鮑非所期

時俗競新妝嫫母結巾襦盈盈江漢女皎皎雙娥眉

但理嫁衣裳不恥無良媒如何窮巷中尚有絕代姿

美玉不求售祥麟不受羈行行慎千里願子堅自持

賀邵當伯生子時正修二泉書院

吾到惠山久深欽當伯賢立心常處厚當伯居長瀛其弟為奉祀

任事必居先祖業方期振孫枝已報添天心應有為

慎勿負家傳

贈陳爾彥介持母夫人五十壽

聞道筠塘多大節至今遺範在閨闈月明桂海珠雙

耀雷動龍門鯉一飛鶴髮尙看玄髮好舞衣還著錦

詩集卷六

十四

衣歸名賢有後人爭羨善教終當誦母徽

客睡

枕簟新涼野寺空疎星殘月下簾櫳客窗清極渾無

寐一夜秋聲絡緯中

宿山寺有歎

吾愛惠山好來游豈偶然閉門幾兩月禁足似經年

企息窺林表閒眠弄水泉所居寺即在山麓檻外有泉平生看山

興選勝竟無緣

旅夜新寒

高窗數點雨不覺動秋聲客枕添衾薄吟蟲入夢輕

著書悲短髮多病怯虛名俯仰懷先哲蹉跎愧此生

山中聞秋雨

松風颯然至山雨霏微集此景誰不聞妙領在心得

戊戌秋吳郡人家秋海棠開花至半忽發一枝

如芙蓉約數朵後復如海棠其家異之繪圖

乞詩四方子曰此花妖也因爲作二絕句

已是妖嬈絕世姿奇葩幻出更何如祇應天上求殊

色不覺人閒草木知

從來殊色在春和已歎紅顏薄命多異種秋生誰不

愛西風一夜奈愁何

詩集卷六

五

山居值誕葉旃學憲移樽同呂誠之至山小集

次日誠之以詩見貽即韻奉答并柬葉旃

七月三十天氣清空山久住沈痾輕把書忽見松子

墜欹枕但聞流水聲白嗟落拓已忘歲安用鄭重來

移觥所恨足弱喜坐臥不得相共山中行

誠之尊人年九十學使者西山張公以禮旌之

是日懸額子病不得往作詩以贈即用前韻

君家有水當門清君家有親杖屨輕黃庭燈前讀細

字綵服堂上啼兒聲世榮那足重園綺草具聊爾當

暑觥子不能往以野秋料得雙雙兩白髮誠之亦送客河梁

扶醉行

西山張文宗修二泉書院成述事一百韻

我昔過青山本爲石屋耳葉旃構石屋於青山子同友人往觀行行歷

惠山汲水漱其齒徘徊古殿上宛轉花園裏聞有舊

時松千尺挺奇偉經過左山麓傍有老屋圯友人顧

謂予此是講堂址子問講堂誰二泉邵公是邵公在

當年聲名動寰宇願爲眞士夫千載傳斯語胡爲絃

誦區今昔遂如此愴然振衣入荒草沒人股亭臺半

傾壞蛇虺盤礎柱杈柯老樹偃躑躅毵毵舞登堂見

公像再拜復瞻觀衣冠已剝落榱桷復頽毀四顧三

詩集卷六

五

歎息悲風起庭戶旁有讀書者人言此邵氏一寒如

范叔塵土生甌釜提攜既無人衰落亦應爾邵氏子

還探滴露泉泉源已久徙邵公作講堂泉乃來今旋

登點易臺亂石徒巖巖忽見藤蘿中寫碑臥澗溪拂

拭碑文讀駭拜難仰視碑圖子在川在昔肅瞻禮何

年竟偃仆樵牧供步履子時神魂悚心口遂自矢茲

行若得聞此非他人事子奉文宗先賢有靈爽後

賢遂心啟契合在冥漠不煩人置喙偶爾讀詩章愴

焉念先矩子遊惠山有弔古詩數首中有講堂符檄

下縣官且夕疾如駛履勘先賢述刻期修廢墜雜時

方經營二賢任其始學憲高彙編心力雖靡惜恆慮

工弗底張公曰無庸我俸尙堪子百金忽然頽撤餐

及壺盞杯不足以一時城邑閒歡聲滿人耳貧賤願

助力賢智效心符時任董率之勞者為衰老扶杖觀

幼稚奈衣喜鳩工復庀材遠近聞邪許踴躍來赴命

馨鼓興百堵舊者一以新廢者一以舉穢者一以除

仆者一以起功成真不日疑有神靈輔公來謁祠廟

周覽及臺圃兼為俎豆謀低回思繼武維時諸賢達

咸稱棟兄弟即讀書院中者公詢棟能文遂以奉祀

許梁棟共見公於點易臺梁百年衰替局一旦成喚

咻旁觀皆歎息甚者為出涕咸謂西山德幾與二泉

比公論起學校遂乃謀報祀卓哉橫渠派文宗為遠

及梁溪洛魏巍古賢祠秩秩新賢廡山高水復長擬

與共千古公知曰無庸望報古所恥聞有忠定祠李

定文莊舊所庀咫尺講堂前嗟哉蔽風雨將無移此

像於彼新廡處善繼必繼志應非靈所拒遂乃檄縣

官縣官急佩組呼集眾父老府史及徒胥將移忠定

像新廡陳豆俎父老牽衣啼儂輩所不與我家有子

弟張公所訓祇我架有詩書張公所新梓敦之以孝

弟深之以義理方愧無所報以為吾邑恥幸藉文莊

靈區區盡誠鄙何乃易初念遂至廢前軌維時諸子

弟成執父老旨喧闐日將夕諭者莫能止旁有邵氏

子痛哭訴原委昔我先文莊年老艱子嗣身歿尙未

幾講堂生棘楚詎曰無所司紛紜互為市否極泰復

來遭我祁御史御史以祁復還祁獨昇先君子諱

祁始王繼之王前後兩直指苦心妙幹旋賴我陳

太府太府又有諸賢達西曹曹公及駕部錢公考功

徐公孫孝廉諱數比部薛公郭侍御諱衆力共支

撐乃得留此土我意祠張公俟功稍有緒兼祀昔有

功祁陳兩公祖此事若中較我生又何倚觀者咸歎

息議論莫適主旁有白首翁一杖當頭拄上前三致

辭老拙怨莽鹵使君骨肉恩銜結尙難補况此一椽

微渺末小香火但官所執義煌煌誠大體茲宜勉完

工虛其中以俟後來有同志庶幾續前美眾論方歸

一聽者咸唯唯予時方抱疴習靜山之址披襟看山

色散髮弄溪水日夕聞遙頌不覺動心腑夙懷既已

遂往事豈忘譜援筆賦五言聊以述細瑣

贈楚黃程歲霖孝廉

秋者空山水木清相逢握手愜平生元龍氣盛非湖

海司馬才高薄寵榮說劍每懷家園痛籌時深悉古

今情天心未肯開，豪俊歲月隆中莫漫輕。

答蔡旃學憲見贈作

秋期講約竟蹉跎，先時學憲曾有約八月十七日會講東林偶趁江濤買

棹過黃菊傲霜花，尚健清樽寒月酒，偏多吾生自合

憑元造世道誰為挽，逝波幸有東林喬木在，願依高

蔭息巖阿

和高南旃護蘭詩時方談動靜之功也

護蘭期護花護花先護葉，培養在本根貞元自相接

蘭之香在花花之原在葉，慎於未發前天心乃可接

燕居廟謁聖聞木主係東林之舊，因瞻仰太息

詩集卷六

五

見說當年先聖主，劫灰不動傲然存，荒城魯殿瞻依

舊孔壁藏書局護尊，吾道人心原日月斯文終古自

乾坤可憐白露秋風裏，何處圍陵欲斷魂

題再得堂堂為主人高彙旃學憲所建取龜山

詩此日不再得意也

此日從來難再得，况於今日倍為難，秋風戰伐乾坤

小舊雨荆榛禮義殘，東海精誠銜木石，西山涕淚感

衣冠誰能不負相，成意堂構還令復舊觀

王母篤壽松陵吳赤溟母夫人六十有小序

樂府一途自漢魏而後，惟李杜兩公為得其

意李能即古以見今，杜能即今以入古，在明

則劉文成李長沙，餘子模擬剽竊不足復論

松陵吳子赤溟，與其友潘力田同唱和為今

樂府與子所論意殊合，子讀而敬愛之又聞

二子明習國家典故，將以耕讀餘閒續成一

代之史，益以不獲把臂為恨，戊戌秋吳子之

母黃太孺人六表同人爭以詩為壽，吳子馳

書予友確菴徵予一言，予學宋儒者也，詩家

故以宋為忌，子烏能詩然而景仰之私，則又

不可不一言也，為作王母篇以寄吳子聊當

詩集卷六

三

一觴井以示潘子，質其可否至於言辭之不

文則故以其宋儒而忽之可也

天門扃閩閩仙人紛紛下平地，驂駕鸞鶴鞭青虬

御我王母遊戲人間，世世人氛濁何茫茫，長鯨吞九

州海水囊八荒，山川瀆洞不可識，日月開淡無晶光

方平麻姑相告語，眼底滄桑一何苦，劫灰冥冥不可

極誰能拯之，叩天姥天姥憫下土，鏗鐘匄天鼓，會召

羣仙真輝煌，聚瑤府下土壽積何由深，乃在是非變

亂紀載失真，麒麟遭彈風被射，蚊蚋鼓翼蝦蛆靈，三

百年來黑白混，上帝赫怒遂使一氣顛倒，神區傾何

以補救之別白人獸培其天何以昭明之洗發光氣
開其先驅走龍門役班范歐陽司馬流汗奔走如郵
傳書成仙子獻王母王母一笑拂拭玉宇開瓊筵文
章照耀二儀助願我王母壽萬年領羣仙

仲春九日同高葉旃學憲陪西山張文宗登二

泉書院小憩海天亭夜飲以下己亥

二月春陰上布袍東風吹雨作松濤樓船夜過江湖
急講院宵開海月高宇內只今猶戰伐山中何幸得
干旄著書不朽吾儕事指授深煩使者勞時又解經史一貫遺

札共商凡例

詩集卷六

三

次日又泛舟惠山陪飲

積雨暗山麓放舟波浪間酒杯幽興足煙水白鷗閒
今古雙睜眼詩書一破顏野人無忌諱容易說時艱

客中梅信逢雨念家園作

久向山頭看梅約不道客中梅信傷惡風十日臥小
艇急雨一夕過吳閭疎林盡吹石壁淨古道夜墜蒼
苔香速歸沽酒拉吾友牆角數株猶未央

仲春十五日登江上偕曹子頌嘉南樓看梅

入春將半四日三十九日風雨頻一日乍晴見梅
樹卻如亂餘逢故人傾欬委頓不自得飄搖零落沾

泥塵幸留數朵好顏色亦覺慘淡傷精神只今海國
尙戎馬登樓撫景何爲者極目關山總不堪醜酒長
歌淚盈把君不見嶺南五嶺梅花天殺人如麻愁萬
干

十九日再過吳閭遇梁溪錢礎日崑山歸元恭

於袁重其齋同約西山看梅並舟至西津風

雨大作宿徐子能寓時在僧舍周子佩子潔

亦攜酒過訪次日風雨更劇子能倡韻諸君

皆繼作焉

小艇西來趁夕曛相逢萍水恰同羣吳山坐對看風

詩集卷六

三

雨蕭寺閒眠弄水雲吾輩何方能選勝天公有意欲

徵文時乞詩文者頗苦無暇雨中日皆徧應之剡溪興盡還歸去鄧尉

餘香卻讓君

聽鷓鴣詩爲李膚公作膚公爲江陰李忠毅公

長子公盡節時詒子詩有且將耕讀聽黃鸝

之句

覆巢完卵古今悲一稊猶存君宥之豈料廿年天步

改九州無土可耕犁

戲題歸元恭僧服小像

輿酒狂歌十五年鬢髮贏得髮齊眉高睜雙目參公

案不學人閒閉目禪

瘦勝肥分狂勝癡放言野服自詠奇即看抱膝蒲團

上卻似吟成梁父時

雪月風花對酒樽帝皇王霸氣騰軒知君近愛程朱

理終是龍川與百源

魯公書法東山奔韓愈文章杜甫詩幻相更為僧道

衍箇中不是好男兒

陳皇士入山探梅得八物以歸因出手卷一命

子為詠物詩成八絕句倉卒命筆不能工也

芝石芝長二尺許生石上并石取之

詩集卷六

三

芝生何連蟻託根在石上采芝復鑿石山靈亦惆悵

樹根

老樹如奇石嵌空復靈怪若遇米南宮應須下階拜

王文恪筆

聞公在當年此筆曾畫日畫日今安在對筆空歎息

蜂房厚四尺大如五斗米窠

昔讀阿房賦知愛蜂房窠今觀蜂房奇轉訝阿房小

方竹杖

竹本虛心者杖乃吾所賴為嫌世俗圓所以方其外

櫻團

櫻團來山中云在得悟後試問櫻團上還有悟迹否

白拂

塵尾今何多清言不可得攫取出山來老僧應失色

葫蘆磁瓶高四尺五尺

磁瓶大如甕上有四仙人應是古壺公跳身玩青春

季春四日同元恭石隱確菴小集儀臣靜觀樓

即事共賦

三月初過上巳一春幾見晴明著屐正逢急雨卷簾

忽觀飛英

暇日良朋勝友畫樓酒棧棋枰燭跋雄談未倦夜深

詩集卷六

三

奇句猶鹿

又步元恭韻

天末輕雷閣雨花叢好客登樓陽春恰當三月樂事

人占一籌

階前小山如揖門外清溪自流花落雨聲未已詩成

鉢韻初收

鬱林石為吳錦雲司理賦

鬱林石何龍從其來乃自大海南追隨廉吏揚清風

漢興迄今二千載何為至此尙爾埋沒莓苔中吾聞

廉吏不可得垂囊而入捆載而出錫鉢不肯留何獨

置此石此石饑不可食寒不可衣達官兩眼如買胡
豈能垂盼一顧之惟我吳公有奇癖不愛黃金只愛
頑石一日三摩挲再拜加翦拂石兮石兮汝來本是
大海南陸公涉海憂風波取爾相載共一船今日吳
公所歷皆康莊無藉爾力於爾何有焉殷勤為爾歌
短篇俾爾聲名籍籍天下傳後來人宦此土者讀公
之詩觀公石知公之心良獨苦當與戒石共千古

梅花時予舟過吳門至再欲登山看花輒為雨

阻讀程翼滄學博同金陵余澹心雨中探梅

十絕慨然念之舟行無事濡筆為和以寄翼

詩集卷六

三

滄

晴雪春山廿里開誰人不愛看花來生憎無賴風和

雨十日顛狂送早梅

春風欺人作春雨梅花雨中吹滿山贏得三句遊屐

少誰人卻似兩公閒

日日看花日日忙扁舟竟滯水雲鄉卻憐野寺平橋

下猶有疎枝對夕陽

每到花開便惜春頻來終是看花人不如買屋好山

裏與雨年年作比鄰

萬樹花開萬樹香一天明月一天霜廣平不賦清漸

句海內誰知鐵石腸

花信逢寒花發遲踏花衝雨也成癡即看庚嶺風中

落猶勝龍城笛裏吹

元慕家家花滿家依山傍水整還斜儘教舊雨兼新

雨看盡千花與萬花

雨雨風風遠樹枝開花直至落花時幽香似怪遊人

雜寄語遊人知不知

花發寒深花也愁荒村難典鷓鴣裘千峰寂寂無人

至風雨孤山一葉舟

花裏看山山欲無花邊一片是明湖我知花好花知

詩集卷六

三

我日日天涯總不孤

贈黃岡杜于皇于皇時寓金陵客遊篋中值有

海警不獲唱酬於其別也贈以二律

宇宙亦不小寥寥何乏人即看詞賦客誰識李唐真

播越蜀中老疎狂謫後身文章光焰在金盡未為貧

豈不快知己其如喪亂過酒杯徒潦倒詩句亦蹉跎

天意欲成劫民生將奈何恩恩一握手撫劍發悲歌

晦山願雲和向子舊同學也國變棄儒為僧駐

錫雲居便道歸里過于齋劇談并言匡廬之

勝賦此以贈

一別廿年久歸逢非偶然頭顱悲各異肝膽喜同憐
劫火未應熄浮生靈苟全何時上廬岳攜手白雲巖
過太平巷與願公談道

誰謂分流異探源彼此同花拈窗外草杯度舞雩風
大地任成壞吾心無始終相看各一笑明月正當空

留別江上諸子時濱海多警江陰竹塘地遠湖

海有村名梧隱里爲孔氏子孫世居不下千

丁其中之秀則皆予之及門也往相形勢兼

謀卜居子之歸也各賦詩言別賦此詒之

憶昔遊江上西風又一年烽煙驚四野吾道賴羣賢

詩集卷六

毛

擬卜南村地還操劍曲船何時老夫婦來種鹿門田

南村菊集詩南村老人手自種菊數十本終日

吟翫九月望後邀子及陸退菴王石隱觴詠

其下酒酣捉筆各自成篇不限體格聊識一

時之勝

南村景物幽况乃清秋時天寒白露降場圃築參差

主人有佳懷淵明以爲師種菊當前軒灌溉手自滋

移置草堂中光采紛陸離一日三摩挲劇於十五姬

飛書招我來取酒斟酌之自云五六月烽火正驚危

老人如不聞裸跣護新枝農與去蠶蠶辛苦忘渴餓

豈不畏多事此樂性所怡時時著新篇聊復寄所思
傾筭出示我意致何新奇人生天地閒理亂不可知
行樂貴及時擾擾欲何爲有花復有酒有酒復有詩
相過但痛飲世運隨平陂

舊官謠四首贈白林九使君時使君已去任以

事復至婁東婁城內外夾道謳吟擔酒米奉

使君者流汗相屬感而有賦

接官亭下鼓逢遲報道賢侯鶴首東臘月嚴寒冰雪

裏婁城一夜起春風

賢侯在昔泣婁時鑿井耕田總不知今日滿城歌哭

詩集卷六

天

徧始知六載被恩私

天際窮陰暗不開河頭車馬鬧如雷放生隄上人無

數盡爲賢侯載酒來

公道年來不可知人閒處處起生祠試看今日婁城

下此是人心沒字碑

和許南村除夕移梅

律窮歲晚逼除天移植何爭一夕先爲愛古人詩句

好梅花開日是新年

正月十一日同諸友集儀臣靜觀樓子弟皆從

以下庚子

初春協風至淑氣動林圃梅花如高人含意猶未吐
良辰觸佳懷主客自相敬尊行卑者從子弟亦成伍
登樓散書帙開篋論今古情真氣為爽樽酒聊共撫
清言彌可樂戲動皆入矩豈無世俗歡僊僊成屢舞
伐德古有戒毋為出童毀

雙壽篇贈許南村姊丈先己亥春初梅花時為

南村六十今年庚子花開又當家姊花甲之
期雖相去一載而一唱一隨可同壽也作此

贈南村即壽家姊

南村老梅三十樹一年一度花無數去年主人正六
十酌酒花間賦詩句今年花開花更妍壽酒又復張

詩集卷六

无

華筵主人之姬我老姊六十再慶春風前小弟今年
已五十雙鬢髮鬢竟微白老年姊弟來上壽擎杯相
共梅花立憶昔少小兒童時翁年弱冠姊次之梅花
香中賀新歲剪燈爆竹為兒嬉日月如丸亦何有相
對忽焉成老醜自念童心尙未除未知翁姊如吾否
天地冰霜久疑積歲寒萬物皆同厄龍蛇鬱地不得
奮使我自顧無顏色有客遺我桐花箋揮毫勉作雙
壽篇夫婦花甲人所羨齊眉恰是齊眉年古來賢哲
多高尚夫耕婦饁常相傍龐公共種鹿門田藪缺如

賓來陌上君住南村廿載餘桑麻雞犬足安居牆外
種瓜牆下豆更有梅花覆草廬梅花歲歲如人意一
歲花開一回醉十年又是古稀時依舊皤然成一對
是時老弟亦六十三老稱觴相向此未知酒力定何
如詩律年高應細入君學樂天才頗近十載竿頭當
更進相邀再賦雙壽篇賭酒看花君勿吝

雨後同南村訪陸退菴

退菴書屋隔南村一曲清溪帶小園春雨不沾芳徑
輒野梅香裏叩柴門

退菴以詩邀飲并觀劍架不及赴書以代謝

詩集卷六

三

聞道牀頭長劍在更兼江路野梅香高懷正美卻歸
去辜負春風酒一觴

送吳徵讀書澄江寄示江上諸子

江上春風長綠波琴囊詩卷一帆過別來吾黨多狂
簡遙聽鏗然鼓瑟歌

曉坐見落梅

小窗春暖曉光融百舌聲高樹影重庭院微風人獨
坐梅花如雪下簾櫳

花朝端士昆仲移酒同聖傳孝逸過東園作

春光催客動春憐乘興移樽蕩小舟出郭市橋猶巷

陌到門平地忽山川花當晴日欣逢故人坐芳園別
有天行樂及時君憶否爲君引滿賦新篇

二月十六日集斯友堂分韻得八庚

殘梅飛雪下簷楹白李紅桃又吐榮九十日春剛過
半兩三杯酒莫辭盈賓朋有禮如皇古烽火初安卽
太平里巷未須嘲野老朱門寵辱正多驚

二月二十五日同確菴聖傳茂長素樸赴南村

看桃之約不遇歸至映江門飲田父家卽事

同用灰麻韻

春郊風日綻桃花乘興來過野老家有酒莫教辭痛

詩集卷六

三

飲武陵何處說桑麻

紙窗木榻小茅齋弱柳天桃倚檻開斜日照人穿竹

隙菜花黃入酒杯來

次日述事寄南村

夙約在南村扁舟問花柳所居遠市廛自挾脯膾走
徐徐過郊郭行行歷渡口主人竟他出隔溪空吠狗
悵然停舟回舟行迷左右舍舟穿林麓放足信所扣
有花卽主人何必問吾友沿溪得數家桃李皆覆首
菜花黃如金遠映幾百畝中有小茅屋結構殊不醜
舍西環溪流舍北啟窗牖當軒坐短榻低枝及我肘

呼童布餉核田父爲煖酒清談雜雅謔小飲時敲搨
映林窺婦孺隔岸走童叟客醉日色低晚風起颺颺
行吟賦歸歎折花復盈手人生行樂處所值不必偶
劉阮經天台不聞坐相守桃源至今傳乃在迷路後
乍邁斯足奇久習反成狃寄語南村翁此理君知否
毘陵蔡仲全過訪談律呂皇極之學諸友皆集
紺溪講論竟日有作賦贈

律呂精微久失傳卓哉皇極更淵玄聰明忽暗西山
嗣靜悟眞成邵子賢百里神交今乍合千年絕學此
重宣寄言同志須珍重吾黨相逢不偶然

詩集卷六

三

仲全宿於桴亭池荷一枝正開有作奉和

獨立寒塘浸碧波曉風清露奈愁何人聞此種原應
少贏得年來日漸多

初秋懷曹尊素時在盩武幕中

極天關塞接醫閭有客蓮花幕裏居聞道秋來多去
雁無由卻寄一行書盩武去雁門咫尺

滇南文介石先生得家信虞九楚歸聖傳有西

河之痛同志置酒靜觀樓小飲卽席共賦
人生天地閒弱草集輕塵聚散固無定生死亦無因
理至氣乃從氣盛理亦乘介翁滇之南胡爲海東濱

隔絕萬里外身安道彌尊干戈止復作骨肉終見存
藥園偶楚遊魔忽動兵氛江波天地闊自分越與秦
須臾復靈帖相對共此樽寒溪飲溪頭父子樂晨昏
讀書山寺中朝夕共論文衰時憎聖賢魑魅竊生人
以茲不測理反覆難名論吾儕學道者欣戚慎勿攖
同在大化中主持固默憑願言勉厥德禍福任冥冥

寄懷尊素二首

一身扶策跨征鞍老去雄心尚未闌惟有故人知子
意秋風關塞客衣單

塞上秋風首蓓肥原鈔本南無警羽書稀故鄉亦

詩集卷六

三

有鱸蓴美張椽思家歸未歸

過寒溪有觸賦呈聖傳

七月寒潭溪水深繞溪徐步愜幽尋避人小築門常
閉隔院高松勢欲臨駒豹有徒能變俗沅湘無侶只
行吟祇餘世外清狂客寂寞相過一賞心

答呂誠之用來韻

君住山頭我水涯相看百里不爭差向平累在辜遊
展沈約愁多負酒家石屋近知雲作構東亭遮莫桂
為花何當一棹龍山寺共汲清泉坐煮茶

八月十二夜集高南旃齋同誠之囊旃坐月共

賦

薄暮開筵暑乍收冰輪西映碧雲頭仰看此夕清光
滿已覺人間海宇秋門內雍雍見家禮時座中有高氏子弟尊
前逸逸是名流場來屈指成三五坐待圓輝徧九州
十三日同彙旃南旃謁泰伯廟地在城東南二
十里行荆村蠻巷相傳泰伯端委處

錫山城東泰伯祠相傳歷世已三千荆村蠻巷如昨
日風俗人心非昔年古殿梁空蒼鼠過荒庭碑臥乳
羊眠只今端委尤堪慕瞻拜遺容一悵然

八月十四日東林釋奠并謁道南祠會講麗澤

詩集卷六

蓋

堂用邵二泉先生原韻

向是先民會講堂一椽初復陟猶荒碑從地底傳來
毀書院時舊碑藏地下柏是前朝種下香道南祠此日再回知
堂名再得道在取龜山詩流風復整識源長遺經講罷仍三歎
萬古倫常賴表章

十五日游惠山歸泝芙蓉湖作

盡日登臨曠馭收野航歸去出溪頭月來遠水千尋
影山入暝煙一抹秋風露空濛浮斷芷棹歌容與泝
中流遙知今日乾坤裏占盡清光在此州

答毘陵唐雲客見贈作用來韻

身將隱矣又焉文屹屹窮年未足云愧此原困虛歲
月漫將書卷作耕耘偶逢知己聊供粢無意名山不
畏焚珍重題詩遠相贈祇應所見不如聞

依韻奉答陸竺生見贈作

儼然齒德屬尊行過量相稱非所望問道無從沂鄒
魯干時豈敢適齊梁自憐小子抱微尚聞道名邦多
大方著述滿家猶未讀先聆新句似笙簧竺生著明
朝逸史凡

百卷

自鈔自寫意如何柱下藏書滿架多直與乾坤為砥
柱誰云歲月賴消磨一龕靜悟生虛白竺生精
元理十日

詩集卷六

五

春風仰太和相視談心真莫逆我來不負此經過

嗟子狂簡未知裁問禮西游見忽開盛德飲人恆醉
領元言玉屑自霏來五千言富惠施學一代書成司

馬才自與游疑當龍相印證私居淵默欲聞雷

荆川大儒祠說太極西銘用竺生韻

西銘太極義重敷賴有同心學不孤吾道向來原自
足諸公何用更參無擬窮二酉非真學能貫三才是
大儒莫訝西遊輕浪迹商邱七十尚吹竽

謁荆川先生祠

三百年來產大儒毘陵聲望壓寰區文章宗派兼唐

宋理學源流貫陸朱應制餘才傳愈盛救時心事久
終孚只今吾道榛蕪甚安得先生起共扶

宿楊亮文山園卽和蔡仲全韻

入秋未老景猶妍况是高樓古寺邊檻外碧雲時欲
落城頭紅樹迴相連論心自是千秋合講學誰爭一
著先幸有羣賢共扶植何當過此住年年

呂誠之先生以子五十作詩見贈時誠之亦正

七十復詩答之

君是東林老者宿昔年曾見魯靈光稱詩說禮隨先
輩伐鼓撞鐘登講堂但覺仙翁多甲子不知人世有

詩集卷六

五

滄桑我來攷古類徵信擬作商賢舊老彭

西山文宗往憲川南賦此贈行

夙昔抱微尚矢懷學儒先閉門陋巷中屹屹自窮年
豈云抗高節聊以拙自全自從我公來文教初布宣
諄諄扶正學幽隱皆翕然衍經廓前聖刪古惠今賢

公有學經衍義及衍義補刪復以千聖脈洛閩為淵源師儒得其

宗理要乃可傳網羅及小子指授成今篇輯周程張
朱書為備

遺編自有我公書日月再中天元明多儒者卷帙猶

紛焉在昔公詒書屬子再丹鉛著書明一貫經史悉

貫穿朝夕侍同堂千古共存肩斯文一何厄台旌指
西南維古有王尊臨險叱馭前文翁一入蜀聲教被
兩川今省公茲行兩賢實並肩蜀土初底定生意猶
未還乘此布教澤易俗如轉圜邊城不久勞內擢指
日開抱經伏海濼祇候車駕旋

五十感懷

不覺秋風兩鬢絲居然五十歲華移仰看黃髮傳經
日猶似當年侍讀時兒女成行驚老大身名未立愧
鬚眉幾回俯仰生長歎三樂於今詎可期
哀哀生我母劬勞五十年來沒野蒿詎有兒身經半

詩集卷六

三

百未曾母面識分毫廢書徒欲隨王氏泣血何從效
子臯聞道讀書揚後世江河東下正滔滔
讀書學劍總無成五月披裘躑躅行喪亂飽經衰杜
甫窮愁獨學老虞卿撫時有淚空長嘯避世無徒可
耦耕知我其希真已矣牆東託述了餘生
四十無聞五十推窮年屹屹竟何爲元文楊子頭先
白勳業周公夢已衰肯信乾坤容我老祇應身世使
人悲縱橫惟有牀頭簡長作潛夫佐酒卮
五十年前萬歷中風流俗美更時豐耕田鑿井油油
樂習禮歌詩藹藹風雲漢忽焉嗟竭澤黍禾旋復瘠

遺宮只今短褐窮簷裏俯仰憂時作老翁

歲月堂堂去我退秋風短髮漫吞嗟桃源雞犬人空
老洛社衣冠望愈賒齒未動搖難著果眼猶光彩已
生花知天學易談何易祇恐東家笑正譁

再過南村看菊讀冒暑灌菊詩賦贈

南村老人愛幽清種菊年年數百莖根芽能辨種粗
細晴雨解調花性情白日辛勤身不覺一秋懼喜眼
偏明獨憐送酒無佳客翻向君家索酒傾

答王石隱見贈作

詩集卷六

三

濯纓無處覓滄浪葛屨糾糾自履霜卓爾未能矜獨
立斐然誰與共成章狂瀾不作中流砥幽谷空隨衆
草香記得陶潛詞意好樂天知命敢遑遑

寄懷王登善提學

淼淼江波萬里長蕭蕭木葉下寒霜故人文教敷江
漢好客扁舟過武昌時確菴為楚游三楚山川歸几案一時
英傑在門牆十年風雨君猶記應笑狂夫老蠹鄉

湖東釣隱歌贈張月鹿

吾聞任公子垂釣東海濱大鈞巨緇五十轄會稽投
餌終年蹲一朝得魚海水立千里震蕩聲如神又聞
孔巢父掉頭不肯住東歸滄海煙霧深釣竿長拂

珊瑚樹古今奇士見每同曷不曳杖從兩翁蓬萊扶桑
浩蕩可以適我意胡爲蹶躡湖之東東方未啟天溟
濛蛟蜃出沒洪濤中東湖盈盈一勺水碧波清淺光
融融朝看滄山暮歸鴻得魚沽酒歌春風狂奴帝腹
尙爾嬾不顧何必辛勤夢裏來飛熊

詩集卷六

堯

桴亭先生詩集卷六終

後學李聯珪敬校

桴亭先生詩集卷七

太倉陸世儀道威著

辛丑至癸卯

初春十四日郁子儀臣靜觀樓雅集卽席口占

以下
辛丑

六街燈火爛如霞，簫鼓聲中樂歲華。勝友相過無俗

事，一春詩思在梅花。聖傳爲酒令座中人占一
經句句申必合春梅兩字

薛秋玉山中看梅不果貽詩索和依韻賦答

去春風雨梅邊過，今歲花開更少綠。鐵石有心難作

賦，羅浮無夢不成眠。臨風何處聞三弄，惜別應知又

詩集卷七

一年最是山中詠，梅客梅花不見也堪憐。

十七日龔子古民拙齋雅集步吳魯岡先生韻

舍後藏新築，深居遠市僻。溪流隨地合，花木比鄰成。

靜侶多無事，幽齋不待烹。從容杯酒裏，幽句喜相賡。

又次古民韻一絕句

輕風細雨溼江城，好客相過不用迎。滿座詩成春意

發，梅花一夜吐微英。

雙溪小隱詩十六首爲曹暉吉賦

春山鋪錦

春田碧草滋，開花散成綺。天半朱霞生，坐臥明光裏。

夏苗新綠

平疇一夜雨，蛙聲亂如沸。起視前村苗，照眼綠無際。

秋發黃雲

何處黃雲生，一望蔽阡陌。幸際秋成時，喜無戎馬迹。

冬歌午夜

燈火夜村明，鶯歌劇有情。終含辛苦意，不是冶遊聲。

虞山遠眺

虞山高幾許，遠望青一派。入我小窗中，贈我雲林畫。

雙浦臨流

門前雙流水，水急沙痕淨。夕照下歸帆，參差兩相映。

詩集卷七

曉樹籠煙

露氣曉何重，前村杳靄開。分明數株樹，錯認米家山。

夕陽返照

家住東海濱，海候日夕異。返景薄煙濤，時時成蜃氣。

櫂聲清宵

村流多小艇，咿啞至更深。不是江湖船，風濤易戒心。

游魚潑刺

子非水中魚，安知魚之樂。通川網罟密，莫厭溪流濁。

高隴披襟

高原心目豁，登頓時一眺。披襟當雄風，快哉發長嘯。

庭隈曝日

庭隈無北風野曠得日早不用賦無衣賴此黃綿襖

借農話野

野次逢農夫晴雨時相問絕勝市朝人機心不可近

伴犢耕煙

黃犢何苦辛耕罷汗如沐猶勝入廟犧束縛啖芻粟

長吟獨嘯

抱膝坐衡茅時成梁父句慎勿發高吟恐有英雄顧

瞑坐移時

閉門萬累絕胸中無一事不觀不聞中義皇千古意

詩集卷七

三

二月三日集魯岡先生達齋卽次魯岡韻

昔日鹿門多隱者望衡對宇往來頻牀前獨拜人耆

舊湯餅相過會率真世外年華忘晉魏座中詩句鄙

梁陳嶺頭花發君知否大地陽回別樣春

次韻答毘陵三生兄見寄之作

誰能與世共爭妍息影滄江古樹邊老去琴書徒散

漫興來魚鳥共留連躬耕竊擬陶元亮博物全輸張

茂先渭北江南無限量相思不覺又經年

題江湖客行樂小像

衛玠丰神映玉山輕裘緩帶紫雲綸請纓未遂終軍

志坐對春風盡日閒

養骨鶴

曾聞昔日鵝鵬化不覺榆粉笑學鳩脫骨未能離鮑

肆騰身便欲上揚州翺翔自得軒車樂束縛還仍酒

轍憂不舞不鳴終日住卻令庾亮笑殷劉

送江虞九之新安卽答贈三山邵是龍兼呈同

學諸子

山迴溪轉氣冲融越翻爲天地中晦翁一自考亭

開道脈至今闕海有遺風學經造次守方見交在精

神志乃通君到新安煩致語天涯雖隔此心同

詩集卷七

四

讀四明梵林高士詩史卻贈

昔人重闢幽閭巷多可紀木蘭焦仲卿千古芬頰齒

時衰風雅息直道亡譽毀侯門仁義存貧賤徒爲爾

遂令數百年寂寞無快史方外有高人采風好奇詭

徬徨山澤閒搜討徧遐邇務窮幽隱情欲以彰厥美

軒冕非故遺躬和我所恥匹夫匹婦心賴此以不死

二月廿八日集顧殷重宏志堂祖送滇南文介

石先生是日聞海上園田信

惡風吹雨十日臥九龍灣頭泥沒髀昨朝忽作一日

晴夜半翻盆屋幾傾顧子招我三益約短笠輕蓑衝

兩過是時滇南方戒途座上相與爲驪歌先生居婁
二十載海上日日春風和傳聞牛斗機槍見正值東
南光似練又問廟算重清野十萬桑田拚割捨人生
至此當奈何惟有高歌淚盈把先生去矣天南邊德
星又向天南懸善人所在兵氣隱安得普天率土共
受先生塵

吳門金孝章六十袁重其五十徵合壽詩賦贈
秋風叢桂月初圓兩地桑弧一日懸處士星高光正
爛藹陔日暖色方妍千秋倫鑒稱師表百里供親號
大賢問道十年兄事禮同心合壽並堪傳

詩集卷七

五

甌山士

越甌底山有鄉塾師亡其姓氏丙戌之役與
鄉人約曰吾不復食矣當活埋我若等爲我
備兩缸覆之鄉人給曰諾越日索缸鄉人遂
置之猶以爲戲也先生於山陽命開墳置缸
端坐令封好鄉人果覆之又越日鄉人呼曰
先生先生曰諾鄉人曰爲先生出之先生曰
入不復出矣連呼五日皆應至六日遂絕聲
越人稱之曰甌山高士雲門梵林述其事係
之以詩并來索和爲作甌山士一首

甌山士甌山士甌底山頭授書史人生何用讀五車
但須一識忠孝旨輅車北來飲江水金龜銀雁飛都
市越國風塵高蔽天兩缸覆我甌山前有碧落下
黃泉冥冥長夜年復年普天絕無乾淨地甌山猶存
土一簣

越舟女

越舟女亦雲門梵林所述丙戌錢塘不守越
城騰沸婦舟競出舟塞港不得前遇騎將掠
之婦女皆相持入水至聯舟俱空

越舟女越舟女盡是深閨洞房侶一朝鐵騎過錢塘

詩集卷七

六

撇捩聯舟赴江渚君不見臨安城深春睡濃日高妝
鏡猶緘封蘇公隄頭二三月畫船歌舞來春風遊人
近前面發紅相將竟入馮夷宮越舟女越舟女節義
芳名吾與汝誰向王家秉國成忍使江潭葬羅綺君
不見古公之郊無怨女

贈虞山孫孝維三十詩

君家夙昔本神仙偶作人間住世緣朝佩蘭英遊澧
浦夜吹藜火讀遺編周郎顧曲方英少蘇晉長齋亦
妙年聞道相將河朔飲興來欲放剡溪船

又贈虞山孫孝維三十

朱門有貴客顏色踰瑤華玉佩曳輕雲高冠燦朝霞
目窮二酉山胸貯十牛車清歌妙若神玄言愜幽遐
更念浮生因齋心禮陀耶人處濁世開疾如駒隙過
三十悟無生舉目皆土苴常從梵天游世榮安足誇
三月初二日同石隱聖傳儀臣過鴻逸春星草

堂

郊郭新晴細路斜春風攜手兩三家村莊處處如鋪
錦不是桃花即菜花

柏木橋邊春草堂麥風吹浪野花香攜琴載酒春風
暮小酌微吟白晝長

詩集卷七

七

四月十二日集蔚儀王子銘非堂卽事

斜風細雨弄春寒策杖衝泥興未闌爲愛素心同日
夕非耽逸樂互盤桓學能自得空立釋詩有奇箋異
鄭韓相對夜深重秉燭不堪往事涕汎瀾時魯岡先
生述崇禎

十三日集儀臣靜觀樓卽事步魯岡先生韻

薄晴天氣共登樓雨脚猶存水面漚自有燒豬堪入
社何須投筆羨封侯一觴一詠致足樂輕暖輕寒渾
欲秋吾輩疏狂君莫笑幾人無事在心頭

貞松篇爲余澹公郡伯母夫人賦

貞松高高極天偃蓋直上青雲顛食冰茹雪不知歲
但見洪濛一氣相連綿修枝摩蒼穹孤根結重玄千
年化石作神物徂徠雷雨時蜿蜒翠實離離大如斗
遺種雙生在岡阜參天復作棟梁材來蔭江南百萬
畝

贈江陰孔蓼園葺梧廬家廟詩蓼園孔子六十

六世孫長子五歲從學於子

地闢天開卽有人直從東魯定人倫爵崇南北誰能

並孔氏有南北位在賓師孰敢臣闕里宗圖方遠錫

時宗俱賜爵行聖公遺宗人以宗梧塍祖廟又重新素王支派

詩集卷七

八

高天下克紹心傳始是真

和石隱傷足自慰之作卽用十一尤韻

年登杖國盡扶鳩老健偏矜足力道杜甫階前泥正
滑子春堂下步難收那堪木榻埋頭坐管宜坐木榻
當兩膝處皆
穿石隱傷藤故云只合隆中抱膝休海上近聞征調急塞翁
牌折未須憂

又戲成一律并書贈

誰道今人非古人姓名前後恰相因著書窗下雙王
育漢人有與石隱同
名者亦著字說傷足堂前兩子春石隱舊
名子春工力
未知誰據勝遺逢也是一般屯莫教吹入浮屠耳添

得輪迴一說新

讀黃端木孝子詩親紀程一百韻即贈孝子

吾吳有至人人稱黃孝子貌不踰中人口不言臧否
恂恂鄉黨閒靜好若處女兩親宦滇南相隔萬餘里
兵戈方阻絕異國各驅圍苟非大師克相遇安可擬
孝子孱弱質獨身奮衣起時維辛卯秋臘月嚴寒裏
倉皇去家室慷慨歷城市由浙經江西南楚穿湘澧
沉疴至晃州遂入滇黔鄙千山與萬山千水與萬水
春夏秋冬間寒暑及風雨豺狼所窟穴盜賊所結聚
苗獠所出沒瘴癘所吞吐突兀骷髏關縱橫犀象伍

詩集卷七

九

森嚴奪魂魄奇詭蕩肝肺孝子志益堅鐵石為心腑
晝夜不休息疾病不停止灑血足彌奮瀕死神益鼓
大險悉若夷竟達雙親所借問從者誰孤身孳行李
一囊與一蓋下惟一草履雙親在絕域變亂不勝數
士司始發難流寇旋攻取全滇如鼎沸乾淨無寸土
出沒任斧鑿奔迸借虎兕不屈幾試劍再奮復遭縲
大德天所佑終幸獲福祉棲遲白鹽井萬念成做屣
豈無鄉井思妄想徒為爾孝子忽東來彷彿人與鬼
相對牽衣嗝拭淚還驚視地北與天南離生兼別死
豈期一日間骨肉重相敘鄰人滿牆頭相顧皆出涕

獬豸與夔人亦作侏僂語孝子謂大姚絕域非桑梓

或歸或不歸兩親慎所處大姚謂孝子我亦欲東耳
安能兵燹餘鬱鬱久居此願吾生計竭誰與贈資斧
吾昔多門生患難頗相倚山川遠隔絕此事當累汝
孝子應聲作土前再拜跪更從迤西行視道真如咫
一進青蛉城三入姚安治楚雄及鶴慶劍鄧諸夷部
城牆震頂脊海水沒腰膂往返又三千歷盡諸艱阻
徘徊壬辰冬歸裝方有緒門人共祖道百計猶援止
行行重行行顧我同門士并州如故鄉揮淚不能已
孝子初來時隻身無伴侶艱辛雖萬狀生死惟一己

詩集卷七

十

此時歸途中兩親與幼弟弟或任勞苦兩親齒衰矣
早暮須調攝食飲須甘旨登涉須扶持疾病須嗅咻
僕夫四五人尤難善驅使知慮苟不周肘腋生齟齬
孝子足精誠一身兼婦豎曉行問歧路晚宿探逆旅
涉水試淺深登山詢蛇虎膳飲必親供枕簟必親理
溺器必親滌衣裳親澆洗倉皇有急難應變疾如矢
強暴或窺伺未形即消弭迂回夜郎境經互牂牁
嚴關何以度夫守鎖鑰啟幽險何以出蠻夷皆執禮
更有洞庭厄此非人所主權傾舵復裂江魚礪其齒
掀天駭浪中萬斛如一蟻須臾竟卒渡豈曰非神祐

入江雖稍安風雨蒸溽暑親眉未展舒子心詎能喜
季夏方抵家始脫征途苦憶昔任大姚賈從癸未始
去家十載餘今適當癸巳孝子出門行亦復經三祀
五百三十日足跡無寧畧思京省凡七三十有三府
州縣與衙司筆不可勝記二萬五千程寸寸芒屨底
異國聞其賢俯首生愧恥况吾同里人寧不羨高矩
一時共激勸萬戶同吟侈流傳動風人載入宮商譜
村莊八九月處處築場圃父老挈兒童賽社看歌舞
見者爲揮淚聞者爲誇詡孝子子行葛屨侵霜趾
兩親在高堂菽水猶艱舉葉公好畫龍真龍反遭侮

寄語世間人毋爲混朱紫

同友人至安義留別同學

世事如翻覆端居忽遠征時危江海穩命賤別離輕
旅況依童僕家艱仗友生謀身殊未易努力祝昇平

錢塘行

海門光發曙尾上舟人解維候潮長數舟相傍參差
行擬舵開頭水聲響天邊日出光溟濛曉起不辨江
西東青山兩岸斷復續千里百里來羣龍問昔錢塘
形勢壯怒濤如雪兼天浪奔流直至富陽山商賈雲
屯魚鼈旺何年沙漲江形蹙三尺清波侵馬腹潮聲

不上湧金門城邑蕭條生氣薄只今時事尙多艱絡
繹兵車互往還虎牌日日驚船埠馬矢朝朝滿市闌
更聞清海人塘沸處處山頭望廷尉舟人相戒過溪
灘談虎猶看色驚畏民生憔悴久無聊况是今年旱
魃騎江南江北數十郡六月無雲土盡焦我發吳閶
向東浙場圃從無禾稼列村村罷市避兵行門闔泥
封煙火絕人生值此總堪傷如火征徭迄未央何時
得覩太平樂青山綠水恣徜徉

自錢塘至常山溪行

清溪七百里日日鏡中行有水皆鋪石無山不入城

千村紅樹色一路畫眉聲安得嚴灘老相攜足此生

過釣臺有感

漢時風俗猶清樸帝腹無難讓草茅一命便須忘舊
友何能天子惜窮交

羊裘澤畔老編氓天子親迎不肯行漢室山河今在
否釣臺終古屬先生

上灘行

朝上灘暮上灘灘高水急何艱難青山如削兩岸盤
牽舟百丈浮雲端碧流澈底素石攢赤者琥珀青琅
玕手掬碧流弄素石舟行舟行爾何迫佳景當前良

可惜

下灘行

上灘一何遲下灘一何駛飛泉百道來溪流疾於矢
筒車軋軋石齒齒小舟如葉坐篷底砉然長嘯清風
生山奔谷行樹披靡回首沙際上灘舟竹篙聲礪喘
未休人生順逆有如此何用區區歎亨否

常玉山道中

孔道當江浙山村昔晏如何年遭喪亂今日剩邱墟
破屋猶兵氣居民半虎餘驛驢殊未已哀此釜中魚

登滕王閣

詩集卷七

十三

漳江水急接天流高閣重新江上頭才子文章千古
在滕王名姓至今留西山南浦來朝爽城郭人民起
暮愁獨立憑欄無限思浪花吹滿白蘋洲

旌陽宮

朱楹碧瓦麗層霄聞說仙宮自晉朝鐵柱夜騰妖蜃
氣藥臺春長舊丹苗功存捍禦神靈肅澤在人心廟
貌昭劫火幾回燒宇市魯靈光殿獨岿峩亂後城中俱毀惟旌

陽宮獨存

南昌昔稱繁庶城之東南皆宗室與搢紳大家
也變革後復遭金王之亂靡有子遺迄今十

二年矣西城生氣漸復東城一望猶邱墟如

故詩以弔之

昔日繁華地今成瓦礫邱王侯青草燐紅粉白波漚
事業竟何濟傷殘徒爾羞蒼茫一憑弔歎息淚空流

過梅嶺

梅福昇仙處

章西深僻處十里兩峰交嶺路多綠湖山田半在坳
泉聲春紙戶竹色射鮫巢梅尉飛昇後無人更結茅
界溪

地山巔居梅嶺長嶺兩峰之間寬闊十里

許中饒土田居民以種竹春紙為業金王之

詩集卷七

十四

亂兵襲不及土人多熊氏人稱界溪熊

去地已十里兩山圍四邊石橋雙澗合村塢一沙圓
生計嶺頭竹傳家屋下田天成遺種處擇地羨前賢
熊氏之先名兆宋布衣
受業晦菴之門號拙逸

安義山皆赤土過長嶺憑高下望恍蕩如紅霞

喜成一律

豁然過絕頂一片見紅霞赤縣那堪似丹丘未足誇
雲陰疑日照臘盡忽春葩錯認河陽治幾成滿縣花
除夕時在江西安義署

年年除夕在衡門蘋藻雖微祭祀尊穉子易衣隨拜

早水來峰頂澗溝明野蒼僧去廚煙寂山縣人稀過
客驚忽憶故園當此景東風楊柳亂嘯鶯

龍津渡看調馬

春江水淺岸沙平嫩草如茵細細生騎馬未調初試
勒健兒方壯競爭名蹁躑影入垂楊遠跋蹠聲來綠
野輕多少太行騏驥足鹽車踟躕但悲鳴

試射

野寺門斜竹樹稀修江沙淨水痕微已將玉勒調騎
馬更選瑯弓射落暉新月初彎雙鏑響輕塵不動一
星飛老夫筋力衰慵久也向圍場一解衣

詩集卷七

七

懷白鹿洞歌

我來西江遊半爲白鹿洞白鹿近在几案閒咫尺相
看總成夢新年主人入郡中拉我同往聽松風春寒
雨急去不得連宵寤寐皆忡忡主人歸來向我笑此
行不共亦殊妙名賢勝地昔所聞況是春丁祭祠廟
洞主祠官聯警人騶從如雲人翁集洞生肅穆四十
餘鞠躬盡向山前立須臾俎豆滿山祠禮生贊禮祠
官揖既灌而往不足觀燎火初熄人聲譁祭公自古
不宿肉陳平分肉作宰寬仲叔高風不可學歸遺盡
是東方朔忽焉人散車馬空止剩青山對樓櫓可憐

樓櫓在青山風雨無人四壁斑絃誦何時聞再作樹

頭山鳥鳴閒關惟有高峰稱五老屹立當空向晴昊

峰下長松百尺長離立如人拱官道吾聞此語長歎

息自古人亡原政息山川草木有何能栽培總是名

賢力當年李渤讀書臺白鹿曾游洞裏來地僻山深

靈秀聚高人過此多徘徊秘書先生心獨苦竭力經

營爲千古金谿一席講堂開快論驚心汗如雨只今

山水自年年堂構音容尙儼然義利芳規開卷在西

江誰肯讀遺篇

同周允祥蕭漢桓同登南城壕塔塔爲徐吏部

詩集卷七

六

上衡所建做安慶式製極奇巧內外都不用

木一磚直上中爲螺旋拾級以登惜工力不

繼僅五層而止登其巔平敞如臺高曠極目

乍看修塔起城壕九仞功虧一篑高鶴欲下巢難著

腳螺雖有旋不成尻合尖似歉人工少到頂翻誇眼

界豪安邑彈丸何足論只今匡蓋一秋毫

清明日同署中諸友出郭閒步

風雨浹晨夕曉起天忽露日出山泥乾郊郭同縱步

岸淨沙逾白水集江漸大剛來新燕子飛飛兩三箇

雜時正清明人家上墳墓紙錢一何微樸俗守其素

憶我江南天祭埽方如鴛士女攜酒肴踏青笑盈路
游子何不歸松楸動哀慕客悲易傷人棄去且勿顧
徘徊大塘寺躑躅龍津渡小邑無勝遊所歷皆再過
幸者雨沾足田疇起耕作終歲倘獲豐久客亦無惡

城北再試射

淺草綠蕪平城頭落照明春和綫臂短風暖畫笳輕
箭急林鶯避鶻鳴窟兔驚莫嫌頻習武盜賊正宵萌
時聞靖安
有山寇

出西郭

村郭帶清谿風光似灑西水行橋上下山出樹高低

詩集卷七

九

農人於湖濱引水
水多從橋面行 遠屋雞豚足平田菜麥齊西江農
事早黃犢已耕耕分體翠
木作翻翠

密陂

密陂為一邑水源昔有古堰今廢不修治邑

多畏旱故特訪之

為訪源頭水安義人景有台
頭語水即此 來遊到密陂雙谿分遠

澗一堰障清漪石嘴隄穿溜沙崩岸走歧隄旁又廢
決一口

與民命在慎勿憚修治

台山菴

聞昔朱晦翁曾遊此蓋為熊拙逸周舜弼李

晦叔劉炳文諸門人來也

聞道台山上名賢昔此過不因蘭若秀應是素心多
山水佳無盡風流迥不磨萬松天際響猶似聽絃歌
夜雨不寐

無端作客向天涯九十春光萬里家蝴蝶夢遙天未

曙蝦蟇更急雨如麻昔人謂木麻
夜為蝦蟇更 海雲漠漠吳山

杏湖草青青楚水賒記得去年新漲裏小亭修竹聽

鳴蛙

龍津春漲二律

東風吹雨過山城一夜春江水驟生柳岸蒲汀涯不

詩集卷七

三

辨浴鳧飛鷺眼俱明臨流塔寺開門汲接渡舟航滅

容行只恐桃花隨浪下波閒神物欲相驚

百里修江極望來環村帶郭水濛洄連朝不斷千峰

雨一夜爭奔萬壑雷無數落花成錦浪滿前輕綠發

新醅春晷最是三農喜坐聽歌聲處處催

壽金陵侯表妹丈五十時同在安義署

廿年蹤迹徧天涯不覺星星上鬢華避暑亭酣菖葉

酒海山樓俯荔枝花壯時每共陳遵轉老去還同博

望棹客邸莫嫌春寂寞滿前鼓吹有鳴蛙

戲呈同事

千里參軍遠道隨城深草木聽鳴鶴校書欲近檀公
肆礪齒常過漂母祠頓避黃河仍曲直俛隔白小更
神奇中原徐鉉方歸聘□□□□□□□

代答確菴

一官如寄坐空寮山縣無人書寂寞午市正閒看鬪
雀曉衙方報聽鳴蜩折腰五斗歸難賦築室千峰隱
自招若問荒城何所有不須防虎更無潮時確菴來
湖聲夜防
虎之句

代答石隱

窮愛官評一字稱而今窮字得能憎民窮到骨應難

詩集卷七

三

瘵撫字心窮孰肯矜時石隱來詩有窮是
官評一字歲之句

答確菴見寄之作兼呈虞九時確菴從楚歸虞

九亦在新安幕也

十年講論共艱辛一夕風塵盡隱淪豈料鵝湖爭座
容盡如馬隊校書人經綸補救翻成恨山水登臨亦
悵神張翰歸心秋正切江鄉祇恐欠鱸尊

按行狀作七絕一首云廿年學道共艱辛一夕風
塵盡隱淪何意鵝湖登座客半為蓮幕捉刀人與
此小

異

答聖傳石隱諸兄見寄之作

無端千里作驅馳楚水吳山兩鬢絲總為賤貧離別

易卻因衰病往來疲西川杜甫頻搔首彭澤淵明未
皺眉鹿洞鴉湖何處是雞豚豚柵隊中嬉

五日龍津觀競渡四首

龍津渡口闕龍舟岸闊風狂水急流千戶競觀人似
蟻六龍齊奮浪如邱鼓聲欲碎夫人杖麾影平沈太
尉旂御憶鄱陽河上戰只今惟有去來鷗
方舟作駕輓為亭移棹中江泊淺汀一望水光連野
白四圍山色向人青蛟騰龍躍天俱動鼓急旂橫畫
欲眠聞道海波猶未息健兒莫令老滄溟

汨羅巾屈自年年習俗相沿盡失傳艾黍未聞沈水

詩集卷七

三

去蛟龍先已向波旋旌旗影裏金鱗動鏡鼓聲中白
浪顛底用近疑當誇誇身手好總來乘馬勝乘船

昆明初鑿漢宮池武帝雄心寄水嬉一代軍功成內

政千年畫鶴鏡河涓長江已不分南北壯士何勞習

鼓旗回首西山紅日照暮雲飛雨過城隍

聞登善湖北歸卻寄

羊腸鳥道未崎嶇宦海風波頃刻殊豈有詩書成斧
鑕印看慧苴作明珠青天雷電方驚壓幽谷陽春忽
又蘇世事浮雲總無據五湖煙景儘堪娛

寄答翼微九咸二子

長路關山首重回片雲飛傍楚江隈誰云周續談經
至只是淵明乞食來客邸情懷催我老故鄉消息使
人哀問江南旱不能少年搖筆知才健潦倒吾驚髮
雪皓薛兼有海誓

牛女二星主人閒耕織之事自齊諧有織女渡

河之說而詩家紛紛以此爲戲讀宋邕北斗

佳人雙淚流眼穿腸斷爲牽牛之句嗜甚矣

既鄙古辭又多今感因成二律

天上人閒事一般雙星此夕會雲端可憐畊織終年

苦僅得河橋半胸歎服輓戴星供賦早七襄終夜報

詩集卷七

章難寄言田叟和工女從古如斯莫怨歎

河漢盈盈一水歧兩看牛女在河湄衣供雲錦難拋

織賦急天家不下犁烏鵲情多空助駕銀橋路窄暫

牽綉莫嫌天上歡娛少猶勝人閒竟別離

又天孫乞巧二律

誰道天孫天巧多天孫雖巧奈愁何星流夕漢梭無

盡錦燦朝霞織易過貴在帝家難望赦機支天上亦

須科最憐終歲常勤動止博牽牛一渡河

莫道天孫巧不多天孫畢竟莫誰河牽牛小隔還相

見烏鵲遙飛卻喚過雲錦自然非浴繭機絲常在不

催科民間多少化離女歲歲無梁難濟河

中秋夜坐月

去年此際別鄉關浹歲逢秋尙未還一夜思歸頭盡

白月明如雪滿千山

玉簫金管雜名謳行樂憑人說虎邱料得石場今夜

月清暉不是昔年秋

答邵存齋見寄作

家鄉景况近何如問道南樓尙可居風雨知交還載

酒晨昏父子自攤書石隱書來云朋儕甚苦惟存齋父子德業俱勝壯懷流

水他年杳良友長星此日餘登涉勝情無勝具不如

詩集卷七

歸臥老吾廬

答陸鴻逸見寄之作

九月風高氣轉清亂松枯草對愁城時江南旱甚五月不雨

魂千里故鄉遠客思一天秋雁橫野埠標鳴宵有火

安義地多以埠荒溪水涸夜無聲署內有溪山泉流稱時方嚴盜警

詩來忽憶家園樂握手春郊漫送迎

秋晚登署樓

秋老署樓清登臨正晚晴城低平野入葉盡遠村明

水際馬羣立沙邊人獨行高風吹我袂忽忽動鄉情

江楚大旱早晚禾稻俱不登差繁賦急感而有

賦

絳雲如山盛天左夜夜燒空乘炎火天河水竭星宿
乾潭底蛟龍守泥坐從來江左誇狀田三湘七澤相
鉤連一朝盡化作焦土千里飛沙没人股君不見南
詔軍書日旁午驛騎持符怒如虎溝中捐瘞可奈何
空村夜哭愁催科

宿署樓夜雨

作客近經年鄉心絮絮牽暗山孤署冷鳴雨夜樓懸
歷亂城頭柝迷茫江上船一宵渾不寐翻作五更眠

冬至前一日大風

詩集卷七

五

節候逢冬至微陽正養和如何長日夜忽作大風歌
樓欲空中舞身疑海上過無窮人世慮不覺鬢成皤

冬至日得雪

數載希聞雨雪飄喜逢呈瑞是今朝故鄉此日知同
慶明歲祈年或可微眼底塵勞聊戲爾山中風月白
相招青春作伴還鄉去鄧尉山中可挂瓢

聞文介石先生歸途卒於湖廣之桃源縣遙哭

四首

廿年相聚忽西東回首交情似夢中萬里微官猶正
朔一方絕學是宗風滄桑尚喜邱園在雨雪翻悲道

路窮寂寂雲山千疊裏白楊黃草葬衰翁

身世天涯總不殊難忘邱隴是吾儒千重嶺嶠雙蓬

鬢萬里風霜一做禱避地已無東海哲移天安有北

山思祇餘魂氣隨孤旄夾路深林啼鷓鴣

聞說桃源好避秦卻教榮綺枉迷津衣冠幽谷三更

月書卷空山一片雲誰道孤臣心似鐵可憐新鬼髮

如銀蒼梧帝子魂何處鶴唳猿啼應共聞

猶記扁舟祖送時一樽別酒百篇詩晨昏飲啖殷勤

燭山水登臨鄭重期共羨蘇卿歸塞北先生在此爭

看疏廣返家祠誰知日月曾無幾為位空菴哭九嶷

詩集卷七

五

東諸同學為先生位
會哭於所寓之景陽觀

登署樓第三層望西山積雪

西山高幾許積雪耀層樓日映光逾麗煙開色欲浮
海濤初捲浪崑崙玉頓成邱一笑天地改欣然忘百憂
積雪奇在暮危樓更縱觀光來渾不暝風起勝生寒
林壑依稀在峰巒澁漫看不須明月照白壁夜光攢

過赤土坪

赤土坪無草木生一波欲起一波平斜陽影裏輕輿
過如踏紅霞天上行

正月三日喜曹尊篆至署夜談

以下癸卯

同在故鄉際別久卻於此地漫相逢須眉乍見驚俱
白事變頻遭話並濃躑躑風塵非鞅掌浮沈榜散只
潛蹤新春幸際屠蘇酒莫怪山城酒不醲

元宵署中同尊素夜飲

異鄉佳節易傷神幸銜杯有故人曼衍魚龍聊作
戲喧闌兒女亦開聲安義元夕多龍燈入署管絃急
盡舞兒童婦女隨之
聽家鄉曲燈火俄成海市春曹使為龜山又善度曲
與主家僅吹洞簫倚歌
相和倘得良宵盡如此羈人何用歎風塵

答王石隱見贈作

無端作客滯山川楚尾吳頭又一年豈是講經來馬

詩集卷七

隊御令元亮費吟篇

答宋子猶見贈作

聞道韓康隱市城兒童婦女盡知名何時得覩丹經
要好與先生負杖行

答歸玄恭寄贈作

比來狂態定如何戚莫悲愁喜莫歌多少人間顛倒
事乾坤只好醉中過

寄陳確菴

秋風索索雨霏霏江岸泥深蟹正肥猶憶尉遲潭上
醉解衣染指坐忘歸

江生位初才而不遇以詠物詩八首見寄詩以

慰之

擊劍論文意氣多不堪人事日蹉跎雄才莫怪頻遭
抑李杜何嘗是制科

從劉秀升孝廉乞矮桃桃長僅二尺結子將熟

則核自吐苞仍舍

聞道天桃種傳來自海南花開長僅尺核結吐仍舍
豈學王戎李應同董素柑從君乞一樹小圃寄幽探

樓居六首

我昔好樓居豁達喜無礙仰窺天維高俯矚地軸大

詩集卷七

天

衰年迫世運意興無復賴乾坤莽廓舉目但蒙昧
日光照我面自覺非昔態少壯何迂愚反掌握三代
誰知頭鬢白乞食千里外閒廂展書讀自顧發長喙
高山何巍巍遠水何悠悠日夕見山水不離樓上頭
我來西江隈感忽已二秋束縛竟何益蹉跎徒爾羞
春風吹柳枝新綠徧芳洲物類雖無情乘時亦油油
我有萬古懷焉能日淹留會當縱六翩遐覽丹山邱
晨鼓曉衙催暮鼓晚衙畢晨昏鼓冬冬吏冗無朝夕
山縣雖少事案牘亦狼籍書生昧時務勉效寸尺
豈敢云代庖聊以當食力情暉照戶牖白日真可惜

子生固頹情何竟事茲役攬鏡時一顧歎息復歎息
晨曦入高樓照我樓上書書中何所有上言唐與虞
唐虞何所似悶悶復于于奈何自茲往與彼絕不如
坤乾職覆載上下理或殊鬱儀與結鄰時時失其居
棘荆軻蘭芷窮奇啖騶虞我欲展書讀再四還躊躇
但恐造化驚掩卷姑徐徐

王勃賦西山乃在樓之東朝夕拄頰看佳氣鬱龍蔥
晴飛李嶺雪雨吐千丈虹迴薄隱田疇紛披產芎藭
聞昔梅子真棄家隱其中何必果飛昇累盡神乃充
但恐今時山未必古時蹤縱無高枕地徒使心憶憧

詩集卷七

元

吾聞匡廬高高且萬丈餘下有猿鶴棲上有神仙居
去此三百里極目蒼天迂望空隔青鸞浮雲蔽空虛
培塿何其多歷亂環城隅孔周不可見乃與噲等俱

題歐峰十二景

雲居晦山師子舊同學也已亥歸吳相約爲
雲居白鹿之遊比子至安義去雲居不百里
欲一過參而師又復渡大江往黃梅挂錫矣
人事錯互且老嬾成癖不獨白鹿遠不及過
井雲居亦未至白鹿舊春曾作歌懷之雲居
獨惘然今將歸矣無可寄意夏日偶讀晦師

佛印橋

以佛印鼎建得名今號碧溪橋然蘇東坡詩
云欲與白雲論心事碧溪橋下水潺潺則是
在佛印時先名碧溪矣而紫柏詩云佛印橋
頭夜月涼必追思佛印後以人名也在寺前
學士才名徹九霄印公機捷不相饒當年二妙歸何
處碧澗青山空石橋

石鼓峰

其形正圓面如削成恰橫架上而向常住上
有四大字相傳佛印遺蹟

詩集卷七

三

圓石橫空似鼓懸留題名蹟久相傳碎訇一震乾坤
動此石原來本寂然

鉢盂山

適當明月湖前端正周圍天然作案

萬仞峰頭一鉢奠千秋常對寺門新星辰夜夜施天
食風雨朝朝洗刹塵

羅漢塔

在西嶺上至今屹立洪覺範石門集中宋太
平興國時一龐眉僧在雲居患瘡洞爛遇武
牢僧慧了為洗摩獲愈甚有恩惠臨別語了

曰若至湘江可訪我於南嶽石厓峰且贈一

紙裹去後發視則瘡痂也心甚惡之投之火
發異香怪而藏之遂往訪果途遇談笑極歡
問石厓峰安在老僧望南嶽一指隨即隱形
了後進方廣寺見十六羅漢注茶半託迦尊
者即龐眉僧也驚喜之極後又飛至南臺了
感斯奇異歸雲居即前送別處取瘡痂建一
塔至今稱羅漢塔焉

昔時羅漢昇天去此塔猶名是託迦不信上泥能變
化即看舍利是瘡痂

詩集卷七

三

雲頂田

雲居之奇在峰頂有田青疇綠畝環遶寺門
初夏農興雲裏歌聲唱徹空際誠世外絕景
雲居山頂好田疇水旱凶荒百不憂最是人間希有
處催科不到萬山頭

蓮華城

雲居外望山勢最雄纔一進嶺坦然平正四
面峰圍儼如蓮華又宛然一大城郭蘇黃圓
悟稱為天上雲居佛眼亦謂雲居甲於江左
內有湖南祖庭絕勝

誰把蓮華變作城枝枝葉葉自分明一城人住蓮華裏恰似西方上品生

羅漢牆

繖居顯愚大師筆石壘成堅繖廉隅莊整不
朽石上有羅漢垣三大字

烏道雲羅六七盤山中日月到來寬此間空色原無
界多事阿羅強設垣

神宗御筆

唐宋古蹟多廢不存神廟中諸緣斷公奉教
重建特恩寵資御筆頗多今禪堂懸扁曰寫

詩集卷七

畫

過未能柱曰智水消心火仁風掃世塵神廟

御書名山壯觀輝煌萬載

標題御筆鎮山門將謂山門賴此尊豈料百年塵劫
換御書反賴法王存

復合神鐘

寺有巨鐘中葉院燬居民輒至聖水塘裂開
大鑿寺重興昇歸覺復合不擊自鳴者累日

壬辰夏余爲手書梵咒於上令僧撞擊以濟
幽冥焉

何年怪物敢真妖不擊能鳴覺自消神筆梵書成鐵

畫棒槌百八任昏朝

新秋

遠客無所苦悵然心自悲況當新秋時涼雨吹葛衣
矚目視層霄浮雲颺西馳原頭禾黍熟比屋動新炊
黍嘗久疏閣俯首念歸期

銅雀妓四首

英雄敢欺人大言色無沮築臺本游觀謬云將耀武
二喬不能致美色總塵土三歸表功勳朝夕教歌舞
誰知天王家不克庇僑侶月黑昭陽殿複壁冤魂語
魏公曉得志高築起臨漳天命已在躬臺池效文王

詩集卷七

畫

金珠耀屑構銅雀森翔翔房櫳粉黛列戶歸椒蘭芳
歌鐘日夕喧不聞讀禪章詒謀有定算賈履及分香
分香何紛紜賈履亦細碎頭白如皓雪欲誑紅粉淚
紅粉青樓人生平工作僞情人尙無情何況老死魅
露盤金銅仙辭漢亦流涕懸知妓人淚不向西陵墜
西陵臺之西絲絳復纒纒美人高臺上朝夕朝靈几
奏樂舉哀聲欲淚還復止疑塚七十二哭向何者是
抱頭有嗣王幸君知我喜矧茲臺中人行雲逐流水
石馬碑未出銅雀臺已圯止餘臺下瓦磨墨編青史

曉發德安

日出曙光浮繁星沒渡頭白雲山塢曉紅葉野塘秋
亂水迴車馬荒田宿鴛鴦彫殘殊未起征斂使人愁

德安道中

曉發德安縣匡廬已在目山尊侍從眾百里起林麓
繁如星麗天紛若棋覆局疊如螺行泥竄若蛇走瀆
委蛇復聳峙高下遞起伏雜時天方明微靄漏初旭
露光溥四野草木皆起沐白雲如輕綃宛轉束山腹
朝起人力銳輿馬互相逐歌呼入林莽笑語動山谷
扶攜陟岡巒凌兢渡澗曲叢山鮮居人樵牧偶彳亍
睢盱驚過客徒倚共窺矚忽然山徑轉豁達見平陸

詩集卷七

五

早潦多傷殘開亦半成熟老穉收遺穗烏雀飽餘穀
菜麥正及時耕播勤灌沃歷落平疇閒時有負犁犢
高原霜後樹風動紅澗漫西江雖貧瘠風景固不俗
行行及隘口兩山勢并束左顧為匡廬高峰半天矗
右山亦雄偉對峙儼城郭意欲相匹敵形勢少弱薄
中饒良田疇廬舍頗連簇林巒互映帶澗水競縈複
晉宋諸名賢纍纍見芳躅柴桑尚有橋讀書猶有屋
昭明王逸少池墨見斑駁兩人俱有墨池一在開光一在歸宗古來名
勝地高人每卜築及其久而衰往往祀乾竺平陂理
或然興替情所觸歸宗與開先游者趾相屬堂臺伴

王公金碧窮土木壁間新石刻層疊不勝讀約略覽

姓名多半岳與牧豈無兵燹灾指日計興復乃知象

教力今古並神速舊聞此山陽有洞名白鹿先賢所

遺構名稱貫九服所歷多廢興徒傷茂草鞠近聞頗

修營竊恐未彬郁古人重餼羊稍整願亦足日落山

路昏逆旅競投宿明晨訪五老策騎江城北

過歸宗寺

昔賢名勝地捨宅供阿羅山水風流在碑題舊迹多

池痕猶帶墨溪色欲浮鵝不盡登臨興恩恩愧一過

聞有三峽橋之勝未及一訪

詩集卷七

五

讀晦公集有題歸宗牡丹詩訪之時已稿矣因

成一絕

洛陽名種世同珍偶向山中現剝塵今日根株俱盡

露色空悟後見全身

昭明讀書臺

昭明讀書地池墨尚依稀六代鉛華在千秋事業非

日斜僧磬發風起谷雲飛猶似梁王駕傳呼到翠微

遊開先寺

四山迴合處一徑萬松稠遠澗斜歸寺孤峰迴入樓

客稀僧久定地僻虎常遊欲問飛泉勝遣登最上頭

題青玉峽

飛泉千尺下石峽兩崖開積雪涵春水崩雲出怒雷
勢迴龍欲起聲急虎應猜高嘯層巖上長懷漱玉臺
蘇長公稱漱玉臺為開先最勝處疑卽此地

過白鹿洞題壁

仰止於今三十年此來重得拜先賢山中鹿洞常如
昨座上泉比孰可傳五老對人如晤語高松隔澗似
鳴絃只今義利猶應講寂寞空堂思惘然

五老峰歌

子慕五老峰癸卯孟冬來遊南康已三日經
詩集卷七

去

歸宗過鹿洞白雲時封不得一椀寓中有小
樓正對之早晚坐臥願得望見十一日下午
請筆作此歌推窗而日光晶瑩五老全身盡
露應是山靈為我一問生面也喜而記之

何年五老人來往廬山頭上攬錯列璀璨之星辰下
瞰分畫位置之九州先與羲皇聖人爲結契後與秦
漢唐宋公卿隱逸爲綱繆朝亦廬山頭暮亦廬山頭
不樂攀龍與附鳳惟與洞中白鹿相嬉游不聞玉簫
金管聲惟聞洞中書院士子誦誦而吶吶同時海內
有五嶽崔巍廣大亦與此山頗相伴又云此山高萬

丈海內無與爲匹儔五嶽世受王者封爵比三公上

諸侯惟爾五老寂寞山之巔清風明月互唱答木石

鹿豕同夷猶五老嘖然笑此事奚足爲我五老羞吾

聞食人食便須爲人謀古來登封與望祀玉帛半醴

奔走重沓來漸求中央有水旱當嶽當可爲己憂南

西北東四維有災沴衡恆泰華分其尤冠年九萬六

千歲何年無水旱何年無災沴五方享祭不聞俯俯

分劣優上天神明或者默用其賞罰下民何知未免

祁寒暑雨相與歎息而啾啾吾居廬山巔不受祿一

占石飲洞庭水左挹彭蠡流山僧樵牧日來往世事

詩集卷七

去

與我何蜉蝣有時氣力暇出雲與雨亦與下土爲喚
咻大或萬國小或沾一邱總由帝力於我五老亦
何有千春萬古常優游

出鄱陽泛大江作

一葉橫過彭蠡秋大江東下接滄洲半天畫界開長

壑萬里奔山送急流南國君臣常恃險北來車馬每

生愁靖康渡後虛名失不用投鞭穩放舟

哭亡兒允純時從西江歸也

別時相送到江邊歸後靈魂在几筵誰道亡兒幾兩

月我今不見已三年

老年欲哭恐傷生每到傷情自抑情最是夢魂難做
主五更嗚咽到天明

西安葉靜遠特過訪道臥病郁儀臣齋頭踰月
至除夕前三日稍有起色將友攜酒設就牀
頭共酌之各賦一律

三載江湖賦式微扁舟風雪乍來歸羽毛幸未同華
表城郭將無似令戚所喜白頭還健在卻悲青鬢事
全非向隅咽淚題詩句遠客驚看亦涕揮

梓亭先生詩集卷八

太倉陸世儀道威著

甲辰至丙午

西安葉靜遠訪道過子招同學諸子集尊道堂

小飲仰事有序 甲辰

西安葉靜遠敦良劉念臺先生高弟也年十

六即有志聖賢之學二十八謁念臺念臺即

大器之至今念臺之門能繼師傳者稱靜遠

及錢塘沈甸華蘭先桐鄉張考夫履祥為最

與武林胡彥遠為性命交癸巳彥遠過婁東

詩集卷八

訪子與郁子存齋信宿靜觀樓相得甚歡即

為子言葉子切問近思之學歸而貽書葉子

相促過婁而葉子以親老不能遠遊壬寅其

尊人捐館舍癸卯春始同其子以修方潛過

婁相訪值時事多艱友人無不力阻其行靜

遠念益堅徘徊西湖歷夏秋至冬始抵婁時

仲冬十五日也存齋往海上子亦江右未歸

葉子熒然扣靜觀樓不值廢然而歎殆將歸

矣存齋之子東堂知為乃父神交遂掃室留

宿適葉子以風雪感寒疾東堂奉侍醫藥親

飲膳惟謹至二十五日而存齋歸二十六日

子亦返棹葉子始有起色然猶臥病浹月甲

辰春正六日始過子齋子為約存齋父子并

石隱寒溪數人風雨中相對終日時子方有

西河之痛而良朋遠來道同水乳不自知其

心胸之廓然也諸友皆即事詠詩子亦勉成

一律寒溪為之錄著三集集中亦一時之勝

事云

寥落深悲古道衰乾坤雙鬢使心摧誰知雨雪陰

裏尚有驅車特來悵望千秋同灑淚徘徊後代一

詩集卷八

銜杯河汾事業君休問且看庭前一樹梅

看劇痛亡兒時項傳作迎天榜傳奇中有陳靜

誠亡子復歸事

為解悶懷看傀儡卻因傀儡更傷情八年亡子仍歸

里死者何緣得復生

葉子靜遠宿子齋數日屬子書大字數十幅歸

贈親友又屬題詩頌其從伯父母為走筆題

之

橋柳深林戶不扃春風兩岸越山青一門和氣鍾人

瑞百歲祥徵見鶴齡當世名高推祭酒後來慶遠見

傳經憑高矯首天南望卻看雙星是壽星

再印思辨錄成親亡兒允純名字悲痛累日成

一絕句

冰霜十月夜窗寒阿東鈔書十指酸豈料書成剛付梓卷中先作古人看

曇陽觀同諸子送別葉靜遠

相思千里幾經年此日相逢不偶然是處阻留皆作合一番疾病亦機緣地非鹿洞賢常集會似鵝湖學不偏吾道盛衰關氣運起扶端的在薪傳

述亡兒允純致病之由有感作

詩集卷八

三

困窮本是吾儒事此世何堪與物爭汝欲遠天天厭汝卻令二老淚縱橫

題錢梅仙小像二絕

鏡湖春水碧於天挾策攜琴獨放船欲覓斯人煙霽重更無響起荻蘆邊

秦時冠服晉時人洞口桃花隔世塵猶恐漁郎消息近自操小艇避通津

贈王青雲

累世簪纓將略優數奇年少未封侯春風玉勒穿花徑夜雨銀燈上翠樓匣裏舊圖魚復陣架邊新製鹿

皮裘英雄雖老猶餘健七十宣馨在錦兜

壽江陰孔九容

杏壇有遺派乃在江之許厚德發長祥高賢繼先矩笑傲邱林下寄迹農與圃衡廬既閒靜田疇亦孔廡殷薦飾祖廟琬琰敦宗譜有子皆罔器瑚璉及箕箒濟濟梧膠別行行若東魯

卜神芝六十賦贈

瘦骨輕軀野鶴姿蕭然塵外少人知石泉新茗閒中味寒雪清蕉蠶裏詩靜掩衡門非獨醒偶來歌社亦羣嬉西園雅會疇能續吾黨今推李伯時

詩集卷八

四

武陵陸麗京過訪賦贈

詞賦機雲未易才不勝憔悴楚江隈伯休久畏知名氏麗京於賢有道何堪作黨魁近更羅明史之偶觸虛舟終釋去合併神物自飛來吾生雅有懸壺興憑仗先生一取裁

郁至臣六十賦贈

六十丰神似少年清閒強健勝神仙羨肱兄弟宵同被左相賓朋日萬錢諧世自無違俗累濟時常有活人權即看積德生人傑階下新芝五色鮮時至臣齋頭產芝薛敬軒有七月十五日思親詩和許魯齋韻予

讀之黯然念兩親及亡兒允純遂次韻成三

律

坐對青燈有所思思親猶記少年時讀書每受過庭訓
侍酒常令載筆嬉幼時家大人於酒晨夕共依渾
不覺幽明一隔永相離揚名後世今誰問五十周公
夢已衰

坐對青燈有所思思親猶記始生時未經含乳懷中
哭安得牽衣膝下嬉總是一生無影響算餘十日便
睽離先母見背年過半百曾無母嗚咽秋風兩鬢衰
坐對青燈有所思思兒正是盛年時七旬祖母方期

詩集卷八

五

望三歲雛兒正學嬉豈意遠歸成死別卻思久出已
生離予客江右痛心老眼都無泪黯黯神傷血氣衰
和歸玄恭老病迂呆狂怪頑即次原韻

三載西江近始還世情疎盡得身閒一庭松菊慵教
整滿徑蓬蒿強自刪且學鷓鴣銜木葉儘憑虎豹守
天關比來修飭真無力老病迂呆狂怪頑
老

每念亡兒淚暗垂況驚老至更生悲人閒俊物應難
覓世上神仙豈有期五十久逾遲學易一年過半廢
吟詩租庸正急筋骸緩何處溪山可采芝

病

與君同病亦頗佳幸遇良方有立齋子與玄恭同患
而數載閒眠依臥榻一時高步向庭階移尊綠野身
先到放腳青山骨可埋垂老病除非細事每過朋舊
輒開懷

迂

世網彌天匪易逃卻從世外得名高已并抱璞藏荆
籠更欲乘桴犯海濤趙孟千鍾心不願孔顏八字脚
偏牢無端最是朱泚漫技就三年祇自豪

呆

詩集卷八

六

既黜聰兮復墮明嗒然混沌一呆生即非六月嘗教
息維過三年亦不鳴抱囊心忘甘世諳移山志定使
天驚打乖曾學堯夫誠肯令吾生有巧名

狂

古之狂士非凡才自問於我何有哉不妨春暮浴沂
水亦喜酒酣登吹臺中山沈暝臥不醒蒼梧慟哭心
常哀年過半百不稱意一任硯田生草萊

怪

五石之瓠碩果宗世難容我我誰容喜栽瓊島三珠
樹怒翫秦封五大松任指橐駝為腫馬詎知土怪是

癡龍青田二鬼今增一也是千年閒氣鍾

頌

願為木石不須疑榮辱無心任笑嗤說法縱神頭不
點耕田雖苦哺而嘻呼牛亦應何羞馬擔糞猶堪況
著棋舉世惺惺我清閑未知若箇是頑癡

和歸玄恭藥酒棋書詩字花大原韻

身世何須重歎嗟子房破產不為家未能抗志追巢
許空有虛名動邈邈行見肘襟人共視聲同金石我
非誇閒來時共朋儕樂藥酒棋書詩字花

藥

詩集卷八

七

靈素圖經讀盡無軒岐問答古非誣時子正讀刀圭

本是神仙術口腹豈為尺寸府願折三肱比良相莫

輕七尺付庸奴汝南有客壺中隱好與殷勤侍藥爐

壺公竊藥汝南市予時問方藥於陸麗京陸姓固汝南也

酒

頭上鬢髮日星星世人皆醉我敢醒家有斗酒能會
客婦人之言亦可聽中山若飲過百日百歲亦可當
千齡老瓦盆邊足風味何必指點嘗銀瓶

棋

平生亦喜看棋枰殺奪攻圍賸有情函谷時觀馳鐵

甲石頭每見墜降旌投鞭滌水興偏廢夢飯淨茫茫
復生真道存亡無定算隆中國手有先聲

詩

鄙拙從來好著書邇年頗自悔涸魚何勞夙夜窺無
極且與乾坤賸有餘拋卻尋春殊曠曠枕之高臥亦
于于聖賢經傳非疊脫堪笑齷齪生賦子虛

詩

杜公詩律老逾深陶令風流亦可尋豈必嘔心成絕
構總憑天籟發清吟長歌梁父時搖膝漫賦猗蘭獨
援琴此道今人無可語江閩漁父是知音

詩集卷八

八

字

骨性從來本自天何論逸少與張顛即書是學程門
訓用筆如心柳子傳蚓走鴉塗為嫩拙龍跳虎臥是
輕圓當年康節曾垂誠益友推心值萬錢

花

不須蠟屐去尋花小圃蕭疎與自賒楊柳輕絲搖暮
靄芙蓉藕色麗朝霞春醪正熟翠堪挹山雨欲來香
滿家庚夏黃農何足問只今爛醉是生涯

元恭讀諸友和詩再賦一首卽用前韻次韻和

之

百里詩筒往復還幽人相和意常閒語歸正雅方稱
妙詞屬風雲盡可刪慎莫妄談風雅事且須先透利
名關古人三疾今加四老病迂呆狂怪頑

毘陵友人講易之約諸同學石隱存齋寒溪
菊齋確菴俱招集三益約賦詩相贈臨別於
舟中漫賦寄答諸兄以下乙巳

賦斂驚心歲月昏春風終日掩柴門故人有道遙相
勉野老無知敢妄尊豈有皋比能撒講漫勞北海選
開樽年來說易歸藏好欲共諸公仔細論

蔡子仲全有詠社鷗作立索和章率爾步韻

詩集卷八

九

誰道社鷗爲小鳥去來也自識春秋銜泥每向山巖
下哺子還歸樓上頭簾捲花開飛自好月明風細語
偏幽知君刻曲將乘輿遮莫雨歸伴爾遊時仲全將之四明

月下聽姚度生鼓琴時子正學琴虞生也

新秋雨歇天微涼薄雲初月流素光虛堂無人四壁
靜虞生爲我鳴清商瓊林風過聲琳琅遙空飛來雙
鳳皇山林杳冥不可識海水瀕洞魚龍翔君不見宣
尼昔日師師衰聲音之中見文王黜然而黑頰而長
精神相遇無何鄉吾徒何爲昧此理論宮道徵空傍
徨曲罷無言三歎息如在羲皇遊化國請君爲我一

再彈太古希音世難得

毘陵讀易十絕句

人人說易通三教吾意先將一教通一教只今誰望
見漫收百草鬪兒童

大道中天似日星卻從幽暗假惺惺商彝周鼎方難
問更鑄神姦翹颯形

支離誰笑紫陽翁展卷爭從互體攻交變伏飛都說
盡只將無極付西風

易理淵微在象中象中有意正須窮徒從取象誇精
博盤蛇雖工隔萬重

詩集卷八

十

從來易數推康節說數徒成術者言動靜未分前一
著誰人肯共此公論

坎離艮背汞和鉛也說先天與後天若使金丹果成
道義文周孔早登仙

卜筮從來用決疑不疑何卜枉尋思啟蒙終日勞推
究不信吾心有伏羲

羲皇心地孔周傳何後何先總一天若說孔周爲著
迹此公原未識圓圈

萬象森然盡偶奇羲文周孔漫施爲畫前有易人皆
信畫後原無世莫知

聖人作易參天地天地原來只此心不向此心分黑
白韋編三絕未知音

十月望日過梧腔晤孔蓼園是歲正當六秩作

一詩贈之

蓼園吾老友不見屢經年骨瘦常如鶴心通欲達天
豈徒推我黨真不愧其先漢室尊更老誰操几杖前

湯公綸從濟上歸握手賦贈二十二韻

憶昔戊戌秋信宿九龍趾君應鎮山聘我居二泉溪
南北千里閒講誦聲在耳豈云道將行養蒙聊爾爾
驚風起天末蘭蕙紛相靡君固爲名役我亦困家累

詩集卷八

十二

閒關負米情涕泪同彼此廬山高巍蕪濟水清泚此
山高水清中兩心迴相峙今年來毘陵讀易期共砥
四座多高賢論難皆可紀不見黃叔度搔首常倚徙
扁舟載星霜歲暮始歸里風塵未解帶訪我不踰畧
念子情何厚下榻驚倒屣八年契闊相相對一悲喜
君容非疇昔氣壯髯益美固知戰勝肥非同肉食鄙
愧我迫遲暮衰形見髮齒學問何時成匡濟真已矣
聖賢貴逢時補救屬後起努力崇令修仔肩在吾子
徐生子威招同蔡仲全陳祉受馬升書董威正

及成兒遊青山莊辭

毘陵苦無勝遊地同人共說青山莊自春相約徂夏

秋十月始得來徜徉主人具舟更載酒二三知己皆

良友舟纜出郭北風厲噲唳鐘聲鳴鍾缶欲行不行

何遲留敬側震盪無時休榜人牽船咽不語時時入

草如牽牛何來一葉凌風渡矯若輕鷗出煙霧就視

乃是蔡仲全笑我舟行一何怖挽舟攜手穿林巒山

莊高出林之端環莊四面皆喬木良田萬頃川原寬

入門氣象何蕭爽華堂列屋平如掌別有朱欄一徑

斜長廊新月當秋朗廡名欄前小山奇且幽茂林修

竹環清流一橋橫波跨別澗上有複閣凌雲浮複閣

詩集卷八

十三

斜穿畫樓入畫樓突兀當空立面面羣峰入望來朝
雲暮雨朱簾溼樓下晴軒對曲池清風吹拂生漣漪
山根入水出復沒橫斜古樹枝離披軒前坡脚殊坎
坷澗道縈紆亂流過我欲隨流泛羽觴山陰醉拉諸
賢坐西南有閣名羣玉萬木叢中一巢屬梅花千樹
俯清溪入夜光瑩爛如燭清溪再渡穿幽翠平橋帶
遠來長虹恰如大澤雷雨歇波心天矯眠蒼龍聞昔
太平全盛際橋頭闌樂誇佳麗夜半歌聲徹廣寒疑
是霓裳在人世只今佳麗已雲煙見說遊人尙惘然
山楓吹丹野花落猶鶯墮珥遺釵鈿歎息相將過橋

去一塔林梢向天竚峰迴徑轉古祠幽落木空山寂
寥處空山寂寥生道心繁華富貴終消沈松風謾謾
澗泉冷始覺此際天機深古來哲士輕名利往往明
時甘退避即看此處小山坳嶺上有亭名小淮南桂
山坳傍多桂樹
樹誠高致主人展席北山堂陳設核羅酒漿座中
有客話名理益覺山水俱高長時仲全從錫山歸述
與高棠翁辨論顏子
樂遙天落日風夜起叢木蕭蕭恐人耳從來歡樂不
可極城頭鼓角催遊子主人情重歎未申舟中置酒
更留寶觥薄交錯客盡醉明星爛爛河之濱客謝主
人重執手感君情意何其厚明日爲作山莊行擬與

詩集卷八

三

蘭亭同不朽

冬至前一日揮遜菴先生招同寅伯仲全一菴

逢王公綸於升書齋小集時遜菴子正叔高

弟蔣玉度董亭壽皆在座

良會不易得況當難邁時何意斯辰中值此千秋期
毘陵多名碩杖履爰集茲更有後來彥英英盡懷奇
一室集羣賢真氣益四垂清樽出家釀嘉蔬薦園葵
蒸衍終日夕居然見皇義憶昔隆萬中時世正雍熙
茲邑風俗美大雅皆吾師相去曾幾何講庭夏草滋
寥寥二三子相對晨星稀盛亦勿復喜衰亦勿復悲

天道有往復世運隨半畝君看南至日一綫已在斯
冬至日一菴升書見過出增釋律呂新書示讀
兼論樂理移日始別

仲冬日南至初旭照我牀端居驗天心閉闔養微陽
忽聞扣扉聲相過惟求羊入室餘靜氣坐對形骸忘
示我一卷書乃釋古樂章先王典樂廢此理久失亡
何由雲霧中再覩日月光沈思人淵泉辨數及毫芒
以之被管絃方稱叶宮商更爲測理奧精詣極義皇
考亭應色喜西山亦稱慶追維作樂初元聲以爲王
元聲在何許天地之中央復爲天地心聲乃心之良

詩集卷八

十四

氣來正斯辰候之有其方茲如我三人和氣中心藏
隨時吐芳辭字句皆鏗鏘一唱復一和諧音勝笙簧
既此見本原何須聽鳳凰後儒洵寡昧論說紛如盲
千五百年間此道成荒唐安得起后夔與之共翱翔
冬至後一日逢王招同遜菴一菴仲全寅伯升

書公綸咸正諸同學小集卽事

客中逢節一悽然靜念天心間自憐鏡裏屢嗟增白
髮尊前猶喜對高賢清談不覺吾生晚痛飲都將世
慮捐誰道元龍豪氣在高樓百尺許同眠

蔡子讀書歌贈蔡仲全

蔡子何奇特讀書不可測讀盡世間書世人猶未識
世人讀書被書累未及開編已思睡從來人讀易書
難季通卻讀難書易嘉隆以前尙制科家家戶戶爭
揣摩百錢買得免圍冊高冠岌岌懸鳴珂問以古今
事漢唐不識矧可多問以經世術孔方阿堵且奈何
何況綱目與性理天文律歷皇極洪範之繁苛蔡子
掉頭甘寂寞擲去儒冠事耕作稷耨之暇抽一編時
與古人互酬酢朝亦古人書暮亦古人書朝朝復暮
暮遂與古人俱忽然擲書向天笑古人亦平平何乃
邈爾千古稱絕調眼觀青天手握算當胸踞倒鬼料

詩集卷八

五

竅上窮陰陽下術數貫穿無不皆精妙西鄰多儒紳
偶坐偕談論舌橋不得下足踟不敢伸我交蔡子三
十年不知蔡子是異人蔡子非異人讀書能苦辛不
用對人空歎詫疾速回歸整書架

馬家兒贈馬一菴長君時年七歲

馬家兒千里駒七月能識之與無六歲尙未就外傳
五經四子如轆轤我來相見僅七歲張拱端好前拜
趨雅志更欲爲聖賢不問知是顏曾徒君家尊人學
程朱與我十載心相孚更有叔父行純粹毘陵今稱
兩大儒大賢之門洵有後屬望在子良非誣古來神

童多炫耀汗血便欲超名都鄴侯七歲入宮禁西涯
抱膝拊帝鬚功名富貴豈不盛若比孔孟天淵殊吾
愛耶君色閒然如璞中玉淵中珠循循家學幸勿息
毋爲風浴詠舞雩從來聖人決可學吾言非謬兼非
迂

毘陵八君詠

乙巳子遊毘陵相從講論者頗多而此八君
者實同朝夕歲暮將別念昔人有五君詠因
廣而八之非敢上擬古人亦聊以志一時之
好也

詩集卷八

六

董咸正

大臨

咸正豪傑士經濟人未識操心慮患中所歷皆實得
氣銳心仍細機迅中自直詎云百里才大可任繁劇

楊爾京

世求

爾京非凡材好學一何篤重道輕富貴藏書賤金玉
仰闕悉象緯俯瞰徧圖錄爾京向刻象緯考今又輯地利書直欲駕

前人寧止邁流俗

楊爾顯

世亦

爾顯有令德恂恂金玉器欲然常不滿文德以自益
三命俯循牆古人具深意守身恆若茲蒞祿豈有既

徐晉九 兆鼎

晉九英挺士氣象何卓犖願盼皆偉然雞羣見獨鶴
尤有文武姿簪筆挽繁弱戡定需長才北門堪鎖鑰

荆豫章 炬

豫章沈雄姿少小歷患難家艱與國恤紛若絲縞亂
有才如干將迎刃輒自判不動聲色中機事皆立斷

龔武仕 士燕

古今兩絕學六律與七政諸儒於浩博至此皆偃偃
武仕方弱冠心手已如鏡在宋蔡西山在元郭守敬

徐子威 人鳳

詩集卷八

七

子威英妙年氣局一何大喜愠初未形妍媸不能外
兼濟多實得持身絕驕態之子有深衷所造殊未艾

陸泰來 源達

泰來佳公子文采何翩翩讀書繼前軌修德邁古賢
肄駟必再勝解牛恆無全更有季方弟並驅遞爭先

弟森芝才
極秀發

別唐雲客孝廉并示子晉子房昆仲

大德無矯飾盛德貴自然古人稱飲醕於公乃見焉
公爲荆川後聖學有家傳敘德不自耀潛神守其淵
出入風雅林游泳義皇天詩書所潤澤後起皆英賢

子生久瞻仰幸得侍今年元方與季方朝夕同周旋

示我以家祕錫我以名篇從容杯酒中成被陶與甄

朝來聞微疴掩關絕塵緣幾欲拜牀下足躄不敢前

歲序迫遊子恩恩逝將還憑此尺素書聊以通惓惓

蔣寅伯道長見招忽阻於兵次日同一菴諸兄

再過

勝集驚過阻幽盟許再尋平城臨曲沼野屋帶深林
冰雪高人志齋鹽靜者心啟寒吾與汝慎勿厭清吟

段又襄以詩贈別次韻奉答

文章千古事相傳有正脈自從班馬來韓歐主其席

詩集卷八

六

豈徒識時務尤貴則古昔紛紛壇坫長總屬名利客
千人未得俊萬人未得傑誰能懸曦暉頓使雲霧撤

邈迥得段子奔逸絕塵迹瀨博徵宏才晃朗具卓識

榛莽方塞塗巨手藉一闢區區夸毗子議論恣胸臆

不識天地大寡昧良可惜對茲瓌璋才欲別不忍釋

安得長合併相與共晨夕

蔡仲全以詩贈別次韻奉答

蕭騷兩鬢歲華侵彼我相同只此心韜斂何妨如璞

玉砥磨端合似精金詩成得意還教和酒到忘懷亦

滿斟仲全性不善飲惆悵臨歧未分手仲全先別山林西望暮雲

深神全住處
名山林

馬一菴用前韻見贈依韻答之

道義非緣世俗侵油然無閒在中心相忘世外渾如
水不數人閒有斷金一畫精微慚未覩時論易六經
謬誤喜同斟問及書經年敢誨良多益別後思君瘠
瘵深

馬升書亦以前韻見贈答之

塵俗全無半點侵玉壺清澈貯冰心即看权度如千

頃豈直山公似渾金詩教編成還自得樂經註就許

同斟升書註詩解
又註律呂書比來若獲重談道遮莫鶯花二月

詩集卷八

五

深

答李九來蔡庭立贈別作即用前韻

十月冰霜兩鬢侵廿年求友一生心論難欲奪十重

席學力全輸百鍊金皇甫無書誰借讀陶公有酒且

同斟滿懷珠玉春風暖不畏前途雨雪深

次韻答陸泰來贈別

自昔抱微尚雅志在友生冀以相切磋已精益求精

毗陵多高賢磊落負榮名君家尤篤摯縉纒懷深情

盈盈旨酒馨煜煜燈花明勢交何足慕吾儕守其貞

北風戒行旌遊子歸柴荆願君崇令德先業任匪輕

答董咸正贈別作依來韻

直幹何愁風雨侵知君得力在操心艱危直似千鈞
髮才力真同百鍊金一載交情渾入古千鍾別酒不
醉斟溪光樹影多離思回首南蘭月色深咸正後風
扇題溪光

又贈新旭

年少常憂俗慮侵如君尙是未彫心美姿已號成材
器消質非同躍冶金閭闔家聲宜克振文章理脈更
須樹臨歧握手丁寧屬學問工夫不厭深

陽春引祝王聯翁七十以下丙午

詩集卷八

三

條風初搖百彙昌草木萌動欣春陽寒梅飛英飄洞
房蘭蕙簇簇呈芬芳草堂晨旭流晶光中有幽人侶
羲皇幅巾晏坐憑匡林時時揮絃發清商和音鏗鏘
鳴鳳凰上薄太古追鴻荒唐虞揖遜徒勞攘何況三
代殷周王珠玉錦繡羅姬姜紛紛塵俗皆秕稊安神
闔房稟中黃餐和味道日月長永保至壽垂無疆安
期羨門相頡頏

二月丁巳同諸社友集願樊村願學齋即事

年來種種盡成蕪酒社荒涼興味孤忽聽朋儕邀共
醉縱教風雨亦相扶鬢眉漸入耆英會生計全輸負

販徒搔首問天天不語不如痛飲且歌呼

壽郁存齋六十

白日一何速光陰如轉轂念君少壯曾幾時忽復六旬前致祝憶昔弱冠心尙童與君同年遊學宮放言高論眾所嫉君獨識我稱人中是時江左方晏然五陵裘馬俱翩翩徵書闕史窮日夕詩文壇坫尊於天君家門第才華盛君尤卓犖稱雄勁高門大宅歷通衢圖書四壁相輝映公卿倒屣爭來迎伯樂一顧增聲名君時掉頭獨不顧仰而微笑含深情迂儒豈能達時務我所思兮在煙霧山巔水涯時往來欲向桃

詩集卷八

三

源問津渡予時卜室湖之湄二三良友相追隨君來相視但一笑入林把臂情如飴世人少見多所嗤共訝二子何迂癡忽焉東顧海水竭錯愕下拜稱神奇人生富貴如駒影榮辱安危俱頃生不聞道真可憐如蝨在禪蛙在井存齋有書盈萬軸存齋有樓對喬木樓上貯書樓下坐終日悠然坦其腹簡編左右讀且思思治省躬成二錄君不見嶺海南閩中遺教有晦菴又不見江淮北鄒魯遺風猶未熄德不孤立必有鄰擔簦躡屩來相親有時樓頭開講筵千里百里皆高賢撞鐘伐鼓聲淵淵中規周旋矩折旋穆若

宗廟臨豆筮肅若三軍陳方圓在旁觀者皆歎息三代威儀何翼翼微言高論猶在耳勝事至今難再得吁嗟世運有平陂歲年豐凶誰則知五載水旱及潮颶聖賢豪傑皆驚疑多君定力能自持晏坐不動心無私有子賢而才不令汲汲取世資有培已通顯敬爾出話慎爾儀兄弟怡怡友切偲僮僕下走皆不欺修身事天只如此豈能離離下效世俗之所爲儀也忝末交敬前獻一卮祝爾身康強百年壽期頤子孫賢且多宗族繁以滋太平相對四十載共究至道探皇義

詩集卷八

三

愷悌三章章十二句壽昆陵馬升書五十

君子處世如玉在淵或廟而升或璞而潛升非玉榮潛非玉辱升潛有時玉德恆足達則淑世窮則淑身愷悌君子邦家之禎君子務學如玉在礪追之琢之以精以瑩豈無奇巧可媚時好貶道徇俗非吾所樂在夏日瑚在商曰璣愷悌君子古訓是先君子守身如玉在執洞洞屬屬罔敢或失學積斯顯德積斯尊不于其身則于子孫子孫繩繩續承祖服愷悌君子百福千祿

贈王將軍雲九憶昔行

憶昔丙申歲久雨天冥濛掩關絕人事兀坐幽篁叢
忽聞扣門聲甚喧云有遠客三人同芒屨泥深沒雙
髀竟來揖我桴亭中一客前致辭國龍字雲九去年
消息來甚火雲深水闊迷津口惆悵空留一卷詩隔
歲桃花今及期雲九乙未過訪不值題詩有得相
花三月暖我來門下坐春風之句
獨憐兩耳皆垂瑱徒有雙眸爛如電痛飲高歌且奈
何心通且莫憂身倦子和答雲九詩有心
通卽是耳根通之句一別雲山
今十年重來晤爾蘭陵前耳聾加劇喘復嗽兩手戰
戰身連卷欲言不得但俯首對面無術相通宣袖中
示我兩詩卷字紙欲滅縹緲穿此是十年病中作心

詩集卷八

五

血著紙痕猶鮮我讀詩篇歎且泣聞君去年纔四十
有才如此何不偶天馬將騰遭繫繫我聞天意重艱
辛英雄敬天當敬身如何三十志富貴飛揚跋扈傷
精神降爾奇疾重爾罰玉成爾意非無因今君此心
甚明達筋絡雖病神自活太陽一炳羣邪空立地可
使雲霧豁伏波晚成爾尙少遲爾登壇作驃騮

夏日讀石隱六書論正慨然有作成六十二韻

鴻洞初豁分陰陽萬形萬類森開張人事日啟無用
彰伊啞軋苗名稱揚伏羲一畫開混茫天地萬物中
含藏黃帝制字垂衣裳烏獸跡皆文章混沌一鑿

機智忙天爲兩粟鬼夜傷七十二代封禪場改易殊
體難籌量周官保氏教禮記六書六義垂無疆事形
聲意假借倡天下文字自一王史籍整頓何遠連列
侯割裂不可當祖龍混一區宇強欲合車書振王綱
省改大家立禁防李斯小篆稱領航程邈繼之隸體
方欲便佐隸非求賊次伸手棘心膽剛八分似隸楷
法行易簡致用在有常茂裂意義皆無妨自是以後
六義荒今古隔絕不得望漢興八體徒徬徨揚雄奇
字皆批稊蟲爲屈中馬頭長鄙說怪論爭猖狂許氏
叔重升其堂集解古篆如圭璋南唐徐鉉較勘詳至

詩集卷八

五

今六義蒙匡襄願惟六義真微茫厥端雖啟殊未央
陽冰夾溲溲竊攘安石自聖翻踉蹌我翁崛起斐東
滄浩氣直欲凌穹蒼上窺周秦溯韻倉下迨漢魏及
晉唐鼎鐘篆隸書滿箱六經子史充棟梁廿年靜悟
不下牀三十萬言瀝心益重闢六義日月光心法直
欲追羲皇世儒不學成面牆誰曰有目徒俛俛字義
不識根本亡讀破萬卷仍如盲安得微車下閭閻召
翁說字金殿旁裝以玉軸加縹緗勒石學宮示不忘
萬世永賴稱有慶倉公籀公相頌頌

陳止仲招飲因連日屢困於酒作小詩謝之

仲舉人倫冠清修世所尊耽書嘗善病愛客不知貧
已醉醅醪久何須膾炙頻高梁懸榻好慎勿屢驚塵
鄒經度招飲經度北游歸已五十有一同志爲

補壽因走筆謝之并以爲壽

離索相思久相逢意倍覺忽經千里別又悵一年春
風雪須糜古冰霜道義尊蓮公方進德旨酒敢辭頻

楊爾京贈建寧套瓊詩以謝之

瓊製層層疊名容自古幽光整雪比潔明潤玉爲儔

一體何諧合同心不競絳攜歸茅屋下恰稱竹林幽

瓊製
七層

詩集卷八

三

賦得天寒有鶴守梅花美遐翁也翁於豫章有

撫孤之誼故美之

歲暮天寒風雪深幽香一樹在空林孤芳冷豔人誰

識鐵骨冰姿爾獨欽豈愛有花成白玉卽看多子此

黃金他年若遂調羹願應雲霄萬里心

醉歌行贈楊爾京時予讀書家孝標園亭天寒

風急迨將歸矣爾京邀我過萬卷樓抵足談

旬共究天人體用之學每夕必深談痛飲兼

爲梓行性善天文諸圖說感而賦此因以爲

贈

寒威凝天日色白歲晏空亭讀周易研朱滴水凍不

流擁褐圍爐坐朝夕爾京楊子來談天手畫九道如

規圍風吹指殭筆欲墮謂我何事留荒園移我百尺

高樓巖置我萬卷書中眼東南日出初旭滿擁書背

坐如披氈楊子才大心愈小讀書五車猶見少倦倦

好問及迂思探索精微忘昏曉上窮性妙羲皇前下

究治理周秦編目營九天算日月手攀雲漢分山川

時共究性善九道分野諸說老夫老矣力不給勉強竭蹶相周旋

嚴城無聲夜柝靜輕雪微零燭花冷深杯百罰互勸

酬雄談四座相馳騁楊子楊子我醉欲放歌滿斟酌

詩集卷八

三

子金曰羅古來乾坤亦如此聖賢豪傑何其多上經

天文下緯地中察人事頒條科豈矜奇詭好隱怪祇

是日用非繁苛中古以後天地閉人物雖生皆困弊

仲尼坎壈孟軻窮餘子紛紛何足計子生五十成白

首靜念遭逢殊可醜讀書學道空爾爲著述徒多煩

醬瓿感君意氣如古人謂我著述良苦辛託以黎棗

壽百世無窮雅意猶諳諳時爲子刻性善九道分野諸圖說又欲刊子宗祭禮

及諸君不見古人不朽有三則立言立功與立德茲

事千秋我與君何必羨伯益皋陶禹契稷

答蔡仲全贈別之作卽用來韻

六經奧旨許同温相對高樓坐掩門萬物性情無贖
義九天日月有新痕人從太極窺原委地向星河識
本根時共究性善九道分野諸說至理忘言寧用贅古人目擊道
斯存

答馬一菴用前韻

連宵布被不曾温風雪孤亭自啟門欲暖一杯衝朔
氣忽來雙屐破冰痕掀翻月道全無窟論徹天心直
至根斯事只个吾與汝古來眞派幾人存

答馬升書用前韻

先生道宇比春温南國諸生半及門應世名高珠有
耀持身德潤玉無痕說詩直透前賢旨註樂能通造
化根絕學久澗誰克繼君家賴有弟昆存

容家慶菴用前韻

江城有客縵袍温霏雪寒塘畫掩門竹葉味濃風正
凜梅花香細月初痕多愁沈約原非病博學張華夙
有根風雅道衰誰可語天涯知己賴君存

蔡仲全索贈朱師黃移居詩卽步仲全韻

負郭山齋半畝多主人攜杖每清歌悠哉故國合行
遊樂矣考槃人在阿不向米鹽營俗慮只栽花木養
天和憑君若問幽居事一片閒雲挂薜蘿

惠山雪夜

孤舟夜泊溪山曲睡起俄驚曉光觸山頭日出照眼
明萬戶無聲鎖寒玉榜人敲火催打冰回看失盡溪
山綠

打冰辭

朝打冰暮打冰打冰處處聲馮馮冰開一尺進一步
船頭冰柱垂無數指殭手裂冰愈堅回舟卻向城頭
坐可憐西北好順風仰面歎息難開篷朝打冰暮打
冰打冰欲開仍結成小冰稜稜如劍鏑大冰峩峩起
城郭舟人無賴坐岸頭向火燎衣看日落不辭明日
負絳行願祝石尤來破冰舟人云得東風卽解凍

宿沙湖

天寒歲暮百慮羣歸舟前急翻遲延十日並宿郭橋
下一夕猶滯沙湖邊堅冰市地萬艘集霜月滿天孤
客眠和衣擁被不成寐時聽風聲曳衆舡

桴亭先生詩集卷八終

後學郁朝桂敬校

桴亭先生詩集卷九

太倉陸世儀述威著

丁未至戊申

喜西安葉靜遠喬梓見過卽席賦贈 以下丁未

虛簷頻鵲噪知有遠人來推枕夢方醒叩門聲已催

循牆驚倒屣 時子病足瘡未愈聞客至循牆而出接席喜銜杯千里三

年別胸懷此日開

舊歲十二月家道協從膠中見過以西園詩索

和時子在毘陵不及晤至此和之卽用來韻

歲暮天寒冰雪時相逢不及慰相思君來邀我尋瑤

詩集卷九

草我已先看種紫芝詎敢機雲稱並美不妨孔李互

相師丹成若果遊方外分寄青牛一隻騎

一園小築趣然然成市嶺中別有天黃石心傳終辟

穀鄴侯骨相自成仙珠宮絳闕虛亭裏方丈瀛洲曲

沼邊咫尺清都原不隔何妨人世住年年

贈以修

學道輕千里惟君與若翁關山雙蠟屐風雨一孤篷

問學因年進文章以境通終軍正年少慎莫畏途窮

壽朱子猷六十

吾黨多良朋頗能自修飭志行或兼長才猷亦炳奕

猗歟菊齋翁學問惟乾惕闡然深退藏自視如不及

朋儕每論列軒輅各有適惟君無閒言靡敢不心折

問茲何能爾僉曰有至德憶昔少壯時場屋偶相值

風簷占道氣千古定一日是時君弱冠聲稱已洋溢

孝友出至性敬慎本天質闔門若朝廷行義著邦國

中年遭喪亂肥遯恣所歷冰霜東海外薇蕨西山側

詎曰矢高節草莽亦臣職歸來尋舊蹊松菊已蕩析

刀圭雖小道聊爾寄高躋至人所過存神化自莫測

隔垣見五鳳縟草療癥癖遂令天下人共詫盧扁出

追維同學時雅志救焚溺萬物一體懷惕厲匪朝夕

詩集卷九

豈徒切痲痺直欲登衽席乾坤忽震蕩反覆在頃刻

此躬尙不閱何況黎與赤羨君多才藝抱此仁者術

良相良醫事異功則一吾儕盡蒙惠施及蠻與貊

此中化日長人壽皆滿百黃虞不可期願託神農域

送郁東堂北遊燕都時歲荒賦重不得已也

不道千金七尺軀也隨遊子學馳驅臨風莫漫傷離

別膂力經營是丈夫

健筆雄文迥出羣不愁前路不知君黃金臺上應回

首渺渺江南有白雲

丁未仲春送四子北遊兼呈魏柏鄉先生 有小

車書一統百度載新薄海內外翹首頌治獨
洙泗一燈在若斷若續之閒世儀有心憂之
久矣恭聞柏鄉魏先生振興絕業遠接授受
之正憾未能躬詣京師就正末學及門沙一
卿周鼎星郁植曹禾四子皆有志之士可進
於道者也世儀命之北遊親炙教誨且獻其
一得以求折衷異日大道南來淵源寔廣私
淑之幸詎止世儀而已四子之行無異儀之
自行也詩以勉之

詩集卷九

三

志克闢宏開有大儒

千里關河遠負簾百年今喜觀昇平 盛朝禮樂卑

孫輩莫效當年魯兩生

取友當求勝己友讀書勿讀非聖書前行若遇楊常

薦肯向楓宸獻子虛

矻矻窮廬五十年荷鋤親種鹿門田冲懷宰相如相

問謹抱遺經學守先

遊仙詩

日及花開島嶼浮洪厓遲我到丹邱藥爐昨夜黃

就先與青麟製轡頭

閒看天門種白榆下方塵土翳空虛華山道士剛來
到試問何年更墮驢

一夜罡風海水煎麻姑相約看桑田神龍骨汚跡

死贖有蝦蛆鬧晚天

閒促張公裁白玉醉拖呂老點黃金人間若不傳斯

術任是神仙也陸沈

雙白鷺

濡須沈氏女秀娘嫁陸氏陸有女名蟾姑甚

相得壬午流寇陷濡須陸氏舉家竄秀娘與

蟾姑以巾連屬手臂相率投符井每至昏暮

詩集卷九

四

有鷺飛翔井上人以爲二女之精靈云

雙白鷺雙白鷺智井飛翔向昏暮行人借問誰氏井

云是蟾姑秀娘墓小姑弱嫂兩相依日夕追隨綺閣

西狂飈忽起珠玉碎須臾盡作井中泥井中泥一何

潔香比幽蘭白比雪家家雞逐野鷺誰能相從白

鷺宿

海烈婦二首

烈婦徐州人歲饑同夫陳有量走江下

海永潮潮爲營兵貧不能給徙毘陵逆旅

備場二窺其妾欲誘之貸有是資并貫以酒

食乘閒誘婦婦叱之二倉皇還知不可犯適
運艘集有旗卒林顯者與二狎二囚與顯謀
以策致有量夫婦於舟且出費遣有量往紫
市纜而使姬持金誘婦婦叱出姬慮顯必將
突犯遂紉鍼密縫自外衣屬於中衣自中衣
屬於膝牢不可擘夜顯果扶窗入婦大呼奮
擊顯出婦自經死乃倉皇匿婦尸米中復募
舟人與十金令并殺有量期滅口有長年藍
九者應募懷金赴刑廳密首廳下其贖於經
歷繆君國瑞繆固多智慮失賊乃夜啟城門

詩集卷九

五

鈴詣衛弁言運舟匿逃人急索得顯九復負
尸躍出顯不能辨遂就縛次日密獻金咱繆
祈以和姦緩獄繆抵金於地旋往驗尸則尸
色如生衣鷄結被衽袪皆連綴焉旁觀者
無不譁呼涕泣繆嚴訊同舟獄成而後上之
司李顯擬斬二為永潮率士民奮長錐叢刺
死輿論快之士人為肖像立祠龍嘴題詩者

滿屋壁

古來節烈婦多在詩禮家卓哉冰霜姿汗泥出蓮花
智能灼機先勇能拒強暴初賊動機時天地為震掉

我來拜祠下毛髮為虺虺狂瀾方倒時砥柱乃女流
吁嗟露筋廟可與同千秋
夸士多好名名成有物敗烈婦不知名豪傑乃共隳
王侯爭百乘卿相動千金不料真俠烈兩見下位英
趙氏存孤恩程嬰杵臼力至今推義士千古同血食
兩公雖生存允宜祀廟側

題楊青巖憲副行樂圖

江南泉石天下推水何淡淡山何奇春當二三秋八
九種種事皆相宜儻人誰不矜幽討逢說山林便
稱好春明風暖佩聲濃潁水箕山迹如掃長松落落

詩集卷九

六

風差差傲然長松下者誰葛巾野服恣盤礴復有二
妙相追隨云是青巖巖下客左龍右鳳同遊嬉問公
何能有此樂急流勇退心無私聞說公當少年日讀
書木榻穿雙膝百原風雪夜沈沈長白齋鹽秋瑟瑟
一朝奮起凌風雲歛然鵬鵬超其羣西江桃李栽多
士南國成名動一軍人生所貴在適意黑頭宰相非
難致但當少忍須臾問何用區區製荷艾惟公卓識
高宴區翩然拂袖歸五湖白雲在天我有母安能日
夕供馳驅山可佃兮溪可漁水有舟兮陸有車牀頭
縱橫列琴瑟架上錯雜陳詩書有時醉客華堂夕琬

璃深杯傾琥珀繁絲急管動清謳新聲輕按揚州拍
有時安神坐閨房呼吸精和守由黃無懷葛天在何
許北窗咫尺追羲皇君不見瀛洲客待詔承明聲赫
奕又不見揚州翁腰纏十萬誇豪雄一朝失足在意
外傲廬不得三畝宮何如適志林泉下耆英有徒酒
有社妻孥熙熙雞犬閑歲歲春觴聊共把

戲題蔡子仲全行樂圖

古冠古服古丰姿不合時宜一肚皮譜是季通家學
舊人如賈節道風奇五旬茅屋無人問六十高名天
下知尺寸不階能振起蔡公端的是男兒

詩集卷九

七

和楊青巖五十自壽作十首

馮來相見憶前春風月常過笑語頻屋底山川藏化
育奇巖於檻外圖中觴政顯經綸青巖有陸選聲不
畏周郎顧座客祖文山得句寧教白姬嗔行樂及時
剛半百何妨沈醉舞逡巡

結廬人境勝山蒼夜識金銀在不食只學守中兼抱
一壺知咸五共登三退當勇處心方樂遜到肥時性
所甘願足田園春睡穩人間飯熟尚酣酣

薰風試暖喜開樽頌祝盈庭有弟昆行酒應門由二
子累棋採蠟任諸孫狀頭初熟三春釀池上新成十

畝園時方于適盡醉不須愁日暮月明遮莫到柴門

漫說神仙善駐年能凌倒影攝飛煙縱無筋骨勝囊
笠詎有精神冷豆籩忘世不勞追日策隨緣何用買
山錢濁醪妙理前賢旨爛醉高眠詠百篇

競誇要路與通津釜底塗餒蠟代薪意氣正都剛發
迹豪華忽過已成陳隨時徵逐皆為幻與我周旋始
是真世事盡捐親卷軸如公方是一完人

箕山潁水意何如五十功名賸有餘醉裏揮毫成絕
調閒中徒步當安車心期直欲高千古浩氣還應切
太虛借問古來誰得似朝川莊上老樵漁

詩集卷九

八

擬遂初心築數椽有堂名市廛中有好林泉高梧翠

竹能消暑清簾疏簾足晏眠與客賦詩常夜夜借僮
種菜自年年比來讀易尤多悟月滿青天水滿川嘗

壘石為山更築隄山根曲曲繞清溪春來載酒花同
醉客至題詩手共攜流水並緣坡上啼鶯只在樹
東西夕陽更倚高樓望遙見村郊犢負犁青巖近構

與來覓句步修廊倦即拋書臥北堂竹樹影高千尺
舊菱荷花發六時香靈竅自是全無物明鏡何緣得

有霜揮手浮雲謝簪紱閉門終日自徜徉

居官處處說清風解組辭榮此口中不羨聲名高闕
北甘將姓氏比牆東詩成白雪篇篇潔酒泛珍珠瑤
瑤紅無數斑衣堂下舞黑頭堂上未稱翁

贈荆丹水

磊砢頻嗟世未平如君端是救時英才成八面鋒仍
斂勇敢千夫氣不盈竹箭南山須羽鏃風雲北海待
鯤鯨精神滿腹方強仕拭目何當一廓清

金壇史惠修過訪問道於丹陽蔣至正齋共談

至夜分卽事有作用至正韻

詩集卷九

九

黃葉丹楓秋漸深深漫勞佳客遠相尋三更明月千秋
語一夜清燈萬古心絕俗何妨終逃世救時只合在
知今堯夫有語須同勉磨勵當如百鍊金

重陽後一日同蔣仲初至正齋梓拉荆大來遊

吳塘大來有詩見贈依韻賦答

佳晨九日過秋色在天壤午酒正酣適曠曠發遐想
乾坤襟帶開何不一俯仰同心三五人信步欣所賞
高林垂丹黃遠水積滄泱遊得靜致茲樂信無兩
紛紛刈穫勤歷歷場圃廣西戍旣獲遂萬物聊致養
人生飽衣食何以能勿枉庶幾共勸勵幸勿畏勉強

賦得孤雲亦羣遊寄王丹獻

孤雲無心遊有時亦出岫好風相與俱天末信所遊
雲族多無心紛紛遞相湊聚散本偶然依棲亦邂逅
同在大化中何去復何就

又和李堅子原韻

至人妙因應契合當在微孤雲雖羣遊亦復終無依
此義知者寡徒令中心悲持此欲語誰世應笑我癡
天命苟如斯安之復奚疑

姑惡鳥也其鳴甚悲晝夜不輟土人云此婦爲

惡姑苦死而化予聞而悲之作姑惡禽言一

詩集卷九

十

首

姑惡姑惡生悲死樂小姑朝夕起謠詠丈夫男子心
意薄不如將身作禽鳥願得後娶奉羹臠

又絕句

侍奉晨昏分所當鞭箠罵詈亦尋常如何終日言姑
惡羸得身歸異類鄉

楊爾京刻子宗祭禮成賦此致謝

人生有宗族如山水支派山從崑崙來水自星宿沛
支分派既別流布滿大塊及其溯厥始原本燦然在
追維生民初喪姓族始大堯舜及三王宗法儼不壞

如何秦漢後骨肉漸分背同堂若參商手足成敵愾
程朱慨然念有志而未逮至今家禮中稍亦示其概
嗟予本愚蒙深慮族姓晦澁酌古今宜聊爲本支誨
分合視親疏遠近起隆殺豈敢冒僭辟王化實有賴
毘陵爾京氏一見契所愛方欲整厥族茲實啟其會
兼謂此至理羣倫所共快有身別有宗誰復能自外
糾工具黎棗願與公覆載維此古人心今人不可再
何當推此志共整大小戴鄉國及王朝集純去其倍
坐令此世中復見古三代

答一菴三生公綸見贈作卽步來韻

詩集卷九

十一

賢聖天生別有姿後儒淺學得其皮元虛異說偏矜
妙平實真詮反詭奇虛事繁言何足較由來至理少
人知從今慎勿開生面只抱人閒不哭兒時方與友
人論性善
故戲
及之

題楊青岑行樂小像時方居憂素冠縞衣

猗嗟山之閒兮彼何人斯目渺渺其善愁兮心耿耿
其若思覩素冠之岌岌兮知棘人之况瘁維有懷於
二人兮肆明發以不寐願何取於林之下兮坐磐石
以跂而豈有感於風木之不靜兮抑苦塊之餘悲在
昔子與氏之周游兮母既葬而哀猶未艾爰刻石以

肖形兮踞墓側以自代茲縞素之爲圖兮若將服之
終身朝斯夕斯以自警兮斯其爲仁人孝子之用心

酒胡歌時聖傳留子與晉戚夜飲以酒胡佐酒

戲成短歌

酒胡俗名撥不倒以
手轉之向人則伏

酒胡酒胡舞旋旋側身著地還向天三回四轉不肯
息將定不定如乘船繆其腹兮烈其臂首欲進兮尾
欲退爾勸我酒我未酣我爲爾飲爾先醉君不見吳
王昔日姑蘇臺西施妙舞歡如雷曲終珠翠帚可埽
須臾化作吳宮灰又不見祿山胡旋如風急洗兒受
賜金錢溼一朝鞞鼓動漁陽六龍西幸千官泣何如
酒胡不衣復不食不傾人城不傾國轉動能令滿座
歡常與吾徒佐春色

詩集卷九

十二

大雪口號十首自順治甲午後此景不可復見

今歲兩得之大寒中誠瑞徵也但時勢多殊

觸目成感聊爲俚言述其大概前七首以歎

世後三首以自歎也

山河大地盡茫茫浩蕩都將一色裝若使果成銀世
界官家不用比錢糧

聞道蝗災不可治共憂蝗種土中遺而今入地應千
尺不救應無出土期

江南北蝗災特甚鳳陽至蔽天
四日日色俱無劉敞曰此食殘

害政所致
今幸值雪

河魚臘雪向稱珍飽食常愁悶殺人清海頻年軍令

急貪夫不用更憂辛冀中以海為利數年來江海之味俱絕

謝家人物一門兼好景爭將好句拈柳絮才高何處

用不如真箇撒成鹽冀中鹽貴買人和以沙灰至不可食

哀安逃稅掩柴門東郭催糧曉夜奔總是履穿誰歇

脚卽教僵臥也難存賦役之苦至歲底不得息

掃雪烹茶興味真年來學士苦無薪遙看美酒羊羔

客盡是磨牙吮血人

白宰風流雪夜寒吏人呵凍寫詩難年來盡醉銷金

詩集卷九

十三

振袖笑當時措大官白林九為太倉令雪夜呼羣吏入與紙筆令賦雪詩一時傳為

憶昔山陰乘興舟到門不返浹旬留只今剡曲溪流

澀祇恐船回不自由昔年友人如武林攜李西安繼泉每千里相思過從浹月今零

落將

羣英集詠鬪奇葩玉樹梅花世共誇玉樹已摧人去

也果然天上落梅花甲午冬長兒純同及門諸子詠雪有人開玉樹天上落梅花

之句一時歎絕至癸卯而

兒逝至今思之似成詩識

猶記當時子午年小亭風雪夜談天比來立雪人何

處壁背西風阿那邊順治戊子大雪甲午又大雪時及門諸子多集小亭究心象

有詠琉璃潭天詩今多
以歲荒家被旅食四方

前雪

從來雪號豐年瑞江南土暖非容易階前積寸便稱

奇騷人覓句王孫醉此時冬至未過推窗忽見三

尺多老顏破涕回作笑明歲倘得邀天和東鄰惠我

一壺酒甗下乏薪難上口故絮無溫夜不眠朔風怒

吼江濤喧年年木棉賤如土賦急囊中無阿堵今年

四郊木棉盡比屋號寒非獨苦江南江北億萬人無

衣無食兼無薪安得來年二麥熟夏稅停徵到秋穀

吾儕雖貧受凍死亦足

詩集卷九

西

後雪

朝雨雪暮雨雪雨雪連縣未斷絕官河如鏡凍不開

兩月不見芻薪來城中戶戶絕煙火三旬九食愁殺

我惟有官倉夜不闕火城照耀高於山引滿圍爐敲

凍骨飢喉無聲呼咄咄朝廷詔蠲不得獨從容餓

死溝渠邊嗚呼安得從容餓死溝渠邊時吏胥作奸荒者不報報

者亦不
得獨

過鴻逸草堂看梅七絕句效子美曼興體時諸

友未至予特先期二日以下戊申

入春十日五日雨梅花易開還易殘眼前好景莫輕

過走覓西郊酒伴看

西郊酒伴能種梅十株五株隨意栽客來看梅同酌
酌無人即自舉深杯

從來看竹不問主看梅何必主人邀早過先得二日
醉看花也要奪頭標

獨坐看梅倚釣磯與梅相對淡忘機端詳嫩蕊徐徐
放憑仗輕花緩緩飛

千花綽約映蒼楣萬竹參差夾水湄恰似翠屏圍素
女倚闌傍檻向人窺

十株梅花九株白一株忽與胭脂同萬白叢中紅數
點珊瑚亂灑玉玲瓏

莫歎無緣遊鄧尉從來作戲貴逢場深塢千重萬重
雪開時總是一般香

初六日石隱樊邨存齋寒溪確菴集鴻逸草堂
看梅以月明林下美人來為韻分得人字效

子美拗體

二月六日天氣新草堂梅開詩水資花光樹色影零
亂詩籌酒政聲紛綸漸覺眼底少高士何由夢中來

美人與酣日落蕩舟返微月暮雲迷去津
花朝前一日過膠塘作

膠塘岸迴水痕侵斜日平岡萬竹森天為愁寒鴈不
暖雲因拖溼畫常陰一聲柔櫓暝煙重無數落花春
雨深可惜江南梅信裏蹉跎終未愜幽尋

壽虞山王兆吉孝廉七

子自酉戌閉門後雖虞山奇勝地素多名賢
未嘗輒往友人張永暉為予言兆翁先生之

賢掩關述作尙友千古不覺欣然欲往今值
古稀之辰張子索詩以贈因為賦一律遙寄

以壽

記得生申全盛時山林盡是廟廊委百年禮樂書充
棟三月鶯花酒滿卮節序也隨天氣改芳華俱逐歲

寒移靈光賸有先生在清簾疏簾自詠詩
壽蘭陵吳用晦八十卽和自壽原韻

不隨流俗混冠裳留得耆英在洛陽令子娛親爭和
句佳孫獻壽自擎觴直腸有觸緣多感大道無私底

用藏八十年來心皎皎共看白戶與秋霜

崑山葛瑞五攜家入山詩又導引為升舉之術

客冬五十詩以贈之

近來學仙妙訣新吐納紛紛求上真秦皇漢武明驗
在天下豈有真仙人古來英雄不得志感身生往有

深意留侯癖侯皆辟穀詎肯區區惑神異萬城仙人
智計殊學道能與仙姥俱劉剛鬣術雙成戲弄玉吹
簫兩共娛卻笑當年梅尉去棄家變姓何恩遽爲仙
不得庇妻孥空作昂藏一丈夫

壽華山巖公和尚七十八俗姓熊諱開元先朝

名臣也

一從出世已忘年況是僧祇劫屢遷老佛自名無量
再世人空頌九如篇黃花翠竹皆成供人鬼天龍總
作緣此日登堂爲說法華山花雨徧諸天

毘陵董文友同其弟子一雨中願訪兼贈新刻

詩集卷九

七

卽事有感

積潦經旬緩卻春禁寒梅萼未全勻忽來舊雨兼新
雨不覺令人勝古人三徑草荒泥沒屐孤亭塵滿網
縈巾新詩惠我驚盈握徑寸明珠絕世珍

詞客梁園賦滿車如君名下海無虛已驚江海凌瀟
陸况復風流勝庾徐搦筆五丁開巨幘傾胸二百出
奇書江南才俊知無數至此惟應歎不如

筇在禪師六月冒暑遊天台雁宕歸而作賦贈

諸同志將爲賣賦買山之舉諸同志作詩贈

之子亦漫賦一首步徐子昭法韻

寤寐雲山思渺然翰君仗錫獨迴還直將肺腑收靈
氣頓使煙霞落彩箋豈有千言驚絕俗實無一字是
眞禪只愁世外凌雲筆不似長門近值錢

樊邨願子才情氣魄十倍於人年來忽病目障

姑蘇何藏之用金鍼一發豁然復明朋儕皆
爲志喜賦詩相賀兼贈藏之子亦勉賦短歌

一篇書以爲贈

虎頭先生鬚似戟舉動千人常辟易讀書一目數十
行雙眼恰似胡僧碧少年跡跡思封侯走馬射獵東
海頭遠穿楊葉百步外秋毫洞察於無備年來魑魅

詩集卷九

大

憎明鏡亂起塵霾污清淨遂令銀海障浮雲日月無
光妖氣盛金輪仙人心煩憂翩然策杖來瀛洲手持
金鍼大如杵奮撥雲霧開陰幽一揮日色見再揮月
光浮日月重朗天地泰使我願子掀髯一笑開雙眸
吁嗟仙翁兮仙翁人閒雲霧何濛濛願借金鍼一普
施盡令天地開翠蒙

洞庭翁季霖得倪雲林手書江南春二詞文徵

仲補畫一時名彥如啟南昌穀子長希哲諸

君子竝和之誠近代書畫之冠也季霖白和

其韻因索和於海內名流濫及於予亦附二

首

江南三月饒櫻筍雞犬閑閑春晝靜村巷天桃穠
聲樓臺楊柳鞦韆影寒食無煙宮舍冷景陽花落空
簪井可憐青鳥銜紅巾楊花如雪隨香塵

江花深處江水急江雨如絲江草溼繁華六代嗟何
及石城煙樹傷心碧裘馬誰家滿都邑銀箏侑酒穿
花立愁來腰下看青萍當風不語徒屏營

東雲閒諸乾一進士兼寄五老峰歌時乾一方
修九峰之勝約諸名士遊處其中

昔聞九峰名今讀九峰詩九峰杳渺不可見白雲繚
繞天之涯羨君不受名利羈羨君不愛裘馬私翩然

詩集卷九

九

策杖山水閒木石鹿豕同遊嬉有時海內集名彥微
文闕賦風雲馳我老不得相追隨寄君一幅五老辭
九峰之閒如可著茅屋廬山五老不惜更有飛來時
五蟲吟和陸鴻逸

書蠶以魚名

故紙鑽研不計年欲成脈望冀逢仙徒將萬卷皆穿
破未見鯤鵬翥九天

蚯蚓以地龍名

寄迹於陵千子行微吟聊爾配蠅蟻泥蟠終日無鱗

甲也說天飛浪得名

醴蟲以雞名

也知囊裏望青天曾與微生結俗緣五德問君能有
幾寒酸沒首總堪憐

蝸以牛名

引重原從利物稱如君祇足戴家行蝸名戴家蟲虛張頭
角爭蠻觸槁死牆東了一生

伊威以駱駝名

祇與蠪蛸日作羣足能千里未曾聞明駝千里足虛名滿
耳欺當世到底南人不夢君南人不夢駝

詩集卷九

三

五蟲吟有所刺也然意主於刺則未免於刻復

成五首代五蟲作答聊以解嘲

代蠶魚答

貫穿萬卷漫安居誰笑儂家腹內虛無數鱗蟲誇衍
意祇應赤鯉一傳書

代蚯蚓答

閒傍牆陰自唱歌屈伸偃仰恣婆娑神龍失水泥蟠
日也與區區爭不多

代醴雞答

書蠶酸寒我自艾囊中一隙有天知宋家寶下能談

易未免遭烹費屨屨

代蝸牛答

角上虛名儘自寬書牆題壁也堪觀田間伏軛何辛
苦見月暉暉喘未安

代伊威答

閱寂陰房徒侶多相攜負荷且問過笑他踉蹌風塵
容引領長鳴喚奈何駝涇流沙風將至則引頸而鳴

過太微觀步確菴韻贈斗垣張鍊師

仲蔚門庭歎草萊卻憐幽院淨莓苔閒看鷓鴣自來
去靜與仙真獨往回闌苑星雲朝跨鶴斗壇風雨夜

詩集卷九

三

鞭雷子房年少君休訝黃石初逢未易才

題宋射陵蔬枰六絕句射陵諱曹字份臣海鹽

人崇禎時爲中翰曾應史閣部聘入幕府參

軍事國變後種蔬養母近以山林隱逸徵

井字開方十字奇栽葵種韭任從宜廢興更代時時

有絕勝人問一局棋

灌園小試亦經綸動靜方圓各有倫笑倚長鑿閒立

久旁觀錯認爛柯人

推枰斂手久藏埋卻向邱園寄壯懷豈是塵寰無區

手到頭一著未丟開

飽經暑雨與祁寒抱衾終年手足酸謀事在人天未
定幾回長歎倚勸看

殺雞供母古人欽淡泊齋鹽那可禁祿養不如謀善

養菜根滋味北堂心

飯熟人閒睡起遲田園無夢到形墀種瓜原是京陵

客不似商山但採芝

贈三藻儒庶常拔

萬石深仁裕後昆紫衣朱紱滿高門謝家子弟名皆

貴荀氏人才後特尊藻儒行第八池上鳳毛原故物禁中

貂錦是新恩鄉閭莫漫相驚訝射策曾推玉殿元藻儒

詩集卷九

三

先擬

贈王茂京進士原祁

猶記牽衣索馬騎驂驪千里竟飛馳五朝遺老几方

授祖太常公時年八十一代孫枝佩又垂兩宋科名天子重京茂

與叔藻三槐陰德路人知年華才力俱方壯正是蒼

生仰望時

過劉河同穆苑先願殷重諸子登望海樓

昔人營重鎮樓櫓鬱岩巖一自滄桑易頻驚海若搖

荒城餘古戍危堞打寒潮無限登臨意長風起沈寥

桂花歎

楊林桂花梅花芍藥為吾婁一邑之冠予不

至楊林未十年三物皆非故隍故歎之

楊林渡頭老桂樹柯葉參天覆千步花開恰似金浮
屠逆風數里聞香霧主人惜花如惜兒見人下拜乞
護持百年珍重如一日相戒不敢攀條枝十年之前
我曾識遊女遊人粉似織畫艇笙歌載酒來桂花日
日生顏色只今寂寞短籬邊葉落花零也可憐主人
無言四壁破掩面啼泣愁荒田時見催租吏人過下
馬當場橫索坐廝養叫呼尋斧柯樹頭禿盡將奈何

芍藥歎

詩集卷九

三

婁東芍藥誰最佳太常東園故相家藻野堂前三十
畝花開萬朵如鋪霞楊林陸氏更出類父祖相傳能
種蒔百畝紛披燦錦雲太常一見猶心悸年年花發
酒杯傾宗族交游共送迎刷根賣藥供賦稅剝啄不
到心無驚我來忽訝成荒地亂草枯蓬望無際為問
主人今若何四鄰搖手潛流涕里排艱難吏卒躐銖
鏹不到俎園固花開不見菩薩面獄底夜叉翻出現
前人詩有芍藥花開菩薩
面棕桐葉放夜叉頭之句

梅花歎

楊林人家多種梅花開十里香雪堆銅坑元墓何

羨家家步履春風催種花主人亦無數惟有曹宅

千樹平隄小閣出林梢登高一望香霧主人好客
又多才青梅如豆卽銜杯得錢完課盡沽酒徜徉歲
月真悠哉豪家大宅爭較計編錢作埒君不暇但知
禾麥有豐凶豈料梅花有興替良田不值一鈞金誰
將餘力買園林灌花無資樹漸壞斧作薪芻向城賣
毘陵唐子久學博以詩見贈次韻奉答

先生三代古時英猶記西來望宇衡子節毘陵楊氏與公衡宇相望
滿篋詩文恆照耀一榻花藥自崢嶸種成白玉丹初
就讀罷黃庭酒漫傾竹几蒲團清晝穩蕭然無事得

詩集卷九

三

長生

郡中張永暉攜吳中往哲圖過婁造晤約寒溪
菊齋隨菴同集桴亭步隨菴韻

故里名賢動我思芳蹤孰與共追隨儀型已見圖千
軸塊磊須憑酒一卮筆下當年垂懿範尊前此日訂
心期從來景仰由先哲月在青天影在池

莫爾庸六十索贈爾庸善吹管為吳閩第一

吳閩風月夜如年絲管聲稠沸遠天技到絕人方冠
世品能超俗始為賢干場縱酒仍高雅是處徵歌亦
偶然子孝妻賢心事足如君不愧地行仙

祝施母毛太夫人八十兼送又王遠行

清和時節豆芽肥遊子歸來戲綵衣
何事天涯頻策蹇擬將寸草報春暉

壽吳開徐石兄六十時館洞庭

花深一徑講帷開榻下傳經盡俊才
道足煙霞地笑傲機忘魚鳥共徘徊
竹閒待月攜琴坐林下尋詩策杖來
我亦湖山逸乘興憑君先為拂莓苔

八月二日存齋樊村寒溪鴻逸拙齋確菴同集

竹西池亭分得話雨

細雨竹林幽七賢偶而集雅懷發高論
不似清談習

詩集卷九

五

宋維程種菊娛親招同石隱小集菊齋倡韻即

席同賦

歲事艱難百卉荒君家猶有菊枝芳
半年心力三秋玩百日劬勞兩月香
茂竹護來寧畏雨今歲甚雨菊不皆壞茲獨得全
草堂移處不教霜主人珍重為娛老
莫惜草

前一舉觴

歲事雖荒穠未荒牀頭釀熟菊初芳
到來暮色兼色對此花香共酒香
老友詩篇誇爛漫少年文字挾風霜
菊齋孫子孫婿也白頭小戶皆沾醉
惟有公榮不舉觴

皆止酒

石隱看菊次日飲興未已時有作詩以金石

竹匏土草木為句首下限溪百雜齊啼韻者
頗矜其難石隱即前題依式賦之以示菊齋
菊齋亦屬和并以命子率爾勉成

金菊花開傍小溪石牀聯坐口斜西
絲桐挂壁柱竹徑留賓有黍雞
匏葉屢吟非刺衛土風難變不
忘齊革三未定之心怕木落寒林缺鳥啼

醉歌行為朱仇池作

仇池先生六十頭未白奇迹荒江茅舍
窄養蒙聊爾

樂吾生談道每欣多上客讀書夜能鈔
細字飲酒朝

詩集卷九

五

堪醉一石邂逅遇我城西陌握手相歡
勝平昔東鄰張子頗好事邀我同過傾
瓊液我時病餘不能飲酒未沾唇面先
赤羨君豪興絕代無一吸干觥人辟易
酒酣耳熱發浩氣鬢髮上指鬚如戟仇池
仇池此夕何夕君為我起舞我為君按拍
世上不知誰醉醒慎莫學龍醜儒生徒踉
蹌

織簾居晚望為顧伊人賦用原韻

掩關終日坐薄暮且開關曉藹前村樹
蒼茫隔浦山地因偏自古人以靜而閑
今昔無窮事銜杯一破顏袁子幼白子
舊同學也能文好俠善吟賦向身

仙今忽從法輪參學將別索詩為贈戲成四

絕以當傷

少年跳跟老參禪兩載為人只麼懸底事原來無二

義倒翻筋斗向青天

繁花落盡悟空王悟後繁花總不妨慧業文人乃學

道磨磚作鏡是尿牀

剛腸嫉惡世皆云仙姥諄諄也進規菩薩金剛差別

相誰知努目是低眉

莫道袁生更不癡而今乃見老頑皮門棧拍板隨身

帶正是逢場作戲時

詩集卷九

馮庭表移居乞詩依韻以和

不須泉石與煙蘿方寸真成安樂窩地僻似嫌遊屐

擾戶幽卻稱野人過道無可道宦言術仙亦非仙肯

事處庭表好道故云滄海桑田等閒耳萍蹤何用款蹉跎

十二月舊令白公以事至吳門士民百里趨迎

牽挽而至至則寓藥師菴不入城紳士皆攜

酒肴就之百姓焚香趨拜踵頂相錯子沛

追陪因採見問所及為續舊官謠

平地婁城笑口開喧傳盡道白公來攔街結綵春如

海比戶焚香鬧若雷公未至前三日街巷皆焚香結綵新令到公聞知其詳不覺

異

紛紛士女并兒童走向江干候我公三日遙瞻猶未

到可憐盼殺白頭翁公未至前三日

一幅輕帆到水隈蕭然野寺步莓苔河陽重看花

錦盡是吾公舊日栽士民方隨闕迎公公謂

知

綠衣朱幘小英雄本指點人稱二相公陰德從來歸子

姓願他福祿永無窮公四子時次子侍公行年十七

相隨終日飲醲醑相對渾忘孰主賓有友昔曾推孟

獻只今何讓古賢人隨公至者山陽李香河姑蘇王

詩集卷九

煦煦為仁未足欽仁能錫類始為深如公盛德真無

二儂從皆存撫字心公愛民心切家人皆化之有孟

使君一去十年餘徵長髯鬚貌自如閒卻經綸無處

展漫教與土動秋獻塗人見公一日公貌自如但髯

何不留官此土

今年四月雨如傾平地波濤頃刻生不是兩河能洩

水春郊何處尚堪耕公開朱涇婁江南河利及三吳

德

士賤年來不可言文昌貫索一何繁須臾霽沐加堂

阜一度重來一度恩自賦敘命急士之繼種者不可

獄賦詩不輟公聞而出之擬出獄賦詩有
不遇江州白司馬琵琶撥盡有誰知之句

紛紛負擔盡謳歌盡說蘇松管道過天若果憐窮百

姓便教巡撫待如何蘇松道久裁愚民不知故有此

憐窮百姓便陞州牧作都堂之句同一
愛慕無已之心也故并採之以入篇

王煙客太常招同顧子殷重陪白使君東園燕

集二律

東園

東城郊外午橋莊行樂年來徑漸荒端為君侯重拂

拭卻令山水盡生光尊前款語懷民社醉裏憂時動

慨慷共起隔溪觀樹色滿前都是舊甘棠

猶記觀荷傍曲池憑欄對月共題詩十年風雅留高

詩集卷九

无

韻千里雲山隔夢思劍佩忽臨如昨日尊疊重整話

當時相親一刻非容易莫厭頻斟酒滿卮

吳梅村太史招同吳魯岡兵憲陪白使君燕集

梅花菴

辟疆別業徑重分埽石焚香揖使君綈几朱欄臨疊

嶂清溪畫艇泛晴雲冰霜此日憂方集膏雨他年思

正慙一室圍鐘承笑語春風滿座夜氤氳

他年

舊令去官見紛紛民謠有感作

也願身名兩泰然誰知一跌墜深淵諸公莫漫相嘲

笑好鑿前車猛著鞭

詩集卷九

三

梓亭先生詩集卷九終

後學朱誦韓敬校

桴亭先生詩集卷十

太倉陸世儀道威著

己酉至辛亥

將赴雲陽諸同學治酒寒溪齋中為別各賦詩

贈行卽席賦二絕 以下己酉

三月鶯花正及時東風吹我動離思故園不是頻輕

別鄉黨幾人能自支

驪歌欲罷酒微醺握手寒溪日暮雲醉裏相看頭盡

白那堪歲歲惜離羣

答王石隱送別之作

詩集卷十

躡得天根始講人誰能憂道復憂貧眼無青白同羣

化胸有陽和萬物春自是菲才誰用世□□□□

□□驅車僕僕成何事慚愧先生迥出塵

別母赴館舟中有感作

八十高堂六十兒饔飧朝夕反難支臨歧欲別渾無

語咽淚如珠不敢垂

五日征帆去路遙半為負米半征徭公家若肯寬時

日豈忍庭闈隔暮朝

繳湖小隱歌為曹生豫朋題

繳湖團團圓似繳夜夜湖光如月滿千條楊柳蘸溪

長萬葉青蒲依岸短湖中高阜高於山山中隧道如

幽關云是何王之古墓千年靈閣巖花斑湖山之傍

有奇士譙國南來貴公子上馬朝彎五石弓垂簾夜

讀千編史負才不遇鬚眉蒼短衣射獵輕侯王忽焉

悟徹名教樂盡洗豪氣為循牆自念為山須立址砥

行端從門內始千年故牒炳琅函百世芳支登荆廟

人生會須識本根本根不識誰敦倫如君真是知非

者不愧前人作子孫

次韻贈荆裕如

一別春風又隔年重來相見倍依然杜鵑紅潤三春

詩集卷十

雨布穀聲頻二月天顏巷多君能自樂陳樓愧我但

高眠奚囊佳句知多少一日還期惠一篇

短歌行贈荆與可

與可荆子長七尺瘦骨輕軀如鶴瘠讀書萬卷不逢

時四壁蕭然空歎息賣書釀酒酒滿缸未熟催人喚

客嘗酒酣耳熱語益急笑罵痛哭憐清狂君不見君

家荆卿擊秦王氣為白虹干吳蒼胸中塊磊千百斛

安得匕首如秋霜

壽西昌蕭孟防

匡廬高出五雲低華胥遙聞說柳溪建瓴源隨濂洛

遠文章名與斗山齊春浮逸致傳醅醑遊圃高風寄
赫蹏更欲乘風載詩卷泝流直上大江西

謝

裕如以牡丹三朵見貽其一甚肥戲賦一絕以
太真濃豔燦朝霞碧玉還將鬪麗華可惜道人無用
處卻來頂上作三花修養家有三花聚頂之說

端午日憶往事有感

東國繁華自昔推况逢佳節勝情催江潮夜湧牙檣

集海市朝開石首來粵江昔開數里每端節則南洋
漁舟畢集遠達四郡今江成平
陸漁舟寶勝金符粧閣啟旌旛簫鼓畫船迴追思盛

詩集卷十

三

事應難再賡有菖蒲浸酒杯

答徐爾淹見寄作

咫尺關河未得親屢承芳訊意何殷圖書闢古無他

祕教術猶人負眾英辨論一時聊共印是非千載又

誰爭悠悠滿目無狂簡歸興何山比在陳

五月過毘陵宿楊爾京豹隱齋爾京尊人青巖

先生卽席贈詩依韻奉答

故鄉浪說四腮鱸尊菜春荒近亦無自愧向平遊五

嶽誰驚子靜到鵝湖難將木石填滄海賸有冰心在

玉壺珍重相推吾豈敢學通三極始爲儒

次日青巖先生約過近圃午飯且示近刻卽席

用近圃韻賦贈

溽暑事行役過此非適然主人十日留遊我游平泉

芳園不出戶取樂一何便新築正經營池館鬱繚延

地偏隔塵市古樹忘歲年中流瀛奇石屹立山岳堅

上如千仞岡下如萬里川容膝以爲居虛舟以爲船

容膝虛舟更有自得窩時時供晏眠有小閣屬子卽
近園齋名此自羲皇何必希葛天青精飽飯後徐步相拉牽攀

躋貴忘形主客互後先小酌鑑湖曲落日波生煙清

談不求醉爾我天俱全本無世情縛安有俗慮纏區

詩集卷十

四

區襍穢子才于真可憐

下午小飲鑑湖一曲青巖先生賦詩見贈卽席

依韻奉答

百年強半老樵漁鄰下才名愧口口酒取忘憂寧故

卻詩能適意不求餘芳園泉石君偏勝蓬戶簞瓢我

自如記得杜陵佳句好山林高枕卽吾廬

蔡仲全闔遊謁靖藩世子歸時同在座青巖先

生作詩贈之子亦依韻賦贈

白首山林老著書南游嶺嶠意何如將軍揖客氣常

壯天子狂奴傲有餘仲全自稱江南老布衣
世子稱仲全博學君子王座穆

生原設醴侯門馮煖豈無魚去來隨意從容甚短褐
依然不曳裾

宿爾京豹隱齋臨別賦贈

高齋留十日投契一何深避暑非河朔清談異竹林
鉤簾風乍起把瓊月初臨商略惟經史悠然萬古心

壽毘陵湯煜子七十中山襄武王十世孫也

中山勳業在旂常城社功高世澤長中山築城點將

臺存邊月苦護龍河繞陣雲翔詩書累葉簪纓舊祠

廟千秋俎豆煜子曾出貴建祠呈請復祭十世猶能揚祖烈海

天遙進一霞觴

詩集卷十

五

荆遐咨先生得陽羨新吟甚佳每烹啜必遣童

相遺戲為一律以謝

名茶陽羨夙稱雄况復新成自吟中芽自雨前生出

好地從廟後種來工金鑄漫煮叢叢火玉盃遙擊細

細風不覺悠然清兩腋卻令陸羽作盧仝

予未識吟茶原委荆子裕如示我洞山吟茶記

原委甚悉而文特高古因為吟茶行記之示

裕如并政遐老

生平啜茶不識茶何異不辨菽與麥我來雲陽試新

吟真覺清風生兩腋荆子示我洞山記始知異物生

奇積古來龍鳳造成團碎碾椒蘭和香澤蘇黃兩公

號知味薑鹽亂行添茶厄入明始有解茶人絕去粉

紆取真液清明初過乍抽芽便擷新英供上客虎邱

蒙頂互馳名雀舌旗槍爭據席朱門王孫酒肉臭願

得清涼蕩胸膈千金不惜買松蘿自謂芬芳難與易

豈知名茶有極品洞山一出空羣迹洞山只在陽羨

南雒州境裏驅園坵兩嶺之閒名曰吟洞山突兀高

千尺山前舊有土神廟廟後蕪茶畦徑窄相傳猶自

宋時遺一人天幸空柯比金石紛紛帽頂與犁尖咫尺相

看便分畫棋盤香袋品亦上兄弟雁行猶踟躕探之

詩集卷十

六

必自立夏後氣足神全方可摘竹籠茶竈漫炊蒸不

似雨前輕天幸去其微苦留其甘良工能事誠非昔

江南大家百萬戶戶戶傳聞競珍惜雅人韻士尚風

流爭入深山親躡屐摩挲劇於十五女一葉一枝如

拱璧旋汲山泉活火烹玉盃盛來天與碧沁人肌骨

清人心疑在冰壺濯神魄君不見兩川秦鳳茶狼籍

葉老莖粗叢劍戟朝廷立法限華戎十萬軍需仰朝

夕吾儕何幸生此閒細吸中冷品茶格

金壇史惠脩過訪談道賦贈

性命功夫也不難只將日用等閒看功名亦是中閒

事莫把分開作兩般

說玄說妙總朦朧只在尋常日用中略向此閒分理
欲一輪紅日白當空

見木竹有感木竹心實而小惟皇塘有之

虛心君子竹惟爾不虛心自外甘離落何堪薦釜鬻
枉稱簾篔族徒入葦蕭林羽鏃豈無用加工恐不任

過丹陽荆蕪瞻逸園小飲舫齋

芳園新徑好疎竹自蕭蕭細路迴溪足平橋貼樹腰

荷香三面望柳影一隄遙久坐渾忘暑歸途未覺迢

曲曲小池塘蒲荷一帶長竹分遙送冷花落迴添香

詩集卷十

七

遠舍三閒足侵階二尺強便當臨水坐濯足擬滄浪

主人能愛客小設為情親果摘家園味鮮烹曲沼鱸

醉醒隨客意裸跣任吾真歌枕支牀穩涼風動渚蘋

臨溪野望闢小築又新成秔稻平疇足松筠古祠清

踏青春社會轉水夜歌聲好待楓林赤還來坐月明

書扇贈稚圭荆生

荆國家聲重清才爾獨賢德因清自厚氣以靜彌堅

娛目多泉石游心足簡編時有人返老仔肩殊未易

何日俟飛鸞

蔡伸全過皇塘見訪賦贈

老翁到此只廿里何意經時始惠然豈是小車遊未

息致令木榻坐將穿攜朋選勝時路浣手鈔詩雨

後天十日春風吾與汝任他塵俗自莠莠

楊生齋先過訪阻雨留皇塘十日賦此贈別

掩關終日不曾開羨爾驅馳遠道來得得蹇驢衝曉

霧蕭蕭襖被冒輕埃到門恰喜同心在聯榻何妨一

月回莫怪天公頻著雨挽留深意自憐才

七月初從雲陽歸菊齋又移居東城同志舉

三金約卽席共賦

酒尊鮓菜及詩筒雅會吾儕此日中作客未離春遠

詩集卷十

八

近移豕只在濱西東遷無他適遷俱好別不逾時別

亦同長日三宜河朔飲莫教辜負芟荷風

菊齋移居集同志小酌卽席共賦絕句二首

海天東過一瓢棲又復移家隱讓溪似向雲山更深

處相看只在小亭西菊齋新居與予衡宇相並

數竿修竹一池萍物外幽居卻近情始信韓康非善

隱置身塵市欲逃名

讀沈退菴家傳

營頭夜隕聲如雷十千組練橫江隈三山乘風竟克

捷新亭迴泊成崩摧誰能隻手轉坤軸徒使孤忠隨

劫灰日落西風動淮水鳳臺蕭瑟白雲哀

立秋日荆裕如送甘瓜賦謝

風滿高樓暑未徂惠來甘實勝醍醐道人未有相如
渴祇覺冰心在玉壺

鐵雪梨丹陽佳瓜種也裕如復惠數棵賦此以

謝

鐵雪梨鐵雪梨小如拳大如椎外青內赤甘如飴一
片入口消心脾君不見太華峰頭玉井上中有蓮花
長十丈結臺如屋藕如船蓮的如瓜真異狀試將雪
梨相比量未必甘漿肯相讓

詩集卷十

九

過吳間訪張永暉信宿齋中并晤陳子勳賦贈
夙有高齋約扁舟此夕過夕陽浮遠渚新月到庭柯
厚德比鄒愛幽村靜者多市朝紛沓甚吾意屬煙蘿

八月過梧棲孔氏謁 至聖家廟恭賦

素王功德祀千秋東魯宗祏徧九州自有梧棲分杏
樹遂令泗水接江流一堂禮樂威儀肅百葉孫枝廟
貌悠家學有人方振緒神靈應許嗣前修

請夢園

過曹子玖山居

朋來屬秋霽山色映澄湖霞曳千尋練林栖萬點烏
掩關書卷氣憑檻水雲圖對此幽居樂何辭一醉呼

中秋同孔蓼園過繳湖集曹豫朋山房諸同志

皆會蓼園賦詩見貽率爾步韻奉答

吾道方窮前路迷江皋猶幸有蘭芝園中桂發穿芳
徑湖上波澄步水湄立志天人期共究忘年爾我互
相師儒門淡泊人爭訝誰信風流只在茲

答許介桓即席見贈作

被褐青溪老布衣十年以長誤稱師慚子老病難遵
禮羨爾高齋好詠詩玩世君平簾下早途窮阮籍駕
歸遲尊前爛醉休相訝惜別情深有所思

答曹紫垣即席見贈作

詩集卷十

十

秋山恁恁水漪漪放棹江皋景色微寒谷春回灰乍
暖北溟風息翼難飛即看光氣誰能掩莫是宗親失
所依學窮源終不誤一人知我未為希

答蓼園贈別

揭來相見又睽離把袂河梁說後期已自殷勤煩贈
紉那堪珍重更題詩十年心事千秋業三寸愁腸百
丈絲著作雖勞猶健在請君為代一然藜

答紫垣贈別

繳湖風滿綠漪漪促膝經旬笑語微十載一編常自
惜三年六翻未能飛魚龍有浪終當躍烏鵲無枝何

處依一去又成經歲別天涯相望歎音稀

韓福孺賦詩贈別依韻奉和福孺魏公之後也

盛德高勳自宋時孫枝南渡住江湄惟應特達歌薪

楨誰使騶棲詠黍離三徑已甘從仲蔚天涯何幸得

鍾期十年久別常如昨促坐談經載賦詩

秋仲過皇塘荆退咨且園時新築初成又有得

孫之慶特賦一律以贈

勝地芳園舊擅名我來新築又崢嶸晴軒碧水當胸

快小閣朱欄照眼明北牖向傳雙竹瑞戊申歲園竹雙莖者二株

中庭忽報一麟生從來此種多君子風雨龍孫看長

詩集卷十

十一

成

王伯升種菊東園荆寅九攜之入座西席蔣大

中賦詩索和依韻勉成

昨見東園次第栽阿誰攜入錦堂來微吟不惜三千

首爛醉還看一百回座有高人常作伴門非雅士不

輕開年來晚節人閒少漫向花神酌一杯

在館得家書知新任大城劉公能革弊政民慶

更生賦以志喜

頻年凋敝不勝愁天意如斯敢怨尤海國魚鹽成澗

澤朱門俊彥作拘囚忽聞春到江頭好不覺陽回黍

谷幽蔀屋漸添生氣色老夫漂泊未須憂

子居憂多病不能飲食石隱謂子宜散步園藝

時菊齋庭中新移海棠拉子同老友數人午

飯以下庚戌

六十居憂復多病總有好花無好懷逐伴強來陪未

座對花不覺淚盈腮

寒溪約看紫牡丹

對花久似霧中看況復春來淚未乾也逐東風同笑

語強歡終是不成歡

聞道當年邵康節也種一株添色紅鄭國溫公相唱

詩集卷十

十一

和那堪爾我數衰翁

殷重約看黃薔薇

淡黃顏色蕙蘭心一種幽香不可尋無數芳菲爭上

苑如君端合住山林

聖傳約同石隱樊村看罌粟

寒溪主人種罌粟朵朵花開似牡丹國色天香也如

此何須分別兩般看

初夏同莊溪存齋諸兄過鴻逸草堂作

初夏村莊百事宜繽紛罌粟滿前陂竹萌豆莢隨時

饌野服黃冠相與嬉聊以衰殘□□□卻憐稿素對

花枝消愁終是愁無那滿座題成未詠詩

詩成或以為病中不宜太作愁語復成一律

柏木橋邊客棹來春星堂下板扉開綠陰如幕梅子
綻紅錦盤茵罍粟堆好雨催詩零復止黃鸝□□去
還回波瀾翻覆何須論□□□□□□

奉答王石隱六十見贈詩

讀禮逾年歲月悠白頭渾欲不勝秋良辰似水堂堂
去俗累如膠故故留不但時窮兼歲惡此皆天意豈
人謀吾衰已矣蒼生病誰為斯民進一籌時糞中春
夏大水秋
冬復大
風雷

詩集卷十

三

水沒頭歌

水沒頭沒頭水災沴從來未有此今春春水滿四澤
梅雨又來人盡喜陡然一雨四十日平地波濤三尺
起高鄉低鄉成陸海堅厚如城亦傾圮天晴水未退
尺寸怪風忽動雲如駛海水直立高於山奔入平田
幾十里太倉嘉定常熟
沿海十里盡壞屋廬漂沒花稻空人畜浮沈
半生死誰知天意更奇哉東北風過西北來太湖三
萬六千頃捲空白雪聲如雷湖隄東不得過抵排
激鬪魚龍簸沖村撲舍村舍空蕩郭摧城城郭破吳
江一城如小盂中邊皆水民為魚蠶樓百岡沈水底

縱橫棺槨浮邱墟吳江城北有百岡樓為水
衝倒民間棺槨皆漂亂奔騰東

出出不得三江故道皆湮塞迴旋散漫浸平疇阡陌

驅風都不識可憐三吳賦重民力殫殫徵久悲骨髓

乾惟望秋成十分好卒歲猶自多艱難豈料民窮天

不恤罪孽既深難解釋積荒十載荒又荒吳中自辛
丑歲起連

歲荒此番定作溝中瘠被災死者不必言惟有生存

苦更冤先要支持七分限粉身碎骨誰來援沿塘水

淺稍可救盡力增圍夜復盡無端殃及往來船亂搶

篷桅如殺關沿塘數十里香拾往來船
上蘆葦作岸得延一錢
救苗廢盡無

限力水中作肚苗不實苗有實日做肚水
深而寒故不實徒看兩岸

詩集卷十

十四

葉青青壯點豐穰虛景色沿河高鄉更不情木棉水

退葉仍生太倉嘉定
俱種木棉根幹已傷無子結聊作薪芻燕

釜鑪 朝廷餉急不輕赦部文日夜魚鱗下報荒不

報兩遲疑造册里區先索謝叩 闕無路天宇深思

量往事多酸辛勘荒費大不可說總有蠲減還欺侵

欲歌不能哭不可萬轉千迴愁殺我十戈甯息四海

平反使斯民重罹禍遙思昔日帝堯慈九載洪波靡

子遺未識君臣用何道遺種猶存到此時

剗股吟 有小序

古來忠臣孝子之心非絲竹不能表其志拘

幽履霜諸吟操所由作也大興曹孝子廣據
割股救母而死其心始終不欲以告人予聞
而悲之爲作割股吟以見孝子之心

猗嗟兒身兮維母之身以母救母兮進恤其生母生
兒生兮上天之仁母生兒死兮是兒之心母能長生
兮兒即常存

白玉澗哀死忠也

白玉澗邊澗水白中有流丹化成碧夜寒月照長虹
生直上千天天欲坼人年八十號眉壽猶作忠魂誓
強寇攀棺孝子死方烈孫又繼之咸決脰一門三烈

詩集卷十

五

世已稀更有義僕尤稱奇生事盡力死盡禮心堅化
石人嗟咨人嗟咨鬼悽惻後來誰人當史職作史慎
勿遺幽忠幽忠或遺天所殛世上人心盡如此世開
安得有改革

贈別張永暉時淫雨爲災遑遽而歸

握手恩恩酒未沽那堪洪水漲天吳憑君莫逐征帆
去留畫監門鄭俠圖

二月十三日于二府舜鄰聘同相度婁江時方
議與濬諸指紳言予頗知水利召參末議也
以下辛亥

是物關民命專成在得人近功何足喜小鑿反爲屯
河塞五十里向開數十丈今以碩畫須經久嘉謀出
費少止讓開三十里開數丈
衆詢決排神禹事千古共誰論海口濫沙非決排不
說二篇上二府雖未即行然以予
說海口不復築壩省金錢無算

別于二府赴丹陽館

周旋豈不樂才盡爲憂深試藥間中味看花事外心
二府藥酒成蒙留試飲又春田眠走頓時序變鳴禽
同至江畔人家看牡丹
舊約終難負飛鴻有遠音

孟夏同崑山歸元恭李芻青及石隱儀臣子猶

聖傳小集鴻逸春星草堂分韻得高字

詩集卷十

共

青梅如豆綠陰高列座飛觥老與豪酒到歲荒歡會
少人於衰病往還勞聖傳與子皆病石隱儀臣
年老扶掖登舟意甚艱滄桑
久變愁吾黨救濟無人任彼曹時談開河及
蘇松存糧事萬事年
來總堪歎不如花下醉春醪

夏五過練川訪侯記原記原以近刻秬園雜詠

見示且出確菴和作共觀曰吾輩素心不過
數子集中豈可無君詩願亦和之子時居憂
多病情思不屬諾而未許九月水田盡荒拏
小舟往視餘穗舟中卷跼不堪偶於篋中簡
得此册遂倚舷一夕和之

舊業名園古幽居勝境徧地餘灰劫後人在義熙年

已識潛龍隱寧知乘馬適主人肥遯久名姓不教傳

罷講門在去無人昇筍與猶餘問字酒醉寫換鵝書

竹色禽魚靜棋聲枕簟疎夜深池水白明月照高居

道力吾衰甚風流汝獨賢著書常歲歲種藥自年年

馭氣惟參道齋心不事禪記原昔年曾學吐納不喜禪近來詩句

好直欲壓松圓謬詩以程孟陽為宗號松圓老人

曠年纔一過高柳拂雲煙讀禮憂方屬談詩興未聯

時危非偶爾歲歎轉淒然無限艱辛意難將五字傳

此中能避世便覺意超超樹偃常妨徑溪平欲浸橋

詩集卷十

七

瓜壺聊老圃松柏自前朝肆志去貧賤商山未足驕

昔賢稱避地二老海東濱樂矣吾偕汝蕭然冬復春

身心聊共砥衡宇互為鄰沮溺真同調巢由豈異人

隔溪維水艇有容自山陰時浙中朱周望在編周廣菴宴過膠中寓明月堂

我亦來乘輿雙鳴谷口音聯行看活水偶坐聽鳴禽

底事旋分手翻為別鶴吟周望將北上詩有別鶴句

廢宅祠新復忠臣骨久香英靈存廟貌正氣在穹蒼

帷動神風肅庭空白日荒曾孫且蘋藻俎豆俟君王

記原新復故居奉為宗祠

先生高臥慣睡足日三竿朝旭冬常暖涼颺夏亦寒

鳥鳴人得句魚戲客憑欄何處頻攜杖駭壇共酒壇

令德誰能嗣鳴皋鶴和陰文騰千丈欲詩引百年心

入世機心淺通家體數深令下天存才情特茂又記原與子有兄弟之雅因

君懷小阮記原姪研德之子愁絕為人琴謂研

話深重促膝曲徑小溪芳別館閒花好山廚野菽香

攤書商祠禱食肉愧禱祥記原逸子別室午飯讀子宗祭禮時子未祥以胃病

食祖澤高樓在魏魏蠶粉膳別館在尹綠樓旁太常公所建

方嗟難聚首分袂遠何為稚子擎裝側舟人拄艇歌

訂期遲後會惜別數前時贏得溪橋柳依依拂面垂

時子有家事促歸記原期秋後之約

詩集卷十

六

贈金壇王丹獻

古人重源流源深流亦長如木有本根本撥枝必傷

區區夸毗子逸宕以為常藉談不識先況復念宗祊

吾友王丹翁好德性所賦追維厥初生自晉已發祥

宗繁合復散譜牒皆失亡賴有恭簡公支派始煌煌

迄今未百年此意又復荒君獨奮衣起思欲持其綱

寒暑不敢卸夙夜不敢康隄勉四載餘聊云得其詳

吁嗟收族事古人所難量本在敬宗能敬始不忘

如君一點忱直可格彼蒼慎此念始終福裕垂無疆

苦熱行六七兩月奇旱奇熱百年未有

去年寒寒於冰兩月積雪斷人行今年熱熱於火熾
炭紅爐無術躲杲杲赤日當天升蘊隆積氣空中蒸
織雲不翳碧空色樹頭少女無消息汗流終日如澆
湯手疲扇破風不涼更有蒼蠅苦相惱尋頭撲面穿
衣裳據案對書不能入炎席蒸尻起還立三狼飲食
總欲廢引箸揮筆手不給夜深思得一飽眠汗沾席
溼水漬肩起看星月正皎皎蚊蚋又欲來周旋閒偕
父老相嗟異百歲從無此憔悴道暘時聞立死人一
月餘威猶不啻金壇航船平頭僮奴意騷屑脫禪裸
跣猶叫絕兒童慎勿瞋爾不見村邊老農背流

詩集卷十

九

血

前早

赤星如拳耀斗邊去年巨浸猶稽天大水之後必大
旱逆知此歲多迤邐詎意夏初頗雨水五月插秧農
事喜自從大暑雨澤竭兩月織雲都不起不惟無雨
兼無風絳霞如火朝朝紅池塘水竭魚鼈死樹頭葉
盡蕩飛蟲翻車老農背如赭流血津津裂雙蹠擊鼓
燒山龍不醒暴尪焚視神空下村中父老心怛絕五
步一拜脛欲折柳枝盤頂手擎香萬口叫天天不徹
三吳古來號澤國不憂旱曠憂堙塞三江成陸百川

平縱值豐年常菜色今年錫賦開劉河飢黎百萬舞
且歌江流初復遠遭旱杯水難救車薪多况復渾潮
挾沙入海強河弱沙還集水利名成難報荒仰頭空
對蒼天泣

聞家鄉得雨

聞道三吳地枯禾得雨蘇家園老梧竹應喜漸沾濡
大吏精心禱聞院司禱農民搏顙呼天心尚可挽持
此慰窮途

後早六七月無雨八月尚不雨

拜射十日九日休三千年後來報仇青天被焚欲焦

詩集卷十

三

赤雲霞著火燒成毬雷公逡巡斂手避蛟龍遠遁窮

海頭吾鄉神數有管輅豫卜今年上天怒曹秋鶴先

卜者言今又聞太陽與火木井鬼柳星同度宿所以

酷暑奇旱來合併三月未嘗飄驟霖京師日閏勞

步禱閩浙荆梁亦枯槁淮徐鳳泗亂飛蝗賑後饑殍

猶載道三吳小民何殼棘去年巨浸今焦禿地方賦

重不得獨三軍急餉干官祿嗚呼三軍急餉干官祿

萬姓逋糧罪莫贖積荒十載骨髓乾醫瘡那得心頭

肉

八月初四家信至知其中大雨非真

吾鄉先得雨消息竟非真霖霖誠何濟驕陽尙殺人
圩田無瀦水河底平沙土易生塵糞土東偏此地今
無獲將來未可論糞地積荒十年

問江北飛蝗有感

聞道飛蝗畏積雪雪深一尺蝗深丈古有遺蝗入地
去年積雪幾丈餘今歲飛蝗翻長養淮揚徐泗百萬
人三千魚鼈為波臣庚戌雪深人慶瑞災民無衣殍
滿地遺蝗不死死遺黎上天降罰誠何意飛蝗飛蝗
聞爾亦有神此中分別宜有倫洛蒲江荻多堪食留
贖三分活善人

詩集卷十

不寐

窮人最苦事不寐望天明暗壁亂蛩語空階風葉鳴
曙遲倚月色滿滿憶難聲無限離愁意都從枕畔生
七月左肩生疽至八月困頓彌甚醫者言積鬱

所致有感而作

豈不謂愁惡其如百慮煎上供難暫緩天意不吾憐
妻中俯仰尙多愧母未葬飢寒且勿宣此肩方任重
降罰定何意

雜揚宗子發過訪問道值子臥病未及快談臨

別賦贈兼示寧都魏冰叔

水繪堂中舊友聲竭來相見倍關情子友確菴隔子
過訪堂云人從靜後精神斂遇到窮時學力生子發頻
多客裏談經清畫永病中對汝夙痾輕西江倒屣應
無及相見煩君一叱名魏冰叔名藉西江高士也與
過訪與子發相訂時子子發相友善子在丹陽亦欲
正偵東歸不及待矣

答吳江戴芸野見懷卽步原韻

芸野少子口崧原名鼎立字則之國變後改
名笠字芸野隱居樂善不入城市已酉春吳
梅村招之至婁宿於野寺向讀甲申紀事知
予名屬友人持刺致予子懷刺就之讀予性

詩集卷十

善園說下拜稱弟子至是復以詩見懷

鴻鵠參天飛豐滿在六翮千里此同心何必羨几席
乾乾終日閒暢若猶貴夕萬物備於我詎可不窮格
毋徒學善人質美不踐迹

萬物皆具性稟受各有因惟茲萬物靈恆性不受塵
諸儒論說詳得失每互陳寥寥孔孟旨誰與開陽春
立說苟或偏罪匪楊與荀

學問徹上下一語惟有敬原始與要終尙志迄盡性
芸野別時子曾書思辨錄中四語相贈日尙志居敬
以立其體致知力行以勉其功天德王道以大其成
至性至命小得固斐然大成亦包井嗟彼半塗賢自

盡功弗竟舜子豈異人克念斯作爰

吾生過甲子雅志在取友寥寥竟無徒忽忽就衰朽
邂逅得吾子駕駟瞻乎後至理諒在斯舉世等傲帚
倘或臻厥成藉手報魯叟

人生最苦事大故在衰年讀禮不克盡慚負千百愆
廢書幾兩載著述安得前況兼貧與病遠遊亦無緣
禱餘得新詩悵然理陳編

十一月赴撫院馬公聘拙菴親翁賦詩見贈依韻奉答

負病經年久華顧匪二毛紆籌心已懶方藥手頻鈔

詩集卷十

三

漫道微書下徒煩使者勞吾鄉凋敝甚深恐愧干旄
萬物有榮悴機緣總在天誰能懷保赤方可佐烹鮮
志願苟堅定神明其舍旃只愁排患難不若魯生速

依韻答石隱見贈作

貧病微軀何所求飢驅往往去林邱微書自為師資
據公聘子為令籌策誰參帷幄謀勢隔諒難思出
子康侯西席位心存或不負茲遊年來自覺吾衰甚只恐難撐上

水舟

梅亭先生詩集卷十終

後學李家彥敬校

跋

葉君涵溪紀梓亭先生詩鈔云先生詩有編年分體
二本而編年本流傳絕少據先生子允正所述行實
詩彙十卷在未刻書中則向無刻本可知吾婁汪靜
崖宮庶婁東詩派錢塘汪氏明詩三十家選刻先生
詩甚夥然所據者亦分體本道光庚戌研雲王先生
寄示梓亭詩一册題下多繫甲子咸豐初又鈔得數
册彙為一二卷按其年月略已略備惟己酉庚戌以
後疑尙有脫誤然未見編年本亦無錄釐正也是鈔
於全彙中已登十之八九讀先生詩者可以見其全

詩集跋

體云云受祺按葉君刻先生詩鈔雖已採其精華然
終以未窺全豹私心嘆焉丙申之秋既刻先生遺書
過半因復貽書王君晉蕃乞覓葉君藏本丁酉夏王
君書來則已段得葉本盡將詩鈔以外未刊之作手
錄見貽維時適李生頌侯自南中來就學京師講貫
之暇輒與雜誦先生之詩李生復據文集年譜諸書
於己酉庚戌以後重加編次且依行實所載訂為十
卷而是編遂成完書夫輯錄之體與品藻之家義例
迥殊蓋誠志在研覈即不妨就性之所近而揮擇之
若輯錄者則宜存古人之面目而不敢私行竄削焉

矧夫先生之詩網絡羣流本原至性具有關於人心
世道之隱運會消息之微有志之士即得其斷簡零
篇已當珍貴而况康圭連璧迺可聽其為不完之寶
乎是用甄錄之以俟後之君子且綴數語於後以徵
王君惠我之雅與夫李生編輯之勤其功俱不可沒
云光緒己亥夏五月同里後學唐受祺謹跋

詩集跋

二



香
儂
園
偶
存

本書承國立臺灣大學總圖書館借用影印

謹此

致謝

新文豐出版公司 謹啟

香儂園偶存

元和吳郁生署檢

嘗辟疆香儂園偶存詩序

王右丞集載十六十九歲詩不必王子安滕王閣詩若序江河萬古四傑無論假令右丞之詩不著年月誰能辨其少作耶光岳靈氣只有此數古今文人共之頭出頭沒無足異者宿世謬詞客右丞語不虛也此辟疆十四歲時作才情筆力已是名家上乘安知非前身老詩人再來亦安知非高常侍五十為詩常蘇州六朝吟客千鍾百鍊撚破髭髯者習氣未盡再入詞場點綴盛明一代詩文之景運耶辟疆自謂此故吾不忍廢子謂此如崑山之人以夜光抵鵲何言之易以詫於賞音者雲間八十二退叟董其昌撰并書

儂序

又序

或曰文人不宜蚤為詩亦不宜早得名詩雜文心名滅文福予恆笑之文人而無才則已文人而有才必不但以文著也矧奇才天縱而英名勃發者乎且詩何必非文也文心而詩入之必不澁而疏不徑而婉不言窮即止而味外有味數者皆文心之最善而謂詩之累文其人之文可知矣若夫名尤文之所以驗其實也才足掩一鄉斯有一鄉之名才足掩一國斯有一國之名才足掩天下斯有天下之名先輩之論名士猶曰名教名理名言云爾炳若日星之謂名教通乎神明之謂名理至當不易之謂名言超然不凡之謂名士夫悶悶無奇與夫能文不必能

儻又序

詩能詩不必能文何有於不凡人既凡矣雖有文福亦何足居乎冒辟疆風流自賞髮甫覆額能文即能詩能詩即以詩名遠近相聞無不競傳其詩一時同志愛辟疆者毋使聲光早露並止之今歲董宗伯一見歎賞不置謂此不減王子安序而欲其付梓余更為辟疆勸曰今世重功名而薄風雅少年浪得一第則曰成名至其才實足以玉立而反曰浮名不足驚也彼自量其得失之多寡而豈吾輩所相許者乎且君家世以詩名未聞減其早達子亦可以相觀而自信矣同郡社弟鄭元勳題

香儂園偶存

如皋 冒 襄 辟疆

冒氏叢書

憶辛酉侍家大父宦蜀之平都年方及旬極目奇山水遠生畫意別具詩情每對景小吟輒自成句後甲子乙丑謬為詩童子何知偶學好弄雖未窺見一斑而天籟自鳴正如秋風浙漭時絮絮蟲吟又如風蒲獵獵中蜻蜒點水而戊辰兩奉陳眉公先生手教謂此道損心神妨舉業誼誼戒論古誼蒸人遂收拾一切韻語付之祖龍回首今春五六年事暇日偶簡敝篋尚餘蕉葉半蝕銀魚因遠遡王子安近稽楊升菴集內詩註少年兩先生奇文滿天壤尚不遺綺歲才華

儻

烏蟻蟲縱不敢僭擬前詁何忍以生於情發於聲之言盈規零於殘蠹也自慙雞肋漫付塗鴉

秋日園居

小築不求華曲折隨吾意疎石染煙蘿芳草洗青翠佳景固無多俗塵喜不至閉戶養微疴此中有高致

其二

虛室藝妙香蒲團此靜坐鞭心鑄異書深息穩高臥意氣欲凌雲眼光大如簾有客堪劇譚與之理清課

辛酉侍家大父宦平都數年夢續勝遊枕上偶成

萬里曾趨巴子國江山一別七年遠壯遊昔日蘧蘧夢攬勝今

宵栩栩蕊猿鳥數聲渾欲絕煙雲滿袖是耶非覺來明月空香
遠疑趁秋風天上歸

卽事爲李徂徠表叔賦

幾載相思夢入秦如今歡合共眠春癡情誰似君情至未使蛾
眉受妬頻

其二

素琴挑出兩知音千斛離愁萬結心碾得鴛鴦雙玉侶漫言春
夢淺和深

其三

烏紗別樣有風流不羨當年李鄴侯就裏連環成巧結拙似明

儼

月下揚州

其四

憶昔蓮花兩蒂時珍珠簇淚夢相遲於今快作乘鸞史巧筆能

描那句詩

寄陳眉公先生

下居數十載高臥此深山日月蒲團上煙霞面目間烏啼醫寂
寂鹿逐樂閒閒若問乾坤意浮名久自刪

其二

世事憑流水柄真老益虛雲中雞犬逸窗外薜蘿孤古石清詩
骨深林護草廬客來無別供綠酒剪青蔬

客有過予索觀藏畫者小酌留贈

清蔭飛來薜荔涼幽人屐踏小庭香畫中天地吾能滿眼底山
川君更長茗煮松濤借雪調酒開桂釀醉雲鷲煙霞未許吾曹
結待著風騷一代芳

七夕立秋有感

天上雙星訴別離晚庭初報動涼颺玉樓瓜果穿鍼會金井梧
桐落葉時露白悞疑銀漢瀉月明愁看鵲橋移衷情千縷誰堪
語付與新吟促織兒

寄譚友夏

孤踪落拓東海上獨擅中原欲識君天外岫嶙文岳峙日也浩

儼

翰藻江濱香名遍洽湘蘭味幽興應來洛女雲十載情深一思

夢秋風促雁一相聞

驚眠

步訪來香徑美人深晝眠庭幽花繡檻影寂石彈泉窺玉渾同
夢銷魂半露肩醒餘嬌不語情欲向誰邊

紀夢

夢入秦樓方見汝細細衷腸唧唧語松風竹韻忽來呼呼起牀
頭淚如雨

庭前茉莉月夜競吐千花中有並蒂一枝魂惹素馨形齊薺荷

豈情種耶一時爭豔爰賦二詩

盈盈千朵晚香遲小立中庭意轉私栩栩夢回重蝶影姍姍佩
落總蛾眉心同一不學湘君怨魂斷應憐素女悲倚玉自慚非韻
士幽花何事逗相思

其二

輕風秋扇傍秋涼浴罷冰肌靜吐芳花蕊遙分珠蕊色玉兒嬌
倚雪兒妝幽情密約黃昏月弱夢微通煙雨鄉自此香風吹異
城素馨高塚宿鴛鴦

又

魂栖連理枝夢學鴛鴦語花開花謝時兩心惟自許

其二

儂

四

花亦解相思幻出同心侶明月晚香來伴郎誰共汝

懷曹能始先生

風流蘊藉曹夫子弱冠聲騰洛陽紙卅載嘉猷勒士心半惜人
才半山水如今高臥白雲裏玉女峰頭問行止擁書萬卷恣千
秋焚香著述聊自喜石倉對客兼對僧解語時來三兩妓從來
才子卽仙人况復仙居鄰九鯉東海鯁生雖樺齒神往數年情
欲死讀公大業咏公詩我眉雪古大海紫千里遙遙夢可通八
閩三吳其去也咫尺何時放山陰之棹登武夷之巔望天外龍門
而御李嗟乎曹夫子大雅中原爭羨爾令人嗜慕何能已
能始先生函箋見寄所書皆美人韻事展玩成詩

幾片春鴻送遠音披箋字字清幽襟詩開韻士風流面寫出佳
人窈窕心入室似來巫峽夢潛吟可代鳳皇琴多情自昔元吾
輩况復才名一代欽

志別

春來人話別卿去我情紆新月描腸曲疎燈照影孤醒餘猶戀
夢愁甚忽高呼逃恨無良訣梅花笑我癡

其二

羨君塵不染非我故魂癡亂蝶通身畫雙鷺一曲吹追歡時已
去眠恨夜何其不語憑心解離愁暗地輸

奉送大宗伯董思白先生入朝兼乞並頭茉莉詩

儂

五

天人對策後千古到雲間隆望熙熙重冲襟大海環才何
死徑不借南山霄外龍門峻能容龜鱗攀

其二

東山起安石普慰羣生心相佩垂蒼玉仙丹煉紫金致君偕大
道傳世托豪吟揮翰輪闡暇雲霄俯碧潯

奉贈王季重先生兼乞並頭末麗詩得二十韻

藝苑推宗匠名齊第一流世家傳絳笈奕葉振箕裘間氣奇人
出宏才盛代酬文章持大雅山水恣探幽蚤歲南宮拔英聲北
斗浮雞林珍小牘花縣勒嘉猷卓越寰中品橫舒物外梓先幾
謝紫殿肥遯託青邱聖主新膺錄名賢彙握籌徵庸遺彥亟簡

在獨公優水部梅花澹雲司逸興稠登臨搜古蹟藻鑿重潛修
到處囊瓢滿三春花鳥愁何人不膾炙而我更綢繆穉齒輕希
驥童心妄食牛公輪裁杞梓伯樂睇龍驤忘分殊深契傾誠特
遠求名花加九錫小子亦千秋絲筆江花燦鴻言郢雪留浮沈
今昔恨三復寄書郵

送友還里

落拓遨遊志壯哉偶然乘興渡江來映人玉樹亭亭立投我瓊
華字字瑰尊酒正堪芳草對歸帆忽逐白雲開瀕行一語更相
訂世上如今竟忌才

其二

儷

木

青蓮結社正相求何事歸心一葉舟鮑叔情深知我切荆卿
下為離愁窮途揶揄多山鬼濁世風波總石尤此去願君需
木放開頭角入雲遊

舟中卽事

兩岸狂風齊瑟瑟描情何處堪留筆共舟翻若隔銀河杯底雙
心藏得密一

有贈

誰渡仙姬到草堂嬌羞輪卻粉脂光香疑玉臂非因麝風拂綃
衣不禁涼湖上停雲雲度曲燈前小語語迴腸自憐應有三生
笑夢裏魂離覺後狂

舟中觀蓮火卽席偶成

盤深姿疑玉娉婷能寫蓮更隨燈閃步側裏影逾妍

其二

月證三生薄良緣此夕多只因蓮火燦贏得撲湘娥

梨花

春晴紅紫鬪惟爾願淒涼質素窺無影魂飄夢欲狂臨妝惟抹

麗化雪不輸香一片冰心在何妨淪落鄉

桃花

芳緣玉洞珍輕薄到風塵豔色標傾國濃情鎖麗春淺護浮

嫩疎雨洗紅新尺仙源在漁郎欲問津

儷

七

蕙
爛時花競色遠韻獨撩人幽獻青山瑞孤眠綠草春古梅通
意俏石侍芳塵密爾窗前供清芳許結鄰

蘭

清風細細拂蘭枝吹散芳香曲逕知自許幽姿眠谷裏獨憐疎
影別湘浦燕姬夢入傳嘉瑞楚客吟成寄遠思我亦從來孤韻
癖同心惟與此君期

送李徂徠表叔還朝

數載詩筒別眼私更看蘭氣溢離卮滄江慣我浮明月帝闕需
君拜鳳擘硯捧太真天子詔琴挑司馬美人遲何時此地重携

手欲向長安夢裏期

其二

朝天此去羨仙官
鶴首初飛泗水端
花鳥一春清事共
離愁幾句濁思攢
長亭遠樹雲煙亂
冷署深更月露寒
孤雁雙魚頻望斷
相思惟抱一琴彈

贈吳文若時附李大行北上

瀟灑真吾友
雄心遠遊劍懸燕市月
濤靜廣陵秋
長價方求駿志機
舊狎鷗帝城仙路近
況復托仙舟

壽劉幼朋畫師七十

聞道懸弧七十年
丹青入妙老逾傳
胸中澹宕俱邱壑
杖屨逍遙

儷

八

遙卽地仙醉後忽然盤礴想
閒來時簡悟真篇
知君解得養生理
意匠常應在筆先

七夕

恨說雙星此夜雙
空庭無語對幽窗
誰家乞巧有高興
獨坐相思無好麗
欲瀉銀河愁不住
忽來明月暑初降
今宵有夢生何處
魂到江南小畫艘

次董宗伯原韻贈王季直先生

天放一官冷千秋
吾道尊管絃
繁絳帳霄漢峙
龍門大雅公能振文章
我是論江南才子
澤此意幾人存

冬夜同友人坐月

寂寞連宵孤坐月
月明今夜又蒼苔
儵然二客聯車至
話到三更萬境開
枯木衝風能勁立
霜天落雁更幽哉
歲寒遲爾盟松柏
遠意遙躋百尺臺

復次見和原韻

萬頃寒香月欲生
楚然空谷忽人聲
開軒共坐梅花畔
對景深懷山水盟
此夜幾人曾嘯咏
中原若箇任橫縱
孤情小室三冬意
未肯隨他傲百城

愛日樓詩爲李徂徠表叔賦

縹緲仙人景繁華
才子春偶然成曲折
原自擅嶙峋不羈亦
臥閒雲皆靜因
峩眉天半杳誰可步芳塵

儷

九

其二

好樓因愛日
結構溶幽思
木末分微翠
波迴弄冷姿
憑虛天也皎
眺遠海雲奇
百尺胸中具
高吟碧落吹

惹友張宜伯
冬夜過訪
邀張成倩先生同酌
分韻三江得十韻
有夕遊遊到下邦
荒居蔬酒話銀缸
朱絃共奏情皆合
青眼相投
尋卽降千古曠
觀胸似鏡一時作賦筆如杠
交輸逸致干靈嶽
競吐宏詞出大江
我輩相逢真不偶
今宵雅集竟無雙
同心臭味堪追鮑
澹世長齋擬姓龐
幽徑有聲霜下葉
空天無語夜聞龍
忽飄玉露侵寒袂
欲泛銀河少畫艘
幸有嘉賓留北榻
恨無明月倚南窗
醉餘共踏天街靜
不問樵樓度幾撞

愛日橫試鏡卽席和余實甫原韻

畫樓春色燦紅綃剪霧龍煙寫六橋明月更憐人意好碧空如洗醉魂銷

其二

燈尸雙懸不夜珠高朋滿座美人隅良宵逸興雲俱舞席地看山更殊

其三

喧喧綺席總新聲雪調歌來萬籟清痛飲渾忘眉眼語箇中愧我獨分明

其四

妙明不借九微鏡閣上青藜冉冉升醉眼橫開慚俯拾海天萬里欲飛騰

其五

繁緒笙歌住寶輪珍珠汎色玉爲塵窗紗曲逗迴廊影水鏡應酒裏人

其六

芳姿馥郁是蘭芽掩映真如玉樹花獨上危樓星可摘應知小

李更才華
李即花燭詩

燕爾值芳辰標梅吐玉塵才華能散綺嬌豔自生春照夜身爲

燭開懷夢得慶可憐宵正好温軟靜相因

壽
大宗伯董公以宮保致政奉贈一章并乞鴻文爲家大父七十

千秋名世出四海被光輝柳上龍先躍雲間鳳迅飛安于弦可佩

渠經濟靈襟滿文章彩筆揮忠勤昭主德蹇謬弼人違潑墨

精于染臨池妙入微先朝開講幄再召遜綸闈駁歷從中外升

沈孰是非蒼生懸重望紫極羨音徽宗伯情庸借官詹脊注魏


共推工補袞方待佐垂衣特謝三孤寵欣乘六傳歸鑑湖殊


夢魏闕自依依釀酒松花熟和羹梅子肥鰕生仰槐席蟻伏困

蓬扉自愧鴛胎質蒙推國士稀品題增紙價遙錫總珠璣

甯忘報投誠更有祈雄篇求館閣大父壽庭幃暫且優游處

溪理釣磯





寒
瑁
孤
吟

本書承國立臺灣大學總圖書館借用影印

謹此

致謝

新文豐出版公司 謹啟

寒碧孤吟

嘉興沈曾植署檢

寒碧孤吟敘

詩盛於唐唐祖孫父子以門地人物文章詩賦著者錢起子微徽子可復可及李栖筠子吉甫吉甫子公綽子仲璟仲璟子璞璧珪玳作述焜耀代不勝書今見之如臯冒氏矣立同先生以真儒為廉吏宗起繇天官郎秉憲東魯辟疆後起性含異氣筆帶神鋒不喜與冠劍車騎貴人遊而偏喜與陳子為神交友彼此未識面竿牘往來即楊許奠簡於洞中温段題襟於漢上無以過也辟疆仙品若使學道故是黃鶴背上人而約束於祖父家訓不得不以舉子業鳴自六藝九家以及古今萬方之略多洞達於胸中見微知著沈沈不屑為利齒噉名兒視錦半臂碧

寒序

紗籠一笑膛若也辟疆年甚綺名甚宿而感慨甚多登樓遠眺發為寒碧孤吟如哀雁訴於海曲蟋蟀啼於古戰場疾雷破山嚴霜弔月九歌耶十五國風耶何其情深而嫻於言也遊戲不已時以舞劍扛鼎之雄出輕擺緩撥之調有花間有草堂有孔北海石曼卿之豪爽有秦七黃九之風流反覆揣之吾不知其所指謂誰而神理蟠屈意緒辛綿似亦托比於美人香草以寫其胸懷之不平者非癖情癡也自古至人無情愚人亦無情情之所鍾正在英雄與才子耳辟疆富有才情而兼英雄之正骨目前遇不遇何論哉頃天子重相因首重詞林凡郡縣長卓異工詞藻者特拔讀中秘書海內奇雋皆抵掌動色而談詩文不

知辟疆早已得氣之先矣若物色辟疆置之東觀西序古樂府
大文章度不出辟疆手眼非歷倒古人則吞吐餘子豈待傳誦
於旗亭購募於雞林象譯始曰蘇君之時哉曩僕有言盡償舉
子業餘事作詩抑何甚狹小辟疆也我誤矣我誤矣白石樵
陳繼儒書於寶文堂時年七十有八歲在乙亥正月廿七日

寒序

二

又序

才者古今所同何古人多憐而今人多妬也太白之才明皇能
憐之貴妃可侍巨璫可奴相如之才文君能憐之忍恥耐譏當
墟自喜千秋之後天子未嘗損威卓女未嘗失名憐才故也奇
才奇遇往往爲因古人最誇奇遇益信奇才今人偏嫉奇才尤
曠奇遇辟疆言及此歔歔欲涕久釀愁心何堪搖落牢騷悲咽
觸景成詩詩成於寒碧樓樓上曾有人愁辟疆乃自題曰寒碧
孤吟夫吟之孤則巫峽之哀猿而韻之巧則金谷之嬌鶯也詩
人幾遍天下每自謙其詩曰押韻嗟乎韻豈易言哉詩者有韻
之文也極才人之致何所不可而以韻準之則才人不能不低

原文 闕



美月

寒碧孤吟

冒氏叢書

如皋 冒 襄 辟疆

情一往而深不知所起情至則無文不知所止對良夜以徘徊隨坐臥而無語滿懷蟠鬱千縷紛愁共處之人莫知即同心之侶不測每于昏黃兀首夢魂乍醒猛地深思誰實知我嗟乎孤雲野鶴古洞鳴泉雖其性宜爾何以一當有心人撫覽不禁長歎其境幽也幽則入情甚紆而感慨最切也予幽人也廁身冷熱間心愈熱而眼愈冷茹我苦荼供他擲掄胸中五岳鼎鼎墳起偶然觸境隨意成吟學步古人之風熟讀離騷之意伊可懷也聊託以興不可度思人各有志

寒

古意

妾貌恨桃花風塵何所倚春光漏消息春情沁肌髓麗質生人憐尤物眾所指幸滯白雲鄉含弄溫柔裏奇妬莫容測狂飈疾如駛搖落那能支飄泊安可止歎息好容顏沾泥逐流水薄命意如斯長恨無終始

小鳥怨

小鳥何翩翩雙集茅屋大樹擇良枝棲遲勝幽谷朝來上下飛暮去比肩宿飲啄適所天安危相倚伏咄哉指顧間突如來梟鵬隔戶空綢繆羽毛皆弱肉驚魂無所依小語低相逐差池去不還秋風吹古木

長相思

長相思不得絕千絲萬線鴛鴦結凝若雲志如玦繁緒生春草
悲聲和啼鴉天地有消歸此情無消滅

其二

長相思愁對鏡鏡中之人何處病清光兀自相照映玉臺不忍
生高詠儂薄命寸心此冰輪迴環莫可竟

其三

長相思在天末遠天不似愁心濶無奈風波難驟越飲恨且吞
聲離懷強自撥入君網羅中魂離心不奪

鄰女哭

寒

二

鄰家女兒終夜哭悲風細細生幽獨疎燈病子未能眠一室蕭
蕭思羣羣聞此他人亦愴神矧余天放之孤人沈淪蘊結今生
恨深靜澄觀先世因爾則胡為心事淺長吁短歎無宛轉纖愁
緘怨落聲聲春蠶績絲不成繭此中何事最魂驚羣犬嗥嗥吹
有情莫若強作好顏色背人默地搖心旌

昔思君

昔君與我兮情岳如壁今君與我兮愁波欲溺昔君與我兮倚
玉堪憐今君與我兮破鏡難圓昔君與我兮嬌花媚蝶今君與
我兮菱枝辭葉昔君與我兮軟夢溫柔今君與我兮長恨綢繆
昔君與我兮閒情有致今君與我兮相思無字昔君與我兮山

水在琴今君與我兮霜露淒林

十三夜

離離銀海搖浮碧湧出一輪秋月白空明萬頃散寒香寶氣噓
蒸生琥珀那江細浪鬱輕綃上下扁舟天鏡客中有美人澹若
雲相對忘言哀靜繹迴鏡攜手坐幽窗月色水容光自積一聲
兩聲何處簫鳴鳴如訴復如責新鶯小曲遙和之宛轉歌來愁
更劇廿四橋頭歌舞繁恐少閒人共瑤席閒人兩兩抱閒情放
乎中流吐肝膈

十五夜

去年乘興秣陵遊飲酒捉月興逾道長江萬里百尺樓惟我嘗

寒

三

之踞上流今年愁繫廣陵舟布帆飄忽心恻恻冰輪浣潔水光
幽此夕何夕聞中秋夾岸黃雲眠綠疇沙汀點點隱鷗鴨仰面
看月滿天愁迴波如鏡照予羞伊人何處不可求欲往從之歧
路悠命不辰兮復何尤相思空自怨溫柔沉寥天地獨予警恨
他明月有良儔

十七夜

昨宵兀首天鏡舫今夜歸來栖汎雪天鏡舫中怨月圓汎雪齋
頭憐月缺月圓月缺總關愁何如僵臥任浮游明月浸窗不成
夢靜聽落葉聲逾幽

二十四夜

鞭天掣地狂風吼四壁盤旋如猛獸窗前山岳忽飛來床頭江海驚濤鬪號呼萬竅總怒張蒲柳摧殘松枯渡閣如斗室杳黃昏有物離奇恍在右披衣奮臂欲攫之冷嘯一聲去何驟吁嗟乎陰陽之理莫可究鬱蟠於幽渺爲屯披拂於廣漠爲妬胡獨人心之蘊結長括囊而無漏伏枕永歎情不禁况復風生鬼爲寇丈夫那堪中夜愁乘風起舞誰能固

深夜愁

夜深今夜景淒淒其無賴渾如泥搖魂何處夢不栖天地荒落昏黃迷強欲睡忽驚惺千斛愁萬行淚傷心復傷心不待秋風至

寒

四

倦仔怨

皎皎明月光靜照心如線憶昔膺新寵承恩長信殿密意翦冰紈團圓合歡扇秋風吹玉墀捐棄同離箭新故縱炎涼何事絕相見小立怨君王無言徒掩面

臥月

明月浸床頭空香萬境幽白雲闌到戶孤夢與浮游永歎情何極相思不可求悠悠二十載誰似今宵愁

秋夜

白露下溥溥幽人弄素紈空天放孤影疎簾隱輕寒何處笛聲遠因之秋思繁至情隨景人不可測其端

豔歌行

廣陵又調雙鸞曲二十四橋映花燭簾聲吹澈響玲瓏秋水迴波橫碧玉流蘇香發蘇合房佳期先約黃昏涼琴心共喻輪微笑儂影窺鏡生豔光新人含態如芳蕊弱意鮮姿那足比嬌郎顛倒不知羞軟夢鴛鴦榻復起今宵明月助清歡纖手移之裁素紈團圓小扇字明月入郎懷抱無二端此情堅固同膠漆此樂綢繆寫琴瑟情深樂極恣所投蝶欲魂癡蜂欲蜜惟我幽思最可憐孤雲野鶴相周旋巧風不吹獨活草君其慰我五銖錢感懷三章

丈夫不得志萬物與之二昂首論千古俯拾無一字長嘯樹風

寒

五

生氣吐白虹睡激烈問中原到處逢其忌噉噉白日情落落秋雲意卷舌而鬱懷靜觀天下事

又

富貴有報施貧賤無恩怨富貴有滿志貧賤無長願富貴貧賤問英雄徒繾綣所以韓王孫千金報一飯

又

人歎家徒四壁我則堂構皆華築人歎鶉衣百結我則輕裘傲鷄鵠人歎半菽不充我則肥甘厭梁肉樂此温飽况羣居苟且一生無迫蹙我也豈是菰盧人安能俛首蒙庸福每見炎涼傷世情脫卻塵埃出幽谷舊飛願學北溟魚雄心爭逐中原鹿憶

昔童年便壯游間關吳楚蜀之麓胸中山水筆底花菱欲詞壇
削大曠名場十載未逢時愁魔病鬼交相簇杜門匿影小室中
可以忘憂惟尺幅寒月慘白霜天高苦把離騷深夜讀一字一
句幾迴環棲鴉噪林松謾訝嗟乎男兒七尺木天生四海千
秋惟所卜曷爲水火不能應人求恩怨不敢出諸腹癡情竟負
心有恥翻含慙徒然泣臥牛衣中地啞天驚死灰槁木甘受魘
魅魘魘之擁擲而與螺螄蚌蚶同聚族終朝沈鬱誰足論八十
八宵不曾宿長嘯忽登碧樓仰問青天神轉穆雙眼橫開眉
倦揚心血煎枯鬚頓禿何時騰踏向青霄卷舒自在如機袖逍
遙跌宕五岳巔吐飲風雲吹布瀑大厦千萬間美酒十千斛車

寒
六

笠相逢持贈君德不忘兮警不蓄更藏一劍討胡兒匈奴授
羣氛服然後左圖右書彈絲擊筑汎蓮葉之舟貯黃金之屋絕
代佳人香馥郁夢斷巫山峰六六白玉如意紫霞杯繞屋梅花
滿離菊仙人羨慕下蓬萊鬼神讚歎窺幽獨人生如是差足觀
英雄自古有成竹

子夜四時歌

春歌一

清音陽鳥性香玉古梅姿春光纔逗漏春情已難支

其二

參差乳燕飛上下雛鶯語無奈此韶華鏽門學古處

其三

春蠶吐千絲成繭身先交阿儂懷一人盡情心不死

其四

春水織迴紋微颺波自浴歡若臨其涓萬頃皆迴綠

夏歌一

炎蒸思小避玉簾綠陰眠輕風開羅衣嬌那故倒顛

其二

辟暑乞靈犀清涼通一點共迎四面風堂虛脊不掩

其三

采采芙蓉花纖手擎並蒂花不妬儂顏與郎借妙麗

寒

七

其四

藕虛絲不斷蓮實有空房虛實不可知就裏應難量

秋歌一

婆娑桂樹枝馥郁桂花子香飄到曲房助郎小歡喜

其二

在床忽在戶細語密喁喁啼秋兼促織愁緒幾千重

其三

儂情如月圓秋來光欲拓安得此良宵飛下遼東鶴

其四

秋深郎不歸拭砧浣舊織欲寄搗衣心敢惜閨中力

冬歌一

衝寒媚所歡豈復畏行路茹蕞懷冰霜辛苦圖良晤

其二

積雪爛於銀列風怒如虎擁郎坐繡網温軟一交股

其三

孤影耐寒愁同雲布玉戲憂樂不相關慘淡通其意

其四

松栢有彫時堅盟不可改獨抱歲寒心歷落亦光彩

靜夜

靜夜湧新愁孤情一深往無語看青天碧漢通遙想

寒

八

其二

萬籟寂無聲繁星光錯亂獨坐心搖搖清風送長歎

其三

密意借流螢流螢飛不到媿彼熱心腸令予徒浩浩

七夕

竟夕頭俱白柔情永益堅九迴腸斷斷恨殺不眠天

其二

織盡經年愁今夜方成匹別恨又千端依然吟蟋蟀

其三

可憐天上渡一夕一年情天上天下人情死而情生

疑夢

未暝結成夢夢去不可想到夢圓時鬼神非吾黨

梧桐

芳潔對梧桐涵碧靜如女未解怨秋風愁懷不敢許

秋海棠

恨爾斷腸花兀自好顏色腸斷色愈嬌忍耐秋風逼

明月

我見明月圓明月見我缺中庭寂無言寸心徒萬結

其二

明月窺人靜憐予病欲癡玉兔搗靈藥曾許療相思

寒

九

其三

仰面看明月歸鴻陣陣分人字排行寫音書不下雲

其四

忽然花影亂明月送仙來驚起不見面魂已到陽臺

其五

伏處思幽夢明月浸窗紗枕上模糊影雙睛簇淚花

其六

杜鵑啼不出血化映山紅明月三更裏淒淒一寸衷

其七

昔年此明月斜照曲房春今夜清如水低頭暗愴神

其八

團圓好明月照出滿天愁只恐天涯人對月歡良儔

其九

卿如常皎月定不寒幽盟儂意與卿心瑩瑩照水晶

儂古豔

隱秀想雙眉心描不著筆翠黛綠如雲遠山愁更逸

其二

俊識澄秋水嬌橫媚不止有意無意間迴顧令人死

其三

腥紅凝素雪含吐瀉清光比之于寒玉玉冷不生香

寒

十

其四

輕風倩微步步軟玉階斜殘紅襯不得辱殺金蓮花

其五

每思愁絕態沈恨與微羞沈恨不藏春微羞含素秋

其六

豈無小喜時澹月闌嬌面巧笑散溫香芳脂花雨濺

其七

午餘初睡足香髮亂氤氳幽懶不可摹澹漠想春雲

其八

良宵披皎月影到月精神一片寒潭色盈盈不染塵

其九

伊人病在心病浮眉際宛轉眉欲言雙蛾青細

古離別

還思未別時愁別心似海幽渺無迴波長恨縈千載

其二

憶別在臨岐紅血珍珠淚小語一千言保身以勵志

其三

一朝驚別後前路慘黃昏況復當風雨銷魂第幾村

鏡愁

妬卿背卿坐卿面復鏡中豔絕不忍見移目送飛鴻

寒

十

其二

於今愁鏡裏日日鬢成霜憔悴顏如土殷勤誰念郎

疑信

堅信復懷疑疑消堅比鐵萬結鐵成灰此心一滴血

天問

天地竟無情何以復生我我生情之根天天憐結果



樸集詩選

本書承國立臺灣大學總圖書館借用影印

謹此

致謝

新文豐出版公司
謹啟

樸集詩選

葉衍蘭署檢

樸集詩選序

辟疆以詩名久矣戊子冬底與余聚邢江以余論詩有當也輒盡出其稿以屬余曰吾之為詩也欲斷自今以往茲種種者多矣少作子為我一選之必少必精存十之一二足矣余唯唯受其稿道路攜持恒不去手然閱歲再過猶未敢下筆吾豈負辟疆哉凡以商畧詩文之直與不直視乎交道之古與不古而今日之交道何如也雖吾與辟疆誼隆一拜世豈無以一拜為戲者哉乃今夏與辟疆再聚邢江而辟疆之催督有加至譙讓余不能相信其誠見於面目余然後知辟疆真行古之道者始為反鎖僧庵泚筆放手去留無所忌得詩二百有奇雖永知於世目何如然以余管窺古人證之尺幅則康樂之遊山曲江之感遇常儲之間適六代之闡音所稱妙絕古今者辟疆奄有之矣而要皆根極於忠孝篤摯如水流壑而火就燥有不容自己者焉嗟乎聲詩之道天七而人三畸天懼失之離畸人懼失之塞惟天人合而無迹者始接混茫而追風雅凡吾選辟疆詩蓋以是為程然非辟疆與余古道相期則余操此說以遊於世未見其有當也然則世之列心風雅者其可不講於交道哉黃岡杜濬于皇

詩序

樸巢詩選

冒氏叢書

如舉 冒 襄 辟疆

四言

感述六章為大宗伯葉公誦也

余素結交未嘗近貴即有高山景行不媚世講之雅于公執贄

意真味古即微近傲使人不覺

其二

昨日陳生過余傳聲公念爾祖公知爾名爾不夙駕公將枉駟

述一過便是妙語風雅之實真如此

其三

詩

容臺整肅刺投不速為我倒屣溫顏可掬執手壺衣上下以目

促膝數言急徵闕續纔進一篇喜而三讀委宛稱之不自知復

通家先達發後生一段款曲真率之意此詩畫出

其四

然後相視而涕爾之祖胡遽奄逝追憶當年中原角藝黃金臺

畔真稱罕儷有美袁公進之於帝李公方公育為奇器乃者十

闕竟艱一第謁選低眉未嘗居二禦蜀功高卓哉循吏曠談已

往如昨日事好章法然生於情

其五

飲之食之卵之翼之高遠是望鉅麗是期我別公來贈之以詩

既草縑素又損金資迴環不已下及臧厥

其六

公誼古矣公情溥矣豈堯之致嶽讓五矣

臘夜

殘臘凝寒杳冥凜冽斗室重帷暗風欲揚手觸冰成氣吐冷咽

韓以溫衾猶同臥雪念彼墜人單空如玦絮擁蘆花爐空楫楸

長夜淒清大地濛濛何以慰之我心轉熱結語四字托出必費詞

古樂府

小鳥怨

小鳥何翩翩雙雙集茅屋大樹擇良枝棲遲勝幽谷朝來上下

詩

飛莫去比肩宿飲啄適所天安危相倚伏咄哉指顧間突如來

鼻鵬觸戶空網繆羽毛皆弱肉驚魂無所依小語低相逐差池

去不還秋風吹古木情深怨曲得古人之遺

健仔怨

皎皎明月光靜照心如綠憶昔磨新龍承恩長信殿密意翦冰

紈團圓合歡扇秋風吹玉堵捐棄同離箭新放縱炎涼何事絕

相見小立怨君王無言徒掩面每於結句古意委宛不盡

子夜四時歌十六首選八

春歌一

參差乳燕飛上下雛鶯語無奈此韶華鏞門學古處

其二

春蠶吐千絲成繭身先萎阿儂懷一人盡情心不死雅其懷一所以心

不死若泛用則薄矣真善情情

夏歌一

避暑乞靈屋清涼通一點共迎四面風堂虛宵不掩

其二

藕虛絲不斷蓮實有空房虛實不可知就裏應難量

秋歌一

婆娑桂樹枝馥郁桂花子香飄到曲房助郎小歡喜調頭是六朝

其二

在床忽在戶細語密喁喁啼秋兼促織愁緒幾千重

其三

秋深郎不歸拭砧浣舊織欲寄搗衣心敢惜閨中力

冬歌一

松柏有彫時堅盟不可改獨抱歲寒心歷落亦光彩歷落亦光彩此語不

獨教誨情人乃是自古光明家傑吃苦中一種長遠受用

余交范仲閣詩云安得多情人為國守邊疆於此可想

五言古

贈別陳則梁兄與則梁兄三年訂雞黍之約癸未陽月千里命刻溪之船余躬送之邗關聯舟借返時家君拙存堂新成庭草交翠遂館焉與家君談史三日禱飲三日過先祖隴上及

詩

三

登樓巢共一日余忽病不能晤對者四日飲妙香居花月山

堂二日他友六日祖餞一日中間且酒且詩泓穎與杯爭角

勝何慚太白竟倍平原凌霜言歸縷述情事得五言古八首

兩歲涉四方十二稱文章束髮多結交鴻鉅競譽揚別足倍三

獻泣臥憐古狂閱世鮮久真恒情滿貞良遠心思黃虞灑然得

則梁八載抗弟兄春風刺雪霜參商異天涯兩意徒鬱蒼忽命

刻溪舟茅屋生紫光

其二

山陰興方是有客要中路剖魚得錦箋延企邗江莫攜書淡然

來譚飲適平素敦古念疇昔耽奇詢巢樹聯舟三百里晝夜形

其三

神聚到家無主賓忘機狎鷗鷺讀此知面交異類二種之苦古今朋友形神俱聚者幾人

登堂拜吾父造墓誅吾祖刻畫二千言鬚眉生可數餐霞名吾

樓侶鳥憇吾樹長嘯揮紫毫拳裳託仙羽吁嗟末路人驕蹇恣

狎侮喻習笑鳳皇黠慧學鸚鵡我手弄雲煙我影慰仰俯與兄

臣巢皇冥漠遊上古

其四

借處二十日文章悅性情析疑質經史服古烹精英坦襟與曠

覽萬物廢經營相對如古人相期辭令名聞然媚幽獨鬼神私

其誠以茲俯寰區元氣銷甲兵前詩形神聚意此詩盡情疏出

詩

四

其五

煮腐佐魚鱸，蔬進濁醪至。靜性本廉味，永與逾豪愧。彼口腹
兒鼎釜，徒腥臊。何如三豆銘，澹泊見風騷。一傾盡入斗，再傾持
雙螯。陶然自怡悅，神理解天陔。讀至淡泊見風騷可知真交
道中即是詩境即是悟門

其六

我有廬山圖，落筆高尙書。小李讓精工，大米輸神腴。一卷消夏
鬱，黃王方與俱。唐人繪學士，爛醉不可呼。平生癖古人，晤對聊
清娛。披閱賞精神，一記爲之厨。愛我憐我影，摹寫略皮膚。筆墨
澁，古光天鏡涵烏魚。

其七

膏肓蓄奇病，十載不得痊。陡然臨刀俎，筋骨薰炎煙。飲藥盡一
斗，四日轉拘攣。緬懷惻愴心，蚤夜繁憂煎。倚馬傳前誓，金石聲
相宣。鋒穎醫鬱口，奇醅騰青天。讀之如禦風，甘露浴丹田。始知
文字靈，卻病同神仙。

其八

千里劃形骸，萬古通靈氣。長江一線渺，老鐵神光萃。庸人競對
面，睜目無一字。日月絢光華，殘影餘光愧。兄來有長笑，兄去無
短淚。飲食惜至理，衣服佩大義。凌霜寒木凋，飽風布颿駛。磨礪
再相見，松柏堅古翠。微近東野
冷秀亦敏

感懷

詩

五

丈夫不得志，萬物與之二。昂首論千古，俯拾無一字。長嘯雄風
生氣吐，白虹睡激烈。問中原到處逢，其忌傲傲白日情。落落秋
雲意，卷舌而鬱懷。靜觀天下事，奇情至理
靜眼烈心

又
富貴有報施，貧賤無恩怨。富貴有滿志，貧賤無長願。富貴貧賤
間，英雄徒繼絕。所以韓王孫，千金報一飯。入句詩淵源淵遠非
深于古者不知其甚
鍊之

咏雪蘭有引

蘭產蜀中從古石，苔蘚中挺秀。一莖一花花開如雪，且香氣
杳遠，靈均不及載也。譚友夏以此詩見寄，漫爲屬和。

詩

六

我愛峨眉山，古雪如古石。石古蒼蘚盈，雪古幽香積。香雪帶苔
痕，蘭生花正白。一枝僅一花，花開山意適。九畹名實繁，此種未
經摘。因之念幽人，果許蘭同癖。淹潔有體貼如此
心手方許近蘭

因憶閩中有石梅，真雪蘭偶也。枯根鬱蟠透漏如奇石，疎花嫩
幹秀發天然。鬘予香儂園有數供，今不復存矣。

問海有奇樹，念之雪皚皚。骨瘦天不憐，質朽人不材。倚石難計
年，石老梅花開。焦如爨下桐，生意轉徘徊。橫斜鐵作枝，何必玉
爲胎。對之如枯僧，不許美人來。
虞美人草
曾聞虞美人，鼓琴花自動。在昔桑景舒，製曲時一弄。予亦具琴

心相見目頻送嬌色不可慕芳脂紅玉粟移植小窗前青天下
雛鳳

過龍潭有婦以烈暴死停車一日親爲營葬口述志之

涉江躡龍潭六月山中度赤日射紅塵假陰無停處驅車促征
邁有婦死中路道傍兩兒啼呱呱尙求乳驚見問所從野人詳
其故烈婦他鄉人與夫俱守素同里有狙獠往來常意屬冰雪
持堅操固窮不一晤奸人構深禍誣盜將夫錮配遣絕還家古
驛等邊戍幽閉不及知欲向九關訴奸人來致辭爾夫已遠述
重效錦鴛鴦何爲守裙布烈婦聞斯言奔號身不顧崎嶇行路
難况復苦徒步昨日至驛中見夫淚如注捉抱累兩兒行乞無

詩

七

宵寓更懷八月身躑躅兼驚怖早起忽墮胎兒亡母亦仆舉目
鮮親知形骸慘暴露聞之駭人聽皆烈髮指樹明主御中天何
處容奸裔卓哉節烈婦足當千古慕矢志既全身患難尤能赴
力竭繼以死問心無不足何幸慰見聞灑淚不能去停轡代經
營棺衾得全具禮葬大江干白晝生黃霧昭雪愧爾夫解金周
雛孺還當寬一劍斬首酬其墓末段使一篇振

余不善畫而愛畫偶過孟津王宮詹署中曠談移日旁及繪事
先生爲余畫白紵題曰談畫有合作此印可卽席答詩

我急懷山水生憎滯僻悶杳然神一往五嶽橫吾廬吾廬容尺
幅白雲隨卷舒平生數紙耳閉門天地疎此意持贈君賞心誰

共吾偶見王先生寥廓坐石渠高深不可測海嶽萬里圖清談
通畫理不自知小巫先生獨痴嗜謂我可以娛濡墨生紫煙落
筆淡而腴筆墨猶有痕相視何其虛攜歸明月在幽興發江湖
同爾公過赤石磯訪劉伯宗

脂車並張華過訪劉越石入門秀色環淡宕秋容積塞惟人在
中渾素如圭璧橫襟纒數語洞朗出肝膈清興共悠哉此來疑
赤壁再閱千秋言字字唾明月乾坤二三子快聚在茲夕惜別
各何之澄澄秋水碧纖穠中度

下第感懷 四首選一

詩

八

夙性賦稟桂而兼金石姿不甘輕薄相恥作噉名兒密行證鬼
神熱腸多傷悲乾坤本寥廓匹夫安足支何爲日皇皇萬物皆
我私心長力不副顯高位自卑浩歎望中原滿日皆旌旗躬耕
鮮樂土憔悴無豐肌極感慨又極安分惟其安分益見其

憶影園寄鄭超宗

柳色嫩如妹波容明似月柳色與波容盈盈靜中發想到雙眼
澄夢去衣裳碧高人宛在中閒情撫瑤席蘭夢枕上圓窗岫鏡
邊積毫素絢奇彩虛空生夜白寄托適幽興良陰自寶惜庸兒
乘順流志士數享逆閉門不必山冷眼看殘弈落柘豈枯踪天
放固有責

喜雨同巢友百史分韻影園

軒轅成六律時序鮮乖危虞帝揮五絃騶蹕華滋聖人御純
陽伏陰奮維時層雲垂樓臺怒風駕蒼螭靈雨普甘潤萬物沾
其私媿帖不朝鳴田疇展綠粧音節 近古

西湖有感

余生二歲時曾與西湖善鬱壹廿餘年緬懷慈情薄遊如故
交陶咏恣婉變凌春景氣鮮晴碧思殊豔到來歎寂落萬頃空
澄練隄橋杳幽谷山寺廿狐狷簫鼓學無聲樓船息華宴粒米
比圓珠貴物驕人賤餘生救不贍掩目過芳甸留滯湖上樓七
日等茅店莽蒼風搖屋蕭殺飄威霰桃李凍欲僵鳴禽歇嬌轉
山水靜固佳懷抱惡多倦翻思未到時麗想鬱深谷二十年來 饑戎世運

詩

九

被他黃物騎人 賤一語括盡

登孤山大幔亭訪友人不值

積雪不可掃乘興孤山曲有美臥層巖萬卷扉靜屋徘徊氣韻
佳青童映古木主人深入林杳然媚幽獨雲房寄山阿芒鞋到
處宿陟岡徑迂拙垂蘿裊芳縠登高瞰四壁芙蓉飽秀目兩湖
夾長鏡敷石繡斜麓梅花白玉清竹柏青銅綠清景併君家幽
媚兼倩穆我學趙子固披髮濡醪醉狂呼北苑筆醉把離騷讀
當年雙鶴歸應返時人躅起語竟 是太白

天竺紀遊

風雲阻勝遊旭日舒晴媚載喜發輕軺芳煙擁靄瑞長陌透湖

瀆千山鏡朝氣柳柔垂軟絲杏暖展新意逆景到上頭天竺先
生寺二月十又九士女競花隊香火繚繞生輝光耀梁麗討幽
入深壑閨寂求古邃路僻藤葛弱景森氣味異仄步凌巉石古
木貌奇器參天千尺昂蟠地十畝翳嵌空離土秀老鐵根帶礪
婆娑蔭其下縱目高巒麗丹砂襯蔚藍挂瀑沸珠璣妙鳥隔林
譚鼯鼠竄松戲回首俯盤均平岡衣薜荔迴環島白雲穠稠積
蒼黛午日下中峯老僧籠屏至延歸話閒晝蔬酒供澆味溪南
淨室佳山水娛清卉危橋耐曲澗繁梅香雪膩錯落千百樹玉
龍抱珠睡草茁茸毛滋石陰孔泉細轉嶠二山合天地混碧翠
涼粉霏香露寒玉沁半臂縱橫上下交夕峰炤綠鬢敲戛金玉

詩

十

清喻習鸞鳳慰無數青琅玕不讀質誓記勺澗煮清泉床下伐
笋稚怡情留滯久眷茲百念廢遠鐘送莫聲惜別心沈醉作者 盡中具遠近濃淡收放之妙

昌田洞

怪石大小立衝激發高響偃仰適所樂蒼莽結幽黨一望古參
橫位置各有像綠雪挂波簾噴珠上余頽水石角異觀萬態堪
奇賞遊魚吹雨絲俊鳥洗翠壑游舟娘娜行渾然滯雙槳榜人
嗟塞流余意悵遊往柳州遊記出 之以韻語

其二

天地秘吾獨惟山享其幽凡人見崔巍躋攀侈言遊山中別有

山虛靜如吾舟白雲仇紅塵一往阻遠求昌山石洞開異蹟繁
然留隙夫味守黑列炬憚潛遊茲我數行邁鹿鹿遠冥搜他年
披髮來長嘯凌滄洲山水間詩自謝康樂後如此篇亦不戒白雲抱幽石空翠難強名矣妙在虛會

烏灘
鬱鬱水如羅田田石似葉水立石反臥異景新雙隄錯落浮瑤
席箕踞上蓮艤持釣選魚磯碧香四邊貼永日恣嘯傲處處皆
心慳玉沙夾岸平綠溪墮明月散髮弄漣漪纓足厭松越
虎石

行路歎逼側面面山橫勒新齋寫蘿煙容光媚晨色寧帷望遙
青俊石道旁削周傍十丈餘裂地負猛力突兀轟異姿丰骨關

詩

三

險棘苦衣食錦班嫩黃吐綠墨穹蒼落蟠雲日月光華拭僻地
鮮英材符茲樹奇特我癖同漫郎磨石手摹刻內作俱奇秀山水詩數百年妙手

阻風章江楊太史及士業巨源左之諸同社枉教時家君初蒞
襄樊余奉母歸即奔侍行間諸公有贈以言贈以人者經濟
文章一時交勗賦此志感

黃霧食大江颼風舞迴流洪都暑繫舟騰波上樓殿慈母含旅
悽家君正殘句悒鬱白髮心長夜榮千線同聲藉數公慇懃
垂眷輸誠扶眞衷壽畫周常變夾袋搜冥英指掌譚戎戰遙集
贈古聲披笥授經傳高誼比夏雲奇峯藹當面蕭械佩途窮感

茲舊百鍊從親圖報君磨礪需相見

雪夜志別

好色比憐才可憐不可衰真意蘊孤香至情辭淺悅辟被初絮
花春鮮詎容折又如未雕玉寒光在無缺我意如湘煙綠縷細
如髮入卿懷抱中團圓化晴月執手共脚躡清淚非關別遠心
託素毫孤舟夜零雪柔鄉悟境能言所不能言

燈下看漪炤畫蘭

幽人賦蘭心才子生花筆天意寵探閨舌香秀女逸雲煙澹垂
幕寶奩裁刀瑟泓穎具精良寒香傾夜室偶然發佳興灑墨春
芽茁落毫毫復停緩散舒葉一一葉氣韻全天機百端溢俯仰

詩

三

送餘姿合吮芳情睡蕭艾黜靈腕清芬辭蜂蜜畫成凝睇久橫
波傳意密細字寫相名小蘭留膠漆珍玩結同心寶燈浮瑞霞
神韻俱足逸致橫生

七言古

感懷

人歎家徒四壁我則堂構皆華築人歎鶉衣百結我則輕裘傲
鷄鶴人歎牛菽不充我則肥甘厭梁肉樂此温飽况羣居苟且
一生無迫蹙我也豈是菰蘆人安能俯首蒙庸福奮飛願學北
溟魚雄心爭逐中原鹿憶昔童年便壯遊開關吳楚蜀之麓胸
中山水筆底華妄欲詞壇削大牘名場十載未逢時愁魔病鬼

交相簇杜門。影小室中可以忘。憂惟尺幅寒。月慘白霜天高。苦把離騷深夜讀。一字一句幾迴環。栖鴉噪林松。謾謾吁嗟乎。男兒七尺本天生。四海千秋惟所卜。曷為水火不能應。人求思。怨不敢出諸腹。癡情竟負心有恥。翻舍而徒然。泣臥牛衣中地。啞天聾死灰。槁木甘受。魍魎魍魎之掬。抑而與螺螄蟻螂同聚。族終朝沈鬱。誰足論。八十八宵不曾宿。長嘯忽登寒。鷄樓仰問。青天神轉穆。雙眼橫開眉。不揚心血煎枯鬚。頓禿何時騰。踏向青霄卷舒自在。如機軸逍遙。跌宕五嶽巔。吐飲風雲吹布瀑。大。厦千萬間。美酒十千斛。車笠相逢持贈君。德不忘兮誓不蓋。更藏一劍。答明時掃蕩羣氛。遂初服然後左圖右書。彈絲擊筑。汎

詩

三

蓮葉之舟貯黃金之屋。白玉如意紫霞杯。繞屋梅花滿籬。菊仙人羨慕下蓬萊。鬼神讚歎窺幽獨。人生如是差足觀。英雄自古

有成竹

發端奇突憤激似漢以上諸篇

十七夜

昨宵兀首天鏡舫。今夜歸來栖汎雪。天鏡舫中怨月圓。汎雪齋頭憐月缺。月圓月缺總關愁。何如僵臥任浮游。明月浸牀不成

夢靜聽落葉聲

幽孤寂歷格亦清老

丙子赴白下舟中憶先祖大夫

庚午之秋祖攜孫孫病祖憂無朝昏癸酉之秋二親侍祖製一詩送出門勉旃成名須及早六十九翁年已老又云病子能卻

病縱然不第吾何惱。誰意蹉跎今丙子。孫慚三獻祖已死。登舟悼歎轉搖曳。萬曲千迴停在此。悲心惘惘欲何之。將以薄技求人知。吾祖之嚴過吾父。吾祖知我勝于師。祖死孫存不可為人偷生苟視以慰二親。胡為復爾。赴金陵能不臨岐獨愴神。吁嗟乎能不臨岐獨愴神。至性真悲可敵李密一表開逸園臘梅競吐。偕余公佑黃緯之遠探途中。所值老病饑寒種種見告。因念吾輩一室飽煖。旁及清事。殊不知殘臘之苦。惺然同患。愈覺此日寒甚。

詩

古

層樓未雪先高臥。欲訪梅華借友過。出門方知今日寒。所聞所見皆失歡。解衣推食不盡意。我與斯人胡以異。歎息歸來雲欲

同四海此際嗟困窮

世間受享人不可不讀此不獨惜福憫人亦必知此然後受享不草草

感懷七歌做杜少陵體

有客有客採蘭芷。塞芳潔岸稱男子。峙山滄海當中立。進退取舍準廉恥。十年遺落埋故紙。英雄之志徒爾爾。嗚呼一歌兮歌未充寸心搖曳如飛蓬

其二

有祖與母俱七十。隻身侍養通呼吸。顏色氣志毋敢違。朝夕承歡如不及。一年相繼劇淪喪。四百日中晝夜泣。嗚呼二歌兮歌可憐。啼血聲聲想杜鵑

眉公先生云。辟疆聚百順以事太公。試取如不及三字讀之神。情自畫出矣

其三

無伯無叔鮮昆季兀首終年影爲二同學有侶已飛鳴四海
知遠不至寂寂寥寥手一編椅木荒齋何所事嗚呼三歌兮歌
轉孤竹林靜杳聞鳴鶴

其四

南山有鳳栖惡木西郊有鷹不得育攫人猛獸當關啼鶴書
見踞高屋我欲奮飛訴上帝雲中何處需尺木嗚呼四歌兮歌
怒張痛哭不得發欲霜

其五

昨日共困在菰蘆今日飛揚豈便殊平生之言空皎日我欲自
廢金蘭書升沈幻態如是夫富貴於我何有乎嗚呼五歌兮歌

詩

五

欲睡若輩世情安足議

其六

春仲雪花大如掌淒風緊峭寒莽蒼黃雷電猝然發五色陰
雲摩日朗憂人無計復憂天五嶽四海將安往嗚呼六歌兮歌
苦辛杞人心腹如車輪

其七

童年擅擗揮素毫對然鋒穎誰能撓文章憎命不得達投筆干
金購寶刀坐令海宇靜波濤安能灑亂隨兒曹嗚呼七歌兮歌
將竟無病呻吟是真病不必謂有杜陵後有北地情之所
到自成一歌筆酣心苦
雨過虎邱獨坐移夕秉燭登還珠閣看古梅

木蘭濛雨繁煙填亭午四幕霏絲續遊子幽情怡莫岑著辰鼎
躡虎邱寂劍石滲綠苔吐雲鶴澗濺花珠噴壁悟石千年石白
如削平古鐵蟠孱孀婆娑俯仰妙氣來溼天垂光羣岫滌芳軟
春風化寒激凹巖禿樹雪未剔銜珠夜炤山閣巔無數玉龍吹
野笛李長吉溫飛
卿爭其妙麗
蘭溪舟中寒食感懷

詩

天

前秋侍養遊東粵九日虎邱舟不發父子單傳鮮季昆老祖墳
前祭祀缺兩親揮淚遣兒歸霜露既零瞻馬鬣兒歸親去忽三
年楚粵遷官復五月思親懷祖一寸衷兩地縈迴萬里結離而
養者以志壽齋居敬慎母敢越朔望展墓焚楮錢旬日登邱掃

松葉今年泣別祖父母孫欲省親情悅切承祀尙有家孫婦兩
歲曾孫扶拜謁春王六日離蓬門雨雪風波阻吳越饑民劇益
相伏倚處處心驚探白赤蘭溪水逆灘如梯慘澹傷情寒食節
家家挂紙出郊原柳綠桃紅媚雙睫萬華園畔祭應歸只恐精
誠難上接天涯險阻飛不歸聊酌酒漿設魂帛前宵屢夢在尊
前呼孫返舍翻蝴蝶餽情深情別離望雲淒斷甘飭涉分身
無術倚蓬窗腹內車輪徒轉折

渡粵挑燈夜話放歌志別

衢江送許丈若魯之惠來令與丈聯舟入豫章丈限迫由閩海
真君同舟共肝膈華月山川逸晨夕風雅銜杯析鉅文齋莊研

理領真益燕處從無毫髮疵昭隣德宇溫良璧君之夫人余祖
姑渺然卓分况迂疎略迹披衷獨痴嗜精微一氣忘形驅四十
九日相與娛訪雪壽幽芒履俱曉風挂帆數迴願落日停舟頻
相呼李郭神仙慚愧余雷陳膠漆如是天相期分劍豐城路爛
柯山下忽迴步王程限急路轉紆閩海無波通粵屬黯然銷魂
離別難挑燈細語五更寒各吐至情鬱懷抱兩地親闈滯一官
我去趨庭四千里回雁峰邊承菽水君縮新符宰百華移孝作
忠無二理君云報主日正長不如緩步紆青紫冷署閒身怕莫
精一堂且遂烏私盲敬聞斯言如元音太和鼓盪萬物春百年
苦短交喜懼我亦終身有慕心自茲分手屏雜嗜嬰兒願學老

詩

七

萊志他年君擢錦衣旋我著斑爛兩娛戲忠孝報側之誠交相
砥礪不愧忠節不愧

五言律

秋日園居

小築不求華曲折隨吾意疎石染煙蘿芳草洗青翠佳景固無
多俗塵喜不至閉戶養微疴此中有高致

寄陳眉公先生

卜居數十載高臥此深山日月滿園上煙霞面目間鳥啼醫寂
寂鹿逐樂問問若問乾坤意浮名久自刪

其二

世事憑流水柄真老益虛雲中雞犬逸窗外薜蘿孤古石稱詩
骨深林護草虛容來無別供綠酒翦青蔬
送董大宗伯還朝兼乞題並頭茉莉
天人對策後千古到雲間隆望熙朝重冲襟大海環才何論北
苑徑不借南山霄外龍門峻能容龜鱗攀

其二

東山起安石善惡羣生心相似垂蒼玉仙丹鍊紫金致君偕大
道傳世託豪吟揮翰綸閣暇雲霄俯碧潯此俱辟疆舞象時作
不難其才高而服其

志別

詩

六

春來人話別卿去我情紆新月描腸曲疎燈照影孤醒餘猶戀
夢愁甚忽高呼逃恨無良訣梅花笑我癡

贈友時附李大行北上

瀟灑真吾友雄心遠遊劍懸燕市月濤靜廣陵秋長價方求
駿忘饑舊狎鷗帝城仙路近况復托仙舟

次董太傅原韵贈友

天放一官冷千秋吾道尊管絃繁絳帳香漢峙龍門大雅公能
振文章我是論江南才子澤此意幾人存

題愛日樓

縹緲仙人景繁華才子春偶然成曲折原自擅嶙峋不雪亦高

臥聞雲皆靜因裁眉天半香誰可步芳塵

其二

好樓因愛日結搆游幽思木末分微翠波迴弄冷姿憑虛天地
皎眺遠海雲奇百尺胸中具高吟碧落吟

李郎花燭詩

燕爾值芳辰標梅吐玉塵才華能散綺嬌豔自生春照夜身為
燭開懷夢得麝可憐宵正好温軟靜相因豔語能奇不奇不豔

留別譚子

古澹絕凡豔蕭然意欲忘對君如碧水映我發燈光舒嘯淹奇
秀幽懷曜素香一枝期小隱相遲綠雲鄉

詩

五

其二

朱絃調不越共奏愜同聲相與無殊態將離有遠情凄寒雲莫
合靜夜雪空明知爾堪寥廓歸舟句更清靜夜句令人如置身其間以空明生出漢

切此別詩
第一妙會

聞友人至邗寄懷

廣陵明月死不復鬪紛華天意頻垂象人心亂似麻營在空老
落虎豹任喧嘩極目應長嘆愁懷付酒家明月死奇而穩又好
在貼廣陵移他處即

不妙
矣

題指樹園新竹

昨夜龍孫長蒼琅萬箇圓不容無一日何必大如船伴石生幽

嫵搖空著碧鮮曉煙籠淡淡真可當嬋娟

其二

芳潤開綃綠輕風自在梳近移青玉案遠勝碧天居高節挺雲
上虛心滿月初主人元不俗看後更何如

其三

凡材多曲折聳直爾無傍君子標清正高入本激昂青天舒淡
宕靜夜畫蕭湘海曲有饑鳳因之思故鄉第六話令詩家畫家一齊開筆

其四

匿影蓬蒿莫輸君對此君胸藏千尺雪徑繞數層雲爽籟發晨
響疎林舍夕曛籟龍蟠大地風雨豈無聞

詩

三

其五

平生懷素願種竹千畝環何日臨淇水攀芳積翠間多君鬱奇
秀移植滿溪山屏累全幽興穿林百度還

錢塘江登舟至玉山道上水陸八百餘里溪瘦難繁軟舟稜巖
石上陰晴雷雨與山水景態相變現者十有三日真生平未

有樂事也歷名區勝境如閱畫圖詢土俗民情惟云災亂扁
舟晏坐娛目憂心隨筆得五言律三十五首敢云紀事之珠

聊作歸途之鏡選二十三

下錢塘書所見志喜

舟行圖畫展靈壑古溪間懸嶂晴相接浮鷗機白閒朝朝魚鱗

膾夜水雲關清賞真無累塵心不待刪

其二

細風春自扇麗景發新香目滯山川秀心空日月光真閒無漏
息入妙有甜鄉歌枕疎簾下融和天正長

聞警

富陽江上下肆掠太縱橫盜賊未必死饑寒孰有生救焚宜策

食割肉又添兵遊子嗟行路前途暗自驚

晚望

晚晴山更媚紫綠邊雲霞小艇橫孤葉輕煙帶數家野樵歸徑

險濁酒向村賒畏路嘆舟子頻將鼓莫過

詩

富陽山下石

巨石蟠江立莓苔繡古紋支撐擎鉗鏤偃仰落卿雲帶雨青螺

鬢環溪白練裙停舟呼我丈不復歎離羣

過桐君山

灘峻水相激衝舟况反風浪迴波繁溜篙觸石丁東出險少平

局孰奇尋化工神仙應寄藥彷彿見孤桐

沙溪夜泊

野灣聊夜泊煙寂古人家僻地米不到荒村賦亦加煮糜爭樹

面春粉淺山沙老弱空垂淚無由度歲華

將至桐廬

劈空開異境嶮削數峯道老樹皆蟠坐垂藤欲繫舟天青龍虎

歸夜黑鬼神遊風雨淋漓後何人住上頭

登釣臺懷古

把釣接渭與披裘起臥龍人能遷九鼎吾自狎雙峯勿用潛為

德全交遜可封神明應莫測高士漫留蹤

其二

異界天娛客高臺俯碧灣一絲原不繫萬古獨留白魚鱗

餌青山石正頑先生大經濟都付有無閒

其三

大業雖新嗣論交還舊盟聯床當日事加足故人情入座星方

詩

聚忘形夢正清可憐愚太史告急學逢迎

巫山村

千山春靄合漠漠白雲深石峭天懸畫泉淙月弄琴洽幽來俊

鳥契曠適高林忽到巫山畔潛聞神女吟

鷓鴣源

清淺如亂玉芳漪拂細煙織波羅帶狹簇浪鏡花圓翠鳥烙無

色寒潭別有天猶憐滅錦石疑是雨華泉

過龍門諸山

抱溪山宛轉屢折送丰姿曲意留情態回身憶別離曉青拙淺

黛晴綠淫蒼變幻尤難迹惟應靜者思

三

其二

薄霧晨光洗青巒
曉妝野紅桃補豔
嫩綠柳縈狂雲雨
今宵夢溫柔何處
鄉息機鷗不下
流浪學鴛鴦

烏石諸灘

駛流攖怒石石怒
水鳴鏡奔放不得
意參差欲絕交
闊洲虞險藥淺
賴畏粘膠舟子
謹呼處紛挐勝
刺蛟

渡三河有仙茶樹
如柴車之輪內
潘姓七世同居
感賦

潘氏三河舊春風
七世居樸惟譚
孝友貧共食樵
魚末俗存元

氣敦倫厭讀書
仙茶獻靈瑞
吾欲拜公廬

寒食泊蘭江

詩

畫

採蘭幽谷香觀
激啟晴窗挂白
當寒食尋青上
畫艘兩洲分雪

鷺一塔劃晴江
牲酒供遙祭
含悽在異邦

途遇鄉人捐金
周其歸里

小倦聊登岸
逢人是梓桑
攜兒來採竹
岐路竟亡羊
淪落交垂

淚淒涼憶故鄉
解金潤行李
明日買歸航

三衢道中

雷雨一夜發
維舟姑篾磯
仙臺雙罷奕
龍穴九騰飛
沙鳥溼垂

翼梨花晝掩
扉故交衝滑
致感頷歎年饑

寓常山葉氏環
碧樓眺望有懷

樓虛青未了
四面插芙蓉
濃淡分殊色
春鮮作好容
松眠石屋

靜沙浴竹雞慵
延望雲無際
衡陽何處峰

玉山道中

草坪四十里
分省界如枰
類屋人斜住
盤溪馬倒行
年荒物競
貴山野俗趨
爭懷玉憐何
處危峰炤眼
明此上二十三首蓋身
事映發憤憤賞豫夷猶樂境悟境矢口縱筆盡在箇中即作者
亦不自知其所以然讀者不設身處地使情景活現亦不能知
其妙也詩如此則傳矣以此知人離
山水而事應酬安得有詩可以三歎

遺袁江投爾公
兼懷袁中丞

三年雞黍約
萬里剡溪船
今日拜堂下
攜兒侍膝前
澹交尊朴

雅古誼薄周
旋把手論時
事含悲各淚
漣

其二

詩

畫

中丞再蒙難
知己報無時
國法封疆重
王臣濟蹇危
聖明非得

己吾黨竟如
斯剝落固時
數栽培道可
疑

桃花

芳殊玉洞珍
輕薄到風塵
豔色標傾國
濃情鎖麗春
淺霞浮紫

嫩疎雨洗紅
新咫尺仙源
在漁郎欲問
津雅意

蕙

媚時花競色
遠韻獨撩人
幽獻青山瑞
孤眠綠草春
古梅通瘦

意俏石侍芳
塵密爾窗前
供清芳許結
隣

過古林訪僧

逐喧竟忘返
閒來步此林
胸原如月靜
目極且秋尋
竹巖不知

翠梅香含古心澹然禪可悅况復老僧深

贈友

勁骨挺晴嶽揮毫大海橫才雄堪鑄史略勝足譚兵岐路堅高
節風霜見古情環遊非不厭直欲定澄清

其二

南都集五子箴桌總我眉大業更相訂微言不受欺明時俱放
棄何日起瘡痍吾道甯終喪相期且下帷

湘江苦潦

淫雨大如注經旬江水齋葉舟行樹杪茅屋宿波臣一望皆澄
碧干翻擁石熱臨流重歎息無計拯沈淪

詩

其二

黃雲將遍野白浪忽滔天飄泊借魚鱗蒼芒失釣船炊煙三日
斷生意幾時全兀首孤篷下柔腸百道牽

其三

奔流欺怒馬急響動千山雪蕊迴輪沫風花聚斗灣虛舟愁上
下溼鳥倦飛還白髮夜盈丈怡親故解顏

冬夜社集芙蓉齋看月卽席限韻

香隱篆初添窺人月在檐閒情今夕淚枯血舊時髯望氣空相
遇矜心物外嚴一聲蒼底急霜色湧疎簾

其二

久客獨無事囊飄挂短筇素琴橫古雪細帙擁深冬防而甯惟
俗傷心漸及農平生千種意空外語寒鐘悲歌感慨之音如筑如嘯

其三

聚首兵戈後幽懷託素交山河蟠舊影星月俯孤巢脫葉辭寒
木誅茅戀北郊密娛聊且莫奈爾故相嘲三四神景沈寥

其四

爛醉非關酒疎狂轉獨醒數行銷絳蠟屢夢到青冥香破敲殘
月風高迸落星浮沈安所適千尺倚唐亭

再集芙蓉齋展玩唐宋圖書卽席限韻

詩

風塵仍不子丹穀任車輪白社數良夜青山許赤貧圖書紛往
蹟金石賴陳人酒後評閒事能令老鐵嘆

其二

筆墨深於古神交別有天蟾蜍收玉淚虹日貫樓船不可無茲
集誰能見此憐坐餘喧復靜霜月白如泉

其三

遙集披前葉閒心卷靜荷不言情自澹卽景興偏多萬境歸蕭
械餘生付浩歌釣車金轂輒懶慢狎煙波

其四

良友如江水晨昏共夕潮捫胸真磊落息影憩松寥此後惟詩
酒他年問牧樵桃花明滅路魏晉是何朝四首皆寒夜刻燭限韻之詩言外意中無

限逸情
雅致

同諸上人社集芙蓉齋論茗限韵

蘭社復蓮社寒雲洗碧澄苦曾磨石鏡靜只愛枯藤落日漸無
事空心愧有能撫茲暗惆悵恰似未逢僧五句逼唐惆悵處有密因

其二

靜氣超塵外開泉煮惠澄雁荒午夢人瘦倚枯藤冥悟觀情
妙沈機黜慧能坐深怡古淡入畫是高僧應極靜極秀極以此知辟疆真慧業文人

答和友人客春見懷原韵四首選二

鬪花仍昨歲寂魄罷吟篇梧下聊今適磨堦學古堅晴絃通夢
遠愁緒入春憐聞說邗關紫長虹下綠煙

詩

毛

其二

誰謂鴻公重偏存臥泣人驚才乏先影松夢享真貧天地容孤
癖庭蘭戀老親自經披拂後窺鏡不疑顰

友人以破僧鞋索題嫌不及應卽席限韵反得二首

敝屣鴛鴦後逃禪偶自隨任雲生繭足見月悼我眉無復風塵
迹應稱解脫絲贈君雙不借五嶽總相思

其二

食貧聞斫屨怪爾暑天隨裝敝誰憐足塗泥不上眉邯鄲追賈
佛袂掌學蘇絲故步真堪憶鸞膠果繫思

抱疴掩戶友人過訪深翠山房卽席有贈次韵答和二章

小欲厭塵事蓬蒿影深愛聽批頰語時學憂銅吟忽漫來仙
侶離披向竹林酒酣雙眼白天地一知音

其二

聯壁人如畫幽情小苑過霏譚詩律細繆蔭翠雲多徒倚石連
樹婆娑金卷荷晚曛猶帶焰飛溜想懸波

晚春社集芙蓉寓館同友人用少陵陪鄭廣文遊何將軍山林
十首之八韵

客愁忙裏斷乘月渡溪橋祕閣生春畫高吟落漢霄一枝猶未
穩三徑屢相招共臥桃花畔方知俗境遙

其二

詩

天

春暉娛雅集萬慮一時清花落猶芳樹林虛見晚鶯臨泓拙異
緒煮字卻常羹第七吟成後孤情迥獨行花落二句通盛唐

其三

翠岫環窗鏡遙青柳探枝月來先小苑風約聚清池偶興詩相
與無端春未知素心兼麗曠筆彩任紛披五六雋而老

其四

枕煙幽景媚翻似一帆開三月揚州路相思籟笛梅每嗟儕輩
遠咸爲我公來鄉夢連宵續香闌破碧苔前中如畫七步八又有此神境

其五

小山亭子外古壑罷流泉野色平蔬圃疎煙寫柳眠醉尋千日

酒書遜一囊錢行藥吾何往求仙問稚川王龍標

其六

清燕瓷傳酒縹青泛碧香篝燈全月色袒袒受風涼柔夢枯吟
滅疎花接葉藏晚晴風味迥煙視暮天蒼

其七

寄迹塵緣外通身是白雲攜家香草國聚客北山文樹綠杯能
隱鑑紅影不分鱗鱗風細動花氣靜中紛筆有仙氣

其八

俱留遲送別楊柳謂君何不是宦情薄總緣交誼多青山隨白
雪無日不高歌驪唱渾閒事相期百遍過妙在一氣入首頌刻而成淡中有味秀

詩

五

而能老有似馬戴處有似杜牧處有似龍標處而通身風味又在朝川襄陽之間

社集陳年伯柯林寓館即席限韻

獨樹俯巉石無霜亦峭寒天涯仍聚陪客舍暫不安折盡傷離

菊鋤餘見谷蘭竹西風雅舊得此未凋殘

春日集慢菴水亭即席和韻

佳招來勝境春水靜如鋪鮮石迷雲磴松風試茗圖航奇思浪

士相得嫵情娛握手塵情外寒廬自愛吾

其二

恰似天隨子煙波人外人風鐘清四序晨鳥足三春長鏡明芳
樹孤城倒碧淪莫言貧病後殊福是閒身

其三

閉門張仲蔚春半偶開關選勝惟孤僻怡情獨往還亭虛依淺
懶人嬾見空山巢父真堪侶青天看白鷗

其四

逸興偏蕭瑟通幽結藥房水雲穿戶牖煙月半瀟湘坐靜不知
歲林空忽有香對君疑古處俗面未須防四詩萬緣俱寂五內生涼

五言排律

樸巢初成得二十韵紀之

山中老龍樹飲水臥河碣歲月迷先代風霜飽數圍鹿眠夢隱
隱蛟動舞頰頰質厚全凝朴秋殘小結緋停煙疑遠嶂疊畫寫

詩

三

幽嶂靈宛如環轅淒清可闢犀藉茅凭險幹覆葉即深衣屨市

一何幻舟居兩日非燧巢留鬣鬣鳥鵲共精微望氣招仙李凌

波待宓妃練開三足影目送五絃揮音梵前溪渡濤窗隔岸歸

寒郊吟未到瘦島佛堪屏拭鏡魚懸泳傾杯鶴倒壘枝迴藏鳥

道木未掛漁磯雲起浮空色絲遊釣落暉迷虛應自得獨立竟

無依素志怡之澹潛身學遊肥掄川飲吾犢寄食採他薇大樸

從今返逍遙與古希想入非非思窮罔象巢奇記奇詩奇辟羅真天壤間奇人也

七言律

冬夜同友人坐月

寂寞連宵孤坐月月明今夜又蒼苔儵然二客聯車至話到三

更萬境開枯木衝風能勁立霜天落雁更幽哉歲寒遲爾盟松
柏遠意遙躋百尺臺有真境有朴致尤取其潔

影園黃牡丹

鶴背仙人澹月裳遙臨金谷關晴芳游蜂夢入將迷影淺蠟春
浮欲化香似柳栖鸞新溼雨疑秋繡橘小含霜妃紅配紫尋常
眼正色偏留媚草堂

其二

蕪霧籠煙未可尋朝來磁斗發稜陰微分傲菊三秋色併與孤
葵一日心富貴幻成金粟相豔香忽落羽衣吟繁華不領春工
意土德滋榮獨爾深

詩

三

阻風江上望江南雪後詣山

青天雪壓玉芙蓉風舞披瀟灑東松日落人恒候雷電水深吾
欲得蛟龍平吞萬頃歸元氣指點千峯作畫供塵事羈遲最無
賴且橫清棹聽山鐘

晚怕江上有懷

片帆三日阻江涯兀坐幽吟別有思白象浴波翻浪蕊青螺橫
玉鼻雲絲伊人何處憐芳草游子孤舟詠雪兒江海漫漫愁正
濶一燈清照夜何其

同許丈若魯兩家叔遊且園

石尤風阻滯江關共訪名園恣往還清淺浮煙籠翠篠橫斜願

影送香鬢步迴雪徑山逾峭笑指寒林雲自閒大地風波憎旅
思暫來探勝且開顏

其二

前宵一枕溪山宅今日遊來是舊觀石上精魂曾寄笑眼前幻
影竟無端鏡波綠織春羅帶古嶽青銜白玉冠鴻爪偶留仍是
夢那堪風雪又江干

匡山雲海詩步友人原韻

羣壑風生急莫秋飛來萬頃白雲稠浮空亂擁文殊象積素遙
憐庚亮樓隱映三湘波是月虛連九子玉為洲髻時曾惹香爐
篆何日攜詩更上頭

詩

三

姚子以十二樓船社集桃葉渡卽席同則梁公亮退之諸兄分

賦選一

秣陵佳氣在新秋欲闢奇文藉勝遊碧水凝煙灑畫舫曼聲鏤
玉鼻香喉乾坤結聚憑青眼車笠相逢豈白鷗屈指千秋吾輩
在共從藝苑割鴻溝香麗之極結句尤老秀

寄懷揭陽張公亮兄五首選一

橫驅嶽嶺骨昂藏四海何人許抗行燭斗文齊嶽劍紫鑿空識
授穀城黃琴中古意詩留雪花裏高盟氣帶霜回首十年情倍
熱升沈離合總無妨

登煙雨樓

冷雲萬頃接天碧，幻出層樓亦杳冥。
微灩浮光晴不定，霏微撲翠溼無形。
鏡懸魚鳥上衣帶，風送帆檣入醜醜。
我欲乘空化殘色，鴛鴦夢裏狎餘青。
筆有化境 疑帶湘煙

散步竹亭

寒樹蒼煙雜，層徑步迥古。澗檻玲瓏雲，眠半壁。邱壑小翠染，孤亭煙雨籠。
浴影雪梅炤，新色拒霜天。竹亂垂紅人，間幾處曾留。此疑是水壺碧玉中。

過豫章投吳憲長

秉法霜威百度醒，匡廬峰映柏臺青。
廓寥遠識逢雙劍，雄邁高文本六經。
孤榻雲橫星是客，廉心節苦竹為屏。
家君宦楚原同調，路出西山拜憲庭。
史補 有則

詩

滕王閣

凭江萬里白雲樓，瓊玉曾淹帝子遊。
窗拓四虛笙鶴靜，地懸入極柱龍浮。
西山拭鏡窺朝秀，南浦蒸霞媚夕幽。
寂寞一尊芳草碧，王韓既往孰千秋。
結句自負不小

其二

登樓永日縱婆娑，對面煙雲聳翠螺。
五嶺青浮蠻瘴癘，三湘綠湧峽江波。
珠簾畫捲詞壇席，天水春連漁父鏡。
騷雅未凋知已在，北風送我獨高歌。
夜半風雨大作舟觸石將覆秉燭登閣再成一首

夜黑狂濤造險巖，蛟龍翔舞噴腥絲。
被衣獨上滕王閣，極目偏憐風雨姿。
四壁迷離天地失，一燈清炯鬼神知。
古今不少遊人句，此夕應題如婦碑。
有意思人即過顛沛別有閒情遊致只是胸中靜定故耳一燈句更見大學周以此知辟疆平日內行之謹

別南昌沈明府

雲卿文藻孰能如，為政風流甫下車。
已許素心同贛水，直看高義並匡廬。
立談數語皆經濟，休暇無時不讀書。
明發行蹤何處所，片帆江上自蘊蘊。
第六句可想見其人

望南嶽

名嶽峯巖峙一方，端居遙控楚天长。
危峰倒浸寒江渺，仙洞平攢碧草芳。
霧合林巒迷旦暮，雲開巖壑割陰陽。
欲從絕頂探奇勝，耐可攀躋願未償。

詩

詩

其二

五嶽岡懸座右時，臥遊惟與此山宜。
天連紫蓋奇形出，霞起朱陵瑞錦披。
封禪尙傳虞帝典，神書猶憶禹王碑。
幾年夢遶湘江上，今日遙瞻慰所思。

其三

縹緲雲端見翠微，羣峰拱揖自巍巍。
勢聯北極星辰近，位奠南離日月依。
登出嵐光遙撲面，飛來山氣直沾衣。
何須鳥道親支杖，已拾衡陽勝景歸。

其四

遠來省覲賦南遊萬里芙蓉一望收曲磴盤旋淩碧落飛泉噴
薄走丹邱蒸雲釀雨都歸幻絕壁懸厓總覺幽未卜何時振履
舉停車且自飽雙眸四首字字是望不是登辟疆最癖山水乃
萬里省親以不忍離膝下咫尺阻此勝遊
可惜亦
可感也

雷潭

橫披青嶂墨雲濃鼓棹登臨捫短松日射龍潭翻錦浪雷轟漁
石裂仙蹤重回蕭寺怡盤谷散步蒼苔踞一峰寥落千年誰攬
勝探奇今日鏡山容勝詩思
總妙入閒

詩

畫

畫裏峰巒未可形盤溪秀出碧瓏玲空天迸落蓬萊小靈氣分
來灑灑青春裊芳煙排劍戟晴封古雪峙門庭夕佳滿目魂怡
醉石乳雲牙又翠屏娟秀
明媚

太月山

太月山高浮瑞鶴蟠腰老桂挂菁葱乳泉曲流池有瑛蒼翠蒙
茸石化銅荒洞晝眠白額虎陰崖夏長雪珠紅靈鷲飛來亦舊
事何不攜還古樸東

抵玉山聞警陸明府募輿馬衛送賦此致謝

入望煙花繞玉山春來驛路倍問關一蕞羞澀橫秋水萬壑蒼
茫擁翠巖烽燧連宵驚嶺外文章易地得雲間多君衛護勞車

馬不使風塵點客顏

過富陽訪陳階六時朱潔湘自桐鄉至陸子玄自雲間至共飲
署中達曙留別

寒江碧映似君清入座良朋洽素情山縣市休供筭蕨衙齋幽
勝集芳蘅舟停夜半來翁子社結雲間有士衡暢飲莫教辭達
巨東風回首布帆輕

寄壽味菴先生

江左名流第一人中區文士謁清塵卷懷鐘鼎留圖史寄傲煙
霞狎隱淪桂發當筵恆似月梧鳴拜老律回春活年已是百四
十望父何當起釣綸

詩

美

奉挽阿卿徐公隨州殉難

作賦雄風楚大夫先登禦寇奮孤謀成不滅三年勇援絕其
如一郡孤臣報君恩甘受命子同父節並捐軀家聲司馬誠哉
烈墮淚千秋得似無

雨夜荒村

蒼茫古僻暮天幽積雨平林不繫舟簷溜滴殘孤枕血砌蛩啼
徹異鄉秋傷心霜雪摧雙鬢沈陸風波拒一鷗不有良朋急同
難全家流浪孰淹留三四心碎
通首神淒

秦鈴蒙難

樂郊自古稱秦海偏我棲遲遇大兵俯仰以外皆殘掠囊橐之

中肆倒傾費虎告人懷彼怒想山何徑暗通盟人生到此無生理
理回首高堂獨動情費虎句引仲告人之難光景淪肌入骨

病

大難方離病復攢咨遭瘴痢更傷寒冰山碎後方知火劍樹摧
來迅若丸長夜不眠如度歲此時若死竟無棺蕭騷孤客誰曾
問藥餌恒兼薪水難辟疆善病而患難中尤極病之變能讀至第六奇慘中真句妙句

思鄉

羈縻憔悴不堪聞遙憶家園隔萬軍海鱷不驅徒壞陸鬼方何
力慘傷羣追呼人耐千金賦展轉心環二祖墳此外更無堪繫
念英山樸樹古巢雲辟疆當大難垂死時不忘太公邱壠此外則石巢二物耳可想其孝可極其品以

詩

上四詩皆避難鹽官被掠病危之訣辭也當與靖節自挽詩參看

感懷呈周兵憲

淪落名場廿載餘霜稜鐵骨總泥淤牛衣臥泣維摩室石鏡磨
穿結縉裾四海論交雙涕淚一生寄迹半屠沽如今蕭械悲岐
路忽有天風到敝廬

友人將返湘澤寄詩留別次韻答和

遍歷羊腸似筍門洞庭歸去冷銷魂湘煙漉月波如染山鬼驕
人髮未幾勿勿亂離多遠別登登知己薄深恩笑看江上鯛魚
醜薄何誰曾吐半豚第四句與結句讀之一淚

其二

青山肥遯未為貧惜別憐余是古人滿地風濤歸嘯傲和盤肝
膽紹參辰紫蒙殺氣連悲濕白簡霜威具靜因聞爾牽裾猶未
還秋堂繾綣且經旬

成二首

十尺澄波剛到岸五人清興恰逢舟蒼茫斜渡危橋寺感亂爭
看老樹秋碧洗半涵荒樹影清搖屢折小汀洲嵐姿煙彩紛紅
翠棹入雲灣不轉頭

其二

九月陂塘秋水函輕初趁入不張帆大沈凝碧迴藉嶼澀浪浮

詩

美

青亞桂島畫林村姑窺水鏡學猿頑稚挂松杉幽悒勝境應吾
黨此外桃源總是凡開情遠想其襟和問白雲成頃

九月七日偕女兄稚弟率兒子奉兩尊人登高於逸園鏡閣兼
延諸舅氏同飲

延諸舅氏同飲

擾林風雨驚重九晴日承歡上鏡臺五載亂離三世隱四時佳
景九秋迴波容玉瀉浮煙樹雲物紅鮮映竹醅籬下霜花堅晚
節先期不放一枝開家常宴飲全俱孝節風規可敬

九月八日復集洗鉢池鴈泛

幽人自昔憐秋水勝續鷗靈一葉舟榜擁蒼輪扶欄岸橋穿古
渡折泓幽商音送笛橫猿臂藻洞生苔繡石頭明月滿天波蕙

頃年來始得兩回遊絕似松裝倡和詩牌

友人過深翠小齋譚飲步月送歸寓館

凌霜松柏鬱凋殘枉駕蓬樞話歲寒
漫集陳人皆吐核溯洞往事似梯灘
深杯按拍思咸黑瘦月當花焰量檀酒罷提攜不忍

別天陶逸韻漾情瀾遇舊偶自覺神

步韵壽友人八首

早春佳氣鬱舒瑞映弧光悶掃除每醉自憐非聖酒失元何必領賢書孤情獨上原稱鳳生計蕭疎只歎魚榛棘六朝荒日月不堪驅使舊鹽車

其二

詩

禿

中原萬象一時新回首風塵及此辰沐浴四朝懷去日崎嶇異國剩殘身眼中吾子難容物海內論交更幾人蓬筍不除書塞屬幸無多忌是全貧

其三

一室無心足釣磯靜中高識見精微惟知三反成真是不信羣情善嫁非知已獨存陳義府逃名猶擁漢牛衣春燈歷亂喧珠市貧月閒看白板扉

其四

十載同文著舊京雷驅電策抗君行久聞烏脚成玄夢宜畫麒麟副盛名沈陸已知非故事喚桐誰許奏希聲秦野楚璞生埋

炤掩涕何人更妬卿

其五

從前何事不為霖天放閒身澤畔吟
餽屋故都香閣宛怡情老蠹古人深壯年白髮枯紅血前歲朱絃碎玉琴
飲書雪蕉圖未就蘭亭鴈詠又知音

其六

斯世誰憐范叔寒太行人面鬱千盤
白心映日難私秣勁骨峻鏗不類官教採木芝餐餓鳳誰欺
麟羽鶴虬鸞織春細雨紛愁緒謝眺驚人足自寬

其七

詩

罕

波迴月小鏡蕭湘白玉人持白玉扇
誰似蛾眉偏不妒卻憐兒女共他鄉
獨甘霜食差金谷自典輕容易鷓鴣爐
梳琴書春畫永峯山仙藥未為長

其八

亂離誰復有遺蹤憔悴孤松雪裏容
甲子義熙留六歲行藏夢寐究三宗
每於得句咸稱佛愧與吾兄共一龍
遙指泰山窮海觀泰山直上又雙峯
奇債填膺出以春容婉至情大真篤不可移易一字此足當少陵年譜矣
三歎慷慨有餘哀知已之言格高心苦

雨後同社過我寓齋聽小奚管絃度曲頗發歸思兼懷友折卽

席限詩四首

閒庭細雨靜落花小醉翻呈面面霞怨曲似聞江上笛殘春猶
白夢還家故人留榻貽孤客瀟水橫煙滿四涯裂帛一聲悲露
起楓香絕調語蟬紗

其二

遊蹤大抵似旗亭遠岫樂人未了青老落鶯花徒喚淚浮沈滄
海不如瓶荒雞夜叫茅柄雨羈客心通渭水星對景懷湘芳思
杳不堪回首酒難醒

其三

追隨風雨不嫌多率蟻搖光任放歌杜宇叫春歸路曲洞庭厭
月烙顏酡當杯莫放愁應拒選句頻窺夜若何猿臂短橫鷓鴣鐵

詩

望

撥虛堂怨響奏迴波

其四

相思一夜長春條百轉流鶯譜洞簫入室闌如人自遠隔年相
過事非遙金荷上蟻催紅拍寶粟橫雲憶綠么三月春歸歸未
得天風忽送廣陵潮深情麗響無限纏綿真稱雅人深致

和年字韻贈友人二首

虎視文壇賈誼年驚才能抗古人前董狐大手原追馬湘瑟工
詩直擬錢留得故交身後韻卻甘抱璞自生憐劔蘭多少風波
恨曾附君舟便是仙五句意須點出卻難得如此老法

其二

春樓花月惜年年書擁香奩姬嬪前琢賦自聞鸚鵡語媒春開
趁玉飛錢宋元史下雙樓淚山水琴生小鳳憐連理文章畫眉
筆笑他梅福自成仙香豔中具峭骨押仙字第一

壽馬五舅氏五十

手弄雲煙五十年閒情詮秘闢三玄浮筠蘊德終懷瑾罷亞翻
芳獨寶田碧荻青津逢玉兔蘭薰麝越佐水鮮菜洲綉爛窺萊
絲玉樹梢空映綺筵

留別龔奉常

官程匝歲尚揚州祖道淹留侶遠遊詩酒送殘春日夜浮沈直
接晉風流停車何事營清暇下榻惟君問飯幽未唱驪歌先別

詩

望

我六旬風雨共床頭

其二

藏春畫閣滯遊仙無數芳鶯轉柳邊人在畫中雙白玉客亦座
上總朱絃黃河欲渡迴腸曲碧葉先舒次鏡圓看罷水嬉應解
纜淮南桂樹莫流連

社集彌陀菴送春卽席限韻

他鄉徒倚夢猶寬春盡驚迴侶紫闌愁見落花低燕乳卻憐芳
樹蔭荷冠誰家眉黛仍青淺何處樓臺尚曉寒櫻笋漸佳啼鳥
倦臨風遙憶勸加餐沈馬言愁風神獨絕牌疆送春與他獨異何處曉寒語別有情緒

友人社集深翠看月卽席限韻屬和

老木層蹊水半灣故人春聚不知還久諳離索憐風雨為惜清
光與夜閒平碧凝寒霜補月暗香來影玉當山浮名天地驅今
古醉擬孤雪到白間閒

七言排律

楚友冬夜過訪分韻三江得十韻

有客遊遊得下邦荒居蔬酒話銀缸朱絃共奏情皆合青眼相
投意即降千古曠觀胸似鏡一時作賦筆如杠交輸逸致干靈
嶽競吐宏詞出大江我輩相逢真不偶今宵雅集竟無雙同心
臭味堪追鮑濟世長齋擬姓龐幽境有聲霜下葉空天無語夜
闌麗忽飄玉露侵寒袂欲泛銀河少畫樓幸有嘉賓留北榻恨

詩

望

無明月倚南窗醉餘共踏天街靜不問樵樓度幾撞排偶中具
廡寥之致

五言絕

靜夜

靜夜擁新愁孤情一深往無語看青天碧漢通遙想可思

七夕

可憐天上度一夕一年情天上天下人情死而情生不嫌
說透

明月

我見明月圓明月見我缺中庭寂無言寸心徒萬結明月見我
缺實境奇

情漢魏以
上人語也

其二

昔年此明月斜照曲房春今夜清如水低頭暗愴神

擬古豔

每思愁絕態沈恨與微羞沈恨不藏春微羞含素秋箇中三昧
情豔中學

問人方有
此心眼

其二

伊人病在心心病浮眉際宛轉眉欲言雙蛾青細細細極遠極
讀者欲癡

古離別

還思未別時愁別心如海幽渺無迴波長恨縈千載

對鏡

妒卿背卿坐卿面復鏡中豔絕不忍見移目送飛鴻不以為禪
不可以為

詩

望

禪不可
妙至此

燈船曲八首選三

青天白月流明併發清炤弄簫人廿四橋邊歇歇子
有於

其二

水月生空香繁華搖豔目伊人在中央但看樹上綠望之
欲仙

其三

盈盈船上女羞燈伴清池燈影獨自依水影鴛鴦知似樂
府

七言絕

嚴作豔詩入首選四

瀟湘一幅小庭收蒲葦香餘暮色幽細白雲生枕簟夢圓今

夜不知秋此人常遇之虎罕千

其二

秋水波迴春月姿澹然遠岫學雙眉清微妙氣輕嘘吸谷裏幽

蘭許獨知

其三

纖纖弱質病逾嬌嗔喜情生暗自挑漫著青衫倦梳洗澹煙疎

雨或堪描

其四

本是蓮華國裏為憐並蒂謫風塵長齋繡佛心如水真色難

空明鏡身

詩

翼

西溪夜晴

石鼓書院
入日選一

夜深漁火亂沿堤鱗集帆檣暝色迷天水化來多是月琉璃一

片碧澄西

江行雜詠

廿四首
選四

萬頃茫茫天水漭蘆葦小岸盡無踪隨風飄泊看星斗遙望銀

河與浪齊

其二

乘風逞劫駕了舡短鐵長篙插羽翎部下健兒翻色喜去年血

刃又重腥

其三

搖謔不墮
纖軟不佳


其四

百里行來數百灘村墟設險弄波瀾風輪自轉借輕力不道人

關行路難

賦景
匠心

六



巢民詩集

本書承國立臺灣大學總圖書館借用影印


謹此

致謝

新文豐出版公司 謹啟

冒巢民先生
水繪庵詩集

傅增湘敬題



水繪庵二集題詞

辟疆東都名士秦川貴游風流映座聲華被物名都美人更倡
迭和指園割宅傾身勿給客來萬里歌豔四時固賢豪之勝慨
亦文人之福澤矣而今乃紙窗雪夜梵林清晝獨與二三高人
衲子寒吟淒詠於殘香活火疏鐙薄醉之中如理么絃如扣哀
玉如幽蘭之過雨如秋城之送砧蓋其結習豪情剷除淨盡霜
降水落澄懷味道故能撥棄一切披寫天真此辟疆老於涉世
之言自非深心易氣三復而諦觀之未易測其旨趣之所託也
余與辟疆三十年忘形交其二子穀梁青若又從游吾門十餘
年中幽憂患難吾兩人易地同之今吾老矣望岫息心得早為

集詩序

東泉歲寒酬和之一人相與追數平生太行孟門茫茫萬狀於
故我復何增損當為嗑然而一笑也同學弟夔鼎題

辛亥中秋後一夕護月太常署中念穀梁將行為腹揆數語
歸來書於末簡急鼓闌闌時作此冷淡生活或備他日詩家

一則本事耳鼎李記

悲咤一篇書水繪菴二集後

劉子讀辟疆詩客睨曰是昌子之詩耶劉子曰士固有時孔北海謂盛孝章實丈夫之雄也天下談士倚以揚聲又云今之少年喜謗前輩或能譏評孝章孝章要爲有天下大名九牧之人所共稱歎余每讀書至此未嘗不三復悲咤也一孝章耳當其盛游談榮其名時移勢異則譏評不免豈孝章之所自致歟辟疆名父子自年十四五時即走尺書納交董文敏諸公間後邁日聞所交盡天下奇士士之渡江而北渡河而南者無不以雉泉爲歸請謝問遺交羅於途殆數十年及家日貧猶不敢謝客而身則皤然一老矣於是譌議謬謂濤駭蠅黷修名自喜之士

巢詩序

遂汨沒震掉無復甯處辟疆何罪哉辟疆得名久而年又已高念故人零落生平勝賞豪舉皆如夢幻時時追述以抒其悲至當世名流鉅公心膺相信者又喜流風不墜輒稱道以自慰此亦辟疆志趣足感者也世之病之者得無止是耶亦少過矣孝章以忌而困於孫氏猶蒙傑之流宜耳辟疆文雅素心力行孝友樂施愛眾所謂仁人君子耳世幾欲困之則又何也若辟疆幸而效用盛時不知世之視之者何如也余與辟疆游於白下時年始二十辟疆則十年以長嗣後止一見於吳陵舟中乃余於辟疆則實兄事之不敢愛力蓋舊友之存者可數見一人焉則同時之友如歷歷在目少則益戀人情也今年南下辟疆於

暑雨中掉艤子過從余於蕪城惆悵相對者十餘日不暇及筆墨事茲讀其集如聽繡嶺宮前翁唱開元曲客何訝之深耶客亦憫默而退遂以書其集後穎川年眷同學弟劉體仁撰

巢詩序

三

靈巖和尚復札

十餘年不見水繪中人見水繪中人詩見水繪中人矣獨坐巨
波浪掀翻恣遊戲非水繪中人不能也退殘豐千年來遭逢亦
往往出意外嘗自笑曰風平浪靜靈巖不如諸佛水漲船高諸
佛不如靈巖知我者謂我心憂不知我者謂我何求當時命之
艱危引長風而浩歎知水繪中人若銅虎符合也敢此籍報惟
鑒注不宜辛亥春靈巖釋弘儲具復

集詩序

四

巢民詩集卷之一

昌氏叢書

如皋 昌 襄 辟疆

五言古

庚寅送春同芝麓先生于皇心甫園次于彌陀菴卽席用龍標

夜宿王大公館原韻

悵然滯遊蹤凌遽何所務浪跡詩酒間驚心匪細故前日桃花
南昨日惡木路真心領立靜豁然空旁驚入門仍我輩香氣沁
清露晨夕期往來旁觀厭其屢留春送征帆春去尙迴顧漠漠
江天鳥依依楊柳樹寺僻閉門佳細雨蒼天暮中有古處人免
褐浮乳素屏花濕臙脂圓牖上紅霧浮生幾聚散相對翻惜悟

巢詩一

把臂滌芳潤羣息俱偃步眾慮一時清靜生筆墨趣始知塵外

客一室無他慕嚮夕發疎磬白雲不知數

偕石夏宗出郭訪菊南村雨歸步少陵西枝村尋置草堂地夜

宿贊公土室二首韻

南郭訪秋容載酒驅篳路前夜雷雨發波溢橫塘渡我友二三
人後來適吾素深霜結陶社漠野尋晚趣迷路矚高原兔徑多
迴步眷幽住思穆契曠頻指顧雖少雲物態尙未凝寒互傾耳
有遠鴻放眼卽紅樹畧約到柴門蒼鷺忽頽暮一入吉雲宅花
浮五色露

其二

黃花燦紅紫畢竟秋色靜內室森高下未燈想深影冷艶固天

姿繁植賴開永觴咏息波瀾閉門心古井檀欒綠不盡罷亞紅

遺秉老木雜壽藤蒼翠與諸迥沉復林中人清才脫秀穎我有

南山田結鄰應不屏惜別恰冒雨滑滑泥如嶺重來看晚英明

月遲松頂

甲午臬月送趙友沂入都四首和鄧孝威原韻

鴻傳冥塵跡夙契謝岐言平生肅心交于子得其原朱夏握香

蘭展孝馳幽燕採艾酌玉椀揮手黃金鞭膠前谷出處萬里豈

徒然彩筆騎鳧藻吐欲生雲烟馬首指顧問奇峰槩蒼天君舉

桂宛旗余臥女蘿絃

巢詩一

其二

繫余古巢民茫然狎平楚升沈世態心跡遠具真侶韻宇蓄宏

深風檢峻霞舉素枉鮑叔知荷鋤匹樽俎子巨叵羅椒桂充

芳醕君豈浮雲委隨時閱寒暑丈夫念疇昔割然眷孤許望古

倦遙岑暮遠依修渚把手白雲外躊躇當深語深語恐世嗔余

也蓬蒿人

其二

捎雲挺明玉盃在恒流間鐵穎戰文場匹馬可當關避子卓犖

鋒期子以靜閒長安百丈塵珍重霜雪顏况復喬嶽尊一堂娛

古歡暮捧碧液卮朝上桃花餐諍聲蓋六合功名且完疇儼

古展禽惟我清
秀觀時令與物理
哲人環其端
世實直諫書霜
威六月寒

其四

黃鶴奮香漢
衝暑事遐征
邁往不可攀
俯視青雲平
英風發麗
藻大業何崢嶸
惟余悵臨岐
一樽百感生
長歌招隱篇
同送幽
燕城男兒重
久要靈戀世
上名毫髮
歸蹇修禔躬
以貞榮遲子
勒銘後還山
冀耦耕

贈汪荅文邦江載鶴詩

汪君珪璋器
夙協支公趣
扁舟潞河來
十月雪塘住
茲爾蓮蘭
儀惠然訪舊
雨譚諧暢文
史申寫馨丹
素維時王使
君與君昔

集詩一

三

傾注霄且擁
輜駟長筵匝
新故手擎綠
玉杯口誦瑤
華句三日
忽言別牽挽
浩不顧使君
謂汪君子歸
且無遽空庭
鶴一雙翩
翩弄毛羽愛
彼凌霄姿不
隨雁與鷺特
以特贈君君
其善相遇
生平謹潔極
翫翔必天路
君乃別使君
此意金石固
烏榜載修
翎直向寒江
渡

步譚只收乙未秋中過訪見貽原韻

平生情一往
深注寒河城
仙人不駐塵
良覲阻奔曦
倡和寄雪
蘭寒香流墨
池大厦白日
傾橫雲恣鳥
鳴歛息偷牖
下炊黍潛
東蒨千里重
見存念昔勤
相推升沉多
異態胡子泯
參差古鏡
不可式長鏡
師鹿皮冥機
戲海鴻用拙
笑工睡攢輝
下歸昌月

大通管窺慙
勳解漢壁投
我名山詞呼
兒倒做籠尋
書檢舊詩
風爲而翁憐
近辱阿連知
再枉蓬蒿車
入室屢不遺
瞻茲古人
意撫心中夜
疑

乙未秋從許力臣師六園林譙會卽席步韻

三五兔魄升
光映蘭香披
梧下匿餘生
二仲遠不遺
過我南山
南會溪環深
陂埋照逾十
年金石永不
移眷言同心
友羣治吐
華滋把袂罄
平生白首真
可期回思舊
遊人盼睽今
已稀垂涕
沾衣裳初願
寧終違辟彼
失林禽迴翔
得所歸醉理
山水音安
知物外非乾
坤浩茫茫聚
散此一時長
嘯凌霜風稽
阮醉天儀

集詩一

四

荒林翳蒲葦
孤嶼水中央
茫然枕烟雲
聿觀白日長
開徑揖素
交四座生幽
光藐矚極藻
野騰步咸芬
芳况茲桂盈
庭鉉月正
素商浮杯共
嫵婉扣舷羣
相望仰視青
天亨俯看白
鶴翔傾倒
遺景刻快意
誠難量疇昔
繁華子髣髴
成老蒼竟夕
雖歡娛迴
溯多神傷松
栢摧爲薪誰
云久不念願
言合志儔以
身爲津梁
頓釋岐路悲
四海鮮徬徨

五君咏 有引

五君皆余友也
其人有與余
久交者有兩
家先世稱莫
逆交
及余神交者
皆余友也凡
我故人有富
貴者余驟不
先寄書
昔溧陽富國
曾十寄書而
余九不答或
曰公亦可以
止矣溧

陽日在巢民可以不答而我不可不寄逃哉斯言安可更
得之今日哉阮亭公以乙巳初秋內召入都與此五君最善
因于送別座上各作一詩以見余意或亦不必寄元耶

南海甲天下浩淼凌氛埃我越王城中有鬱孤臺千載得舍
人曠代稱大才射策冠南宮若然金門開西風刷玉爪氣蓋鄒
與枚珠江諸女兒美者顏如瑰笑謁青羊君滿把羅浮梅每吟
程曉詩諷味常千回晚節官祕書列宿依中台黃山與五柞簪
筆恒追陪前年陸賈裝曾到蕪城隈賦詩一相送目斷清江苔
復枉尺素書遠從姑孰來相思結中腸緯繡疇能裁遠望蒼梧
雲水碧空徘徊程周量舍人

巢詩一

五

前朝萬曆間六字猶安康懷鉛入京洛健者相激昂碣石推隲
區鋒銳不可當維時米先生領袖翰墨場名園構葦下花木深
且蒼華燈耀九枝歷歷搖壁璫女紅織作奇別白為流黃物物
皆氏米瑰麗非尋常瘦石與孤菊畫筆運微茫更有女針神能
繪旃檀王五筆具妙好光明照縹緗余父官皇華讀書六庫堂
辱公交最歡從游如葛疆歸來聚子姓說向秋宵長暨余舞象
年頗能蠟鳳凰幽花吐並頭馥若曼陀香飛書走海甸遍索諸
名章獨有米先生擲地皆琳瑯吳綾滑似脂細字春蘭儂皇天
惡者醜萬事成悲涼轉盼四十年疇昔安能詳側聞文孫才已
歷大父行揮毫鑲任沈瀛藻凌班張我有生平交最善獨與王

建安號七子與君相頡頏安得乘秋風吹我置君傍張燈一話
舊再見前賢狂米紫來進士

青青江上楓湛湛江中水望遠一流想所思清潁尾我思彼劉
君誅茅在於此才同俠者流靜又類高士憶昔初結交相遇泰
淮市藉卉飲新亭河山倏然異是時庾元規出頓中原繼君獨
任參佐抵掌天下事一別各參商離別從此始順治丁亥年余
方歸井里閭巷斷樵蘇階除蔽荆杞節使坐樓船節吹中流起
大僚悉奔走縣官負弩矢諸公未及謁首詢愚父子沈思蹶焉
懼顛倒失意指何由賤姓名獲入貴人耳柁後一見君乃始得
所以往丹直至今舊歡何日繼一讀紫雲詩髣髴凌雲氣劉公

巢詩一

六

汪侯性簡傲蕭散有規格讀書破兩漢飲酒盡一石擾擾崇文
街浮雲羅第宅西有趙李家東有金張室侯騎款段馬醉踏秋
月白時於朱門前直拓黃金戟十問九不應頗費貴人責濟南
王阮亭與侯稱莫逆謫官一相見官醜恣浮拍衝雨特訪余殷
勤論疇昔邀我坐清川示我以文籍酒酣顧謂余兩賢誰相厄
論事見根據立說匪捨擔蒼蒼小三吾中有雲烟積曾許過寒
廬為期在除夕成言渺難遂零落如殘奕廣陵十絕句一字一
追惜紅牙檀板問位置我亦得恨不臨岐時為侯一吹笛汪文此

衰老都易忘對酒或翻記憶與吳均游此是幾年事往者竹西路日日爲水戲是時龔合肥實爲人望寄跌蕩愛古驩清遙有深致更有趙平原英英奇氣人如張長公姿比杜弘治浹日必具飲每飲必大醉盤馬平山堂炙兔山光寺百金買管絃千金聘歌伎君時善詩歌握管若飛轡余亦策駑駘霜蹄免顛躓嗣後君過余浹月往深翠清談并馬稍纏綿無不至轉盼成舊雨一往類秋蒂君已踐清華壯年起爲吏嗟余老更狂姬姜日顛頽長安諸貴游音問何由繼聞君會寄書一道關切意詎料殷深源垂兩悉棄置不見故人書矧乃書中字念往切長懷撫今動深喟蒼蒼平原居化爲買酒肆令子婿高門感君敦古義

集詩一

七

臨風附一言申之以流涕

吳國次水部

丙午晚秋再集葭園咏懷廣陵古蹟

分得康山

廣陵古無山何以今有山山以人姓留居者康對山對山正德朝峻偉絕躋攀損節與失官爲友甘投閒浪遊到茲土凭陵遠闖闖崇阜蔭古樸曲磴沿斗灣遙青矚江南四望橫烟鬟鴻去雪爪留高風堪起頑此山垂百年久假姓不還後來姚廷尉詠邱索于此耽矯矯鄭職方起戚友雙掩關金馬移諫垣直聲震兩間姚公我父執姻媿憐兒孱遂得恣所遊登臨恒不慳天壤有王郎山陰稱墨懸會題讀書臺青天映蔚藍雲間董文敏縱筆飛紅嵐康山建草堂文敏所手顏臺檄增崇迴香光深林菴

以茲山益輝遊者爭幽探猶憶驚座客百俯視共雄談可憐倚樓人友沂寶瑟留枕函忽忽數十載公家殊不堪公子余季昆同余如委蠶將爲愚公移難容彌勒龕今夕共冥搜緬懷安忍刪陳子其筆古妙應遜老夫請追昔數勝遊不覺色爲殷起視陪苑灰往事類觸癢康姚獄獄姿千古照人寰

丙午深秋述懷呈芝麓先生

讒言畏高張烈士傷懷抱皎日誰見明瀾辱泰山倒我生嬰眾逆述之吻爲噪趙竟警杵與羊乃以酖告不聞郭元振助喪逢客暴撥置勿復言聊一爲公道

其二

集詩一

八

昌黎與眉山磨礪坐身命我生胡最酷七尺獨兼併領人一片心報之以陷穿破家割千金見少恒深病更苦多泛愛推解出于性彼方起殺機我正崇愛敬日處傷人中所遇皆梟獍極念如我公讀此安忍竟

其三

憶昔久別公念公苦難置有客長安行因附長安字豈知尺素書累公尤自累近來焰日張橫攫無不至咄咄人世中竟有此等事祇媿孱弱軀不足供嗜噬

其四

古人盟車笠所以志不冷今人驟富貴視舊如秋霜惟公超古

人蔭被滿遐荒知者與不知仰公知太陽囊扁繩樞間無不沾
輝光每驚唐突子無因自相將及其賦歸來語公意浪浪始歎
局促哀辭測江海汪我有弱羽毛卑飛在帝鄉待公苞翼深玄
冀成鳳凰

聽白壁雙彈琵琶即席書贈

我聞楓香調千載稱唐音宋有兩忽雷大小雙南金白生擅此
技搯指如龍吟憶余十年前聞之魂不禁此來傾耳聽穆然春
光深初彈如清琴再彈鳴諸禽三彈萬物變聲響述所尋有時
色失淫有時月自沉有時風雨交長嘯搖寒林眾竅恒怒張對
茲恐其瘖不知天地間何爲獲此心逃哉古聲絕技歎生今

集詩一

九

將至吳門與陳階六黃門言懷先寄百韻

天啟丁卯夏與君年十七小試受殊知疎身騰萃律英風迴願
盼萬里猶俯拾文壇浪得名庚午以病痊丙子庚辰歲君綸卿
雲筆閣牘寶雞林南宮稱瑞霧余方執牛耳珠槃紛絡繹跌宕
三吳間先後咸呼吸今譽不足論勉旃從古質許與一諾重應
求千里即朋友滿天下誰不稱膠漆先君鎮南嶽省親循子姪
嬾殘煨芋邊遺蹤詢李泌辛巳歸富春君擁雙鳧出雲間陸機
妙桐鄉翁子匹相與共文酒江山增麗色維時中原壞整頓鮮
憑賦襄樊調監軍先君秉師律獷賊數百萬左帥尤叵測余歸
干政府萬言勳剛復先君致政歸背水冀一克壬午中副車薦

辟辭鴻弋煌煌經國手無處堪爲力甲申際崩圻吾臬遂荆棘

先君避鹽官君復治鄰域推解恒不倦捐金資貨殖俯仰百餘
口傲居憑蔭逸踰年棄小草與君共寢食金閭返醉李顛倒肆
狎暱二姜錢劉輩掛冠恐不亟天壤餘數子旦夕難自必江左
繼淪喪一時莽奔軼屢竄遭殺掠險矧召危疾乙酉冬至夜一
死甦來豈流離幸全歸待親如古佛已丑遇邗上同君到下邑
堂上拜吾父床下撫兩姪深翠一片石至今思促膝壬辰復二
死更生已三日上窮碧落際籍舒霖雨臆癸巳兒娶姚令子牙
周吉曾約爲婚姻兩世締親密此後大椿喪悼怛成縮瑟遺棄
諸萬有于世如歸鳴聞君膺簡在蒼生待拂拭入直贊訂謨出

集詩一

十

憲勞整飭垂綬及故人音書屢周恤八閩數年別余貧已骨立
築山名懸竇畫區延著述金盡朋友散廉嘗徒抑抑更苦齋博
施一往先仁術轉救童子時候師寶范德婚嫁殯葬事赴人如
不及子弟競見聞僮僕勤訪緝更生益勇勵鬼神窺秘密囊
罄千金拯救踰伯什如是五十年中間羅兵賊那得如水火
夜副諸急以此反爲禍循例搆深嫉那原詎受誣庾袞誰爲劫
無嫂詆陳平鳩人暴羊慙明明郭元振助錢逢客叱最慘神
生反蒙趙朔繁三反百忍後事勢逾倒極昨夏更見君譚謙仍
佳集茶齋未深言含沙來鬼域此中僅兩人三載肆膏鎖導虎
必先俛聚蛇咸擁騰強梁任外侮門內幸寶齋豈知臘月朔慘

人傷弱媳四世偕百年伉儷終比翼但哉賢淑婦三十懷孕卒
七孺繞棺呼老姑泪洟溢我方傾闔與彼獨快蚌鵲嶽嶽姚年
伯直聲高斗北疇昔稱靈光兩人所矜式其後如鮑魚餌濁恣
狂猶慈孝誣慘殺沉柱白日黑牽訟盡男女窮兇極羅織鼓盆
而覆盆禾兒仰天泣臺憲知奇冤郡邑恥惡習大耋祖母命衰
然如耳塞年母正古稀片言不相入康成與子將無從解迷惑
傷心思孝婦忍恃我理直醫產厭羣欲告貸過十鎰土室拜老
母兩紀戶不出慘痛難自容辭家付一默過江又逢君恰住如
須室文姚杳莫攀楊錢何處揖紉佩想伊人高冠夢我岌舊雨
儼如生語人慚自飾只有吳司城時時寄蘅必丁卯至戊申年

巢詩一

七

踰四十一四十二年交遺種不多得况復與齊年加二便六十
升沉豈殊態心盟老車笠迴想鴻鵠志受嗒于蟻蝨喜君雙足
健願我足果失纒纒盡平生浩蕩付追憶
壽李母于太夫人七十并祝令子書雲黃門五十詩
三山閣神彩華陽接仙源地靈萃金沙毓秀于公門太母琪樹
姿仙李並蟠根自登中丞堂一家如春温詩書既綜貫婦道自
能敦卓識邁巾幗豈惟潔蘋蘩鳴嚆君子淑德難具論繞膝
富鸕雛威鳳尤絕倫十年郎署間含香奉至尊偉績眾所見帝
簡置楮垣苟利于社稷所知無不言饑溺切肌膚積誠通九閭
但使正學行名譽意不存開渠灌斥鹵前年疏請濬揚屬抑洪運河商民交利

拯墊昏去歲疏請濬揚屬以抑黃流濟川之功甚茂指掌陳利害桑梓沾生恩紀山
仰五嶽問水湖崑崙崑崙合嗣所設施靡不由坤元仲春麗鶯花太
母觴朱軒去臘望京華狐瑞先騰鸞踰月雙獻壽森桂復文孫
翳余忝世講忍辱守邱園雅壇揖諸謝敢謂叶篋墳一別五六
年邇交有本根豈少漫視人閉門如孤村穉子業太學光被銜
朝嗽具言功業懋淪洽佩弗諼中外瞻婺輝長照北堂護
蔣丹生持四書會纂過訪適當杜門謝客幾不能荅黃僊裳有
贈步韻四首應之

巢詩一

七

雲封海嶽傾四座平生此心胸
其二
如此二十年井水波瀾起護巧伏几席反覆傷內美始歎炫華
非徒乖聖賢理鏽戶悔昔悞晚遇見吾子求聲忽反舌得無太
疑似六十病且貧增傷兼善止
其三
古頽味正學乃君闡其幽似續千古源不脣今名流四子宋大
儒討析歸繭抽誰能于微茫畫理如純鈎倚蓋有黃徐酬唱同
儼舟儼裳唐山館下在昔錢與楊述作我同遊四子之學吾友
邑咸與丹生善士緝斗最精

荆溪陳太保風烈前人真令子與文孫深交共賤貧每歎髯絕
倫散朗非時人有童雅擅歌追隨狗知音離苦悶兩歲惆悵
門琴歸語攜童來毋使酒孤斟平生陽羨人因憶其年不能已
訪周靜香于花谿草堂述寄

古吳百花洲吳王採蓮遺更有百花谿載顯聽鶯久鶯花雨寂
寞遂落千古後舊遊得周郎烟霞環戶牖空碧上衣裳白雲滿
身手相洽邱中趣遂訂平生友經綸草味風雲乃結綬大郡
拜梁園賜履青齊受逍遙返初服林下亦曾有高臥此花谿于
世如敝帚庭前峙丹嶂堂下流清澗宛轉入虛白謨觴充二酉
泓穎既精良潑墨倪黃偶門後最幽勝蔬圃拓渠畝雲間董文

集詩一

三

敏大書載柑酒青山湧其前浮圖轟其右過訪正春融四面呈
花柳怡然竟忘歸願作並耕叟繫我匪水繪力田養老母甘載
杜蓬門何事關人口強來遂此遊况復故人厚人生適意事于
君得八九他時洗鉢遊共聽霜鐘呀

答謝劉公敵考功卽次壽老母古詩原韻

生平無二事朋友與父母吏部堅貞姿誼同金石壽片言遂定
交愛我忘老醜伊予多感激春胸類杵臼削跡翻自怡鑿坯祗
羞者今年母八旬余亦皤然叟未俗鄙賤貧誰爲訂皓首公時
直金門荷衣隔華綬乃獨軫窮交此誼見操守珠玉溢縹緗於
公徵至厚既用承母歡兼以勵俗詎公平尤念我兒子荷誨誘

翹首望國門寒星大如斗

集詩一

南

巢民詩集卷之二

昌氏叢書

如皋 昌 襄 辟疆

七言古

天邊行步杜少陵韻二首

天邊有朱鳳迴翔不可得
離靈引首向大荒九結悲鳴復復哭
我聞南方足僂糧桐花竹實紛西蜀
况復青城厭芝髓千尺菁
葱搖玉木自從鳳去覆巢空
飽曠黃鸝驚鷺踏鷺鷥鷓
示鳳兮鳳兮長太息

天邊何人歸不得
昊天四望放聲哭大椿摧榮白日凋
魂逐杜鵑入巴蜀
吁嗟乎鳥生九子皆返哺
我獨何為愴風木
獲身化

巢詩二

作五尺鵠飛上松楸
叫白雲皇天冥冥無消息

野桑為大風所折
離披復生舟行同無忝
感賦共限少陵構樹

為風雨所拔歎韻

濃桑蠹雲長河前
莽風倒拉怪彭年
龍蛇膠轄下垂地
朱夏不來齊女蟬之
死之生惟所至一
物餘生藉元氣
豈知摧折寓生成
枝枝別出扶疎意
推蓬觸眼非恒愛
柴車輪覆紛青蓋
誅茅小室倚斜雲
草碧無情悄天籟
我生何為挺荆棘
偃蹇支離淚沾臆
置汝樛里機園中
倪迂着筆生顏色

與無忝式九披閱
趙松雪高士苦吟
圖即席限杜工部
奉先劉

少府新畫山水障歌韻

墨雲倒擁蒼輪樹
四月重陰似淞霧
同人清暇恣冥搜
吟詩并討畫中趣
架上淋漓畫無數
松雪寫生天巧遇
披圖古采晉精
神嘔血枯哦迸
豪素古人匠意精
且虔豈徒發翠
還流丹即如此
圖繪高士筆墨
空際為琴翻老
僧愁挂竹如意
雁眉苦瘦如清
猿境沈心荒化
工急鬼神潛活
乘虛入竹粉失
翠枯藤濕六丁
鑿秀心肝泣
賴有傳盜披簡
人雙鬟短後咸
清立踢蹴天地
壽中潤喚醒詩
脾恨毫末夙世
前身竟誰是頓
令詩畫歸生活
伎毛髓誰可比
始知昨夜澆滄
金石之高吟搖
膝更翻入畫裏
關風長雨不知
夏慘澹瑤鏡任
吾子盪胸黃海
雲極目齊雲寺
無畫以前歸
溟滓不如古鏽
觀無始

巢詩二

乙未初秋步譚玉章過訪見貽原韻

孤松鬱鬱俯蒼巖
短鬚枯髯愧桃李
春風不榮冰雪物
斯世何人更汝爾
菰蘆忽發三日香
惠而好我有沅芷
天才冠世顏冠
玉篝燈細語成
虛已琴劍橫陳
管寧榻盡日論
詩兼論史情別
無言淚縷縷思
君夢破中宵起

久病強起與無忝
緯之坐得全堂
論書移日夜窗
初啟無忝遙見
獨樹翁鬱狀如
雲僊鬚眉畢具
亟詢余余凝睇
久之歎曰非雲
也非僊也乃前
吏部公宅中樹
影也樹猶如此
人可知矣黃子
落筆為圖戴子
作歌余力疾悽
然屬和

拒病開軒揖二客
烟霧迷瀟沾袖
石空堂鬼泣辨
六書夜色黑

離銷遠碧遲燈待酒倚檐楹當窗老樹參天隔戴子凝眸忽大
叫遙聞樹上僊人嘯主人短視小奚驚競指眉目虬髯笑又云
肩上補葫蘆左手蟠桃右手壺衣葉當風不自扶蒼奇縹緲神
有無我來審視良躊躇忽然精彩生尺素黃子索筆爲之圖戴
子驚問此樹誰家莽蕭颯我與黃子慘澹摧心不能答當年鐘
鼎舊山公鉅筆洪音何鞞鞞山公弱冠峙魏科文章氣節俱嗟
峨餘事風流及華屋幾年雕畫嬌笙歌忽然辟地甘棄宅公也
游龍神不測乘槎犯斗疑挾鬼神遊遙聞奉使籌時口已戾歸
來一顧無留色長松勁節英雄識蕭條復去今何之榮戟樓臺
任荆棘獨留此樹捎空蘊漢元氣扶上臨日月下楷模精靈直

集詩二

三

與嵩者接僊耶樹耶猶顧吾吁嗟乎浮雲變態何不有不侶僊
人靈侶狗

贈蘇克廉歌

蘇克廉爾何奇今年五十稱介眉州載詞壇獨六螭文章古博
暮敦彝瑯鏤漠漠窮何思清深一氣吐欲知青天萬里舒嘯遲
胡爲逐隊里問兒雜沓綠施與江籬玉川真癖清滿盞盞匪光
澤疑柔脂液金寶色石榴皮閒燒鷓鴣紛蜜脾若香雙擅天所
私手揮五絃孤鴻飛有時妙飲不知饑晨昏倒傾三百杯沈酣
更酌轉自怡喜怒醉醒恒難窺舉案有婦通精微大兒磊落小
兒奇妙德先生友鹿麋遊山造竹同吾居亂世浮生真有涯善

爲無益相娛嬉富貴笑殺長安某轉憶舞象共追隨君之伯兄
爲吾師鬪才角藝雷電馳聯璧人稱雙紫芝卽今半百方朝曉
讀石月川危垣爲積雨所傾歎援筆示慰兼呈尊甫夏宗

石子十九內行積清夜苦心無踟躕讀書攻苦惜寸陰兩世與
我輸肝膈昨夜雷雨積二旬藥房胸腫正橫陳崇雉高墉忽頓
擗千鈞萬石迸其身此時卽有拔山扛鼎巨人力何法盤旋當
逼側六丁効命鬼神扶木榻團迴雙菟翼堂上驚號傷九死震
鄰老紡踉蹌起掀翻瓦礫透出來夫婦未嘗傷一指吁嗟人生
總是血肉軀誰能尺寸攫肌膚從古巖墻惕知命曾于石子何
有乎始歎世人橫逆不造命嗜慾身心憚嚴敬尸行肉走自倒

集詩二

四

顛不傾不危投陷穿石家父子動皇天星辰一絲豈偶然我亦
數死不死者就木庚生又八年

寄贈譚玉章太史

賤子結髮慕風雅寸心獨折譚友夏先君坐鎮海雲深循卓首
推譚隱林竟陵城下湖山倩寒河諸子多相見果然譚氏好兒
郎最是楚人工婉變玉章姣好稱少年十九謁帝金闈前春月
魄俄名士態烟江膩滑孝廉船細憶乙未秋西風七八月干城
白草生一片黃沙沒此時賤子家居時紛紛賓客傾魏其譚君
自爲故人至故人於我多微詞故人亦有平原酒故人黃金過
北斗欲買男兒一寸心不教濫過銅街走譚君碎裂鷓鴣杯黃

金於我何有哉扣余之門謁余榻幽花瘦石精神開撐腸拄腹
那能語海色東南莽如許君言盡室必歸吳我意空拳定張楚
別來倏忽四五秋君已入直銅龍樓褒公鄂公求識面岐王壽
王相唱酬我今匿影江城下此生自是蒼茫者夜醉偏容亭長
嘖晨出時遭里兒罵昨冬蜂蠶敢細論論之恐復愁心魂摩訶
山下土花紫老淚添來痕復痕長安春雪打頭壓感君六寄長
安劄作書妮妮見交情念我殷殷得家法躊躇顧慮真無端反
覆讀之千萬盤我交海內三世數十載胡乃得爾傾心肝白頭
人青門裏板輿園內蓄甘旨兩弟跳虎頰自喜大兒善病耽筆
紙小兒嗜古入骨髓影梅菴後草枯矣殘年喫飯看牧豕眼中

巢詩一

五

之人吾望子

其年暫返陽羨出戴梅屋新書小像索贊卽席走筆題贈
陳子與我形神相接幾三月才鋒意藻交相竭別歸手剪一幅
雲索題小照見毫髮陳子陳子我與爾豈面貌交何難寫爾玉
樹千尋干雲指但恐異才天授鬼神泣異書讀盡參次寥斯非
才盡所能述徒令神龍老鶴空天喬請與聊徑述小言詹詹不
厭質我交與爾四世六十年年譜盟書難盡言愛爾利筆追風
如陳俊擊銅馬短兵所向無敵也又如陳蕃欲與天爭漢鼎歸
掃除天下豪端爲置君百尺樓上頭文才膽志儔者寡一朝撞
碎千金琴變雅文章山水深褊褐風塵走江左吾亭願我稱知

音長聳過腹三四尺豐背義肩如截壁戴生年少妙傳神飛天
仙人下瑤碧豈但文章莫比倫受電甘霜一寸心江湖萬古多
才子星斗蟠胸是鉅人我之貌爾僅如此爾試視余何所似荒
天老日東海濱獨立蒼茫擲書史

逸園放生池歌 有引

天啟癸亥春先祖奉直公禦蜀解組歸里締逸園于洗鉢池
上池廣十畝澄泓漚漚濼數十年不竭邑先達郭兵憲故物也
先祖欲爲通邑廣放生兵憲子典客遂割以售逸園橋外又
池五畝爲錢京兆廢區并售之始得泝其流于河先祖居鄉
居官七十年晚歲重膺紫誥終身不置產一畝此江洋二池

巢詩二

六

十五畝則先祖遺澤與通邑共活億萬生命子孫守之四世
三十八年者也滄桑後先大夫與余人外一無所營惟三
逸園放生池先大夫歿余復與兩兒易對岸水繪園爲菴繞
池夾面以護之雖不敢忘祖父好生一念亦仍欲與通邑
同善之樂也去夏鄰園忽易主越疆踰畔實適處此余方捨
宅何問尺寸已亥春平地大鑿陂塘逶迤而出競設結構人
力如虎聲響成雷數十年泓澄漚漚不竭之澤未一月而池
身龜折焉鱗介之屬大者人立小者邱積鄰人百十成羣挺
父負管謹呼取之不遺鯤鱗余目慘心摧不敢問卽邑令君
李公聞之兩過其地爲之長太息而已容自四方至與戚友

來觀者皆眦裂髮指叩余何以不言嗟乎余匪不能言匪不敢言念先人席極盛時世以靡爭忿怨自處改革後余十七年來詬唾到門及面未常與人色忤川之盈竭因時物之死生有數余猶久矣安能于事勢情理之外與人問諸水濱哉然追念祖澤不能已託之長歌以志今昔海內好我者咸望惠以一言

嗚呼此池遺事忍重論嗚呼此池遺事忍勿論憶昔家居通德里大父抽簪還脫屣夢裏猶尋劍閣雲眼中只愛巴陵水逸園數畝恣徜徉修竹文蘿步履香江山却闕朱門麗絲管偏容白髮狂亭前圓浪鋪平穀暮暮朝朝一池綠欲向君王乞鑑湖敢

集詩二

七

論恩澤邀湯沐邑中前輩郭汾陽許割烟波到畫堂行人盡識平泉宅過者爭言沁水莊齊魯襄樊勞百戰余父監軍白羽箭賊退家園愈暫歸功成子舍能無戀十年桑海賦歸歎清泉止水航閒居曲館怕聽衡嶽雁方塘還種武昌魚吾家累世行陰德精誠內結魚能識清渠一邑共生機百頃風潭成樂園逸園平對小三吾我為高堂拓一區自從親歿傷鳥哺易菴常與僧人俱可憐陵谷時時徙只有芳池日瀾瀾肯效豫且困白龍殊喜琴高騎赤鯉百年物態無事無枯楫聲發春水枯忍見鷓鴣天外擲還恐鯁鮒肆上居我意茫茫誰識此四世相傳惟此水有鄰暴與忍相尤千金難買吾望爾君不見金盤昨夜宴東鄰

大魚人立不敢噴又不見銀塘新水碧粼粼頓令鄰壑揚飛塵主人洗眼月東出嗟我卑靡縮瑟人

和譚灌湘太史寄張螺浮黃門兼懷東臬歌

幾年不見故人面聞君獨立承明殿幾年常接故人書江樓日烹紅鯉魚男兒致身苦不登羨君已握金光草男兒結交苦不多羨君獨與貧交好今年八月秋嗟峨此時才子江南多盡攜鼓瑟湘靈曲來應宏詞博學科秦淮橋下月如水主司問是歐陽子搗鼓還登石子岡吹簫更上華林里余也青鞵布襪人幾回隋苑立逡巡每因梅蕊時憑檻只為桃花一問津瓦官閣下江帆疾南來贈我江東集中為張衡一賦詩詩中賤子勞相憶

集詩二

八

縱金伐鼓下揚州好為雷塘十日留張衡聞說明朝至與爾狂歌杜牧樓

客邦上王阮亭使君以洗象繡鷹天馬雙松諸古風見示歌以贈之

燕臺雪花大如尺金張寶馬夜相索此時王侯無酒錢不識城南與城北袖中十丈紅珊瑚瓊瑤翡翠隋侯珠煜如海客販蚌輪麗若貴主垂流蘇五月金河綠波漾赤欄橋畔人相向象奴不動如山來噴沫騰波撼烟浪王侯此時筆有神長歌短律飛嶙嶙盤空硬句落天外嶄絕森秀羅天真雲間針神古無比細縉吳綾如蟻子角鷹繡出三尺長翠距愁人鎮相視傳家白面

稱小侯雕鞍寶轡成春遊驂驛天馬汗流血不數昔日琬馬駒
王侯酒酣據地叫磊落干言何絕妙有如六博成梟盧擲帽自
言袁彥道君不見幽州馬客紅氍毹滑臺儀同繡絳孤長安城
中十萬戶誰人能作湖就姑又不見南朝子弟好絲竹輕衣夜
過五陵宿誰數揮毫陸士衡只憐傅粉何平叔那知王侯骨格
奇賦詩往往吹堦篋盤中中央周四角何用索米長安爲官間
晨起金門裏屏幃千巖與萬水翠鬣霜皮飽十圍誰人筆下落
松了更欲賦之鵝谿紙杜陵歌行自茲始

宣銅爐歌爲方坦菴年伯賦

龍眠先生鬚鬢睡兩朝鼎貴稱鳴珂絲綸世掌遭遷播邦江賣

集詩二

九

字書孽窠生平嗜古入骨髓玩好不惜三婆娑有爐光怪真異
絕肌膩肉好神清和窄邊蚰耳藏經色黃靈隱窮窮窮窮窮窮
豐殺中規矩紅榴甘黛粉雷蛸我時捧視驚未有精光迸出呼
奈何恭聞此爐始宣廟制器尙象勤搜羅宮闈風雅厭奇巧爐
燭精妙無偏頗或云流烏一夜鏤寶藏首陽銅枯汁流配或云
煉銅十二取輕液式倣官盜非鬲犧彝乳花邊稱最上魚蚰諸
耳無相過博山睡鴨眞俗醜宋燒江製成差訛工倭撥臘昭千
古香籠火煖浮金波宜香宜火宜几席靈惟鑒賞堪吟哦百金
重購擬和璧旃檀雨貯文犀馱後來北鑄并南鑄道南施蔡皆
么魔亂眞火色終枯槁磨治雕鑿蛟龍呵平生眞賞惟憾闕同

我最好沈江河撫今追昔再三歎憐女不異諸銅駝一爐非小
關一代列聖德澤相漸摩我今爲公作此歌萬事一往何其多
歌成乞公書大字明日且換山陰鵝

水繪卷六憶歌

水繪百年稱隱谷主人舊是先祖叔先祖逸園臨古潭紅樓碧
閣枕東南西北水繪水無際古樹參天雲日翳吾祖構池廣放
生洗鉢池魚四十歲滄桑旣改喬木摧龍變虎跛俱隕陔大阮
廢著并相屬余易爲菴存劫灰是時人家苦兵燹古石迸落隨
人輩况復吾家有石倉好爲無益成絕獻不特移石兼移松九
登蒼鱗蟠老龍撫松一望歎潭次霜嚴翠冷聆寒鐘枕烟亭前

集詩二

十

雲屏削月魚基後峭壁立古香百樹繞山腰大唐之頌堪重勒
二十年前遠親觀衡湘勝遊眞絕倫道州古銘特奇秀三吾小
影摹前人洗鉢泓油抱寒碧唐亭孤峙水中石左渡長虹松蘿
花右通小月活溪釋百畝之內無繚垣層溪淺渚生波瀾斜風
細雨掠舟入不許漁人把釣竿畫堤夾境桃花水面面桃花紅
似女弄姿逞態無不爲掩映垂楊颺他嶼弱冠城南便結巢如
今老去重誅茅自謂餘生狎鷗鷺取諸天地如空匏那知山朋
復水竭高者使傾生者滅亭畔秦封幻化無岸上秦花春水絕
東鄰占斷小浣溪西鄰斫倒垂楊低烟水烟絲空極目萬物於
我如醯雞吁嗟百年一杯酒自有無者無不有伊何爲彼孰是

吾悔勒吾銘師漫叟諸君爭放六憶歌余爲小記更吟哦鉢池
祖澤奈魚何

夏寒行

六月八日穿屨絲屨絲中裹夾繪衣夜擁薄絮不得執手持綾
扇何曾揮頻倚薰籠烘寶鴨日光曛曛背温洽豈是皇乾驅大
火風蕭蕭寒雲吸呷或者昨年雹未消冰車雪柱漫空壓我聞
老農常言中夏寒修纒繙井井底乾又聞六月陰森生積水河
裏撐船直入市早澇股憂雨不齊眼前二麥賤如泥去年奇荒
無一粒今年豐收百當十民窮金盡益貴官逋重征征轉急
束手仰屋何所出天亦慘懷六月蠶老我憂天天不知滿頭霜

集詩二

十一

雪悲瘡痍

東鄰行

東鄰老叟七十餘連雲之屋田上與持籌握算最云得攢眉垢
首恒歎無既甘霜儉尅衣食更怡蕭槭仇絲竿青春白日去不
返猛權子母鞭馳駒以此鬣積疲錙銖俗眼滔滔羨充賦豈意
春來化灰燼旋于長夏捐身軀一身之外原莫益周身之具何
難圖有田不能名一錢有錢且留飽妻孥雙手欲伸不能出滿
心憤恨形凋枯七十年來如是夫人生朝夕同蟪蛄道傍成能
爲彼吁那知吁者同其愚曷爲吁者愚彼尙擁貲稱鉅萬彼尙
享年七十餘眼前鹿鹿不稱意萬一蚤死胡爲乎勸君浩蕩捐

一切陶然清興發江湖

西鄰行

西鄰老人長八尺虎氣虬髯莽形魄少年白手要財雄攤身致
富稱錢癖石崇百道善營生王戎計算到李核標錢穴金數十
年矍然闖然神鬼役忽然符鶴耽箕仙晝夜茫茫如速客不知
仙人何所言白撰朱提頓不惜發廩指困擴捨施衣食于路待
楊瘠略約通側皆坦夷紺殿旃林互金碧只謂能聚亦能散那
知窟地仍厚積銅墻鐵壁久塵封內屋充盈秘柴柵一朝捱開
大心驚完封不動無踪跡當時密窺且深堅不意此君生六朝
我聞中金之氣夜流白撥隨手散復如液不貪夜識真有形屈

集詩二

十三

伸往來隨所易又聞少昊之時金鳴銅涌自流浩龜蛇呈形人
鬼劇是物流毒不可窮妄取絲毫償千百五倫因此成順逆仁
義忽變爲盜跖若終身徇亦甘心何當八極潛揮斥幾年市義
應有憑滿眼仙人難考覈君不見郭巨埋兒金出塵葛家孝女
魂化銀造物暗移是爾福不然禍發傷其身
病中偶然放歌

生死貧賤中此中無一物有身始覺有貧賤此身究竟成何物
功名富貴真可哀無端着人如織埃纖埃尙紛紛富貴何有同
淨雲忽然橫金玉忽然錦鼎勳總于孑然無所文生不滿尺死
七尺中有一寸如火赤千年萬年化爲碧人生偶然付一擲

懷張孺子歌

柴門日日開門日日人往回偏我意中人不見睜眼欲暗心
徘徊心徘徊心轉哀癡肥萬事稱心意秀削滿面皆塵灰誰令
吾子負此才悵望麻衣帶雪來

畢載積使君古硯歌

昔聞東坡一鳳味黃理赤文誇獨貴哀玉冷冷迥絕塵却與鴻
才增意氣放翁有硯更奇哉中藏光怪驅風靈眼前閱歷少知
已名山巨浪甘沉埋忽然擬託琳瑯土文光能態透波裏絕似
珊瑚鐵網收英英肯與庸流比青齊才子推畢君畢萬之後天
下聞司農閻閻原華胃刺史風流更軼羣銀黃艾綬五雜組蒲

集詩二

三

車蒞任江之許山簡高風化俗深墨雲能作蒼生雨荷歎項子
詢知人贈君此硯情最親紅絲細帶清波滑鵲眼還涵絳露春
羨茲古硯終不灰羨君新詩絕世才人生遇合本有定白服豈
受時人猜君不見劉家更生侍石渠青藜夜火輝蟾窟君持此
視獻天子好上金泥玉檢書

寄壽總憲龔芝麓先生五十歌

白玉河邊玉露流黃金闕下金風秋西臺獨對麒麟殿南陌斜
通鳩鵲樓重輪再獻清河頌越裳鞮譯皆來貢三府規模物望
尊百僚彈壓威名重我公嶽嶽嶺崇班繡斧珠袍響百蠻西宮
品秩荷文若南國風流庾子山蓬萊清淺那如故世間又值公

初度綠鬢能令將相驚朱顏最得君王願君王笑坐柏梁臺飛
騎黃封絡繹催三聲仙樂翻供奉十部宮妝舞善財江東賓客
如雲盛獨憐賤子埋名姓萬事蒼茫那得知八年離合誰能定

伯勞東去燕西飛君作公孤我布衣愁中廚顧人誰在夢裏關

河事已非憶君同看隋堤月隋堤明月圓還缺憶君同賦冶城

秋冶城秋色不勝愁攀條我類桓宣武吹笛人思趙倚樓謂友

余年四十邗溝住珠玑踞誦詩千句才盡方知白雪難情深翻

使朱絃誤都門嶽隆會夔龍退食鳴珂更擊鐘相遲新築沙堤

後同訪秦碑五老松

太舅許公九十大壽歌

集詩二

十四

吾家老母太恭人七十有六如青春呼兒呼孫具康爵競借內

外祝長庚大姨張母八十二小姨蘇母比兒五十有五長一辰

白眉二舅七十二第五阿舅亦七旬是日六月十有九許家門

陽九十慶靈椿各率四世陳錦茵九十太翁南面坐更有八十

有二之太母稱如寶三鳳繞膝皆奇英孫枝琳瑯席上珍獨有

中鳳五十未有雛前月孔釋送石麟猶子叔重魁指忠節

弟茹席先公與弟季和八十五公擊生于孫

輩捷辛卯諸孫丁卯堪比倫高祖姑季和公又匹余祖姑生孫

文佳絕太翁一一相逢迎喬松凌雪尤堅貞俯視耆耄皆外生

太翁向余獨細說我見爾家九十八十之高曾先高祖雙橋公

三先曾祖參夫婦雙壽九

軍公七十七爾之高祖九十有三余舅余復九十爾母為余

之女甥君家世世渭陽情今更見爾為人祖七世歷歷何分明

滄桑在世人在眼昔何烜赫今何屯憶昔爾父真冰清南京考

功坐鶴廳先憲副曾官天官考功郎吾姪姪婿咸玉尺山公啟事何嶢嶢

離節公以考功員外郎為難離西公俱先後為文選主政竹林門楣兩殉節爾父歸隱終賤

貧爾復養母甘躬耕遺榮不負北山銘我今為爾母子酌一斗

更為諸甥傾大觥孿生有弟八十五忠節之父八十有九余從

兄愧余何德壽獨增爾為長歌述此事試看爾祖爾伯高文雙

在屏公六十壽文乃先祖七十一歲奉直公筆八

湘中閣同阮亭先生望雨歌

我昔遊瀟湘最愛瀟湘雨瀟湘一別三十年暮烟欲見青難補

巢詩二

五

山腰小閣署湘中四溪一碧將無同捉塵有人喜深坐日日來

看桃花紅桃花片片媽紅濕輕烟織水較人泣枝峯蔓壑樹槎

枒蒼涼綠滴吹聽入是日幽靜不可言遊人屐阻空煩喧推牕

忽憶三湘景米家畫裏聽秋猿

三舟圖歌王西樵司勳屬賦

西湖之水深且妍藕花荷葉紛田田碧琉璃滑光可憐魚村蟹

舍相芊綿中有好山橫鏡前流紅潑黛明而鮮三舟者誰湖上

眠烟消月出不見還太常矯矯真神仙頽唐玉山倒瓊筵醉着

只釣槎頭編觀察好客如鄭玄沈酒不惜青銅錢有時一飲成

百篇司勳吟咏清且圓長齋繡佛天下傳一杯入手神明全三

舟滅沒斷復聯幽人秋水爭嫵娟畫師好手追黃荃妙意渲染

最雕鐫我披此圖百態捐耳畔恍惚聞潺湲君不見白公蘇公

已緬邈何可今世無此賢千載而下為泫然

送別程明士

程君一生湖海客慷慨悲歌古無匹當代誰人更遊俠意氣縱

橫稱第一余也愁病隋堤別片言相託成膠漆憶昔君家蜚語

連竹林大阮真可憐孤身七人輩狐寒獨夜長歌猛虎篇保孤

全宗果不易此事已有千人傳月明跌蕩旗亭肆握手秋宵論

往事闕下將為汗漫遊座間不露英雄氣余也有子趨燕臺何

時振翮還歸來託君之語語何驟此意敢望常人哉西風蕭蕭

巢詩二

六

日將夕滿目驪歌爾不得為我須乾白玉壺因君一拓黃金戟

贈叢舍英孝廉三十歌

鶯花天氣何鮮新柳絲毵毵飄麴塵此時逢君正三十祝君兼

送城南春人生富貴亦何有羨爾芳名滿人口冲懷恰似萬石

君讀書更比朱伯厚春波漸上孝廉船厨中櫻筍還開筵絕宜

縱飲當三月况復看花蚤十年高才盛事兼好景逸足驂驅會

須騎今年醉君紅玉壺明年啖君紅綾餅

已酉榴月白璧雙正五十過余彈琵琶數日于其歸索詩壽其

母夫人八十卽席放歌贈之

白君才傳毓名家獨耽聲調彈琵琶于技殊小巧君彈琵琶

吾狎瑤島緜嶺子晉下鶴聽飛瓊雙成不復道手持琵琶上高堂高堂母稱八十觴一觴一曲曲未央庭幃真樂疇能方况復君年正五十榴花滿把生紅光吾母今冬亦八十朝夕承歡如不及萊子七十始嬰兒我輩向母索飲食人生萬事堪一笑鐘鼎悞人成不孝君歌我舞繞膝前世間誰者真神僊

戊申三月三日吳門遊山行八首

觀音山前雨一月偏我來遊鬢髮荀與穿碧厖巖巖斗轉寒山千尺雪風雅凋殘山水幽春行蕭械如深秋閒情麗矚交相引老我何當遂此遊

三十年前曾屢過天水園亭綠可唾敦彝篆籀古紛披美人香

集詩二

七

草情何那竭來空谷孤人琴只有青山不曾破珍珠萬斛湧晴簾我盟白水來枯坐

寒山迸石羣雲眠寒山野花奇難箋寒石寒花嘗在眼主人何詎稱前賢寺署報恩誰作頌以山貽人恩莫重我學愚公谷未成欲移此山安得動

泓油瀉玉澄明鏡菴轉法螺尤妙靚簷際山根橫冷香切鐵盤銅堅古性背山一碧竹樹寒坐看登頓繞嶠岼黃鸝數轉海棠睡忽然雜佩聲珊珊

有女如雲中婦艷烟媚媚行雙玉倩深深拜佛款款行澹墨新繁籠素練輸他暖玉不曾香呪殺桃花無此面杳然一去千山

春雲起車迴驚復見

雲間前輩尊陳董余年十四歸藥籠長白先生雄茂苑文敏導之稱李孔恣遊研北與書巢仰天萬笏瞻龍從三公既往余何之獨上天屏看蠓蝶

天屏疊翠矗千尺拔地蒼涼映天碧橫披斗削會奔崩搔首一問動魂魄山腹有洞湧蓮花白雲菴裏多餘笏何必五嶽始埋照跋足小憩真吾家

吾家築山栖水繪廿年遺世甘蟬蛻皇乾不許人遞肥乃有二物爲之害出門真如出岫雲倦鳥雖飛不知外回首慈幃隔一江脉脉子情通地肺

集詩二

六

百憂集行寄呈芝麓先生

我聞謝公言雙涕纒靡下中年已後哀樂多正賴絲竹一陶寫又聞魏信陵乃是貴公子暮年遭讒不自聊乃借醇酒自污耳嗟余數載喚奈何粹來蜂蠆何其多無賴乃思託山水有恨猶且耽聲歌八旬白髮高堂母幼弟雙雙繞衣走茹茶飲藥如含飴飲乃吞灰稱逸叟因思汗漫物外遊倒行逆施真良謀人言我欲爲豪耳焉能知我中心愁只今惡浪如山簸猶向黃牛峇易過歌僮雜遣作馬牛園石憑風更搥破情深不覺爲公言公若聞之增煩冤柳瓢巾拂吾生事終擬跌脚祇樹園贈竟陵胡省遊用酬古象之贈

竟陵才子羅烟雲豪酣落筆橫千軍紅椒紫蘭披辛芬採之紉
佩成氤氳儵然高隱還大文秋風屑瑟多憂憊手鐫金石摹鳥
紋屈強蟠拏雷其筋商盤孔鼎供奇雲自從石經芳草濱丞相
中郎寂不聞後之作者咸推君倚蓋相許情何殷示我古篆真
超羣刻畫精微不可云鸞停鵠峙蛟龍分紅閨小字細如蠶世
上諸子徒紛紛卽有奇巧皆妖氛誰其銘鼎勒殊勳今君奏技
稱入神我惟對此懷典墳

二哀詩

光祿大夫兵部尚書諡襄敏三韓蔡公 有引

大司馬三韓魁吾蔡公于康熙十三年正月以疾薨于邸第

集詩二

九

踰月始聞齊部編民如臯昌衰率子昌嘉穗丹書爲位而哭
之卒哭思所以報公者獨文章耳顧昭德之碑麗牲之石
在 國史藏諸幽宮有鴻鉅之椽筆在非余所敢任也
滄桑賸物荷公特達之知蓋昔年吳橋閣學范文貞公爲
大司馬余與都督蔡公懷真同出門下王師渡江懷真効順
歸旗公實兄事之家庭聚語賤姓名久在物色中及公開府
淮揚屢召未遑修謁僅以詩文報命卯辰兩按部維臬甫下
車卽修式廬之典握手道故權若平生駐節水繪菴造膝連
床不啻家人父子邑巨室中蜚語余力白其冤反覆辨論申
且始得請舊令中州李君素廉明以公事註悞幾挂白簡請

于公得保全還里凡有商榷語不及私時尙書撫軍林公少
保提督楊公與公密坐水檻聽余昌言咸賜採納林公推公
愛靈顏下交尤爲異數公督漕控轄七省其尊嚴倍他制府
每信使候問公傳呼直人內府令寢食几榻下首起居余老
母恭人及余食息動定以至家門內外必詳詢而後已鉢
池勺水爲先祖奉直公先大夫三世放生之地特置額題辭
以表先澤且禁不得施網罟焉公請告家居兩兒夙蒙觀風
特拔後肄業成均肅謁里第公待以至情優禮每召諸公子
會食煦濡濡沫愉愉如也間有餽遺畱一二年必寄返之封
識宛然邑巨室入仕途謁公公欸語數日特詳其隱微至今

集詩二

三

通肺腑締姻姪皆公賜也公之云亡固所謂天柱傾地維折
者而余尤不勝知己之痛乃以老嬰患難力竭心枯兩子儂
于通責瀾于輿隸無從一申走奠而公旋大襄泚淚和墨作
輓詩一章壽之梨棗以識千古不忘之誼公之靈旗應還斗
宿恐不忍聞七十衰殘嬰此奇窮極慘之遇并嗣公大司馬
大令侍衛三公見之知余片言平生寸心千里于死生之際
不敢少負于公也詩曰

真人龍興鳴綠江白旄黃鉞狗八荒電掃流寇如屠羊定鼎卜
洛姬歷昌桓桓蔡公握鐵鎗雲從風從豐沛鄉入叅帷幄出廟
廊栢臺執法吏凜霜底定秦豫平金姜南征北伐拓土疆建牙

江右肅紀綱勦亂定策招流亡手繪鄭圖排闥立獨袁瑞浮
額糧鶴湖鹿洞講堂生徒誦肆聲琅琅臨江高閣標滕王星
分翼軫飛棟梁 帝念漕政資助勳特開制府鎮淮揚漕卒獲
惡踰虎狼如山如嶽立法詳舳艫脚尾連颶橋儲精百萬輸京
倉弓刀按部蒞下邦駐節水繪同倘伴式廬造膝相扶將驛筵
授几傳壺觴天街貫索吐角芒已屋大獄興蕭牆奮髯申辨義
激昂旋乾轉坤几榻旁景升豚犬稱頡頏辱公謬許元季方屋
烏愛及下走僮薰風弱艸生春陽惟公德澤留甘棠萬間藉庇
衰門長懸車束馬鬢未蒼東山絲竹平泉莊台星夜隕福曜藏
身騎箕尾從 先皇愍綸謚册國史香雲臺麟閣神翺翔泰山

巢詩二

三

巖巖河湯湯帶礪萬古永不忘江臯野老涕泗滂人之云亡我
心傷寢門爲位奠椒漿思報公恩惟文章輓歌聊當招沅湘傳
笈伐鼓震蜀岡公有令子耿鄧行手扶日轂迴扶桑旂常竹帛
日月光誓書册府看煌煌魂歸來兮樂且康雲旂飄搖掩機槍

光祿大夫禮部尙書諡端毅合肥龔公有引

芝麓先生以癸酉甲戌弱冠成進士卽出宰楚斬時流賊蹂
躪全楚斬當其衝公登陣固守民効死力丙子分考楚闈與
梅村九青兩先生共持冰鑑士之瓊奇盡歸藥籠此十年場
屋余雖詭得說失然三吳珠盤之會海內黨錮之名竊附清
流狎主齊晉與公雖未謀面聲氣相望千里同風迨壬午秋

余復中副車與機部漁仲長人送漳浦先生戊五溪又與治
仲子一懷真趣吳橋吾師赴召對咸追隨壽州壽州方先生
以萬歷朝名御史又爲貂璫刀俎碩果其所許可羣爭拭目
爲余言公英才大力吾道龍象旋從紅樓得讀公與密之倡
和諸詞畫風鏗月奏七黃九無以過也諫垣風采折檻批鱗
經歲讀公讜論危言謂壽州不我欺益心許之矣滄桑後余
鹽官蒙難萬死一生還里戊子冬與公把手邗上片語平生
悲歌慷慨雪夜霜天咸卽席限韻豪端奔涌江潮鏗鏘鐘鼓
者十餘夜庚寅春仍約聚邗縱酒賭詩不分晝夜者又百餘
日時公年三十六余正四十四公爲金閶行數千言夫人畫三

巢詩二

三

湘九畹數十尺合卷合幅割花邊宣爐兩爲余壽金閶行者
蓋詳述宛姬從余始末倡和詩中有十年朱雀路花月並亭
亭又棲烏各老長干柳爲余幸復自幸也公是秋以奉嘗還
朝閱辛卯而宛姬逝壬辰余死三日庚生公與夫人悲喜不
殊骨肉先寄友沂書云慘聞辟疆之計豈脩文催赴玉樓耶
抑宛君招魂去也醉酒寫哀以寄腹車之痛惟代致之詞聞
返魂屢書堅訂耦耕偕隱之約公旋以總憲鐫級奉使粵東
丙申丁酉邗上白下磕頭促膝清溪中秋倡和不殊傳昔而
眷戀過之自此衰門風波詭詐迄今將二十年不可極公竭
護持損眠食凡公危疑顧慮爲之垂緜者余皆謝絕只以聽

天由命忍辱忘怨八字銷之丙午歸葬仍過邗關時公聲名益震販誠待命之人所至舟車擁塞水陸一出而道路攀阻者數千人公皆質借千萬以厭之余送公茱萸灣不忍與公言別更不忍見公吐握之苦僅于筍輿中遙聲致隔岸官舫遂疾返公伏船窗放聲一慟余進城十里淚下不止後公寄詩云心折茱萸江一曲巾車南去布帆開又序云記丙子冬再別茱萸灣寒風淒緊遙暉不語車塵帆影至今搖搖心目間公念茲不忘豈知遂與公成永訣耶公謂余既遺棄萬有自甘人外遂力招穗丹兩兒更番入成均廁門墻親爲教育扶植卽下及小童秦簫等皆侍立座右贈以詩歌已西冬老

集詩二

三

母恭人八十壽特命穗兒乞言于公公曰是文有成搆于胸然非應酬可辦命置酒慈仁松下公至左手持杯右手揮毫細念家門情事鉅麗大文倚馬立就鶴谿十幅筆墨淋漓至以李固母子爲比又云下巖穴之詔如漢史求骨鯁大儒我知辟疆不以三公易一日也嗟乎此非公安知余之心哉閱歲余借壽六十時公再典禮闈特語穗兒而翁進觴之文仍非我不可非我而翁必不以爲可俟出關更約濯湘周量至慈仁當于海棠花下更一抒寫我兩人三十年真交也出關卽席成文書屏至午夜遺飛騎以漢玉卮文錦寄壽文中旣以正人君子相許復以盲風噩浪相傷至謂奉其艱難百折

不磷不淄之身以孝養老母爲盛世完人余惟愧汗追憶竹西促膝聊杯情話今各有傷心之痛則我與公皆爲奉倩安仁也使辟疆獨守東岡之陂不待北山獻嘲自悔迴軫之不早東阡南陌續昔清驪久已心許素交棹荆溪而歌招隱知辟疆必望長安而一歎公詞旨纏綿神理抑塞惟我深念公兒憶之眞亦不謂遂成讖語也庚戌冬送穗兒移寓張蠡浮黃門斷句十二首又遠索亾姬影梅菴憶語調扁字韻賀新涼重踐廿餘年之約護月太常夜成腹藥爲余序歲寒皆爲絕筆公水繪來遊之言在耳高文大筆在屏錦三十年卽席限韻寄懷諸詩百餘首與往來手札朱絲蠅頭數十幅在篋

集詩二

五

笥而公歸天上亦曾下視人間有衰殘瘵倒鋒摧箭鏃負傷心而悲力竭日爲祈宗之祝不可得如余者乎兩兒沐公教養數年恨不上之萬里扶搖今皆沈埋瀛嶽于輿僮公忍見乎更有如公特達之知視如子加之膝者乎此余私感也衣被四海無論貧交故人日車輪公之懷抱咸靡竭公之金錢卽孤生弱蒂以及小技末藝之人誰不待菴于公之心血向榮于公之日月哉古人云要人讚歎易要鬼神讚歎難要鬼神讚歎易要鬼神不知難公之居心皆鬼神不知之心公所爲事乃堯舜猶病之事至其秉大憲爲士師樞府容臺兩典春官試振綱肅紀起死回生與軍容禮樂之盛扶衰救弊

之權則書展勒銘載在國史家乘余公之耦耕人也不復及
尤異者余九月十四夜夢公過余水繪把手如昔而神情淒
涼細視面覺浮瘡蚤起呼兒大為不懌陽月初接京中書知
重九日新郡守金公乞書公以寄余詩書綾堅以寒門爲託
余喜甚詎意旬日而公訃音至三千里外兩日靈旗迅至公
之與余不負死生余之與公殊慚後死余六年不至邗上近
經年不能下堂公喪歸命穗兒哭之淮又命穗丹兩兒哭之
邗追思三十年公至情過情之事多古人所無有傳之後人
不肯信者卽爲余隱憂切痛多未易形之語言聊寫哀歌系
以繁蔓以告公友葉子令子伯通共一慟焉詩曰

集詩二

姜

文中繡虎人中龍昭代屈指淝水奠岱宗太華衡恒嵩五嶽靈
秀羅心胸金鐘大壙序西東冰壺玉衡懸秋空風雲際會明光
宮赤手直捧虞淵紅吐哺握髮延駿雄馬羣冀北無留蹤譬如
百川盡朝宗寸長一藝咸包容天街貫索射白虹秋茶束薪葦
筍同左執鬼伯右殤中刀塗血路晝晦蒙抗詞甲雪排九重生
死骨肉劍戟等黑頭嶽嶽躋三公昌言匡救遜彌縫門墻壁立
萬仞峯一時桃李皆昭融南箕北斗物望崇勒勳竹帛銘鼎鐘
襄也奉母謀尸饗辱公下採菲與封定交三十一芙蓉各奉几
杖相追從摩娑銅狄荆棘叢金人鉛泪流溶溶聯牀風雨響秋
蓬擊鉢酬和窮雕蟲身依薇座紅雲封一心常念雞窠翁江頭

鯉魚秋寒鴻往來書尺紛郵筒介壽高文墨跡濃風生設設
仁松徐卿二子才凡庸市中擬碎麤下桐收之參苓入藥籠假
以羽翮資飛翬耦耕舊約誓始終灑掃荒園冀墻壙功成身退
歸明農白頭二老攜孤筇公今入地持丹忠我老江臯心忡忡
匹如駟驢與蚕蚤失侶自顧憎微躬公神在天御豐隆朱旂閃
閃迴崆峒哭公老淚灑秋風海枯石爛無終窮

集詩二

姜

巢民詩集卷之三

昌氏叢書

如皋 昌 襄 辟疆

五言律

次杜于皇韻題園次半草亭

擬杜顏亭子虛懷損半枝秋雲澹鴻案霜菊厭陶厄偶徙適吾意待清當此時萍踪欣有託不復歎天涯

贈娟如較書次萬年少韻

如何香粉盡斯世得斯人俠佩芙蓉水情通芍藥春眼能知未語盡不出全身更有憐才識彈琴拭鳳塵

贈坦夫次于皇韻

弟兄存古意紀序數年前愛菊獨隨意垂竿且看我疎非玩世爾別動經年樽酒白蘋約何時鷗鷺邊

巢詩三

其二

每嗟疇昔事怛怛負當時此日餘諸子同心共一枝尤憐英絕品不受俗情羈把手盡微尙徒深別後思

追和辛巳春顧子方并長公會序次公良邦見贈原韻

九龍迴萬頃遊詠憶同行在野攬龍戰當鋒笑雉經求仁誠有得奮義恨無成痛哭鬚眉戟英雄千載生已卯子方在秦淮舟中掀髯長嘯聲振樓臺後屢與游九龍及隣家周氏歌筵忽大哭失聲不能自止

余每規之子方云浩氣真悲充塞胸臆不自知其所以然也

其二

誕類稽中散狂如陶士行有心悲夏鼎何意聽秦箏二子蛟龍得一門忠孝成梁溪槩秋浦回首惜平生

追憶楊維斗解元即次見贈原韻

交訂朱衣夢同遊捲白波庚午開前余夢梅首為張維樞梅發與公名字符余首場已入談而三場病阻公與西銘機部臥子鴻文追八角大業擅三多伏劍區宣諸公每痛飲為余惜也

髮衰髮灑血歌故人風烈往古釣刺詹何

乙未端四日晚咏用端午日賜衣杜少陵韻

金鏡夙傳名明朝夏始榮龍舟嬉水急玉臂試絲輕預想人皆醉凝愁我獨清菖蒲花夜發初月見深情

端午日痛先大夫用杜韻

巢詩主

佳節不能名堂惟護草榮續絲翻命絕採艾覺生輕血照石榴色魂銷冰鏡清去年雙進酒悼怛此中情

雨靈式九無忝過得全堂話舊偶出丙子秦淮大社姓名及先人與鴻鉅往來詩文手扎披閱竟日即席限韻

無復紀從前餘生事可憐交多傾蓋代姓僻賴陳編細數只如昨徐思已隔年湖涸娛白日幽興或應傳

無大師掩關高座容秋相見後書詩示余末云與辟疆別十六年矣辟疆有回生一錄而余則九死因問何以生還書答此

詩追憶舊遊天如勒卣維斗子一伯宗次尾超宗敬夫諸子無不死人生當受用死字此天地鉛鎚之恩不可辜負也今

夏無忝重過白下因倚韻和寄

憶昔崇風烈惟君致上卿導王追賈傳移孝似申生患難相終始功名見重輕鍊身歸法海融鐵作金城

吳陵舟中卽事步壁間聯句韻

信宿吳陵道輕裝與客宜共看前夜月分枕六朝詩靜極方舟妙病餘清夢遲朝來續題詠不分此中奇

爲無忝成碧落廬移竹與孟昭共坐得二首

亾友抱貞素遺言構此廬子力未能逮余心良相於結龕留二代賴竹補孤墟努力百年後泉臺見有初

其二

集詩三

荒寒開僻境移竹護深菴影薄水交翠烟輕石縱嵐倩僧扶向背放艇看西南栽罷便沈坐此中真可酣

步鄒殿生見訪原韻

濂溪明道後于楚更斯人究理窮今弊譚經析古因卷懷尋樂處偶晤正寅津把手寒溪上英雄自有真

其二

對君披大業遇晚古人求歛息卑鵬負冥機笑鹿由舟虛遊靜極樸滿贈清修二子憐洩勃羹瓊媿薛收

丁酉八月九日余病臥秦淮梅杓司陳其年戴務旃吳子班沈方鄰周式玉陳大匡劉王孫方田伯位伯衝泥過訪譚飲榻

前竟日卽席同禾丹兩兒限韻

不謂浮雲外能令故友齊凌風爭寒馬戲海狎天雞客子病中病斜陽西復西任他負鵬翼吾自有卑棲

其二

仰天攀桂日吾黨曷來齊不逐文場鹿同聽午夜雞詩分巫大小畫出灑東西日伯送尊人無可師爲余水自此矜蓬華閒遊指舊棲

其三

諸君咸自放工瑟不求齊避雨閒敲句鳴桑愛聽雞無懷依研北有口吸江西密放譚曠昔樓桐憶鳳棲

其四

集詩三

亾友歸天上捎雲玉樹齊憐余盟白水猶自續丹雞皂帽元居北高樓隱隔西兒曹聊復爾吾道在林棲

其五

豈不趨時尙衰遲諸病齊一身爭似葉五德愧名雞杜宇聲北長江滾滾西十年重此集碧落待同棲

越三日龔芝麓先生枉過留飲仍用前韻卽席見慰復次一首

華嶽三峯外躋攀詎易齊相憐如野鶴屢過問醅雞客病當秋後談吟到日西杜陵仍有約只是慰幽棲

丁酉秋夜集許菊谿憲長紫菴山房同芝麓大憲于一與治手

皇伯紫分賦四首

城闕西風在經過屢起秋關心驅胡雁極目穩沙鷗玉樹朝朝

換金樽故故浮吾生蕭颯甚終不唱鷓鴣黃鷓鴣陳後主曲名

其二

謝墅鍾山北窻朋破綠苔詩推前輩健眼傷戰場開花密煎牧

炬香蛆滴酒杯杜陵矜一飽城角莫煩推

其三

多少南朝事樓頭幕府山狂容脫帽坐醉擬射鵰還燈火秋偏

盛英雄老畏聞翩翩徐孝穆宮體贈紅顏時芝麗先生節席贈歌兒絕句

其四

巢詩三

五

欲去尚然住笙簫在後房酒防紅燭短情較碧雲長絲竹一宵

事人衣十里香歸來金市啟踏遍六朝霜

和吳梅村太史韻贈宗伯李太虛先生

故國千山境長江萬里天佩精雷煥劍攬秀李膺船望遠心徒

切懷鄉思惘然兵戈衰謝後惆悵是何年

其二

真鶴商雒隱舊識紫芝翁海上尋三島淮南訪八公溯源尋洞

渺費月想槎通何計堪逃世行藏萬卷中

其三

洞天窺秘錄石室貯高文嘯傲赤松子招邀滄海君攜詞飛急

歐搖筆掃崩雲寄語應徐輩騷壇老冠軍

和答姜真源離臺揚州見寄詩

十載真搖落蓬門磔九州大廷來節使吾黨說同遊亦念鷓鴣

列終慚稽阮流佳篇及茅宇差肯慰滄洲

其二

繡衣來北闕雅望重南州况肯憐同調猶能繼昔遊一江承雨

化四海識名流淪落嗟余輩誰懷杜若洲

戊戌穀雨前四日同詣子集水繪菴時懸雷小山新成分得三

香

春老閉門臥愁懷擬絕交芳蘭孤紉佩青壁獨誅茅不謂諸君

巢詩三

六

子咸來調解嘲翠翹金管夜筆蒨供山肴

其二

未忍窮幽谷為山小結茅世情元自冷我輩正投膠斷壑香林

月離騷春蕙香相看俱物外詩罷復觀交

其三

久薄詞壇譽衰遲惕履舉聯翩來郢雪懶慢託懸匏此道理無

跡名場學易消不須驚異物風味有家肴

清和望後一日讀集賦得澹雲籠月色共限晴字得一首

春去愁無緒芳樽夜夜生畫欄疑有色樹影碧無聲明鏡猶難

靚青天見此情坐深寒不定只恐亂陰晴

其二

漸覺中庭白空香萬里生
鱗鱗如玉砌瑟瑟變秋聲
豪髮有餘恨金波無定情
筵前歌子夜遲爾十分晴

五月朔日共飲山亭賦得蝶舞萬花中即席限韻二首

簇簇臨端午飛飛戲蝶長
翩翩成粉浪旖旎紅香是夢
皆迷影非心不繫狂錦帷初
卷後一任度東牆

其二

山亭紅爛熳鳳子引風長
似鬪泥金幄如披蜀錦香
滕王猶艷本莊叟自清狂
不及泥喃燕啣花掠短墻

小集水竹居正值小雅四十初度

集詩三

七

修竹吾廬內終朝只醉吟
七賢兼六逸綠酒共朱琴
俗面無從入仙人或可尋
清歌深夜亭髮見知音

其二

昨夜長庚瑩朱明四十逢
異香滋楚魄絲筆畫眉峯
未上千秋鑑先稱第五龍
北堂護正茂花萼樂從容

飲還岫閣時小山初成分韻七陽

高閣絕塵境幽人共夕陽
攤書梧竹靜淪茗露華香
五月寒生戶孤峯秀可觴
簪茲念聚散搔首詠都梁

夏寒分韻一東

維時賦大暑蕭颯起秋風
金氣疑難伏冰山豈未融
堂虛開七

丈衣不着方空天意憂何測
披裘茅屋東

馬遷于約諸子往水繪菴看
池荷雨阻不果行却攜酒過
得全堂聽歌古采蓮曲即席
限韻

十頃紅鮮偏金房綠葉奇一
樽晴共約半夜雨交馳
湘吹遊童意清歌越女思
虛堂翻淥水無異倒芳卮

賦得疎雨滴梧桐

玉宇失嬋娟涼颯正滿天
數聲聞葉上疑露溼堦前
夜色幽如此空庭秋可憐
無能通古意撫景獨儻然

秋日劉峻度有書寄贈次韻二首

風波連昨歲君難孰余優
天縱負嶠虎人銷悴髮秋
展書今有

集詩三

八

喜視履舊無愁信宿羈逢使
聯詩湖上舟

其二

意氣浮難久真交在靚深
片言爭日月千載廢升沈
人外思曠昔霜前寄古心
新詩兼妙賦飛動白雲溥

峻度寄到芥片宮香宜箋詩
扇佛手凍石種種清佳欲
作小詩以謝之因憶李義山
有蠅虻雞鸞鸞鳳等成篇學
步一首

蘭露沾盧椀靈芸闕葯房
數番珍大內一握試新涼
脾蜜凝香指燈光切玉肪
秋軒陳煥妙研北鬪瀟湘

冬夜水繪菴讀書諸子招陪
其年時小季無譽禾丹兩
兒在侍

即席限韻三首

同人今夕集無異照青藜共發文章儼能令星斗低極天誰正
氣觀劇有感徹夜聽邊聲酒醉看如意西風任取攜

其二

何人塞藝苑巨手馭班麟舊失梁園雪指侯朝宗今歸義府陳乾坤
僧有臘歲暮履無新莫歎相逢晚霜天指翠筠

其三

午夜酬知已高歌更一觴鷓鴣絃橫鐵撥花筆賦芝房月浸一庭
碧人衣百蘊香每驚風雨句今日減清狂其年時有所感今
晚詩成稍後故云

其年孟昭同丹兒踐孺子茶約不值留詩而返余擬借往不克

赴次韻一首

集詩三

九

清貧張孺子鐵骨傲霜花密約惟求友傳資自品茶家臨流水
直吟到日頭斜良晤交相失寒雲送晚鴉

重次孺子前韻

愛爾遽能盡情深可辟寒語言殊未得魂夢亦相看此意古人
解全交末路難臘殘重屬和清淚在毫端

除夕前五日同其年諸子小飲孺子詩成共次元韻

歲暮柴門迥恰心物態殊冷香清逼夜高致古為徒忽寄一枝

雪燈下其年
家信至橫披五嶽圖坐深閒共笑吾輩半塵無

其二

經年玄賞對此夕興逾幽人擅千秋勝花銷萬古愁平生清夢

穩往事大江流冰雪餘諸子吾衰尙可俸

除夕前一日同其年孺子諸君茶話孺子詩成即席遞為倡和

得三首

臘盡江天暮吾亭萬境幽梅花香戰雪茗碗碧子秋金石全真
氣冰霜薄古愁明年餘一日千載此悠悠

其二

崢嶸留歲暮四海此茅堂不是憐諸子誰能厭老狂鼎彝生夜
色泓穎洩春香主客渾無定何人復望鄉

其三

西閣精茗理孤松掩白雲免資清夢斷花月怨離羣病渴誰能

集詩三

十

慰埋香香不聞今宵拂爐火鼎沸湧千軍
即事步王阮亭先生同吳玉隨太史元韻

隋帝行宮路相傳游冶場分司名杜牧公主字瑤芳偶值人憔悴
誰憐信渺茫只今秋水畔忍看野鴛鴦

其二

僕瘦腰如柳君身價等金碑生終在口古子夜歌石關生
口中銜悲不得語日出
本當心古歌河大水
深日出當心弄藥高難竊張榘香莫尋元長知此恨詩

寄搗衣砧

其三

惆悵唐昌觀迢迢玄武湖願將身倚玉徒使淚成珠舊約銷龍

粉新寒到鴨爐鈿車應再出莫過道傍夫

其四

忽接瓊瑤賦重提金粉情蜘蛛圓好夢鸚鵡說前生姬女當時

散夫人此日城銀錢零落盡明日問君平先生末首專為小姬故余末章亦及之

喜周元亮先生南還次韻芝麓先生韻十首

忽送扁舟到危檣舞夜烏青尊情自合白雪調非孤秋老唐昌

觀霜清蟹社湖治遊須作計休聽客吹蘆

其二

普天人共慶元老得生還莫剪筵前燭留看夢裏顏一聲穢楚

調六載滯燕關此意那能識長憐庾子山

集詩三

十一

其三

意改誰騰謫當時大有人豈知垂老客重問可憐春薑桂違時

性風雷悟主身只今江海上蝦菜未全貧

其四

絕傲悲歌夜危城苦守時三更開壁壘百鳥罷旌旗對薄功逾

白遭讒善可為臧倉吾謝汝爾是魏無知

其五

廣陵十萬戶淚眼幾曾開失乳啼偏亟呼天首重迴人歌窮鳥

賦帝惜臥龍才此日輕裝到真如返紫臺

其六

南朝東冶地公有讀書園魚雁雙無信池臺百不存只今猶可
葺感舊莫重論尚有殘書在歸家仔細翻

其七

憶昔承青眼隋堤日未斜豈能姿似柳錯許筆生花價重燕臺

駿光分漢殿鴉別來渾老大無復壁人車

其八

再過雷塘側清秋與自饒綠窗梧子落畫舫藕花飄飲必勝千

石詩真過六朝祇愁與望重檠戟復相邀

其九

聞出鄒陽獄時方彩勝懸先生以人家家粘燕子處處候歸船日得釋

野衲共疏筭山農佐粥餽定山尤喜劇彩筆舞新年

集詩三

十一

其十

過從踰月夕細語慰深情星斗杯中落烟霞篋裏生朝方思杜

牧卜豈藉君平指日為霖雨蛟龍世盡驚

哭趙友沂十首次其年元韻

送君成永別千古此泫然忍說斯人死傷心祇自憐還家踰萬

里哭母正三年霜雪邗江道孤魂向若邊

其二

十四年來事交情迥不迷萍踪盟白石風雪命青驪戊子冬與友沂定交

後尊大人同友沂神采凌霄漢豪酣壓鼓鼙飛揚兼跋扈為我衝雪三百里過余

首重低

其三

馬齒稱兄後相依似一家王猷時命棹衛玠每同車徑取南山

捷詩工北斗斜前宵猶割宅為我悼如花友沂知余無假應處

且別有以慰余寂
寥也今忍問哉

其四

憶昔庚生日君車北指時魂雖遊碧落夢忽返天池淚共椿萱

溼書傳淝水悲如今吾哭汝泉下果曾知

其五

兀首蓬蒿裏驚心被冥搜殷憂如手足關切在心頭茶苦頻相

集詩三

慰危疑砥自修追思三四載難說與庸流

其六

北堂歸窆後憐爾骨雕枯天喪金護草人悲白日駒死仍依老

母生不愧顏烏四海聞凶問爭傳孝子無

其七

老親與幼子聞計慘難旋何異驚雷迅真如失柁船長沙重賦

鵬北地有啼鵲寂寞芙蓉座悲歌慟汝賢

其八

伏枕連三月君歸遣使頻束裝惟待我把臂約同人并約其
年借來恐

痛方埋玉含悽暫拭巾破顏纔兩日怪底病維均時余抱病
友沂病

症大與
相類

其九

病榻惜余坐頻傷骨肉稀思親時強起念友在重圍指圍次
稱恭歛

忽斯文喪方知為善非迴腸千萬斷從此不獻歎

其十

死惟留一笑友沂長逝時惟云倒是
一場好笑絕無他語萬馬駕風檣天上遷星宿

人間失雁行半生勞薄宦四十未稱強楚水印山去應憎白日

長

冬杪偶集草堂玩籠中所蓄諸鳥遞為倡和

離客何年至聰明與世違含靈宜受絜學語便生非攬賦思芳

集詩三

草開籠候雪衣主人情亦爾相侑未言歸鴉

守墨吾師汝憂議莫放歌虞羅誰見少鼎俎味無多星眼化巖

石修翎浴浩波簾櫳防出入從此字青娥鴉次孝
威原韻

百轉千迴性前身得妙因十圖無此樣數語便依人緣愛防多

妬會憐歎不辰長林何日返自在發清真畫眉和其
年原韻

小小頭先白餘生抱素存信天稱一輩鸚母或堪倫佛慧應從

性吾衰何所言飽需惟細粒容易受人恩白頭翁次
櫻耕原韻

擊性毋相狎安心拙一生戴文如細繡喚雨似哀箏憎眼靈無

謂披詩覺有情逐呼偏任意無乃不分明斑鳩用禾
兒原韻

密網方能得么禽最可憐羽織分色正窠巧類囊圖大造能私

四

爾微生亦易全雕籠宜尺玉懷袖到花前黃庭用丹兒原韻

病中枕上偶作二首

病深從隔歲春去已三分屢失看梅約頻驚雷雨聞好朋疎對面何藥始舒筋靜臥探消息幽心細若雲

其二

人外一何事身輕緣病多卷懷猶古癖恒夢在山阿于世真無味怡情尚有歌自強明蚤起忍痛且婆娑

邗上兩接譚灌湘太史書答寄二首

前月邗關口傳君尺素書昨來江上望又接武昌魚拉雜情難盡盤迴錦不如故人頻細讀何限渺愁予

集詩三

五

其二

已識于門大新傳樂事多芝田春種玉錦里書鳴珂戲彩年方盛攤書意若何藥牀衰病客相憶一狂歌

答和吳玉隨太史過訪四首

詎意雲霄上真來處士家琴尊人愈靜冠蓋座無譁載酒聽秋兩搖船看曙鷗匆匆雖數日幽興不曾賒

其二

別後懷吾弟書來訊兩兒如君真鮑叔斯世幾鍾期累贖殊難竟前歡或可追雄深兼瑣細此意足相思

其三

豈不知無益其如太有情茫茫過歲月惻惻送平生笑我童心慣憐君苦口爭酒旗歌板地從此謝浮名

其四

先墓沿東郭荒原倍慘辛那堪蕭瑟夜獨作亂離人偏側思前事支離愧老親感君隆一拜有淚溼秋塵

坦菴年伯為宣爐作致謝詩即刻步韻

卅載宣爐眼驚逢得最真黃金慚液色國寶寄奇人此日匹鄰鼎他時付石麟御香沾世世相對豈言貧

隣有三層高亭峙滄浪深處臺上乃鉢池一幅小李將軍碧費朱檐畫也亭既不存園已易主余分是題愴然懷舊

集詩三

五

四碧水雲外橫舟憶此亭翠深曾看畫石古尙蒼冥臺榭移時會池魚失性靈轉慚元浪士的的勒唐銘

忽病

常恐明朝死登臨繼夜遊自欺無一事客到散千憂亂水孤舟曲深林密坐幽流連忘疲極沈病亦風流

其二

奉母晨昏後妻兒總不關愛緣應漸割惡累直全刪偶病得禪味新秋宜瘦顏自娛傍及物此外隔千山

懷其年

前月揚州信聞君歸毫村蕭騷任行李浩蕩返家門嬌女鬢頻

挽德妻愁不言高樓湖海上手把自詩翻

其二

億爾當余病頻頻呼紫雲人遙視所愛想結耳如聞一唱伊涼
曲如駿鸞鳳羣初秋原有約特使致殷勤

聞山濤文虎閉門對奕臥病相憶詩以待之

清簾疎簾裏遙聞對奕昏朝無寢食勝負竭心思僕瘦忽如
削君來可當醫紛紛有垂問只是不相知

懷孺子

骨秀森瓊樹人情毀譽中無家空有室高品耐真窮缺陷關天
意悲辛瀝汝衷三旬二十日相念特匆匆

集詩三

酬表弟遷于

表弟雖三五惟君意最溫救貧難免俗好古欲披根每日必詩
卷閒時與討論頓令卑賤者養拙亦稱尊

贈自超表弟

兩黨稱中表追隨久不疑歡場春可繪茗理靜參詩兄弟深相
憶他人每見嗤吾儕真意氣容易俗情知

慰甥延公

家破人交辱吾甥應自安摧殘先骨肉鎮靜受波瀾我輩傷心
事皇天老眼看若能真似舅豁達任艱難

贈昭伯

朗潤應難擬清幽未易涯堪持白玉塵會攬赤城霞敏手捷于
箭潛心細似芽里中輕駿物宜秘此光華

贈振兮仁昭

郭氏好兄弟人稱狂狷殊飛才通變化架學守型模一氣無離
合雙心總灌輸親疎俱在眼不忍失須臾

贈子誣

斯人真蘊藉下筆更深堅浪跡一千里求詩二百年心長力自
副體怯病恒牽茲事關風雅吾衰其勉旃

贈舍銳

吾甥復甥婿稱齒便瑯鏤光重匣難掩霜欺隼自道十年逢道
旅終日在虛舟錦繡供心事其如棄不收

贈山濤文虎二首兼與言詩

秀瑩光如掣龍珠出帝宮卷舒騰寶瑟動盪瀉晶融留處須教
厚堅時併力攻更能尋脫手衣裏自相逢

其一

鄴下原難嗣雄才適與符讀書愈頭痛師事極心剝是物鍾秋
氣橫行辟萬夫無能更相益老後辨枯臍

自何繼從死後三年不敢許友余既知之信之真亦歎此外知

我信我者少也長君宮聲近既習醫又能志學追隨一月勉

以三詩

爾父胡奄逝平生耐久朋心悲仁義竭善隱鬼神凭三載憂相
視連朝喜亦能勤勞嗣厚德屢世必飛騰

其二

貧孝娛慈母恒兼弟妹俱謀生仍世業篤舊看吾徒藥餌關生
死壺觴悞隙駒岐黃非易術沈着叩名儒

其三

割宅亦容易躊躇受者難古人權取舍年少惜心肝自矢必求
信相依毋苟安汝能成立後心淚始潛乾

乙巳上巳王阮亭先生同其年亦史山濤及禾丹兩兒修禊水
繪菴卽席分體限韻

集詩三

五

風雨連三月佳辰獨麗晴握蘭臨鏡水聽鳥雜歌聲亭在林中
靜舟從畫裏行近來遊興減何意得春情

其二

豈知王逸少于此會羣賢旭日開芳甸和風上綺筵通身追晉
代無語不神仙五載虛題詠從今傲輞川

其三

漱石通泉曲疏池抱月迴水原今日事詩見古人才此會真難
繼吾儕共舉杯柴門終日閉容易爲人開

其四

按圖延處士逸老繫人懷古意堪誰語風光與眾借良朋雙絕

代兒輩兩盈樽三十年前侶應知此日佳
得芝麓先生書志感

朱雀桁邊別流光十載餘每深國士感恒望故人書夢裏麒麟
閣愁中葺荔居烟江終歲立此日到雙魚

其二

昨得廬江札蠅聯語不休情真憐野鶴字密比蠅頭踞讀呼兒
乙環視促淚流歲寒交道在的的誼難酬

悼徐夫人

舊事那能說閒愁不可云吳江悲子夜楚些悼湘君碧海留遺
掛紅闥龍夕薰定知荀奉倩無計遣斜曛

集詩三

三

追憶友沂喬梓

憶在元規坐交懽趙倚樓酒狂能跳盪許瘦更風流賦鵬嗟何
遽騎箕恨莫留烏衣門第在每過只低頭

懷伯紫

紀老詩名健飄零氣更邁五言追栗里八口住真州世已歌衰
鳳公偏愛海鷗朱門逢戶似踪跡泥羊求

述茶村其年近事

萬事灰心後難忘是盞簪貧能驩杜甫久只戀陳琳二子公同
調三年我獨尋每於一飯際感激自然深

哭鄭次嚴侍御四首

忽接長安使臺端隕諍臣驚呼來赤子灑淚到陳人盡說親將
老邊聞家轉貧誰傳不朽事鐫刻付貞珉

其二

亮節時偏憚危言眾所憑三年纔存厯累疏極飛騰為國時前
席寔民每夙興東南財力竭流涕憶中丞

其三

影園吾老友文酒共婆娑數子皆狂簡中宵必浩歌晨星驚盡
散舊雨苦無多大業看君紹凋零恨若何兼憶令伯司馬

其四

朝露何須悼如君植節難勳名關象緯品譽重琅玕諫草焚猶

集詩三

三

剩銘旌溼未乾飛書寄水部切莫減眠餐兼慰尊公水部

喜程士哲還自豫章

黃海程高士論交自昔年全家揚子驛屢歲豫章船此地忽相

晤西風正滿天故交音問杳生死總茫然時士業已逝又不得伯璣刻先大夫詩故

云兩公皆君好友也

紅橋讌集分得林字菴字

三月揚州客呼兒喜蓋蒼老年驚此會舊夢忽重尋冬熱先春

色霜輕厚晚林長虹壓臺榭烟視蜀岡深

其二

良友如雲集佳人靜可參詩才雄冀北眉色映江南隨處即金

谷聞吟共草菴櫻懷甯止七吾意尚然堪

壽張碑恭五十即用庚寅余四十見贈原韻

蚤歲聲名冠心神久締交秋蓉名士佩春蕙雅人看玉海蛟龍
化珠樓翡翠巢燕臺方釋褐筮得泰初爻

其二

南陽抱膝久西蜀著書深一自來蒲穀誰容臥竹林黃花頰紫
詔絳帳繞清音桃李成陰後風波忽十尋

戊申季夏壽姊六十四首姊長余二歲長齋繡佛已十年矣

朱夏荷香靜女兄正六旬里中爭致頌世外久離塵知與仁同
再才兼德共醇丈夫稱女子此日始為真

集詩三

三

其二

以女妻孤兒先君誼足追兩家雖富貴半世苦撐持內外以身
任安危只獨知如今猶舉案辛苦慶齊眉

其三

滄桑遺萬有思難更相安一木支傾厦二年前上逆難格天良未
易累弟不為難六月摧松勁華堂蔭碧寒

其四

甲子當初度金縷正茂時兒孫雙獻酒兄弟共臨危只有天倫
樂應同古佛慈世情千萬態歷盡總吾師

兩弟送到天竺珠數枝并插蠟梅瓶中伏枕燈下喜賦一首

殘臘愁兼病含淒兩弟殊愛兄情并切交送檻前珠碧與黃梅
亞紅教白雪扶殿憂千萬種對此一塵無

臘月既望得此度寄扎并詩四首病不能舍口授五字詩二首
即用移居登樓原韻

辟地煨親志遷居樂古風詩書隨分內仁孝在其中縮地還思
蜀信天聊作翁鄰樓宜眺望應見海雲紅

其二

良書來雪夜伏枕不能回許與片言重詩篇老境開臘殘情迫
促春早興方來寄語東鄰友同登百尺臺

答和湯宮若秋仲見贈五首即次元韻

集詩三

三

極目琴臺上靈光有幾人舊游看代謝世講獨情親魚雁勞相
憶關河遠莫申悠悠芳草濶惆悵度霄晨

其二

扶風尊一代執法蒞江皋顧我偏殊眾匡時不憚勞寸心畱白
日往事託霜毛卅載汪恩澤如觀八月濤此首專贈尊大人

其三

美子才無敵人如千尺松藝文驚吐鳳詩賦擅雕龍孤棹頻江
上青尊憶仲冬別離驚七載魂夢只相從

其四

老我逢磨蠍殿憂晚更生艱難仍自勵感激向誰鳴師友當年

誼浮沉此日名兒曹猶蠖屈天意豈能爭

其五

隋宮重把袂良會最堪珍古道惟知已深情得故人淹留慚客
路風雨話連旬遙望三山外鴻溝阻北辰

贈韓修齡兼懷大阮聖秋司馬

匹馬秦關客江天馳鳳名縱橫對尊酒指顧勳公卿近侍皇恩

舊閒遊白髮生相逢懷大阮往事託深情

五言排律

清和既望大方伯佟公初度恭祝二十韻

北地卿雲爛勳賢豐沛中承家雄檠戟荷寵列花驄國器棟梁

集詩三

重

皇猷黼黻隆雄才高鮑昱雅望屬王濛出鎮蘇臺下分藩
淮水東司農資利涉下里酌溫風轉粟天庾滿銷奸苑窟窮梧

枝棲彩鳳蘭渚集歸鴻顧曲同公瑾移山過射洪經綸韓范志

會計晏琦功七貴俱開府諸咸更總戎舊遊共陳實新緒說龐

公幕府星辰動天階閭闔通一門欣附翼累世夢飛龍自愧鮒

魚轍深蒙杏雨濃龍門初磬折虎嘯更龍從授館頻移駕加餐

慰轉蓬枯津承灌漑弱蔓藉帡幪屈指麟符賜並看螭首榮蓬

壺遙有祝青鳥下蒼穹

樸巢初成得二十韻紀之

山中老龍樹飲水臥河碣歲月迷先代風霜飽數圍鹿眠夢隱

隱蛟動舞頤質厚全疑朴秋殘小結緋亭烟疑遠嶂番畫寫
幽幃靈宛如環轍淒清可鬪扉藉弄无險幹覆葉即深衣屋市
一何幻舟居兩日非燧巢雷鬚烏鵲共精微望氣招僊李凌
波待宓妃練開三足影目送五絃揮首梵前溪渡濤松隔岸歸
寒郊吟未到瘦島佛堪屏拭鏡魚懸淚傾杯鷄倒暈枝迴藏鳥
道木末掛漁磯雲起浮空色絲遊釣落暉逃虛應自得獨立竟
無衣素志怡立澹潛身學遊肥掄川飲吾情寄食採他薇大樸
從今返道遙與占希

壽范異羽先生八十初度十二韻

昭代論才彥中區產俊英奎光臨楚甸嶽秀動陪京弱冠陳時

集詩三

美

要聲華滿帝城文樞資眾士經術濟諸卿骨鯁朝端望恩波里
閑榮娛親思畢養懷隱復歸耕已見滄溟涸俄驚大陸更談基
消蠱塊灑翰寄深情慈惠生民瑞文章盛代名松喬待歲永鶴
骨卜身輕九老胡公重千秋白傅聲淮王丹已就叢桂說長生
壽杜太母蒸人七十初度二十二韻

百年開燕喜一代仰龍光錫額標南紀紆籌侍北堂扈旗霞五
色鸞帟錦千行愛日尊詒軌瞻雲應壽戚文昌臨背樹武庫繼
當陽幾度池桃熟爭傳臺柏芳冠烏栖鐵柱木鳳吐天章慶屆
薰風候歡承化日長杖鳩仍綽約珂翟允輝煌萊絲娛難並潘
輿奉敢方起居端八座昌熾頌千觴卻鮓魚嘗躍栽桑海不揚

迎安依子含勝事邁仙鄉逸少矜傳筆方平待挹漿河山教補
袞榮或亦凝香鳳繼九苞起慶承一角翔比來真稷高幸已際
虞唐備福昭懸悅餘陰拂遠某天倫常有樂地德自無疆手握
冰霜古心欽雨露漢碧幢時折節丹較位騰驤衛壤微音遍欣
欣盡樂康

贈司李紳黃戴公

當代歌循卓羣知德業長韜鈴森武庫星斗燦文昌章相家聲
重馮君世澤芳興朝誇氏族綺歲對賢良璧月通長樂銀河入
建章宮雲開雉扇御柳點駕行帝念江淮郡廷詒撫馭方揚州
非昔夢蕪苑是巖疆妙選胡端望偏推畫少萬家驩呂杜十

集詩二

美

邑待龔黃下里人何幸高子意不念平反天並理政治精更張
賤子才構樂明公世鳳凰無能邀剪拂有意伴宮墻借寇迎車
轍攀稽到講堂訪公疑夜雪白月滿雷塘

巢民詩集卷之四

冒氏叢書

如屏 冒襄 辟疆

七言律

同孟昭蔭松看水繪庵畫地桃花夾岸即席限韻

寒食尋芳趁暖風隔溪桃盡畫堤中長虹倒飲流霞醉夾鏡分

臨半面紅返照更鮮疑雨濕曉晴殊豔倩煙籠綠茵卧看借雙

侶未許漁人棹向東

次日曉起大風雨不止重憶堤上桃花仍次昨韻

擬小桃源醉軟風一宵雨妬萬花中愁看麗陽參差影濕透殘

妝深淺紅無復香塵迷玉洞曾餘天冶待烟籠北齊兒文休相

巢詩四

問妍面芳華逐水東

堤上桃花盛開與諸友席地共賞重次去春前韻

昨歲天桃又曉風畫堤全墮紫雲中岸生錦浪銷池碧人在花

臺映臉紅王母祭霞臨上苑文君貰酒倚雕籠玉衡光照年年

色萬樹春鮮東海東

輓梁谿馬文忠公即用辛巳見贈元韻

識韓真不願侯封刻典曾傾春酒濃遲爾特開絲竹帳對公先

禮祝融峰五雲附驥悲霜賦壬午秋余同令子登乙榜長劍從龍殉夕烽還

憶聚星通晝夜雪花燈影照遊蹤余在巳赴楚衡道過梁溪先

詩

許忠節公以忠孝經濟白勵不畱意韻語辛巳余省親赴衡嶽

公捧檄東粵之惠來聯吳越七旬二千里衢江分路譚飲

屢夜不能別余以長歌述懷公荅贈二律去今十五年矣久

同先代師友鴻寶勒之貞珉偶友人徵公遺詩步韻奉挽仰

瞻天上痛極人琴又庚辰冬見贈五言古一章在公雖吉光

片羽在余為天球大赤矣

自是星辰躡履人周官慎典鑒人倫孤忠殉鼎光麟史正氣彌

天準易綸持縷精靈停嶽骨公殉節後一手持遺書清德拂牀

塵餘生偃蹇盟幽獨十載超然葆舊真

其二

巢詩四

遲我同升濟大川壬午余中副車公經歲拒腕總漕史公攀髯

忽死首陽巔數行紅血貽門內公殉節時以紅紙一葉書數語

之丹心耳用紅箋見男三尺黃麻繫日邊吳越山川借畫舫衡湘雪冠

瑤鑄大椿天挺一芝秀公太翁今年八十有二健金管千秋凌

紫烟

輓鄭超宗職方

影園終日共君行二十年來弔古情憂切廟堂時拍案事籌桑

梓大悲鳴須知自古無茲死差勝如今有此生補日浴天徒鬱

結經綸何處見分明

其二

牡丹爭賦鬱金香東粵連篇冠盛唐
屈社開蘭九畹疑隋舟
燦夜三湘徵君絕筆傷搖落仙客
同遊悵渺茫獨有論文驚座
客數句傾倒罄丹黃

其三

救荒有策屢馳書領原同輸四百
餘督府借籌咨澤雁強隣遇
雞肆濟祖代余爲食活行路終日
凌霜厭敝廬如此深仁如此
報魯門災反及鷄鷓

其四

冰雪雙攜絕妙辭篋中清玩屢相
貽西山墨寶橫三几南國芳
蘭列十眉殊色瑤晶通黑暗陸離
螺采貯香脾如今密邇惟難

集詩四

弟令子詞壇建大旗

追和顧子方西陵痛哭詩原韻

憶昔從親南嶽回梁溪高宴綺羅
堆當歌忽下窮途淚濺血難
逢化鶴杯異代短箋懷袖滅十年
驚夢羽書催如今夜向西風
哭應有泉臺共溯洄

乙未中元夜禮施食壇于定惠寺痛哭先大夫二首

腸斷孤兒此夕情去年今日此親
行盤盂几杖愴如昔笑貌聲
音痛欲生梵月聽攜翻淚海去年今夜月甚皎先大夫攜乳啼
慘切是雛嬰禮云哭親無常聲如嬰鵲聲雁語應相弔魂魄難
收到四更

其二

中元歲歲扶親哭淚眼縱橫二祖
筵忽下震霆頽太嶽獨流紅
血到黃泉痛追屢世成前古悔
得更生又數年老母幼昆雙倚
併夜臺相望幾屯邇

無大師掩關高座客秋相見以詩
示余今夏無忝重過白下因
倚韻和寄

歷盡中原破衲身竹關堅鍵識前
因庚生至再留今我萬死瀕
仍見古人朱嶽有懷煨芋青林
無髮岸綸巾齊年當日稱聯
壁猶記來游共撫塵

無可師樂廬聞先大夫訃音特遣
嗣君方田伯垂唁答和原韻

集詩四

竹關分手又三年師自廬山還白下甲午秋陪于竹關風木嗚悲共慘然在世

只教心化石于今誰信汝爲田焦
先已託蝸牛寄劉峻空論燥
溼絃令子長才能過我鶴泉猿
樹句應傳

田伯到邗以兵阻未過寒廬有讀
小二吾倡和篇見懷佳什次

韻寄酬

鳳閣晨遊成絕地鯉庭趨對又終
天尚多君念楓江句敢向人
稱秋水篇余小二吾朱亥樂遊屠肆日賈生愁說洛陽年茅亭
殘曲遲立對不道烽烟阻日邊

答和曹子玉民部寄懷四首

故人遙隔似蓬萊會寄瓊函江上
來研北烟雲凭目斷江南風

景待誰開鉅文模楷垂先式裕國經綸老異才更有孤貞堅晚節何須萬里赴輪臺

其一

魯陽日舍苦成低隋苑迷樓事久迷獻賦不堪懷薊北譚經誰

合使膠西立亭廿載思前事白下三秋隔舊栖乙亥同李舒章周簡臣曹公鉉

諸兄貢試澄江屢過子玉南園今二十三載甲午各攜兒應制舊京重晤曹象然先生席上亦三年矣為許陳人

重相訪覆巢枝葉尙成蹊余南郭巢居久覆兵火惟古樸一章輟轡無恙

其二

百二秦關阨戰場井陘車騎枉相當誰云老將籌多獲賸有書

生懶更狂金谷幾年成茂草寒灰一夜起微蕪笑余只合衡門

巢詩四

五

老菜甲攜鋤未甚荒

其四

濟世逃禪可共參應憐龐老事多愁庚生久寄維摩室隨掃新

拈若帚菴香筆杜蘅娛楚畹法書彌勒笑虞子玉臨池為世所珍尤擅畫蘭

之如君風義高千古舉世何當七不堪

戴無忝遁歸黃山貽詩三首言別疊用方田伯寄詩原韻晨起

追至十里許暫憩村茅脫粟一飯覓野航偕返倚韻慰荅四

首

浩然來顧正冰天柳標橫擔書一寫絕世心肝輸我半一門仁

孝君得全此時有意師相適異日無他亦可傳千頃碧虛圍十

畝且怡耕釣共年年

其二

未到曉鐘看曉天不辭歸去只孤肩古人既往真難久薄俗論

交冀一全我與而翁非貌友君從何處見家傳黃山縱有朝元

會願向羣仙借數年

其三

紛紛輿馬出江天為返高人幸及肩昨日嘯歌成涕淚一時缺

陷復周全茅亭偶憩黃梁後野艇還家白浪傳舉室救靈幽夢

恆通符相對當經年

其四

巢詩四

六

亂離誰復靚青天墻短曹鏹笑拍肩進履冲襟神自遠撫牀高

誼愧難全黃山銀海浮雲態碧落精廬隱志傳與爾棲遲三萬

日世間甲子不論年

疊和李寤生先生枉過小園見贈原韻是日余以讀禮家居遣

兒相迓梁溪王式九歷陽戴無忝咸晤于枕烟因來美并及

之

陂為門逕嶼為疆占斷平湖秋水強碧浪四圍鷓鴣屬國青巒隣

立雪堆莊白樂天有歸買雪堆莊之句媚幽客至尋烟語人畫僧歸累月忙

誰意竹溪來大隱山陰興後更何方

其二

傍水誅茅不借疆十年垂釣甫踰強枕烟倩鶴延裴迪湧月涵
秋待謝莊沈烟乃水繪巷內山亭鄒臣虎先生為余題湧月則
臨岸先祖大夫逸園水亭黃鶴樓下曹孟德古碑大
也篇廢蓼莪紅藥菱菽分菰米白雲忙陶家兒子無酬唱王戴
追隨或可方

壽許太舅大士誕日兄弟八十初度

平原津合義墳篋八表同開壽域奇百六十齊荆紫茂兒孫會

接桂華滋公家四堂一嚼珠耦叶真人應旌陽母夢金鳳降嶽剛臨

大士期夢入飛熊驚比翼渭璜雙釣帝王師

寄和靈巖和尚原韻

瓢笠空山眾所尊伽那古義且無論每將錫挂山中雪別有文

集詩四

七

招江上魂入夜魚龍甘自冷經秋蘭茝尙嚼寃相逢又作他鄉

客岐路憑君慰一言

郭瑞聖丈人隱城東宅荒少墻屋貧不出戶性愛菊今年奇早

扶植溉灌倍辛苦異種獨繁花放擇贈索詩高簡可述為賦

二章

閒情辟世補烟蘿種得黃花透屋多踏遍東籬榮冷秀影運高

士隱霜莎一生傲骨宜秋色終歲精神託晚柯頻贈數枝頻索

句知余逸興在巖阿

其二

唐亭舊記會開圃笠澤荒畦恣擷英進友二人怡古處獨淹三

徑與秋盟融冶冶搖中色簇簇離離譜異名孤節可貞兼介
壽義熙歲月寄柴荆

吳君實持鄒衣白先生扇陳邵公書過訪

延陵才子舊蕤農文譽登壇豈附庸博物獨澄千古鏡曠懷高

寄六朝松久依榻石吹春律為數花鬚趁密蜂樸本恨人無一

可得君晨夕覺從容

許蔭松為余築懸雷山成賦贈

劈開山水煥奇文結構天然迴絕羣拔地擎空分嶽秀迴青繞

碧見湘紋運思觸手皆名畫策杖通身是白雲痼癖烟霞今有

託谷成爲爾勒殊勳

集詩四

八

菊月晦前一日社集陸奠兩席上看張又琴美人卽席限韻

倚蓋相逢似孟年做幽應愧在盧前霜花夜合龍津劍鬚影香

吹蛟蝶細明月盡時珠有艷小春初煖玉生烟浮名蕉鹿渾成

夢會到君家便是仙

和劉震修小集海陵寓館卽席見酬原韻

麗譙薛荔影斜暉旅館因君興不違蘭芷色分高士傳芙蓉香

落美人衣玉纖賭酒師鈎弋雲剪偷春訝蝶飛琴生鬚蝶娟娟故屢及之

夕當年誰得似不辭爛醉到憲微

和張月坡小集海陵寓館卽席見酬原韻

曲屏樽酒久成空尙有茅亭海屋東名字漸隨秋草後交遊半

逐浪花中愁將白芒憐公瑾悞溼青衫學比紅客路喜君能命
駕十年懷抱更相通

答笠雲上人

亂後拋殘似古僧忘言終日語枯藤埋名怕著愁中賦應物還
看定後燈曾擬維那依夏屋此來融液是春冰之旨法喜相傾
倒何日同歸最上乘

題督府大司馬蔡公撫江重建滕王閣八首

使節雍容鐵騎秋重開高閣俯江流旌旗北望連天動鼙鼓南
來大地浮夾路十千排羽檄屯營五道列堦臺峴山碑碣何須
記別有元戎百尺樓

巢詩四

九

其二

禁廷拜詔擁危旌玉勒鳴鵬出楚城名勝驟添帝子色鏡歌還
唱大江清總持下國才元鉅經畧前朝事更榮贏得八公山澤
老願將叢桂賦鵬程

其三

侍朝當日躍青驄列郡今朝引上公人錫五侯齊太傅地分南
楚任江東譚言貢使羌懿舞節制兵農庾嶺紅更喜臨流成勝
蹟肯攜尊酒慰飄蓬

其四

匡廬舊事久堪悲共識中丞令下時鹿洞再沾新雨露鵝湖重

靚舊威儀越裳步將過塗毒鬚首蠻兵上酒卮况有伯熊真俊
傑儘教俎豆繼芳規

其五

中郎名裔冠纓擢勝尋幽慰客心泗磬嶧桐供柱史金鞍玉
馬映華林來瞻吳楚英雄滿歸衛星辰劔履深何處驗公敷教
化兒童司馬最堪吟

其六

高閣凭時鼓角喧洪都南下獵平原三千鳴鏑雕楹出十二繁
絃玉帳翻魚貫競傳白芒曲羽林遙駐綠楊村不須更作西山
雨此日隨車不可言

巢詩四

十

其七

射洪西上路蒼蒼昔日趨庭過豫章江勢遠侵城郭小山光倒
映薜蘿長遲迴北關心猶壯經歷東山興欲狂十載於今任飄
泊尙懷嚴武論文章

其八

衛青幕府將樓船移鎮淮南事競傳漕挽更饒天下粟度支不
計水衡錢梁園杖乘看誰長趙國侯嬴勇自先慚愧微才甘荷
鐻更占風雨慰年年

雨霽式九無忝過得全堂話舊偶出丙子秦淮大社姓名及先
人與鴻鉅往來詩文手扎披閱竟日卽席限韻

聯壁清輝照眼前開樽同坐蔚藍天廿年風節稽名姓七世
仍寄簡編人外不恣惟往事意中無可漫隨緣瑠鍤大業推諸
子應使吾家見數傳

丁酉中秋後四日陳其年方田伯吳子班劉王孫同兩兒雨宿
秦注寓館卽席限韻

交態驚看異世新流連風雨只斯人諸君合共連牀被顧我深
慚折角巾蕉鹿夢殘前事遠雪鴻爪寄此身貧莫言今夜難酬
昔受電甘霜一寸塵

其二

二十年來人斬新矧余年少不如人有時大叫徒脫帽對爾潛

巢詩四

上

辛一岸巾飛溜下懸應壤陸白波頻捲未全貧休將故友填胸
臆滄海于今已化塵

杜于皇客水繪九日同登懸露小山限韻

扶病登臺隨好友幾年鏞戶此逍遙同人古道照秋色落日晴
光戀碧霄萬木未凋遲塞雁迴溪無渡到山椒白衣不歎無消
息飲罷重過酒似潮

寄贈總憲龔芝麓先生四首

萬邦爲憲立朝廷薄海人倫總乞靈目武獨稱眞宰相指南爭
仰太微星十年風勵羣工表九月霜清衆正形天外高峰難揖
向獨傾肝膽到支亭

其二

龍馬精神秀孔鸞燄光千尺起星肝方圓肖物歸元化先後提
衡與大丹義府崢嶸籠蓋代龍門縮瑟戰驚瀾禮殿百辟手稜
峻獨許陳人磬古歡

其三

天才冠世擬飛仙恰匹仙姿絕代妍千象凌霞驚彩筆橫雲却
月鬪青烟殊倫鏡水秦臺照並蒂紅香嶽井蓮兩國艷傳徒好
色白門楊柳是朱絃

其四

蕭瑟蓬鬢不勝秋沉痛孤生已白頭身似髡松枯化石夢迴屢

巢詩四

上

海幻成樓久諳霜雪悲搖落每藉天風破劇愁二子萊辱慚弱
羽難承卵翼向皇州

客海陵間龔孝升先生將至邗上先寄二首

通夢交魂七載餘忽傳紫氣映吾廬扁舟恰值山陰雪攜子眞
同趙括書曾見猶疑應不遠未逢惜別更何如詩情酒興渾非
昨蕭瑟寒江一凍漁

其二

之死之生人外人獨聞君至便縈神十年知已無餘恨一夜相
思正小春傾倒劇愁非涕淚流連故舊是遺民蒼山白雪聆斯
語舉世何能更比倫

許力臣席上同孝升先生仍用海陵樓頭韻

相逢不分是今年縮地凌雲把臂前進酒共攜青玉案勒銘何必紫金鈿漫疑枯爨生紅雪共指春潮下綠烟長夜與君宜酌酌任教屢舞自仙仙

閩張穉恭中翰至淮寄贈二章

傳聞斷詔下黃河京兆張郎佩玉珂鳳詔羽鱗排紫極龍池風雨靜寒莎呂梁降帛星辰合蒲坂迎神劍騎多不有舍人歌絕調陽春那得慰蹉跎

其二

曲江當日下長安玉壘高歌道里寒豈謂十年經戰伐重看關

集詩四

三

馬簇金鞍救時宰相名非易定策中朝事更難亦念子雲愁寂寞立言法語暫相寬

秋日寄趙友沂燕邸聞候考中翰故未及之

長安子舍又驚秋絕調人稱趙倚樓柳下官資恬鯉對橋門麗澤快鴻傳酒眠燕市懷良玉琴碎胡牀驟紫驢聞試鳳凰池上席花香三殿繼嘉州

輓劉峻度陳少君

笛弄梅花不忍明霜風灑淚溼江城難將倩女還魂術重到天台聽珮聲玉岫雨時蘭夢冷銀缸香散蕙幃輕後庭畱得鴛鴦帶前度劉郎此日情

贈丁菡生隣僧

文悟於今見貫休鐵心掛錫在林邱亭開萬竹烟鬢擁山背長江白象浮黜慧有鋒叅月觀杜門無礙即雲遊浮生四十如彈指手撚梅花香正幽

冬至慢菴姊丈五十

亞歲迎陽欣令節况臨狐瑞正知非詩篇晚擅如高適學道先幾是李頎引算鶴籌添刺繡戲斑兒女共衣緋觀臺此日書雲物南極光華動少微

戊戌三月二日丹兒二十生日書示

已卯之春最殊異獲祈母壽又生兒兒生二十母轉健觴我兩人兄相隨李氏花萼稱交讓阮家竹林咸工詩獨恨大椿凋白日一堂三世喜還悲

集詩四

四

其二

太史南遊會稽日賈生超拜大中年用世不願汝蚤達成家無愧師前賢勉之萬事只恂讓樂矣千秋是簡編但得天倫存內美何妨肥遯守吾玄

花朝燕集水繪菴是日諸友沓至獨顏子不踐夙約座有姬人佐酒陳九搗鼓月下

春半蓬蒿鎖麗華重來觴詠自天涯梁鴻高士雄吳會張緒風流繼永嘉度曲玉兒雙戲蝶填詞羯鼓一催花不期咸集真芳

誰獨悵狂顏去別家何尚之問顏延年日誰得卿狂

新竹限韻牆字

昨夜龍孫柝紫房離離新粉化清霜暈檀烟曉嬋娟影寒玉香
生辟荔牆淺韻未堪吹解谷微痕端合畫蕭湘舊枝敗籜秋風
盡千尺爭看爾不傷

許力臣師六掩關宿影亭賦贈

玄亭花竹鎖逶威玉友金昆共董幃午夜虛窗燈語石晨風悟
境鳥巢衣掛摩長夏心如髮會獵清秋戰正肥獨與陳人密來
往靜香空碧月依稀

秋集水繪菴喜郭振兮許山濤歸自別館

集詩四

五

雨餘林木澹烟虹寒碧筵開秋水中逸世才人元離俗同心香
草共臨風昆吾賦就情何俠丁卯橋歸句更工把酒細聽菱唱
遠莫辭爛醉夜融融

十六夜重集洗鉢池看月卽席同諸子分賦

中秋昨夜明千里更約同人待月來碧浸一池迴几席光臨四
面出樓臺曼聲似髮雕烟玉靜樹如山落酒杯客散扁舟未歸
去涼風白露獨徘徊

咏白秋海棠

自昔嬌紅惜斷腸何來皎皎發孤芳清秋小讀謝莊賦明媚平
分號國妝玉砌夜涼殊寂寞紗窗露迥更更涼金衣蛺蝶如相

過悵戀何郎是舊裳

九月先約諸子懸壺山登高雨阻敝廬有作

共訂登高懸壺北連綿夜雨到如今陰晴變態元無定九十秋
光未可尋把酒一庭難訪菊論詩永日欲張琴更聞齊唱梁州
曲蕭颯風高滿竹林

戊戌仲冬九日陳其年初過寒廬集同人卽席限韻分賦四

首

吳代論交風雪寒飄然書劍淚痕看樓松化石今餘幾風雨如
期古所難對爾鬚眉堪共照問他薇蕨許誰餐霜天片月當年
白蕭颯西風夜未殘

集詩四

六

其二
會獵秦淮勝事繁廿年何事不交魂求仁豈讓諸生賤表義方
知吾道尊追憶其年尊公定生及今師樓山舊日肝腸爭雪皎客冬蜂蠶尙雲
屯到門握手譚遺逸再世餘生尙強存

其三
文虎人龍際數奇牛衣皂帽總相宜隻身湖海公孤後匹馬江
天日月知藝苑獨當稱李廣瓊函今得見波斯高燒銀燭頻驚
喜不負經年百爾思

其四
痛哭無能託醉歌恒耽絲竹廢三多夢環雲鳥迷鐘鼎身癯煙

其四
痛哭無能託醉歌恒耽絲竹廢三多夢環雲鳥迷鐘鼎身癯煙

霞補薜蘿賴有侯苞頻問字何當剡棹重相過枯髻瘁髮千秋
在門外何人許負戈

冬至前五日余公佑石尚卿許子公兩舅氏招同諸子陪讌陳
其年於得全堂即席分韻五微得二首

朔風齧發一陽微詩酒同人興不違玉律暗通枯管色華筵頻
做敞廡扉青霜破臘庭梅瘦白戰爭雄原獸肥回首客冬今夜
醉明朝驚犯虎狼威

其二

酒勇能令寒力微野杯况復鬪珠璣天才冠世真無敵前輩餘
風或可幾城角夜闌翻激楚江天歲暮見柴扉不妨密訂三冬

集詩四

七

約戲海孤鴻久息機

十四夜月下同其年限韻

瑤臺何處漫相逢霧髻烟銷一笑容紅豆乍拋私白月彩雲過
眼習青松錦鴛護水橫陳冷从鳳盤釵倒掛慵儂去不甯無限
恨薄金霜擁正孤冬

次日泛月同其年仍次前韻

剡棹應從雪裏逢融和歲晚泛烟容寒香月上文君酒仙珮笙
雷鶴嶺松密約暗從杯底得歡場誰惜藥爐慵石橋冰興梅花
影小立天街踏暮冬

已亥人日喜禾兒舉子彌月

一月俄看添一歲恰逢人日際辰靈李端人日詩最靈辰瑞圖金勝迎
文祿玉樹芝蘭愧謝庭老母七旬曾入抱華筵四世綵為屏他
時非分吾何望願字青箱紹一經

飲達旦即席分得六魚
生死論交碧落廬到來把手更躊躇蒼顏帶雪磨千古紫氣凌

空灝六虛東海波濤醜昨夜時海波驟溢洗鉢池水添數尺半天星斗下庭除
蓬門兩啟為陳戴斯世何人射大魚

其二

安道難碑仍有子太邱桂樹茂如初廿年舊誼成先代千里咸

集詩四

太

來共做廬此夜借燈兼得月當時人友愧存余更闌萬感填膺
起擊礮飛聲徹紫虛

如春九日為無譽弟賦花燭三首敬步先大夫癸巳如春十二

日寄禾兒揚州婚禮成元韻先祖大夫曩為余詩寓規于喜
先大夫示禾兒則喜而寄慨今茲吮筆則喜不勝悲也

戲蝶春光上玉墀英年小季得紅絲弟為太史富紫立年兄婿家承甲第雙

金榜人自瑤臺共錦帷奕世此時攀月桂先少翁以十六領他賢書弟適符其歲
年待爾振風儀莫矜才藻耽花燭淑慎禔躬正在斯

其二

一雙兩好羨娟娟轉憶吾婚三十年重慶齊眉膺紫誥列皇御

極比元延宜孫載咏揚州月兩世珍傳祖德篇今日暗傷難竟
說成行小雁勝從前先君傳余三十四無弟今兩弟漸次成人

其三

百花爭笑夢寒溫三值花朝合香樽余婚二月十四天兒十三今弟初九成在花朝前後

明崇睿風宜抱子老夫客臘已添孫管纓勉紹前徽澤高厚難

酬慈母恩鸞鳳自羣稱大壽疊看喜氣映吾門弟育于老母懷抱愛踰已生今

冬正六十亟命先合香而後稱躬也

澹生較書今春持其年文友贈詩來訪余適戒韻居鄰水繪日

弄烟雲五月未成一字七夕後二日忽欲歸淚痕交面兼索

別詩秋士傷離頓嬰小欲枕上嚙語次其年元韻二首倩筆

集詩四

九

書送遙望輕舟不殊河漢江南諸君子見之應為余重和也

瓊才女俠唾彫銀奔月飛仙許結鄰醉臥只教人似阮下樓恒

笑鳳非秦畱香每自私圓夢握杜憑他字細辛甘載江南佳麗

盡對卿若个不稱臣

其二

姑射丰姿雲化銀涉江五月託芳隣載來西子元家越歸去羅

敷不姓秦時僮生有文君之遺封到酒泉無勁敵釀成花蜜半芳辛燈前

婦子新秋淚蕭瑟西風起雁臣

和劉漢臣秋夜集水繪菴風雨歸途元韻
半陂以外溪無盡楓葉芙蓉秋滿山有客到來詩共酒無人獨

處懶宜閒一時願學皆王謝永夕深譚繼尹班飛溜忽懸衝滑
去夜天風雨碧潏潏

投贈王阮亭先生有引

阮亭王公青社名家烏衣才子令世父與先君講同年之誼

令大父於鯁生蒙國士之知累世清通兩朝華要阮亭蚤年

赴洛識陸氏之機靈壯歲入關推謝庭之覽舉近膺新寵特

命平反家在魯王宮側珠玉為心官居太子樓傍綺羅作質

憶叨高門之垂蔭世許登龍今為屬邑之編氓城名射雉短

章誦德以誌勿諉

廣陵垂柳碧紛紛竹馬踴躍識使君花落訟庭春已暮吏歸仙

集詩四

三

署夜初分詩名清綺同韓偓門第風華本右軍玉管牙籤誰不

羨一時江鮑盡相聞

其二

貂蟬奕葉重鸞坡登歲金門驟玉珂齊國山川天下少王家兒

弟傳才多芙蓉府內呼仙吏明月橋頭聽雅歌數世通門情不

淺刊溝重許浩恩波

客邦上候阮亭使君不至

津樓絲雨灑疎鐘閣外青山碧數重病客荷裳增躑躅仙官滿

緩自從容隋堤衰柳殊相憶驛社明珠豈易逢髯鬚隔江初月
在風流濯濯想王恭

和阮亭秋柳詩原韻

南浦西風合斷魂數枝清影立朱門可知春去渾無跡忽地霜
來漸有痕家世淒涼靈武殿腰肢憔悴莫愁村曲中舊侶如相
憶急管哀箏與細論

其二

紅闌紫塞畫飛霜顧影羞窺白玉塘近日心情惟短笛當年花
絮已空箱夢殘舞榭還歌榭淚落岐王與薛王回首三春攀折
苦錯教根種善和坊

其三

無復春城金縷衣斑駁蹀躞是耶非張郎街後人何處白傅園

集詩四

五

中客已稀舊作浮萍隨水去好從燕子背人飛悞傳桺宿來天
上一箇風塵萬事違

其四

臺城隋苑總相憐憶昔繁堤并拂烟金屋流螢俱寂寞玉關羈
雁苦纏綿十圍種就知何代千縷垂時已隔年最恨健兒偏欲
折涼秋問道又臨邊

過海陵與鄧孝威話舊得四首

十年詩賦共琳瑯昨歲秋風失雁行南國上書聊復爾西園一
晤渺相望錦衫入月翻埋照丹桂攀天落異鄉何似草玄仍寂
寞故人重對倒壺觴

其二

蕭條世外與天遊陡地狂猜竟作讐幻影山魑憑惡夢無風波
浪到虛舟破家此日元為福下石何人未敢尤閉口磨兜兼閉
戶偶來文晤已深秋

其三

浩空望氣俯層霄客舍中秋共廓寥十載清溪重得月幾人藻
思湧如潮百蠻開詔借仙侶憲署題詩憶舊寮金馬浮沉音信
杳燕雲翹首倍魂銷

其四

顏子扁舟過我時持君尺素定相知追隨舊社名人輩孰讀昭

集詩四

五

明文選詩說項三年稱巨擘為韓一日置蛾眉于今名振家成
後翻有微辭憾敬之

贈羽步四首用與蕊儂倡和原韻

才僂女俠眾緣疎瞻麗真堪斑斑管書恒笑鵜鴦俗鳥生憎鯨
鯨類搖魚標縹萬卷宜環汝玉塵千言待起余入蜀漫珍洪度
集攬君奇秀欲難除

其二

浪說能傾笑一城芙蓉仙堞見瑤英藕綃退繡靴芸蠹麝粉銷
香冶墨兵孤影伴琴跣避地雙心託劔學無情東陽腰減文園
病不獨詩成太瘦生

其三

寄跡繡書擬一遊鴛鴦罷夢狎輕鷗桃花不辨人間路銀漢疑
從天際流東壁光借徐女燭西園月閉謝庭秋蓬蒿亦有知書
婢絳帳移春當剡舟

其四

茂苑曾停煖玉杯遲留竟被落花催當窗潑墨三峰秀倚馬揮
毫五色裁殘臘何煩青鳥使經年徒負絳僊才遙聞悞托葦葭
侶漫和聯詩寄七哀

辛丑端陽前三日借諸子觀競渡于邗江憶庚辰五月與陳百

史徐巢友榻影園鄭超宗社集黎美周萬茂先茅止生陳旻

集詩四

五

昭卽席分咏歐陽憲文先生又招舒魯直劉阮仙周我容梁
湛至瓜步舟中鷓鴣屢日今辛丑閱二十二年而子然獨存
惟余不自知其死生孰是也浩歎一詩并呈阮亭

隋帝龍舟事尙存偶來吊古獨聲吞廿年重探揚州艾一賦難
招眾友魂冰雪壺中思舊令垂楊影裏失名園桃箋寫恨誰曾
見惟向王恭盡此言

丙申午日張素生較書自吳門過訪時盈盈十五也今重見于

邗上又恰當競渡之辰與諸同志卽席限韻又賦一章爲贈
鬢簪重插五色絲石榴花下展修眉何來此日行雲夢猶似當
年破玉時朱雀舊綠餘我識幽蘭微笑只君知更憐一種秦淮

意小立含情繡帶垂

譚灌湘太史歸養恰值太母大壽舟過邗江二詩寄贈

五絲重向畫屏懸正值僊官畫錦旋蕭統樓頭秋渺渺楚昭宮
外月娟娟賜來香藥都堂饌載得鸞旌太乙船此去湘潭饒橘
柚懷歸好薦彩衣筵

其二

江徽推蓬夜未央昨年把袂在維揚九秋離別翻隋苑四海交
遊只楚狂桃李驚聞充上國護花劇報媚高堂邗溝紫氣依然
到媿我支離避世牆

寄阮亭使君卽次鑿江舟中見懷原韻

集詩四

五

官舫青簾夜渡時使君高咏正堪思五更玉笛迎秋落千尺銀
河拂地垂江畔忽逢何處雁月中偏寄最高枝西風瘦盡東陽
沈常把瑤華憶獻之

贈水部李仲卿先生丈蘆按下巴先君同門年伯之玉友也

鉅公乘傳出皇州銀戟華旂擁八騶水部更兼廉訪使星郎還
領富民侯三江按節蓮花幕五月鳴榔杜若洲自是廟堂勞轉
餉東南杼軸亦堪憂

其二

金昆釋褐向明光先子當年附末行世換忽來蕭相國情深猶
問沈東陽兩家舊事慈恩塔數載閒居道政坊昔日齊絜驚尙

在感公高誼更難忘

馬四舅氏邗上訪醫回余杜門懸雷山梅花下攜新詩過存卽

次元韻

鐳門久學石頭頑舅情深密往還春興短筇行藥返古香絕
壁似雲閒講張物態憐魑魅構鬪人情任觸蠻吳洛音微俱不
似願從肥遯只看山

端陽前二日聞兵憲杜子濂先生按部先寄二首

翩翩旌節駐江鄉吹角鳴鐃七寶裝按部自來秦郡縣傳家不
讓杜當陽紫駟帳後人如月綉甲軍中隊似霜最是孤城勞保
障每瞻山斗藉輝光

集詩四

美

其二

昨年杜母來天上曾到蓬蒿仲蔚居三徑蕭疎迎衮烏一尊繡
綵話樵漁重過還擬仍陪讌別後何當數寄書懸艾持榴佳節
近東山絲竹興何如

巢民詩集卷之五

昌氏叢書

如皋 昌 襄 辟疆

七言律

喜周櫟園先生南還述敘四首

當年秉憲待澄清海兩江煙奏洽平帳後生徒多庾鮑軍中音

樂雜咸英安危命自關君相緩急公真是父兄百十萬家垂涕

語月明還記亞夫營此言先生備兵維揚時事也

其二

極天烽火逼家鄉泣卧牛衣祇自傷詎有琴樽關盛世翻傳纒

幣到茅堂表誇文舉書猶溼絲繡平原線每長獨愧衰遲虛剪

集詩五

拂十年岐路只相望兩成直揖姜公欲疏薦余先生又以此地方真才特薦感知最厚也

其三

別後翻飛卧草萊冥鴻繪復相猜入秋擬作閒居賦垂老慚

非入洛才瓜步瀟寒魚佛鬱廣陵霜勁雁徘徊誰憐夫子南冠

日余亦傷弓迥自哀言先生蒙難連年余亦憂生屢歲也

其四

隋堤風物報高秋驚喜重逢太子樓萬里生還人盡慶一燈客

話我偏愁情淡阮籍終青眼事去侯芭漸白頭莫戀東山絲竹

好廟堂雄略待公籌言今秋重遇先生于邗上也

中秋後一日壽馬五舅氏六十初度

狐瑞筵開當六十碧天晴色瀉南窗生平排解先生魯晚歲躬
耕處士龐百歲杖鳩還過半中秋玉色又成雙黃花白雁堪浮
拍莫遣雄心老未降

其二

七旬老母堂前坐諸舅相看總白頭每為兵戈勤慰藉共聯花

萼好綢繆最難骨肉杯盈手如此乾坤月滿樓長嘯海天元自

潤捐雲玉樹况偷條

贈施愚山學憲

仙郎彩筆歷羣公此日還觀大國風訪古每懷秦帝輦論文直

到魯王宮百年華髮乾坤裏一曲陽春海岱東聞道講堂連日

集詩五

觀金泥玉管舊時雄

贈鄒訥士進士

茱萸灣畔蜀岡頭此地相逢共勝遊彩筆舊題鸚鵡賦錦袍新

賜鳳凰裘六朝隔岸人吹笛一雁橫空客倚樓愧我放園淪落

久不堪酬唱擬應劉

艷月樓蠟梅盛開與孝威其年輟耕諸子即席分韻

小樓縹緲倚深闌手種黃梅一樣齊天與檀心娛歲臘月來椒

壁映東西即花是蜜蜂俱化有色因香雪不迷折向曉妝臨玉

鏡眉問額上費端倪

贈黃坤五太史

當年鳳闕早鳴珂銀燭朝衣晃御河詎料餘生悲玉馬却令拄
笏看銅駝徐陵哀怨梁朝最班固文章漢室多莫謂武夷山水
秀揚州烟月事如何

送陳階六黃門參藩八閩

廿年同學復同裳我自塗泥君鳳凰此日滄洲驚節鉞多時驛
路候餘皇人來北斗薇分紫星落南天荔正黃莫道炎荒爭負
弩江樓吹笛暫飛觴

答贈李呢瞻司李

十年淪放無新友陸地揚州得見君高致滿懷生氣韻曠才落
筆卽烟雲青蓮苗裔皆仙品華嶽英靈擅鉅文車笠自茲成夙

集詩五

三

好千秋應不悵離羣

邗上望張螺浮黃門不至

不見海鹽張給事五年魂夢到金臺甫聞官舫離天上急棹扁
舟傍水俱搔首津亭風物換驚心候吏信音猜廣陵濤色明如
晝疑爾麻衣帶雪來

戴務旃無忝兄弟深冬過慰志感

衰遲貧賤孰相存特地過從感弟昆裂石片言銷薄俗凌冰千
里聚寒門學從鐘鼎追無畫人在漁樵並絕倫扶病共君勤析
理眞留古道照乾坤

答寄吳采臣憲副

鵝鵲樓前侍從臣宮袍躍馬帝城春太行晴雪開軍府恒嶽丹
霞隱畫輪寄遠重勞紅錦段懷人細寫白羅巾金門前席還相
待早晚綸書達紫宸

送公儀弟廷試北上

酌酒離亭夜未闌送君此去向長安金臺春曉宮鸞鳴漢苑花
繁寶騎看三策雄才應召對五傳先代總鳴鸞雁行駿業雲霄
上老我荷衣拂釣竿

寄吳梅村先生四首

當年盟會及江黃鞭弭曾經事末行四海珠槃紛絡繹三吳玉
勒映輝光故人裘馬麒麟閣愁客鴉花翰墨場壯不如人臣自

集詩五

四

愧淡公簪筆賦長楊

其二

鹽官留滯歎蹉跎遺老飄零事若何萬里烽烟橫白雁五都荆
棘沒銅鉞遙瞻吳苑鄉關隔近接邗江涕淚多聞道子山消息
在白頭紅豆只悲歌

其三

昨歲懸弧亂後身年逢五十歎逡巡蓬心自折秋風裏馬齒愁
看滄海塵潘岳二毛原合老相如四世肯辭貧高文特荷千秋
筆華袞傳來爛似銀

其四

衰賤深慚禮節疎毛公恰喜到寒廬遂令研北三冬日又得襄
東一紙書生幸同時艱會面君應憐我只離居兒曹負笈看來
歲先向空江寄鯉魚

答別毛亦史即次見投原韻并致梅村先生

文章夙昔寸心知老去淪夷不展眉廿載蕭條同墜葉半天風
雨覆殘棋憑他吐棄甘雞肋與世浮沉號鹿皮特枉高賢勤訪
問當年古誼尙如斯

其二

木榻孤眠眼倍醒問奇人到媿玄亭開械北斗瞻三象落筆雲
雷探六丁拔地龍光看劍紫梢天玉樹起惹青蝸牛縮瑟悲生

集詩五

五

事誰道江泉處土星

其三

風波尺水湧巒塘盡日忘機讀老莊破臘忽來金石句令人如
握杜蘅香半穗可復羈神駿入室從今得藥房來歲同心欣有
託一泓十畝卽三湘

其四

一紀魂生聚窟洲恒思辟穀擬爾侯心枯漫學稽偕阮墻短難
隨曹與劉水木自清聊遯跡園蔬間采乏嘉羞故人天上歸相
問爲述張衡賦四愁

阮亭使君傳蔡三兄見余書屏倩索箋扇今夏尊大人按部特

駐節荒園式廬之後繼以旌門乃以臥病不克往謝寄懷二
首

尙書羽蓋靖淮天七萃車徒橫海年久識簿屏推庚亮特臨蓬
草進彭宣謬當垂顧真無極聞說還朝正黯然公子更能憐筆
墨好憑尺素報僧虔

其二

元侯門第綺羅重食邑行看大國封玉出藍田能射虎珠生青
海本從龍觀親夜嘯南樓月入直秋聞北闕鐘自是中朝褒鄂
貴牙袍畫戟禁烟濃

水繪菴送方謙六之燕喜坦菴年伯伯母及諸世兄入關客夏

集詩五

六

小阮長文過我五旬今與謙六又共歲寒兩月病子支離之
苦與衰門詭詐之狀曾入見聞趨庭之眼當爲及之

茅堂兩月共悲歌送子辭家意若何萬里窮邊迎白髮五更獨
客走黃河長途斥堠烽烟盛逼歲資裝雨雪多自是天涯懸老
眼揚鞭速去莫蹉跎

其二

廣陵傳語到江津從此南歸信息真乍聽也應狂脫帽徐思轉
歎淚沾巾三年骨肉愁中話百口關河夢裏人我亦憂傷無可
語好憑萊彩寄艱辛

贈別吳子班四首

秦淮秋別繫遙心忽地蓬蒿紫氣臨千里寒江迴古雪八年清
夢慰孤琴應徐辭賦供揮灑唐宋圖書恣討尋十日淹留行復
返嚴冬霜色正蕭森

其二

三十年前典驕驩與君先子抗同行大文共壯風雲色浩氣常
流日月光偷息荒原慚宿草漫勞高誼賦登堂深燈夜語思曠
昔勝事當年未渺茫

其三

餘生霜刃得沉冥七十貞榮護滿庭節義直教追范母慈祥應
自毓庚星力田手獻西山菽誓墓重新一草亭有子如君真壁

集詩五

七

立好畱先業付丹青

其四

陽羨書生六載同今年奔走歎飄蓬到來良會成風約相聚寒
廬總禦桐無事可為聊潦倒莫言不遇逐西東願君別去磨冰
雪記取千秋一寸衷
壽鄒訂士母太夫人

綺席高張響玉輪欣看設悅此靈辰羣仙繡嶺貽紅雪中婦雕
盤鱸紫鱗闔內何人如壽母膝前有子是名臣遙知午夜談天
口細說三湘下鳳麟

館羽步于深翠數月昨復投詩次韻和答

玉簫吹做擬仙遊擲拂逢君可自由煖老久虛懷玉夢惜春何
事枕花愁英雄議透情無限俠女才高志未休莫羨鴛鴦賦黃
鳥繡書同面百城樓

其二

假館繙書愜二遊恂人何必問行由奇情獨覽孤峯秀快論爭
翻絕調愁梅寫蒼藤欺六出鳳彈綠綺慰三休一層更上超凡
壚與爾同登謝眺樓

癸卯季春望日余齒五十又三老友蔡孟昭攜六如先生四十

自壽詩畫涉江見存務旃重臨長幅其年和唐韻為祝余亦

自壽

集詩五

八

半百加三久病身時當穀雨未經旬新衫遺試先愁薄舊友重
過不厭貧東壁圖書添寶繪北堂護草正長春幾年樂事惟今
日聳骨猶能作健人樂天云老核于君年幾許今年半百又加
二東坡云白髮蒼頭五十三家人強遺試
春衫東野云聳我殘
病骨健如一仙人

王西樵司助典試中州便道省親邦上時令弟北山黃門典試
南省阮亭使君復典武試子側捷音適至一門盛事故并及
之

鍾靈元自魯王宮峻嶽魏我泰嶽同家盛六朝承漢系名先諸
弟拜山公五千禹服雲霄上二百周官水鏡中出握明犀窮海
藏日華賦裏識英雄

其二

鹿鳴歌罷祝堯賀令弟官衙此暫停鼎養椿庭如北斗省闈雁序又南滇歐蘇盛事仍邗水桃李濃陰上鯉庭况復主裁文武並金陵雪苑著丹青

王北山黃門省闈典試竣舟泊邗江貽詩見存賦贈二首時有納姬之喜并申燕賀

木天鴻譽擢清班袖滿香烟近袞顏正色立朝隨玉輦掄才拜詔到鍾山賦成五色門牆麗帳擁三吳絲竹閒駐節從容欣識面紗衣投好在邗關

其二

集詩五

九

邗水停橈十月時小星輝映理紅絲移來藻鏡看吹鬢夢得芳毫學畫眉筵傲人皆廣葛藟更深吾獨咏能熊座隅景仰慚兒子願附公門桃李枝

冬日邗上與盛珍示論文匝月一詩贈別

竣譽當年檀栢梁文壇樹幟久相望令師絳帳傳鴻寶兒子牛衣愧雁行一棹幸逢披素雪三冬相對擁縹緲曲江冠冕看來歲應有卿雲繞鳳凰

贈王元式珍示元式皆阮亭先生門下士阮亭命之與禾丹修

世講之好

雲上丹梯折桂枝追隨壇坫愧吾兒三年雲外通遙夢十月霜

前慰所思玉殿紅綾行賜餅隋宮黃絹坐題詩相逢最喜兼師友帳敵扶風共酒卮

烈女詩為王幼華進士幼妹賦

夏陽女子勝男兒樹節全身事亦奇豈畏金刀懸虎氣故從得并葬蛾眉百年未遂紅絲願一代看垂黃絹碑遙望秦川三尺土不因青塚使人悲

湯宮若過訪贈別一首並懷尊公楊菴先生

寒風朔雪滿江村上客扁舟枉見存隋苑柳搖新白髮邗溝月照舊朱門纔逢洗馬驚雄辯但說鍾期有淚痕歸去好隨彭蠡雁為言衰謝負師恩

集詩五

十

和崇川守畢載積歸田元韻四首

畢誠繼躡返林樵前代烟霞屬大僚鐘鼎舊銘娛暇日薜蘿新服宴清宵五山碑碣孤雲杳萬里關河別雁遙况復北堂增壽域肯將謏草易金貂

其二

谷口高風不受噴稜稜霜雪照君身夢迴官閣心無繫人到家山事始真循吏名傳馳十部歸田賦就冠羣倫東南民瘼需良牧未許齊州老逸民

其三

屏跡年來事獻仙滄江堅臥老會田時吟郊島逢烟客問嗽瓊

瑤有石泉如我孤蹤徒落落羨君腹笥最便便相思只憶南山
句青鳥孤飛尚未還

其四

壯歲相看彩筆斑扁舟歸去隔江關風寒驛樹人千里月照淮
河路幾灣紅藥種來聊自適碧苔長就倩誰刪從今醉酒添愁
劇極望孤雲是北山

答贈王西樵司勳卽步癸卯冬見懷原韻

昨歲秋風謁阮亭凄然對擁髻鈴峴賓鴻莫向城頭過夜雨知
從枕上聽仙吏歸時顏合老野人喜極涕偏零相期共貫中山
酒千日何須一日醒

集詩五

十一

其二

風雪圍爐煖芋魁喜傳芳訊自蓬萊經年急難惟賢弟一紙淋
漓見異才纔到鍛時吟更好桐當爨後調增哀也知鄧尉花如
綺欲共清狂岸噴來

四集分咏水繪菴泛月得八庚

池上橋邊光盞生畫船直入鏡中行紛紛白映涼于水澹澹青
來烟有情時值炎蒸秋氣盛八同冰雪夜遊清曼歌徹底簫聲
遠眠鷺汀沙夢不成

六集和其年畱別原韻兼寄阮亭先生

有序

其年讀書水繪七載昨歲下第決計遊燕堅畱不得過邗江

王阮亭先生適館數月力勸仍返東臬書來云幾竭蘇張之
舌快聚月餘與學詩諸子屢日一倡和今仍從邗上暫歸陽
羨因錄諸詩付其年寄阮亭評閱世交知己古雪白心如余
三人正未易多得耳

燕雲回首一舟橫轉憶蕭齋罷遠征世外交深情不倦意中人
到眼偏明風塵何處容書卷農圃相依見老成一月賭詩兼縱
酒齏歸卽至在秋生

其二

王恭書至落銀河勸爾東來喜若何蓬榻重開仍數載邗江密
邇更頻過鑿空毫髮水壺澈吟動微茫水事多若到法曹煩大

集詩五

三

手爲言凝望莫蹉跎

八集戲贈小較書掄波

老我驚看秀色深麝羅衫袖映瑤簪慣逢仙李應凌俗曾遇秋
胡不見金學寫三湘香在手偷呼小字巧生心白門楊柳金閨
月誰遣風流向至今

中秋遊人縵泛水繪菴競載花燈烟火徹夜不散一詩紀勝
中秋恰值秋分節火樹燈船賽上元何處得來人意興最難都
到我邱園夜珠顆顚迎明月烟水鱗鱗上碧軒達旦不休歌板
徹百年曾對此芳尊

惺菴上人九日持亦史家書來促歸賦贈

重陽菊下正傳觴忽有孤僧到草堂為寄倚閣書悵望頓令遊
子色蒼黃歸期屢易應飛渡假潤無多可束裝若見吳公深感
勵十年泉下發幽香

同王阮亭使君洗鉢池泛月

如海春光縱晚晴扁舟直繫五湖情夾溪漲合浮天鏡午夜詩
成擲地聲顛水燈繁樓倒入邊雲歌裏笛雙橫鉢池浩淼魚基
曲誰復知從門內行

其一

酒闌詩罷更清遊共坐三吾萬境幽各踞巖巖窮夜色下臨孤
嶼傲滄洲千林碧外紅燈隱一帶霜明粉堞收揮塵暢譚名理

集詩五

七

盡曉鐘聽打興仍道

送王阮亭先生以儀部內召四首

過江門第數諸王海岱雄風領八荒塵尾家隣華不注烏衣人
是北中郎三槐榮戟顏如玉七葉貂蟬笏滿床年少天高還建
節賢聲赫奕播明光

其二

廉泉聞道是邗溝草長鶯啼掾舍幽夜月書聲搖畫艇春晴吟
屢響紅樓政成世始奇才子情重公偏問舊遊六載隋堤楊柳
色依依今日為人愁

其三

續奏循良詔使來仙曹粉署日邊開雲屯綵仗千官侍帝發金
錢百道催主客風流新謁者辟雍典禮舊容臺絲綸世掌原堪
羨况有甘泉應制才

其四

今春節使過山家列坐涪溪燕水涯思到萬人思結草與來三
月愛看花蘭亭事蹟杯堪泛寒食心情帽易斜垂老那能勝此
別幾回清淚望京華

寄張螺浮黃門兼與話舊

一代威名重夕郎幾年榮戟侍名光禁鐘將動趨青鎖官月初
斜捧皂囊題柱翩翩仙吏事埋輪嶽嶽諫臣章况聞博物張安

集詩五

西

世指日宣麻下柏梁

其二

當時避地在鹽官倦鳥南飛惜羽翰世亂始憐知已重家貧方
識故人難屢年頻寄徐陵札一別偏深范叔寒好倩瑯琊王禮
部為傳衰謝到長安

答寄鄭次嚴侍御

西風昨夜到蕪城愁聽橋頭玉笛聲忽憶鄭莊方結綬此時諫
草最馳名遇當盤錯才偏見德洽閭閻感倍生應看監門圖一
卷臨岐老淚漫縱橫

其二

兩年兩度廣陵遊
淶水紅橋映白頭
舟過影園增感歎
人來隋苑惜風流
嚴君老鳳偏宜晚
令子霜鵬早趁秋
最是繡衣忠諫日
飛書屢屢到滄洲

贈王自牧

悲歌擊筑見生平
越嶠吳山識姓名
述祖陸機詩早擅
登樓王粲賦先成
檀牙夜拍紅蓮幕
錦瑟秋眠綠柳城
門第瑯琊誰不羨
相逢肝膽為君傾

壽學士方坦菴年伯七十 有引

乙巳四月二日為年伯七袞初度是日節敘清和光陰婉婉蘭亭之彥過絳縣以稱觴竹林之人望青邱而介酒囊以猶

巢詩五

五

子欣茲盛事揮毫而歌眉壽染翰以敘心期時則杜陵野老方為射雉之遊陽羨書生久作登龍之客乘羊小季亦思獻賦以酬知題鳳家兒矣冀摛詞以頌德共為一軸用祝千秋戟門班劍倍從容詔領鵬行品秩崇篋裏秘書皆篆蚪騰前令子盡夔龍官厨每給都堂饌法曲會聽禁苑鐘酌斗重論先子舊春秋兩捷得相從

其二

永嘉建業事如何
二老相攜采芰荷
花發鹽官歸雁少
烟迷湘水夜猿多
江清畫舫連橋渡
頭白銅仙信手摩
回首倉皇南下日
兩家百口任風波

其三

碣石黃雲莽不收
去年煢實堪憂老
時已出函關谷鄆行能談大九州
萬里虞羅猜玉粒
一天冰雪阻金溝
文孫令子來寒舍
剪燭曾經話四愁

其四

金雞初下九天聞
盡室南歸任碧雲
夜月蒼崖披鶴氅
春衫匹練寫鸚鵡
詠諧遊戲東方朔
絲竹壺觴王右軍
自是朝端思碩德
詎容滄海謝塵氛

乙巳五日喜雨茶村兄同亦史孟昭遷于子徑山濤孺子文虎共飲茅堂時小季無魯禾丹兩兒在侍即席分得陽字

巢詩五

六

楚客高吟滿座香
况逢時雨冥端陽
鼎彝碧重看蒲溼
花鳥愁深得句長
彊列成宣關一代人
如屈宋弔三湘
酒酣共展蘭亭冊
十紙淋漓果擅場
巧夕同人雜沓來
灣送阮亭北上夜歸有感
新秋十里送人行
斜月邗江夜入城
拙性未諳逢巧節
陳人何意附新名
射湖屋浪魚龍戲
隋苑窗絲兒女情
老母畫樓呼小婦
應憐遊子計歸程

即席贈文蓀較書和黃九烟原韻

羣玉山頭碧樹秋
人如弄玉擅青謳
邊雲善發伊涼調
泛海疑從星漢流
一笑破城空北里
十年閉夢是南州
憐余沈痼支離

甚情盡情生總是愁

寄沈韓倬太史

何處蒼茫入咏樓吳天雲樹隔汀洲魚書昨歲傳佳札螢苑多年歇舊遊斑管料君饒著作金闈自古擅風流那堪花落江城裏獨對殘春動別愁

寄周靜香憲副

江上東風拂柳綿相思獨坐思悠然青齊榮載雄諸鎮白社風流剩此賢遠道未投青玉案故人好放木蘭船三分明月依稀在憶別周郎又十年

丙午午日同老友孟昭集田夫振兮遷于孺子山濤文虎倚遠

集詩五

諸子磨石上人于寒廬重和客歲分韻

昨歲端陽如昨日重開清譙又端陽杜陵驥子重酬唱昨歲茶個今歲田夫拾至支遁才鋒各擅長唐公詩滿插朱花明老眼橫陳石榻畫瀟湘最憐解纓猶衣絮病著斑斕舞萬場

午日席上懷其年

八載芳辰文酒同兩年惆悵隔天中乍違偏覽村居遠頻去應知吾道窮我欲無言神悄悄君應不飲醉濛濛何時獻納麒麟殿白壁黃金錦繡叢

送四先生遊以書先口口來水繪者青城龍僊也故并及之

恐航騷雅誤閒身筆墨安禪轉法輪金石獨摹真漢篆烟雲畫冷元人貧交澹世稱三絕小憩荒園已七旬暫別那能勝戀自今來往直須頻

其二

藕花洲畔採香蘅入詠樓中面百城昨歲過余思小范廿年難遇憶莊生四君知與同禪悅一別應能展舊情老我嗒然遺萬有鉢池烟水亦虛名

敏策同口口見過因悉與故友最密凄然言別情見乎辭

共攜經卷趁江帆備盞相留迥不凡詩瘦佛應參賈島神清人

合住靈巖舊遊細數傷亾友遺研猶能秘枕函別去孤征何日

集詩五

返送君老淚溼長鏡

送程文生

客裏重逢躡屐勤世交舊誼久紛紜飄萍最喜浮蹤合折柳還驚別路分水繞蘆溝多斷嶺天連督亢半斜曛賢兄相晤傳傾慕四十年來共紀羣

其二

燕關秋柳拂征車臨別貽君尺素書薊北月明飛雁夕淮南露冷桂花初夢回天上青雲早愁掩蓬門白髮疎我有弱男遊帝里煩君早晚結相於
送大司寇芝麓先生還朝時新膺中樞之命

津鼓牙檣白道催金鷄白雁夾江來浪喧錦纜連天動風急樓
門倚日開司寇一官操八柄尙書獨坐領中台漢廷前席深相
待莫向南雲首重回

其二

廿載威稜警百僚新聞龍命下層霄帳前都護秋盤馬隊裏期
門夜射鵬文彩過江徐僕射軍聲出塞霍嫺姚元戎司馬看殊
錫指日黃扉翊聖朝

其三

舊遊邗水石頭城錦瑟紅牙到處清一別長途長躑躅廿年愁
緒倍縱橫桓伊笛裏秋先到庾亮樓中月正明多少葉茶難盡

巢詩五

五

說願將尊酒緩王程

其四

飛書令子每相聞蕪苑懷人悵暮雲漢代公卿原累葉王門子
弟自起羣鸞吟迢遞真無偶犀角嶙峋只屬君共羨元成家學
在金臺早晚薦雄文

贈大司寇戴嚴華先生二首

排闥劔珮近星辰薄海爭看社稷臣天下君公推伯起蘭中寶
客擅平津清時自古尊三老亞相于今有幾人更憶廟堂論
轉餉十年惠愛在斯民

其二

漢世傳經二戴豪勝前雙擁鳳凰毛長兄嶽嶽劉中壘小弟翻
翩謝法曹鸞口茱萸迎畫舫堤邊楊柳拂珠槽介眉更進霞觴
酒願挹邗江萬頃濤

丙午秋日葭園續集分得川字吳字

重遊更過燃藜閣促坐淡談較勝前寥廓最難逢劍合飄零屢
復與舟旋杯中拔地看嶼石硯北橫波似輞川尤喜冬來霜霰
薄天涯此會倍溫然

其二

豪酣擊鉢縱狂呼風約蕪城興不孤人駕梁陳躋鄴下地連齊
楚及勾吳到來俱足稱連壁不定偏憐失曉珠老我昔曾追大

巢詩五

三

雅諸公莫漫笑馳驅

丙午冬日答和黃仙裳見投原韻

霜天繒繳及冥鴻飢鳳何來訝此同廿六年前真是夢一千里
內果同風澗杯共燃愁鬚白薄俗猶防酒面紅賴有素心高誼
在不妨岐路任西東

再用前韻答友人

求曹獨苦悵哀鴻忍見離羣自昔同最不可忘惟夙夜從來難
畫是飄風石能言語終須白血化精魂叫亦紅我自與君聯舊
好肯隨蓬梗逐西東

三用前韻答許元錫

浮雲蹤跡雪中鴻漫附詞壇媿未同吐鳳才華揚麗藻飛蠅天
地任澆風文雕大樸含元素艷選唐宮識退紅唐人宮中妙色
紅之極淺者曰
不肯紅君自好為還正雅吾將皂帽老遼東

丁未人日和山濤表弟同諸子即席限韻

陡地狂瀾蔽日塵苦遭嶮巖怕逢人今朝驚喜值人日好友偕
來念主賓首歲陽和仍應臘同心貞吉比堅筠續紛紜筆追丁
卯中表情深見早春

和文若見懷原韻

愁對春燈向酒家無風波浪實堪嗟最難想像真無極曾見端
倪便有涯人共日中疑載鬼詩來天半忽成霞同心慰藉情何

集詩五

厚凜冽冰霜散作花

其二

息機斂跡入深林藜閣分光寄遠尋四十年來稱密友歲寒盟
裏託堅心省愆只是辭虛譽焚硯先教廢短吟獨把君詩堪過
日頓令反舌學鳴禽

贈友內人三十

翠羈犀裝玉鹿盧少年意氣動京都春風趙李經過地夜月金
張任俠徒浪跡偶歸揚子渡忘名不羨執金吾更聞燕喜歡今
日願進紅椒百子圖

花朝日詠瓶中蠟梅

前年臘盡蠟梅枯今年花朝花芬敷東風一月不解凍大雪兩
番渾如鋪故畱冷香閉春意絕似黃蜂戀蕊珠遙憐嶺上衝寒
色綠壓紅欺千萬株

樓前綠梅花朝含萼不吐詩以訊之

迎堦一樹綠交加兩月相看未着花幾度春光送消息屢經雪
月尙萌芽枕烟石畔愁繁折老樸巢邊憶古華獨臥層樓惟對
汝冷雲碧水夢天涯

邗上壽西樵司勳用唐伯虎自壽韻

竹西風雅滯閒身初度同逢長一旬愛我能詩遙見憶多君久
客不言貧紅橋有夢吟池草仙路頻通媚晚春獨悵短唇難掩

集詩五

齒愁華白耳謫仙人

歐陽公耳白于面名滿天下西
樵典試中洲海內有廬陵之目

寄壽朱鎮人司馬五十

滿載藏書過驥沙雒城幾歲得張華盟同車笠慚雙髻履庇蓬
蒿似一家簷際久看森玉樹鼓腰今已帖金花隋堤我自成陳
懶遙厭仙人五色瓜

送周星公太史納姬還秦中上太公先生壽

秋風車馬自麟驂白玉堂歸種玉人花驪髻雲橫寶粟彩翻宮
袖映朱輪一庭紹述稱良史八袞開筵祝大椿來歲月華湯餅
會知應孔釋送麒麟

庸山詩和張任天原韻

聞道庸山真秀絕畫中遠勢一相尋雲來氣接孤城迥月光
浮萬葉深蘿徑止容扶杖荔裳端不易華簪主人實有林泉
意點筆題詩慰素心

秋集魯紫綺齋頭同茶村諸子限韻

露白江清鼓角寒燕城暮色大厭厭倦遊人比欲眠柳涼夜月
如初滿奩萬里西風悲宋玉數株秋菊待陶潛歸帆恰喜天蕭
瑟苾稻河頭水正添

寄贈曾庭聞孝廉庭聞舊黃門二濂先生令子也

清剛先子少虛諛獨頌尊公是大儒曾挹冰霜嚴指視恒于幽
獨凜型模數千里外頻追憶三十年來歎絕無何意共君譚往

集詩五

五

事先裁書札到姑蘇

其二

春來沉痛不堪聞劉竣還家說與君絕筆依人翻入月中原結
客勝如雲詩窮漢魏追風雅文逼周秦溯典墳愁極借君書細
讀燈香徹夜共氤氳

其三

當年吳越總爲家兩紀歸林逐暮鴉舊會珠槃真是夢頻年杯
影亂如蛇虛名負實應逢諒反德爲仇更可嗟衰老過江知已
往獨看天半有朱霞

其四

山名懸霽且雷行古有萊家長住五嶺者以母老姑止懸
年來并廢耕人外孤虛遺萬有意中銷盡屢庚生蝸廬亦有憑
空闢土室從教合力傾今日見君何所事八旬老母畏深驚

鄭士介招同許力臣師六登飲新閣

凭空傑閣白雲迺忽枉佳招到上頭窗拓四虛香化雪山橫淺
黛碧子秋閒從勝侶聞清嘯喜有文孫紹遠謀况共渭陽評月
日藉君百尺散千憂

贈姜奉世

曾與尊公訂久要滄桑岐路各蓬飄蘭生幽谷香能遠玉出藍
田璞不凋手把父書恒閉戶家留吳市學吹簫十年惆悵思叻

集詩五

五

友見爾應令百感消

過許關訪周嶼沙僕部

一代高文屬大家當時響起赤城霞古燈光裏續元會宮體聲
中關麗華人去碧雲迷月影情深白髮夢天涯追隨二十年前
事古樹愁心咏落花

吳門遇許琴公吏部

廿七年前曾驥附師門同遇獨途窮一時名雋皆鴻寶半世迂
疎愧轉蓬月旦高標澄水鏡天官峻譽屬山公衰遲孤落兒曹
在垂顧應令毛羽豐

戊申仲春重過錫山三憶詩

蕉葉從來酒不勝與卿沾酒與飛騰黃金巨羅酌不醉白玉玲瓏鬆可憎滑翠鴟鬢愁墮馬咒桃人面喜初絀九龍如昔二泉在往事翻疑得未曾憶壬午春與山姬董小宛歡飲錫山下

其二

三十六宮都是春美人深拜問良姻斬新一擲成拋散絕色全身有鬼神鴟夢夜殘空宛轉藥房春杳憶橫陳天荒地老歌長恨好懺應為再世因憶壬午春山姬堅欲歸余時五木在几祈禱後一鄰得全六即用全六詩為首句

其三

蒙難鹽官死復回錫山夜泊聽驚雷此時弱線迴生意愁對傾城撥冷灰賴有至情扶藥裏絕無高興酌金罍九年一日千秋

巢詩五

卷

怨腸斷衰殘抱痛來憶乙酉冬至後蒙難與生履險還里時山姬侍藥舟中重泊錫山下

寄懷嚴髻珠并訊宋本杜詩

一別俄驚廿五年半塘蘭雪擁華筵身同敗籜秋風後人是遺

黎天寶前出世久奈黃蕪傷庚生惟結石頭綠杜陵秘本傳灰

劫曾與仍甯憶宋箋癸未夏髻珠以文太史手閱宋板杜詩相贈夫人惜為瘡中家珍復索去至今極不

能

挽石夏宗四首

十載書聲隔院同成童文譽步尊公尊先生諱嶺南鄰夏宗爾幼與余書聲僅隔一壁爾

時早慧稱王勃老去安貧類石洪手挽澆風扶上雅力崇古典

歸羣蒙未周甲子身先喪哭殺西鄰閉戶翁

其二

未遂風雲入壯懷風雲入壯懷乃昌黎送石處士洪詩窮年鏑戶擬心齋冀東正學傳來遠師事吾友趙我完先輩斗北高名照已埋繪事董源爾絕筆法書魯國折金釵昨宵雪月啣杯看信宿傷心別草鞵

其三

廿年二子附門牆范翼凋鏤不可量器重肯教求早達玉成恒命學溫良勉旃大業隨三鳳繼述奇文冠一庠風義獨存師友失千行老淚薦椒漿

其四

屢歲無風捲白波惟君正色出烟蘿義聲直發春秋問鐵筆能

巢詩五

卷

令金石磨如此古狂關世道竟因沉醉近江河詩文百卷人千

古姑噫餘生較孰多

奮和何雍南見贈原韻

閉門深雪怨春風忽枉縹緗下遠鴻平叔清譚應不減邵公史

學孰能同總誇大業才何鉅拂拭幽光詎獨隆老我數年蒙惠

穉硯田荒慰愧年豐

奮和程千一見贈原韻

敢謂人間萬事非浮名數載總銷歸久知不識雄文戰更向伊

川晰理微千古並馳爾清譽雙鸞戲蘭渚指同雍南六旬獨着舞斑衣漸

無做帚堪搜索欲倩金焦選釣磯雍南千一初春專人渡江索荒文選入十二大家余焚研

久矣愧非其儔也

王成公與丹兒有贈答和韻詩頗深契合兩人沾沾入雅知遇

復不介以孚成公為吾臬人尊公行一先生占籍金陵夙交

稱善成公舉馳南北而今始一歸桑梓之光也仍用丹兒韻

賦贈三首

蕭颯西風愴舊京半生殘業付愁城水枯石爛銷前夢藤老松

摧竄夙名轉憶昔遊傾北海何妨捨此至南荆一聲雛鳳清霄

漢同里英雄異地生

其二

逸氣橫空蔚鳳毛吾鄉才子並西秦馳聲黃閣收龍駁結客青

巢詩五

毛

春購寶刀自是清流魁黨部敢云標格儷兒曹酒酣數詢當年

事五嶽胸中起鬱陶

其三

兒曹昨歲向京畿樞輔交雷啟北扉謂合肥栢鄉兩先生也天上故人憐

驥子日邊峻譽說烏衣到來氣壓三江動老去神傷萬事非賴

有針磁共相引十旬傾倒莫言歸

壽法章叔八十

籌添八十與仙儔茗椀爐香花木幽繩祖壽偕諸大父先高祖雙橋公

大壽九十三曠囊叔祖今九十二叔宜家德共五湖秋叔母與

帖臨鍾傳精宣示訣授雲房秘討搜白鹿青牛雙馭好兒孫何

用紹箕裘

法章叔無子且傲居甚隘壽日邀老友及族尊者過寒廬開筵

稱祝即席再成一章

已酉六月十一日竹林八十映雙星考鐘伐鼓晉康爵奉叔偕

母來家庭薄俗寒喧堪一笑浮生家業付飄萍北堂老母呼兒

子共指雲霞上彩屏

春夜偕遷于山濤兩表弟及孺子文虎臥飲懸雷山梅花下時

吳姬文珠自五狼至遷于即事首倡用扇頭范汝受贈妓原

韻余亦次韻一首

枝峯蔓壑古潭西繞閣梅花吐萼齊日下烟姿何澹宕夜深魂

巢詩五

毛

夢逐高低移樽素友開芳讌抱瑟吳姬助艷題綠雪紅香春正

好石牀清坐聽晨雞

贈別徐石霞兼訂移居之約

晚年喜接徐君好才美情真出自然宮體艷深兼秀實箕山志

淡更纏綿論交願訂歲寒後仗義能為孤獨先相隔大江煩悵

望重來欲借寓公賢

許郊庸先輩晚年舉子詩以賀之

充閭佳氣自辛綿彌月重開乞巧筵喜溢翟商多五歲翟掛繪

士爾子五十得男商繼生子元微之白樂天亦五十公年五十五故云戚以五十八得

子一名阿崑一名道保白公七十四即慶橋名丁卯琴書富里字

高陽弓冶傳長是滿城皆誦德始知正直動皇乾

邗上與譚灌湘太史話舊二首

十載前為南國宗衡文爭指是人龍種成桃李連吳楚歸養金
讓列鼎鐘存歿殊榮全大孝升沉不改戀孤蹤綸扉計日膺新
寵特緩王程為老農

其二

無端眾楚任翻掀幾歲鳴臬說報恩確有是非偏倒置翕然慈
孝負奇窈浮名久噉應逢辱老母承懽忍出門我有太虛胸浩
蕩含情金盞總無言

其三

集詩五

五

老母今稱八十觴開筵無復舊輝光門庭剝啄皆鷹虎子弟飄
搖非鳳凰推解一生誰作念仇讐二字最能憐因君知己為深
語此後冰霜見太陽

方樓岡去闕相別三年深秋過邗言懷二首

蓮浦葭園共二遊追隨詩酒憶同傳青霜一別柴門冷紅荔三
年錦宇收繞樹屢邀慈母蔭孤雲不傍亂山浮故人遙遠誰相
問鳩拙猶能老自謀

其二

久聞歸棹下南天欲訊行由屢不前慷慨罷談吳市虎嘯歌直
上武夷嶺大文華國銘鐘鼎絕寒還家種石田且晚綸扉應更

遠扁舟特過話纏綿

年餘不至邗上東鄭士介張穉恭諸知己

鐫戶堅枯與石同年來只學信天翁久諳禍福惟知己況起波
濤不自風薄俗何妨頻唾面餘生無累是真窮更兼多病甘疎
節莫訝音書久未通

廣陵中秋客隨園攜具同方樓岡世五令子長文譽子美綺季

徐石霞孫孟白汪自新及兒丹書泛舟紅橋夜歸樓岡重開
清讌賞月即席刻燭限韻各成二首

露華灑上桂花枝明月揚州此會奇老去快逢良友集興來仍
共晚舟移青天碧海心誰見白髮滄江夢自知多少樓臺人已

集詩五

五

散借歸密坐更嚙卮

其二

誰家父子共精微能與清商發素輝毫射藻淵光彩亂秋尋隋
苑故山遠一天玉砌仙人影萬戶砧聲遊子衣更喜鉅文千象
緯直懷明月到庭闈

疊用前韻答贈方大長文

會到蓬蒿借一枝屢來下榻遇何奇樓臺得月光先照風雨如
君志不移吟擅鶴猿雙句警書藏肝膈十年知吾衰城骨猶追
赴疊和新詩厭酒卮

疊用前韻答贈方七譽子

自是瑤林玉樹枝盡探二酉祕書奇卷舒自壯風雲色唾落能
令星斗移家世慈恩誰得似人如鴻寶我深知更窺全豹應難
敵爲爾頻傾白玉卮

寄贈陳冠百

當年曾與故人來霜冷柴扉共酒杯一去西江清夢遠更逢邗
水好懷開古交久已推陳重至孝真堪繼老萊別後相思黃菊
下特將詩句爲君栽

奉輓許太公二首

聞說邗江隕德星哲人九十上蒼冥陰行仁善能通帝顯見靈
神已降庭富貴兩膺三鳳翥幽明一理萬年醒追思豪髮無遺

集詩五

三

臧畱與生人凜視聽

其二

斯世瀾翻任倒顛庚生惟抱鬼神眠廿年證據無深信此日重
徵倍赫然王斧傳來貽後世旌陽飛去有前賢吳公不敢陳哀
些願上雲林玉醴篇

巢民詩集卷之六

昌氏叢書

如皋 昌 襄 辟疆

五言絕句

甲辰閏六月望前一日扶病洗鉢池泛月有引刻
女內

前月月明滅今月月皎潔月似與人違人愛月如雪

其二

肺弱宜清只腰瘦妙輕歌兒扶上輕櫂水月是吾師

其三

天水碧琉璃弄月孤舟坐素心三四人先已蒼苔臥

其四

巢詩六

南垞森極浦北澗極松洞吾溪兼王孟得月便千回

其五

花亞名姝色姦生古佛香微風拂清漪深夜見文章

其六

此地無聞見音節每多叱自從儂顧曲下里競笙歌

其七

笙歌遙起止况復舟參差微茫島嶼中魚鳥咸相嬉

其八

烟語尋幽激喧生舟四鄰皎皎鷺飛去明明離俗人

其九

不復知月情徒來增水濁我惟深憫憐無能生汝覺

其十

月是千古月才非千古才把杯問明月誰許獨登臺

江南曲二首

我昔遊江南江南睡烟玉我今遊江南不見江南綠

其二

山色與波光不見江南好惆悵昔年情但覺蒼天老

七言絕句

丁酉秋病臥秦淮旅館得芝麓先生前夕同飲姜綺季河亭和

顛叟壁間春日四絕依韻述懷

巢詩六

不采芙蓉畏涉江因君特地買孤艘酒雄詩健無朝夕恐却秋

風到紙窗

其二

多病頻年藥裏餘長安愁絕故人書即今小極虛良約歸去推

應伴木魚

其三

談讌經旬入畫谿浮雲無夢繫羈棲龍魚此夕分秋水不為兒

曹乞照犀是夜南
閣放梅

其四

小閣前朝尙瘦狂扶歸懶慢臥匡牀遙聞新館羣賢集寂寞今

宵獨沈郎

走筆友折借鶴

會遊黃鶴下湘烟孤嶼暮成水繪篇入望兼葭幽思渺夢回營

露一聲圓

其二

不跨揚州竟二年止緣密友去幽燕雲軒二客堪立對欲遣虛

籠倩雪妍

聞諸友出西郊余病不能往便簡郊居主人

五月寒生草閣知巴山夜雨話離離無端瘦盡東陽沈伏枕空

吟何遜詩

集詩木

其二

客歲奇文雄北館今年藻韻振西村吟成五字應無敵恐有偏

師出北門

阮亭先生批閱禾丹兩兒詩卷後以四絕寄懷步韻奉酬

螢苑邗溝併是春青絲十丈麴爲塵年年斜拂成何事催得文

通作恨人

其二

梁朝愁客庾肩吾舊日臺城在眼無一幅林亭元有意待公車

騎到樵湖

其三

謝客清新本是奇思溪文筆不須疑磨崖更欲成三絕再刻王

蒙秋柳詩

其四

白塵青箱便不同翩翩獨步冠江東却慚王霸諸兒子也學秋

蟬咽晚風

題美人畫冊應阮亭使君

半掩香閨靜不譁一枝瘦影只橫斜凝眸忽漫關情思生小獨

兒睡落花

其二

半似愁中半夢中行來偏愛下裳紅章臺白馬知何限自鎖重

集詩六

門信不通

其三

露華濯濯不勝寒白鶴青桐伴曲欄底事雲翹頻眺望碧天秋

思太無端

其四

拂地垂楊黛色凝瑣窗春思溼紅冰流鶯兩兩空言語小着羅

衣總不勝

題畫冊應周櫟園先生

鐵縷懸崖瘦石橫燕門天險入雲行蒼蒼老樹無人識杜宇時

啼一兩聲

其二

客窗十月雁聲頻小閣焚香拂硯塵誰向生綃添个个蕭然疑是管夫人

劉君載菊訪友余以病不克覩其勝伏枕二絕并訂秋尋

劉生種菊元丹訣載自延陵一丈高聞說傲霜霜復損英華憔悴似吾曹

其二

爭羨奇花簇近鄰下堂十步亦逡巡明秋直造東籬畔雲布星羅就菊人

季希韓客中初度走筆三絕

集詩六

五

子房譽擅荀文若輔相才稱王侍中豈是君家嫌蚤達故耽詩酒傲牆東荀王之遺魏武宋武咸以二十九又王僧虔亦以二十九為侍中自嫌蚤達

其二

絕代文章信有神客中初度聚嘉賓杜陵蔣徑兼黃石此外何人是鳳麟時于皇前民瘼之譚詩最合

其三

遊踪風約到殊方一叱能令石化羊薄俗難諧僂路近共君瀛海泛霞觴于皇壽希韓有殊方伏異才之句傷下邑環薄惟希舉目惟見羣羊耳于皇日見牛未見羊故及之奈默菴久約看菊昨以詩招飲余頽病不能赴然榻傍對分贈

紅白二種無朝昏也枕上寄四絕兼呈劉文若及令弟公佑

看花會約重陽後陡地沈疴我未痊今日諸公須痛飲人生容易到花前

其二

紅是唐宮不肯紅白于白玉玲瓏茅齋病對雙秋色午夜燈前欲下鴟

其三

默菴髯叟詩興豪持螯對菊青天高貽我一詩真秀絕吟成宜得赤霜袍

其四

集詩六

六

校書天祿延劉向春草池塘速惠連飛觥擊鉢紅燈下應念維摩有病禪

偶成八絕句

十載前曾解佩珩詩裁雲錦畫香蘅無端遂使參辰見惆悵紅絲繫玉情

其二

數年寥落不勝秋遙望江南星漢流只道文君新得偶那知琴上湧吳鈞

其三

絳仙才調歎無緣羽客飛來亦是仙細膩風光微未解篆烟花

影悵經年

其四

聞道前冬已出關春來壁合與珠還迎仙閣上遲環佩兩戴勞
勞髻欲班

其五

蹉跎好景惜繁華辜負春風髻影斜手把丁香懷百結忽然秋
老發萌芽

其六

九日扁舟到草萊詩箋字字是珠胎喜心倒極翻愁絕只恐春
來又不來

集詩六

七

其七

藕老絲長能縛地柳深絮起欲粘天果能解脫餐松實人外香
光有妙禪

其八

雁書已到無勞怨鳩計雖窮不用愁但願君身如滿月絲毫無
缺照邗溝

偶成二絕

庭前欲種相思樹意蕊心珠久寂寥今夜菖蒲花盡發是何情
性起根苗

其二

十年無夢到溫柔爾抱衾稠亦數秋疑是雙成憐小小特于枕

上贈綢繆

房與公催妝詩五首

采采芙蓉秋水潏佳人解珮意何深真真自住真江上容易心
通綠綺琴

其二

紅香奇艷鎖窗紗影裏新妝似淺霞特地傷花開寶鏡問郎應
否說如花

其三

黃庭書就只焚香裊簫聲小院涼仔細簾前翻水調春風習

集詩六

八

習透羅裳

其四

倦來茶後展楸枰竹戶風傳落子聲却把新思追舊譜慢停纖
手費經營

其五

宜男草色上深屏小鳥驚啼午夢醒最愛櫻桃能結子起來枝
上護金鈴

夜遊曲同王阮亭先生泛月水繪菴分韻

畫檻烟深六曲迴夜光簇浪有船開數聲水調笙歌徹無數明

珠湧月來

與其年諸君觀劇各成四絕句

冰絲新麗鷓鴣裳一曲開筵又舉觴
會唱陽關灑西淚并州東返當還鄉

其二

最無消息是清音竹肉喧闐未易尋
唱到情來生意思一絲裏裏碧雲心

其三

豪酣醉夢不聞聲娛悅雖知亦楚儉
活鳳生花春漠漠性情融液卽歌情

其四

集詩六

九

二十年來何所事稱詩握管意茫然
最是泥人惟顧曲細于筆墨倩誰傳

其年畫紫雲小影遍索題詠戲題二絕

夜遣清童伴讀書老夫愛客勝璠璣
六年別去情如海畫裏逢人應問余

其二

陳子奇才亂典墳陳子癡情癡若雲
世間知己無如我不遣雲耶竟與君

題王子側洗鉢圖

蒼皮翠鬚拂巖屨跌坐臨風諷梵經
我亦有池名洗鉢憑誰傳

諸到東亭

題阮亭天女散花圖

如海潮音大辨才夜深天女散花來
漁洋秋水澄如鏡應照前身舊講臺

贈柳敬亭

也是高陽一酒徒欽寄歷落老黔奴
青燈白髮江湖裏常夢當年舊狗屠

其二

平生重義賤黃金裂眦衝冠怒不禁
縱老無家君莫恨十年雄劍是知音

集詩六

十

其三
憶昔孤軍鄂渚秋武昌城外戰雲愁
如今衰白誰相問獨對西風哭故侯

其四

紅燭青樓照舞筵當時情緒已茫然
相逢隋苑悲秋夜記許題詩三十年

小秦淮曲同其年丹兒客邦限韻

治遊舊事繫秦淮三十年前景最佳
如今老憩寒河畔柳巷斜穿新勝街

其二

其二

何處能令客思消沿流出郭到紅橋更無麗囑堪娛悅隋苑風
光是柳條

其三

複道迴廊畫檻多菱花牕子貼香羅朱樓倚晚開三面五色琉
璃射綠波

其四

艇子銀燈唱入城船中樓上光縱橫湘文不捲人斜對中有鸞
哥話未成

其五

千絲吐盡尙爲蠶花月心情事堪前夕家園爭巧穿針小

集詩六

十一

婦憶江南

其六

澹烟絲柳昏橫塘明月清秋讀謝莊夾岸哀箏橫笛外誰家小

立怨昏黃

其七

莽風七月蔽天寒十丈銀濤捲象漫樓閣上波人拍浪成江大

陸險千般

其八

游俠髯麻柳散亭恢諧笑罵不曾停重逢快說隋家事又向何

亭一日聽

其九

深雅王生難比倫清歌絲髮技稱神大江南北風流盡遂使聞
天有此人

其十

十代文章孰總持誰令指外有駢枝瑯琊別後杜陵去歸臥滄
溪愧不知

深秋邗上懷芝麓先生不至

客况蕭蕭怯晚秋藥爐禱榻傍邗溝那知望遠思親意併入西

風漸白頭

邗上再別芝麓先生

集詩六

十一

倚柁凄然送遠行亂蟬疎柳不勝情他年荻粥隨時生洗鉢嵩

陽了此生

兩年不過水繪菴丁未秋獨步枕烟亭二絕

二十年來獨掩扉滿庭秋草化薔薇履霜盡日行荆棘不礙閒

情與遊肥

其二

虛名四海悞閒身半世求全狗德鄰詎辱幾場銷毀盡如今隨

處是天眞

碧落塵邊看菊十日成四絕句

孤情一往趁寒鴉偶踏東籬見菊花多少媚春銷夏色曾留一

片關秋華

其二

兩載支離十畝荒
鉢池清淺亦滄桑
那知衰柳殘桐後
白玉黃金擁赤霜

其二

晨颺微動秋江錦
午旭全融紫液金
最是拒霜能逞色
一林高致愜幽尋

其四

因樹為臺俯菊叢
秋心渺渺寄飛鴻
誰憐秋士傷秋意
即在繁華極目中

其詩大

圭

辛丑晚春久雨初霽
攜小姬吳湘逸看畫
埭桃花開門湖中小
閣山濤過訪不值有
四絕句戲為和答并
付湘逸

積雨連天損艷陽
桃花千樹退紅香
重門深掩畱春色
惟許閒雲度短牆

其二

林柯深杳恣踈浪
小露俱紅露籠光
癡態若雲誰得見
畫堤飛起兩鴛鴦

其三

小閣湘中雲水鄉
有人如玉共文房
三吾昔日應無此
贏得幽情惱漫郎

其四

鐫戶纔知春晝長
殷勤羅袖拂花黃
眉言眼語真奇秀
始信人間別有香

其詩大

南



鑄錯軒詩輯

本書承國立臺灣大學總圖書館借用影印

謹此

致謝

新文豐出版公司
謹啟

鑄錯軒詩著

晉无譽詩序 湖海樓儂體文集

宜興 陳維崧 其年

如皋言子无譽者族望通明門風清邵江東王謝葉葉金貂河
北崔盧人人玉樹都憲公之挺拔清剛少叅公之開明英整及
乎大父元同先生一麾出守猶高保障之名府君尚少先生三
命登朝備極藩維之重有鄙人之父執實公子之難兄六館生
徒推爲模楷兩京尉願歸以人宗當國難之頻遭遂家居而用
老雙龍著膝是兒莫不言超兩少隨肩此客羣知其異无譽生
而強記幼便能銘出遊市上日日乘羊入戲庭前時時蠟鳳黃
金作塔偏過許史之家白玉爲錢屢到金張之宅纔離襁褓卽
事清談甫著衣冠遂工艷曲然而人不清狂家惟忠孝大有父

舉序

兄之訓絕無紈綺之風揮毫座側眾訝其奇食果園中獨懷其
小加以性愛文章才長詞賦琉璃硯匣皆宋風謝月之篇翡翠
筆牀悉陸海潘江之作南朝才子詩曰鴛鴦北地文人體如蝶
蝶擅江花而不落飄何粉以恒香况復閉門等於譙周澤夢同
之高鳳冬缸既燼不廢伊唔夏簞方清彌勃繕寫近董相下帷
之地無意窺園居大夫射雉之鄉何心索笑言其腹筒奚讓邊
韶論彼書淫豈惟劉峻於是雷塘烟月爭入篇章鸞社鶯花都
歸楮墨櫻桃帳底已多贈婦之言孔雀屏前頗著懷人之什固
已餘姚書記錄此新篇因而長樂名王訝其少作哀夫片羽何
止一鸞僕也哀類蕪城愁深枯樹讀王子安之序我妬其年坐

衛叔寶之旁自憎其穢敢云元晏用慰清河

卷序

二

鑄錯軒詩輯

曾氏叢書

如皋 冒 衰 无與著
族孫 廣生 鈍宦輯

詠懷三首 劉漢儀詩 觀三集

涼風飄明榭秋氣傷我心蟋蟀聞中夜白露下高岑遊子思故鄉倦鳥失舊林獨坐不成寐整襟理瑤琴世久無鍾曠誰能識此音

其二 詩觀三集 阮元淮海英 靈集 王豫江蘇詩徵

黃鵠摩長空斥鴳棲卑枝翻飛異途軌羽翮各有宜力弱不自料思與黃鵠齊中路一渡落鳥雀羣見欺何如安枋榆飲啄隨

舉

所依 此首第七句淮海英 靈集作中途一失所

其三 詩觀三集 淮海英靈集

途窮躓駭足時至伸庸材接劍忽不憚凌風步高臺極目空浩蕩古人骨已灰鄒侯奮刀筆驃騎起駑駘一朝附龍鳳英氣被九垓何必困離蟲坐令兩鬢衰 淮海英靈集途窮作隘途 時至作安步凌風作西風

送別陳其年 詩觀三集

城角蒼涼夜如水江干北風一千里故人駕言欲過征薄暮呼童具行李慨慷握手出城隅欲別不別歌驪駒酒酣相顧各歎息仰天熟視西飛鳥須臾月落孤城堞茫茫萬里江濤疊揮手河梁歸去來孤帆六幅輕如葉吁嗟聚散何太悲人生自有別

離時去年惜別寒江畔今年又作送君詞君歸勿復傷遲暮世人誰愛揚雄賦銅官山頭百草枯好向霜天獵狐兔

贈王阮亭先生 詩觀三集

海內聲名王伯與未成三十佩金魚九秋獨掌隋樓月千里偏攜魯殿書入座賓朋推北阮隔江烟樹是南徐只今為政風流地畫閣清尊祇晏如

王戎暮春晤費池吳子班泣然感賦子班次尾先生子也 詩觀三集

下馬忽逢吳季子相看心緒轉茫然細詢骨肉情偏重驟述兵戈語未全千里閒關尋舊友十年偪側走山川乾坤此會真難得濁酒空堂劇可憐

舉

容金陵喜晤戴二死忝兼懷戴大務旃 詩觀三集

遠客故人少相逢如弟兄惜君晨欲別今夜酒頻傾山樹晴天出江帆細雨生不堪追往昔幽恨杳難平

其二 詩觀三集

聚散渾無定兵戈阻尺書孤身千里夢八口萬山居酒態今能否雄心近可除何時乘逸興訪戴過君廬

水繪菴夜泛 詩觀三集 淮海英 靈集 江蘇詩徵

小艇回溪一徑深亂鴉叢竹晚沈沈小三吾下春波靜日暮瀟湘共此心

胡安定先生祠前雙银杏歌 詩觀三集 淮海英靈集

銀杏並植古祠旁高枝摩盪干穹蒼問之野老迷歲月但見皮
肉屈偃苔蘚裂清陰足可覆十畝峻嶒老幹如峰立翦伐難充
棟梁用盤踞翻逃斧斤厄行吟偶憩茲樹中悲風颯颯號長空
廟門剝落四壁傾碑記猶傳安定公先生講學祀桑梓人事屢
更廟不徙祇餘几案生塵埃時問樹底宿牛豕君不見太行羊
腸莫比數上有毒蛇下猛虎一朝火符造樓船桂柏椅桐氣淒
苦吁嗟銀杏藉公可不朽爾且孤根託茲土

陳其年至自陽羨伯兄招讌卽席限韻詩觀三集 淮海英靈集

茫茫世路且悲歌笙管更深雜奏多曼曼香煙騰寶篆娟娟晴
月上藤蘿雕龍家世原堪問蠟鳳年華最易過正是客星高會

處柴門昨歲尙橫戈

憶昔詩觀三集

憶昔趨庭日南樓戲綵時鳥啼花爛熳露冷影參差長夜彈劍

甲新秋捧玉卮幾回行樂地淒切暗傷悲

鷓鴣詩觀三集

鷓鴣來何地微軀只自悲隴山今異域虛土昔同時奮翮甯無

日開籠未有期漢宮深妬汝莫漫語人私

五日懷李慢菴詩觀三集

回思李燮情何限慘淡那堪見物華喪亂經年淮似夢兵戈滿
地苦無家淒涼難進蒲觴酒寂寞空懸繫情紗幸有故人來遠

棹草堂握手對咨嗟

獻歲初六夜又雪詩觀三集

今宵雪壓前宵雪昨日風吹今日風雁聲直欲撼我屋勢苦
復颺寒空貧兒龜手弄馬矢老嫗蜩縮潛牛宮安得四野免凍
俄微軀偏側甘途窮

東內詩觀三集

挑盡銀缸夢不成秋蛩唧唧暗心驚誰將碎雨零風恨斜側紅

話到明

咏懷汪之瑛東泉詩存

今日非昨日昨日已可悲明日異今日摧殘安得支何以解我

憂瓶菊六七枝仰看青青葉亦復鮮華滋

其二東泉詩存

鞞鷹未脫背焉知天地寬河清不可俟筋力疲閒關晨鐘破冷

夢哀雁應肺肝殷勤謝明月休照鬢毛班

其三東泉詩存

飲酒須盡醉盡醉萬恨捐讀書莫弔古弔古寸心酸資叢蔽四

野霜雪摧芳蘭所貴任推連坦懷履險艱

其四東泉詩存

猛火非不烈不鍊百鍊金嚴冬非不殺不凋松竹林小人勢利

移傾覆失恆心哀哉同根樹剪伐直至今

舉

三

舉

四

其五 東泉詩存

高歌奈若何歌與淚相續古道成荆榛新蹊難轉輟出行非我心直行偶我足曲直無所從徒勞阮籍哭

題許自起小影 東泉詩存

無事此兀坐恥為萬物役松暗春雲深境幽午禽寂懶與世周旋那知歲改易遙情恣孤寒瀟灑飽風日置身片石閒誰與話疇昔

冬夜同諸子招陳其年集愛日堂即席限韻 東泉詩存

又見同人聚相邀還杖藜霜依衰草白月過小牕低滿目悲戎馬關心動鼓鼙從今頻握手日夜得招攜

譽

五

辛未秋宮敘五寄詩見懷即次原韻 東泉詩存

積雨消殘暑庭梧報早秋病餘驚老困書到慰離愁自笑身如

燕誰憐氣食牛何時同鼓棹重與醉揚州

贈寒溪和尚其先人東林遺老也 東泉詩存

邊胸雲氣挾江潮漁楚曾經萬里遙兩鬢風霜天地老十年戎

馬羽書驕塵中度世非今我物外觀心是舊樵正喜遠公閑講

席使圖作佛傍雲霄

贈宋旣庭 東泉詩存

南朝名士說蘭臺賦就高堂絕妙才曉日鳳凰看射策春風鸚

鵲憶傳杯江城每誦懷人作軍馬誰憐去國良自是靈光今尚

在篋中紈扇為君裁

壽張孺子六十即步原韻 東泉詩存

傲骨稜嶒六月冰酒酣落筆興飛騰求名似我真無賴離俗如君較獨能聊把一杯供洗硯好持半偈續傳燈碧梧門巷長瀟灑茗粥花筵退院僧

癸未中秋撥悶 東泉詩存

極知來日少悲至輒呼天夜雨驚殘夢新涼怯暮年活應無我法死豈望人憐盜賊兼荆棘苦衷孰與全

可惜 東泉詩存

舊雨飄零盡誰能怨老狂有時悲落木無語盼斜陽人向書中

譽

木

榻圍成意外荒鄰家多絕粒吾敢怨穹蒼

戊子歲暮雜感 東泉詩存

秋夏移居西復東因人成事笑怱怱旁觀錯料營三窟辛苦無

成七十翁

其二 東泉詩存

百斛雄文手自扛三千豪氣末全降寒風凍雨炎涼甚不透重

幃透紙牕

其三 東泉詩存

落拓襟期生事微故家喬木戀斜暉傷心斥鷃無豐羽敢擬扶

搖九萬飛

其四 東泉詩存

啟戶驚傳王四到兩人老態費安排如何詩酒流連夜忽唱陽

關惱醉懷 謂歛

其五 東泉詩存

集賢街上夕陽斜爭換新符映燭花開把辨香參佛座數聲清

馨送年華

即事 東泉詩存

兩載三遷客孤身七十翁不須悲去住均是此飄蓬短髮經霜

白積顏借酒紅始終行我法人或笑愚公

陋巷 東泉詩存

七

陋巷絕直馬倚然成古今應明知日暖睡足覺春深守分貧原

樂無求鬼不侵衰顏耽半醉把盞獨長吟

除夕 東泉詩存

照人寒燭瘦辭歲晚鐘清尙有無涯恨仍從來日生椒花明陋

室爆竹鬧孤城憶遠心如掃蕭條悵獨行

暮春遣懷 東泉詩存

本不勝涓滴年來愛舉觴苟非憂可解安用醉為鄉老覺糊塗

好人憎爛熳狂醒時仍故我回首更茫茫

新秋 東泉詩存

地僻逢秋好身閒與病宜空堂憐爽潔渠屋望迷離竹粉合濃

露葵花足曉姿回頭聊問影此意汝應知

月 東泉詩存

霜月鑿毛髮寒威逼老人轉因眠不穩翻得夜相親病劇身仍

健時危盜與鄰素娥原耐冷定不厭清貧

哭宮半村 東泉詩存

君忽先吾死吾生亦固然老難當此慟天絕不相憐血淚高堂

竭麻裳稚子塞幾時將絮酒匍匐寢門前

贈般若菴僧時福兒讀書菴中 東泉詩存

城東般若寺七十始經過為愛遠公靜還憐春水多老懷牽季

子曲徑蓮青蘿話久禪忘別真堪託嘯歌

八

喜晴 東泉詩存

老子公然健秋天如此晴風輕披褐穩天闊少雲行翠色間相

向茶烟曩更清獨嫌頭上白今歲太分明

哭江二時化 東泉詩存

花朝風雨過九日老屋晝掩坐昏黑喧傳我兄病膏盲口燥舌

僵勢頗急我聞流言怒且詈小邑蜚語成積習少旋忽報我兄

死書毀硯身傾仄失聲一慟路人驚僕黨妻孥同失色兄不

負我我負兄不及寢門親永訣或云兄子盡豪賢鴻案齊眉均

七十係枝濟濟玉樹齊清門傳業耽書帙一旦含笑謝濁世撒

手懸崖依古佛黃童白叟無異詞共歎此君難再得生榮死哀

何遠愷墨蘭翠竹留絕筆爾今年已近七十胡為不達長於邑

我聽人言哭轉高餘生最苦傷孤特眼底同心五六人許石陳

劉燭火熄謂山清克峻 兄忍棄我又先歸如山悲憫誰能悉邇

來少年大逼人故人行酒羞離席黃河太行起批讓何必九曲

囊斜始戰栗三十餘年性命交重泉問後無消息哭兄之淚還

自哭禿髮蕭騷百感集桃杏忘情依舊紅楊柳青青作寒食

丁丑元日東泉詩存

士以癖成拙何妨老更狂強將青白眼還入少年場

重陽前十日至海陵宮六堂雷招飲東泉詩存

儻薄莽蕩擁危檣遙指吳陵卽故鄉人世幾回逢一笑天涯十

九

九

日又重陽江魚過露肥無敵圃茶經秋味正長羨爾工文名自

達會看起草入明光

哭伯兄巢民先生東泉詩存

出門一望一傷心憶昨霜天共賞首詎料樓成埋白玉憐無

藥鍊黃金深情肯惜頻推解至性真堪問枕衾此日親朋齊巷

哭中原絕意廣陵琴

冬暮書懷東泉詩存

士有一知己何勞更不平世今無鮑叔人豈獨侯生活灑孤兒

泣悲涼壯士情便應求半偈兀坐做公卿

甲申仲冬雜感東泉詩存

絕粒過三伏勞形更忍冬凍雲垂敗屋急雪濕鄰春捉筆晨抄

史添香夜數鐘兒多能悞父無地可潛蹤

其二東泉詩存

不禁淚如雨枕邊聞雁聲偷生難問世忍死愧無成骨瘦嫌衾

重燈昏見月明曉來防剝啄自起掩柴荆

憶福兒時讀書般若寺東泉詩存

萬事不稱意方知客館開鳥啼叢竹碧犬吠一僧還此土漸佳

境何須定入山夢畦凝望處大可破愁顏

其二東泉詩存

身健猶勞憶時危敢問天孤燈蕭寺裏細雨紙牕前春色忽已

十

十

半梅香喜未全一枝聊寄汝為占百花先

冬日東泉詩存

妾貧垂十載冬盡諱言愁仰面慚兒女甘心呼馬牛飢烏啼屋

角點鼠闌牀頭半菽余初飽將何慰汝求

送別王阮亭先生和杜茶村原韻同人集

緒風蕩柔葉芳郊桃李繁節序值深春幽花覆層軒我公青雲

器懸子情日敦前月來按縣征驂稅寒門荒園北城隅蕭晨敷

琴尊嗟我苦羸弱久病傷心魂日夕但僵臥未由被春温昨聞

曲水戲賓從盈郊園詩成驚四座落筆聲潺湲微雨歇林杪暮

烟迷山根無何唱騷騎驅從去邱樊強起隨伯兄祖餞追離轍

揭幹一相送聚散如雲屯握手難為別似聞清夜猿愁寐復號
怒兩岸風濤喧去水絕還波令人懷湘沅尺素自南來悽惻河
上言伸紙聊慰衷形影歎飛翻

和孝威匿峯廬登高四首同人集

無限傷秋意登高問幾重賓朋爭授簡兄弟喜相從人座更香

滿街杯菊氣濃蒼茫烟樹外寂寞任芙蓉

其二同人集

今朝晴不易四野麗秋陽巖色穿亭幔輕風送雁行分飛爾更

秀皎潔水初長想見龍山會人懷落帽狂

其三同人集

小阮聞山去元戎許共登老親疑望眼稚子實多能水落羣峯

念笏高戰馬騰履霜知歲晚吾意念堅冰

其四同人集

投足疑無地披襟始覺高百年惟好石萬感只持螯白留前

輩青尊識酒豪便須終日住門外已蓬蒿

懷青若三姪合肥道中家語

忽復出門去飢驅七十翁世人嗔老賤知已痛途窮苦淚休輕

滴深情豈易通平原絲繡後惟見尙書公謝雙芝 麓先生

壽靜菴叔家語

獨承曠緒奪槐科七十齊眉保太和閒徑喜留羈客坐釣簾肯

放好春過迢遙自是芝蘭茂戢戢還因壽母多猶子幸能霜鬢


滿稱觴故情醉顏醜

贈姪孫廷榮鄉薦家語

丈夫立志豈尋常苦盡甘來姓字揚箭落雙雕推國士胸羅全

史擅文章榜花重茂春秋富父願能酬繼述光愧我長江曾十

渡暮年風景更徬徨



寒碧堂詩輯

本書承國立臺灣大學總圖書館借用影印

謹此

致謝

新文豐出版公司 謹啟


水繪庵二子詩

冒穀梁詩序 珠山詩選

新城 王士禛 阮亭

劉須溪評孟襄陽北闕休上書一篇以為生平最失意之時亦其最得意之作故為明皇誦之穀梁客京師二載風塵蕉萃有人所不堪者乃其詩雅健蒼涼頓詣境地五言如西風感遙夜遺夢生邱園身世已無策人生其奈何七言如廿年貧賤依司隸兩世家門託信陵翩翩少俊爭橫殺落落吾曹合布衣風塵萬事惟尊酒今古愁人是玉關可謂驚心動魄一空千金者矣吾亦以為穀梁當失意之時而有此得意之作雖蕉萃庸何傷杜公云王郎拔劍斫地歌莫哀我能拔爾抑塞磊落之奇才吾方儼蹇不能相振拔于其歸也姑論次其詩如此

穀序



目穀梁詩序 珠山詩選

宜興 陳維崧 其年

穀梁都門詩卷評跋者新城王阮亭先生且於卷首爲之摘句
共如干首嗟乎憶余自甲午以來與穀梁游十九年矣中間客
東皋者又幾十年每當文酒之燕絲肉騰沸楮墨若飛賓客競
奮觴詠間作穀梁授簡其旁輒微笑不應至於酒闌客罷月落
潭清簾衣半虛燼珠猶在穀梁偶有吟詠幽深嚴冷拉雜荒涼
如朔風吹之裊空欲斷而又復續也如秋蟬之咽響或止或作
不知所自來也輒令人愕眙悵惘者竟日故余常語人曰穀梁
之於詩也嬾不肯作又簡不多作然吾黨二三兄弟其得詩之
情且得情之深者必穀梁也長安十丈軟紅卽有聰明才智

穀序

二

漣於朱門酒肉間瓌瓌唱酬都不關胸臆耳穀梁之詩何以
是噫異矣猶記昨年余客漳河道一价至都穀梁懇懇款款
逾骨肉有非他人所及知并非余意所及料者穀梁之深於情
也穀梁之所以精於詩乎壬子臘月重過東皋夜宿穀梁宅仿
小樓下愴懷舊事夜分不寐口占二絕詩曰十載曾經宿此樓
燭波激灑真梁州如今徧竟聽歌處只在簾根檻角頭斷粉零
朱板不全白頭重上此樓眠憑誰啼醒揚州夢多謝棲烏似昔
年題穀梁詩卷竟附繫於後

題二言子詩卷兼寄辟疆四首

魚洋詩集

新城 王士禛 阮亭

桃葉山前秋復春金陵往事已成塵當年廚顧東京客零落如
君有幾人

林塘自闢小三吾聲叟風流得似無歷歷酒徒坐洲島便教題
作石魚湖

扁舟萬里獨探奇南紀浮湘到九疑邱壑胸中君自有柳州文

筆謝公詩

辟疆刻康樂游山詩柳州柳永小記皆自評註

伯子才華庾鮑同中郎獨步擅江東開來尺許新吟卷要使狂
奴拜下風

穀題詞

一

寒碧室詩輯

目氏叢書

如皋 冒嘉穗 穀梁著

族孫 廣生 純宦輯

上巳修禊水繪巷分賦 鄧漢儀詩 觀初集

和風蕩林樾霽色搖春岑入門灑飛泉映水啼幽禽花竹日淡

施烟景何清深節序一以佳矧遙瑤華音握蘭正婉婉折柳嗟

侵尋且漱溪邊石一聽邱中琴

其二 詩觀初集 阮元淮海英 雲集 王孫江蘇詩效

亭亭澗底松冷洽琴中鶴渺阿媚層崖激水映花萼嬋媛紅芳

年盤歷青山郭惟恐鷓鴣鳴春花坐零落

穀

送王阮亭先生北上 詩觀初集 淮海英 雲集 江蘇詩效

僕夫告行邁車輪何轉轉出郊授良綬涕下如汎瀾六年荷歡

愛感激非一端詎止願恩私實慮知音難夫子青雲姿流光照

鶴鸞高文擅秩宗著書比瓊玕鄙人守江介藜藿相盤桓憂至

心易瘁事往居恆單追餞出郭門賓從耀銀鞍豈無一尊酒簫

鼓亦不歡飄飄晨風飛安得藉羽翰 此首英靈集少 字單字韻四句 汪之珩東 皋詩存

上已後二日程周量先生招集慈仁松下

長安萬事看花好蕭寺城西逸興同馬首自尋芳草綠酒顏先

讓海棠紅百年勝地餘孤樹一夜春燈感斷蓬辜負採蘭前日

約嘯歌依舊對東風

送毛亦史歸吳門 東皋 詩存

江南江北正春烟一路東風送客船虎阜茶香新入市楓橋夜

月不論錢落紅片片催鄉思折柳絲絲贈別天惆悵採蘭三月

近可能迴憶永和年

長安雜興 東皋 詩存

飄飄歧路竟何之飽歷風塵感鬢絲檻外流鶯春寂寂枝頭紅

杏實離離關心歲月瞻雲淚惆悵空閨攬鏡悲更憶家園因樹

屢秋蟬疎柳月明時

其二 東皋 詩存

白髮高堂感慨增盲風噩浪總難勝廿年貧賤依司隸兩世家

穀

門託信陵太轟高車勞羽翰衡茅菽水藉吳綾感恩自比春潮

關揚子江頭綠幾層

其三 東皋 詩存

繁華消盡防人面入眼難堪生事違嘆笑任教隨薄俗悲歌且

自慰庭闈闢少俊爭橫綬落落吾曹合布衣燕市荒臺憔悴

甚弓刀好趁打圍歸

其四 東皋 詩存

於今誰復念開關粉署風流縱往還官重樊川詩卷盛名齊北

海酒杯開十年夢繞珠江水萬里人依粵秀山聞道嶺南風景

異梅花可以昔時開

其五 東皋詩存

生計迂疎自昔年那堪淪落益蕭然三間臉有看山屋二頃生
憎負郭田誰識往時曾結客堪憐此日飽風烟遙聞玉笛羅江
怨曼曼愁聲到客前

其六 東皋詩存

金臺爭羨稻香樓無數春暉座上收從古才人清似玉由來高
士淡于秋簾疎松影傷今昔帽壓飛花感勝遊庾信江南多少
淚對君不復動深愁

其七 東皋詩存

垂楊官道已成圍宣武門前送落暉寒暑最傷遊子念塵沙易

三

三

染客中衣掖垣香氣浮黃閣諫草疎鐘入紫微今日獨行重過
此舊遊迴首思依依

其八 東皋詩存

弱弟經年愁緒多每憂世事盡風波鷓鴣飛急綠繪池草春
深付浩歌楊柳怨生誰折贈櫻桃會罷信蹉跎歸期準擬秋雲
薄洗鉢塘西看卷荷

贈鄭葉菴先生 東皋詩存

先生天下士高隱三十年望之不可即忽遇燕雲邊春花依容
榻紅壁圓山烟朝瑞思結襪歸計仍林泉昔與先大父囑傲羅
浮嶺大父頭半黑先生方翩翩袁郎草露布倚馬竟長篇投分

重相與莫逆真忘言大父悲謝世松風冷華筵夕陽亭榭改門

第空雲連家君甘踰伏兀坐類枯禪先生亦老矣回首共茫然
一守南海曲一種東臯田賤子本漢落京華更迤邐先生相慰
勞執手淚漣漣懷中有餘刺豈向侯門傳願從結廬隱粵秀好

山川

贈苗焦冥 東皋詩存

憲海有異人少小工詞賦身隱不事名陶然樂韋布中年覺採
芝驂鸞躡雲霧眷念易水深來就燕山路好道多公卿攀轅達
情慄揮塵聽微言滿堂驚回顧客子邗江人風塵識高步聞歌
歸去來千載增懷慕

四

四

贈施匪莪司城 東皋詩存

秦淮紅樹晚涼天命酒河亭說往年才子競投青玉案美人自
賦白雲篇宦遊罷採千山藥貧賤惟耕二頃田相對燕臺多慷慨
滄江四首隔秋烟

九日龔芝麓夫子招同紀伯紫白仲調趙國子徐方虎曾青藜

杜湘草陳康侯緯雲諸子黑窰廠登高次康侯遊西山五韻

東皋詩存

肴臚中廚借大官管絃清畫集平巒秋深落葉空林老人到高
臺野色寒不見黃房歸玉佩爭看錦字落瑀盤追隨禮法容疎
放閒倚微雲舉振冠

其二 東皋詩存

勝遊是處接芳尊回首青山與舊恩黃菊再逢仍客路白華遙望隔鄉園秋瞻御苑雲連樹地近高城月到門顧影自傷搖落

甚江天愁思復誰言

其三 東皋詩存

清流閒說鳳凰臺畫舫珠簾日夜開帳後師生新禮數樽前朋好舊塵埃才人藻績南鄉重處士苕華北地催桃葉桃根俱往事尋秋重為庾公來

其四 東皋詩存

晴峯古堞對嵯峨共聽松風謾謾過幾處落霞橫玉塞數行歸

穀

五

雁渡金河吹簫冷與他鄉少擊筑歌聲醉眼多不是戍樓催落

木肯令車馬散明旂

其五 東皋詩存

亭榭風前樹影重江淮名士此相逢明珠神劍當秋合菰米松花到晚供檻外雲山紛雁鷺筆端風雨走魚龍夜闌再奏伊涼曲冷露垂垂拂酒容

冬夜感懷 東皋詩存

所居在窮巷寂寂不聞喧四顧但霜葉含情無一言西風感遙夜遠夢生邱園此際憶明發歸期難具論

其二 東皋詩存

家園豈不念豺虎日來過身世已無策人生其奈何寒鴻天外斷戍鼓客中多夜久誰相問沈吟發浩歌

其三 東皋詩存

深寒薄薄簾獨坐擁孤衾卽此清霜節難安白髮心羊腸迷近路鷹眼徧遙林安得改顏色從人慕盃簪

其四 東皋詩存

不知衣褐短但苦夜寒濃旅思如春繭人情尙夏峯燈孤圓落葉雨響送疎鐘慚媿炊烟斷遙聞急早春

題李武曾灌園圖 東皋詩存

壯遊車馬倦京塵歸臥柴門草色新金谷尙從圖裏見竹垞先

穀

木

約耦耕人

其二 東皋詩存

短布單衣岸曠斜朝朝抱甕爲澆花邵平不向青門見世上誰傳五色瓜

贈張螺浮先生 東皋詩存

十年霜雪老黃門一片孤忠世所尊憂國上書多有淚避人焚草欲無痕埋輪不數當時直求劍還沾此日恩四海蒼生思碩

果肯容初服戀荒村

黑龍潭松下晚集分得三字 東皋詩存

遷勝滌煩暑結軫過茅菴崇林雜衆卉素鬢明蒼潭上有空桑

樹陰翳淨烟嵐肅涼蟬鳴遠峯歸蔚藍清讌集耆舊豈必皆
朝簪移坐傾壺觴微涼恣幽探雨餘風欲來漸覺酒入酣俯仰
思今昔萬感羅清談百年會幾時鬢髮將鬢髮勝地在都市卽
次當再三邱壑意無限凡塵聊自甘如何遊覽劇忽復憶江南
和韓秋巖先生見贈家大人原韻五首 東泉詩存
家世洛陽城清風永嘉縣在苒十四年流光疾於箭雅拜詣方
舟數語廣間見人生貴令名所憂非貧賤

其二 東泉詩存

累葉託通門嬋媛不能解結契金蘭幽當年成佳話盛衰亦無
常繁華詎云快此會坐重陰迴谿入圖畫

穀

七

其三 東泉詩存

緬懷探幽奇雄談追上下披襟對空林遊盤命杯筯吾父積憂

虞倚伏安足詭菽水生古歡千鍾薄玉霸

其四 東泉詩存

願隨黃鶴飛虛堂羞燕雀雖云挺孤根式微同振鐸窮達聊自

安世情何輕薄相對不極驩含情待誰樂

其五 東泉詩存

風雨惜行人繁詞無足比有懷戀青松素心旌白水言歸樂田

園荷鋤一經理更載河陽花三徑滿桃李

贈雲閒陸子淵先生 東泉詩存

孤蹤飄泊十年間籬畔秋花記往還何意征鴻迴歷下恰逢車
馬駐燕山風塵萬事惟尊酒今古愁人是玉關千頃柳湖春水
碧釣竿猶識舊時顏

其二 東泉詩存

君往遼西歷萬山斷谿荒徑馬蹄艱寒深碧海孤雲立風咽黃
沙塞月閒旅食出關鹽酪貴青春去國鬢毛斑吳生憔悴真堪
憶何日金雞放早還

送別黃天濤 東泉詩存

相逢且漫說相思爲誦燕山驛路詩落月三年懸客夢平原十
日醉君后愛吟紅燭他鄉共翻恨春帆江上期卻羨雙飛頻騁

穀

八

望天津橋下合歡時

吳子班大兄重訪家大人見投三律答和 同人集

幾載頻離合嗟予心力疲年華漏駒影門戶補蛛絲耕養辭榮
辱灰心歷歲時近來荒紙筆不復責諸兒

其二 同人集

與君甘世外半世總三秋霜雪盈頭白江山到處留酒銷南北
史歌送古今愁同說人倫鑿龍門好共投

其三 同人集

升沈憐數子 文友寶笈其年諸兄俱赴玉樓甯敢怨沈淪埋壁空歸趙懷珠不
繫秦相逢留草閣促坐惜花辰別去交魂夢天涯共此身

聞璋先生有約不至書此寄懷同人集

井梧颯颯秋風多吹徹單衫喚奈何東海故人勞夢寐西堂老子望經過荒原竹樹應獨立落月簾鉤誰和歌約我兼旬仍小住好携斗酒問烟波

壬戌中元薦其年長兄於定惠寺追和其已亥中元賦謝原韻
以哭之同人集

弟兄稱異姓半世附顏行星鳳歸河嶽雲霄失羽裳晚年登漢殿綺歲序勝王魂魄應來此精廬當故鄉

其二同人集
蕭寺仍齋薦英魂痛爾添千秋成永別十載幸無嫌人事真難

料天心何太毀紫雲應在侍可復舊纖纖

九月望後家人集諸同志看芙蓉即席限韻時奉命去郡歸
和二首同人集

爲愛芙蓉好霜濃酒氣微美人隔遙岸秋色上清輝雜坐甯餅醉將車事暫違樁庭看不厭日夕啟柴扉

其二同人集
小畔山根種幾霜今年冷豔簇林塘隔籬炤鏡分紅暈墜粉含

烟受夜涼花似有情娛老眼人從何處避寒香勝遊好釋新詩
卷燭短檣深未渺茫

寒碧堂詩輯補

題友人向山圖珠山詩選

門庭迢遞對巖阿綠水沿流自透迤記得錢郎詩句好憚人心處向山多

其二珠山詩選
比部風流最有名翩翩公子識閒情鯉庭此日堪圖畫塞北江

風隔幾程
七夕感懷珠山詩選

四壁秋聲夜未央此時猶幸是他鄉人間悵望無消息天上雙星亦渺茫

其二珠山詩選

佳辰季子進金卮兩世高堂念遠兒極目南雲何處近迴環竟夜憶家慈

其三珠山詩選
遙憐孤櫂夢魂依歎息當年事事非瓜菓空陳兒女淚半簾殘

月照羅幃
其四珠山詩選

無端歲歲負佳辰一枕秋鐘客裏身握手牽衣多少恨銀河不隔夢中人

其五珠山詩選

離愁斷續似蛛絲百轉千迴乞巧遲縱使露零衝散後柔腸又

掛五更時

其六 珠山詩選

一聲鷄唱夜闌干倦倚殘燈客思難牛女正愁天欲曙故教風

急雨漫漫

上孫北海先生 珠山詩選

束髮聞清譽心懸大隱居時從巨源宅一見老人書 曾於公賦

書綠野春留客滄江昔釣魚竭來相慰藉願御李君車

其二 珠山詩選

高臥增幽賞虛懷養性靈奇書探汲冢古版辨蘭亭畧岳秦庭

穀

主

碧縹緲漢殿青如公者舊客海內比晨星

贈張螺浮先生 珠山詩選

十年霜雪老黃門賤子常依白玉尊夢繞金山迷月影心搖古

寺溼花痕迴看別淚彈紅雨閒倚高樓念昔恩惆悵禁林春漸

暮微茫杖履去江村

家君刻寒碧堂詩輯竟沙丈健庵以舊刻珠山詩選見眎較

家君所輯少上已脩禊二首送王阮亭一首吳子班見訪三

首聞璋先生有約不至一首薦陳其年二首看芙蓉二首而

此十一首則家君輯本所無附錄於此并補刻王阮亭陳其

年二序於卷端癸丑二月另景璋識

寒碧堂詩輯附錄

冒氏叢書

冒廣生輯

兩孫從師就塾賦示 以下並批存堂稿

青箱奕奕自門風濯濯孫枝發舊叢老去鍾情慚舐犢年來戢

翼謝冥鴻敢將輪困煩宗匠賴得鎚似化工爾氣方新吾日

短可能跨竈慰山翁

其二

海內聲名讓巨公也曾塗抹過西東橫金未竟千秋業背水猶

收一戰功不道獲多皆詭遇偏從心苦識良工搏扶萬里尋常

事勁翮還期挾厚風

穀附

主

其三

得失都忘付楚弓轉因後事憶前功總饒絢爛歸平淡未許誰

奇薄渾融得力手操生熟外忘筌神妙有無中迎機指點憑明

眼衣鉢何當問拙翁 余別號拙翁

夜讀示孫禾書丹書

冒起宗

幽窗相對短檠鏗細字巾箱燼尚存恆產吾家惟萬卷莫嗤老

叟似枯蠅

囊兒奉母之郡為禾孫畢婚余久杜門未往也 冒起宗

玉簫明月自揚州笑酌屠蘇泛碧流光覆一堂當合色扶攜三

世美同舟繁華莫羨流風在雅道應從我輩留鴻案暫時煩獨

舉歸來遣見錯觥籌

其二

敢言蒼拙道常尊十載苔封屐齒痕五岳向平人獨老蕪城鮑
照賦空存從知介福膺王母豈獨頽年暉愛孫看罷九微春正
好雙星先照翟公門

己亥人日喜禾兒舉子彌月巢民詩集

冒襄

一月俄看添一歲怡逢人日際辰靈李嶠人日詩瑞圖金勝迎
文祿玉樹芝蘭愧謝庭老母七旬曾入抱華筵四世綵爲屏他
時非分吾何望願守青箱紹一經

九日黑窑廠登高同方虎國子康侯青藜緯雲穀梁仲調伯紫

穀附

湘草次康侯西山韻以下並定

龔鼎孳

彭澤卑栖也葉官肯因馬棧負煙巒天連野色浮空關人坐秋
陰愛薄寒餐菊飽應驕五斗振衣輕不讓千盤蘭舉延仁游詩
道詎必高余及及冠

其二

只有黃花其綠尊無人不受九秋恩百年朋好餘霜鬢一夜江
山似故園玉塞吹笳迴金溝落葉到青門當風欲結幽蘭
佩公子何思未敢言

其三

年年步履此登臺今夕秋花喜盡開自是歡多延暮景那堪風

急捲飛埃監輿敢借羣賢擁錦瑟偏逢爛醉哀高會無錢須肯
酒狂呼不望白衣來

其四

江聲萬里滾岷峨淮海魚龍白日過盡遺金尊消歲月幾時壁
馬奠江河寢園佳氣千山轉宮井哀蟬一曲多有奏囊馳水
早望中逸足倚明駝

雪後古古樂子礎日子壽方虎荆名遙集康侯錫鬯湘草武曾
緯雲竹濤青藜仲調穀梁武廬同集小齋古老限杜韻卽席
四首是日稚兒初就塾

龔鼎孳

穀附

光積一庭到眼風塵高枕過頻年發散白頭經呼兒誦讀從吾
拙勿遣陳咸觸睡屏

其二

屋角冰殘似綴星興深頌酒廢觴銘魚從凍後來灤水橋愛霜
多摘洞庭萬里客心歸自卜千盤畏路老全經藜床脫粟遺投
翰却羨誰家六曲屏

其三

扁舟結伴已晨星歸訪江皋瘞鶴銘春水鳧鷖原傍舍赤霄鶴
鸞儘充庭聞身送日逃三雅薄宦傳家笑一經風急打簷飛霰
入玉龍擊碎水晶屏

其四

車騎天街欲亂星，愚公只守研山銘。朋從肯使同於野，樽矢何須責不庭。已報期門迴急雪，誰將石碣補遺經。醉餘自裂巾箱草，枯樹空枝曲脚屏。

嘉平立春後二日雪客攜具過小齋招同古古條侯平子湘草

穀梁驥子飲中限韻

龔鼎孳

稽阮林中一醉勻，難逢宛雒此均茵。銅盤翠滴風前淚，珠斗晴開臘尾春。扶病高朋原大藥，得閒苦海亦良辰。旗亭風日青絲騎，賞酒拋球未肯貧。

其二

穀附

五

風細銅街歲鼓勻，深寒漸欲減重茵。他鄉客聚三間屋，老眼花催兩度春。書就藏山仍甲子，天容同世不參辰。玉壺攜酒忘賓主，轉笑公孫脫粟貧。

穀梁持許默公所刻圖章三枚見惠口占謝之 龔鼎孳

香嚴姓字疏狂甚，小印驚同琬琰藏。寄語黃山程穆倩，中原旗

鼓一相當

其二

水繪庵中風雅客，攜來篆法古無倫。菊花門巷閒如許，拂素含毫更可人。

偶以羅酒一罍餉，友猿適穀梁過飲同竹濤各作二絕句依韻

選和

龔鼎孳

不知何氣識金銀，但愛謀歡小飲真。一瓊羅家錯認水，錯認水酒名也博來玉案十行新。

其二

寒花幾點傍芳尊，高卧閒齋病是恩。雪壓西山飛絮滿，河千萬柳未全髡。

其三

何須注玉與傾銀，風味全輸此夕真。君子之交歲寒色，幽蘭相對一叢新。

其四

穀附

七

二客風流照玉尊，他鄉先識醉鄉恩。傳來彩筆吾難和，老矣中書罪可髡。

穀梁二哥移鳳蝶浮先生新圖酒中偶成十二絕

龔鼎孳

一榻名園即故園，客愁休挂月中村。柴門為鎖松筠色，長對西莊給事尊。

其二

柳市塵開百尺居，東林街裏一囊書。不須更問銅龍夜，金鑰因風啟禁廬。

其三

天津不上廣陵潮
柏葉椒花客思遙
歲晚何人同送臘
楊枝歸去伴秦簫

其四

滿林煙景畫營印
此地長安足卧游
大好西山三日雪
捲簾重上一層樓

其五

豈有風塵點客衣
衝寒常傍雪花歸
濃青薄醉眠難穩
不許南枝烏夜飛

其六

老去無因再少年
羨君猶踏錦連錢
五陵到眼花如霧
章曲人

家附

家尺五天

其七

披裘莫醉酒舖傍
作黍人來竟據床
獻歲登樓好風景
一泓春水白鷗莊

其八

才子編應棄出關
相期獻賦及春還
老夫欲泛東皋棹
與汝同看海岸山

其九

茱萸灣畔筍輿回
望道年年獨上臺
我去更從名父飲
油蠟花露一齊開

其十

華萼芳蘭惜袂分
後先入雒總機雲
迴風誰奏關山笛
萬里青天雁一羣

其十一

簷角寒星雪後斜
客中驚說客移家
安能躡屋長鄰並
共剪西窗絳燭花

其十二

是處青林帶碧巖
裝貧何惜典朝衫
與君今夜連牀夢
鐘打寒山夜半帆

青藜將南行
招同槩子方
虎維則石潭
穀梁集雪客
秋水軒即

家附

席和顧庵韻

龔鼎孳

簾颺微颺卷正新
秋水一宵排遣客
舍高城砧杵急清

淚青衫休泣
隨旅燕棲巢如
爾老子逢場游戲
久興婆娑肯較南樓
後斜陽總關過
歡展西山半角
藏還顯記春星
捫蘿孤照

來青殘扇早雁
漸迴沙柳路催
起臂鷹牽犬蝦
菜夢年年難免且飲
醕醪公瑾坐問
風流軍陣今誰
典花月外舌須
翦賀新

送穀梁三疊顧庵學士韻

龔鼎孳

雨過窗蕉卷更
關河早鴻嘹唳
被秋驅遣多少
客心難按捺偏到
臨岐淒泣訝來
往芒鞋重繭愁
是吾曹萍梗散
算名場失意悲
還淺紈扇在懶
頻展烏衣門第
應清顯盼詞人
沈香奏曲

禁林揮扇却向朝川圖畫卧華子
兩頭聞犬羞獻納吾冠須免
且其小胥談博奧儘奚囊好句
共籤典燒尾宴錦綾翦賀新

中秋有感兼送穀梁

雙鼎琴

一葉驚風卷正天街白麻將下青
驄行遺身世多艱誰自料老

淚蒼生頻泣怕浪滾沸湯投繭皓
月中秋同仁立瞻南枝烏韻

情非淺空袖手力難展 朱輪華
轂爭榮顯但低頭與時聾啞

隨人圓扁徑欲拂衣長嘯去何處
擔琴攜犬便狂醉難乎為免

候汝歸裝煙水路任驢驢酒盡休
輕典都市語并刀剪賀新

奉和合肥夫子韻送穀梁世兄移寓
張給諫園亭十二絕海日

僅載第四第七第八
首此從同人集鈔補

程可則

穀附

九

日說鄉園未有園相過詩話竹西
村移居忽向城東去惱我應

閒十日尊

其一

黃門青瑣似仙居況有牙籤百種
書好對西窗問奇字東皋何

必愛吾廬

其二

知君家近曲江潮千頃銀波望總
遙給事松筠今有宅不教橋

畔憶吹簫

其四

梁園石上水中邱閉戶還堪放櫂
游記得李侯呼酒夜月明入

在浪西樓

其五

右安門巷即烏衣日向橫街蹀馬
蹄纂纂東林雖可摘不如身

繞鳳梧飛

其六

公子行歌正少年錦囊窺澀阮乎
錢春風給札承明直上苑鶯

聽二月天

其七

書齋曾築射湖旁彩筆紛披玳瑁
牀莫謂客中無別業故人今

借百花莊

穀附

三

其八

休將明月掩松關尙許吾曹共往
還擬趁畫簾殘雪後提壺同

看米家山

其九

十日何妨到九回鈎衣齊上讀書
臺年來易覺雙眉鎖不是逢

君那得開

其十

曲榭飛梁一榻分不須圖畫說瞻
雲重闈自有輕軒樂愛爾常

趁鷓鴣羣

其十一

我雖蓬戶隔西斜槐樹雙雙不是家
途臘管教菊酒熟還來刻燭送椒花

其十二

回首樵西曲曲巖十年歸夢阻征衫
何時其理南鄉楫夜半無人天一帆

九日穀梁招同諸子由小秦淮泛舟至法海寺惜不與巢民先生青若同之漫書四作奉寄四首海日堂集不載見同人集程可則

佳麗古維揚秋花滿地香昔年經五度今日過重陽
暫得莫同佩難逢菊有芳無風亦無雨一棹向雷塘

其一
蚱蜢舟雖小居然汀漫游金波浮綠蠹玉笛起朱樓
野鶴穿籬出寒花接院幽當歌傳水調駐楫一遲留

其二

穀附

圭

蜀岡形勝好逸遷枕城陰一線秦淮水中流碧澗深
美人宛簾閣秋色靜雲林更過紅橋曲時聞笙瑟音

其三

言登法海寺遠望平山堂峰影露凝翠鐘聲到夕陽
好風吹不斷歸路興還長後夜江南夢悠悠水一方

其四

秋日邀陸笏田錢礎日彭日晉曾青藜張桐君朱錫鬯李武曾

陳緯雲冒穀梁陸玉壘蔡竹濤小集海日堂酒後分賦以下並海

日堂

程可則

秋林莽岑寂瑟瑟聞商風獨居懷古歡出戶將奚從
暫焉輟簿領置酒邀羣公雞黍不足言燕笑披微衷
殘陽散車馬短砌吟幽蟲幽賞靜逾愜秉簡分詩筒
戀此宵氣佳何論拙與工良會古難常歡樂恆苦終

送冒穀梁歸雒舉兼訊辟廱

程可則

三年同旅食觸緒得情親亦自忘朝暮何曾辨主賓
歡偕如意舞愁共兩眉鬢今日臨歧路誰能不愴神

其一

爾本烏衣客辛勤負劒來逢辰嗟不易食昂事全猜
姓字登蘭殿詩書困草萊行藏俱努力歸思且悠哉

穀附

圭

聞道東臯下園亭接射湖鶯花猶似昔賓從未全孤
命酒燒紅燭稱詩采絳趺一堂森四世行樂在三吾辟疆別業日小三吾

其二

大宗伯龔公招同宋荔裳曹顧庵施愚山紀伯紫沈繹堂姜鐵夫王西樵王阮亭劉玉少陶季深曾青藜冒穀梁諸子集黑龍潭樹下即以二儀清濁還高下三伏炎蒸定有無為韻余分得定字

祝融盛炎德束帶苦愁病所思在林塘忽枉謝公興招我城南

隔道踏元都勝陂陀高下列煙樹周遭映宮觀何嵯峨潭水黝

祝融盛炎德束帶苦愁病所思在林塘忽枉謝公興招我城南隔道踏元都勝陂陀高下列煙樹周遭映宮觀何嵯峨潭水黝

而淨風雷閑地脈匡溜決晶瑩似有鬼神伏或者蛟龍走四顧
聞妙香松篁響紛應擲覽非一觀指點豁諸聽主人敬愛客藉
散似中聖飲同河朔哀講類康成鄭義取不少留巖壑儵以暝
不愁風雨來所懼僻巽罄勝地難重期塵囂況相屏不樂將何
為歸來發深詠

雨後東冒二

程可則

朝來新雨下微濛洗却東華十丈紅遙憶故人高館在隔河煙
樹一簾風

復陪龔芝麓先生過穀梁寓齋限韻

程可則

門前垂柳絲如莎雨後仍陪杖履過恰是春帆天上坐捲簾朱

穀附

圭

露下銀河

大宗伯龔公招同荔裳愚山顧庵繹堂惺溱西樵伯紫鐵夫穀

梁集黑龍潭分得下字

燕祥續集

王士禛

謝公躡登臨南宮富清暇城南曠瞻矚招尋共休夏長鬚來叩
門柴車已巾簞數折緣陂塘宛如陟元壩初晴道少人涼風吹
繩極靈宮氣蒼鬱藤蘿纏古瓦蕭蕭見郊原稍稍登臺榭百斛
好螺黛明白若圓晝目極西山雲心馳東林社夕陽下龍湫布
席俯川汶水聲空谷裏人影疏林下藻密魚飛疾疾樹深鳥鳴沙
眼中有數公詞壇各雄伯稱詩互犄角論文競教吳劇飲
振航船起舞杖芋蔗辟彼太白高爭挽大黃射不知四座中誰

啖牛心炙賤子性寡諧入世苦聾牙叶牀頭有周易避人時枕
藉諸公張吾軍左次顧三舍百年去堂堂為歡幾良夜詎愁街
鼓動更解青絲竿露下星斗繁流連不知罷

過冒穀梁寓舍地近御河

以下並學餘詩集

施閨章

離索情何劇羈縲興不孤臨高望城闕依水當江湖名姓君王

識篇章故舊俱最憐情絕地早晚一搗壺

黑龍潭樹下晚集分得濁字呈龔大宗伯

是夕同荔裳顧庵繹堂西樵周量阮亭次

山葉子鐵夫青

施閨章

長安車馬間何處尋巖谷竭來帝城隅突似春江曲方澤橫松

林西山明竹屋晚雲薄絳香浮動疊百幅徙席藉芳草龍潭蔭

穀附

圭

喬木窟穴深海冥鱗角隱盤蹙海桐鬱擁腫枯桑炯空腹水氣

與林陰連天漲寒綠主人邱壑懷金龜換醪杯從魚鳥親耳

謝筭笛俗明星懸樹顛宵鐘響地軸耆舊感飄蓬聚散如轉燭

苦留承夕歡頗嗔僕夫促妙理在春醪更酌不辭濁

贈冒嘉穗二首以下並學書亭集

朱彝尊

我昔齊東住君來歷下游客亭無奈別樽酒未言愁暑雨城西

寺高林棗外樓醉歌今始得同調日相求

其一

盡說移居好投詩給事莊松筠深不見邱壑興何長夜燭攤書

坐春醪並馬嘗追隨吾更數知愛接輿狂

贈買穀梁三首 以下並湖海樓集

陳維崧

甲午之秋我三十臺城城下一逢君卿年倏忽復爾爾那不老我髮參軍

其二

銀灣南海水玲峴岸上晴螺九疊青六歲獅兒偏跳盪月中人

在玩球亭 穀梁六歲時從大父憲副公登粵東七星巖

其三

怪底時賢枉讀書曹劉沈謝豈關渠愛君側帽微風裏妙悟公

然獨起予

宿穀梁宅後小書樓口占二絕句

陳維崧

穀附

十載曾經宿此樓燭被微醺裊梁州如今欲覓聽歌處只在簾

根檻角頭

其二

斷粉零朱板不全白頭重上此樓眼憑誰啼醒揚州夢惟有酒

鳥似昔年

專諸巷看穀梁買鼓槌

陳維崧

綠水滑如油漲滿銅溝柳花伴我作閒游青漆鼓槌紅架子別

樣風流 買了且歸休單絞岑牟世間定有此人須向金閨

亭下路打散春愁 浪淘沙

繆園與穀梁話舊

陳維崧

鵲舌啼春冷記并州十年飄泊蝶僥蜂倖花露微蒸纔抑鮮小

闌圍香說餅開多少簾痕帽影燭底新翻楊枝曲字斜行寫上

春衣領只此事君應省 江南四月殘紅靜又逢君斜陽一水

盈盈舴艋暫借芳園聊話舊坐皺綠蕪三徑算聚散來朝難定

鴉爪那能長留住笑繫腰彭祖徒窺井一彈指三生頃 賀新

維揚旅次遇買穀梁 以下并甲乙友鈔

徐倬

江樓孤客坐驚喜故人來各看蒙頭雪權呼婪尾杯春先楊柳

至人食荔支回 穀梁自寄訊西堂草濃愁可割開

其二

其話年來事高懷雅遜君鯉庭徵妙舞 尊人巢民先生寶樹策自致黎園娛老

奇勳 命關立

情我在原鳥翻成出岫雲蕪城逢舊雨愁煞鮑參

軍

買穀梁移寓梁園合肥公歌詩十二章贈之屬同人和韻 以下並燕

塞小

徐倬

作客偏宜修竹園花源藥嶼宛成邨清冷池水將千頃只與君

家富酒樽

其二

素心人在好移居五柳先生善讀書何處乾坤非逆旅難言吾

亦愛吾廬

其三

夢裏揚州八月潮風流往事悵然遙梨園子弟東鄰住愁傍宮牆聽玉簫

其四

結束輕裝辭故舊一時枚馬盡同游梁園昨夜飛深雪白玉妝成十二樓

其五

遷喬公子舊金衣坐戀柔條未忍歸不似空林秦吉了霜天萬里欲南飛

其六

久拚一醉送殘年三百金銅沽酒錢方朔雖饑還據地風平獨

穀附

毛

醒只呼天

其七

約到荆高燕市傍酒胡滴瀝注糟床却愁日落松筠碧誰叩城

其八

西給事莊穀梁與蝶浮給諫同寓

名園日涉不須關明月清風任往還問酒但宜呼北海開窗却

喜對西山

其九

雪後天街並馬回相憐憔悴在燕臺門前縱使多車轍三徑還須爲我開

其十

客牀上下豈難分君已爲龍我作雲豕到遼東頭盡白馬來冀北骨空羣

其十一

御苑金溝近狹邪葳蕤深閉阿誰家休論賣賦金多少儘購東風第一花

其十二

人見朱門君碧巖嬾將紅霧汚青衫三秋有淚揮銅狄萬古無風到石帆

和岷瞻送冒穀梁韻四絕句

徐俔

穀附

毛

滿江楓樹滿天雲紫蓼黃花雁幾羣君去廣陵宜八月寒濤如雪正遲君

其十一

伯勞飛燕總休論去住浮雲酒一尊別後夢魂如識路君來京

其十二

青衫席帽此還鄉隔歲重期入洛裝去日枯楊珠勒短來時芳

草玉河長

其十三

吳霜片片點征衣到日門前秋雁飛白紵紅牙都不羨江邨姤

殺蟹筐肥

寓中同穀梁道兄談舊再曼韻

以下並汗漫集

徐倬

京華風景記如何
獵鼓岐陽手其摩
梁苑飛花隨客散
蘆溝塞雁入秋多
隋宮恰好逢衰柳
越鳥惟知戀舊柯
話到半疊齊落淚
西州門外恐難過

其一

黃金空自築燕臺
東閣遲君尚未來
秋水曾題腸斷句
春暉時憶夜深杯
幾年夢冷銅溝月
此日愁飛玉瑄灰
喜得靈椿無恙在
南山獻壽祝臺萊

送穀梁水香

徐倬

穀附

三

別酒如波卷望關
山雲兼愁重天難
情遣吾輩飄流無
老淚半為悲秋淒
泣身好似八眠柔
繭繞話傷心頭早
白縱頻對竹葉紅
潮淺除是夢還方
展邯鄲旅枕人通
顯酒初醒曉霜歸
牖月痕橫扁依舊
黃梁茅店路一派
疏籬啾犬料此刻
淩其甯免檢點輕
裝有底物已黑貂
破盡金雞典離亭
外朔風剪石林招
同武曾錫鬯二鮑
湘草穀梁夜集寓
齋看燈上美人用
史邦卿韻錦瑟
汪懋麟

少歌翻閱苑畫圖
相識又惱亂心情
如線最牽愁我夢
揚州月下簫聲曾
見東風第

秋日侍家大人招
同姜湘潭冒穀梁
徐左臣諸子游西
山即景

賦閣樓

張皓

集字

穿林尋野寺落日
到荒邱對景渾忘
倦裁詩應散愁花
香深院

其二

谷口探幽日高堂
與自深招攜忘野
墅坐卧向禪林橫
笛峯前落疏鐘月
下沈輕衫籠夜色
莫遣晚風侵功德

贈冒二穀梁以下並有

韓葵

穀附

三

菅屨麻衣杖是宜
渡江來訪祇愁予
窮當詞客滄桑後
老作孤兒患難餘
四海衣冠多執友
一坏窳窳賣殘書
可堪同入扶風帳
君亦此合肥韓
冒二穀梁計至詩
以哭之韓葵
怨莫怨生離悲莫
悲死別別君邦溝
上銜恤時泣血刺
刺訴窮孤一坏未
穿穴屬我有道碑
稽顙情哀切同泛
襄湖船相期淮浦
月我行駛風帆而
君遲鼓柁一雨遂
差池嗚呼長兩絕
憶君樸巢翁遺逸
邦之哲資朋傾顧
厨亭館帶帶喘噪
丁年君更豪詞場
最雄傑才子本懸
鈴知音快讀電雲
海胸吐吞一切俱
蠟酸多能事事工
命也翻成拙盛衰
局易更門戶天多
孽晚景怕酸

辛亥態飽寒熱鉢池既水枯老人亦瑟撤六十孺子慕自然蘭
玉折魂魄正相隨所痛遺衰經諸郎遺負荷愛弟支單子余游
紉繫聞兩世景光瞥人欲久不死乾坤莽騷屑旅懷百無堪寢
門添嗚咽紅蠟小印書六六猶在篋佩君青絲囊磨君烏玉珙
更憶曩別時執手心如結豈其善謔兮謬責相提挈衡纒至輕
微視余空有舌何以慰九原當刊第二隔

邦江寓樓喜冒穀梁至自都門

淮海英

許嗣隆

客中客到仍爲客無意相逢意更親十五年前雙淚眼三千里
外一歸人正逢月好當秋夜猶記書來是早春秉燭相看非夢
寐開懷莫厭酒杯頻

穀附

三

寄兄

昭代詩存

冒丹書

別後鷺時序天風憶汝寒音書何阻隔魂夢想艱難月冷黃花
瘦秋晴雁影單欲將消息報猶恐客心酸
穀梁世兄生子以己亥人日滿月賦此爲贈

東阜詩存

邵潛

生兒方匝片恰喜遶靈辰質已毓陽德氣仍含早春家駒今日
譽國寶異時珍重慶筵前色甯誇勝作人

癸卯八月邦上寓館喜穀梁兄弟過訪寄柬辟疆

以下並同人集

方拱乾

把酒問家門知是故人子故人有父別時尙未死在苒廿年

餘存亡難舉似昨春初入關如皋書一紙及報廣陵書經年斷
音紙忽然二妙來窮途顧衰齒頰兩丈夫老眼迷指視自言
八歲時追隨在醉李惠山既扶筇毘陵復躡履問關離蹤歷
數如掌指坎壈今如何兵戈猶後矣而翁正壯年鬢霜胡太駛
而祖已古人山陽痛曷已愧我支離身蓬梗眩行止往既艱舟
車來亦阻道里或若興會乘望望秋水

穀梁先生招飲怡值初度賦贈

邵陵

高齋風雨喜留賓怡值先生嶽降辰學舞競看長袖子舉觴先
祝白頭親苦吟愛擊催詩鉢就飲新裁澆酒巾歌遏行雲凝不
散兩床絲竹一堂春

穀附

三

其二

徐節溥

恰喜逢君初度時庭前花發小春枝經綸何必垂簪笏氣誼眞
堪並鼎彝雲外簫聲飛蓋遠月明松影上窗遲慚無天保岡陵
祝翻向長筵醉玉卮

再疊韻贈穀梁

沈宗元

行藏落拓奈時何中夜捫心手自摩肝胆能披知世少鬚眉欲
動兒才多人情日日三秋雨君意亭亭百尺柯把臂快談今古
事揚州煙月許同過

其二

移樽重話客燕臺月浸塔除霜欲來螺黛光分映綠酒檀牙聲

拍泛霞杯座有較書并善歌者銅壺未盡青燈淚鼓露還飛玉管灰人事

升沈何足問仁看宮錦戲衣萊

黑龍潭樹下晚集同荔裳顧庵愚山西樵周量阮亭鐵夫樊子

青藜陶季穀梁分得無字呈龔大宗伯以下並續同人集

沈荃

盛夏苦炎熇客子心煩紆言從河朔飲來愁城南隅寥曠隔市
喧水木環清都泂溪交濯莽夾路蔭槐榆崇壇既東峙疊嶂復
西趨中有古龍井伊昔稱舞雩陰壑竊以深潛蚪或可呼主人
耽幽賞招邀咸吾徒布席面空濶城闕如畫圖清言展諧謔雜
坐解簪裾雅鬱互酬獻禮法甯所拘須與夕陽下明霞亂蕪蒲

敬附

三

枯桑噪初蟬荒地鳴蟪蛄徒倚藉芳草洗醖傾百壺仰視河漢
高繁暑倏已徂回首感流電慷慨悲隙駒今夕不極權勞生一
何愚投轄固云厚秉燭良非迂殷勤語同好嘉會無時無

又分得清字

曹爾堪

鬱鬱古柏茂澗澗曲池平涼颺度沙温斜照連鳳城黃屋丹霄
間樹外窺飛甍枯桑裂支理激壑春還生剝脫雷火劈何年遭
剝跡曠景不受暑遠風來無聲秩宗舉夔亞夙夜懷寅清傳慶
作霖雨莘野豈割烹乘閑續雅頌投契非簪纓留客意繾綣銅
箭夜數更盛氣凌海岳清響調芭笙長嘯天地濶冥搜鬼神驚
銀槎泛嘉醴微動江湖情自憐偃蹇交授簡慚馬卿主賓富文

藻吐納多菁英蛟龍起深谷變化烏能名

又分得有字


王士禛

龍潭古堞陰幽境稔已久不有尚書期將毋屐齒負方池闕靈
異高柯盤蚺入門耳目換恍惚涉林藪樽開遠岫左席移餘
映後石壇清磬聞四座羽觴走張燈接暝色林氣幻蒼黝旁睨
閃雲電仰視見星斗咫尺明晦殊至精復誰扣縱愁雷雨至且
戀杯觥糾佳游不易再爛醉詎為醜罷飲漏向沈蒼茫更回首

敬附

三





枕煙堂詩輯

本書承國立臺灣大學總圖書館借用影印

謹此

致謝

新文豐出版公司
謹啟

陳子昌子同舍讀書相樂也已而相語昌子謂陳子曰曩者鄙人私有述作不揣固陋藉子評騭以行今茲指製仍妄冀子序之過高唐者竊願效其聲音臨唯渙者繆欲師其藻績不自知其復也吾子尚幸許我陳子曰固也子即不言僕將為子序之雖然吾二人如貴亦固不聞且昔所撰子序暨無與氏穀梁氏二序列之審矣是又奚以序子念祇浮夸以相稱又非吾二人所為也無已則與子論詩昌子曰唯唯謹受教陳子曰夫詩者先王所以剖治忽鑿興廢厚風俗鳴鬱結而養性情也故情欲其正氣欲其達聲欲其含蓄而不濫溫栗而不雜昔夫誼夫亮

青序

士貞姬葉友勢屈志辱鮮所昭白於是乎假器物以通之體勢虛無情狀魚鳥植心幹於簞管濬情瀾於匏革猗迂往復而後致之此詩之所由昉也昌子曰吾聞之詩之為術也有鉅有瑣有正有變有莊有諧先民復作將毋從同歟陳子曰是則然矣抑詩有合有離聲與情協為合情與聲反為離本情而諧聲為合離情而出聲為離言情則瑣者變者諧者為合沿聲則鉅者正者莊者為離變子生而母辨之嗜其貌也橘踰淮而人惡之棄其神也吾生慎之矣昌子曰人亦有言詩以代降有諸陳子曰夫河梁之不得不變為建安也太康之不得不變為天監也杜夔調律音奏舒雅荀勗改懸聲節哀急吳筠鮑照創為新體

北宋南唐彌扇小令邢魏工剽竊之作温李盛閨禱之言時為之也非人也智者衡次其變而逆制之風飄乎正始焉昌子曰有是哉詩之為教如是乎問嘗覽徐禎卿談藝錄王世貞藝苑卮言蔣平階詩正毛先舒主客問答吾子與宋舍人徵璧論詩書法窮鍊黍今聆緒論便同發覆雖然更有疑焉黃門論詩直尚正聲温柔敦厚情理不迫今子新詩率多對激宮音不張恐淪商角將無賢者不免歟陳子歛容而起愀然恤然良久而後對曰嗟乎亦時為之也僕生世不諧選會兵馬自傷蹙局志行無補比益蕪謝懷抱緯繡偶所吟弄率中鞞鐸焉天雲間陳李分路揚鑣黃門早達則整鍊之作與舍人晚困則頽細之音作

青序

君子規其志也昌子曰然則鄙人傲帚無乃折揚皇琴之音哉陳子曰吾子之詩不樸不窳有骨有宋古詩三百以博其源遺詩十九以約其趣樂府雄高以厲其氣離騷深永以裨其思道辛苦則正長靈雨之篇述家門則陸機述祖之什鋪敘戎旃出入乎三祖揚抗歡譙馳騁乎七賢世有邨人遶阿所好乎時欲盛有所談會有客至恐聞餘語更衣起遂各罷去

二

事有有爲而爲之者有無爲而爲之者詩不可以無爲而爲之也無疾之呻吟不情之啼笑詩也而等於俳優矣交不可以有爲而爲之也或藉其聲援或資其膏馥交也而流於市井矣余讀伐木之詩而漠然有思也夫鳥之羣飛羣宿性適然耳風人獨以爲求友又不言其求之之故惟於緝蠻睨曉之外傳其嚶嚶之聲婉轉鬱結若黃鳥有甚不得已者噫以此求友是爲真友以此爲求友之聲是乃真聲矣余鈍人也以世視之爲五石之匏爲不材之散木無一可取者也殆孝標所謂衡不能舉續不能飛直當以游塵視之士槩遇之者也顧冒子青若與余交

詩序

三

若有宿契焉者余所唱冒子無不和也計子所唱余無不和也晨而集必夕而後散夕而集亦必幾晨而後散 日麗花濃燈青月白之下無不有吾兩人之形影聲響嗚呼多如月三至矣或問冒子何所取於余則冒子嗒焉若喪有不自解及讀其詩歌纏綿婉摯如哀絲之激楚如唳鶴之妻清蓋冒子天性篤至而又遭時拂逆有所鬱結於胸次而激發於脣吻之間皆有不得已而出者是可謂真詩人矣夫天下有真詩人而不願交者必天下至愚極陋之人而後可是余之交冒子又似有所爲而爲也雖然謂余之交冒子而僅在詩也哉

枕煙堂詩輯

冒氏叢書

如皋 冒丹書 青若著

族孫 廣生 鈍宦蟬

贈柳敬亭并題左甯南軍中說劍圖 詩觀初集 阮元淮海英 蘇集 阮元廣陵詩事

王豫江 蘇詩徵

玉帳登壇夜論兵將軍出塞氣縱橫可憐多少銜恩答寫向丹

青只柳生

早發羊留店水阻汝河 鄧漢儀詩 觀初集

中夜雨斷懸曉行天尙昏征夫畏前途客子心憂煩驅車過層

岡石亂黃河渾草深沒大隄林木徒殷繁羣峯突然立青蒼半

詩

雲屯行矣前渡河忽聞河水翻攬轡只長歎愁坐憩荒村牀前

月微白千里照家園

再渡汝河四十里抵泰安 詩觀初集

寥落曉星垂振策陟河畔飛泉尙衝湧馳波噴沙岸頓轡朝日

升柁師杳難噴須臾集村農浮蟻渡洪濶中流揚戰兢慎勿恣

放誕

其二 詩觀初集

澄霽風氣涼威遲息魂魄野徑既迴紆四眺飛岑白嶽靈接青

天垂雲帶如昂筭林葉繁欒槐花飛廣陌我從前路來今夕少

踟躕亭午止奉高登山撫漢柏

其三 詩觀初集

瞻瞻山下泉磊磊湖中石淺渚輕絃鳴瀑落練光摩寒裝攀藤

蘿掬水漱清碧一為洗憂煎澄潭月如璧

六憶歌 詩觀初集

陽春三月東風起灼灼桃花映樓李屈曲長隄亂早霞行人錯

認桃源裏今年花似去年紅去年人醉桃花中自謂年年顏色

好碧桃花底避相逢忽然春水三五尺春花飄泊嬌無力桃葉

桃根絕可憐萬樹春鮮空豔色人生盛衰各有時莫惜花前進

酒卮昔日繁華更何處遮莫桃花知不知 憶畫隄來 岸桃花

其二 詩觀初集

詩

亭亭孤松何鬱蒼託根此地年久長密葉離離作鐵色虬枝偃

蓋餐風霜嚴霜凜冽風簸簸歲寒不復凋寒木始知勁節競雅

鬼只許奇材老岩谷一朝雨雹堆噴噴十圍古木驚彫殘蒼皮

崩剝翠鬣死令我搔首增長歎百年此樹今已矣夜聽風聲悲

莫止手撫孤松喚奈何我今愁作憶松歌 憶小三 吾古松

其三 詩觀初集

西鄰有垂楊曲岸依依婀娜長柔條低拂鵝兒黃春風掩映書

樓傍倚闌一望何輕颺忽然祈去生悲涼絲絲牽繫迴柔腸吁

嗟乎西鄰婀娜之垂楊 憶隔岸 垂楊

其四 詩觀初集

水繪菴前一池水沈潭月出深見底大魚小魚千萬頭紫鱗翠
尾何悠悠長汀短沼縱遊泳紅闌碧杜相沈浮一朝枯槁水傾
竭長鯨暴腮遊儵絕須臾四面沈大網一擁數百橫相截揚鱗
噴浪今已窮須臾夜捕尺澤空噫吁生物有誰惜俯首相看長
太息河伯含愁對豫且誰誦枯魚過河泣意放生池魚

其五 詩觀初集

懸露山前古雲碧懸露山後高百尺前連疊嶂干青天後削懸
崖崩大石截流半壁勢莫撐捫壑交藤路不識登臨半醉睨巖
岫尚憶孤亭俯青壁憶懸露山後峭壁

其六 詩觀初集

詩

三

平池開水迴圓綠浮天萬頃生烟玉寒碧堂前兩派分右是活
溪迴九曲日落烟青白月輕小池如月轉東城孤舟搖曳不知
處楮淺沙虛更有情如今地缺如月蝕滌洞損卻玻璃色海闊
天空魚鳥歸局促此中惟太息憶小酒溪迴環故道
雨阻沂河次午得渡復行四十里抵沂州詩觀初集
昨夜達沂河驟雨鳴漸瀝雷電交紛馳客心中夜戚反覆念庭
闌茫茫百端集曉起積浪高灘沙半傾仄驚心望渺茫那得生
雙翼隔岸有孤舟爭渡喧相詰雜拉爭向前幸免過河泣草坡
生微涼渴摘田瓜食行行日已沈新月照顏色
同其年看池荷王士禎感舊集

幾折沿堤路相攜坐此中天連千頃碧花漲一池紅欲去日將
沒看來意不窮江南有愁容對此憶吳宮

黃庭感舊集

愛爾獨微小相看更可憐雙飛形影附縮隄羽毛圓帶慧聲能
碎含嬌語未全金籠深夜裏移就一燈前

水繪菴臺成其年諸子看月余以病不往感舊集

架屋層臺夜色收幽人乘興到林邱諸公袞袞當筵合野水泯
泯拂盪流獨憶春煙濃似海最憐新月上如鈞休文今夕偏多
病減去腰圍臥悶愁

贈吳門蔡孟昭感舊集

詩

四

六月寒江射素秋驚聞烽火刺歸舟可憐婦病誰相問遮莫孤
城迥自愁藉客飄零惟有淚故人迢遞獨懷憂蒼茫何日同攜
手醉指銀河挂九州

小秦淮曲詩觀初集

紅牙檀板數汪倫慣聽新歌倍愴神不是歡場偏易感昨宵秋
雨送行人

松陵周羽步以吳蕊仙畫梅扇寄余內人代賦一絕答之徐鉉本事

詩後

紅箋酬唱女相如蘭若青燈讀道書卻寄白紵明月底梅花不
信隴頭無

晚王烈女詩烈女為夏陽王切華進上之姊幼聘張門未奔適善言遂投枯井而死作詩哀之 席居中昭代詩存

婉婉素川女託根在深閨父母悅溫恭兄弟長歡怡矢志事君

子絲蘿永不移豈知媒灼通婉嫵未及時云何寇盜侵一旦成

乖離骨肉各分散子身遂苦羈賢女抱幽素從容前致辭矢心

松柏堅秉義金石期決絕赴黃壤不為羞辱貽道路各掩涕千

秋師令儀媿彼萬夫傑屈已徒傷悲

寄兄昭代詩存

別後驚時序天風憶汝寒音書何阻隔魂夢想艱難月冷黃花

瘦秋晴雁影單欲將消息報猶恐客心酸

詩

五

對月昭代詩存

片月當頭白他鄉分外明照來添客淚獨立冷秋聲鶴唳魂無

定鳥飛影自驚相看南北異難說此時情

雨阻東溝昭代詩存

秋江一碧數峯青柳色蕭疎雨不停愁坐不知天欲暮夕陽秋

草半郵亭

八月病中和余羽尊十三夜玩月韻彭廷梅國朝詩選

月傍中秋好清光人病真凄然入臥病誰與坐孤亭枕簟微微

白窗簾的的青呻吟怨遙夜促纖叫殘星

上巳同阮亭作汪之珩東吳詩存

憶昨風雨多寂寞寒食節今朝交暮春臨水濯新潔

其二東泉詩存

林塘恣遊豫竹樹匝芳薈風流王右軍重作蘭亭會

其三東泉詩存

苔錢石上生釣絲風中起時有桃花飛流入桃花水

其四東泉詩存

且日浴水戲薄暮詎忽歸稍待新月橫流光上春衣

侍家大人集施溥江太守西園分韻東泉詩存

今夜仍圓月仰視天蔚藍暮秋好風景何以恣幽探西園敷高

宴東閣聆雄談我親荷佳招頭白髮鬢髮同心三五人念茲稱

詩

六

蓋簪嗟余久蟻屈懷抱如春蠶遭逢得所托豁落歌酒酣况復

老樹立檀欒烟露涵主人竟忘疲愛客星斗參欲別不忍去爐

舟臨清潭

王阮亭年伯奉命祀南海由廣陵還朝賦呈東泉詩存

廣陵城郭綠楊遮舊日濃陰蔭萬家重向華筵符芍藥咸趨儉

府映蓮花黑頭事業絲綸美大手文章禁苑誇今日佩魚懸彩

筆平山賓客擁仙槎

其二東泉詩存

昨聞馳驛過江鄉驚喜趨庭喚買航再浴恩波新漲闊願依嘉

閣北風涼羊欣貧困真難說荷爽願危最可傷父執若憐加拂

拭餘生重幸立門牆

花朝後一日公講得全堂和韻東泉詩存

開尊雪後放晴天重對何堅話往年謂何御鹿莫訝舊遊雙鬢改不

教隔路寸心懸貧羞雜黍親還健花發蓬茅春正妍共醉月明

酬唱好過江此會藉君傳

奉答吳聞璋先生七夕見懷原韻東泉詩存

老來消受海東秋何不乘槎問斗牛獨坐茫茫雲過眼仰天慙

愁月當頭數聲蟋蟀鳴鄉思一葉梧桐墮旅愁寄語先生休悵

望滄波浩渺伴閒鷗

九日匿峯廬登高步鄧孝威韻東泉詩存

最好無風雨秋光上匿峯籬花分九日霜樹隱千重勝侶聽高

雁仙人冷臥龍九日雨則仙人降扶親山頂立疎響小林鐘

其二東泉詩存

山畔奪秋陽蒼茫野色荒良辰幾辜負愁裏借輝光厄我茶囊

佩貧餘菊酒香謫仙期未至何處快傳觴是日待李鶴山先生不至

其三東泉詩存

停杯驚節序昨歲客金陵歌舞傳芳讌文章憶舊朋歸棲傷老

驥振翅訝秋鷹重與南陽接高臺此共登昨秋修誌金陵識金觀察署中時名賢雲

其四東泉詩存

集今不勝
聚散之感

鴻雁潭江去無情對濁醪半年頻入夢兩地各登高遠嶺壁江

荔家鄉持紫螯弟兄深仁想雙眼望旌旄家兄客閩中

恭呈大司空孫吧瞻老先生四首東泉詩存

丹山有鳳凰奮翅凌太清麒麟濯靈時長飲珠玉英麟鳳不易

蓮紀德通精靈夫子集嘉瑞麟鳳何敢爭仰天麗星斗擲地金

石聲珥筆躋秘閣光敷際 聖明王佐冠來籍師保荷恩榮鳳

彩五色昭麟壽三千盈念茲非尋常侍從金馬庭

其二東泉詩存

特命肅 明詔河水協靈祇上有唐虞帝疏淪得所宜淮南秉

節鉞無不起瘡痍魚龍効神異江海洽天施奮鋪萬餘戶一一

懷恩慈眷言惟已溺何異同已飢飢溺本帝心福祚隆 皇基

其三東泉詩存

昨歲泣海濱迢遙指北辰浮天極激湍懷柔傾海神鴻公崇養

老先及白髮親束帛貢邱園旌命殊駢臻小子駑駘質肅拜值

熙春剪拂惠優渥沐浴懷深仁忘年有司業貧賤交情真爨桐

慚賞識終焉念沈淪泥塗何以拔登陞慙龍津感知重今古仰

答無由伸恩波揚萬里願藉起枯鱗

其四東泉詩存

應春及深秋遲迴仰層昊嘉節動重陽嵩辰茂芝草金盤列繡

糕玉醴浮安棗結佩萸囊紛食菊益壽考憲府鸞鶴翔笙簫滿

瑤島神仙降三山羣為致頌禱百世垂功勳河清通七表隨親

進霞觴阿陵祝元老

贈水部吳戢山先生

東皋詩存

帝念淮海民七邑誰優思優忠謂寬投其忠也平定命水曹慷慨疏汎濫

効靈通神祇拯溺息鴻雁願茲頌河清言笑殊晏晏

其二 東皋詩存

經歲獨勤勞勞績著水土既擅濟川才政暇窮今古書史性所

娛風雅託鳳舉何遜美前賢抗立昭護矩

其三 東皋詩存

暮春客海陵太陽實葵向逡巡未敢前具涉期雋上傳聞信陵

詩

九

君吐噓得真放歸去仰北辰光華映風望

其四 東皋詩存

閉戶滿蓬蒿悲秋苦不遇載詠窮鳥吟三復枯魚賦扁舟來楚

水樞衣愜吾憐鷺馬伏櫪鳴一顧倚高步

壬戌中元薦其年長兄於定惠寺追和其己亥中元賦謝原韻

以哭之 東皋詩存

賈賤兼生死交情託雁行招魂仍舊寺揮淚滿衣裳白髮辭

英主青蓮引法王綿綿神理接應許到吾甥

其二 東皋詩存

廿四年如夢存亡思轉添哭君嗟未死余三年前獲再生知我恨無嫌

身後心同慨秋來氣早嚴夜臺何處是霜月總臺緘

癸亥中秋燕集李書雲仁安堂

一年圓月夜難得是中秋忽漫揚州路還登庾亮樓古懷真豁

達前輩見風流持杖從親後情深共白頭

其二 東皋詩存

追數龍門舊華筵此特開為憐佳節好深喜故人來天洗浮雲

色人當桂酒杯千秋慕元禮三世繞蓬萊

其三 東皋詩存

竟夕喧歌吹繁華入畫圖午圓開玉鏡秋豔奪明珠坐對霜娥

冷行看碧海孤舞軒燈月映吾竟託菰蘆

詩

十

其四 東皋詩存

忽忽心多感情秋悵沈雲重對須痛飲不負此嘉招顧影慚金

鏡回頭聽玉簫光華歸獻納莫使望雲霄

步家大人留別周貞茲友燕兩先生原韻

不知經歷幾春秋重和遺詩感應求父執久亡留痛哭舊遊忽

到慰窮愁一尊今夕人如夢異代蒼茫夜聽謳展轉自憐生獨

晚難追勝事慶時休

和十四夜委月

忌滴銀盤爛何人醉靜便隔年驚一墮來日恐難圓多病酒尊

罷傷秋鬢髮憐願言乞靈藥羞對月華妍

和十六夜雲月東泉詩存

又說仍圓夜重窺素女嬌鮮雲垂玉宇冷露泣清宵愁思沈沈

醉秋聲處處遙應知花樹下有客正無聊

和十七夜露月東泉詩存

閉戶陰晴異推窗朗月升披衣如瘦鶴盈手抱春冰細數三年

病余每至中秋皆厄于病徒傷萬里澄靜觀知擾擾寥慄思千層

臥病書懷再用前韻東泉詩存

漳濱耽夙疾秋到每沈冥戚戚支空榻悠悠夢草庭日斜窮夜

黑蟲響怯燈青疲欲昏朝暮愁添雙鬢星

其二東泉詩存

詩

三

連宵渾晝臥翻訝腹便便徹瑟音何響彈珠淚不圓長年吾福

薄才遠危病夢神告曰福門之子當享長年多病是誰憐只益成憔悴容光辨醜妍

其三東泉詩存

忽傳佳節至枕上怪姪娥萬感年年逝中秋奈何照心期月

滿攬鏡惜雲拖為憶江南夜高樓且醉歌時伯兄客姑蘇

其四東泉詩存

偃仰驚初寐悲來慘不嬌母妻都隔夢兒女缺中宵細藥貧難

繼晨炊計轉遙白頭兼鞠育依倚慰無聊

其五東泉詩存

徒悵沈疴積雲香何日升八皆美祿老淚迸寒冰身世飄萍

在生涯爽氣澄坐愁行歎苦誰與拂層層

次鄧柳下韻兼懷介眉同家兄客西冷同人

欲進旨蒲酒愁傷白髮情不知酬午節感此淚同傾客至傳菘

黍林深情晚鶯相逢紀良會重與話分明

其二同人集

望遠人千里湖山隔往來龍舟懷越俗榴火照寒灰聚散託浮

跡年華若掃埃思君猶未返清畫各低徊

和周祀公同人集

西江千里蕩澄霽聞君欲往無停滯匡廬萬頃迷白雲仰視青

天九點銳南風六月渡彭澤大姑小姑任艫世此時客路正威

詩

三

遲舉頭明月思無際念君早達凌青霄不信奇才老斯世壯歲

休官歷險危填胸五岳目瞪睇十載鄉園歸未歸射雉城邊時

把袂寶書不掩瑤琴開知音寄託非凡例五易春秋共紀羣父

子兄弟骨肉視有時間隔增纏綿忽然對面各浪洩我慙駢驥

只長鳴每憐失路霜蹄蹶幾年流寓三塘近來往宵盤復畫憩

今年數月蓬蒿留賦成招隱攀幽桂吞吐五色羅華星那能沮

沒文章麗當代求賢草澤中安能抱膝不事事仗劍重來說遠

遊茲遊不比長裾曳丈夫得志行所為萬里雲香惟所稅謝公

一出慰蒼生東山忽起殊揚厲江海安瀾屬公等旋轉乾坤振

凋敝我總庭幃准愛日從親學圃志不替置酒為君進一卮滿

天風雨林雲閉促坐深燈見寸心受電甘霜非薄脆三疊陽關
唱不休知已牽衣語不贅慨焉離別喚奈何他鄉莫惜音書繼
十五夜無月同人集

兔輝今夕掩一夕奏霜娥老大得無淚歲時將奈何秋燈幃影
薄細雨桂枝拖怕是虛三五支牀強嘯歌

和徐方虎同人集

重來把酒意如何相對離懷好蕩摩老屋幸存今昔感高堂無
恙雪霜多影搖紅燭空屏夜心契青松百尺柯不改歲寒惟寄
託采蔬煨芋許頻過

其二同人集

詩

三

邀歡惜別悵樓臺坎壈何堪病往來逐世久輕身外物相思又
接掌中杯豈知秋火收殘卷誰向陽雲撥冷灰盡日娛親兼對
客妨貧賤任蒿萊

又用徐方虎韻答沈允一同人集

隱身若上欲如何誦讀無虛善揣摩一卷楚騷孤棹外半山茅
屋白雲多頻年有路通湖水此日相逢指靜柯最是人倫師表
貴更兼詩筆復誰過

其二同人集

與君放眼立空臺月到荒林鳥雀來春憶隔年尋好夢人憐寒
夜得深杯途窮欲下千行淚心死重然六瑄灰賴有新知借舊

好一時携我上蓬萊

又和徐方虎再用前韻同人集

中冬搖落霜風何憂心不斷空撫摩怪底日月一往去奈此歲
暮相憶多閉戶寂寂問溪水掃葉蕭蕭盼芳柯封書欲寄未寄
得忽然千里重來過

其二同人集

一回珍重臨高臺更慰困窮朝來得見知已不能賦若非故
人誰舉杯年鬢侵愁變明鏡心肝欲吐悲寒灰昨歲今朝事殊
異請看樓閣成荒萊

次方虎先生原韻同人集

詩

古

忽忽歲將晏日南聆天鈞重陰變氣候初陽移冬春四運無淹
留鬢髮勞催人中年役時序銷鑠徒悲辛盛衰等晨暮故舊誰
如新今日良晏會促坐借嘉賓芳芸一以被柔荔一以勻應節
履景福媿無蘭蘭申茅茨備冰雪懷抱難具陳君子雋氣數游
顧誰比倫豈徒酒尊合款眷成夙因軒裳非不貴戀茲隴畝民
老親豫愁頽情愜笑語親長夜疑冬缸甯靜保此身莫因苦寒
表藍歌傷音塵葭萃生温勝聊以展芳辰仰望雲鳥飛俯思游
魚均我願託魚鳥閉塞從此伸舉酒復咄咄何以養吾真
贈別方虎先生即和原韻同人集

意氣既合襟袂連那能分手各一天酌酒送君苦歲是逢春憶

我停江邊半世落落知者少相思悠悠心欲然為留不住暗悲

咽奈何冰雪打歸船

贈別允一主一仍和前韻同人集

白月青尊座每運離愁和雁斷霜天不堪撥棹寒烟外遙送人

歸溪水邊沈重相依情最好徐嶠重別思悠然纏綿縱有三春

約且送殘年緩放船

得金堂賞晚菊估得墨字同人集

開冬寒節升寒花凜霜色留得傲霜來幾枝色如墨

其二同人集

十月不凋殘非徒飾顏色孤芳獨晚榮采之瀟毫墨墨菊共色如墨古人

詩

五

原書

其三同人集

惜花素心俱新雨潤花色靈菊出幽崖酒酣誰潑墨

九月望後家大人集諸同志看芙蓉即席限韻同人集

須勸勸來看用月黎諫芙蓉句穠香恐漸微絲迷寒露墜紅入晚霜輝

朝喜人同慨繁華事已違惜花留伴醉秋色老巖扉

其二同人集

蘭影重慘豔清霜屢植纒逢遍野塘欲語竟無秋水照含情共

受晚風涼高枝面面留春色小立亭亭抱冷香相對自憐憔悴

甚停杯花下轉蒼茫

其三同人集

花拒深秋九月霜高低交映散林塘幾看麗影渾如醉獨對黃

華並耐涼憶夢卻慚蓉鏡夢尋香曾是水蓮香錦城當日休相

擬只愛盈盈立渺茫

隨侍盧老父臺步禱數日甘霖沛然二詩致頌同人集

請天憂旱切特為降甘霖大慰羣生望先酬一寸心垂簾清入

夜對雨靜鳴琴今日交相慶須懷德澤深

其二同人集

擊壤歌頻接重瞻百里嵩精誠真易格潤澤洗無窮放眼林花

白開懷杯酒紅始知循卓異呼吸應蒼穹

詩

六

荷花蕩侍飲詩家大人命和孝威先生四十韻同人集

歲月互推遷維時列有四朱明送末垂荷蕩恣游戲傳聞荷花

生綠沼如麟被狎獵披紅葩穠緝迎繁吹金葉木蘭船載酒挾

名妓紅膩水中香香風通苑音苑翹笑指隔花人清澗會園翠問

花相映紅弄水雲霞墜欲語倩花嬌採花交玉臂遙望阻江南

卻憶江南事可惜召名花未向花前醉何處滿朱華清池饒勝

地城北有西園種花花頗異數畝散芬芳空崖懸薜荔翻風雲

錦靡漾水紅妝媚孤影烟月籠露滴香盈器此花何亭亭此花

顏色備樓臺眺望高為設看花議隔岸更有情遮莫花非易幾

年怨秋風積水損高致今年擁綠雲枝枝襯花意捲幔對面空

慵向波心睡碧葉蓋鴛鴦柄柄如搖幟彷彿水宮仙綽約稱同
 類老親攜兒孫佳客紛然至花亦解人歡人爲花凝視最好年
 年花何曾變韶穉人壽果如花壽花當舉解追述浮金危解語
 留妙技洗鉢亦曾聞瓣蓮花字坐列柳陰濃照水塵俗離競
 酌碧筒杯荷心苦休避蓮香莫可尋酒邊思不闕太息向花前
 浮生久拘忌今夕凌高臺忘情適夢寐惜花寄清流託根豈返
 棄眷戀杯行遲白日將還次鳴蟬噪晚林暮鐘傳古寺相約好
 納涼重來倚荷菱愛此重留連爲補觀荷記

子班大兄重訪家大人見投三律答和同人集

涉江重命駕衝暑竟忘疲一揖驚携手雙心靜理絲相看都漸

青

七

老深悔未乘時久要吳秋浦羞言輕薄兒

其二同人集

二十三年後猶憐隔五秋哲人嗟早逝謂其年太史青史獨長留其年

兄遺樓山老伯及門奉命修史子班兄上書史館特爲立傳展卷同揮淚傾尊且破愁更慚

君樹立無地足堪投

其三同人集

樓山昭世業忠孝挺崩淪繼志齊諸李子班兄有才子六人擲書擬大素

素景道精漢書讀爲大論交深屢代話舊惜良辰鐵骨昂藏甚

乾坤託此身

石門山歌贈孔東塘先生同人集

石門之山無不有五岳同觀信非偶半百相連東魯城巖巖律
 舉乾坤久徂徠泗水西復東誰人指點白雲宮石門何計開生
 面劃然倒鎖盤蒼龍老樹突兀眠荒徑青蒼萬點烟霞映一峯
 未了一峯奇十四峯頭掛明鏡或臺或觀或空亭古蹟招尋各
 有名白石磷磷泉冷冷濯之千丈通神明我思聖人降東魯造
 化鍾靈成萬古呼吸青天泰岱懸憑虛八極惟吞吐此間何人
 敢並躋此地何山爭高低迺有歷傳聖裔孔博士應期命世高
 山齋上窮經史秉道德聖風雲靡不可測下游六藝激芳華傾
 洞羣言展滌液自是鸞龍五色彰清名才子溢縹緲握珠抱玉
 欽光豔且尋巖谷恣徜徉不攀日觀五松樹踪跡尼山學易處

青

六

探頤研幾義理精石門山洗簾叢路山中好矚領珠臺山中好

引秋水來桃花桃源憶來去問津漁父空徘徊前年鳳輦騰龍

馬川岳懷柔歡九野登封泰岳倅黃軒孔林親幸宸翰灑帝

重師儒關里尊臣陪俎豆列子孫先生談經奪重席天顏有

喜沐殊恩賜袍韋綬堪相附拜官李覺同高步手摩石鼓共婆

娑紛紛卻號九經庫聖主賢臣此一時前民饑渴將何施河

庭紫貝效神應誰荷龍命宜皇慈博士先生承浩蕩百川會注

歸泱泱共許經綸濟世才更操風雅騷壇上昨冬使節駐邗溝

高會羣賢聽雨收今春海陵續修稊四方賓客賦登樓登樓聽

兩携賤子傾蓋不遺敘孔李落落虞翻貧困人世間那易得知

已別酒曾傾春已歸又經露白雁高飛芙蓉漸老秋江岸江頭
憔悴冷牛衣昭陽一水不能到濯纓亭畔黃花照先生四十值
揆辰近古重陽好登眺我今爲君進瓊蘇奏績須陳治水圖我
今重覽石門記玉皇香案仙吏殊大丹小丹兩峯立老子葛仙
彈寶瑟鶴睡仙翁睡亦濃夢鶴樓邊採丹實丹實山中歲月多
松花柏子附藤蘿山鳥迴翔洽情性清陰冷翠任狂歌爛柯樵
子休迴顧古今棋局會知悟農門吏隱見高風至今相傳止宿
處始知此山多神仙更餘詩酒誇名賢李杜千秋追往事竹溪
真逸家何年不有先生闕神境仙人那得飛仙證不有先生凌
青雲前賢豈是甘肥遯高呼太白競往還携手直上石門山一

青

五

斗一石君莫惜須招玉女同追攀君不見江左風流謝安石強
仕之年匡社稷又不見行吟海上公孫宏位登東閣何稜稜君
家更有孔子夏職司調鼎君堪亞恩賜靈壽待功成遙看蕭散
石門下

己巳午日同金陵莆田陽羨白狼邗江黃山雉皋諸子集洪靜

山霏玉軒限韻是日爲靜山掌珠晬盤之慶 同人集

歸來逢採艾是日從五山歸招賞葉羅羅情爲深源得名慚彥道多殷

是袁耽妹倩故云高朋吟自好嬌女笑如何不負圖花節開軒此日過

和吳戡山先生見贈原韻同人集

長鳴吾志在伏櫪任駕駟市骨青驪赴乘風紫禁來何妨悲失

路從此快登臺翼翼追龍煮脚躡塊不才

壽從祖靜菴家譜

吾家諸大父名重孝廉船經緯尋常異詩書十二傳崇祠新祖

德奉母續前賢節孝真堪仰千秋國史編

其二家譜

最喜開芳讌齊眉花甲同鹿門原志合萊綵各才雄樓箭浩和

孰塔衡至日通年年來進酒雍穆見家風

青

三

枕煙堂詩輯補

題紫雲小象九青小象題詞

情死情生不自知偶然情到擊僂思欲知惆悵無端處試看輕

雲一縷絲

中秋呈合肥夫子時客燕京續同人集

秋風動珠櫳桂華零玉露長空泄清虛疎星淡雲霧明月光且

潔亭亭滿蟾兔平分三五期圓景到秋樹值此令節佳靜夜歡

無數

其二續同人集

畫堂雜絲竹玳樓鳴管絃仙樂何繽紛高天散雲煙庚公足情

青

王

興對月多纏綿玉屑既餐服瓊英列芳筵團團丹柱影皎皎秋

蘭鮮金波謫萬里珠胎麗中天一時仰清光恩暉照余顏人生

幸遭逢良會非徒然

答王阮亭先生惜別詩續同人集

風雨滿河梁惜別難為辭臨流動帆檣纏綿比春絲欲行不可

留行行自透遲憶從河渚遊款曲序恩私霽日照垂柳惠風扇

蘭黃連宵侍曲宴德音殊不違上巳風景麗明月揚清暉皎潔

一以生同此水雪姿人春苦懷抱茲游忘淒其追陪願已深修

忽還分攜掩涕忽不樂惆悵徒累欬遙憶峭帆去空濛無盡期

補寒碧堂詩竟復得枕煙堂四詩景璋寫畢記

枕煙堂詩輯附錄

戊戌三月二日丹兒二十生日書示樂民詩集

已卯之春畧殊異獲祈母壽又生兒兒生二十母轉健觴我兩

人兄相隨李氏花萼稱交讓阮家竹林成工詩獨恨大椿凋白

日一堂三世喜還悲

其一

太史南遊會稽日賈生超拜大中年用世不願汝蚤達成家無

愧師前賢勉之萬事只恂讓樂矣千秋是簡編但得天倫存內

美何妨肥遯守吾元

暮秋同青若諸子登仁壽閣此首見詩觀定山堂集題作秋暮同罹菴蛤菴并同社諸子登仁壽閣

其二

便與人閒異空庭得老秋轉因沙路澗能使夕陽留龍象初開

社雲霞共倚樓重來雙樹下問法亦風流

答謝圓青若世兄漁洋集

君家好林塘最憶湘中閣千仞碧瓏璣一條紅罽約曾拏銀鏤

舟兼載蘧種鶴悵悵月明時巖花幾開落

其一

若柯有實理君能領其趣僮豎盡茶人鈴椎半茶具竹塢水深

淺巖戶雲來去瀟瀟中僧知君拍茶處寄芥茶譜

茶譜

其三

良工繕河泥妙製出西號温其老輔玉色如馬肝石價敵十五

城包致凡幾驛石墨漆簡書晚歲成三益寄遊泥硯

同孟昭青若過訪孺子不值此首湖海樓集不載見同人集 陳維崧

主人何處去一屋冷梅花有筆且書紙呼童代煮茶始牆浸岸

盡魚市入城斜愛此那能返霜天沒暮鴉

贈別冒青若以下並湖海樓集 陳維崧

紅板橋頭折柳絲東風催唱鷓鴣詞一江春水昏如夢腸斷清

河送別詩

題冒青若小象

陳維崧

青附

鳳脰燈青寫練裙來朝馬上憶離羣披圖重看魏溪絹十載交

情見卯君

過青駝寺感舊寄示冒子青若昔年雲即題子北上於此地遇青若 陳維崧

魯山更比吳山翠路入青駝寺亂峯怪石發圍牆裏人家一

半棗花香 當初有箇卿家燕與汝天涯見曉風殘月憶從前

不道因循過了十多年虞美人

為冒青若題廢花朝圖葉檐生畫下並源堂集 以 孫枝蔚

君家愛客日開樽况值花朝春色繁三吾亭與蘭亭比飲酒賦

詩並難讓孝子今年謝賓客畫友明朝忽到門滿幅煙雲何慘

淡久看使我傷心魂亦無杜鵑來樹杪亦無慈烏啼耳恨但覺

樹欲靜時風不甯蕭蕭吹滿桃李園對此不須見孝子襟袖依

稀淚有痕乃知因母忌辰花朝廢亦如夢我詩難存嗚呼此圖

豈可少人誰無母忘母恩却歎冒生猶多幸事母多年清且温

我昔失恃纔八齡祖母哀憐弱復憤與肉食之云有味慚愧程

曾味吐吞復聞對帕聲哽咽張議 亦或見扇滌滌後情事諸賢

皆在孩提日萬古長看天眼昏君今儘有趨庭樂但當侍立花

前聽笑言何況丈人頭已白遭逢亂世多煩冤我詩慎勿令聞

之凄苦聲如三峽猿與畫同藏篋笥裏他年惟可示子孫

擬古樂府記異聞

冒孝子丹書青若救父辟疆事據吾友二宗子所記刺辟疆

青附

者其族之少年兇悍者也據吳子蘭茨則直書其發是難者

其弟也同時而異詞如此嗟乎二宗子於此其有所不忍言

歎夫傳春秋者四書旨各有異要之皆不可廢蓋疾惡斷奸

法不厭嚴且詳也彼其嘗為盜賊者雖事經千百年以後而

論者猶致其未盡之罰非有深仇於往也以有深懼於來也

況生當其世者乎此又知蘭茨之不得已也故予擬古樂府

悲如皋三章又繼之以善哉行竟以吳為據觀者亦可知其

非專諷青若云爾至於義婢護主已見宗吳記中予不暇復

反也 悲如皋室中戈可操假手謀何巧今看傲象勞

其二

悲如皋此世苦多悲弒父聞前月泰州朱姓兒

其三

悲如皋既悲還復喜救父忘其身請看冒孝子

右悲如皋

倪萌有兇賊將啖之請以身代瘠不如肥自啖其兒如何忍為

一解 伯武文章相遇下邳爭市投杖涕下漣流杖猶難舉亦何

可施 二解 范宣挑菜傷指大啼曰吾四體一人所遺君子敬身

蓋此平時 三解 楊香救父曾於虎口父幸而免兒負而走易地

皆然惟宜可友 四解 冒家孝子禍幾不測如婦之容禦虎之力

青附

捐軀軀存神祐于默 五解

右善哉行

暮春張筵置園北樓上大會詩人漢陽許漱石泰州鄧孝威黃

仙裳交山上木朱魯瞻徐夔嶺山陰徐小韓遂甯柳長在錢

塘徐浴咸吳江徐丙文江都閔義行如皋冒青若彭縣楊東

子休甯查秋山海門成陟三家樵嵐琴士興化陸太邱薑士

武進李左民泰州姜尺玉琵琶客通州劉公寅時閔義行代

余治具各卽席分賦 以下並 孔尚任

高筵櫻筍借卮庖四面晴光接遠郊野燕初來黃菜圃飛棉漸

起綠楊梢客中老淚逢絲竹座上遺賢判許巢望國思鄉無限

意沈吟寫向歲寒交

題冒青若畫像

孔尚任

卯君丰度寫當年冷眼驚逢海上煙久愛佳篇兼謝李冠裳果

似晉唐賢

昭陽城南晚泊分韻同穆墨書柳長在冒青若黃交山朱天錦

賦

孔尚任

野水連城郭寒煙似畫圖一船分夜火兩岸響秋蘆歲月音書

潮逢迎髮鬢殊舊山叢桂在歸計笑奚奴

贈冒三青若 有懷 堂集

韓 莢

五步阿誰甘代死 救父被 創死 餘生孝子倍酸辛千秋不滅塔前血

青附

一綫須珍劫後身却怪懷中無片玉可憐藥裏作舟人 青若多 病居憂

遇交情肯待雙魚字燈炮丁甯加飯頻

奉別青若 此首徐方虎集 不載見同人集

徐 倬

三吾文酒恣流連與盡帆回雪夜天千里孤程蘆雁外五湖歸

路白鷗邊相思此後何窮已別後如今果黯然夢入西堂同繡

繡徽君松竹孝廉船

題冒青若廢花朝圖 以下並 汗履集

徐 倬

錦樹繁英掩落霞空留枯柏勢槎枒春風亦自添憔悴不遺南

咳放白華

其一

丙舍無煙白晝陰啼鳥馴兔偏香林縱拋十里看花眼難報三

春寸草心

奉酬青若三疊韻

徐倬

依然三徑接羊何短褐迴廊手再摩頻到香林因路熟重逢洗
馬鬣愁多浮雲閱世無常態庭樹無常不改柯數往數來休我
厭滿城趙李肯經過

其一

無忘舊侶共吹臺苦爲相思命駕來老眼久無今世客他鄉愛
舉故人杯定傾家醞三升酒且撥寒爐五夜灰街鼓聲分
散滿天霜雪下蒿萊

青附

毛

雨中飲得全堂和青若韻以下並水香詞

徐倬

天暮雲垂綠陰中烏衣人聚消永日膽瓶花艷博山香炷久客
怕尋芳草徑釀愁早做黃梅雨怪當筵綵筆一番新愁霖賦

人並坐雙瓊樹歌不徹黃金縷喜青衫小袖玉杯頻舉一任香
喉千萬轉留春不住堂堂去只簾前花落踏如泥傷心處江紅

花閒卽事同青若山濤脩遠諸子

徐倬

人困初長日驚喜嫩晴天交來往枝上嚼破綠楊煙夾岸繁
花弄色向我齊開笑豔似不厭華顛小促凌波步同上木蘭船

驚顛處羅襪濕錦裙湔雙蛾低蹙解道噴喜總堪憐傍晚寶
鈿重整隔座玉鉤暗送知在阿誰邊起看香階下花月關嬋娟

水歌
調頭

閏三月飲得全堂席上送春和冒青若

徐倬

貪陟名園南塘外橋過第五却邂逅高堂人在魂銷行雨燕子
慣來花盡識鶯兒未到春先去惹狂奴風景老逾顛呼天語
春再閏天之與人再少天還許看重重步障深圍春住紅袖縱
無扶老意娉娥可有留春處怕來朝蜂蝶兩相猜將誰主江紅

壽如翠眉青若七表丁亥立冬寄范同

張芳潤

如皋壇坫壓詞場淵源家學富青箱珠槃玉敦走四方名園水
繪繪滄浪雕欄曲檻繞畫廊勝流名士日徜徉銀箏檀板雜笙
簧清滙麗曲譜宮商賓朋一詠聞一觴春花秋月樂事長陵遷

青附

毛

谷變不可常倏焉壁立徒空囊意氣憊彌慷慨伊昔伯仲相
頡頏二陸蜚聲噪洛陽只今耆宿獨昂藏朱顏華髮禿且蒼玉
鳩不用精力強更羨先生至孝彰孝烏街土紛來翔門稱通德
堪旌揚箕裘克紹後必昌家庭歡慶樂未央酌以大斗祈壽康
籌添海屋難測量蘭交三世誼敢忘殷勤祝嘏願陳章

寄冒青若都門百名家詩選

毛師柱

憶子別故鄉我爲異鄉客相送城西門翩然事行役揚帆背征
雁道遠音書隔況我歸江南秋風掩蓬華榻來金陵城逢僧話
曉昔梅岑知爲支許遊握手長安陌念子亦顛顛因嘆生理迫天
地多緇塵青衫總蕭瑟賴有同心彦講定峯翼微東羈旅其屬

夕努力崇修名高堂早頭白

都門送冒青若歸里以下並詩觀

程可則

上國觀書罷長江放棹歸青門花未散白社酒同揮去路看榴

火還家著綵衣三吾煙水濶行樂愛春暉

聽歌不惜漏偏長一往深情引一觴相對澹懷人似菊起看清

夜月如霜吾儕放誕非無故世路羈愁且自忘濁酒莫辭傾一

斗微軀以外總茫茫

冬夜小集次冒青若

世閒只是酒情長何幸愁中捧一觴

余儀曾

促膝人如殘菊澹開軒月

青附

變小春霜若知天地心難測豈可風塵恨不忘珍重前年歡會

處再圖今日亦茫茫

短歌贈冒青若

有欲不利青若父者青若遇諸門連被四創而父獲免作短歌贈之 淮海英靈集

李沂

身受四刀不肯避以身捍父死不計父全寇退身始僵戶外淋

瀉血滿地身受四刀身不死孰云陰相非神鬼解衣揮涕向我

言歷歷刀痕猶在體

廢花朝以下並崇川詩鈔

范國祿

護草摧榮可奈何北堂無復握椒過不堪撲蝶因時會況是啼

鳥向曉多血淚暗澆花削色春寒空怨日違和椿陰百尺方高

蔭任廢花朝存藜莪

次韻酬冒青若送別

邵幹

樸齋風景復如何白首相看感慨多始信數奇應坎壤非關才

純少態磨悠悠行路三春遠款款挑燈兩鬢皤却怪樵蘇常不

變還勞賒酒慰蹉跎

淮陰舟中初度日同青若作

以下並東舉詩存

余瑣

今宵愁轉劇把酒竟忘懽世變真交少年凶達道難微懷終未

吐老境漸增酸賸下人何在蕭蕭煙景寒

奉贈冒青若先生移居還樸齋

吳星聚

又見開三徑細綠咫尺移性高因避俗才健愈工詩竹色侵書

青附

案簷花落酒后高眠北窗月清夢到瑤池

手

懷青若三姪合肥道中

冒衰

忽復出門去饑驅七十翁世人嗔老賤知已痛途窮苦淚休輕

滴深情豈易通平原絲繡後惟見尚書公

謂龔芝麓先生

和三兄春日過李姑丈舊園原韻

冒德娟

極目春光好無端感慨侵荒階生舊草禿樹立新禽事已留空

迹門衰負好吟覆巢存大節何必淚沾襟

紀孝詩

許嗣隆

如泉冒子青若者西京華胄南國名流襲祖父之鴻聲世稱

遜抗揚弟昆之駿譽人羨機雲門無鳳字幻傳孔李之言筆

有龍文長獲舊劉之目詩寫銀光集英華於十子詞題金粉
激芳潤於六朝瑯琊字以卯君肥水稱爲孝子乃洗馬既善
言愁拾遺又兼感遇黃金有命憐他懷臂將軍白雪無權歎
此爲肩奇士行吟楚澤天上埋憂舒嘯蘇門風前寫恨因之
家計荒蕪重以人情搆鬪伏戎臥榻忽飛朱亥之鎗喋血門
庭竟中隱娘之劍身能代父雖洞霄穿腸以無辭心可籲天
但飲恨吞聲而何罪實受三刀之慘幸全一綫之生天生孝
子兩代聲名世有勞人廿年荆棘縱芳華披於異日乃蕭槭
基於斯時嗣誼切葺亭交同金石視茲異事聊綴微吟爰矢
秦音深慚鄧雪耳

詩附

三

百尺樓頭七尺身清華門第品嶙峋詩中王粲原才子賦裏江
淹本恨人未有末光依日月何曾夜氣識金銀先朝黨錮存遺
老硯北牆東侍老親

其二

鯉庭趨對自垂髫零落金萱雪後凋萬事無心看草露百年有
淚墮花朝青若慈君以花朝仙去彈琴傷往黃門苦贈縞論交
白雉遙孔雀豈知牛有角寒潭相遇輒魂銷

其三

何年噩浪與盲風忽有戈矛及老翁孝子果然能搏虎侍兒况
復解當熊君家侍兒甚子亦模糊血裏三刀夢慘澹天收一七

功此事原關僕射福笑他妙手遺空空

其四

每從痛定想殘軀賴有原鴿急畏途話到辛酸翻脈脈事關恩
怨亦區區雖無貧賤韓公子却念支離楚大夫我意不平鳴不
盡繞樽拔劍一狂呼

陪徐方虎先生水繪庵泛舟以下並東

許嗣隆

雲影分初夏鶯語接殘春渡邊春水初漲十畝碧鱗煙外扁
舟閒弄翠袖凌風掠水細碎動波紋雨濕巫山夢浪湧洛川神
有墮水者妝欲墮情脈脈最宜嗔尊尊移晚興冉冉羅襪裊香塵盤
底朱櫻射覆簾下紅牙按板一石更留髻詞譜銀光紙花醉玉

詩附

三

堂人歌頭

立夏日同徐方虎先生王公佩同年薛倫遠冒青若飲匿峯廬
有懷冒辟疆表兄時辟疆客吳門

許嗣隆

細麥垂花圓荷吐葉無計留春得住半灣流水一片孤城步入
夏雲深處却喜酒座琴言簾影浮空斜陽暗度暮煙生鬢影衣
香縹緲非花非霧漫回首離思縈懷歌殘笛歇四座停杯無
語風林卷幔月樞籠紗寂寂溪山誰主遙憶長亭短亭芳草粘
天路迷前浦料江南杜宇頻啼啼道不如歸去惜餘

陪徐方虎先生集冒青若深翠山房時有校書綺雲在座

許嗣隆

麥氣含風槐陰釀雨園林乍暖還涼滿徑苔痕分明綠映羅牆
燕泥蹴落芹香看穿簾入幙雙雙裁闌送酒添衣卜夜人在深
房 游蹤落拓大似旂亭風塵高李詞賦齊梁殘陽帶月一鉤

初褪微黃花影茫茫倖溫柔沈醉為鄉總相忘盲風噩浪萍水

滄桑夏初

三疊韻贈冒青若以下並同人集

沈宗元

才華從古羨劉何世上爭知暗裏摩問字亭因新築好班荆情
比故交多期君北闕能分紫勞我東人詠伐柯更喜梁園翰墨
妙竹窗山閣欲頻過

其一

青附

三

十洲佳處在樓臺誰向方壺席上來曲几憑君時握麈仙齋許
我共擎杯深憐兩鬢經寒臘難望重燃到冷灰異日國門懸錦
字驚傳姓氏下枯萊

庚子秋日曉過青若桃葉渡廬中有懷巢民先生

錢德震

柳色青溪慢輕霞散晚紅碧欄迷渚燕烏榜動江鴻憶別吳江
潮緘書楚岫空并州疑有夢向爾鯉庭中

贈青若年翁

吳秉謙

伯樂嘆今沒斯人雜駑駘誰憐騏驎種真自渥洼來首借傳青
海風雲望紫臺龍堆應不遠終見出羣才

夏日同季宣放舟水繪庵時辟疆大孝以讀禮家居命次公青
若來陪因晤梁溪王式九於枕煙之東榮暨余長友戴無忝

偶成

李向

多少名園讓辟疆如今園果辟疆強夜眠西子湖心月日涉南
家輞口莊綠樹黃鸝恣我聽青松白石笑人忙相逢箕踞皆嵇

阮更喜風前識季方

戴務旃

劉體仁

題務旃畫似青若年兄博笑畫冊
造化寵靈岳衣被以青松磊砢貞四時遠近生山容君子擇所
依凡草徒昌丰

青附

三





前後元夕讌集詩

本書承國立臺灣大學總圖書館借用影印

謹此

致謝

新文豐出版公司

謹啟

前後之夕 謔集詩

霞映閣前夕謔集記

昔唐長孫正隱觴客於上元之夕其時陳嘉定崔知賢韓仲宣高瑾輩聞韻聯吟用小庾體各成五言四韻并爲之序所謂貴昌年之樂事令節之佳游者也然維時賓主僅五人賦詩僅四韻雖當時傳爲佳話要未極賓客之駢羅篇章之美富也旨子馥軒亦於元夕觴客霞映閣中張燈布席主客凡十五人賦七言長句凡三十首自辰徂酉觴詠間作淋漓跌宕盡歡而散馥軒正隱且過之無不及矣昔巢民先生闢水繪之園開百客之堂令節佳辰治具邀賓論詩鬪酒歲以爲常馥軒爲其後裔殆將繼武前賢歟因憶二十年前余曾卜居於此霞映閣中因

元上

昔之讌遊地也當時朋舊狎至搽觚染翰往往夜以繼日乃馥軒自移居以來詩酒之盛較勝往昔則又所謂如積薪然後木居上者矣閱日馥軒集詩登冊屬余弁數語於簡端余固遠媿長孫正隱之爲序然當時明鏡碧酒擘箋授簡之盛則又無媿昌年之樂事令節之佳游耳乾隆戊申正月同里顧駟木原

前後元夕讌集詩上

言氏叢書

如皋 言 篁 馥軒編

元夕讌集言馥軒先生霞映閣分賦

顧 駟 木厚

輕陰薄靄釀春寒鷗侶相親任往還敢向詞場執牛耳懶從燈
市看蕉山梵宮霞映吟箋麗酒國天容我輩聞地主風流誇奕
葉茲游疑到撲巢間

屢居何必讓山林回首前塵感忽深社燕梁間無舊侶谷鶯花
外有新音華胥早醒丁年夢樺燭偏催午夜吟絲管隔鄰還送
響一樽柑酒漏沈沈

又

顧 一 諶 此山

元上

二

天為良宵飲宿蠶烟雲淨掃豁幽懷雪消門巷經春暖月滿庭
軒入夕佳五夜笙歌隨遠陌百年詩酒屬吾儕柑盤席上傳應
徧蓮社依然舊雨僧

風吹野燒滅暈明拄杖郊原夜二更霜雪鬢邊飄鶴髮魚龍隊
裏聚鷗盟短長各體詩爭就先後同人集並行愧我枯腸搜轉
漉白髭燕斷兩三莖

又

姚學源 蘅阜

愛客招邀元夕中芳鄰衡宇判西東人團舊雨兼新雨興寄詩
筒又酒筒一派歌聲歡紫陌十分月色照花叢良宵喜弛金吾
禁杖履流連小閣通

閣名霞映傍層巖客到階除草盡艾白髮朋儕聯舊社遙村鷗
侶挂輕帆謂湘泉吟梅香入騷人句賭酒痕添處士衫水繪風流
今再續樓臺地已隔塵凡

又

季 耕 笠夫

元夕晴和萬象新招攜幾輩踏輕塵百年雅集遺老五夜高
歌聚故人小市燈紅風月麗草堂霜冷酒杯親良宵不怕金吾
禁漏鼓聲中話夙因

翩翩公子夢魂交謂樂民前輩霞映堂開即撲巢久矣聲華傳奕葉
依然春色上眉梢與酣酒國愁宵短醉返蓬門帶月敲十日還
思良讌好平原勝地肯輕拋

元上

三

又

吳經元 漁門

霽色霞光繞畫欄良宵主客此盤桓香山勝事盟堪續水繪風
流夢未殘小戶不堪依酒國衰年猶自戀吟壇况逢舊雨兼新
雨談笑能分四座歡

六街簫鼓夜如何也擬扶藜逐伴過早歲空山春信淺一年明
月上元多銀花火樹牽游屐綺席金樽對素娥縱是鄭莊能置
驂肯將絃管誤高歌是日鄭君軒招觀演劇未赴

又

鄭 達 李門

霽色遙看萬里雲六街簫鼓聽紛紛風花閣外迎雙屐鷗鷺溪
邊狎一羣春滿虛堂延好月句爭白雪續雄文不須更看魚龍

戲擬共清吟到夜分

此間歌嘯記吾曾今夕團圓與共乘廿載已憑蓮作社木原昔居於此

一樽遣以酒為朋花前按拍鶯聲遠時鄰家座上分題紙價增慎劇

若把良宵輕擲去笑看白髮已鬢鬢

又 朱洪寅 蟬仙

春入寒梅醒夢魂尋春結客逐晴暄笙歌競趁傳柑節壇坵重

開水繪園異代聲華餘賦筆良宵風月屬匏尊酣呼喜弛金吾

禁一任青衫漬酒痕

百尺高樓隔巷斜前游歷歷興遺踪君家有萬卷樓十年前會勸諫其中薛蘿新

陰開三徑烟火深宵接再家人愛蟾光增跌宕天教蓮社聚詞

元上

華獨慚多病吟情減合讓温岐手八父

又 鄭 詔 愚濱

早春鬱抱苦難開孤負山林屋角梅元夕清華天正躋高齋新

舊客同來且吟島瘦郊寒句一任瓊簫玉笛催隔院琳宮霞掩

映月光燈影滿樓臺

湘中高閣舊風騷奕葉才人與更豪市雜魚龍多變態客攜水

雪淨揮毫廿年前憶張文陣向曾文此夕驚看改鬢毛插柳傳

柑成俗例醉餘酒國首頻搔

又 顧 崢 吟

花團錦簇上元時正隱風騷今在茲角觥場邊人鬪酒踏歌聲

裏客吟詩烟霏火樹同春早寒勒山梅破萼進四美二難端不

愧揮毫誰似虎頭癡

昨年歲酒盞會拈又見水輪碾畫橋佳興每隨時序續歡場渾

忘鬢絲添却愁詩罷春燈跋可怕歸遲夜禁殿水繪風流知不

墜甘將彩筆讓江淹

又 顧金茶 湘船

幕懸陰雲壓岸低烏篷雙槳又前溪偃梅寒勒紅初破宿春

同緣漸齊鷗鷺盟聯波遠近魚龍戲沸陌東西劇憐小槽風流

在把臂情懷似阮稽

椽燭燈毵做畫樓踏歌燕市憶前游王孫草誤歸時路季子貂

餘傲後裘玉鏡長空重掩映銀花高樹此勾留醉看野燒遺增

興裙屐良宵互唱酬

又 賈 篁 渭船

雪消門巷晚晴天有客偕春到閣前白社雅宜聯白髮新詩例

喜詠新年魚龍變化原非幻鷗鷺盤桓却是緣正值傳柑佳節

夜東山推起一輪圓

玉管金簫夜正長六街燈火映茅堂梅花枝上春含笑柏葉盃

中酒泛香佳會曾憐暫形勝人日集隔簾只羨舞霓裳時憐家

宵深共向樓頭望野燒千山尚有光

元上

五

倚虹閣後元夕讌集記

嘉慶乙亥冬杪余訪冒子璞原於蒲塘因得謁見尊人馥軒先生先生以乾隆戊申元夕霞映閣社集圖詩見示披讀之際覺燈月在目騷歌在耳緬慕風流豔羨頓生深以遲來二十八年不獲躬逢其盛為惜比將假裝就道璞原復偕同社諸子挽留度歲至丙子元夕馥軒先生徧招吟侶集新構之倚虹閣時先生年八十矣筵既張四座爭進春酒余亦捧觴起而稱壽先生莞爾笑曰居吾語子癸戌申社集之圖與詩予所羨也今人多於昔與蒙於前且倚虹閣建葺方新鐙綴檐高月鋪庭廣寧外舊集之霞映閣乎予心所羨者今身當之盍首唱一詩而系

元下

太

羣公迭和何如余以疇昔之會者宿佳製在前未敢遽應忽舉座譁然曰善今之羨昔寧不使後之羨今耶璞原乃屬季子學耘作圖而余亦勉附四韻於末嘉慶丙子正月江甯凌霄芝水

前後元夕讌集詩下

冒氏叢書

如皋 冒 璽 馥軒編

凌 霄 芝泉

元夕讌集冒馥軒先生倚虹閣分賦

倚虹高閣齊霞映水繪風流今復盛不夜燈明照乘珠初圓月挂當筵鏡昔年耆宿共銜杯此日英髦悉俊才一事歡過前度

處江東添得酒狂來

吳廷瑞 玉田

又是燈明月滿時山齋高會續前期座無廿八年前客壁有當

初元夕詩蕭鼓重聽喧五夜樓臺重入倒千卮畫圖先子留遺

前霞映閣元夕補繪猶煩顧愷之墨圖係先君所作

元下

七

觴詠今宵樂更賒倚虹高閣最清華人來建業稱名士詞繼迦陵屬大家講芝泉先生火樹光中焚栢子金波影裏看梅花撫今追昔情何限風雅遺教後代誇

昔情何限風雅遺教後代誇

吳鳴春 鶯谷

當年霞映集名流火樹光中樂唱酬末座未容參後輩今宵何

幸賴前游地追北垞鷗羣合燈照梅花雪影浮卅載畫圖重拂

拭先人遺墨喜長留

倚虹高閣臨禱香風居然擬撲樂酒園樽疊懷舊雨瞻壇旗

鼓讓新交謂芝泉此時朋輩欣聯唱昔日詩篇合借鈔只為貪吟

忘夜永又看圓月下林梢

又

佳辰天為闢歡場春引詞流聚錦堂萬里圓輝剛入夜千枝燭

燭競飛觴紅梅香豔生斑管白雪詩歌繞畫梁廿八年前饒韻

事吾儕重續興尤狂

休從水繪感飄零百丈龍門戶不扇賤子頻來頭半白才人相

遇眼逾青謂芝泉吟壇絢爛逢燈市山閣峻嶒列畫屏今昔豪情

歸尺幅披圖常羨筆通靈

又

出岫閑雲幸早歸此番高會未曾違主持牛耳人依舊徙倚整

山與欲飛卅載年華坡老健三更燈月畫堂輝風流不讓湘中

元下

閣白髮青衫四座圍

門停江左白藤輿簫鼓聲喧擁客裾對酒當歌歡復爾撫今追

昔感何如花開火樹春忘夜集續同人姓屢書笑向燈前親問

訊好將觴詠說當初

又

詩壇卅載喜重開鷗侶招邀欸戶來試筆剛逢新歲月張燈非

復舊樓臺香探東閣梅花信醉飲西園竹葉杯此夕黎光疑滿

壁傾心入座盡鄒枚

名士江東傾蓋歡謂芝泉早持牛耳快登壇爭傳韻事重圖繪遣

繡新盟續敦槃逝水年華休感觸倚虹高閣且盤桓榜花家世

鄭棠棟原

石珩葱佩

八

沈岱岳傳

才名遠漫說風騷繼美難

又

霞飛高閣傍花谿老輩登臨手共攜異地重開蓬島境春宵先

上廣寒梯名流爭躡雙丁屐樺燭疑分太乙藜集元辰復元

夕江東爪跡認鴻泥元旦芝泉招集紫薇道院

當頭明月喜初圓今昔情牽思渺然觴詠更教添我輩風騷可

許接前賢畫欄燈照新臺樹小部歌懷舊管絃卅載畫圖重補

精勝游端不讓神仙

又

四時節數上元佳廿八年前聚此齋繼水繪圖觴詠盛登霞映

元下

閣主賓偕詩情瀟灑人情拾燈影參差月影篩今日風光猶往

日又開春宴醉同懷

同懷到此盡歡呼半是詩狂半酒徒虹閣欄高乘醉倚星橋燈

燦縱情娛游人身列光明界佳客胸羅智慧珠不減前番稱韻

事喜將良會續成圖

又

廿八年前譙客辰而今壇坵喜重新已無往日人分席猶見當

時月一輪醉裏笙歌譁永夜閣中燈火暖逢春金樽銀燭筵開

早風雅端宜說主人

復社當年復會文先生家世數徵君祖孫好客簪同蓋先後聯

吳世勳登拔

陳佩珂柯珊

九

楊葯坪芷林

吟韻共分一代才華傳水繪七言俊逸讓參軍謂芝泉明年此會先期訂再看椒花栢子焚

又 吳瑞河 節亭

卅年文燕後先同兩度燈光爛燻中人聚高齋如月滿燭燒綺閣映霞紅黃鱸舊雨思今日白下停雲見古風謂芝泉美景良辰

歡會數德星滉漾射南東

香山壇坵集詩豪魏軒老伯與家嚴同繪九老圖圖繪西園與更高璞原與余同繪西園圖

雅集 兩世因緣結文字一家著述主風騷上元佳話更番播水繪歡情次第遭歲歲相邀同玩月酒痕應漬舊青袍

又 朱章令 漱坪

元下

最難風雅號專門例以狂歌宴上元廿八年重詩社結十三人只主翁存吾儕合接迦陵席此會欣逢水繪園後起豪情還似昔寶刀銀甲文開樽

前賢酬唱信非凡手澤猶存古錦函鶴去雲霄空子和前元夕雅集先

歲亦分 人來山閣又杯銜花燈燦爛光分月柑酒淋漓綠染衫元韻

醉看魚龍爭變化天池風利快揚帆芝泉將

又 吳世傑 香湖

夏宵高會復欣逢傑閣頻登雪未封地闢舍南追培北人牽後軌繼前蹤樽傾竹葉香千盞燈挂梅稍影萬重卅載風騷今又續兩番圖繪墨花濃

曉壇水繪入心降又集鷗羣坐夜窗月魄團圓當第一仙郎才調更無雙詩歌白雪應懷舊各訪名園早渡江踏遍星橋盡入詠漸無健筆鼎能扛

又 姚鵬春 古風

重見詩星聚斗南老坡邀客譙傳柑畫樓燈月新聯襪高閣笙歌舊盍簪前輩會抽思乙乙吟壇別啟徑三三卅年兩度持牛耳風雅遙追水繪庵

六齡時記隨先祖親見耆英韻各指何幸中年陪白傅却逢遠

輶到陳髯通家四世交情摯時攜鸞兒在座華福三多樂事兼雅集西園圖再補不辭良夜飲厭厭

又 楊 沂蓉仙

元下

又 又向元辰啟竹關倚虹高處喜春暹珠簾傑閣開三面玉笋詞梳換一班香放梅花浮爵罍燈明火樹結蒼山追思往事新圖續老輩風流近可攀

水繪聲華一代超李膺門館盛賓僚卅年吟社盟重主一夕金

樽月又邀訪戴人纔來雪夜謂芝泉添壽客共盼花朝是歲花朝後一日

人共約稱觴 遙知後輩思今日也似今宵說昨宵

又 冒 篁 涓船

卅載耽吟雅韻多白頭與致尙婆裝歲星久戲惟方朔庚申雅集今存詩榜重題半小坡在座多故虹閣正當開綺席月輪依舊

湯金波自慚兩執駮壇耳對酒空懷伏櫪歌

市南爽塏喜新更清集圖成九老名難得逢蒿迎上客謂芝又

借豚犬聚羣英華燈快賞傳柑夜彩筆爭傳鄰地聲假我數年

期後會猶堪三主鷺鷥盟

又

盲玉田璞原

昔年宴客上元燈几杖親探記我曾人醉金吾不禁夜闌登霞

映最高層紀游圖畫觀如昨分韻詩歌愧未能却喜椿庭今更

健每逢此夕與飛騰

此夕娛親又盍簪倚虹閣敞眾賓臨燈明夜續傳柑會月好春

生析桂心舊社風流詩再補故園水繪跡重尋者番多箇江南

元下

七

客千里來題海上襟

前後元夕讌集詩二卷從江寧凌芝泉蒲上題襟集錄出凡七

言詩五十三首中缺前讌集詩八首當時並各有圖今不知流

落何所矣吾家自十二世祖麟洲府君始居蒲上三傳而至渭

汾府君渭汾府君生二子次子葵原府君廣生之高祖也自葵

原府君至廣生五世皆仕於外舊宅已易他姓廣生往年歸里

系墨里之父老輒引登當時所謂倚虹閣者其地在北石橋下

長廊偃卧飛閣矗立三五童子讀書其中未嘗不遐想於元夜

張燈聯吟闋韻之樂而流連視景不忍行也夫里社之往還賓

朋之文酒此其事若甚細及夫境遷時過則向之陳迹昔人猶

以之興懷今距乾嘉盛時日月幾何而江山非故主矣俯仰身

元跋

七

世貌是流離喬木之思桑田之感其在詩曰心之憂矣樂子之

無知又曰鮮民之生不如死之久矣又烏覩所謂昌年之盛事


令節之佳游哉嗚昔之夜京師兵燹火光燭霄漢砲聲隆隆不

絕於耳此則廣生今年所遇之元夕也梓人刻是卷成聊復書

之後之覽者有以悲廣生之窮矣府君生平讀書刻苦語具熊

澹仙詩話別有蒲上九老圖今尚藏廣生家壬子元夕後五日

曾廣生跋於宣武城南



小川正雄

本書承國立臺灣大學總圖書館借用影印

謹此

致謝

新文豐出版公司
謹啟

小三吾亭詩

光緒庚子

安老

吳俊卿



小三吾亭詩卷一

如舉 冒廣生 鶴亭

留別葉蘭臺先生六首

珠江八九月江水清盃盈維舟綠榕陰日落煙微橫側見雙飛
鴻翩翩翔南征因之感行役願得叙平生

我有一寸心纏綿不可叩不種出青梅定化為紅豆廿年落風
塵十事九不就豈無長門才有賦無人售當時楊狗監今日難
再觀

望古既茫茫思遠復悠悠我有同心人悠悠隔山川龍門託捧
袂四歲欣前緣何圖遠別離徒倚成相憐

詩一

今春與伯子謂伯痛飲長安市其時苦戰爭羽檄紛千里落莫
新亭游繼之以流涕

昨日開瓊筵翩然集裙屐梁生謂星善議論鬚眉若張戟我公
與婆娑傾聽眼為碧誰知尊酒間別意牽孤客

飛翼常在天游鱗常在池願言一尺素寄我甌江涸今日共歡
笑明日長相思珠江我舊游寤寐見之童時釣游處巷陌猶
依稀請公記息壤不死當來歸

同伯懷出廣州北郭聯句時余將之温州

涼風吹平蕪懷一碧望若夢山門不覺遙鷺入林喜相共青山
悅人懷自白雲露天縫寒禽時一鳴鶴瘦竹影交弄疏籬隱深

菁樓廢畦留碧漢村娃紛提籃鶴野老病抱甕孤城濇料暉

秋花忍寒凍聯袂無後先飽得旬遞伯仲之子遠遊游懷良會

惜空僂永嘉富山水鶴藻采耀晋宋共尚多人懷美者往殊

眾意氣漸乘龍鶴文章羨求風衣鉢一脈傳出傳安黃氏門下

今復故賦之因緣百年重此鄉誠温柔鶴茲事足傳誦相期明

堂珍儀持以金闈頁時事亦大難鶴風塵况瀕洞慎葆千金龜

勉崩大材用行蹤嗟飄蓬鶴健骨樹文棟狂歌天為昏白

戰日與國有賦方消魂鶴無辭暇鑿空瞑色蒼然來懷飛鳥息

其班歸途何所經鶴急雨苦相送懷

次韻答金漣生丈

詩一

二

亂世文章賤蹉跎愧草茅窮途嗣宗淚感舊伯陽交巴里豈諧

俗故鄉思結巢時無晉周處射虎更擒蛟

贈姚伯懷

翩翩書記阮元瑜十載纒萍落魄居狗肆功名羞喻伍馬坊文

字重吳趨傳聞大婦才能豔謂方和人可惜中人產已無吾道未

應常寂寞不須歧路哭唐衢

贈潘蘭史

十萬金錢買寶刀潘郎意氣海山高張先才調誇三影庾信華

年感二毛未仕此身猶屬我當歌何地不離騷茫茫多少新亭

淚皂帽相逢愧爾豪

贈文嘯樵

眼底英才數輩行文家獅子最披猖過江門第烏衣謝絕代風

流馬冀王錢鳳何人卿莫問董龍是狗客能狂百年四世交情

在看汝飛騰扣九閭

寄夢雲戶部

小宋風情得似難別來短札勤加餐曾留牆外三年笑慣忍花

前半臂寒接席分題金絡索孤吟易感玉闌干嗟余判袂匆

去月到中秋不共看

繞砌

生小猶兜睡未驚薄寒初中酒初醒房櫳寂寂垂地獨數疏

詩

三

星繞砌行

贈孫仲容刑部二首

許鄭無文章任沈寡經術千古滕薛爭一言齊魯失觥觥孫仲

子淵博未有匹往籍多淪亡後生誤帖啤窮年仰屋梁一一寫

梳櫛謂髮子離証餘事工文詞藻采復秀出左升儀鄭堂右入

平津室始知根柢宏枝葉自茂密如水有本源其流日汨汨

哉一孔儒騰名不踴實

我聞永嘉學所重在事功止齋與水心議論尤闕崇方今苦風

塵豈復慨宋聳猛虎伺我西毒龍瞰我東豈伊陽九厄將毋百

六窮君獨為其難宣聖儒宗風發言既偏宕舉世誰余從時

備茫茫神聖業役役衣冠中仰視白雲浮青天何夢夢

邱節婦行

邱氏婦曹氏姑二十適人喪其夫一解夫喪矣可以死死不難
妾有子一解妾子嗚嗚妾姑蒼蒼妾死了死姑心傷妾始年年
病委牀三解上牀事始下牀乳兒兒哭妾哭姑悲妾悲四解姑
亦竟不悲兒亦竟不哭霜風總難難膈妾淚已枯妾心漉五
解妾有母頭盡自移家來共朝夕春粟一斗布一疋七十五年
如一日事母事姑妾事畢六解妾姑祖矣妾母俱矣碧落黃泉
從故夫矣七解吁嗟乎高者為天厚者地巾鬢鬢眉灑生氣憑
誰翦取皮金字願以告之輜軒使八解

詩一

長夜

霜風凜冽百草枯陰天匝地飛神狐沈沈街鼓凍不歇鼓聲漸
衰鼓槌折美人帳下方酣歌紛紅沓翠金叵羅漫漫長夜奈爾
何

喜晤王義門同年

烏蓬朝渡大江寒執手寥村失喜看剩有文章供涕淚不知身
世共艱難梅邊笛瘦人雙玉花影筵低月一丸莫問靈和前殿
柳絲絲顏色總凋殘

贈寶山陳同叔先生

文章一代毛生甫心事三生蔣劍人今日江南諸老盡水邊籬

落忽逢君時以綠梅花節

鄴歸寄仲虎

半月苦行役思君情更多文章通德里姓氏黨人科舊夢香京
雜新詩愁汨羅城東姚古鳳問訊近如何
夏日過壺園贈叔問
日色不到處音氣綠一尺短橋臥流水竟日無人迹主人性耽
靜頗復用典册家世通侯門聲華况甚籍十年吳趨坊老大不
自惜壞壁張枯桐寂寞風雨又欲奏鸞輪袍裏然弔魂魄眷眷
采珠人沈沈楚天濶我欲招之來酣歌拓金鼓爛狂針相期具
區間詰朝理裙屐柁樓一倚笛吹墮湖月白

詩一

桐花篇贈沈萃梧同年即書其詩集後

江南二月桐花開綠毛么鳳聲徘徊美人淺笑立花下千金微
露紅玫瑰十三年紀初蓓蕾家居海上金銀臺綠玉如意珊瑚
杯六銖七襄衣自裁姊妹三人無嫌猜大姑有婿八斗才小姑
雲雨新行迴問姑娉婷何不嫁低頭自把東風罵

柳門先生招飲即席呈六首

白日當天事 帝心浩然歸去卧山林遠人姓氏知司馬下國
樓遲惜展禽往事自捫舌在諫書無補 主恩深角巾東路
平生愛梁父聊為抱膝吟

五雲高處是鸞坡早歲金門驟玉珂劉向校書成略錄蘇卿持

五

節遍山河扶風帳後生徒盛正始文中感慨多我亦汗流皇甫
湜素衣京雒已蹉跎甲午補試覆試卷

倉皇烽火沃沮東節節王師潰下風軍令何曾誅馬謖詔

書惟是免孫宏荒涼玉斧封疆淚慷慨金錢政府忠可惜先

朝爭戰地衛青李廣總無功

時局艱危換弈棋思量爛熟要官時南山種豆天無罪東海成

桑事已遲碧血祇憐新鬼哭白頭仍荷聖人慈黃門北寺紛

紛是不信君看黨禁碑

百年三萬六千場莫上胥臺更望鄉帝里鶯花常寂寞故人

雞黍暫倘伴樂天洛下耆英集宏景山中日月長結箇茅庵佳

詩一

六

處住白雲蒼狗祇尋常

北海琴尊做畫屏疏慵到我眼猶青夢回錯過慈恩塔老去休

題野史亭一代斗山成著述千秋風雨走精靈莫愁孝肅終無

後耿耿霜河漄小星

答胡劭介同年

釜破家能活皇乾實祐余日歸猶破膽遠慰謝裁書丙申五月

地身舟兩於以我骨肉少惟君意氣如相逢期異日一下道旁

車

福州晤先君寅好感賦

廿載趨庭夢重來涕淚潛新交締羣紀故國換河山寥落天應

醉承平吏合閒君看赤飲水何日復東還
張韻梅丈以詩見貽賦此即送其之官連江

海月溼濛濛四山初過兩南來一隻鶴夜半自嘆語感君贈我

瑤華詩瓊樓吹落聲參差天風海水急相送何必成連情亦移

君家舊住西湖曲湖雲釀得詩心綠紅牙早歲籍聲華青眼高

歌訝流俗朝騷騷馭朝明光暮撥鷓鴣絃動紫皇看到長安花已

遍一官來噉荔支香愛君意氣輕軒冕愛君著作留詩卷江湖

滿地空悠悠欲奏孤桐為誰遣廿年清興自婆娑一階不進真

蹉跎旂亭自畫王郎句井水空翻柳七歌我從束髮事奔走結

交幸列王楊後石林老子龔雋生最稱君張緒風流心折久竭

詩一

七

來偶作鼓山游布鞵青鞵浪不休杜牧三生能契合平原十日

遂淹留所嗟人事如蓬轉東去伯勞西去燕君向連江江水長

江山到處開清宴丈夫四海都為家眼前何地非天涯明朝我

亦挂帆去重醉珠江茉莉花

附錄 奉贈鶴亭仁兄第一首即次其見臨原韻

陸機入洛年猶少每誦清芬涕已潛繪水名園餘草木問

天奇句歷江山蘭陵載酒聲華盛蓮社諸禪意氣閒采得

蘅蕪欣捧袂祇愁孤鶴又南還

君家洗鉢池頭水濯出詩腸錦萬端賦擅蘭臺長諷喻辭

成羣白話辛酸謂為外祖願靈巖歲月凡塵遠海國尋春
望眼寬獨恨鯤身蓬島隔何時重覩漢衣冠謂詩中有感

紅兩樓集題詞為黃駿孫太守作

我行閩山中山徑幽且絕采采紅蘭花芬甘沁鼻舌道逢素心
人跡我同心結自言金閨彥中道悲棄訣宛宛雙鴛鴦飛鳴共
比翼一夕罡風過換啼子規血至今赤飲水夜夜聲嗚咽腸斷
歌姑恩歌成淚枯竭故鄉有高樓樓開遠山列四時雜蒔花雨
過紅欲滴珊瑚為筆架翡翠作墨屑得婿秦嘉才生免阿侯傑
雙聲發絳樹孤影如明月媿媿幸自媚抑抑遂輕別秦淮煙水
多垂柳瑟瑟色夢逐寒潮生心隨暮天濶淒涼山復山去去向

詩一

六

誰說朝行潼關日夜歸灞橋雪君愁濁酒知妾愁明鏡溼短髮
卷不梳長笛凍成溼百齡亦倏忽強半况秦越蘭荃自為芳芙
蓉不堪折歸來訝憔悴瘦損到雞骨滔滔白螺江盈盈理桂楫
峩峩朝斗巖荒荒剔薛壁寤寐於晨昏遐哉樂無極如何遠方
魚催送故園鷓憂患常苦多歡娛常苦暫離亭一尊酒豈意忽
焉沒十年恨成煙一代士不櫛君言未及終我聞長太息君家
妾明珠死事最奇烈發孫先人太常公有耳熟吾能詳皮金字
未滅豈期梁鴻妻復擅任助筆安石碎金詞易安漱玉集從茲
一瓣香敬為南豐蘇氏南豐人

感述為周廉訪誦也

黑頭聲望屬中原畫戟朱輪出入尊不分風塵窮下走劫來杯
酒醉侯門烏臺久枉先生案繼室新推外祖恩外祖周季况先
公為鐵塵海衣冠紛袞袞如公古意幾人存

題洛神戲示曹君直同年

雕鏤枕角月昏黃翠羽明瑤事杳茫我亦感甄能作賦肯將惆
悵讓陳王

再題君直近詞後

誰為西崑作鄭箋一聲一字一纏綿他時開寶談遺事白髮龜
年要值錢

今歲江南未是春柘枝空舞鏡中塵不須更唱黃河上別有風

詩一

九

懷賦洛神

重過葉蘭臺先生故居書贈道生裕甫兩孫世兄

阿大中郎總不凡故知回首我何堪青蛙閣閭池塘路淒絕當
時秋夢盪

次韻答日坡秀才

仍作天涯客艱難奈爾何勞生任羈旅接席喜英多造次隔年
話蒼茫聞淚歌會心交獨耐不厭數經過

自楊花橋夜歸口占示內子

跋跋車走傍江千里歸程近轉難常恐林間明月墮抵家不
及兩人看

及兩人看

奇蘭史

問訊潘郎鬢新來白幾何著書愁寂寞說劍悔蹉跎羅襪么嫌步蠻等子夜歌相思能寄否緘恨託微波

雜書八章答洪小江先生

左顧孺人右稚子百年蜉蝣行樂耳人知次公醒而狂不知臣朔饑欲死出門惘惘將何之文章薄技世所嗤可憐亦有禰衡刺磨滅懷中今幾時

束髮掉鞅馳文場結交十九皆老蒼逝者既痛不可作生者遠別天殊方白眼蒼茫書咄咄欲語不語無騶卒腹中踳踳走車輪口中巉巉生石關

詩一

十一

晨起攬鏡忽自笑昨日朱顏今漸槁黃河東流無復迴南山之期安可保日夕閉戶聊著書忽然掩卷長歎獻太元後世亦僥倖時無桓譚將何如

有客有客攜擣蒲邀我長夜呼臬盧東家有女名羅敷盈盈十五方當鑪便復相從投袂起萬錢一擲差可喜忽聞老母太息聲明日囊中已無米

昨歲今皇詔書下關西夫子相知雅彈冠方濫吹竽門拂衣便從鼓刀者傳來消息滿江濱人琴一慟南天雲草深不過羊曇路馬槌撞折天將曠茂名楊伯師去歲以經濟特科保宵深忽夢曹顏與張隱聯轡同攬西山光須與東歸踏大海魚

龍曼衍風蒼涼人生聚散那常樂明日視今今已昨此時憶得丁香花繁枝開滿西來閣

洪侯大隱隱城市只知讀書不知事衰老如今易見憎貧賤從來多識字兀兀荒城東海東成名賢子非英雄迦陵老去潛夫死千載文章屬寓公微江徵人

嗟余簡傲習性成布衣二十猶躬耕伯符公瑾亦何物致身年少皆公卿多謝洪侯與我厚愛我新詩不去口相期共葆天寒交龍虎猛氣我何有岳原原句

彥公以詩見投依韻奉答二首

詩一

十一

成佛丈人關慧業過江名士籍詩才諸公臺省卿何有賤子風塵座許陪歌吹銷沈千載去髮絲憔悴一鞭來旅愁賴爾能排遣三日車中口未開

舊夢東京餘錄事新詩南宋感題名前程一夕添雙淚公案三生是此情腹內車輪長夜轉胸中棋局幾人平逢君未忍全傾吐請問清時魯兩生

廣陵八月晤吳董卿大令

吳郎生得真男子家近小秦淮下水意氣公然將人罩顧盼亦復差自喜少日題詩南浦雲一時爭貴西京紙比來格調逾老成近揖雍黃帥遠仙李休我識吳郎自去年東華門來珊瑚鞭袷衣團扇共年少結交不用黃金錢爾時意氣雲天薄爾日聲

名動臺閣踞履鳴箏繼夜游江淹繼王粲曠都非惡長安三月
多東風片片吹墮桃花紅桃花零落粉無數可惜吳郎花底去
別來萬事不可言雲翻雨覆天爲昏只今烏噪城頭路往往夜
月秋魂喧吳郎吳郎好身手明湖騎馬尋秋柳男兒三十會封
侯再取腰間印如斗劫來八月廣陵濤不分逢君驟掣豪握手
牽裾語嘯昔盤筮草草呼村醪君言入世不稱意金劍仙人眼
中淚愁來閉戶學逃禪懺悔聰明到文字與君同上平山堂隔
江雲樹何青蒼人生遇合似江水東西蹀躞誰能量江郎近被
虛名累王郎日益傷蕉萃富貴行樂須何時今朝有酒今朝醉
嗟我一生情苦多茫茫來日嗟如何中興事業君休管且譜絳

蘇長恨歌

秋窗論畫圖爲費肥懷編修題

牙籤玉軸收藏富想像商量影一雙曾爲細君親拜賜描摹墨
妙馬江香

靈鶴閣靈鶴閣開闢江建共盟鷗館並世清才見尹邢他日婦
人成後集揭櫟先記兩丹青近擬繼遊陵作婦人今集

日本女子小華生象江建京卿屬題

大江東去海西頭舊日蘼蕪尙在不贏得旁人傳本事當初美
滿壽茶樓

自從妝閣便天涯無復朝朝關鈿車一樣萍蓬感飄泊憑君莫

詩一

廿二

詠二橋花

百年能幾是歡場我意分明絳蠟光霧鬢風鬟猶在眼驚心來
日又重陽建康與女子別在癸未重陽今庚子九月相離十八年矣

襟上分飛淚未乾瓊樓回首怯高寒淒涼開寶前頭事莫作崔
微畫裏看

師孟自角斜來訪以余往吳門不值歸家作此寄之

世事真如夢吾生亦可憐故人頭萬里宿草淚經年初識師孟羣以我遠行役勞君相往還漫漫風雪夜愁憶剡溪船

友人得一琴字曰默君屬余賦詩

世事已同吞炭啞客心還比爨桐焦茫茫歲月愁如海賴爾空

詩一

十三

山慰寂寥

贈吳昌碩

吳侯使筆如使刀萬馬辟易千人號吳侯使刀如使筆秦斯流

汗唐水泣十年宦海誰相聞送窮自擬昌黎文章雖工世不

識心知此語說不得道旁達官喧填來車前八騶後七尺羣兒

相貴爭相承鞠躬不敢出聲息歸來呵壁呼青天雕蟲薄技真

徒然杜陵生事輒相左阮籍虛名不值錢短簿祠前花寂寂真

孌墓下草芊芊高陽回首酒徒盡顧影亦覺非當年椎髻梁鴻

妻蓬頭王霸子茫茫人海幾升沈老眼摩娑吾劾矣與來寫幅
驚溪詩字斜墨淡徐天池要知塊壘胸中意只在淋漓下筆時

吳侯吳侯勸爾一杯酒世間怪事無不有冒生三十尙奔走
過岳盧再贈昌碩

一夜江州白髮生燈前客淚落縱橫彈棋不是呼兒輩老子胸
中有不平昌碩與兄子
弄密本始記

家家風塵惜吏才有田江水最堪哀自從楊意云亡後無復凌
雲奏賦來謂蕭
翁

趙家飛燕埋香後往事重聽淚萬行千古多情漢武帝憐他此
境未親嘗

旁人只道東陽瘦我比東陽瘦若何剖出心肝惟爾見不曾輕

詩一

廿四

作寶連波

三年別去音書絕多少煙雲變幻生到底一池春水皺自家恩
怨不分明

每從合眼羅衾底絕憶憑肩鏡檻前不悔當時真箇錯只愁來
日已無緣

玉璫緘札千萬都付阿房一炬中剩有蕭郎舊題扇也隨芳
草閉幽宮

爲費肥懷題其母夫人畫牡丹

花落南樓事已陳倚雲小印認猶新尋常莫作胭脂畫中有孤
兒血淚痕

贈莫楚生卽送其入都

桐城蕭敬孚今之斲輪手爲我稱二莫津津不去口大莫孽窠
書腕下龍蛇走小莫精鑒別沈博未會有銘心到書畫入手辨

舞齒紛紛吳阿蒙少可多所否憐我家子引我齊年友我生
二十餘讀書頗自負作人善跳盪論世喜擊剖以此人謂狂舉

動輒獲咎憶初識君時太歲在丁酉我家居詩溪十日見八九
無何我北征音書斷絕久悠悠江上雲青青河畔柳都門再遇

君失喜共酌酒日落風蕭寒慷慨歌擊缶別來不可言萬事同
蒼狗君今到江亭此意定回首

呈俞曲園先生二首

詩一

廿五

校字劉中壘傳經鄭小同謂修四朝聞見博一代斗山崇風

月還吳會文章屬寓公旁人都錯認八十緇袍翁
滄海橫流日艱難吾道尊酒闌同太息海內幾人存心事臙成

史行藏雀在門好措雙老眼浩蕩看乾坤
再參贈昌碩韻題金心蘭畫梅

投筆淒然憐肉生玉山意氣尙縱橫紛紛休擬梅花賦身是前
朝宋廣平

七百年來見此才玉龍曲子夜深哀銷磨萬古詞人淚都爲三
花兩蕊來

三登前韻盼君直

衰竹哀絲百感生出門一笑大江橫西風落日無人識猿臂將軍李北平

天意蒼茫老此才書生事業亦堪哀姓名不上凌煙閣誰和君王競病來

四疊前韻贈弊軒

曹郎年少太慙生南面居然萬卷橫絕妙一枝京兆筆朝朝描得遠山平

玉臺閒數古今才撥盡寒灰事可哀鬢影琴心相倚處錯疑人自謫仙來

五疊前韻懷仲虎歸太倉

詩一

十六

水紋衫薄晚涼生憶爾孤蓬落日橫行到玉峯回首望斷霞紅處是天平

閒煞長門賣賦才中年傷樂復傷哀黃金早識文章賤悔不臨邛買酒來

六疊前韻寄義門

江湖流落玉溪生長念神州淚眼橫一曲鈞天閩廣樂始知夢裏有承平

早識安危仗異才請纓無路祗堪哀書生可有封侯相試問橋頭日者來

七疊前韻贈芝棟

來日茫茫作麼生太行人面鬱縱橫盲風怪雨尋常事不向君前訴不平

歛却梅花賦手才江南來作庾郎哀淒涼日落西州路我亦驅車腹痛來

同敬孚先生夜話八疊前韻

吾曹都是不辰生豹虎紛紛世路橫只有罪言唐杜牧更無奇計漢陳平

眼底羣公食肉才封疆危日事堪哀白頭不作功名想也夢登陣殺賊來

吳門感事寄淮生丈即用其冰泉唱和韻

詩一

十七

花步新涼雨瓜皮舊勝遊可憐垂柳色猶似去年秋桓笛聲何苦黃鐘淚未收南朝江總句還望極元搜建康友

虎視秦關健鳥巢楚幕虛揭竿齊變起借箸太謀疏時北氣甚惡政府一尼父思浮海靈均擬卜居茫茫天地窄何處武陵漁

古意五首同君直宿陸懷廬賦

茂陵生秋柏蘇氏埋香魄嗟哉傾城人乃執青衣役歡家楊子江妾來住橫塘橫塘與江水深淺誰能量

江北為廣袖江南為輕衫妾不愛江北歡不愛江南碧玉何盈盈盈盈方破瓜不因鴟嚇鼠已歎鳳隨鴉

樂天琵琶行美山柳枝詞等是身世感不為婢娟姿

顧鶴逸爲我畫水繪盆填詞圖成賦此柬之

冬至關河萬木枯太行西去路崎嶇請君換我傷心淚更寫明

皇幸蜀圖

喜陸彤士南歸並柬王義門

夢中顏色吾常見亂裏關河爾竟還坐閱升沈雙眼勸暫能歡

笑一家安百年明鏡悲春去萬里麻鞋逼歲殘試約比鄰王輔

嗣北風多處共憑闌

次女景璣甫周晬卒愴悼一首

吳船半月輕裝卸憐汝依依似阿爺一病遠悲無救藥百年纜

信有空花縱然求食甯能語便令歸魂那識家懷絕銘幽三百

詩一

十八

字已將骨肉付泥沙

答范肯堂光祿二首卽依來韻

范家兄弟出堂堂險語驚開萬古荒國士幾人能遇合岐途解

哭卽猖狂山河大地知何極哀樂中年悔漸嘗準擬從君覓方

藥安心容我醉爲鄉

頗聞兵革息風塵歷歷心頭事未陳天寶宮花空有淚貞元朝

士已無人誰何伯仲能伊呂吾汝憂嗟豈賤貧便復出門同惘

惘不知明鏡鬢毛新

小三吾亭詩卷二

昌氏叢書

如臬 昌廣生 鶴亭

喜吳董卿至三首

獨處意寂寞經過聞足音雜花三月暮孤艇大江濤乍見驚顏
色雄譚愜古今就如忘夜永幽磬出前林

世亂嗟身賤才難感歲差為憐過江客猶說故園花寒碧空流

水香林有暮鴉平生湖海氣寥落負春華

兼交際江山尙賊中眷言多難日温飽豈英雄

董卿以贈小江詩見眎依韻和之

詩二

未妨生事日凄然料理蠡湖尙有船遜世自知无悔闕論交難

欲徹中邊每從靈武中興日更話開元全盛年見說 六飛迴

旦暮 鳳城南已熄烽煙

和董卿如臬城中古松詩

荒城三月飛狂花中有獨樹森枝枿霜皮久戰白日雨黛色欲
拂青城霞奇材不用世不識坐令歲月埋塵沙新蒲細柳紛眼

底憐汝不異蓬生麻使君拂拭得佳句凌鏢李杜真名家手持

口誦一千遍使我感慨無津涯回頭淚落如紅雨衣袂十年京

雜土擊鼓漁陽苦戰爭衣冠江左猶歌舞宮花寂寞照行人禁

樹凄涼委樵斧大厦從知要棟梁吾儕何獨甘農圃夢華往事

人不省偶爾為君一傾吐慈仁寺裏雙虬枝未必經冬尙支拄

因循

拋殘金彈知何惜夢徧銀牀總未春東澤偶然留綺語北方從

古有佳人暫來小閣同延伫閒話中年各苦辛裘馬五陵空嘆

暗珍珠十斛已因循

三月二十九日招同人集雨香庵餞春即席分體得五古

荒園枕流水竹石殊幽娟當時王主客勝會爭流傳謂康熙間

如舉自自從楊枝逆零落金釵鈿風景既異昔舉目成茫然我生

硬腰脚復厭城市喧閉門放雙眼頗參菩提禪遂令猿與鶴日

夕愁湘煙展齒既不到一一蒼苔鮮上有桃李花無言皆可憐

詩二

哀歌不足道俯仰慚前賢

吳十揚州來相約便修禊不期城西路日日訪佳麗環肥趙燕

瘦各自擅鴉髻就中吳彩鸞姿制最明媚豪竹發哀響銅琶撥

清喉厭厭忘夜歸下晝夜復繼青榆夾城闌落花滿庭砌今朝

不謀醉春光行復逝董卿初至余約與同人脩禊繼康熙之盛

茶對庵僧話昔年句

昨雨今喜晴賓從咸萃萃廣川性簡傲意氣何嶙峋項斯頗沈

博數古如家珍跌宕文酒間健者惟朱陳而我盛憂患悲來沾

衣巾當歌不敢哭氣結恒難伸方今易水北極目猶風塵運會

逢百六衣冠將沈淪暫收新亭淚行樂及茲晨蘭亭事已矣捉

鼻彼何人

饒春詩無七言絕句補成三首兼懷肯堂

當前不醉更何待後日相思亦惘然會笑仙人太無賴要留老
眼看桑田

平生事事都迂緩乘興尋春春欲歸一種蒼茫誰會得自栽楊

柳已成園

酒酣拍徧闌干說今夜星無座客稠忽憶論心范无錯落花如

雪過揚州

自尤

逢人欲殺君儻忍入世不深吾自尤獨絃情情不能奏眾女申

詩二

三

申何日休翻雲覆雨乃常事知白守黑真良謀眼中之人那足

語一似一續成千秋

又書二絕句

開卷康乾皆作者閉門井日得賢妻生涯濩落吾何恨睡起繩

牀日正西

人言可惜千金弩吾意甯爲百鍊鋼筆硯君苗焚盡後祇書咄

咄向蒼茫

當五君詠

冀州當代文章伯往歲會通尺一書雲物三年成俯仰亂離八
口定何如橫流滄海儒眞賤帶甲乾坤信亦疏早晚欲來相問

訊爲煩短榻下君廬吳學父先生

蕭穆讀書眞種子故侯謂曾文正片語重邱山江湖乞食心違素滄

海浮家鬢換斑厚祿交看同輩盡奇觚天與一身問中原異日

求文獻莫取相如封禪還蕭敬字先生

驚聞行狩河陽日闔戶公眞欲自裁世事祇今雙眼在名山隔

殿一尊陪文章上相愁傷命俞蔭甫拚命著書會文正語寫作 先皇總愛

才俞樾寫作俱佳人道衰枚能髣髴故應樸學勝袁枚俞蔭甫

先生

每憶永嘉孫仲子平生學問出高郵蠅甘坐命身將隱豹覲留

皮死未休閉戶可能忘理亂著書聊得遣煩憂君家大阮眞人

詩二

四

瑞謂葉田先生八十於今已過頭孫仲容先生

師承歷歷吾能說小子曾曾出外家解道冰寒知火盡不將秋

實廢春華十年寥落虛題目四海因依有歎嗟百計未能娛一

老撫心難制淚如麻外祖周季況先生

別董卿半月重晤廣陵賦短歌

人生聚散眞浮漚前日送君江水頭君歸邗溝我不樂松寥桂

寂湘中閣金沙况復游不歸坐惜流光感離索好風吹我東南

行眼明忽到垂楊城布颿初收雨初歇別君見君纔半月君詩

已付吳彩鸞有井水處歌屯田鳳池麟閣那易得得此差足凌

飛仙明朝爲報王僧虔義門入城爲我相流連元方季方地山皆

少年接離倒著榴花前

揚州憶景璋

淮海重為客江皋有所思文章吾命舛世界爾生遲得食能分

姊逢人解誦詩平生笑劉表豚犬一何癡

有寄三首

耿耿霜河天欲曙悠悠水簟客無眠當時同命誠虛語獨活淒

涼又一年

纏綿生死情真累計較恩讐事太疑今日思量無可說鯁生無

福受蛾眉

蓬山亦在人間耳儻有江船我定來祇恐雙成門館閉不教小

詩二

五

王為郎開

奉送玉岑總憲師還 朝三十韻

朔漠纏兵氣南荒出使車風塵何瀕洞道路正馳驅本以銀潢

黃頻聞 王詔除職為大司憲官並六尚書咸激嗟何極迢遙

日已晡殘年多雨雪羣盜沉荏苒馬首方瞻粵鷗夷暫入吳風

花江表晚煙樹蘆門孤勝地嬉游簡佳晨感慨俱往來無貴顯

談笑祇生徒子弟紛 行在餐眠損燕居徐岡安反側豈是戀

江湖赤縣干戈後蒼生戰伐餘 觚稜天咫尺 宮漏夢模糊

消息迢 千仗款呼動九衢橫汾今漢主宅洛舊周都日月乘

槎至星辰屐履趨徂齊仲山甫歸趙蘭相如霄漢從茲近山河

固不殊豈能行緩緩聊得布區區幼志兵符勵衰材劍術疏致

身常管樂涸跡入屠沽郭隗金慚駿馮諷缺歎魚每懷三吐雅

不覺寸心輸已往災頻降於今困未紓天將憂啟 聖民望

后其蘇射虎終當去鯨鯢自可誅艱難支大厦盪滌仗洪爐

石邦仍固屏藩世儻須臾夔公自許應不忘嘉謨

重九日泊舟煙臺滄懷晚翠

故人往歲煙臺泊寄我一篇重九詩碧血已成千古恨黃梁纔

熟片時炊旌旗憶懣懣當關健海水滔滔去國悲十載商榷天下

計眼前誰與繫安危

雪夜宿十景花園

詩二

六

入冬二日大雨雪街衢積潦深一尺我時蕭寺訪吳筠學甫便

過曹褒破岑寂謂君直日暮始覺寒氣侵談深潭忘去嚴城隔汝

陽王進真好賢毓氏殺雞煮酒承今夕翩翩花萼並年少揖我

謂我交莫逆豫章賓榻下以屢杜陵車轄投亦得更闌相向話

江南山茶花發林塘僻全家同住闔廬城濁酒強攜督望宅干

樹萬樹銅坑梅開時一白迷阡陌請君試問頭上月曾照清寒

與攀摘歷歷關河有魂夢茫茫歲月成今昔餘生虎口歸亦幸

小劫蟲沙淚猶漬滿座聞言盡歎嗟座中我況江南客天寒歲

暮不歸去坐使梅花怨長笛明日出城約陸雲形暫釋幽憂理

裙屐開門但見月皚皚一樹垂楊壓簷隙

留別裴伯謙

江河日以下名士不可為饑食飽則去恩怨皆其私裴侯出潛
霍坦蕩真吾師下筆萬人敵結客千金貲日余少孤露嶺海全
家羈託君撫塵誼十謁九不辭于所亦以屢衣食相解推解推
不足道一事銘肝脾魏武天下才乃忘丁掾媼自非陳叔寶豈
負心相知此意旋十年懷哉無時移堂堂去白日揮戈則已遲
賈郎古所羞位卑由命奇竭來走江海蕉萃非前姿我越越王
臺雲氣連山陞歲暮為遠游悵悵常心悲坐我壯陶閣銀燭燒
千枝品藻詩書畫夜永忘其疲人言龐士元百里非所宜挾持
既有具小大無不施君今一割雞牛刀譽已馳賢者不可測其

詩二

七

道恒若斯結習未盡忘嘔心為歌詩歌詩千餘首首首皆吟披
自從過嶺後意態乃益奇我欲儀古人子瞻出峨嶼匪惟詩則
同境地或似之洵父復轍弟一家相怡怡旁有朝雲妾下有蓮
過兒君誠快自足以慰離思

贈林衡甫丈

柳州先友凋零盡驚見林逋廣眾中家國一官真細事江湖雙
鬢已成翁詩篇落葉收兒輩經學傳薪有父風明日佗城惜分
手木棉開徧女牆紅

題逆園梅鶴圖用蘭史韻

玉輪昨夜繩河落東西閃閃明張角林家嬌女姑射仙出世入

世參清天上頭夫婿意殊眷鵝溪粉本宋畫院苔枝枯盡翠禽
飛不如相見涎涎燕秋桐挂壁天陰陰離鸞別鵠傷人心十年
辛苦將雛意風雪孤山不可尋

同仲若夜話

微契通家託深談辟地商江南足煙水野服一徜徉竹種東西
屋書連上下牀名姬解歌舞稚子弄文章世變憂方亟余生感
獨長白頭鷓鴣約息壤在終償

別蘭田

五嶺三年別孤篷萬里歸吾行猶汎汎君意重依依大雅今衰
歇流言各是非宦游何日遂俯仰寸心違

詩二

八

喜見饒石頭舍人

藉藉豔才饒內閣幾年江海早知名一家詞賦矜能事半壁山
河話故明別有招魂成楚些得無變徵發秦聲傳聞堤柳依然
綠觸撥湖南萬里情君過湘陰有句云兩岸綠楊低著水行人猶說日公堤堤蓋家小山叔祖宰湘陰時

東徐花農侍郎

寥落清時澤畔行萬靈騰蹕一心驚文章未墜留壇玷疾痛能
關見性情時以藥車下漫漫何日且匣中咄咄不平鳴杜陵契稷非吾輩遲爾東泉事耦耕

寄答廉惠卿同年西山即依來韻

竟謝朝替去菰蘆老此人不成常寂寞終與濟沉淪閱世儒冠
賤回天國是新羣公好龍者高卧許吾身

皖北吳夫子謂學甫先生時游日本當今第一流離懷託烟水日夕共悠

悠霸業今何似雄心醉未休閒來倚長劍遙望海東陬

每念西山勝騎驢徑欲尋相將試泉水一為滌塵襟世亂無良

策途長有戒心聞潭河以西多盜為煩謝猿鶴風月負登臨

城關風塵在干戈涕淚多新成四愁詠格是五噫歌道路流言

滿皇天用意何閉門謝生事聊各養沉疴

答方佩蘭同年桐城人密之先生九世孫

公侯子孫復其始此語在昔吾嘗聞王孫穎士狀貌異或者親

詩二

九

見鄱陽墳我從鄉舉識方子奇氣鬱勃干青雲前朝江左盛人

物意氣復張東林軍君家檢討執牛耳宜與歸德皆能文當時

海內四公子論者至媿漢三君運窮百六阨元二天崩地圻何

莽莽大師祝髮隱城市吾祖匿跡歸江濱同時同社二三子薇

蕨甘慕頑民殷不信請讀小腆傳大節各各留清芬影梅憶語

叙喪亂鹽官城外同朝曠君家後復構家難玉關萬里生塵氛

皇天老眼照盆覆生還入口相欣欣邦講執手道契濶考古更

及宜爐薰兩家交誼三百載兩朝遺事吾能云君昨損詩述舊

德一唱三歎心愍愍下言逝將乞外去使我感歎嗟離羣浮沉

執成吾已矣望爾翰墨收高勳

蕭瑟

蕭瑟蘭成未足嗟有人一去遠胡沙獨傳論語燒薪火不恥公

羊賣餅家西狩獲麟天亦醉東門章犬日方斜傳聞賃廡梁鳩

死五噫歌成折馬過

題北征草

百年海水東流去匹馬秋風北地歸莫怪憂時杜陵叟一回展

卷一獻款

沈沈大地歟陰霾颯颯西風驟雨來金爵夢逸猶想像銅駝眼

見已蒿萊桐山雛鳳聲何苦柔海瘠龍口忽開少壯春華須努

力安危終仗不凡材

詩二

十

朱古微侍郎以水繪庵填詞研拓本徵題款署龍友為辟疆盟兄贈宛君夫人

往事秦淮委逝波百年人物奈君何玲瓏一尺琉璃匣多少胭

脂眼淚磨

供奉妝臺絕妙詞南都名士好襟期蟾蜍一掬殷勤贈此是桃

花寫扇時

荆棘銅駝徧地生揚州兵馬客心驚填詞定是家山破不是尋

常醉太平

荒荒水繪剩蒿萊片石居然避劫灰除是影梅庵畔月當初會

照嘔心來

同感碧題易寶甫藏張船山畫冊寶甫自云張靈後身此冊亦有張靈後身印

煙霞萬古玉良士鶴眷屬三生崔素瓊碧天爲江山助顏色鶴

人云兒女累恩情碧一鱗一爪見意匠鶴干手千眼開光明碧

何不攜家虎印去鶴眞孃墳上聽流鶯碧

前詩既成意有所觸復題一首

難問前身與後身江南回首奈何春因君詩畫增惆悵我亦先

朝老逸民

題程子大貞林秋憶圖

沈沈瀟水湘煙地終古如聞喚女製馬上青袍行未已江干黃

竹淚先枯百年多事嗟身世獨客悲秋入畫圖見說天涯懸老

眼一封書到大雷無

詩二

七

用樊山韻贈賈甫卽送其之官右江

幾日長安泥酒衣踏歌纔過上元時春郊試馬行爭疾月夜籠

燈散每遲射覆分曹呼蕩子吹香滿店醉妖姬明明絳蠟都能

記已換河梁惜別詞

慷慨登車一攬衣男兒殺賊正當時三千結客金將盡五十封

侯事未遲此地秦封桂林郡頻年楚食漢陽姬謂法蘭西書生自有

籌邊略側耳天南露布詞

東風昨夜著中衣溫語樓頭軟話時春在却憐花落早巢空長

惜燕歸遲正爲白傅愁來日擬遣紅兒作侍姬聞道蕭娘書謝

罪不須重賦惱公詞此首有本事實公自知之

弔夢歌離淚滿衣時沈子培文將出守廣信兼聞吳擊甫先生靈音鳳城花黯索居時

獨彈漸覺知音少遽別翻嫌見面遲此去儻過桃葉渡有書煩

報柘枝姬此亦有本事何郎自分郎潛老不關春風絕妙詞

久不得續香訊賦此卻寄用其母澄如往年雉皋留別韻

邨城記作冷春游微幸狂髮送客留會界烏絲書誓語每燒紅

燭坐更籌別來滄海間多難奔去嫦娥可有倩一箇桃根不能

載媿他年少五陵裘

附錄 將去雉皋留別鳳隱郎中嘉善程淑儀 雉如

射雉城中十日游樸巢成迹幾存留頻年飄泊凋雙鬢入

夜淒涼數曉籌步世原同雲出岫孤懷願與月爲儔主人

詩二

七

因惜窮途客臨別殷勤重贈裘

再和澄如過水繪園舊址韻寄懷

百年喬木換蒿萊杯酒重談劫後灰金盡慚余能愛客途窮似

爾莫論才燕避公子何時見烏啄王孫自昔哀別我一年無一

字水天南望迥徘徊

附錄 冬日過水繪園舊址 程淑儀

淒淒阡陌徧蒿萊舞榭歌臺跡已灰千古美人多不壽一

時座客盡高才河山零落斜陽感身世商量畫角哀我是

前朝周羽步羽步松陵女士水明樓下獨低徊

題徐信臣景萊別墅圖

此地羣山赴斯人百世師使君重名教賤子亦孤兒漢上題襟
集安公美政碑往年慚苦李不作慕萊詩湘人李燕淵往以墓
來圖屬題因循未有

以應
真定道中五疊樊山韻寄易五賢甫

風塵何日憐征衣慚愧機雲入雜時猶有悲歌對慷慨偶搔華
髮感衰遲不辭醪酌中山酒一醉胭脂北地姬十七年前君儻
記呼燈曾寫壁問詞

車過豫讓橋口占寄遠

玉枕雕鏤事斷魂當時不合太温存鴛鴦獨宿何會憤孔雀南
飛且莫論三月烟花連上已二分塵土怨王孫朝來國士橋頭

詩二

圭

過根觸平生未報恩

附錄

康哥

往日朱門事莫論紅顏乞食作王孫飄鷺泊鳳知何極煮

鶴焚琴亦寡思未必連波能悔罪祇求倩女早離魂艱難

走出邯鄲道銅盒金釵百不存癸卯三月自汴北旋見邯
鄲題壁此詩係和余韻詩

後又系一絕寄三姨云邢臺南去接邯鄲行路勞自古
難幸是不同來也罷驚抄容易損朱顏歎署托克托康哥
豈江胡名士所託名耶抑世真
有紅拂一流人物耶鶴公識

君直出際顧六鶴逸所畫溪堂識別圖

記得參軍側帽時檐花低覆玉交卮三年別去情如海重向天

涯說願癡

吾心

吾心彼役逐牛馬海角荒荒生蝓蟻初佩蘭荃好將息思量
底為誰芳

雜詩二章

惟元惟黃龍戰血莫莫黑鬼載車桐焦已爨世其賞蘭芳當
門人乃鋤南華自古成僻典東觀祇今無異書知我罪我亦何
憾禮云樂云疇起予

其雨其雨杲日出有客有客我馬瘡東西南北四方志飲食游
戲百歲祖二人同心其利溥一夫不獲時予辜出青於藍斯貴
耳近墨者黑胡為乎

詩二

西

為沈丈乙查題周東邨蜀中山水長卷兼送其出守廣信

我生恥局促頗懷四方志竭末走中原五嶽觀其二轍迹雖十
州囊篋無一字歸家解行裝妻子憫其頓為我烹雞豚倉卒苦

難備聞君將遠行未食先投刺君言見面難此會出人示意我
蜀中圖絹素黠題謙東邨老畫師筆墨極奇肆騎者爭前驅攬

者後不至高者如鴻翔下者若鳥墜千里百日程尺幅已位置
念此行役艱屬譽益淒異憶我前別君君來話離思常恐我歸

時君或不及遲我言世運衰風雅日掃地方今與波瀾一國共
狂醉君在不孤君行我何冀日落東華門相對各彈淚豈意

文字因皇天竟余昇信州風物佳靈山暮蒼翠其中多隱君巖

谷自矜媚既無蜀道險亦免時流忌文翁一教授定復絃歌治

贈陸郎

春去尋花強自寬年來花似霧中看情人紫玉煙難化大道朱
樓夜正關樂府淒涼丁督護河流鴨咽孔都官平生天寶開元
淚每對龜年不忍乾

雛鳳崑山迥出羣芙蓉和露泣難分舊人漸少黃幡綽新句平

添白練裙河胡著消猶有渴海南香杳更誰熏故園近日荒蕪

盡孤負天癡見紫雲紫雲余家水
繪園歌重也

制科報罷呈李侍郎

夢覺觚稜一惘然蓬萊風好忽迴船籠中病鶴何能舞樞下疲

詩一

五

驚竟不前三策賢良虛問世九州荒誕誤談天張華便說知神
物不及周家柱史賢

蓬門

蓬門兩度逮微車早歲聲華動帝除家國煩煩金市駿功名

踏燈木求魚參軍蠻語公毋怒令僕人才我不如從此元亭甘

寂寞料無人讀子雲書

用張珍午侍御韻送陳石遺暫還武昌

風雨虛堂引酒悲孔璋行矣數何奇河流清晏天甯俟世路挪

揄鬼可知西去燕勞何日見南飛鳥鵲暫時枝孫宏辛苦開東

閣錯過江都有大師

贈陳士可二首用見原韻

祕史成吉平罕奇觚石敢當此才猶抑塞天意太蒼茫隨分刀

鉞掩何會弩未強不須遙怨夜長短有人量

汝去眞懷楚吾衰不夢周百年能幾見四海尙橫流損益知何

極艱虞淚暫收毋將寥落意迸入仲宣樓

和程子大南荷泊詩四首原韻

難得天涯會何會吾道非酒杯連淚卷詩句退雲飛繞屋萬荷

菱出山雙蕨薇向來憂樂意惆悵已斜暉

離合晨星感招攜今雨賢相將河朔飲猶似永和年帝子臨江

關零丁下水船沈子培時出守南昌朱古微時督
學勇中皆往年常謙集此地者故人問詩本

詩二

未

別後不曾編

閒話慈仁寺長松黯古春風塵各無恙歎息又何人竟使寒烟

歲徒然火避秦追懷魯司寇朝漁洋
山人難起百年身

子大詩無敵窮愁思更深江湖改雙鬢風雨泣孤琴暫對新亭

酒誰知流水音鄉心正凄切明日謝朝簪時余將
歸如皋

送孫敬臣還寶山兼訊陳同叔

凄然諸子賦分襟望爾飛騰意最深誰分青袍成劫放儘燒紅

燭話冬心落梅玉笛眞無奈殘柳金臺不自任君到江南煩問

訊於陵老病日侵尋

益園靜子偕敬臣南歸各索贈詩賦二首

君家賦別最高手此別問君魂可消三輔皇圖猶拱衛百年人
事太蕭條愁心大婦更小婦歸棹朝潮又暮潮苦爲微官戀蟻
蝨故山猿鶴愧相邀

楊侯欲住忽然去賤子不歸難自由江水茫茫送行客 帝城

黯黯怨清秋纏綿恩怨緘紅淚慷慨功名負黑頭明日開船打

津鼓 蘇棧猶有夢來不

爲易由甫題畫六言四首

打槩江南江北懷人大山小山那回月底相見水佩風裳令嫺

暮春二月三月庭院無人寂寥走過薔薇架底來聽苦雨芭蕉

春心已付流水人面何能舊時莫話木蘭僧院負他少日題詩

詩二

七

病甚厲波如蠟愁深淚點成珠鎮日相思紅豆幾時相見黃姑

游仙詩

天上居然識我哀詔隨青鳥到蓬萊便教滅燭留髡醉却話凌

波自雒回懶媪性情猶往日迷離亭榭誤重來尊前不忍欺眞

宰纔過中年鬢已摧

從容聽我話由衷自隔星河歎路窮顧影浮生常岌岌回頭斷

夢太恩慙歡場扇袖攜清淚獨夜衾裯怨曉風少日鉛華收束

盡不開笑口與人同

叢殘斷墨抵黃金墜履遺簪寶至今不施衣裳留涉想問尋坊

曲動哀吟劫運一寸心常苦吞炭三年口已瘖誰分香消燈灺

後陰天紂絕話愁心

神光離合意何如夢裏閒情醒子虛隨意辛籤翻秘事故留篆

額署樓居但教采鳳能生翼何用青鸞屢寄書知爾心同石不

轉當時錯怨是生疏

依韻送林琴南歸閩

置酒新亭各自寬中原棋局未全殘山河浪說秦關健劍筑何

因易水寒已分雞蟲隨造化坐綠蟻負微官知君未忍忘家

國立馬閩山首重看

詩二

六

小三吾亭詩卷三

旨氏叢書

如皋 晉廣生 鶴亭

沈愛滄陳泉粵東索詩贈行兼懷朱古微學使

公昔觀察來三吳惠民勤政世則無三年報最著上考四岳曰

杏堯日俞驅馬蹀躞上衡嶽嶽忽迴步翔天術巍巍三輔首

京兆公來父老咸歡呼自從蹂躪雜羗羯十室待繪流亡圖民

窮歲殫苦生聚輦輟滋蔓生萑苻萬言蹇謬持大計謂賊不去

民不蘇健兒燕趙可使勇橫磨十萬般相需 乾清門外屢奏

事 聖恩往往容其愚一朝陳臬出 禁近 觚稜咫尺愁江

湖量移三晉復五管稽首頓首微臣瑜備員幸得侍京邑未有

詩三

獻替慚充竽畫了公事夜見客脫落鬚髮成今吾比來小德慎

出入豈有大事容糊塗先臣立身有家訓頗厲頑懦羞阿諛陳

詞慷慨辭 殿陛 天子勅色相嗟吁汝瑜治盜功第一良吏

固與常人殊 朝廷用汝有深意兩粵積寇宜擒鋤 君明臣

良如是夫我欲為誦臬陶謨克家報 國則努力知公未忍偷

須臾獨憐賤子戀蟻蝨十年不到化城隅海山仙人別來久夢

寐想像紅羅襦南行若見朱宗伯道我多病首書疏歲寒天末

倘見憶雙雙緘寄珠江魚

壽郭春榆五十

星雲日巨燦 皇州賓從莘莘進海籌五十幾人致卿相八千

從此祝春秋生兒都似孫征虜有父無慚陳大邱東望瘡痍猶

滿眼汾陽及早兩京收時日俄戰爭 盛京尚未交還

林迪臣孤山補梅遺照琴南屬題

畫裏西湖一項雲畫中人去不相聞梅花萬樹孤山路士女嬉

春當上墳通亞葬 孤山

寄梁節庵

蘇橫先生吾外祖每談髯也輒低徊三年馬鬣原頭淚一尺魚

書漢上來時節庵來書詢外祖 此老豈能為妄歎世間有幾是

仙才世有仙才幾能為髯首外祖 沈思江許紅雲宴愁共春

潮滿酒杯謂甲乙問葉南雲師招節 庵及余輩讀集秋夢庵

詩三

新來四首

新來歎息意彌襟閉置車中事豈任攬鏡漸為官所腐絨金安

見我非瘖數將棋子都輸著撥漏鑪灰已死心總為買山錢未

辦年年寂寞負華簪

時局長安日又新萬靈騰蹕獨逡巡少年自古輕先輩老大何

因嫁賈人也欲胸中消壘塊其如扇底有污塵沈詩任筆卿休

擅此事終歸祖孝徵

一蟹何曾一蟹如紛紛此輩合刪除韓非古有羞同傳歐九今

無解讀書與佛有緣惟駱馬于卿何事是鱸魚十年錯被江神

怪蕭蕭風前短髮梳

優孟衣冠語太諧孰令回也不多財坐看雞犬登仙去又見魚

龍動地來南國雜花詞悱惻西山斜日夢徘徊題詩徑寄楊無

補謂仁山時
在日本海外紅樓大好開

送孫敬臣入川

屑涕西風易水寒書生竟作入賞官世情顛倒儒冠賤樂府凄

涼蜀道難千里漸看人去去百年多是夜漫漫因君傳語馮延

已謂子
久早寄雙魚慰歲闌

讀太素道人明善堂集感顧太清遺事輒書六絕句

如此佳人信莫愁出身嫁得富平侯九年占盡專房寵妙華夫

光庚寅四十七文君儻白頭太清與太素同生於嘉慶己亥明善

詩三

三

齊頭

一夜瑤臺起朔風彫殘金鎖淚珠紅秦生晚遇潘生死秦潘皆

腸斷天家鄭小同太清於道光甲午正月五日生子因與

寫經親禮玉皇前太清會集玉皇心印偷翦黃絕便學仙太清

裝小象道士不畫雙成伴王母石榴可惜早生天石榴太清侍

信是長安俊物多紅禪詞句不搜羅淮南別有登仙犬一唱雙

鬢奈若何雙鬢太清所蓄犬也雙鬢病太清拈一字與之拈得

有金樓曲云示一口
田埋薄命卽用本事

貂裘門下列衣冠彩服庭前兒女貂裘門詞到歡娛好最難忽

忽不知春料峭水晶簾外有天寒

太平湖畔太平街即西為太平湖即東為太平南谷春深葬夜

來南谷在大房山東人是傾城姓傾國丁香花發一低徊

為黃孝覺賦催妝

黃滔詞賦今無比玉茗堂深好覆茶消得平生英氣否兩行花

燭照昭華

東方執戟千萬夫婿居然最上頭難怪絳紗諸女弟都將愛

玩妬高柔

定情一尺琉璃研此研流傳四百年近湖文端遠文恪孝覺要

氏納宋之日楊氏以端溪研為可無端恪繼前賢

報湯文端舊藏王文恪故物也繁過集亡友湯伯述所每念黃墟閉陵中今

詩三

四

日乘龍有佳婿無忘杯酒告而翁

雲霄

燦燦雲霄集眾寶書生悔不在家貧徒然北海能知我終是南

華解誤人老去中書何足責近前丞相莫生嗔吾衰不作封侯

夢自有時賢獻美新

再後宿農事試驗場用雨人韻

萬綠深深繞畫欄曉來猶漬雨痕斑閉門自足二分水開幔相

招十笏山劫後園亭人事換眼前色相月光環明朝雙腳黃塵

滿纔信浮生好是閒

答哲子

下馬重逢揚哲子縱橫意氣盛富筵沈沈世界搏沙散耿耿心
肝化石堅偶以深談商結青謬因微契託齊年臣精近日銷亡
盡隻手中原媿爾賢

答趙樾村蜀中

每憶周先語外祖周季况先生無人角兩雄謂君與節庵能於永嘉末高唱

大江東夔府孤秋月滇池白日虹故應山水助身手不相同

一紙華陽國閱函淚滿裾魂歸三月暮事隔十年餘本以浮沈

誤真成契濶疏九原長不作誰答秣陵書此下二首專指周先生

前歲梁髯訊遺書約共刊生雖同夢幻死竟有桓譚歲序嗟何

速音塵感百端君今官已貴老眼不曾看

詩三

節庵以病乞休聞其有廬山之行作此訊之

合眼便憂顏色改痴心猶望諫書來萬方多難生何賴中歲歸

田事可哀迢遞白雲親墓在飛騰蒼狗壯懷灰聞君早晚尋匡

俗夢繞匡廬日百回

馬湘蘭畫為壽民題

維摩老去欲無言懺悔聰明學閉門偏是綺懷刪不盡又來心

上覓秋痕

便想春寒梳裏遲玉釵聲裏繡簾垂除非簾底紅鸚鵡親見蘭

閨落墨時

小弟新從白下來謂弟江南重話有餘哀難尋孔雀庵前路廢

苑西風落井槐

一卷啼噓過去因朱家俠骨付灰塵長恩不守神仙字悽絕當

年選稿人家伯廬秀才嘗選湘蘭詩入秦淮四美人稿今無可蹤跡矣

有寄一首

側身天地吾猶賤垂老江湖汝未閑空有誓詞留篋笥又將歸

夢落關山啼中明鏡枯春影愁裏驚塵損玉顏黯淡西河沿上

月照人匹馬夜孤還

宿後齋將軍北園用少陵游何將軍山林韻十首

野雲晴卷幔宿雨漲平橋客至開三徑官閑傍九霄閉門無一

事乘興偶相招坐惜秋容老尋秋肯憚遙

詩三

驢馬入門後豁然雙眼清花疏猶引蝶樹老足巢鷺酒熟呼紅

友橙香移綠萸不須復去去吾意重行行

便上高臺望天梯百級支遙山送晴翠曲水俯清池偶爾詩相

與平生懶自知星辰試呼起一一為紛披

鑒別精毫髮將軍眼不花賞心談畫虎得意握靈蛇關韻句何

速幾錢情未除能令米顛拜除是魯東家此首有本事末二指沈氏

一雲華燈上瓊筵四座開名園繼桃李家果摘楊梅明月落還

有夜珠愁不來此亦有本事無人會幽賞負手立蒼苔

酒闌重太息十載冷龍泉弱冠終軍志嚴裝短後棉淒涼珠

郡慷慨擲金錢入表今無事休歇勅勒川此指甲乙之際中東之役後齋上書請發

六

交劉坤一軍
前差遣事

蟲號無婉語樹腐有奇香坐久三更轉茶餘兩腋涼百年成恍
髣萬事付埋藏哀樂真無幾相驚各老蒼

一山迎面起山外繞寒池打漿思桃葉微吟倒接離有情原佛
法不醉亦癡兒莫怪劉夫子嘗令荷鋤隨

聖女祠邊雨襄王峽畔雲纏綿權厝志園西為花神祠後齋葬其婦處辛苦上
梁文園新落成寥落知何補形骸喜不分從來蘭佩潔狹犬莫紛紛

信陵醕酒意日飲本無何不是宦情薄都緣眾女多世遺聊獨
立愁甚一高歌預約重陽近還期戰酒過

再宿北園用少陵重游何氏韻五首

詩三

七

吾輩平生事名山共異書百年原逆旅兩度此蘧廬分作不材
雁誰為知我魚煩君謝鐘鼓無用享爰居

襟當秋氣蕭坐共月光移接席二三子狂言大小兒論文輕北
地抵几憶西陂園有烏皮几未收仲舊物落落忘賓主相呼醉隔籬

記泛瓜皮艇殘荷未盡時經行舊游處槎觸老大詩落葉紛無
數垂楊得幾絲眼前不成醉白髮已相期

思異千秋擅沈厂五字長回賜銷酒氣試手關茶槍卽此富煙
水未愁荒稻梁轉嗟十年事吾道太栖皇

車馬明朝散車游應隔年預留開歲約一掬在山泉後齋尙有西園在西
山歸計讓西屋生涯下撰田因君有邱壑不覺意茫然

喜聞裴伯謙入關

過嶺詩成又出關頭顱萬里竟生還重談憂患心猶痛飽歷風
霜髮儘斑河漢東流終到海崑崙西去更無山請君試弔那連
冢多少孤臣未賜環

八十高堂白髮親喜心和淚說歸人艱難子弟都成立喪亂圖
書半苦辛到日好編行戎稿餘生猶作太平民淒涼二范肯堂仲林

皆黃土不及從君墊角巾

為何潤夫題圖二首

不尋花去便尋僧幸謝清時百未能少日詩篇驚四海老來心
事付孤藤經壇松落空青冷石壁苔荒繡紫凝纓絡十年吾妮

詩三

八

負憶辛丑歲蘇惠卿同年猶家住岫雲約余往游有峯頭纓夢
絡無人到留待先生蠟屐來之句屬以他事迄未成行

中蠟屐最高層岫雲

江家亭子帝城隈乘輿會來一百回愁裏菰蘆秋蕩蕩眼前天
地雪皚皚漸深哀樂耽禪悅難忘高寒語酒杯聞道衰遲舊司

馬謂花農也花農嘗種柳亭畔攀條斜日重低徊江亭玩月

題畫冊再應潤夫

日落澄照寺陽山色黝蒼如閭橋下水鳴咽怨吳王陽山
絲雨真娘墓年年花自春寄言采蘭伴可有舊時人虎邱
支遁不可作清言誰與參何當結團蕉為我添茅庵支
天平高插天雲氣若可接憶得扶孤筇科頭看紅葉天

夢過蓮花峰峰腰浸寒碧下有王子期無言岸巾幘
巖月圓復缺巖花落復開可憐畢尚書廢館生莓苔
山色落湖中風動痕微塵女兒話長年可似儂眉綠
言尋上方山暫憩楞伽寺寺門石井欄開皇舊題字
春雲密盡堤野水浮花嶼何處悟禪心塔鈴空際語
銅坑十萬枝枝白勝雪會記抱花眠冷香沁鼻舌
純翁愛堯峰晚年取為號我亦鈍如趙余號鈍山靈應笑倒峰
坐擁萬戶侯何似千頭橘惹我夢南歸湖山好明瑟
贈力軒舉

當代力軒舉用藥如用兵堅壁清四野賊退斯救平又如治國

詩三

九

家舊除新始更賢奸儻雜糅何以希澄清以此眼如月下手回
春榮紛紛韓伯休賣藥徒虛名不用商山芝不用黃石精控弦
以赴的獨將能功成更闕向我語謂我知平生重談先帝事
淚落雙縱橫自從悲鼎湖足跡鮮入城昨聞吾母病破例宵晨
征刀圭與水火一一親經營果然三日來病退身已輕嗟余少
孤露獨子無弟兄感君殷勤意發我短歌行歌成君記取臘鼓
藜藜鳴

題蔡夫人畫松長卷用先巢民徵君韻

我家徵君性奇曠百年文史稱跌宕少日膺滂一任讓老去原
膏差足狀即今水繪化榛蕪滿眼煙雲換巒嶂家國茫茫兩廢

與滄桑何者為真相流傳此卷二百年生氣森森蟠紙上縱數
尺五橫丈三飲墨一升酣臚臚想見深閨罷覆茶技地參天窮
意匠濃陰疾若風雨走拘枝怒與蛟龍抗更想妝成出閣時鉢
池香水添新漲僕曹簫鼓導馬前風吹仙樂空中漾夫人以康
月來歸王阮亭方以司李座客超羣杜與陳兩行花燭新聲
按部如舉川鼓樂為前導按部如舉川鼓樂為前導
時杜于皇陳其年皆客影梅庵廢寶彙成寶彙開為夫人所居
水繪圖中各有詩催妝影梅庵廢寶彙成卷作於丙辰夫人剛
人所一十二年形影傍是歲剛稱三十錫卷作於丙辰夫人剛
居一十二緣楊城外蘭橋盪屈指星霜又十秋蛟門墓志堪惆悵
年矣破於丙寅墓志歲闌呵手重觀摩荆浩擇仁都退讓忽復打窗
為汪蛟門所作歲闌呵手重觀摩荆浩擇仁都退讓忽復打窗
簫雪晴天風設謾生蓬閣

詩三

十

搔頭四首
搔頭濯濯弄芳姿斷袖貪歡掩袖悲一自楊花飛去後承恩惟
有舊僧彌
輕衫窄袖不沾塵僂倖星槎載玉人難怪強鄰爭看殺果然衛
玠好風神
絕倒郎官應小星回身一樣學娉婷鴛鴦修到非容易看看飄
搖孔雀翎

一夜封章達九重曉來明鏡有啼容不知江令生花筆是賦消
魂是惱儂

題花農春草賦後

夢中綺語不能刪
草自無情石自頑
我亦黃塵苦
雙脚思量何處有
瓊山花叢夢一老者呼之為瓊山
我筆使坐卷石上成此賦

送湯蟄仙南歸

一疏金門許自陳
朝衫脫却換閑身
時艱那得忘胞與
語險真能泣鬼神
哀樂百年同老大
去來千里為君親
微官我亦如雞肋
待買溪田作幸民

送潘蘭史歸廣州

燕臺三月雨
冥門外驪歌那忍聽
春水方生君便去
今宵何處酒能醒
愁中潘岳添絲鬢
歸日揚雲有草亭
老我十年成一別
嶺梅南望涕先零

詩三

十

蘭史書來言將游秣陵以江湖載酒圖屬題

嶺南才子老潘郎
流宕中年亦可傷
浩浩乾坤雙蠟屐
茫茫身世一奚囊
悲來那得常沈醉
客久渾忘是異鄉
明日莫愁湖上去
好將湖水比愁長

再為蘭史題山塘聽雨圖

記得山塘八月秋
雨絲風片木蘭舟
十年不過桐橋路
多恐吳娘已白頭

蘭史復出李芸甫蘇臺五美圖為書二絕句

鶯花五萬山塘路
過眼都成薄薄雲
今日暗中難摸索
不知誰是薛靈芸
卷後有王笠勛題滿江紅詞刻綠雪堂集作題靈芸小象今卷中畫五美人意衣紅衣者或是也

清狂水部謂芸甫成黃土落拓徵君謂蘭史亦白頭
暫得長安一搦手
丁香花底話蘇州

上巳日何潤夫招飲出雲山春宴圖屬題

潤夫六十未白頭
日日為花忙不休
不知干卿有底事
清早騎馬城南游
城南別墅斜街北
登樓便見西山色
樓前千樹萬樹花
一一何郎親手植
花時邀客張瓊筵
就中桃李尤芳鮮
嬌如少女出新浴
幽若澹月籠孤烟
酒闌袖出新詩卷
卷中作者皆藉阮將詩當史成編
年可惜流光去不轉
老懸觚稜不忍歸
一心已息漢陰機
明朝共訪棗花寺
問訊牡丹肥未肥
將至萬柳堂為人所厄不果

詩三

三

待向城東散百憂
同車敗興又歸休
粗官難得偷閑日
此輩真宜付濁流
遠樹光中留夕照
落花聲裏負清游
尋思萬縷千條盡
便到虛堂也是愁

花農招飲崇效寺卽席放歌

宣南牡丹大如斗
貞庵先生朝置酒
簾前乍見飛燕妝
座中半是開元叟
開元往事真堪嗟
記得漁陽鼙鼓過
一箇青松紅杏卷可憐
今日落誰家寺舊藏智朴青松紅杏卷
世間萬事多如此
重向春坊尋白紙
劫後看花同夢中是日陳履庵閣學有劫後看花誰夢到句
眼前行樂得吾子
吾子清才不可當
廿年簪筆朝明光
只今老大成衰醜
禱袖尚惹宮花香
君不見近來時世輕先輩
孝章刺有虛名在藍田

李廣且醉訶青門邵平應放廢人生勝游不易逢一爾過際同
飄風男兒有情姑作達好花那得常嬌紅我從喪亂來京闕夢
裏揚州舊明月年年開落金帶圍山僧怪我游不歸何當明日
挂帆去洗鉢池頭好煙樹與爾重尋釣游處花農幼時流寓如泉
四月二日招同人集崇效寺看牡丹潤夫副憲首成七律一章
依韻答和

不須金谷石家園便借僧房醉一樽適眼春光憐萬頃沈思風
信得多番問尋佛印閑消日差喜臣佗近抱孫潤夫去歲所得孫話到
宣南花掌故西來閣下覓泥痕寺中丁香相傳為漁洋竹垞手植是日與潤夫攷庵徘徊西來閣下甚久

詩三

安甫以詩見詒依韻二首

惹我沈吟十日思侍郎好夢過江時安甫詩自註謂會與寢轉夢至余家水繪閣

眼成今古南北齊名又宋施徽外山川秦地脈遠中忠愛楚人

辭白頭偶預看花約失喜携來有袞師余約同人看花崇效寺中安甫携公子至

壺漿會致左賢王 天使威儀懾百常遂令英雄生脾肉如聞

父老尚馨香浴浴別院春如墨惻惻單衣夜漸涼終是信陵差

解事思量除酒老何鄉

振邨總憲登潤夫韻見詒依和一首

跋邨昨朝祇樹園徐陵速客開清樽頗驚白日棄我去難得羣
公來此番相對名花賞傾國重談浩劫哀王孫崇文坊底延學

士可惜不共尋詩痕是日子澄不到

雖然雅集魂西園高興何妨盡此樽到門失喜半老宿關韻那
惜成更番空庭楸大已合抱敗砌竹生驚見孫白頭總憲致瀟

灑壁上墨痕襟酒痕

贈延子澄次其己酉元日詩韻

晚歲一官蓬苑春確然儒素見天眞竟為蝴蝶得非幻子澄會輯蝶史

且食蛤蜊休問貧風月未可負佳節雞豚聊得娛嘉賓黃塵十

丈紛眼底此是長安澹宕人

四疊潤夫韻和子澄

此老前身儻深園不會風月不開樽偶緣藥裏經時伴却誤茶

詩三

綱最後番病裏維摩驚宿構人前山谷媿詩孫傳聞小杜揚州

路會掃巢泥覓舊痕來詩有水繪雉皋遺址在吾兒會訪舊巢痕之句

復游崇效寺

側帽微吟日易斜西來閣下玉交加未除結習聊探勝不負浮

生是看花老至頗思隨欵段官卑差喜隱京華連朝漸覺餘寒

減商略貂裘付酒家

潤夫復疊前韻見詒仍和一首

京華憔悴老文園卧病花前共酒樽謬託忘年商大業漸緣多

難話更番橫流舉世誰清濁飽飯他時儻子孫萬事祇應梁上

燕飛飛猶有舊巢痕

我亦經年憶故園
愁來泥首倒金樽
才頭米浙原非險
海上桑柘定幾番
欲泣固知同女子
無言誰敢怨王孫
作詩火急呼何遜
中有胭脂眼淚痕

題何瑞詔夫人畫梅潤夫詞意女公子也

而翁明月是前身
清絕都無半點塵
正恐畫師摹不到
被他嬌女已傳神

此生知是幾生修
水部夫君好唱酬
東閣官梅吟不了
又攜家住近羅浮

斷墨零縑廿八年
篋中拾得付流傳
外孫總已能黃絹
說著當時意惘然

詩三

去

書楊雪漁文詩後

中歲抽簪百不疑
晚談天寶有餘悲
無多詩卷堪傳世
絕好湖山更付誰

年來杭郡者舊如許
論圓譚復堂均相繼下世人說嚴光真大隱
我交蘇過是佳兒
莊請仲雙雞異日西冷路
應訪林宗有道碑

孫子瀟先生詩冊為師鄭題

江山詞賦太平年
里社雞豚事偶然
想見乾嘉風氣好
烏紗容易肯歸田

東閣

東閣宵深罷送迎
重燒官燭擘銀筵
田荒下泮歸無計
鐵聚神州綺已成
尚有綺羅憐少婦
自將游俠了平生
堂堂開府千秋

事唱到回黃是尾聲

渭城

似此匆匆唱渭城
百年真屬可憐生
草名獨活甯非命
花到將離尚有情
空說暮雲能憶我
已經春水不干卿
韋郎近日風情減
孤負當筵許日成

趙北嵐騰日游焦山圖為王爵生侍郎題用卷中張老驢韻
粗官終歲無時閑
車馬汨沒黃塵間
作人已似鈍槌鈍
入世甯改頑金頑
那玳侍郎今健者
承明制作追班馬
竭來示客焦山圖
想見乾嘉盛風雅
沈沈臘鼓江風天
使君高興孤帆懸
誰云作吏此事廢
歲晏尚結名山緣
即今人物堂堂去
百年歲月猶

詩三

去

留住二張船山老藎筆墨世驚稀
况復那那添掌故
別後松蘿久不親
夢中猿鶴訝非真
茫茫江水不歸去
我亦江神見怪人

彭媽詞為吳彥復作
寶篆沈沈畫廊風
前薄薄想衣裳媽字香雲
回眸偶作拈花笑
已斷蘇州刺史腸

樂府偷聲字字新
催妝難得是朱微古陳伯嚴
傳來影事奔牛鎮
奔牛人與陳圓同里
今日圓圓有替人

隣才好色兩心堅
擲拂能從喜汝賢
臺省諸公皮相耳
可知雙眼讓彭媽

雖然佗保泣途窮
乞食年年溷乃公
消受生平張一妹
閉門夫

堵足英雄

偶向尊前唱小詞黃梅花底雨如絲微聞點屐聲初歇知是回

腸盞氣時

綢繆布白與分行工一一泉刀手自將彥復多藏古敢屈彭

宣稱弟子思量陳寔伯太疏狂

高柔老去髮成斑愛玩何曾一日閒自是君家無價寶堂堂絕

代兩紅顏彥復有雞血昌化

尋常風火萬回輪汝是金剛不壞身慚愧劉楨無好句當筵平

祝魏夫人馮以彥復命謁余索詩

喜晤陳子言又言別

詩三

平生陳子言苦吟力不輟作詩雖則工作人毋乃拙廿年走江

海忍饑抗高節皇皇東諸侯干旌謝不屑別君七八年思君心

苑結瘦謂彥昨攜君來驚喜到屐折坐君小三吾倉卒盤殮設

飛觴白日晚開戶明星滅讀君尊孤詩言言嘔心血譬如空谷

蘭無人自馨悅又如藐姑仙肌膚白勝雪風雲若可通徑路固

己絕淒涼昭王臺黃金化為鐵長安多懦夫凍餒向誰說我懶

王阮亭弄水不得熱余宴子言於小三吾一時名流咸集方地

為君盡酒厄垂老難言別

得陳其年洗桐圖輒題四絕句

圖作於康熙庚申在與詞圖後二年紫雲老

去楊枝逝盡裏思量又是誰圖中畫兩童子洗桐

湖海平生膽氣粗中年落魄小三吾烏絲其年詞射雉其年詩

搜尋徧祇恨題襟一字無余嘗讀湖海樓集外詩文各一卷詩

一卷則江都吳氏已刻之然

求其年墨蹟隻字無有也

癡想詞利繼大賢參軍登語悔爭傳歲癸卯試經濟特科余已

為張文襄所擯特科二百餘卷惟余卷有批列上卷以卷中虛核二字

語云論稱引虛核奈何一時都下頗傳焉柯亭劉井都無著

合眼與衰有百年

詩三

過江誰問舊池臺寥落荒庵剩古梅十載并州魂魄戀當窗遠

鶴一歸來其年讀書吾水總十年得官後寓書先巢民徵君戀

世下戀舊游有遠鶴難歸之語徵君私謂其不祥未幾果

小三吾亭詩卷四

昌氏叢書

如皋 昌廣生 鶴亭

出都口占

茫茫結想付雲煙，單舸鳴夷兩頃田。世事原知非一相，皇恩多許住三年。送人作郡干場醉，何自為郎百輩前。只合裹糧橫柳粟田盤石上，聽松泉。

宿燕郊

滾滾驚埃暮色橫，前頭燈火有人聲。林間乍吐二分月，馬背初休一日程。沙草雲深埋戰壘，關城天險拱神京。攜來智朴盤山志，消得茫茫夜四更。時從者壽民閣學假得盤山志

詩四

夏旬道中

馬前大麥小麥眼，底長亭短亭繞村。一水凝碧排闥千山送青，旅懷得伴不惡酒力。經時易醒，忽憶見山樓句。春來六度會經相逢，頗訝村童熟此地。春來已六經壽民句也

過段家嶺重有感

行過三河便見山，山花紅映夕陽殷。垂楊官道無車馬，流水聲中盡日閑。

杯酒東京說夢華，當初歌舞出如花。朱顏零落青山老，不信行人向斷家。段家嶺在時為煙花叢，故又名斷家嶺。言行人至此盡忘家也。

猶記橙香對客搓，零星斷夢苦無多。三郎近日郎當甚，休唱年

時得寶歌此及下一首均有本事

金莖無分賜，相如空費蕭娘一紙書。十載長安拋不得，幾時同食武昌魚。

初入盤山

襜被薊門西，鴛鴦入盤谷。深沙沒馬脛，疊石妨車轂。陂陀漸逶迤，登降隨起伏。頗驚石打頭，却顧雲生足。謾謾千尺松，森森百圍木。泉流斷有聲，山削瘦無肉。窮追恃腰脚，仰視眩心目。太行蜿蜒來至此，勢一束。平生糜鹿性，冠帶苦局促。會當濯滄浪，一洗襟抱俗。

宿天成寺

詩四

慙息招提境，登臨日已斜。風高樵說虎，寺古塔藏蛇。寺後微公塔下為溝

裂石松爭翠，經霜柿著花。推牕試南望，雲海迴無涯。萬松寺舊名，衛公菴登樓望遠，忽發歸思。

天半高樓獨倚闌，悲來雙淚落汎瀾。有田自是躬耕好，垂老方知出世難。衛公功名中人而結菴盤一响鐘魚依淨域十年車馬誤，籬官家山亦有荒菴在。後易名爲菴。誰與松篁共歲寒。

李衛公舞劍臺

兀兀荒臺時夕曛，山僧能說李將軍。倉皇馬革東征骨，慘澹龍旂北地雲。愛妾儼張一妹，故人偏值蓋蘇文。蓋蘇文即虬髯高麗之役，何奴未滅英雄老，撫劍淒然淚雨紛。

青溝弔智朴上人因過其墓

我游崇效寺輒憶青溝僧青松紅杏不可覩但有棗花厯落欹

枯藤京師崇效寺為青溝下院舊藏上人青食多愛好盡凋謝

丁香紅杏圖卷庚子亂後歸錫山楊氏丁香紅杏圖卷庚子亂後歸錫山楊氏食多愛好盡凋謝

眼但瓦礫殘垣廢礎苔花疑野棠數樹白似雪欲下不下盤饑

鷹空山古佛不見面何況佛座長明燈百年人事有衰歇坐此

萬感填胸膺大師投筆起淮泗蚤孤旂拔會先登松山杏山一

再敗遼陽殺氣方憑陵承疇生降象昇死天廢明屋誰能興歸

來萬有棄傲屣茫茫覺路求金繩平生心事說不得一花一樹

留吳綾上人徐州人松山杏山之戰身行在間敗後荒墳三尺

詩四

東澗土甲客未必來青蠅我生已落王宋後漁洋青豆惜不親

祇承為師高唱梅村句吳梅村有松山山鳴谷響疑相屬

游雲罩寺遂登挂月峰哀杏山哀詩

天風吹我仙人橋橋在萬山靈揖客來相邀招提矗立眾山頂

上有空堵千層霄傳聞寺塔建唐代靈蹟千載工鐫雕峰迴路

轉幾萬仞鳥飛不到愁遙遙書生好奇諱膽怯賈勇直上心旌

搖九華紫蓋並峰聳奇秀下視乃在山之腰怪石厯落累千百

獅蹲虎踞神龍跳松濤怒吼震兩耳似湧八月錢唐潮殷侯鐵

作色越返駕政恐失足魂難招捫藤攀葛再作氣沙石陡滑真

嶕嶢盤旋鳥道一十八隱約喜見齋僧寮過十八盤為歡沈沈

世界競爭逐到此萬念清塵豈閑黎餉客出蔬筍快意杯酒饒

腸澆振衣便上舍利塔奇景異狀紛相撩長城大海繞東北帝

京西笑天迢迢齊州南望但九點軒轅畢露煙塵消寸人尺樹

俯眼底只愁畫手難為描仰天一嘯振山谷驚落樹葉聲蕭蕭

挂月峰題壁

孤塔巍巍碧漢懸長松謾謾不知年兩九日月奔欄底大地山

河落酒邊放眼已窮千里遠置身不覺萬峰巔向來詩少幽燕

氣攜句來游一問天

雨霽復借彝初登自來峰

下山復上山山初過雨天低塔影孤徑仄苔花古溼翠橫松

詩四

飯濃青滴石乳未知筋力疲坐久日亭午

古中盤廢寺

絕壑千尋挂薜蘿翠華當日此經過廚荒香積餘饑鼠山到中

盤似旋螺寥落宗風誰繼起蒼茫獨且有哀歌平生作賦摩空

手孤負燕然石未磨中盤之石最勝與上

北少林寺

佛老一家原合傳火風千劫似迴輪桑田易感西游記寺舊為

志格等所居名栖雲觀長春真人是日僅得麥飯難為北道人

貪玩松杉忘日暮全荒芋栗識僧貧津梁自覺勞生劬苦向空

王乞淨因

薄暮至千像寺

崦嵫日西徂幽賞意未暢三日宿山中山景最難忘塔鈴語寒
煙瀑布挂高嶂峩峩舞劍臺岌岌浮石舫甘澗西復東田盤下
接上千巖與萬壑一一恣流瀆頗聞蓮花峰寺在猴鶴起觥望
僕夫亦已疲余意獨疎放平生有蠟屐未知著幾兩此山號千
像往事殊誕妄池頭洗鉢僧瞬息失所向至今如來身刻劃徧
巖障相傳昔有尊者至此見千僧池上洗鉢瞬息我聞佛即心
心無色與相山僧強解事無乃落意匠開元碑已殘文字誰能
訪明人黃汝亨游千佛寺見典座僧以唐碑礪砢作悠悠撫鬢
絲禪榻茶煙颺空庭芍藥飄望古一惆悵

詩四

五

搖動石石在千像寺後縱二丈廣丈有五尺微撼之即動

萬物無堅牢一指見根性解得石不搖仁者心自定寂寞風旛
亭與誰忝上乘

諒甲石歌

文皇百戰輕天下馬上風雲生叱咤面縛名王十四人太宗所擒頽利
等十四人後皆琢石為生擒欲得蓋蘇文蘇文本是虬髯客會
像刻名列昭陵之前共藥師稱莫逆當時一局黑白分今日兩雄其豆迫六軍倉卒
出幽州鴨綠江頭水不流已下白巖收禱薩高麗官名却令安
市作鴻溝偏師若肯趨平壤高藏早作降王長匆匆不憶道宗
言後日輪臺空悵惘關山滿眼雪霏霏萬眾精溝蹀躞歸未向

華山收戰馬暫從盤谷卸征衣征衣寄自長安遠血色桃花猶
隱隱苦諫真慙褚遂良太宗自高麗歸云魏徵若在使我有
同歸不見岑文本十年京國軟塵紅記訪殘碑到憫忠會上高

原哀戰骨又來此地想軍容京師憫忠寺前有高阜為太
歲久苔花澀山鳥空啼山鬼泣折戟沈沙恨已消抽刀斷水聲
猶咽寥落行宮夕照邊無情芳草綠芊芊行人莫更談貞觀
懷憶 先皇甲乙年

感化寺
山寺野花飛山僧去誰無人弔高躅一為立斜暉閱世成今
古爭墩有是非盤山云以田盤得名或以田回頭謝雲
翠屏山

詩四

六

明發賞心遠

翠屏山

日落翠屏山驅車過其右人言潘家女昔作楊家婦府東府中
趨空房愁獨守情天有壞空佛法無淨垢阿難戒體毀觀音鎖
骨朽至今梳妝樓舞鶴樓在蘄州城內大隱約蔽垂柳一客聽
未終整襟屢搖首虞初說九百君子不上口悠悠膝膝爭誰能
置可否呼僮且晚炊為我蕪斗酒宜和世已遙茲事莫須有直
通事載宋江諸人事最詳
為今世通行水滸傳所本

福文襄王墓

一代功名異姓王五陵松柏鬱蒼蒼東來風雨分佳氣王墓在

之西入西嶺口西望山河有戰場難得君臣兼骨肉不生忠義家聲繼汝
則為東陵矣純即今父子總旂常恩仇身後誰能管殺繼
廟哭傳文忠公詩也紀事留與行人語夕陽

詠史四首

通替新成白玉棺歛盟誓未全寒侍臣不用誇詞賦落葉哀
蟬白染翰

清涼山色佛狸祠白髮江南祭酒詩千里青青河畔草建文蹤
跡到今疑

如此江山為太真阿蠻真箇有情人九原相見低頭笑難得官
家竟捨身

詩四

七

銅雀何會鎖二喬漢家別有董嬌嬈梅花萬樹墳三尺足解諸
郎柰苑嘲

堂子山望咸南塘舊壘用南塘登盤山絕頂韻

斗大孤城落照哀黑雲頭上掃難開百年人物東流盡匹馬風
沙北地來草木至今餘殺氣封疆誰與念邊才江陵枉說能宏
獎不見黃金為築臺

塔山松

塔山有老松盤曲極奇致託根既已孤馴性復不易雙榆生樹
巔松轉屈其勢榆種從何來或者鳥啣至松亦不計年榆亦不
計歲但見榆日長已知松久滯叔末差無才有亦徒擯棄云何

冠履間倒置任兒戲從來廟堂上豈必盡奇器庸庸獲天幸矯
矯遭人忌老松爾勿嗟吾亦居下位

荒城

隨意荒城中酒行房櫺如水月初生偶緣病後添新咳似怯人
前喚小名攜袖矜持常願盼背鏡儀態未分明天涯一樣同飛
絮聽話勞勞萬里情

崇仲山索詩走筆應之即題其所畫山水

仲山先生意不道走上盤山看山色行年五十鬢髮青鞋布
襪窮追探揮毫落筆真與酣三十六幅橫煙嵐有時恍惚戴井
東有時出入南田翁細意熨貼奇氣磅礴古松槎枒怪石準確

詩四

八

疑是造化非人工先生畫好不救窮齒雖未豁頭先童與君訪
道求崆峒鼎湖一去悲遺弓與君共射南山虎山深虎俚啼陰
雨不如乞君畫幅秋溪山臥游飲食皆共問三分流水二分竹
歸計不遂亦復開心顏

夜夢尉遲敬德來索詩言盤山雙峰寺為其監造怪余游屐不
至又言高麗之役衛公實未從行反得余舞劍臺五十六字

意似快快後檢唐書李靖傳閱之信然感賦此詩

空桑三宿太匆匆未到西頭覓兩峰寺在盤山西其上兩峰對峙故名地下陳
琳能識我天鞋鮑叔孰如公姓名或者傳聞誤毛髮依然蓋世
雄老大一錢薄不值愧他青眼到雕蟲

雜書寄聞人

五年不識相思苦余自甲辰後未出都一夕微吟寄婦詩貪看盤山山色

好妝臺拋却遠山眉

客路眠餐強獨將朝朝腰帶自家量縱然略比來時瘦却喜差

教醒後狂

瑋兒十二枉通書不見書來問起居新買榴花種窗下比來花

發定何如

米鹽頭屑勞慈母門戶艱難憶小姑我已離家成半月江南還

有信來無吳氏妹時新從興化移家金陵

阿三生小得偏憐體弱微嫌似仲宣一卷詩誦教與讀可會讀

詩四

九

竟李青蓮珂女六歲方授唐詩

平生頗不憂寒儉落筆方知數典難欲賦高句驪往事唐書新

舊寄來看

同行有客已還家屈指歸期十日差想煞綠窗人未睡坐借小

婦卜燈花

略寫游蹤寄汝知一峰挂月最嶽奇檀奴特有姜維膽萬壑千

巖自詠詩

過卻天成是萬松枝枝鐵幹似虬龍思量也算三生債連夕僧

房聽曉鐘

空山麥飯當胡麻比汝天台恐尙差婦瑤安黃氏天台幸是維

摩自方丈不然劉阮不思家

通夢交魂事最奇尉遲救德要吾詩吾詩未必能千古也有英

雄首肯時

山村入夜雨聲喧薄薄吳棉被欠温強起挑燈寫詩句寫來不

道似隨園

昭西陵

峩峩椒殿榜隆恩 昌瑞東南地脈尊 東陵凡五 帝四

下正南為 昭西陵在東南精外 三禮周公無合葬 文皇后於康

熙二十六年 昭西陵在東南精外 三禮周公無合葬 文皇后於康

年 上諭引禮經云合葬非古也先儒又云神靈有知無所不

通是知合與不合惟義所在於是廷臣 堯母有高門風

遺 旨議就 暫安奉殿定為 陵寢千秋 堯母有高門風

詩四

十

雲已往談開創 魂魄歸來戀 子 孫今日 孝陵瞻咫尺

固應無憾到 姜嫄 孝莊文皇后 論 聖祖以 太宗文

不忍遽離止於遵化州陵至安唐我 心無憾云云見雍正二年 上諭

康乾武德篇 謹序

古詩皆入樂周頌昊天有成命郊祀天地之樂也清廟太廟

之樂也我將祀明堂之樂也漢唐以降代有制作雖聲文各

異大抵因其功德咸敘威武蓋聲音之道感人最深詩歌不

亡王迹不熄末學膚受不明六義烏知所謂作樂崇德乎海

禁既啟 國家狃於懷柔或時見軼於敵而論者乃歸咎於

文敝致欲破壞而滅裂之母亦因噎而廢食也宣統元年青

龍在已酉 廣生 有事于役 東陵追維 聖祖 高宗兩朝

武功之烈 敬賦斯篇 欲使後之覽者 發揚蹈厲 振其委靡而

助我 國家中興之盛 至於百二十年 深仁厚澤 淪浹肌髓

以暨文德 誕敷磅礴 六合雖罄 南山之竹 不能擬其萬一 故

亦略而不言 書曰琴瑟以永 祖考來格 詩曰肅雍和鳴 先祖

是聽言 卽不文或無 悖風人之旨 云爾

一部廿四史 請君從頭 編上自唐虞 下明季 中間十國 五季何

紛然 漢武帝始紀元紀元 以前不知 過去之劫 多少年 除却天

皇地 皇人皇一萬八千歲 其事荒誕 指紳先生 難爲言 若論享

國六十載 多福多壽 又多賢子 孫求之 書契 但有帝堯帝而在

詩四

二

本朝乃是數見 非新鮮 始歎植基 厚得天 亦獨全 匪惟得天

全 顯謨 盛烈事事 超從前 四座且 勿喧聽我談 聖武版

泉之師 足千古 法堯與舜 舞干羽 章皇當日 棄人間 海外殷

頑猶抗拒 自康熙元 年壬寅至 二十二年 癸卯 昆吾韋 願伐未

張闖粵 滇南各開 府 三藩明 福王唐 桂王也 後三藩 平西王

吳三桂 平南王 尙之信 靖南王 耿精忠 也三 王師蕩 蕩出荆

襄出荆 襄向岳 陽紅藍 黃白旗 飛揚 三桂以 康熙十 二年十

州國 號周 改元 昭武 用兵 數年 迄未 出 八年 海宇 銷樓 槍自

湖南 一步 蓋由 荆楚 大兵 抵其 前也 十六年 耿尙 先後 反正 二十年 平滇 南前 後用 兵凡 八年 有

臣矯矯 皆龍 驤澎 湖大 戰橫 拖腸 此藍 縛鄭 克狹 如縛 羊 臺 灣 鄭氏

自成功 傳三世 至克 埃凡 三十八 歸來 策勳 飲至 開 明 第一

征察哈 爾察哈 爾布元 尼小 王子 裔插 漢部 也明 末林 丹汗 最強

之空其 故地置 牧廠 轄以 都統 等官 不得 世襲 事不 得自 專

一拔雅 克薩共 球萬 里致 羅剎 先是 俄羅 斯人 嘗爲 邊患 康熙

年領侍 衛內大 臣索 額圖 在尼 布噶 爾丹 汝何 物蒙 古在 西域

四瓦刺 一曰 綽羅 斯一 曰都 爾伯 特一 曰土 爾扈 特一 曰和 碩

特若元 脫歡 太師 及也 先瓦 刺可 汗之 裔噶 爾丹 本結 羅斯 汗

兼併四 瓦刺 遂封 狼解 奔豕 解突 阿爾 泰山 作巢 穴噶 爾丹 既

刺復南 併同部 威令 及於 西藏 乃自 伊犁 徙 今年 敗汝 昭木 多

帳阿爾 泰山 顯然 有併 外四 盟崇 古之 意 昭木 多蒙 古語 大樹 林也 則明 成祖 破阿 魯台 地康熙 二十 九

詩四

三

年感汝 至哈密 爾丹 使其 子微 糧哈 密爲 阿人 禽獸 暗鳴 叱

咤徒爾 爲狼居 胥下 化碧 血 噶爾 丹以 窮威 仰藥 死 上自 當

山而 千秋 克魯 倫河 邊 克魯 倫河 橫亘 瀚海 東北 二千 餘里

不知扼 河而守 故我 師 上第 二次 親征 駐 蹕於 此噶 爾丹

得循河 窮追至 拖諾 山 猶見 風雲 護 神蹕 迢迢 古三 危實 生

額爾德 尼之大 師當 時望 氣知 有 聖人 出一 瓶一 鉢來 歸依

并獻卦 驗知必 當一 統順 治九 年來 朝封 西天 大善 自在 佛 菴

茲策妄 敢肆其 欺 策妄 者準 噶爾 汗信 格之 次子 噶爾 丹時 伊犁

數千里 空無主 策妄 遂有 準噶 爾汗 所爲 初策 妄娶 拉

名由騰 格而直 入敗 天兵 一到 皆夷 夷彼 元和 天子 神武

唐古忒 兵殺拉 藏汗 命皇 十四 子爲 撫遠 大將 軍

姿 視師 青海 擁立 達賴 進軍 烏魯 木齊 絕其 南牧 君不 見西 天

大善自在佛至今沐浴 聖化頂禮趨 彤堦 謝光緒戊申 聖德尤瑰

太王崩立 王季越十三載 文王繼 神功 聖德尤瑰

異五帝可六三王四車聲兮麟麟一擒羅下藏丹津 羅下藏丹

之印領特部長也以雍正元年叛兵敗投入準噶爾 世宗會

齊並羅卜藏丹軍容兮裝裝再走阿睦爾撒納 阿睦爾撒納者

丹衷之子策妄之外孫也初從 王師征達瓦齊有功封雙親

王尋欲以四部總台自居以乾隆二十年叛二十二年敗走

準部平凡開地周二萬里 千年生與生與一朝穴掃無黎

遺上雪 二聖在天之宿恥下鞏萬年有道之丕基既定天山

北乃向天山南 準部在天山北大小和卓木日布那敦霍集占

大和卓木布那敦與小和卓木霍集占木兄弟乾隆二十二年

王師既平準部兄弟共議所屬小和卓木以中國新得準部

反側未定兵不能來遂舉 虎視西域方眈眈負嶠自固真不慚

兵反自立為巴圖爾汗 大小和卓木以二十年叛已而大和卓木

天戈所指崑岡炎 奔喀什噶爾小和卓木奔葉爾羌二十五年

年官軍由烏什取喀什噶爾和闐取葉爾羌兩和卓木乃奔

巴達克山而巴克達山首拒戰於阿爾渾楚嶺擒其兄弟兩首

軍門回 于闐之玉光無潛助我制禮作樂鐘磬聲和咸自同部

後貢 重華玉磬材凡 蓋準部回部之既定然後大小金川乃

特磨編磨各如干事 得相聚而殲旃旃兩金川在何所冉駝古國道深阻

正初援莎羅奔為金川安撫司莎羅奔自號大金川而以上游雅

司為小金川尋劫小金川奪其印 朝廷以小金川故於乾隆

征大金川 皮船笮橋不可以飛渡礮樓半空礮石發弩一夫

詩四

三

詩四

高

傳恒代請 賜劍軍前斬訥親 上親封訥親之祖選必隆 絕

親經略 纓陣上惜任舉 舉為總兵官 殲 桓桓免胄郭令公 單騎開營見

同虜 此岳鍾 漢關纔唱凱歌歸 又報漁陽起鼙鼓 乃知蠻夷生

性本野心不畏冠裳畏刀斧 上聞金川地險又屢奉 皇太

師會莎羅奔請岳鍾琪營乞降 傳恒南 索諾木本羊觸藩 索諾

受降歸而三十六年復有小金川之叛 索諾木本羊觸藩 索諾

莎羅奔之姪孫小金川之酋也初 朝廷出師本以救小金川

至是小金川復叛我定邊時軍溫福 讎焉已而 王師抵美諾

盡復小金川地索諾木亦魚游釜 班師也賊實未受大創致

諸將移小金川之獲至是 上敕 三軍齊會刮耳匡兄弟妻孥皆

繫組 四十年十二月阿桂明亮高德三路軍齊會刮 高臺赤嵌

多妖氛橫磨十萬皆鯁身 自鄭氏降乃隸版圖前有朱一貴 朱

貴之叛在康 後有林爽文 爽文彰化縣人入天地會 緝

角來將軍警如虎入羣羊羣摧枯拉朽成紛紜從茲海水無揚

塵 賊初起時勢尚未大將軍常青畏惠不出戰賊遂難制 青又

領侍衛內大臣海蘭察來統兵 解 西至廓爾喀 廓爾喀者烏斯

嘉義關擒爽文及餘賊莊大田 西至廓爾喀 廓爾喀者烏斯

也乾隆五十二年突入後藏 尋與議和復劫藏中頭目五十七

年表貢方物及 南至安南 乾隆五十四年安南 黎維那為阮

督率兵伐之復立維那土 黎維那為阮 黎維那為阮

尋為光平所襲 黎維那為阮 黎維那為阮 黎維那為阮

明瑞大舉征緬 黎維那為阮 黎維那為阮 黎維那為阮

受封定十年一頁 稽首頓首咸來賓是日十全武功之 真

高宗晚年自武功既若此為君談文章 兩朝著作如琳

人號十全老人 宗御製皆積至等身至 勅臣從江南來請

瑯一 纂諸書則又汗牛充棟右文之盛前代未有 六飛臨幸之故地朝發揚州暮宿蘇州

述江南事江南乃是 金焦二山對峙江中流大江西上為石頭莫愁湖水清如油山

川靈氣淑且修一一墨花親灑 天章留百年父老能歌謳吾

王不游兮吾何以休自康乾後不復舉南巡之典即今 橋山瞻咫尺

葱佳氣蟠松栢蒼茫石馬卧寒煙不見軒轅見弓烏欲向通天

奏一詞郎潛寂寂鬢成絲小臣無恨恨生晚不覩康乾全盛時

溫泉行有序 溫泉在福泉寺咸南塘於此掘地得白金五兩黃金一兩銅

詩四

五

三十五斤錢六石七斗鏡一百五十七枚及管珥之屬為文

紀之謂當有蕭后遺跡明武宗宮人亦嘗賦詩今不可見矣

余維天寶華清豔噴千載遵化州屬漁陽郡祿山起兵之地

而茲泉獨湮沒不傳康熙中 車駕臨幸始為詩張之二百

年來士夫乃無繼詠抑地靈之憾也作溫泉行

君不見華清宮中水如玉胭脂尚想楊妃浴漁陽鞞鼓天下驚

無人為賦溫泉行攜來兩袖傷春淚不見御溝題葉向空向風

前唱十香釵鈿零落無憑據秘笈深宮那得知沈吟負手問黃

鸞黃鸞不管焚椒事飛過薔薇第二枝

隨壽民閣學詣 東陵途中賦贈八詩兼跡懷民將軍

少年慕聲氣四海通編帶自從官京師頗頗別蕭艾末裁次公

狂已學伯夷監擇交近十年屈指得者大相知在一言世多目

惟壽民獨 相期各干職長安萬悠悠往來盡冠蓋誰能略勢分

知余猶 推送到吾輩折節君可風忘形余亦太乃知芝與蘭一氣成抗

君家有高樓樓開見西山樓上萬琳瑯樓下千琅玕從君借一

鷓鴣暮奚童還行問與字裏一一施未丹近來時世變束書恒

不觀君獨胡為者窮年心力殫不鄙敬禮文磨石將雕刊三年

負夙諾日夕慚心類轉因交情深言淺非所安終當償息壤嘔

出長吉肝壽民嘗要余為見山樓藏書記

詩四

六

國家都幽燕形勢天下雄居庸峙其西馬蘭障其東與君十日

來脚底如轉蓬會指垂尤城緬想黃帝功竭來瞻馬首復訪松

亭松時與壽民均從張來口歸生長江南鄉氣候多冲融一從來北地塵沙

凋頽谷不嗟行路難所嗟吾道窮方今九州內瀛海相交通天

險化為夷有谷無泥封斧柯不在手愛國徒忡忡怪來聲變微

不中黃鐘宮

初夏游盤山奇特得未有作詩歸跡君沈吟不去手繪圖當卧

髯表詩殿其後詩或未足傳此畫固不朽有約持雙螯登高作

重九誰令咫尺間坐使風月負迷陽一傷足幾等柳生肘壽民

此行再游盤山以在張家口雲泉寺失足受傷不果回頭謝山靈百罰不辭酒

邦均地名有唐槐轟立前朝寺謂天齊廟自慚兩度來探訪末一試僕

夫向我陳搖手戒勿至庚年遭兵火瓦礫餘滿地誰知樹婆娑

固未盡生意雨餘穰自重歲久癭成贅因憶慈仁松共云凋晚

歲南皮老尙書好古至流涕我時約陳行姑作萬一計失喜入

門來蒼翠列鱗次此癸卯年事陳石遺有詩紀之人言未可聽神物豈終闕奇

聲眼前人慎勿失交符

一宿同燕郊再宿同薊州夜長不成寐共數平生游我言山塘

路最好當涼秋傾城集士女簫鼓紛船頭目成許亦可肩語防

難周脂光與粉色水面香浮浮當時不自覺此樂難追求君言

秀川道記得停行舟人家盡臨水離落殊清幽其時雪方霽一

詩四

十一

樹梅花樹下有浣衣人紅妝照碧流至今七八年好景心眼留

聞官苦束縛舉動不自由何當逐鴟夷一解卒歲憂

曉行桃花山山色媚朝陽他山淨若鏡此獨施嚴妝離宮炫金

碧老栢森青蒼記從薊州城並馬同徜徉謂春間與書民及信三舒民同游桃花寺

昔來桃未花今來葉已黃秋風淒以厲瑟瑟鳴長楊感此景

物殊坐惜馳流光此時念信三謂舒民好夢方繩牀

信二謂懷民時為君中表儒雅敦詩書去年來京邑與我得相

於損書久不報所恃惟區區本來情性合不在形迹疏頗聞鈴

閣下時時苦念余別來歲已更問我詩有無豈知江郎筆未老

花先枯仕宦久不進才亦與之俱煩君致一辭為我承興居漢

時昭君冢秋草青何如

附錄 題冒鶴亭盤山詩後

閩縣 陳寶琛 跋

文采繩繩水繪圖江湖斷句匹蘭蓀偶然飛鞋凌盤谷便

欲題詩滿薊門道我風騷愁歌絕官間邱壑與温存定光

塔際憑闌客卅載重提舊夢痕